

欽定廓爾喀紀略

西藏学漢文文献彙刻 第一輯

（欽定）廓爾喀紀畧

（清）方略館纂



西藏學漢文獻匯刻第一輯

欽定藏源略紀略 十六開精裝一冊

(清)方略館纂

編輯 西藏社會科學院西藏學漢文獻編輯室

出版 全國圖書館文獻縮微复制中心

印刷 北京市大興縣古籍印刷裝訂廠

發行 新華書店北京發行所

一九九二年十月

印數一—二二零

定價二百二十元



西藏社會科學院西藏學漢文文獻編輯室編輯

西藏學漢文文獻彙刻 第一輯

一九九一年二月



顧

問吳豐培

主

編拉巴平措
陳家璉

責任編輯

王季垣
哲恆

新
知
學
社

PDG

西藏社會科學院西藏
學漢文文獻編輯室



縮印《西藏學漢文獻彙刊》緣起

《西藏學漢文獻彙刊》是西藏社會科學院編印的一種漢文史料叢書。原為綉裝本，今據以縮微重印，以精裝十六開本譽世。主要緣由有三：其一，綉裝本印數甚少，多已脫銷，極待重印；其二，綉裝本成本較高私人多無力收藏，影響使用。縮印精裝成本低得多，可為讀者置備此書提供少許方便，有利於藏學研究；其三，明年是和平解放西藏四十周年，西藏各行各業人員三以卓越的勞動迎接這個重要節日的到來，我們想以此書作為獻給西藏人民的節日禮物。

這次編印的是《彙刊》的第一、二兩輯，共計重要文獻古籍十六種，四百多卷，成縮印精裝本十二巨冊。今後編入《彙刊》的古籍，除印裝

少量綉裝本供圖書資料部門和海外的需要外，仍將繼續縮微印行。

編印《彙刊》承蒙國務院古籍整理出版規劃小組和全國少數民族古籍整理研究室的支持，在此一併致謝。

藏學研究的基地在中國，率先研究藏族和西藏的是中國的各民族學者，即使從唐代算起，也已經統一千多年。至於運用馬列主義的觀點和方法研究藏學，則始於新中國建立以後，但發展很快，尤以黨的十一屆三中全會以來最為顯著。據不完全统计，近十年中新建成的各類藏學研究機構，不下二三十處，專業和業餘的藏學研究人員已逾千人；已問世的藏、漢文藏學專著和史料集，有四五百種，發表于報刊的藏學論文達數千篇，

其中有些專著和論文，受到國內外藏學界的重視，分別獲得優秀圖書和優秀論文獎。藏學研究的隊伍從前沒有今天這樣朝氣蓬勃，藏學研究的成果從前沒有今天這樣絢麗多彩。這些事實說明，中國共產黨和人民政府，極為重視繼承和發揚藏族文化的優良傳統；中國藏學界的各民族學者，工作極為勤奮且卓有成效。

三

前幾年各地紛紛整理出版藏、漢文藏學史料時，就有人說：這是藏學興旺發達的吉兆，不要多久，藏學研究就會出現一個新的局面。是的，中國藏學陽光燦爛的春天正大步向我們走來。

陳家璣一九八〇年十二月十五日述於北京

前言

《西藏學漢文文獻彙刻》，是西藏社會科學院繼編印《西藏學漢文文獻叢書》之後，奉獻讀者的又一部重要的藏族史料集。

《彙刻》主要選刊西藏學漢文文獻中的善本、孤本和手稿，自成體系。它是《西藏學漢文文獻叢書》的姐妹篇，兩者可互為補充印證。

《西藏學漢文文獻叢書》原名《西藏研究叢刊》，第一輯共十六種二十四冊，均已陸續成書。第二輯共收入自唐代至民國間重要史料八種，現已付印四

種，其餘四種將在明年成書。這些學術界朋友的建議，自第二輯起改用今名，與《彙刻》同時印行。

《叢書》為排印本，《彙刻》為裝裝本。我們這樣做，是因受到西藏學界一些朋友的督促。

《叢書》問世之後，得到了西藏學界和在藏族地區工作的同志們的大力支持和鼓勵，早期出版的幾種多已脫銷，有待重印。大家希望我們儘快把這一部藏族史料叢書編完，早日提供使用，使我們感到形勢逼人，深為不安。

按照西藏社會科學院原院長、《叢書》奠基人

多杰才旦同志的設想，這部《叢書》應當把唐以前至民國之間與藏族有關的可信史料都收進去，使它成為一部確有科學價值和使用價值的好書。這件事才剛剛開頭，還需要做大量的工作。我們從讀者的需要考慮，想到編印《彙刻》也許是一種可行的辦法。

我們試圖用這種辦法達到兩個目的。其一，使西藏學漢文文獻的某些善本、孤本和手稿，早日得以刊布，適應部分讀者的急需；其二，保留某些漢文古籍的本末面目和版本特色，流傳後人，如能達到預期效果，首先要感謝讀者的鞭策。

我國學者對藏族和西藏的研究，從廣泛的意義上說，至少可以上溯到唐代或唐代以前。歷代留下的藏學著述不下千種，見於正史和私家文集，應該說這些著作都是不同時代的研究成果。至於用馬列主義的觀點和方法研究西藏學，則是近幾十年的事情，但近年發展很快，正在成為熱門學科。無論研究隊伍的規模和素質，無論研究成果的數量和質量都超過了以往任何時候，其中在史料建設方面取得的成就尤為明顯。各地不斷成編的文獻史料專集和

繼續。證明有不少志士仁人正在為西域學的發展英
基鋪路。有人說這是西域學興旺發達的吉兆。不要
多久，西域學研究就會出現一個新的局面。我們贊
同這個判斷，並且熱烈歡迎這個新局面早日到來。

牛力耕 一九八七年七月十五日述於北京



(欽定) 廓爾喀紀略序

《(欽定) 廓爾喀紀略》一書，是繼《巴
勒布紀略》之後，敘述第二次西藏地方與廓爾
喀邊境事件的官書，均為清方略館所編纂。兩
書為不可分的姊妹篇，此則記事始自乾隆五十
六年（一七九一）八月，止於五十八年（一七
九四）十月，共計二十六個月的事件，正與前
書相銜接。記述時間多了十個月，其間軍書
旁午，章奏頻繁，卷帙增加了一倍有餘，史料
價值更高於前書。由武英殿刻印，分為五十四
卷，首四卷，也就是乾隆帝所宣揚的「十全武
功」之一的最後一部要籍。

廓爾喀統治者以前次擄掠財物很多，有利
可圖，又認為藏軍軟弱可欺，清政府的兵力，

路途難達，故在乾隆五十六年八月再舉大軍入
侵，又一次占據了聶拉木、濟龍等地，一直攻
入日喀則，將扎什倫布寺的珍寶法器，搶劫一
空，甚至將塔上鑲嵌的寶石也挖走了。第七世

班禪羅布藏巴勒登丹直瑪轉世不久，尚為幼童
，暫行避避到拉薩。西藏人接連遭受災難，達
賴喇嘛和班禪額爾德尼均向清政府告急，請求

派軍入藏，解救西藏人民的苦難。而駐藏的漢
蒙兵丁，也奮起抵禦，如都司徐南鵬僅以八十
餘人堅守營官寨，阻敵入再進。清政府得到
奏報後，立即罷免庸職去能官員鄂輝等，派久
經戰場的福康安為大將軍，勇將海藍察為參贊
大臣，潤臬由漢、滿、蒙古、鄂溫克、達斡爾
等族兵勇，以及德爾格特、綽斯甲等土兵，組

成精銳部隊，分由青海、四川兩路進藏。這種保衛疆土，反對侵略的軍事行動，深得西藏各層人民熱烈擁護和支持，如明正土司捐運棉衣，濟隴呼圖克圖獻出火藥、鉛丸、馬匹等。清政府更調各處兵馬，派陝甘總督勒保籌設口外

軍台，以便運兵運餉，投遞文報。古人云「千里餽糧，士有飢色」，何況當時運輸，遠達萬

廓尔喀紀略

序

三

里，而山路崎嶇，艱難異常。當時派署四川總督孫士毅駐扎察木多，調派征兵，籌運軍餉，是採取了滾運辦法，即先由四川運糧至藏，再由陝省轉運補運，動用了鐵輔、山西、河南、陝西、甘肅各省力量，以濟軍用。因此縮短了時間，加速了運糧。當時所派軍隊，僅萬餘人，而沿途跋運、管理人員，則為軍隊的數倍。

如此辦法，使進藏各族軍隊，很快即達前。後藏，在五十七年五月，就將敵軍全部驅逐出境，失地收復，進而乘勝追擊，終於收回被廓尔喀擄搶的財寶，結束了四年之久的軍事行動，恢復了睦隣關係。

因將西藏地方政權大事整頓，製定西藏善後事宜二十九條，大大加強了中央對西藏地方

廓尔喀紀略

序

四

的治理。由於兵災之後，藏民困苦萬狀，又作了極災接恤工作，使他們生活得以安定，逃民重返家園。此書備載經過，內容之豐富，勝於《衛藏通志》等書，是藏史中極為重要部分。為研究者必備參考書。

我在六十年代增輯有《廓尔喀紀略》未收錄的舊稿多件，整理謄寫，名為《廓尔喀紀略

輯補》。後經十年動亂，幸存未恙，一九七七年蒙中國社會科學院民族研究所為之印行，究以久置十餘年，字跡不夠清晰，而印數也少，頗難滿足需要。今因宸學漢文文獻編輯室，與中央民族學院圖書館協作，用戲版影印，與《巴勒布紀略》先後出版，使此重要著作，又一次呈顯於讀者之前。以前兩種謄印本，經我手整理，今兩書影印，我有幸作序，如今後排印出版，能將增補部分收入，使此兩書三次與我有緣，何幸如之。我正引領以盼此事的到來！吳豐培識於一九八六年元月時年七十有七。



欽定廓爾喀紀畧卷首一

天章一

御製詩

戒滿

戒滿由來恒自期慙予何乃犯忘之偶思蜀省秋收

奏却有藏疆人晏詩

今歲各省年穀收收百凡順意每念盈虛之理常覺歉然無日

不以滿損自戒八月間據鄂輝奏川省秋收豐稔既為川民幸並德及戊申歲廓爾喀侵擾後藏邊界程

欽定廓爾喀紀畧

卷首一

天章一

入章一

于仲其屈抑彼旋旋罪輸誠遣使入貢藏地遂獲寧輯因有西邊西藏輯會問之句此亦道其忻慰之意

未幾復有廓爾喀來搶掠札什倫布近致賊侵報屢一事豈已遂降驕滿而致有此耶

屢廓爾喀前歲甫來歸順錫以封爵不意今歲復藉利藏中債務未清將巡查邊界之噶布倫丹津班

珠爾等誘脅回寨隨使估聶拉木濟噶定日等處無事唐古特兵丁素性怯懦遇賊先退賊遂益肆猖獗

節次據奏賊至札什倫布仲巴呼圖克圖及濟仲喇嘛等倡為邪說先後逃竄以致眾心消惑務散賊人

乘機入廟實為可恨然予料賊人必知官兵不能如期即至因肆侵掠且天氣漸寒自慮歸途阻必於

官兵未至之先飽戰而歸今日接到奏報果已不出所料惟是賊匪狡誦地勢寬遠若不加大懲創無以

宣示國威自當於明春解凍之後厚集兵力架入聲討庶可一勞永逸此時成德鄂輝雖將陸續到彼而賊已遁去勢已無及當俟福康安到京後面授機宜馳往督辦至於宵旰籌謀日有孜孜予尚不以爲勞也

又當軍務策孜孜長言正告聰聽者應識心無刻

放時

賊遁

早慮賊當遁屢停續調師前據保泰等奏賊匪於九月初一夜間將附近唐古特所儲糧石機行燒燬子早即料賊匪必將逃竄况彼果擬觀前藏則札什倫布相去不過數日八月廿一日彼至後藏距保泰發摺之期已及兩旬何以尚在後藏株守此其無能之態已可概見但調兵大舉亦須在明春現在已交冬令官兵到彼雪深路險豈能深入窮迫而糧餉寫軍行至要藏中現又採辦不易若令所調兵丁及跟役萬餘人齊至藏坐食殊覺可惜是以屢次飭諭鄂輝成德等試可令先到之兵駐彼其餘所調之兵及鄂輝等已調而距藏尚遠者竟可暫緩赴藏以節糜費待至明春先期藏尚遠者難於集事茲據保泰賊匪搶掠關中器具及鑲嵌之物已於九月初七日逃竄果不出子意料之中也

兵威遵養暫路險待通期此事初起意謂如果賊匪清遣偵頭不值勞師遠涉今竟敢肆行侵擾若因其遠遁這兩將就完事竟不進兵聲討安保一二年後

達

欽定廓爾喀紀畧

卷首一

天章一

二

賊人不復來侵探則是我師勞而賊兵運轉爲其所使矣惟是道路險遠此時既不能深入而將來大兵進剿需用糧餉亦當豫爲籌備現今孫士毅等悉心移辦至明春雪化之後軍食充足兵力壯盛即可分路前進痛加蹂躪剿戮使之盡耳國 掣肘原無涉埋威庶不敢復萌詭計侵犯邊界保泰於廓爾喀侵擾之後一

根更有時罪他棄藏說籌莫展其先方勸達賴喇嘛移住泰寧幸而達賴喇嘛尚有見識不肯遷移茲又奏賊匪雖去而藏中之人概不可信仍欲將班禪額爾德尼及達賴喇嘛遷移內地殊覺出人意表賊匪不取竟至前藏其無能畏葸情形已畢露及賊人已遁轉欲遷避是慮賊人復來竟將藏地甘心棄置不知是何肺腑稍有人心者斷不出此前後藏地爲班欽定廓爾喀紀畧

悉故

去歲秋之季忽接驛章遞廓爾喀復侵藏按藏地有前後中三

處卡木爲前藏即打箭爐外寮木多也寮木即漢語之靈秀多即山石其地山勢峻拔爲帕克巴拉呼圖克圖所居之地術者爲漢語之中即布達拉大昭達賴喇嘛所居也是爲中藏藏者爲漢語之淨又爲藏節札什倫布廟乃班禪額爾德尼之所居是淨又爲藏廓爾喀部落又在後藏邊界之外其巢穴名陽布先是後藏邊外有巴勒布三部嗣爲廓爾喀兼并遂與後藏之聶拉木濟龍宗喀等處接界戊申歲廓爾喀使此三處唐古特兵不能抵禦因念我朝振興黃教自應爲彼護衛即命鄂輝成德巴忠馳往辦理及大兵至彼並未接戰旋據巴忠等奏稱廓爾喀畏罪歸降了事不意上年八月木蘭圖中接駐藏大臣保泰雅滿奏奏廓爾喀復來侵擾並有索債之言子方以爲或係彼與藏中有交易債負之事未嘗卽立意發

欽定廓爾喀紀畧

卷首一

天章一

四

兵門索債倡浮議豈知巴忠者其父投河斃彼時巴罪也此信卽請將伊革職馳往辦理予因未悉其詳未允所請乃巴忠旋於是夜投河自盡聞之生疑駭彼實於前年差往理斯事命鄂輝成德率兵前往因巴忠素曉唐古特語令往會同籌辦並非因其材具出衆特加簡用且三人同任此事而彼獨畏罪輕生其中必有別故三人功過均何致歸其自疑之勤訪詢漸乃知詳悉叶番邊被賊占去私賄求還地贖價復欠之而更無防備所以賊藉詞誘擒施奸計前此噶布倫丹津班珠爾

同巴忠私向寧爾喀許銀贖地嗣復指不給與以致
廉爾喀設計誣誘丹津班珠爾至攝拉木假言會議
藏誠所許之銀丹津班珠爾墮其奸計於上年
七月內在春隊地方被其誘去焉留挾以為質
性惶怯見賊即逃避賊因犯後藏猖獗弗可制前冬

彼三人同事見乃異成德曾與爭欲示兵威屬巴忠

通番語講和乃作偽送誘廉爾喀降來京已受賜

此次起事緣由保泰等並不查明據實具奏朕令軍

機大臣詢問在京達賴喇嘛之弟羅卜藏根敦札克

巴復諭令鄂輝查奏始查出上次巴忠與噶布倫丹

津班珠爾向廉爾喀頭人私相定議每歲許給元寶

欽廉爾喀聖畧 卷首一 天章一 五

三百個令其退還搶佔之地巴忠到京復命時又面

求請封廉爾喀為王爵彼時朕以廉爾喀既遣使投

誠允其所請因封拉特納巴都爾為王爵并封其叔

巴都爾薩野為公爵不料皆係巴忠種種謬妄實為

此案罪首巴忠以伊係御前行走特蒙派往送爾諸

事擅專鄂輝成德不解唐古特言並未與賊接仗虛

附和令藏人許銀贖地所調多兵並未與賊接仗虛
庶糧餉至一百餘萬之多准時成德尙欲進兵剿殺
而巴忠力主和議置之不顧在巴忠之意祇圖目前
完事設或數年後賊匪復滋事端竟可藉詞設卸初
不料甫隔一年即來侵犯竟敢擾至扎什倫布並將
噶布倫丹津班珠爾等擄去占據邊界巴忠自知事
必敗露難免刑誅此其畏罪自盡之由也惟是唐古
特兵丁素性怯懦遇賊先退賊遂益肆猖獗若不集

兵致討掃蕩賊巢此時賊匪或仍逃避迨我兵既撤
一二年內不能保其不再來侵擾未為一勞永逸之
計 賊歸甫踰歲即仍侵犯肆無已應發師案入問其

罪用人慚錯誤 此事巴忠謬誤殊出意料之外 念軍
然用人失當朕深引以為愧

受勞瘁棄藏斷弗宜 爾德尼駐錫之所康熙雍正年
間兩次用兵俾得安輯予臨御後復加振興豈因小
醜頓年侵擾即可棄之不顧且此時不痛加懲創安
知賊匪占據後藏之後不浸尋以次蠶食前藏國家
帑藏充盈兵威強盛數十年來屢歲大功亦何所顧
忌而甘於 二奉過當治 保泰一聞賊匪滋擾信息即
棄置耶 將班禪額爾德尼移至前藏

欽廉爾喀聖畧 卷首一 天章一 六

及賊匪搶掠扎什倫布並不帶兵剿殺復奏請將達

賴喇嘛班禪額爾德尼移駐泰寧西寧等處是竟欲

委藏地於賊錯謬已極本應即將伊正法因念伊係

拉什之孫其父那木扎爾又係陣亡姑從寬典節次

降旨將伊重責并於該處永遠枷號以示嚴懲雅滿

泰同係駐藏大臣於藏內事務既不隨時具奏而保

泰此奏又與聯輝厥罪 一切緩急幾宵旰籌量細

惟均因一併枷責示儆 安等謀畧素著自堪倚任然緩急機宜予亦未嘗不

宵旰籌謀倍加詳慎因節次諭令福康安如兵力未

齊不妨稍為停待姑用檄諭誘令乞降以牽殺賊匪

使其懈不設備統俟海蘭察等及索倫屯練兵丁全
數到齊出其不意統領大兵奮勇前進將運迴邊界
賊匪一鼓殲擒即乘兵威勝勢直搗巢穴更可一舉

其事此等機宜均須詳細指示祈年節事轉覺紛擾但各蒙古及各國使臣齊集京師年例筵宴典不可闕若因此停減轉敬各外藩之疑況此邊外之邊藪爾後區子節次告歲武功經練已久亦不值因此小醜跳梁遂至曲直滅膳徽樂也

天垂鑒非我貪彼利 賊匪反復無常既已虜受封號復敢再肆滋擾不得不登罪致討以

期緩靖邊固保護黃教且朕並未有利其土地人民之意此番用兵曲直昭然自蒙 吳鑒也大

小功成九子荷 上蒼鴻佑屢戡武功兩定準疆再收大小金川平回部降緬甸靖臺灣服

安南及已酉茂席爾喀降凡九次豈尚不知足而好為黠武之輩惟此次麻爾喀復來侵擾並搶掠扎

欽定麻爾喀紀畧 卷首一 天章一 七一

什倫布財物事非得已不能不以兵應之現在調往各兵二月內俱可到齊彼時雪消候暖道路開通且賊巢距邊界不過七八日無難剋 胥賴

期蕙事夏初當可盼捷音之至耳 宵賴 上蒼庇豈仍不知足黠武無戒息兵應去弗得已日夜

勞慮思佇望春夏間紅旌捷或至

駐西寧副都統奎舒奏報進剿廓爾喀兵行事宜

詩以誌慰

進兵由西寧先聲已徵吉 此次命福康安為將軍征 剿廓爾喀逆匪因憶官兵

若由西寧出口自青海草地行走較之四川由打箭爐至藏程站近至二十餘日冀得迅抵衛藏可以早知彼處情形且廓爾喀更在衛 然以隆冬行草枯雪藏之西地名西寧已徵吉兆

過膝未免跋涉艱兼之山氣逼先是頻言胥恐行難必子亦為之慮率弗安晨夕將軍持意堅辛苦所

弗恤 康熙年間因準噶爾策安阿喇滿坦侵擾藏地興師進討即由青海行走雅時係在八月起程

天氣和暖正在水草之時故兵行較易此次時屆隆冬多有言冰雪較大跋涉維艱者且聞間有瘡癘之

氣倘有阻滯欲速轉避是以節次降旨令福康安與勒保奎舒面同籌酌若果實在難行不妨改道鞏昌

欽定麻爾喀紀畧 卷首一 天章一 八

仍由四川一路赴藏然予早已料及福康安勇往急公苟可行走必能仰體朕懷以冀早慰宵旰而福康安果即於十二月初一日徑由青海出口前進在福康安忠勤素著持意堅定不辭勞瘁然予不免時深

念 蒙古普勤王陸續濟馬力積薪並積糞以供炊糧

食 茲據奎舒奏報先後接據福康安札知自西寧出口以來沿途並無大雪天氣較往年和暖所有沿

路車站預備一切俱屬妥協蒙古番子等供給柴薪糞草均為踴躍間有瘴氣之處俱已平安行過業于

正月初三日入西藏交界自此一路平坦可以計日而到海蘭察等相繼前進途中並無阻滯亦於正月

十三日行抵二十二臺喇嘛托羅該地方等語覽奏為之欣慰仰荷 吳蒼睨佑益深敬感至所奏蒙

古札薩克王公等備辦馬匹均各妥協因思雍正年
間青海跳梁尙致勞我兵力平定以來數十餘年撫
馭使柔咸深威敷不特內札薩克如家人父子共矢
尊親即以青海之遙遇有此等官兵經過之事無不
歡欣鼓舞奔走恐後此次福康安等進剿廓爾喀經
過該游牧地方郡王索諾木多爾濟等辦馬數千匹
並親赴臺站來往稽查照料奮勉可嘉爲從古所未
有是以加恩分別晉職自親王貝勒貝子公職銜並
賞資幣更有差

天之佑多遇晴和日山陰氣濕寒衆役皆寧謐險路安

行過近藏途已逸奎舒具以報額手感

欽定席爾密紀畧

卷首一

天章一

九

陰陽曲直賴

昭鑒師出本以律 廓爾喀前次侵擾藏地邊界亦既允
窮兵黷武之竟不料賊匪恃其險遠以我兵不能迅
至竟敢擾至後藏而唐古特人等平素懦弱過賊先
通逆匪送款其無能益罔忌憚若不聲罪致討卽先
年來闖揚黃教之地幾致爲賊占據是以不得已方
出應兵命將致討師出以律曲直昭然自衛 佇待捷
音來敬勸勵宥密

副都統成德奏報追剿廓爾喀賊匪情形詩以誌

副都統成德奏報追剿廓爾喀賊匪情形詩以誌

慰六韻

初教慎重勿輕視

前次廓爾喀滋事辦理錯誤鄂輝
成德均係同事之人朕特加寬宥

今其將功贖罪成德聞信後卽於八月廿二日奏明
帶領漢土弁兵三百餘名前往剿辦鄂輝亦于九月
初六日自四川省城起程子方慮成德勇昧貪功曾
屢降諭旨令其加意慎重不可有輕視賊匪之意
不意鄂輝成德行走瀟灑其中
途節次發摺之期按計程途每日
繼以羈延勒奮揚

不過行走一節節經馳諭嚴行申飭并諭知現在福
康安帶領巴圖魯侍衛章京及索倫達呼兩兵赴藏
將來平定後功歸主將伊二人亦不過與衆將弁勞
績相等仍冀激發天良使之奮勇立功以贖前愆

欽定席爾密紀畧

卷首一

天章一

十

遲速亦惟機應動勸懲漫謂定無常 嗣據鄂輝奏賊
匪于搶掠札什

倫布之後尙在邊境逗遛觀望彼時鄂輝成德若能
早抵藏內卽可跟蹤剿殺使其片甲不留庶幾震攝
兵威知所啟懼且亦正伊二人立功贖罪之時乃竟
坐失機會此其錯謬甚大豈可復膺封疆專閫之任
因將鄂輝革去總督賞給副都統銜駐藏辦事成德
亦革去將軍賞給副都統銜在領隊大臣上行走行
軍之道遲速在於應機而動而賞罰嚴明尤在鼓勵
將士知所懲勸功罪惟其自取在朕豈有成心耶
示和悔用巴忠錯 往歲令巴忠馳往藏內會同勦辦
或可易於集事詎伊恃在御前行走諸事擅專乃有
私同噶布倫丹津班珠爾許銀賄地之事在巴忠或

亦料賊無能止圍遷就了事不意甫論一年復來侵擾巴忠亦即畏罪自盡用人之錯予固引以為愧而唐古特人等又復怯懦不能抵禦及賊至札什倫布仲巴呼圖克圖攜背先去羅卜藏丹巴爾以下恣聚遂至賊匪入廟搶掠益欺弱致招廓爾喀猖獗地不肆披猖聞之深為憤恨

迴餘賊戀初意賊匪聞大兵將到或慮大雪封山必賊匪尚有在羅拉木濟噠等處者蓋妄意仍似前此購或或議給銀兩以贖所侵之地此正天奪其魄使之坐待誅戮是以係戀不催軍急進我兵強小回當亦弄惡貫盈不能倖逃耳

碩連破多誅戮官寨周圍密伺防

欽定龍圖閣紀畧 卷首一 天章一 十二

真穆克登阿率領滿漢屯土弁兵乘夜急進至相距蕭拉木里許伊由西北穆克登阿由西南進攻天明齊抵寨脚賊匪猝不及防逆擊張占魁率領弁兵鼓勇直入並用火彈拋入賊寨燒斃賊匪甚多其逃出者被官兵截戮二百餘名生擒七名奪獲器械并米糧牛羊等項餘賊向據守官寨抵拒隨令四百擊卡閉困用礮攻擊釜底游魂斷難漏網等語此次成德等剿殺賊匪及圍困官寨頗奮奮勵可嘉因各賞給大小荷包並將成德前此行走選滯部議革去副都統職銜之處加恩寬免以示獎勵其屯備木塔爾等三人均於現職上加陞頂帶一等並賞給正俸其益加感奮至上年帶兵侵擾後藏之大頭人瑪木薩野想此時未必不在官寨之內現在鄂輝亦領兵到彼助勦聲勢益壯涼不難生擒此人解京正法即此首

報喜音得微事機至順此特福康安到前藏已及兩旬酌量緩急自能辦理妥協次第期平惟冀迅奏膚功捷音踵至 捷信慰看首喜報期平次弟待馳章以慰懸望

華滋信

閩歲立春運華滋華未滋例斯萬幾理適值遠音馳福康安到藏後必即有奏報以慰懸厯日內正切盼望今日詣聲明圍理事之際適據奏到於正月二十日已抵前藏即於二十二日發摺所有經過瘴病之處上下人等俱各平安安此皆仰荷 吳恩默為佑助即此事機悉微順利小瘴瘴境已過猖狂賊勢知醜跳梁不難尅期俘獲也

欽定龍圖閣紀畧 卷首一 天章一 十二

福康安至前藏與達賴喇嘛班禪額爾德尼相見宜布此次用兵護衛黃教至意藏中僧俗人等無不忻感至前次私許每年藏中給席兩喀元寶三百個還回侵地雅時達賴喇嘛即不願如此辦理因巴忠與噶布倫丹津班珠爾立意講和而鄂輝成德亦迭扶同完事當年已即如數付與去年五月席兩喀復來索取遂誘嬰丹津班珠爾至其巢穴並搶奪帶去元寶一百八十個敢肆猖狂實屬可惡又詢據在藏貿易之巴勒布人等余稱因鄂爾喀并吞各部落後伊等家室俱遭擾害今聞天兵征討無不歡忻誼切同仇現擇其中可倚信者帶同前往以為嚮導是前此合福康安驅逐此等貿易之人不特可以不必亦且可為我之驅使矣又據奏接到鄂輝成德攻圍番拉木賊匪情形其濟噠絨轄兩處尚有屯聚賊人福康

安慮其潛逃撤防鄂輝成德等嚴截後路痛加戒戮
庶不致一人漏網福康安料理數日亦即馳往督勦
所辦俱合機宜至屯練番兵及索倫達呼兩兵據云
二三月內俱可陸續到齊探以彼之形勢加以我之
勁兵葦不難一舉蕩平
惟聆捷音之速至耳 勁兵俟全集一舉洗羌兒

兵行

據勒保奏副都統烏什哈達岱森保帶領索倫達

呼爾兵頭起於正月二十四日前抵西寧所有駝

隻馬匹及應行裹帶之鹽菜口糧等項預備敷餘

已自正月二十七日至二月初十日先後接起全

行出口赴藏覽奏欣悅因成是什

內地兵行久定章侵陵勿許禁原詳塗徑飽暖諭之

宿 本朝定制凡兵行征調無論入旗索倫綠營俱分

別思給賞資及行糧鹽菜銀等項備極體恤從無

騷擾地方之事近聞地方官有一二好為周旋體面

者與帶兵之巴圖魯侍衛章京等或親送致情帶兵

之員亦有收受者此原非慮及兵丁侵陵及有挾詐

情事但軍律吏治均屬攸關是以此次派調索倫兵

赴藏之前即嚴切降旨沿途督撫毋許仍蹈交接匿

欽定廣輿略記 卷首一 天章一 十三

辦理兵差亦宜于此加意仰體所有兵丁過境時飯
食湯水妥為預備俾得飽暖遠行盡與其用情于不
當之處致滋胥吏長隨閒銷中飽何如今兵丁 聖吏
等得沾實惠且利征行亦斷不致過於靡費也 聖吏
周寶理亦當 去冬大兵政行時巴圖魯等大員各賞
銀二百兩侍衛章京等各一百兩護軍
驍騎校至兵丁各五十兩索倫官員兵丁過京之日
分別賞給大綬荷包銀線有差又傳諭勒保于兵丁
抵西寧時再各賞銀二兩茲據勒保奏兵丁得受分
賜極為歡忻感激而該督又自捐銀一千兩按名分
給先據帶兵副都統烏岱森保奏稱過西安時巡撫秦
承恩給與兵丁每人各錢一貫在兵丁等受朝廷恩
賞已優此項得之望外自必益加踴躍該督撫等差
廉豐厚際此軍行捐貲輻輳急公報効理亦當然朕

欽定廣輿略記 卷首一 天章一 十四

聞之頗為嘉悅在經過直隸時甫於京師受賞 助馬

原不必過於稠疊稟肯堂未行給與朕不怪也 助馬

堪嘉衆青海衛程倡始 兩藩王 前因青海札薩克郡

官兵過境時備馬數千匹以利軍行並就近赴各臺

站稽查照料已賞給親王職銜其員子公各晉職一

等並在事出力之札薩克以及官員兵丁俱分別

獎賞又郡王納漢多爾濟亦親自帶領蒙古人等護

送官兵出境沿途稽查查站甚屬可靠前已加恩將

伊舊調十年王俸全子豁免茲復令與索諾木多爾

濟同在御前侍衛上行走以示鼓勵蓋漢唐宋明之
用兵在上者不知體恤在下者不免怨咨如村甫兵
城彼時中國畏其強梗之不暇以視今日兵行破境

奮勉趨公供給周備豈可同年而語此皆仰賴上天恩佑 祖宗威靈迥越前古且去冬天氣和暖兵行無滯人事 天時胥微大順師貞之吉於此可占而朕之威激敬揚益不可言語形容矣

天時人事胥微順益慎師貞盼捷忙

鄂輝成德奏報攻破聶拉木賊寨詩以誌事

東寨雖摧西寨在月餘攻勦幸功成 成德於去冬十月二十八日

文勒聶拉木賊匪及正月初二日已將賊人東寨拋擲火彈先後燒燬並殲賊生擒賊匪多人外其西寨固守之賊今始奏到將賊寨西南牆角刨挖三丈餘隨於正月廿四日運入火藥四十包至午刻火燃藥

欽定廟略紀畧

卷首一

天章一

十五

發所有西寨墻垣房屋立時轟擊無存其竄逸轟傷者盡被誅殺又生擒二十一各並訊掠生獲賊人供稱寨中共有大小頭人五名一被轟斃一被殺死現在擊獲大頭人咱瑪達爾阿爾會薩野一名即從前侵擾扎什倫布大頭人瑪木薩野之姪又小頭人二名連前生獲大小頭人共四名賊匪共四十三名等語

同勞軍士誠宣力涉詔將臣不近情 木官寨所存

賊匪不過一百餘名所有賊人糧食俱已燒燬又經斷絕水道是賊匪勢窮力感不啻束手待斃無難計日攻克乃自上年十二月二十八日圍攻運至一月之久始將此處賊匪殲盡連欲屠功遠獎並將帶兵人員臚列至二十三人之多懇請加等陞用賞給巴圖魯名號及花翎等語聶拉木賊係一隅即欲優賞

勦除之功將來蕩平陽布又當何以加恩至於此次奮勉堵截之侍衛珠爾杭阿永德阿尼雅布等令福康安傳旨各賞大綬一疋其刨挖牆角之都司什格蒲益章同巴塘副土司成勒春丕勒等及巴塘土兵協力宣勞自應獎賞以示鼓勵若鄂輝成德二

人不自引咎張大其詞可謂視不知恥者矣 曰傷

曰褒自取付 野既係瑪木薩野之姪鄂輝成德自應

即時訊供具奏乃止將該頭人送至前藏交福康安審訊解京是其意存推諉已屬謬誤尙復誇張勞績殊不可解因即降旨嚴加申飭所有在事弁丁除陣亡受傷者照例賞卹外其餘出力之人并令福康安確查量加獎賞具奏蓋行兵之際全賴實功嚴明庶矣人知愧厲即如成德初次剿殺賊匪當即優加恩

欽定廟略紀畧

卷首一

天章一

十六

賚是或飭或褒亦視其人之自取在朕惟平心應付未嘗有畸重畸輕之見也 或嘉或否我

惟平尚留緘轄濟噶藥可謂淨除毘進兵 鄂輝成德

濟噶二處尙有屯聚賊匪俟勦平聶拉木賊寨後即當赴彼乘勝圍攻等語乃此次奏摺內送謂賊匪盡數勦除地方全行收復而於轄轄濟噶二處之賊並未一言及之更屬鶻突然朕亦早已料其無能是以特令福康安等前往勦辦若僅倚任伊二人不幾又同前次構忤了事乎此時福康安諱早已馳往獎率

具弁乘機誅戮惟

驗速獻戎捷耳

福康安摺奏進兵一切情形詩以誌事

經理郵書待日深自前月廿七日接福康安奏摺行後又已經旬日內正深切切

官茲閱策籌忱是日駐蹕車兵糧軍器饒俱備前據

毅鄂輝奏明前後藏共辦糧七萬餘石牛羊二萬餘

隻送福康安奏稱現今新設各臺烏拉計糧石萬餘

運送牛羊俱在有草地牧放通盤核計儘敷兵食

現咨會孫士毅毋庸內地轉輸以節糜費又奏就近

於前藏南界貢布地方採辦硝磺並宣諭濟噶呼圖

克圖扎薩克喇嘛堪布噶布倫等令將該處商上存

貯火藥二千四百餘斤鉛九二萬八千餘觔交出應

用以省內地運送之費至稱各寺喇嘛及噶布倫等

俱有自養好馬現在酌加賞賚選得健壯好馬一百

匹將來仍可添買數百匹一切善辦周妥充裕深為

嘉定廟爾察記畧

卷首 天章一 七

悅殿後直前佈以謀更勵外疆先進勦昨據鄂輝等

奏及想尚未接到軍報所有緘轄濟甯二處均與賊

境毗連為大兵進剿要路尚有屯聚賊匪自須上緊

期除以利深入至奏稱附近廓爾喀之布魯克巴作

免過於却虞猾寇預聞音此次收復哲孟雄宗木二處固屬可喜惟是該二處

及布魯克巴等部落素被廓爾喀攻劫其翼構無

能已可概見若於大兵聲討之時令其同時進攻匪

賊匪策應不暇原可得力此時失令深入幸而得勝

則該部落轉居其功若不能取勝轉令廓爾喀知大

兵將至得以早為設備其於進剿機宜殊覺失於計

算雖萬里之外兵難遠度而遲速變急情勢顯然不

能不為指示俾不為遙制雁遙念萬里原來一寸心

知慎於將來耳

扎什倫布廟誌事

扎什倫布者須彌福壽稱唐古特語扎什者華言福

也扎什倫布者言其福壽如須彌山之高大也庚子

歲班禪額爾德尼以子七旬萬壽來京祝釐念其自

扎什倫布廟式於山莊特建此寺以資安禪

來駐此示寂送歸會班禪額爾德尼祝釐之後因令

春間送歸乃即於是年十一月示寂西黃寺本願治

年間因五輩達賴喇嘛來京

中來去因緣 廓喀昨寇彼後藏扎什倫布係屬輩班

未可思議

子年班禪額爾德尼來觀朕錫子已為優厚其由艸

地行走沿途各蒙古及在京之王公大臣等布施財

幣更屬不貲總計當值數十萬金乃班禪額爾德尼

既在京圓寂若其仲巴呼圖克圖慶臻堪布等於

還藏後酌量施舍各大寺廟及看守後藏之番兵則人心悅服卽沙瑪爾巴係班禪胞弟亦當酌量分贖自不致垂涎窺伺其前藏之戴琿第巴等及唐古忒番兵亦必共相護衛又何至有沙瑪爾巴唆使賊匪來滋擾搶掠之事蓋仲巴歲臻二人不免利慾薰心且推原其意總以衛藏皆係達賴喇嘛地方惟扎什倫布爲班禪額爾德尼駐錫之地廟宇以外非其所管所有戴琿第巴皆達賴喇嘛所授未免心存彼所不復資給以結其心卽以佛法而論亦當以布施濟衆爲念錢財幣帛爲身外之物俗家尙不可慳吝株守况出家人本以空寂爲教者乎而乃見不及此徒爲賊匪所攘慢藏海盜理有固然又風聞沙瑪爾巴敬唆麻爾喀謂伊與仲巴呼圖克圖俱係前輩班禪額爾德尼同母弟兄所有扎什倫布資財伊原屬有欲奪麻爾喀等語

卷首 天章 九

欲奪麻爾喀等語沙瑪爾巴挾嫌貪利暗中唆使實爲此案罪魁而仲巴呼圖克圖一聞賊至不率衆喇嘛竭力守禦乃攜帶細軟先期逃避遂致濟仲扎蒼等復托占詞惑衆以致衆心離散守禦無人賊匪竟至佔據廟宇肆行搶掠並將厄輩金塔毀壞是以將爲首之呼圖克圖在彼刻黃正法其餘喇嘛等解京究治至仲巴濟仲卽令在彼刻黃正法其餘喇嘛德尼之凡人本無能辜解至京免其死罪已安插寺廟間住而巴都爾薩野及沙瑪爾巴不可不擒獲正法以示懲創前次賊匪滋擾已誤於巴忠丹津班珠爾等許銀賄和以致肆無忌憚故智復萌此番若不痛加誅戮浸毒蠶食不致搶佔前俗人等得以免軀寧慮熙雍正年間兩次用兵俾僧俗人等得以安輯寧慮朕臨御後復加振興黃教豈可將就了事不爲杜其

後忠是此次用兵實必不得已之舉卽將來蕩平廓爾喀之後將其地土仍分給其所佔各部藩而朕並不利其尺土一人此心實可以仰對 官軍今討應吳蒼惟冀捷書飛遞速藏大功耳

廣安寺誌事

伊犁平定三十載 西師之役始於乾隆乙亥春是年秋準噶爾汗達瓦齊卽以就擒其三十餘載新疆二萬餘里咸入版圖年班來觀倍加恭順中外一家之盛誠爲自昔罕觀 次第運官愜衆歡 仰仿西藏三摩耶式建普寧寺復仿伊犁固爾扎都綱建安遠廟及普樂寺蓋蒙古素重黃教每歲山莊祝釐及年班進京往來必經此地令其 奚營北荒來卉服 此廣安寺瞻拜皈依各生歡喜 更因土極厄特歸順於三十七年創建者也西域既定之夜極知止足若安集廷拔達克山等處且概置之豈必欲盡 天所覆悉爲臣僕而土爾扈特全部十餘萬人跋涉萬里投誠嚮化實 天與人歸有不期然而然 且看南澗萃金冠 至於安南阮光平始而侵擾者 察城黎雅雜祁山走其母妻故關求救以黎氏之臣服本朝百數十年不得不爲之興師復國旣而知其不能自立詠此事卽有 安與師聲討而阮光平屢次進表悔罪投誠歲已酉

卷首 天章 三

安與師聲討而阮光平屢次進表悔罪投誠歲已酉

先令其姪阮光顯來至熱河謝罪並稱伊於去年親赴闕廷祝釐乞封子旣念黎氏爲天之所厭准

當奉若無違又憐阮光平畏懼恭謹出於至誠中朝既不利其上宇黎維祚又不堪復令歸國究竟復立

何人固卽允其所請賜以封爵迨阮光平來朝此地厚加恩禮事機相值自臻大順卽此可知予非輕於

興兵近數年來惟期休養豫寰宙不意猖狂犯堽惟願與海

酋突唐古特與唐古特交易受誘滋擾藏地邊界且聞大兵一至

卽復逃遁且遣陪臣奉表進貢因而曲加寬宥封以

王爵此次復侵藏子意以爲亦不過如前歲之計圖

小利不值與師大舉至于竟敢侵犯扎什倫布寺搶掠財貨猖狂已甚則非意料所及也弗得已

征廓爾喀非綠廣土畫番安

欽定廓爾喀紀畧 卷首一 天章一

三

往歲廓爾喀滋擾藏界予卽意駐藏大臣必有經

理不善之處旣而果悉噶布倫索諾木旺札勒及

第巴桑噶等種種營私而駐藏大臣慶林等付之

不問且抑勒廓爾喀表文不爲轉奏以致無所控

告蓋中朝之於外夷貴待以至誠放其小過使之

心服若彼實有奸謀則又當震以雷霆不可令其

肆志滋蔓也去秋於木爾圖場復聞廓爾喀滋擾

藏地初不意巴忠有許銀贖地之事也卽巴忠聞

此事自戕始疑此事必有蹊然亦不過仍令鄂輝

成德等統兵前往示之以威當可藏事又何嘗有

利其土地人民之念違欲令重臣統勁旅爲勦穴

擒渠之計繼聞其竟至札什倫布肆行搶掠仲巴

呼圖克圖率先逃避以致衆喇嘛不復守禦又聞

紅帽喇嘛沙瑪爾巴與酋長之叔巴都爾薩野狼

狽爲奸意在飽其慾壑此而不折其奸謀勢將吞

噬前後藏地倘彼卽果如往歲之望風逃遁而我

兵歸而彼復來我兵往而彼復遁是彼且以逸待

勞而我兵轉有鞭長莫及之勢矣國家振興責教

百數十年豈可不爲之掃逆氛而奠疆圉是此次

之興師問罪實出不得已况屢次諭令福康安等

欽定廓爾喀紀畧 卷首一 天章一

三

將來罪人既得之後所有賊匪平日并吞各部落之地仍各給還既令各部落踴躍助順速於蕩功且以示天朝舉動自關大義並非欲廣土疆逞威武耳此事曲直之理昭然可以自信近日盼捷殷切願念此寺廣安之義復識及之

戒得堂自箴

既雨霑猶欣既晴逢時若亦慰時讚作是情咄哉此語

欽定廓爾喀紀畧 卷首一 天章一 一語

又憐失惕耳寸心當戒盈莫謂閒堂適偶愆正懷番

界事遐征前歲廓爾喀滋擾藏界因卽畏避額降允令來京進表並且嘉其恭順賜以封號不

意去秋復來侵擾竟敢搶掠扎什倫布財物命將往征實非事所得已也固非土地又期

得國家大功屢薦拓土開疆里逾數萬要皆屬事不

得已並非窮兵黷武思以逞已之欲已詳見斯堂

之記今廓爾喀滋事始尙未有用兵之意及命福

康安等帶領勁兵前往聲討亦曾諭令擒獲首惡之

後將賊所并吞地方仍卽給還各部落以示問罪之

師非有期得土地之念此事勢難中止心可共見而

盼望捷音究非戒得之爲盼獲捷音惡願名

永恬居

雪形千尺詠畫趣五言拈谷口入咫尺山居近視瞻

今年却初到勝地愜停淹陡憶捷書至征期廓爾喀一事原因巴

都爾薩野沙瑪爾巴等利欲薰心自起蜂端不得不

與師問罪擒獲首惡以安衛藏實非利其土地好爲

窮兵黷武之舉茲來仰瞻奎額偶念及此當可

仰道皇祖在天之靈默爲鑒佑速蕩大功早得

捷音俾藏地僧衆永享佳名副永恬

安恬之福副此佳名耳

欽定廓爾喀紀畧 卷首一 天章一 一語

欽定廓爾喀紀畧卷首一

欽定廓爾喀紀畧卷首二

天章二

御製詩

福康安奏攻得濟隴賊寨詩以誌喜六韻

擦木瑪噶平聲以次舉昨據福康安等奏五月初六日

亘山梁路更險峻福康安等恐賊匪聞知據險抵禦

因不待各兵到齊即乘雨夜分兵為五隊登山潛至

賊巢墻外屯兵等奮勇越進奪獲碉座殺死賊匪一

百餘名其後一礮亦經官兵鼓勇先登殺死賊目三

名賊匪九十餘名拿獲活賊十八名遂即乘勝直前

初八日行至瑪噶爾轄爾甲地方山梁陡峻峭壁深

林有賊匪三百餘名藏身林內官兵併力擊殺數十

名福康安等派兵繞至半山埋伏令各兵故留一途

誘賊上山帶兵橫衝鎗箭齊發賊眾奔竄經官兵追

過邦杏地方殺死賊目七名賊匪二百三十餘名拿

獲活賊三十餘名連日再戰再捷士氣倍增除福康

安海蘭察惠齡等褒賜外兵丁等先賞一月錢糧以

東北石上砌碉東南山梁石砌甚陡賊匪分據險要

負隅固守山下寺宇亦為佔據福康安令巴圖魯持

衝章京將領屯弁等分隊即於初十日丑刻乘其不

備攻取各碉使之處處受敵彼此不能相顧惠齡帶

兵往來策應其山麓稍平之地海蘭察率領索倫騎

兵分為兩翼以備截殺逸匪是日午後官兵冒雨攻

圍向晚雨甚復令官兵乘勝將濟隴立時

克復並不于賊以暇佈置籌策均為合宜

賊竟抗顏

以死敵師爭刃血更雄加撫其要險鴉失翼遠克中

堅轟洗沙福康安分派各隊已定令各路同時並進

賊匪拚命撲出官兵殺賊甚眾即將山梁

佔據旋將喇嘛寺賊匪殲盡進至臨河碉下賊匪因

係取水要隘抵禦益堅隨將攻克山梁兵丁撤下協

攻並用砲轟擊碉座賊匪落河淹斃甚眾其登岸逃

逸者俱被殺其石砌碉座官兵拋入火彈將上兩

層賊匪盡行焚斃竄出者亦即拿獲及官兵進撲賊

寨先將寨下房屋焚燒乘勢進攻賊匪放鎗投石抵

死守禦因復將各路官兵全撤至賊寨併力進攻兩

面用砲轟擊轉木為梯礮附而登將寨外石壘折毀

至亥刻將東北隅攻破賊匪逃竄者我兵盡力窮追

痛加截殺此次共殺賊頭目七名賊兵六百四十七

名其投河落崖及在碉寨內傷斃者尚不在此數又

搜獲逃匿活賊七十五名自擦木拜杏至濟隴前後

四日之內痛殲賊眾三戰皆捷聞

之實深喜慰頌手感謝

吳規報至喜翻成欲泣

念馳憐切詎惟嘉復番境已歷寇境

直前將屯據賊

此大官兵奮勇

直前將屯據賊

直前將屯據賊

直前將屯據賊

直前將屯據賊

直前將屯據賊

直前將屯據賊

直前將屯據賊

直前將屯據賊

直前將屯據賊

直前將屯據賊

匪攻剿無遺不惟出力可嘉其冒雨攻圍夜以繼日尤堪憐念福康安海蘭察恩齡三人俱優加賞資俟大功告成時再沛酬庸之典其帶兵奮勇之護軍統領台斐英阿加授散秩大臣副都統銜阿滿泰以副都統卽用其餘出力之侍衛章京將弁等賞巴圖魯名號者十二人賞戴花翎者十三人賞戴藍翎者二十六人陞任者三十五人至索倫屯土官兵等均賞一月錢糧以示鼓勵現在大兵連次克捷所向披靡已將後藏邊界肅清自濟甯八十里一過熱索橋卽爲賊境福康安等自必乘此軍威深入賊巢攻剿陽布惟冀仰邀 天恩助順將逆酋等全行俘獲以申國法而靖遐荒計此番奏捷至今已經匝月諒日內已掃穴擒渠窮途適 陽布摧枯望不賒遠惟願盼捷音速至耳

欽定平定回疆方略 卷首二 天章二 三

福康安奏攻克熱索橋進剿賊境詩以嘉慰

熱索河橋界番廓 福康安等奏自五月初十日克復濟甯後卽整頓兵力於十三日前進距濟甯八十里爲熱索橋過此卽屬賊境最爲扼要之區賊人跨河浮搭木板爲橋并於北岸三四里外索喇拉山上砌石卡一處南岸臨河砌大石卡二處賊人恃險扼禦防備頗周 賊之門戶備防周雖摧北卡艱中渡 又稱濟甯西南高山夾峙石崖壁立綠河一線窄徑極爲陡峻沿途所經獨木偏橋必須攀藤而過是日又值大雨溜滑難行官兵步行一晝夜於十四日清晨至索喇拉山直前摧撲北山上石卡賊匪旋卽棄卡奔逃官兵奮勇追剿一面伐木預備搭橋一面施

放鎗砲無如河面甚寬水深溜急賊匪阻河抗拒急切不能前渡而北岸山徑極狹又難駐立多兵籌度形勢與其徒費兵力與賊相持 康福不若暫行撤退別圖進取之策別遣精兵進上游安等因於十五日寅刻派兵仍至河邊作爲欲進之勢密遣阿滿泰督保羅爾保翁果爾海等帶領屯土兵丁由東首峩綠大山繞至熱索橋上游六七里外砍伐大樹紮爲木筏渡過南岸出其不意直撲賊卡殺死賊匪數十人摧倒頭層石卡而正路官兵亦即乘勢搭橋一時並濟復將後層石卡奪據實堪大快 寇駭熊羆自天降逃排蜂蟻向河投 賊匪不料人意 相顧驚駭紛紛潰亂拋棄鎗刀倉惶奔竄而該處路徑險仄賊自相排擠滾跌落河及投崖谷死者不可勝計官兵乘勝追至賊境色達木地方已過熱索橋三十餘里沿路痛殲賊匪並擒獲活賊八名據云昨官兵攻破濟甯彼處守禦之人尙不知信息是濟甯賊匪殲除淨盡可知茲又攻克熱索橋已入賊境門戶自此直搗陽布賊巢自當勢如破竹矣福康安等一切籌畫俱合機宜深堪嘉尚當卽優加賞資其繞道渡河之巴圖魯侍衛等並加陞用又發去翎管荷包等件令福康安酌賞出力之將弁等以示鼓勵至由聶拉木一路牽綴賊勢之成德營森保等亦於十二日佔住賊境德親鼎山連克三卡殲賊甚衆亦屬奮勇可嘉並令查明酌加獎賞惟是屢勝之後自當倍加慎重所有防備後路催運軍火糧餉更爲緊要摺內稱不敢因屢得勝職輕率冒昧總期全師克捷蕙事完善等語所見更是惟冀勉力以成大功紅旗

欽定平定回疆方略 卷首二 天章二 四

迅至慰朕肝 飛章披閱憐爲慰 是役我兵將實爲勞 宵願望耳 尚至不 苦出力敵儻憐憫嘉

戒滿教獲偉績收

福康安奏報攻克協布嚕賊寨情形詩以誌慰六

韻

入賊境深賊謹防木城石寨倚河傍路無容足兵回

進宿祇露身氣更揚 福康安等奏自五月十五日奪 據熱密橋進至賊境旋於十七

八兩日行一百六七十里抵旺瑪爾地方山徑愈險 偵探西南地名協布嚕一帶賊匪砌卡屯聚隨於十

欽定廓爾喀紀畧 卷首一 天章二 五

九日察看該處有橫河一道水深溜急與熱密橋形 勢相似其河北旺堆山坡地勢低下河南克瑪山坡

地勢極高賊匪據高樹立木城河傍據守又於克瑪 山東三十餘里築寨數座名克堆寨其中聚賊甚多

我兵沿河前進路徑幾難容足亦無平地可以安營 因卽帶衛巴圖魯侍衛兵丁俱在石崑下露宿等語

批閱之下 橋拆橫流難徑越砲轟直拒尙得狂 旺堆 至不忍觀

有橋座被賊匪拆毀福康安等於二十二日兩日 令官兵屢次伐樹搭橋無如賊匪於木城內施放排

鎗勢不能搭橋渡河隨於山上用砲轟擊賊賊甚多 而賊人猶復拒守甚堅亦緣所據之地勢最高難於

仰攻是以賊 匪仍敢負隅 上游別據臨下壓奇出原來以正當 康

安計議必先將克堆寨攻破奪據上游從上壓下則 協布嚕克瑪一帶賊匪亦可不攻自潰因派官兵回

至旺瑪爾搭橋渡過瑪爾城大河越山德至協布嚕 對岸進攻二十二日惠齡等帶兵仍由旺堆正路牽

縱賊勢福康安海蘭察等越過三重大山於二十三 日黎明徑至橫河上游是處橋亦無存適兩岸有大

枯樹一株橫倒河中令官兵伐木接縛爲橋旋以兩 後水溜愈急橋不能速成維時日暮夜半福康安接

令撤兵實令退伏石勒林木之下俟夜半賊懈仍接 縛大木成橋官兵等俱卽過河至克堆寨下又慮卽

攻徒費兵力派人守橋另分兵爲三路於二十四日 黎明三面夾攻併力壓下賊匪見我兵驟至紛紛潰

亂官兵盡力追剿殺賊三百餘名焚毀賊寨五座直 趨克瑪木城賊匪隨棄木城石卡奔逸復被官兵截

欽定廓爾喀紀畧 卷首一 天章二 六

殺二百餘名而正路官兵亦卽乘勢搭橋過河佔據 賊卡殺賊數十名實屬大快人意然賊入地既險要

扼禦甚力若非福康安等出奇制勝安能數日之內 卽行攻克而自用兵以來亦未有若斯之勞苦者惟

矚大功迅蕪 接樹渡川奮旆前衝夾擊澎彭旁 用加懋賞 彭排軍器也彭旁也在旁排禦敵攻也 又據福康

安等奏此次將士等爭先命於峭壁深林黑夜冒 雨攀陟至有斃手足等爭先用命於峭壁深林黑夜

力此時乘勝直攻賊巢不難悉數俘擒且聞作木廟 哲孟雄宗木及珙仁披撈各部落或已合兵攻賊或

擬卽日進兵皆足以分賊勢隨又宣諭天朝贊罪致 討並不利其土地成功後各還被佔地方衆部落自

當益加感奮等語福康安從前卽擬徵論各部落協

力攻剽朕謂尚非其時早有旨諭今我兵既深入賊境不日可得陽布賊巢原可不藉羣力而各部落聞之皆願併力進攻亦披看提報圖功厥慰矣益增敬是自然之機會耳

不違

師行

師行萬里匪與戎 廓爾喀之役子初意本不欲與師師一萬數千餘里道路險遠派撥烏拉運送軍儲甚非易事而一切軍務指授方畧往返動須兩月餘宵旰籌謀何能軍務軍儲方寸中所喜都差知要略春一刻置懷

欽定廓爾喀紀畧

卷首一

天章二

七

念及師行糧隨所關非細鄂輝既恐貽誤而孫士毅僅駐劄打箭爐亦慮糧長莫及因思和琳屢次奉差頗多認真才具亦覺優長隨命馳往與鄂輝同駐藏中並經理糧餉事宜節次據奏沿途催遣烏拉立定期限章程駕馭番民賞罰嚴明先是軍糧及軍裝火藥餉銀到藏者不過十之二三自和琳督辦以後源源運送不致遲悞又採買得青稞一萬五千餘石以爲有備無患之需而前後藏中事務整理亦俱得窾要初不料其竟能如此若非專差前往安能諸凡整頓妥協朕實自喜用人之當此皆天啟子衷事機協順所致並非由和琳之更嘉參贊不貪攻前經奏請方怪其早未言及也

降旨

係參贊大臣固應與將軍等統兵督勦但其調度既不如福康安而打仗亦不如海蘭察自應用其所長將來大功告竣惠齡轉輸之功即與戰勝之功無異自當一體加恩並不稍存歧視昨據覆奏前在拉子地方設法趕運糧石軍火業已全行運至軍營近又計議僱覓商民長運價值不增而轉運又速且可免更換稽延之弊並招回避賊番民一同受僱及唐古特番兵打仗不能得力者亦令運送量加犒賞所辦俱爲周妥又據稱前在軍營不敢藉稱運糧遜不隨同打仗今既往來專辦軍前糧運不敢扭於軍前攻戰出力設催糧至普通值進兵仍當隨將軍等出力督戰亦不敢藉詞自逸等語惠齡若固執攻戰不即來往迴辦朕方斥之今竟能不分畛域實屬可嘉此番軍營有和琳惠齡二人實心任事後路軍糧充裕可謂不負委用無前突將先聲烈有繼餘糧後路充朕心深爲慰悅

欽定廓爾喀紀畧

卷首一

天章二

八

福康安奏攻破東覺噶多等山並奪得木寨石礮

大獲全勝詩誌慰喜八韻

自前月三十日

得福康安攻克

協布噶賊寨捷報後意過數日自必續有奏到捷音

以慰朕心乃已閱十四日尚無信息爲之縷念徬徨日夜不置盼望焦急之情難以言喻那知半月牽心慮又幸微

天捷報看

今日得有福康安六月初十日所奏攻克東

形於是半月以來牽門戶擊其死穰穰能驚鼓我進

桓桓嘔多東覺雖扼要分勦合衝肯畏難福康安等

布嚕百餘里至噶多又二十餘里至足木古拉巴

山梁山下有橫河一道隔河大山即係東覺望見賊

人營寨甚多半山以下又有木城石卡堵截正路自

噶多東南越山至雅爾賽拉博爾東拉一帶大山亦

有賊匪屯聚東覺兩山夾峙壁立數千仞賊人鎗砲

處處可及斷難徑度探得上游噶多普大山係橫河

來源水勢稍淺即留台斐英阿等駐兵足木古拉巴

賊山下晝夜用大砲轟擊使賊匪不得休息初三日

欽定福爾喀紀畧 卷首一 天章二 九

福康安親領將弁於初五日潛至噶多普大山因賊

人放鎗抵禦我兵且伏且行初六日至山麓見水波

河一面勦殺一面將近河礮卡奪據其陡壩上木城

石卡即有屯兵數人鼓勇先登衆兵繼進立時攻克

賊寨賊人殆盡而台斐英阿等聞知噶多普得勝亦

即乘勢由正路搭橋渡河鼓勇全攻復獲多將賊寨

賊營石礮木城石卡四十餘處全行克復迨奔二十

餘里擊獲賊人大頭目一名活賊七十六名殺死小
賊目二名哈瓦連三名哨瑪達二名賊匪四百餘名
其滾崖落河者不計其數海蘭察亦於初三日分路
繞行雅爾賽拉博爾東拉各山該處林深箐密全無
路徑各兵晝夜冒雨雪進行至博爾東拉前山遙見
賊人木城三座石卡七處初六日徑登山巔繞至賊
卡之上賊匪蜂擁衝突海蘭察督率將士奮勇勦殺
鎗箭並無虛發自卯至午往返追壓十餘大殺死賊
目一名哨瑪達二名賊匪二百餘名將賊卡全行折
毀行至瑪木拉復殺死賊人伏兵百餘名前與福康
安會合一處盡力搜捕沿途殺獲甚多暨奏實屬可
嘉之至然其勞苦
之狀竟不忍視矣
冒雪官軍忘疲瘞填屍衆寇竟剛
殫戰無不勝攻悉取兵氣倍揚賊膽寒
又奏福康安
官兵登山涉險履履擦損跣足徒行且賊境陰雨最
多山巔氣寒入夜雨皆成雪山徑尤屬滑溜難行而
將士等攀援跳越戰家弗顧於萬難攻剿之時竟獲
全勝毫無畏却賊人經此痛加懲創後填屍滿野菜
已望風膽落想即遣人懇降隨時再行相機辦理等
語凡此戰勝攻取實賴
上天佑順感謝之忱益
欽定福爾喀紀畧 卷首一 天章二 十

增敬

因駐雍鴉畧休息

又稱初九日起至雍鴉地方

應賊匪據險防守本應即日攻取但因將士等冒險

登陟拔仗力攻晝夜辛勤已經八日兩脚多有腫痛

者必須休息數日稍養兵力並整頓軍械即當為掃

穴擒渠之計所奏悉合機要此番大加勦殺賊匪震

聳失措諒無能再為抗禦約計此番大加勦殺賊匪震

奏膚功然予不得已用兵之心惟祈仰荷 吳蒼

昭鑒護佑官軍紅旗速至以蒞 卽臨陽布剪免殘斯

試適百半九際顛望

吳蒼昭鑒寬

四川總督孫士毅奏報通省收成九分有餘詩以

誌慰

閣臣駐藏值軍興去歲因廓爾喀侵擾後藏不得不

最關緊要孫士毅曾任川督繼以協辦留京因命往

署四川總督抵任後旋駐打箭爐督辦軍儲一切井

井有條夏間復以自川至藏道路遙遠山嶺崎嶇鳥

拉易致疲乏轉運未能迅速雖有道府等員督催趕

迎而遇有臨時斟酌調度之處未免鞭長莫及復奏

請移駐去藏相近之察木多地方并即親往藏中催

辦更為便捷所有署中日行之事令藩司英善代拆

代行其緊要事件仍遞至藏中核辦亦不致有貽誤

欽定廓爾喀紀畧 卷首二 天章二

方伯命兼蜀省仍彙報秋收九分勝該省五六兩月

早晚二禾極為暢茂茲屆秋禾成熟所有收成分數

自應核督核實具奏茲據奏報各屬收成九分有餘

者成都重慶保寧順慶欽州雅州夔州嘉定瀘州七

直隸州敘永一屬九分者寧遠一府綿州一直隸州

八分有餘者茂州一直隸州石碛一屬八分者雜谷

懋功二屬七分有餘者松潘一屬統計四川通省秋

禾收成實係九分有餘等語該省當此軍興之際幸

值年穀稔收市糧充裕辦買軍糈亦不

致增昂價值此亦事機順利之一徵也

敬因農稔一

心增不區滿漢同宣力

近又摺奏七月內行抵前藏

因和琳即日赴宗喀濟龍一

帶催運軍儲而鄂輝尚未回至前藏所有一切駐藏

事宜自應暫為代辦向日駐藏俱係滿洲大臣今孫

士毅遣此事會即肯身任勤勞不分畛

域尤為漢大臣中所僅見者深堪嘉予

實慰吁宵各

獻能民弗知兵欣足食捷占士飽馬胥騰

福康安奏官軍攻得堆補木等處木城石卡已過

帕朗古大橋與賊營近對駐軍詩以誌慰六韻

屈指又過十日延昨初九日福康安等官軍在雍鴉

布倫等全行送出遣大頭人來營乞降當即嚴檄飭

駁令頭目二人回巢諭令賊會親來並令將各山梁

拒守賊衆全數撤回否即統兵進剿各情形乃至今

時望捷音又逾十日今日乃據奏攻克噶勒拉堆補

木等處奪橋過河打仗

忽欣遠傳去

遞飛牋分師排

隊直前進

福康安等奏發散之後又經數日拒守賊

衆既未撤動賊會等亦未親來自仍當相

機進剿况交秋令已十餘日天氣漸寒未便稽延坐

守為賊所輕惟是薩鴉以南大山層疊橫亘陡峻而

堆補木與甲爾古拉兩山之間又有橫河一道官兵

由山北運上步步皆須仰攻若攻克堆補木大山之

後必須奪橋過河方能得勢隨即帶領桑吉斯塔等

為中路另派額爾登保等為左一路珠爾杭阿爾

等為右一路乘夜分頭進攻擬俟賊匪下至半山兩路

官兵即急上山竄奪據賊卡等語所定計謀俱為出

奇周到可 石卡木城屢得全 福康安等分派已定即

嘉之至 於七月初二日丑刻先

令左右兩路進發福康安於黎明直至嗎勒拉山麓

將中路官兵分為數隊伴作覓路分上之勢其山巔

二木城內賊匪即從高壓下而左右兩路官兵已潛

於樹林內繞出其上先將石卡木兩處奪獲其中路迎

來賊匪復被官兵鎗箭齊發不能抵禦逃回木城官

兵拋入火彈隨將木城兩座焚燬賊目五名賊

匪三百餘名又連克石卡二處乘勝窮追數十里至

堆補木山口象巴宗地方復攻克石卡四處木城兩

處殺賊一百餘名於 橫亘大河雖撤版急登彼岸那

是賊衆始紛紛奔潰 需船維時已及夜半福康安等本擬稍為休息兵力

需船但念堆補木山下帕朗古地方即係橫河若不

欽定爾爾略 卷首一 天章二 三

奪據橋座恐賊人尋河東上即可繞出我兵之後隨

連夜分兵兩路派珠爾杭阿等由河之上游進攻集

木集大山阿滿泰等由帕朗古攻橋進撲甲爾古拉

大山於初三日卯刻齊至橫河北岸賊人木城礮卡

不下數十處而山砲木柵一道傷長數里守禦極爲

險固我兵排列鎗砲自辰至午傷賊匪甚多及賊

匪已將橋板撤去數塊而阿滿泰等直前爭奪官兵

乘勢競過攻得南岸賊卡殺死賊目三名賊匪一百

餘名其橫河上遊一路珠爾杭阿等領兵亦乘勢搭

橋渡河進攻於是兩路會合剿殺無不人人爭奮惟

是時值大雨山崖險滑賊匪據高漢下我兵仰攻匪

易因暫將官兵撤至山下乃三路之賊約七八千人

復來奪橋福康安等率領將士等奮勇衝殺賊稍退

却台發英阿直前射死紅衣賊目二人各兵四面圍

截復殺死賊目三人賊匪一百六十餘名又拿獲活

賊十七名計此次進攻兩日一夜連克兩重大山大

木城四座石卡十餘處奪據大橋一座深入七十餘

里雖賊人百計隄防無不立時攻克然福康安等及

各將士上下一心冒雨衝鋒勞瘁之狀可嘉可憫幾

於不忍披閱福康安等當即優加賞資並將御園神

鎗所中鹿肉隨報賞費用昭恩眷又發去佩刀翎管

令福康安傳旨分賞出力之侍衛章京等其兵丁俱

賞一月錢糧成德一路兵丁由聶拉木進攻亦頗殺

賊奪得多洛卡騰崗等處並令賞給半月錢糧以示

鼓勵軍心上下同敵愾計隄防總失堅躍澤攀崖忘

甚瘁衝鋒冒雨致深憐惟思雪嶺將封路 福康安等

又奏稱藏 地邊界雪降最早如宗喀通拉山等處常年八九月

間即已大雪封山今年節氣較早更不能久稽時日

其所見正與朕同知進知退軍之善政在賊匪士等

惡極固以搗穴擒渠爲上策而天氣早寒我將士等

連次乘險進攻實亦深堪憫惻前已節降諭旨令福

康安等相機度勢安速奏功况賊人當屢次痛殲之

後早已望風靡落此次更奮加剿戮彼必益深驚懼

將來復遣大頭人具稟乞降亦可以傳旨允其所請

此亦節候使然不得 路遠縈期速凱旋

不速令藏事凱旋也

廓爾喀拉特納巴都爾遣使悔罪乞降因許其請

命凱旋班師誌事

三二

翌日傳來駭奏章條邊檄報降王

非二十一日撥
福康安等奏在

雍瑪發撤後數日賊酋等無來營之信因復攻克堆
補木過河痛加戮戮攻克木城石卡數處賊衆益覺
畏懼情形實屬奮勇可喜茲二十二日隨又捷奏到
賊酋拉特納巴都爾實備兵威於七月初八日復接
拉特納巴都爾來稟前已將裹去之噶布倫丹津班
珠兩玉拖噶布倫扎什敦珠布及兵丁四人俱即全
數送至軍營又撤論內令將搶掠扎什倫布什物及
沙瑪爾巴骨殖俱行交出並兩次已聚在後藏令噶
布倫丹津班珠爾等私同沙瑪爾巴許聚說合所立
大小合同二張亦俱情願送出至其稟內感戴恩德
悔罪投誠之意實 **百分畏罪懼俘已** 拉特納巴都爾
屬出於至誠等語 **百分畏罪懼俘已** 此次具稟乞降

欽定廓爾喀紀畧

卷首二

天章二

五

五

語意已百分畏懼惟令其同伊叔巴都爾薩野親來
叩見一節據稱實因大皇帝震怒來見大將軍如同
日尤照雪實在此罪不敢前來想賊酋懼其到營之
後福康安等必將伊叔姪仔擒送京故畏惠不前此
亦實情所 **全局悞聽誘逆羌** 拉特納巴都爾等前次
必有也 **差大頭人朋穆幾爾**
哩等赴管還稟乞降並以此次後藏邊界皆由俄
聽沙瑪爾巴請事挑唆以致行錯此後若其尚在俄
應將伊送出正法等語此或因其身故全行誘退亦
未可知然沙瑪爾巴從中唆使罪惡實已昭著恨其
未得生擒明 **不戰未能殲戰勝** 不戰勝人漢唐宋明
正典刑耳 **不戰未能殲戰勝** 應代帝王自守之節
辭窮備無不以爲是然其所以失之者亦正因此蓋
遠徵外夷偶有跳梁不靖必得痛加懲創使之中心

畏懼然後受其歸降始能久而不窺前次廓爾喀滋

事之時命鄂輝成德帶兵前往督討設使彼時即能
痛加勦殺或深入賊境亦攻克數村落使之怖懾天
朝威力然後允其歸降彼必不敢再生蕞倖盡惟懼
威而後降可恃也至令巴忠前往不過因其素習唐
古特語且令訪查駐藏大臣茂林等如何經理不善
之處不意巴忠恃在御前行處又因鄂輝成德俱不
習唐古特語言竟私令噶布倫丹津班珠爾等每歲
許給元寶三百枚寫立合同將就完事而所許之元
寶藏內又僅給一年至次年即復吝而不子兼之沙
瑪爾巴從中唆使以致賊匪故智復萌并敢使至扎
什倫布廟肆行搶掠實堪痛恨此次若非福康安海
蘭察統領巴圖魯侍衛章京索倫屯土大兵深入致
討自據木邦杏濟噶熱索橋協布噶東覺堆補木等

欽定廓爾喀紀畧

卷首二

天章二

六

六

處節次克捷賊賊人前後共計數千望風喪膽深
懼滅亡必不能如此懣誠哀懇悔罪歸降是服遠殺
疆必不可徒言 **戰威亦足示威強開恩道尊明頒旨**
不職屈人也 **戰威亦足示威強開恩道尊明頒旨**
竟得十全大武揚 朕躬承 鴻業初不敢有意佳
兵而事會所乘仰叨 上蒼佑
順展奏武功開拓疆域除內地奸民滋事旋即剿捕
之王倫蘇四十三田五三者事小不足計外其武功
之大者則前後平定大小金川沙羅奔索諾木僧格
桑凡二次平定準噶爾達瓦齊阿睦爾撒爾亦凡二
次平定回部大小和卓木一次緬甸投誠一次平定
臺灣一次安南投誠一次廓爾喀投誠一次總計已
九開鴻捷今再征廓爾喀異罪總降之事雖非掃穴
擒渠而其窮蹙乞命出於至誠且與朕不得已而用

兵之本意相同網開一面之恩允其所請赦罪惟降
合之從前共今大功十成此皆仰賴 吳貺洪庥
平全揚武自今惟願內安外靖與天下臣民共享昇
平之福而子就兢業之心歸政之前仍不敢少有
自逸

福康安奏拉特納巴都爾繳所掠後藏諸物並乞

遣陪臣進貢詩以誌事

許降早已發給音 前據福康安等奏賊會拉特納巴
駁及攻克堆補木等處痛加殲戮後賊會益加畏懼
復遣大頭人具稟乞降察其詞意悔罪歸誠實屬迫
欽定福康安等奏 卷首一 天章二 七
切朕既念其窮蹙肫懇而彼處氣候早寒又慮大軍
致為雪阻不得不及早撤兵况自進剿以來連次克
捷收復濟霍孟拉木等處地方亦且深入賊境攻克
熱宗橋協布噶東覺堆補木等處賊眾既已望風靡
落百分營服即此蕙功可稱完善已即特降 繳物斯
諭旨准其納款令福康安等撤兵凱旋矣
滋倍致欽 拉特納巴都爾前已將喪去之噶布倫丹
津班珠爾玉拖噶布倫扎什敦珠布及兵
丁四人全數送至軍營繼又遵檄稟繳私立合同及
沙瑪爾巴骨殖物件業已真心悔罪茲又據福康安
等奏七月二十七日拉特納巴都爾派小頭目塔曼
薩野來營稟繳搶掠扎什倫布銀兩物件並拏解沙
瑪爾巴貢佔之番婦等又稱恭備貢物現差辦事大
頭人等實表進京請罪謝恩等語聞其譯出稟帖極

為恭順想賊會經此番大加懲
創之後當不敢復萌故智也 悔罪命寬京築觀獻

誠首捧册銷金 又據福康安等奏賊會稟稱上年搶
掠扎什倫布之事俱由沙瑪爾巴凌

便今已萬分知罪自應將各物全行繳出惟上冬自
後藏同時凍斃多人物件多有遺失且有私行隱瞞

者現在收禁追訊今將現存銀兩及金玉珊瑚松石
等物件核點開單繳出不敢稍為隱匿等語此次與

師征討不在區區物件原欲令彼自知滋擾搶掠之
罪且令各部落聞之咸知賊匪震懾軍威立即遵檄

呈繳庶幾共知敬畏共繳出物件內金册一項係從
前頒賜班禪額爾德呢之物天朝錫命尤非他物可

比今賊會於搶掠銀兩已為鑄錢之用獨此金册敢
謹收貯不敢私毀且首捧此件恭繳可見兩次滋事

起誓實係與唐古特爭論銀錢細故並不敢干犯天
朝此其敬畏之心益覺可信所有罪過更可赦宥若

其餘物件無關重輕早有意不必再與斤斤計較以
示寬大既論福康安傳示廓爾喀會目並通諭中外

使咸知 白狼白鹿徒傳古 國語祭公謀父諫穆王將
征犬戎雖有耀德不觀兵

之意然中國鎮服外蕃必使摺服兵威然後撫之以
德乃能常存懷異如此大福康安奏拉特納巴都爾

隻番馬五匹及廓爾喀樂工一并恭進是備之穆玉
所獲四白狼四白鹿相去隻球已况國語所稱荒服

由五百里以次推之不過數千里之遙今廓爾喀去
京師一萬五六千里又數倍於昔時之荒服矣若非

羊面而又羊心何能畏力懷德如此誠想耶而朕自

欽定福康安等奏 卷首一 天章二 六

臨御以來業已九載大功今於歸政之前竟獲看定
十全斯皆仰邀 天賜之福自今以往惟有益感

懷持益保泰之擴耳 吳恩深知止足信 革面革心寬見今戡武莫遙

知止足益殷保泰凜難謀

歡喜園再疊已酉詩韻

已年賦什常言平亥歲登韻紀事矣 已酉仲夏福康

次悔罪乞降並稱先遣其姪阮光顯進京代躬謝恩

至庚戌秋阮光平親至山莊瞻觀恪恭肫擊無異家

人父子實為史蹟罕觀昨年辛亥歡喜園疊韻山莊

作送有戌之歡喜慶真矣之句蓋亦紀其寔云

兩懼旱無不有 兼之師征廓爾喀萬里以外情形

體展勝革心允求降 此大廓爾喀之亭寔因前次鄂

復肆猖獗及命福康安等統率勁兵進剿屢次克捷

賊酋震懼悔罪乞降繳還掠去物件且即遣大頭人

來京進貢謝恩是其真心悔懼非徒革面虛文亦可

允其所請而伐叛舍服克戴膚功比之往歲安南尤

覺可喜茲來拈毫登韻 竟與昨年情境無殊 喜必有雙合前旨

福康安奏班師日期並廓爾喀致送羊酒等物稿

師詩以誌事

駢騎駢臻班凱信降番意外効殷勤犒師重報廓喀

昨據福康安等奏拉特納巴都爾震懼兵威屢次

獻差頭目赴營投誠並遣大頭人賫表呈進方物蒙

隻馬匹樂工表詞極為脫擊已降旨准其歸降茲又

奏稱廓爾喀復遣頭目蘇必達巴依喇巴欣喀瓦斯

等來營呈送牛酒猪羊米石糖食果品等物備犒官

兵福康安畧予收存賞給級匹而回據此情形其畏

懼恭順實為自來歸降者所未有因復特賜念珠

荷包等件並許其仍稱所賜王公之號以示優獎

戰何曾頤利聞 唐太宗使橋之役詭為神武不過胡

未聞有所 示武方能成偃武歸文乃可事修文 論事

者動以偃武修文為美談此即文恬武嬉之漸中國

禦寇之道使之知畏則其知懷更篤是示武正所以

偃武此子有取於唐太宗示 不貪地土

之必克其和乃固之言之也

天乘 祝益廟揚乾敢謝勳

欽定廓爾喀紀畧 卷首二 天章二 三

欽定廓爾喀紀畧 卷首二 天章二 三

欽定廓爾喀紀畧 卷首二 天章二 三

欽定廓爾喀紀畧 卷首二 天章二 三

欽定廓爾喀紀畧 卷首二 天章二 三

欽定廓爾喀紀畧 卷首二 天章二 三

欽定廓爾喀紀畧 卷首二 天章二 三

欽定廓爾喀紀畧 卷首二 天章二 三

欽定廓爾喀紀畧 卷首二 天章二 三

欽定廓爾喀紀畧 卷首二 天章二 三

欽定廓爾喀紀畧卷首三

天章三

御製詩

補詠戰勝廓爾喀之圖 有序

補詠戰圖之什逮斯凡六 伊黎回部第一烏什第二金川第三臺灣第四

安南第五及今廓爾喀第六 屢數成功之全卽今乃十 平定伊犁二次

回部一次金川二次臺灣一次緬甸一次安南一次及今廓爾喀二次共十次 子幸在茲

欽定廓爾喀紀畧 卷首三 天章三

子惕更在茲蓋子受

祖宗付託之重度德量力尙恐守成之或虧敢懷開擴

之奢望且子自少讀書卽欽

天地愛物之心深知窮兵黷武之戒是以繼位之初卽

謹遵

皇考之訓許準噶爾之求和罷兵寧人將二十年矣乃

準夷內亂蹄降者踵接思我喀爾喀之地不能容

爾許人於是乘機撫衆有甲戌之師自是而兩定

準夷一平回部再靖金川緬甸安南各歸順臺灣

一舉輯海洋及此前後收廓爾喀遂有十全之武

功使子自問亦不知何以成此則實賴

上天默佑每以險而獲安常值危而得勝較古之英君

賢將赫濯樹勲者雖不敢云過之而自審實無不

及所云子之幸人或知而子之惕則人或未知也

欽定廓爾喀紀畧 卷首三 天章三

所惕者何自古爲天子者孰非

天之子既爲

天之子

天孰弗愛之而子獨承之深受之屢設有失德違

愛則所以罰之者亦必重此子所以業業兢兢不違刻

安者也且前此八功之成雖云絕域外洋皆人力

尙可施之地若斯廓爾喀則在萬里三藏之外更

數千里陡壁線路下臨深川不能容馬人皆踴跡而行我將卒胼手胝足雖備厥疲弊而氣愈鼓心愈壯突將無前賊人駭爲天降鹿捷龐種傷生實多而憐之乃致彼魂落膽喪匍匐求降此而弗圖其勞子心又何忍適不云乎自少年即深知窮兵黷武之戒乃四十年之間自甲戌始十成武功非用兵而何幸而蒙

欽定平定縣志

卷首三

天章三

三

天眷佑得以劼劼蕙事於民無一賦之加於事有十全之美則子之所以早作夜思弊精勞神者庶可少追窮蹙之譏耳觀斯圖也不啻共將卒之辛苦實並切心營之惻憐詩以言志其志亦不外乎此爾

攻克擦木圖

福康安等於閏四月二十七日自第哩浪古進

兵五月初六日至擦木地方遇見賊匪即乘陰

雨連夜分兵五隊海蘭察等由正路直攻福康安爲後勁指示將士往來截殺立將賊碉攻克殺賊目三名賊匪九十餘名獲活賊十八名首

戰即捷已振先聲

今爲歸順

王昔歸降

巴一廓爾喀

作平聲

事有雙未示

兵威且利

實由素欺唐古特之人怯懦鄂輝等於

收復齊噶爾拉木宗喀之役賊匪望風逃遁待至次年春融合應大示兵威令彼釋疆方不復有再來侵

欽定平定縣志

卷首三

天章三

四

掠之事乃巴忠以由京差往之人諸事禮專計不出此且授意令藏中每歲許給元寶三百枚惹惹了事損風長傲豈知乞命獻誠腔此大命福康安海蘭察莫此爲甚兵之七戰皆捷賊人靡落乞命不暇察其此大進表納貢實出至誠諒此可嘉名將及勇士賊匪所恃後不致復肆披猖矣

者山徑險仄我兵未必登攀捷徑爾深入不知福康安海蘭察等威暑素著又能激勵將士無不鼓勇爭先甚至衝冒雨雪攀藤附葛履險如平地渡河如踏萍凡賊匪所據要害之處殲戮生擒幾無留遺每閱奏章嘉賞幾難言喻

何礙存叩遂定驍擦木首攻即前進戰圖補

詠靖番邦

攻克瑪噶爾轄爾甲圖

擦木既克之後我兵乘勝直抵瑪噶爾轄爾甲

地方樹林中藏有賊匪三百餘人福康安令官

兵一面分投下壓一面派兵埋伏半山石壩下

故留一路誘賊上至山半鎗箭齊發刀矛競進

賊匪奔竄追至邦杏地方殺獲甚多連日再戰

欽定備爾喀紀畧 卷首三 天章三 五

再捷士氣百倍

乘勝遂教鼓勇前瑪噶作平爾轄地相連密林伏賊

將守險峭壁降去聲兵修破壁該處山梁陡峻後倚峭

沿匿其中經巴圖魯侍衛章京等分投下壓痛加勦

殺賊匪即時逃潰官兵奮勇直追計殺賊日七名其餘賊匪除擒獲三十餘名外殲戮殆盡

其目七名衆六十生擒以半別

攻克濟龍圖

濟龍爲後藏西界官寨高大寬廣賊人週圍壘

石爲壘復於西北及東南山梁另砌大礮我兵

於初十日丑刻分路攻取搶上東南山梁其礮

座上兩層拋入火彈焚燬並焚其寨下房屋火

光燭天乘勢進攻至亥刻攻破官寨東北隅賊

匪滾山逃竄官兵盡力追勦於是藏地全復

番境濟龍西極邊賄求彼尙占依然前次廓爾喀即

鄂輝巴忠等不能振之以威乃私令藏中賄誘使地

是以此次賊人復佔據濟龍莫仍飽欲而歸是賄求

轉以招盜矣石壩木卡層層回據險阻堅處處連冒雨衝

霄分路進是日福康安等令將士分路進攻使之處

奮勇無一少懈者向晚雨甚礮內賊匪放鎗投石抵

禦益堅官兵拋入火彈焚斃賊人甚多至亥刻攻破

官寨東北隅賊匪破礮克寨一時全近千藏賊復藏

地官兵分路進攻之時海蘭察領領索倫騎兵分爲

兩翼以備截殺及攻破官寨我兵窮追賊賊共殺

賊目七名賊匪六百四十餘名斃獲活賊一百二十

三名又搜獲逃匿活賊七十五名其投河落崖傷斃

者尚不計其數計此次剿殺約近千
人雖彼孽由自作朕心轉覺不忍耳
多害生靈亦覺憐

攻克熱索橋圖

距濟隴八十里為熱索橋過河即係賊境橋上
浮搭木板賊人於北岸索拉山上砌石卡一處
南岸砌石卡二處據險抵禦十五日官兵直前
攻破北山石卡其南岸賊匪望見盡撤橋板福
康安密遣官兵由峽緣山上游紮筏潛渡正路
官兵亦乘勢搭橋同時並濟追剿至色達木地
方又過熱索橋三十餘里矣

復全番境即廓境一水橫河熱索河其北其南賊皆

禦即深即險我須過索拉

作平聲讀直進大剿彼

福康安等於初

十日克復濟隴後十三日起程前進山路本屬陡仄
是日又遇大雨益滑溜難行官兵于十四日至熱索
橋北岸索拉山直前摧撲石卡大加峽緣上游繞壓
剿殺賊衆不能抵敵隨即棄卡奔逃

天助感誠多

其時南岸賊人望見即將橋板撤去福康安一面
他令官兵施放鎗砲一面密遣翁果爾海等由峽緣
山一線徑徑越過兩重大山至熱索橋上游紮筏渡
河繞至南岸直撲賊卡殺賊數十名而正路官兵亦
乘勝搭橋前渡痛殲賊
衆並擒獲活賊八名 乘勝正兵架橋渡莫非

攻克協布噶圖

官兵過熱索橋行一百六七十里至協布噶地
方有橫河一道水深溜急兼之河以南賊人所
據地勢極高仰攻為難福康安等帶兵繞至橫
河上游夜間以大木借接枯樹渡過次日分兵
三路併力壓下焚燬賊寨正路官兵亦即成橋
過河佔據賊卡先後追剿截殺五百餘人

熱索橋過路可通未逢賊禦進追窮前臨協布

噶

屯聚 五月十五日福康安等攻克熱索橋後十八日
至旺瑪爾地方偵知西南地名協布噶一處賊
匪砌卡屯聚因該處橫河之北山坡地勢低下沿河
道路幾難容足而賊人河南克瑪山坡地勢最高竟

成貝嶼 上繞橫河得壓馮詩小雅不敢馮河毛傳馮之勢 馮也孔穎達疏引李逵曰

無舟而渡水曰徒涉陵波而渡故訓馮為陵也 佛

布嚕原有橋座先被賊匪折毀又于木城內施放排

鎗一時不能搭橋渡河二十二日憑諭帶兵於正路

率綴賊勢福康安海蘭察率領將士越過大山三重

於二十三日繞至上游適河中橫劍枯樹一株即令

官兵伐木接縛為橋維時日暮又值大雨兼之賊匪

窺伺甚密橋不能速成福康安佯令撤兵實伏石礮

下夜半乘賊勢少懈接縛成橋徑至其克堆寨下二

十四日黎明分兵三路夾攻而惠齡亦率兵由正路

搭橋渡河奪卡窮追此次我軍從上壓下勢若建瓴殺

死賊匪三百餘名焚燬賊寨五處其 無不克攻戰必

奔逸者復被我兵截殺二百餘名

欽定平定回疆方略 卷首三 天章三 九

勝有餘力蓄勦爭雄堪嘉敵愾心同一每閱飛章憐

切衷

攻克東覺山圖

過協布嚕百數十里至足木古拉巴載山下隔

河大山即名東覺兩山壁立賊人鎗砲甚近斷

難徑渡福康安海蘭察分領將士一由上游囑

多普山麓渡河一由雅爾賽拉博爾東拉各山

繞至賊卡復即會合一處盡力追剿此處為賊

要地克敵制勝更難于熱索橋協布嚕福康安

等和衷冒險奇正相生深得兵家策敵之道

愈近賊巢守愈固兼之地更險而紆分兵爭首穿幽

阻東覺山一帶賊人營寨分佈聯絡官兵不能徑渡

福康安等計議留台斐英阿在足木古拉巴載山

下用砲轟擊以綴賊勢福康安前往囑多一路海蘭

察前往雅爾賽拉博爾東拉一路各領將士分投攻

取先是福康安探得上游囑多普山樹木茂密可以

藏身親行兩日六月初六日至山麓見水渡河賊匪

欽定平定回疆方略 卷首三 天章三 十

盡出抵禦官兵一面奮勇勦殺一面將近河各碉卡

木城營寨全行奪據殺賊目七名賊匪四百餘名擒

獲大頭目一名 合隊埋根克要區 海蘭察行至博爾

賊匪七十六名 城三座石卡七處亦於初六日黎明徑登山巔繞至

賊卡之上往返追壓殺死賊目三名賊匪二百餘名

又殺死嗎木拉埋伏賊兵百餘名並將木城石卡立

皆折毀旋與福康安會合一處追剿逃逸于是賊人

險要之區 手足胼胝胥情 自入賊境以後峭壁懸

極已全克 兵攀援登陟竟聞履屨多有擦損者乃於手足情瘼

之時尙奮力撲礮攻卡鼓勇先登勞瘁之狀有不忍

聞 精神鼓舞益勤劬有征無戰雖傳古將惠兵忠實

快吾東東覺既克福康安等於初九日卽至雍雅地方
本擬仍卽前進攻剿因將士等連日跋涉疲
可閑且晝夜攻戰力亦疲乏遂暫令休息數日再圖
進取官兵屢次戰捷均于萬難用力之地摧堅陷銳
有前無却而福康安海爾察二人同心身先士卒惠恤
周至實足鼓勵衆心無不爭先用命每閱奏章實深
忱嘉

攻克帕期古圖

帕期古在堆補木山南前臨橫河渡橋爲甲爾

古拉山最爲險要福康安等自雍鴉分兵數隊

奮力夾攻令一路由帕期古進攻奪橋一路由

上游集木集山下渡河剿殺兩日一夜連克大

山兩重木城四座石卡共十餘處奪據大橋一

座殺死賊目賊匪五百餘名賊人至此百分畏

懼懇乞歸降益加迫切

分路橫河帕期進

福康安駐兵雍鴉因賊人乞降發
檄去後又經數日未見賊會邊檄

親來仍卽整兵進剿惟是雍鴉以南曠勒堆補木
集木集大山重疊木城石卡林立仰攻匪易而帕期

欽定平定縣志 卷首三 天章三 十一

古橋庄更爲必爭之處福康安因分兵三路令桑吉
斯塔爾等爲中路額爾登保等爲左一路珠爾杭阿
等爲右一路七月初二日俾令中路上攻及賊人下
至半山左右兩路於樹林內繞出來攻於是乘勝將
其木城石卡盡行攻克追剿數十里至堆補木山口
初三日又派珠爾杭阿等於河之上游攻集木集
山搭橋渡河派阿滿泰等至帕期古奪橋過兵會合
剿殺無不人人爭奮及賊匪又來奪橋復被官兵痛
加剿殺前後共殺死賊目十名賊匪五百餘名擒獲
十七名合斐英阿亦射死紅衣賊目二名更快人意
乞恩越切越敲還 賊人震攝軍威先已屢次乞降福
大頭目悔罪額思並將裹去之噶布倫丹津班珠爾
玉拖噶布倫扎什敦珠布及同被裹之教習漢兵四
欽定平定縣志 卷首三 天章三 十二

人全數送至雍鴉軍營福康安仍又檄諭賊人須將
搶掠扎什倫布財物及沙瑪爾巴骨殖並前次藏中
許銀贖地私立之大小合同二紙俱行至繳仍命拉
特納巴都爾同伊叔巴都爾薩野親來叩懇方許准
爲代 將軍所檄都遵命 拉特納巴都爾奉到檄諭之
後無不惟命是聽并稱此後
永遠約束不敢再滋事端不但藏中許銀之事不敢
再提卽濟噶向有給與鷹馬之例亦永遠不敢索取
又蓋拉木邊外扎木地方原係五輩達賴喇嘛時歸
入藏內管轄前次私立之合同許給彼處今亦請歸
仍屬西藏等語是其畏懼懼伏 堪布曾避懼見 顏惟
出於真誠似不致復有他慮 內令其親至軍營自
知罪重恐爲擒治且 上竿計誘堪布及噶布倫等至
邊裹去不敢來營叩

謁是拉特納巴都爾等並非敢於不來實不
過以恩詐之心窺測懼死其情尙屬可原 何必犁

庭不遺介遂教振旅一時班 大軍連次克捷深入七
八百里節次戰其大頭

人及賊衆四五千人已過帕朗古大橋進逼陽布賊
巢賊會窘蹙乞降有乞全合部性命之語情詞可憫

况體 上天好生之德荒服生靈亦欲同歸長養
況典師之始原不利其土地彼既竊請降順正與朕

不得已用兵之初意相合因降 年前捧表陪臣至更
旨允降令福康安振旅班師

有崇恩厚賜頒

廓爾喀陪臣至京

欽定廓爾喀紀畧 卷首三 天章三 三三

七戰由來七獲捷歷觀悼史鮮誠逢自惟罪重撤原

號 已酉年廓爾喀遣使投誠嘉其恭順會封拉特納
號巴都爾王爵及其叔巴都爾薩野公爵以示懷柔

官兵復來侵擾藏界不得不命將出師討其罪及
言兵深入彼即屢次遣使誣說伏罪乞降且其表文

及投遞軍營稟函倍加詆損不敢用王爵自稱微末
其侮擢情形實出至誠亦可特爲寬宥既允其降仍

復舊封想邊徼誥藩 可示恩寬復舊封繳册還金歸
無不共喻朕思也

次第 福康安等前奏廓爾喀遵教繳出上年搶掠扎
什倫布金玉珊瑚松石等物內有金册一函乃

昔年頒賜班輝額爾德尼之物數年來敬謹收藏並
無傷損其頭目首捧呈繳亦極小心並銀一萬五千

兩亦俱繳出皆給還後藏卽此可見該藩平日尙知
感朕恩德非僅迫于威武今其使臣來京瞻觀之下

益形敬畏新正俾與朝會宴 承筐載橐俾從容乃知
享更當優加賞賜用昭慈惠

德服勝異服

吳凱欽蒙滋勵恭

紫光閣賜宴外藩作

首祚迎禧宴紫光齒聯新舊列藩王并宣回部親詢

政 回部等入覲者每召至御前詢其地方年景及
部衆安樂情形素習回語不藉舌人傳譯也 亦

召陪臣手賜觴 每年此間筵宴年班外藩蒙古王公
各國陪臣與宴者亦 霍罕謝愆脫速布 霍罕伯克稱

得邊賜以昭慈惠 霍罕謝愆脫速布 霍罕伯克稱
率獲薩不薩克未卽解京私自釋放會降旨不准其

進貢上年四月間竊請遣使人覲念其悔過懇切因
復允其 廓喀 作平 聲讀 歸順罷兵強 廓爾喀此番登迫歸

所請 亦體 上天好生之德宥罪罷兵今其使臣大頭
目噶其第烏拉特塔巴等來京令其一體入宴並優

加賞資中朝乘遠 之道固當如是耳 戰圖又得重增册

天眷十全教益獲

福康安等奏西藏善後事宜詩誌願未得四十韻

二藏前後中 西藏即古西吐番也自唐至明曰鳥斯

特書法凡整字下加以斯字即讀作危韻如多斯為

堆挫斯為摧則鳥斯為衛矣而唐古特語謂衛則漢

語之謂中藏則漢語之謂好也今指其地謂圖伯特

指其入曰唐古特其地又分為三部曰康曰察木多

之地為前藏曰衛即布達拉之地為

中藏曰藏即扎什倫布之地為後藏由來名已久崇

德雖入覲其地非我有 我朝崇德七年達賴喇嘛班

聖人出遣使達盛京歲通貢表至順治初年達賴

喇嘛入覲亦曾 勅賜金冊印雜特其地尚非中

欽定備載紀畧 卷首三 天章三 五

國所 眾蒙古歸之凡事商可否 自元朝以來眾蒙古

有也 噶爾丹與喀爾喀交惡與戎 皇祖屢遣使于達

賴喇嘛令其一 同遣使止彼相攻乃達賴喇嘛轉祖

庇噶爾丹 皇祖屢會勅諭達賴喇嘛令其從中

和息蓋彼時凡事尚與達賴喇嘛商酌而行不似今

若武宗之自稱大慶法王以漢 國初付懷徠通貢無

人習蒙古教按佛尤可鄙笑 大咎第巴 其官之稱其 更奸詭黨噶爾丹苟詐稱奉

中國表裏為奸寇 達賴喇嘛亡隱弗宣諸口

皇祖頻勅諭兩端持鼠首煽搖青海眾既脫圖

思負 西藏達賴喇嘛以下理事者曰第巴因藏巴汗威

虐部下毀棄佛教第巴乞師於青海之固始汗擊

滅藏巴汗康熙三十二年即 封第巴桑結為藏

王 賜金印時達賴喇嘛示寂第巴隱匿不奏者

十有六年任意妄行暗與噶爾丹相為表裏及召班

禪額爾德尼來京第巴又阻之不使來專圖倡亂煽

搖青海之眾屢經 皇祖勅諭彼但首鼠 二匪謂

兩端負 恩黨惡不知悔改亦罪魁也 方噶爾丹與喀

爾丹及第 受莫誅藏乃歸負幅 兩客構兵時

巴桑結 祖不忍民生塗炭屢遣使與達賴喇嘛使人偕往宣

諭仍尋舊好乃噶爾丹陽順陰違反肆侵擾 皇

祖三番親率六師聲罪致討噶爾丹旋即敗亡而是

時固始汗之曾孫拉藏將第巴殲滅即 封拉藏

嗣為藏汗於是二匪滅亡 策旺劫藏時發兵驅以走

藏地牧宰歸我幅負矣 後準噶爾策旺阿拉布坦生蒙自伊犁遣賊將策冷

致多布率眾至藏攻殺拉藏汗擄其子肆行猖獗毀

滅黃教蹂躪藏地 皇祖特遣將軍富寧安等統領

大兵分路進討康熙五十九年大兵會合擊破賊軍

三三

新獲甚衆於是賊將策冷敦多布

皇考靖紛糾

雍正元年撤回官兵以噶布倫貝勒康濟

公隆布靈台吉扎爾圖等復謀殺康濟辦理噶布倫事務之扎薩克台吉頗羅鼐走避後藏

進朝明年頗羅鼐率後藏衆部落入藏阿爾布巴等伏誅遂晉封頗羅鼐爲貝勒辦理衛藏噶布倫事務

藏地復安 因之駐大臣鎮壓計安阜 於是留學士僧格副都統馬廐

前鋒統領邁祿散秩大臣周瑛等駐兵二千名鎮撫其地並令提督張耀祖于察亥木帶兵一千名駐劄

以爲聲援蓋彼時藏地初靖不得留兵鎮壓旣而因藏地安輯已久將官兵裁減所有輪班駐藏大臣

亦不過備用持重謹慎中材而伊等乃幸其無事其因循日久以致忽有近年廓爾喀侵擾之事矣

奈歷年多屢易人非舊 叶 相幸無事歸遂致因循紐諸務付不知旋綴同曠賍而達賴喇嘛庇族弟兄陋

賞罰率弗公受賄任分售或付噶布倫或偏信左

向來藏中大小事務均由噶布倫四人辦理而駐右藏大臣一切付之不問數年前公班第達因年老

解退噶布倫後其子丹津班珠爾襲職達賴喇嘛恩暗無能一任族中諸人及四噶布倫主持其事若輩

倚勢營私舞弊至有私增稅銀食鹽攬土種 遂致廓種侵擾邊界以致廓爾喀藉詞來犯藏邊

爾喀侵邊較利藪遣兵問曲直所遣人悔忸未嘗示

國威賄和完以誘 前次廓爾喀來擾藏邊時若果能示以兵威使之知懼自不敢復萌

故智乃朕所遣巴忠逞其私智已不露名惟督尼丹津班珠爾等調停了事遂有許銀賄和之弊而鄂輝

成德又復因循附和不能統兵深入苟且完局繼而藏中復措費不償又有紅帽喇嘛沙瑪爾巴其人在

廓爾喀唆使是以前歲復來擾至扎什倫布大肆猖獗因命福康安等統率勒旅架入賊界七戰七捷賊

人喪胆旋即哀籲乞降詳 再來襲藏地益肆猖獗起見諱事諸詩茲不復贅

擒將揚捷伐歸降乃額叩 叶 戰勝屢見詩不必申論

復 爰命四賢臣 福康安孫士 奠安議善後茲具疏 殺和琳惠齡

已誠心歸降然善後事宜亦不可不詳加酌定因令福康安孫士毅和琳惠齡等四人悉心詳議以杜後

患如廓爾喀需用唐古特食鹽酥油等物斷難絕其貿易但彼此牟利自必易起爭端又如唐古特向用

廓爾喀銀錢迨後銀色淆雜以致互相爭競因諭令子一歲中准其通市四五次且俟彼再四懇求方准

其所用銀錢竟令藏中官爲鑄造乾隆寶藏漢文唐古特字樣使彼不能居奇泉幣長可流通至于平日

疆界地方更當慎加防守今據議定于前後藏各設番兵一千名定日江孜地方各設番兵五百名令將

欽定廓爾喀紀畧 卷首三 天章三 七

欽定廓爾喀紀畧 卷首三 天章三 六

備及戴瑋管束教演務使兵歸
有用再不致別國妄生覬覦
等級各責成虞給俸
公授 向來藏中管兵番目如戴瑋如瑋甲瑋等處有
其各每遇出兵兵將俱不相識安能收攻守之
效茲據議定於戴瑋之下設如瑋十二名每名管兵
二百五十名如瑋之下設甲瑋二十四名每名管兵
一百二十五名甲瑋之下設定瑋一百二十名每名
管兵二十五名所有戴瑋等缺以次陸用庶不致狃
私悞公嗣後四噶布倫並其餘大小番布缺出俱統
歸駐藏大臣會同達賴喇嘛依等級乘公揀選至
于番兵及管兵番目向不給與口糧無怪臨時退縮
茲酌議每名每年令達賴喇嘛商上給青稞二石五
斗遇有征調每日支給糈糶一勛其管兵番目除戴
瑋已有例給莊田毋庸置議外每年如瑋各給銀三
千六百兩甲瑋各二千兩定瑋各
十六兩按季散給以資用度 兵器期精利將弁嚴
凌侮 藏中番兵器鎗火向來俱令自備不能
精利今酌議每兵一千名五分鳥鎗三分弓箭
二分刀矛所需各器械即將沙瑪爾巴等家產內及
寺廟中收貯之件畧加修整足資應用惟是將弁兵
丁欺凌番兵即不能聯為一體安應其齊心出力
後令于滿漢官員內認真揀選駐藏大臣覆公賞罰
並令駐防將領督同大小番目按期訓練乘公賞罰
以示勸懲其番兵三千名嚴飭該管將弁及戴瑋等
不得擅行役 再生禁世襲喇嘛說著手 廓爾喀滋擾
使有悞操防 藏界固緣從
前噶布倫等舞弊致彼藉端肇釁亦由近世藏中風
氣日下大喇嘛等多以廟中贖產為念於是轉世之

欽定廓爾喀紀畧 卷首三

天章三

九

呼必勒罕率出一族竟與世襲無異甚至沙瑪爾巴
垂涎扎什倫布財物唆使廓爾喀滋生事端乃其明
驗當此國威震盪之際不可不為力除其弊是以製
金奔巴瓶送至藏內令以後將各指出的呼必勒罕
書簽貯瓶由駐藏大臣會同簽掣其各蒙古之大呼
必勒罕一如藏中之例在城中雍和宮令理藩院委
官會同籤掣以示至上年會著喇嘛說詳其原委
社其流弊使後世知予之保護黃教迥不同于元代
之尊崇喇嘛不問賢否公 事權歸一臣親巡法弊狂
私性命是從有妨政典也
從前藏中諸事駐藏之二大臣並不預聞毫無管束
殊非整飭之道嗣後當與達賴喇嘛班禪額爾德尼
平等自噶布倫以下俱照屬員之例事無大小一切
稟知候示辦理以除積弊達賴喇嘛班禪額爾德尼
欽定廓爾喀紀畧 卷首三 天章三 三

族屬一概不准挑補番目千與管事每年春秋二季
駐藏大臣二人親身輪往新定疆址設立鄂博之江
欽定日一帶巡察以重邊防並增添辦理糧務文職
二員酌定各衙門聽差兵數嚴選邊缺管官番目即
大寺坐床堪布缺出俱由駐藏大臣會同達賴喇嘛
安為揀補其達賴喇嘛商上銀錢出入悉照新定數
目畫一收放如此詳定章程事權 昔為羈以縻今如
歸一藏中可以示遠遵行無事矣

臂與肘謂失反因得遲速論會剖都緣曠時會莫非
天恩厚 藏中雖經廓爾喀此番滋擾而我武旣揚革心
歸順即乘此機會不動聲色辦理妥善以百數
十年羈縻之地一旦不啻臂指之使非 吳蒼盜
佑不及此詢知舉大事者必有其時與其會而惟明

且斷乃克有濟子惟兢兢業業日慎一日以期中外同享太平之福耳 長歌紀子懷就

業示不朽

致遠齋敘事

致遠齋始戊辰歲至今僕指卅五年 齋建于戊辰年奔特其調險機藝都番置吏請兵籌餉而司事者以法縮老師弗克歲功因此間設石礪簡伏飛之士習之未逾月得精兵二千人命大學士傅恒爲經畧統之以行先聲所布番酋震懼乞降次年遂即此地立健銳營以時訓練致遠之效已肇 伊犛回部金川于此由今追憶不覺四十五年矣

欽定廓爾喀紀畧

卷首三

天章三

三

兩緬甸臺灣安南延昨近廓爾喀事竣大功成計以十全 自平定金川後凡有征討之事俱用此勳旅制勝奏助統計數十年以來剪滅內地之王倫蘇四十三田五三小醜不足數外若平定伊犁二回部一金川二緬甸臺灣安南各一及近年廓爾喀二計藏大功十全仰賴 上天助順師貞協吉無不副此嘉名然皆不得已而用之並不敢存窮蹙之念也不用不得已非窮蹙實因助順恩賴

天耄耄歸政候三歲何敢更有他圖焉與民休息戒已

滿惟祈時若綬豐連

扎什倫布廟誌事查去歲詩韻

班禪來駐錫祝壽七旬稱賚予多無算貪侵劫有會庚子歲班禪額爾德尼自後藏來山莊慶祝七旬萬壽因傲建後藏所居扎什倫布廟爲其駐錫之所節大錫資駢蕃已極優厚加以蒙古及在京王公大臣等布施之物約有數十萬金乃班禪既在京示寂而其徒仲巴呼圖克圖歲珠堪布等回藏後不能酌量施舍各大寺廟及駐守之唐古特兵番等以致班禪之弟沙瑪爾巴垂涎厚積怨德廓爾喀使侵藏界並至扎什倫布肆行搶掠佛家本以空寂爲教乃竟慳藏中遺此番侵奪當亦劫數使然無足怪也 發師問

欽定廓爾喀紀畧

卷首三

天章三

三

辜直 前次廓爾喀使擾後藏邊界濟噶宗喀等處命鄂輝成德等率兵進剿即當示以兵威庶彼知所畏懼乃誤於巴忠私自授意噶布倫丹津班珠爾許銀賄和飾奏草率了事既而廓爾喀遣使來京朕因嘉其誠懇封拉特納巴都爾爲王爵并其叔巴都爾薩野爲公爵以示綏懷不意廓爾喀復因藏中所許之銀吝不肯給遂致再來滋擾彼時巴忠一聞此信旋即自戕其孽固由自作惟是衛藏爲歷輩連類喇嘛班禪額爾德尼安禪之地康熙雍正年間兩次用兵俾得安輯至今朕臨御以來振興黃教豈容小醜頻來侵擾若不大加懲創彼將益無忌憚因特命福康安等統領索倫勁旅及屯練降番等籌罪致討此事本出于不得已初無利其土地人民之心而志爲窮蹙之舉此中曲直朕固早度必邀 上蒼鑒

拓庶幾迅 知罪乞降應 福康安等於去歲四月間遣

廣大功也 兵自擇木邦杏濟喧熱索樞

協布魯東覺堆補木等處七戰皆捷戮賊眾四五

千人指顧可抵勝布於是賊會望風膽落再三遣大

頭目至軍營乞降并一切格遵將軍撤諭無敢違抗

福康安察其驍悍實出至誠然後許為奏請朕既憐

其窮蹙復仰體 上天好生之德不為已甚亦即

允其所請仍加恩復還封號去臘所遣陪臣來京瞻

觀之下倍仰德畏伐叛舍服固屬常經而此次厥功

完善朕實仰邀 鴻恩深欽感迴思前後籌辦

此事之初聯關三年今歲積又將一載藏中僧眾得

以安禪番民亦俱樂業予之振興黃教諒亦同深欣

悅 耳一瞬三年迅黃衣喜氣騰

欽定廓爾喀紀畧 卷首三 天朝三 重

廓爾喀所貢象馬至京詩以誌事 有序

廓爾喀之役自熱索橋至帕朗古架入七八百里

殲戮數千人拉特納巴都爾窮蹙額降鑿其悃誠

准予納款此其所進方物中象馬也道遠且險今

始至京我國家萬國共球若安南暹羅緬甸南掌
之象夫何儀衛哈薩克布魯特之馬散牧管伍豈
庸是寥寥者為特以邀

吳貺之助順表將士之效勳綬彼邊餘安我藏地效來

呈覽輟川成章

異域歸降順事機來朝奉表表資先歸 拉特納巴都爾

箕第烏拉特塔巴等奉表于上年臘月抵都本 暘

年新正紫光閣與宴上元觀燈即加賚遣歸 馬蹄

象齒胥生致 廓爾喀所進方物可以輕賚者俱經降

難行由巴爾底薩雅理布魯克巴等部落繞道前來

諸部落各派番民護送修途供料于本年正月由帕

克哩邊界至前藏四月草萌雪消時由青海送京除

賞給達賴喇嘛班禪額爾德尼外今象二馬五俱入

欽定廓爾喀紀畧 卷首三 天朝三 重

鹿角狼胡笑彼徵軍務細咨憐眾苦 廓爾喀為邊

鹿溜地險絕偷進兵時將軍以下皆躑履步行現穿

凍冰尚能埋根首進殺敵果去歲屢經奏知近由

詢福康安愈悉其狀即如象馬迂道乃其証也趨面

福康安感恩任事勞苦胥而予嘉彼盡勤觸緒生

憐益以仰 吳貺錫職事檢奏會正慮雪封致阻

之時適當靈擊申威之際示之必克遂以畏履堅履

揚武奏功 武功全蕪穎 臻此全美
天禱持盈業業惟增惕敢曰遐荒接踵依
欽定廓爾喀紀畧卷首三

欽定廓爾喀紀畧卷首四

天章四

御製文

十全記

昨准廓爾喀降命凱旋班師詩有十全大武揚之句蓋引而未發茲特敘而記之

夫記者志也虞書朕志先定乃在心周禮春官掌邦

欽定廓爾喀紀畧 卷首四 天章四 二

國之志乃在事旅藝志以道寧則兼心與事而言之

然總不出夫道得其道乃能合於

天以冀承乎

既則子之十全武功庶幾有契於斯而可志以記之乎

十功者平準噶爾為一定回部為一掃金川為二靖

臺灣為一降緬甸安南各一即今二次受廓爾喀降

合為十其內地之三叛么噶弗屑數也 平準噶爾者 二乙亥年以

遼瓦素襲奪諸部瓦解因其部落接踵內屬乘機致討以成 前志未半載遂俘遠瓦齊不意阿睦

爾撒納潛逃欲占伊犁於是復命進剿賊竄入俄

羅斯以患痘身斃俄羅斯傳送其屍伊犁遂平定回

部者一當大兵西伐時逆獨小和卓木背恩反覆因

命兆惠等統兵追剿傳檄達克山轉獻於是其弟

兄大小和卓木一擒一獲掃金川者二先是金川安

羅奔構黨鄰番戍辰歲命傅恒厚集諸路官兵將搗

其中堅而逆酋稽首請降至壬辰兩金川聯結作亂

命阿桂統師進剿至丙申遂平其全境靖臺灣者一

丁未逆民林爽文莊大田創立天地會名曰煽誘匪

徒謀為不軌命福康安海蘭察等統兵過海將二逆

悉行擒獲就誅降緬甸者一因緬匪侵擾邊境命傅

恒為經畧前往屢破賊壘而彼即請營請降因而罷

欽定廓爾喀紀畧 卷首四 天章四 二

師至戊申其國長孟隕奉表入貢乞恕前罪遂允其

請降安南者一初黎維那為阮光平所侵命孫士毅

統兵為之克復黎城復封黎維那為王乃阮光平再

至而黎維那即棄國奔內地更命福康安前往剿降

而阮光平備陳情事再四懇乞降並請於庚戌年

親來瞻觀視蓋朕既先有 天厭黎氏之語而安

南又無人可付亦即允其歸降凡此八次用兵皆非

得已而俱荷 天佑成功今并此廓爾喀兩次降

順蓋已十歲大功我武既揚實屬厚幸至於誅王倫

蕭蘇四十三滅田五三事則係內地亂民旋即討平

弗茹其事茲故 前已酉廓爾喀之降蓋因彼擾藏邊

不列於武功云 界發偏師以問罪而所遣鄂輝等未宣我武巴忠乃

遷就完事致彼弗懼而去歲復來以致大掠後藏飽
欲而歸使長此以往彼將占藏地嚇眾番全蜀無寧

歲矣 戊申歲廂爾喀滋事之始命鄂輝成德統率勁
旅往剿彼時因巴忠素曉唐古忒語令往會同

籌辦詎意巴忠諸事擅專竟與噶布倫丹津班珠爾
等私同沙瑪爾巴定議每歲令藏中許給廂爾喀元

寶三百箇還價地並立大小合同二紙鄂輝成德
為其所愚隨同附和未曾示以兵威是以廂爾喀去

歲復敢侵擾既將丹津班珠爾等裹去為質並搶掠
扎什倫布廟財物披猖已極不得不命將與師聲罪

致討且廂爾喀年來使佔附近部落兼并巴勒布三
部與後藏之聶拉木濟噶宗等處毗連若不大加

懲創必致搶佔前後藏地蜀 是以罪庸臣選名將勵
中打箭爐一帶將無寧歲矣

眾軍籌儲餉 去秋於木蘭圍場中閱廂爾喀復來使
擾之信朕謂不過與唐古忒因錢債故

疑此事必有弊端諭令鄂輝查奏始知有許銀贖地
之事駐藏大臣伊習渾當廓爾喀搶掠之時既不帶

兵剿殺又欲將班禪額爾德尼及達賴喇嘛移駐泰
寧等處幸而達賴喇嘛未從其言是竟欲委棄藏地

本應即行正法念其父那木扎爾曾經陣亡從寬令
於藏地柳黃雅滿泰同係駐藏大臣伊習渾此奏竟

與聯銜因令一併枷責以示嚴懲旋念事關重大福
康安謀勇素著足堪倚任因命同海蘭察等率領巴
圖魯侍衛章京及索倫屯練兵丁前往大張撻伐福

欽定廂爾喀紀畧 卷首四 天章四 三

康安自擦木進兵之後連次克捷隨時褒賞軍糧軍
械尤為緊要去冬即命孫士毅馳往籌辦今春更命

和琳馳抵藏中辦理其濟噶以外令惡諭往來專福
司趨運數月以來宵旰籌謀實未嘗一刻置懷也

康安等深感朕恩弗辭勞苦於去歲冬月即率索倫
四川降番等精兵次第由西寧冒雪而進今歲五月

遂臨賊境收復藏邊攻克賊疆履線險如平地渡溜
要若蹄涔繞上襲下埋根批吭手足胼胝有所弗恤

七戰七勝賊人喪膽 福康安等到藏於今歲閏四月
廿七日自弟哩浪古帶兵起程

五月初六日至擦木地方即乘陰雨連夜發兵分隊
進討海蘭察等由正路直攻賊寨福康安督率官兵

攻克碉座賊人即已驚怖初八日行抵瑪噶爾轄爾
甲地方峭壁深林內藏賊匪三百餘名官兵擊殺數

十名福康安又派兵埋伏半山欲留一路誘賊上山
及山半帶兵橫衝賊寨秀靈直追至那魯地方沿途

剿殺無算初九日直抵濟龍官寨分遣兵丁攻撲使
賊人處處受敵不能相顧初十日丑刻同時並進搶

上東南山梁攻克喇嘛寺屯聚賊匪又將石砌碉座
立時焚燬官兵等冒雨攻圍殲戮賊眾殆盡亥刻遂

攻破官寨藏內全復十五日晝熱索橋過此即屬賊
境福康安等一面遣兵由上游紮松山下紮綠徑渡

直撲賊卡而正路官兵乘勝搭橋一時並濟將士無
不人人奮勇痛加剿殺十七日復行前進深入賊境

欽定廂爾喀紀畧 卷首四 天章四 四

一百六七十里地名協布魯該處當路有橫河一道水深湍急而橋座賊已拆毀福康安等於二十三日帶兵繞至橫河上游借接枯樹搭橋賊匪鎗聲不絕因於日暮大雨時伴令各兵撤退至夜半賊匪回寨趕緊接縛大木過河分為三路於二十四日黎明併力壓下盡行焚燬賊寨痛殲賊眾二十四日攻克協布魯後日噶多正路至足木古拉巴載山梁山山下有橫河一道對面大山即係東覺福康安與海爾察分為兩路福康安探得上游噶多普山上樹木茂密可以羸身因繞行兩日於六月初六日下至山麓見水渡河官兵奮勇剿殺將近河朔卡木城盡行奪據而海爾察亦連日潛伏冒雨步行初六日黎明徑登博爾東拉山巔繞至賊卡之上將木城石卡全行拆毀旋與福康安會合一處併力追剿於初九日至雍程

欽定平定回疆方略卷首四 天幸四 五

地方因官兵等冒險登陟辛勤已甚暫令休息而賊會遣人乞降經福康安嚴行駁飭惟是該處大山層疊而堆補木與甲爾古拉兩山之間又有橫河一道福康安等將官兵分為數隊左一路由橫河上游繞道進攻右一路由朔朗古攻橋進撲甲爾古拉賊匪拚鎗連環不斷我兵乘勢就進奪據橋座剿殺更倍於前計自療木那杏濟曬熱奈橋協布魯東覺朔朗古前後凡七戰皆獲全勝共殺賊目二十餘名賊匪三四千名生擒二百餘名雖山徑險仄河溜湍急福康安等鼓勇直前如履平地如渡津津賊勢甚為窮蹙前已屢遣頭人詣營納款至此大益及兵臨陽布加震警哀懇乞降無不唯命是從矣 賊遂屢遣頭人匍匐乞降將軍所擬事件無不謹從

而獨不敢身詣軍營蓋彼去歲曾誘藏之噶布倫丹津班珠爾等前去故不敢出也 賊人經官兵屢戰屢支卑辭乞命心膽俱落凡福康安等微諭之事無不一遵奉先將裏去之噶布倫丹津班珠爾等送出疆並沙瑪爾巴骨庭及前私立合同二張亦俱呈出不敢再提唐古特錢債一事且言從前為沙瑪爾巴所唆實已悔之無及惟乞大皇帝憐憫全部生靈網開一面其畏懼情形似屬真誠其賊酋拉特納巴都爾與其叔巴都爾薩野不敢親自來營自謂從前誘誘莫敢不敢出此亦真情無怪其然也 我武既揚必期

欽定平定回疆方略卷首四 天幸四 六

掃穴犁庭不遺一介亦非體上天好生之意即使盡得其地而西藏邊外又數千里之遙所謂不可耕而守者亦將付之他人乃降旨允降班師以蕩斯事昔唐太宗策頡利曰示之必克其和乃固廓爾喀非頡利之比番邊殊長安之近彼且乞命願恩准之不暇又安敢言和平然今日之宣兵威使賊固意求降歸順實與唐太宗之論有所符合

昔子記土爾扈特之事於歸降歸順已悉言之若今

廓爾喀之謝罪乞命歸降歸順蓋並有焉以其悔過

誠而獻地切也向著土爾扈特歸順記云始逆命而終徠服謂之歸降弗加征而自臣屬

謂之歸順言土爾扈特之投誠乃歸順非歸降也若

今之廓爾喀畏威悔罪雖屬歸降然其悔罪之意極

為真摯並請定期五年一貢永遠約束又將邊外扎

木地方獻歸西藏是則誠心向化不但歸降而且歸

順矣 迺知守中國者不可徒言偃武修文以自示弱也

彼偃武修文之不已必致棄其故有而不能守是亦

不可不知耳知進知退易有明言子實服膺弗敢忘

而每於用武之際更切深思定於志以合乎道幸而

五十七年之間十全武功豈非

天貺然

天貺逾深予懼益切不敢言感惟恐難承兢兢惶惶以

俟
天眷為歸政全人夫復何言

喇嘛說

佛法始自天竺即厄納特珂克部其地曰痕都斯坦東流而至西番唐

古特部其地曰三藏其番僧又相傳稱為喇嘛喇嘛之字漢書

不載元明史中或訛書為刺馬陶宗儀耕錄載元時稱帝師為刺

同馬毛奇齡明武宗外紀又作刺皆係隨意對音故其字不同子細思其義蓋西

番語謂上曰喇謂無曰嘛喇嘛者謂無上即漢語稱

僧為上人之意耳喇嘛又稱黃教蓋自西番高僧帕

克巴舊作八思巴始盛於元沿及於明封帝師國師者皆

有之元世祖初封帕克巴為國師後復封為大寶法王並尊之曰帝師同時又有丹巴者亦封帝師

其封國師者不一而足明洪武初封國師大國師者

不過四五人至永樂中封法王西天佛子者各二此

外灌頂大國師者九灌頂國師者十有八及景泰成化間益不可勝紀我朝惟康熙年

間祇封一章嘉國師相襲至今我朝雖與黃教而並無加崇帝師封號者

惟康熙四十五年勅封章嘉呼土克圖為灌頂國師示寂後雍正十二年仍照前襲號為國師

達賴喇嘛班禪額爾德尼之號不過沿元明之舊換

其襲勒耳 黃教之興始於明番僧宗喀巴生於永樂

二大弟子曰達賴喇嘛曰班禪喇嘛達賴喇嘛位居

首其名曰羅倫嘉穆錯世以化身掌黃教一世曰根

敦珠巴二世曰根敦嘉穆錯三世曰索諾木嘉穆錯

即明時所稱活佛額南堅錯也四世曰雲丹嘉穆錯

五世曰阿旺羅卜藏嘉穆錯我朝崇德七年達賴喇

嘛班禪喇嘛遺貢方物八年 賜書達賴喇嘛及

班禪呼土克圖蓋仍元明舊號及定鼎 蓋中外黃教

後始頒給勅印命統領中外黃教焉

總司以此二人各部蒙古一心歸之興黃教即所以

安眾蒙古所繫非小故不可不保護之而非若元朝

欽定爾喀紀畧 卷首四 天章四 九

曲庇詔敬番僧也 元朝尊重喇嘛有妨政事之弊至

不可問如帝師之命與詔勅並行

正衙朝會百官班列而帝師亦專席於坐隅其弟子

之號司空徒囹公佩金玉印章者前後相望拈勢

恣雅氣發薰灼為害四方不可勝言甚至強市民物

揅挫留守與王如爭道拉毆墮軍皆甚不問並有民

毆西僧者戴手管之者斷舌之律若我朝之興黃教

則大不然蓋以蒙古奉佛最信喇嘛不可不保護之

以為懷柔 徒與于何異故必覓一聰慧有福相者俾為呼必勒

罕 卽漢語轉世 化生人之義 幼而習之長成乃稱呼土克圖此亦

無可如何之權巧方便耳其來已久不可殫述軌意

近世其風日下所生之呼必勒罕率出一族斯則與

世襲爵祿何異余意以為大不然蓋佛本無生豈有

轉世但使今無轉世之呼土克圖則數萬番僧無所

皈依不得不如此耳 從前達賴喇嘛示寂後轉生為

多特地方二世在後藏大那特多爾濟丹地方三世

在前藏對嘎地方四世在蒙古阿勒坦汗家五世在

前藏崇樂地方六世在裏塘地方其出世之七世達賴

喇嘛在後藏托卜扎勒拉里岡地方其出世且非一

地何況一族乎自前輩班禪額爾德尼示寂後現在

之達賴喇嘛與班禪額爾德尼之呼必勒罕及喀爾

喀四部落供奉之哲布尊呼土克圖皆以兄弟叔侄

嫡姪遞相傳襲似此掌教之大喇嘛呼必勒罕皆出

一家親族幾與封爵世職無異即蒙古內外各札薩

克供奉之大呼必勒罕近亦有各就王公家子弟內

轉世化生者即如錫呼圖呼土克圖即係喀爾喀親

王固倫額駙拉旺多爾濟之叔達克巴呼土克圖即

係阿拉善親王羅卜藏多爾濟之姪諾尹緯爾濟呼

土克圖即係四子部都都郡王拉什燕丕勒之子堪卜

諾們汗扎木巴勒多爾濟之子似此者難以枚舉又從前哲布

汗車登多爾濟之子似此者難以枚舉又從前哲布

尊丹巴呼土克圖圖寂後因圖舍圖汗之福晉有娠

衆即指以為哲布尊丹巴呼土克圖之呼必勒罕及

欽定爾喀紀畧 卷首四 天章四 十一

彌月竟生一女更屬可笑索古資爲談柄以致物議沸騰不能誠心皈依甚至紅帽喇嘛沙瑪爾巴垂涎扎什倫布財產自謂與前輩班禪額爾德尼及仲巴呼土克圖同係弟兄皆屬有分彼使廓爾喀滋擾邊界搶掠後藏今雖大振兵威廓爾喀畏懼降順匍匐請命若不爲之剔除積弊將來私相授受必致黃教不能振興蒙古番衆猜疑輕視或致生事是以降旨藏中如有大喇嘛出呼必勒罕之事仍隨其俗令拉穆吹忠四人降神誦經將各行指出呼必勒罕之名書發貯於由京發去之金奔巴瓶內對佛念經令達賴喇嘛或班禪額爾德尼同駐藏大臣公同籤掣一人定爲呼必勒罕雖不能盡除其弊而較之從前各任私意指定者大有間矣又各蒙古之大呼必勒罕亦令理藩院行文如新定藏中之例將所報呼必勒

欽定廓爾喀紀畧

卷首四

元朝四

十一

罕之名貯於雍和宮佛前安供之金奔巴瓶內理藩院堂官會同掌印之扎薩克達喇嘛等公同簽掣或得真傳以息粉釀去歲廓爾喀之聽沙瑪爾巴之語劫掠藏地已其明驗雖與兵進剿彼即畏罪請降藏地以安

然轉生之呼必勒罕出於一族是乃爲私佛豈有私故不可不禁茲余製一金瓶送往西藏於凡轉世之呼必勒罕衆所舉數人各書其名置瓶中掣籤以定雖不能盡去其弊較之從前一人之授意者或畧公

矣夫定其事之是非者必習其事而又明其理然後可予若不習番經不能爲此言始習之時或有議爲

過與黃教者使予徒泥沙汰之虛譽則今之新舊蒙

古畏威懷德太平數十年可得乎且後藏煽亂之喇

嘛卽正以法上年廓爾喀使掠後藏時仲巴呼土克圖既先期逃避而大喇嘛濟仲扎蒼等

遂托占詞爲不可守以致衆喇嘛紛紛逃散於是賊

匪始敢肆行搶掠因卽令將爲首之濟仲拿至前藏

對衆剝黃正法其餘扎蒼及仲巴呼土克圖等俱解

解至京治罪安插較元朝之於喇嘛方且崇奉之不

啻致使妨害國政况敢執之以法乎若我朝雖護黃教正合於王制所謂修其教不易其俗齊其政不

易其宜而惑衆亂法者仍以王法治之與內地齊民

無異試問自帕克巴創教以來歷元明至今五百年

幾見有將大喇嘛剝黃正法及治罪者天元朝曾有

下後世豈能以予過與黃教爲譏議乎是乎蓋舉大事者必有其時與其會而更在乎公與

欽定廓爾喀紀畧

卷首四

元朝四

十一

之私合內外蒙古之願當毫近歸政之年復成此事
安藏輯藩定國家清平之基於承久子幸在茲予敬
益在茲矣

兵部奏凱旋兵丁至京由驛各歸本地營伍紀事

古之三時務農一時講武為制兵善策其不及者更
役流民使之戢戍皆所謂馭大羊以飼虎豹殊可笑
耳惟我朝用禁旅及東省旗兵以張撻伐是以所向

欽定廓爾喀紀畧 卷首四 天朝四 十三

無敵莫不成功茲之征廓爾喀七戰七勝致其畏威
降順即明驗也若夫兵部所司不過設驛安頓送往
迎迥茲以歲事奏聞亦循例而已豈似明之本兵哉
明之本兵以庸儒登科甲存久至司馬不知兵為何
物何事幸逢無與或恣苞苴以飽囊橐不幸有敗餽
受攻斥以喪首領其亦可哀可鄙而其國家亦隨以
衰滅是不大可慎乎 有明自中葉以後諸帝率多怠
荒不親政事凡遇軍務委之樞

臣至末季疆場多故尤重本兵之權是以其時國法
敵兵薄城則殺大同馬如丁如棄王洽等皆以備禦
疏忽調度乖方真之於法蓋維時本兵既多庸閹
冗動掣邊帥之肘而其君又闇於知人委任失當欲
求國事不悞 其可得乎 即今之平定廓爾喀自前秋以至昨夏

凡遲速之機進退之宜內而軍機大臣外而將軍參
贊皆與一心一力日夜籌畫不為掣肘任其撻裹且
沿途之督撫又復屢命繼儲餉供康結並禁兵役之
滋擾勒索是以民不知兵行若無事豈如前明之所

欽定廓爾喀紀畧 卷首四 天朝四 十四

為哉若夫地方官以兵行辛勤捐給勞 去 銀每兵不
過二三兩此亦大員以已既弗躬荷戈敵愾以申同
仇之誼非行賄也雖弗過而問之而亦未嘗不知但
於其與者不嘉其揮霍弗與者亦不責其慳吝而窮
兵遠涉邊荒既屢受官賞更得此資助積少成多亦
其宜耳若尹壯圖之流又且以為非出官捐皆害民
刀蓋彼若當茲定出於是庸人豈可與言政哉

平定廓爾喀十五功臣圖贊 有序

廓爾喀畏威乞降歸順武成平定功臣效力宜有圖贊例應論爵以軍機大臣爲首而大學士阿桂以此番絕域厯險實異常之勞當以大將軍福康安爲首因嘉許之爲之序曰

武成圖功建此番四

紫光關圖功臣像各爲之贊自平定西域兩金川臺灣遠此凡

四夫用兵豈易言哉必出於不得已而不出於貪得

欽定廓爾喀紀畧

卷首四

天章四

五

恃強審時應機旣明且斷信賞必罰仍總賴

天助順捨斯數者未有不見其敗而資窮蹙之譏者

也伊犁回部金川旣受俘虜事余已不復萌用武之

心無何而臺灣叛福康安等渡海剿賊不久生擒賊

首故此戰圖仍依例以阿桂爲首今之廓爾喀又在

西藏數千里外絕壁衝天急湍臨峽捨馬單步非福

康安海蘭察二人同心鼓舞身先士卒斷不能成此

七戰七勝之功首圖其像允合予心而符衆望也西

師金川功臣各百子親爲贊者各五十餘命儒臣爲

贊各五十以成百數臺灣功臣子親贊者二十餘命

儒臣爲贊者三十以成五十數今平定廓爾喀之功

臣子親贊者十五餘命儒臣爲贊者十五以成三十

數蓋以西師及金川歷年久而擴地廣故人數多臺

灣成功速而地非廣故人數次之若廓爾喀則又速

欽定廓爾喀紀畧

卷首四

天章四

六

於臺灣地雖險而實弗廣也故子親爲贊者不過十

五儒臣爲贊者亦祇十五然以總數較仍勝凌煙雲

臺之所表也此實

吳蒼護佑國家

祖宗教養所貽賢材接踵爲那家光子藐躬欽承惟謹

盛滿是懼且歸政年近老而畏事退敢復有他圖哉

大學士一等忠銳嘉勇公兩廣總督福康安

百戰久經兩功近成近之險絕前關未曾七戰七勝

度索乘桴奮勳新讓 此番聲計廓爾喀福康安身先將士履險臨深無戰不捷大功

克蕙其忠貞實邁等倫若以爵論阿桂本應居首而阿桂自以此次未臨行陣奏讓福康安為首功實為

公允可嘉
遂逾其請 嘉許首圖

大學士一等誠謀英勇公阿桂

七旬以上身體康強從不言功黃閣贊襄威克安久

此次用師必大彰國威而後允降庶幾可以久安不致再生事端唐太宗所謂示之必克其和乃固正合

欽定廓爾喀紀畧 卷首四 天章四 七

朕意福康安固能仰體此意力歲殊 曾亦協謀置一

勛而阿桂原有協謀之功亦不可掩

大學士三等忠襄伯和珅

國家用武帷幄絲綸事殊四朝 謂漢唐 清文漢文家

去歲用兵之際所有指示機宜每 兼用清漢文此外頒給達賴喇嘛

及傳諭廓爾喀勒書並兼用蒙古西番字臣工中通曉西番字者殊難其人性和珅承旨書諭俱能辦理

如勤勞書旨允稱能事

大學士王杰

司學閩疆臺灣事曉海洋進退頗亦了了短詩長記

晝夜騰章 每軍營奏報捷章皆有詩文誌事隨時無騰寫至西藏番地情形實未能知悉也

賈贊策人各用長

大學士孫士毅

安南之役體國還軍 安南之役初以黎氏臣服年久不忍坐視惟是天厭黎德

朕已先見及此使孫士毅既為復國之後果即遵旨班師何至後此有傷我官軍之事然孫士毅身為帥

欽定廓爾喀紀畧 卷首四 天章四 六

臣彼時設亦如武臣等捐軀效命則所繫國家成畏匪小幸而全師以出寧歸闕請罪是尙知以國為重

者削功寬罪 孫士毅克復黎城朕原賞以公爵追失事之後彼亦自知罪無可逃朕削其功

而寬其罪懲獎悉本至公 懲獎能臣征廓爾喀命理蓋亦嘉憫能臣之意也

軍儲盡其心力亦堪入圖

原任領侍衛內大臣一等超勇公海蘭察

勇而有謀侍衛淳公 乙亥征討準噶爾時海蘭察方以索倫馬兵從軍先是輝特台

吉巴雅爾率屬來降已封為汗及阿睦爾撒納復叛後巴雅爾旋亦從逆以大兵追急遁入塔爾巴哈台

山中海蘭黎奮力窮追射之墜馬遂生擒以歸以此立擢爲侍衛嗣後每派出兵無不奮勉爭先而料敵策應宛若素嫻船畧者然屢以戰功海封公爲此次爲衆贊功成復晉封一等超勇公實爲索倫之傑出者索倫巨擘繡衣錫龍圖形四番福祿鮮比旋終於家矜惜無已

戶部尙書福長安

戚晚閩門家國一體兄勳遠征弟贊近理鴻邱之隔樽俎之間無不同心弗稱已上聲人關征廓爾喀之

己之已役子與軍機

大臣等籌畫機宜福長安盡心襄贊悉合子意伊本以國事爲重詎稱關已而已哉

戶部尙書董誥

儒雅措紳本不識兵樞機久參習以盡誠地官掌賦軍中儲櫛皆從內地撥往及凱旋後銷算事宜一切皆戶部掌之度支是司軍儲萬里調撥合宜

兵部尙書慶桂

所謂故國賴有世臣量去材授職非卑逾尊用孟本

兵習政明代最重本兵之職凡遇軍興悉以委之自中葉以後其君不親政事又無知人之明而

肩斯任者率多庸懦庸懦動皆掣肘更恣苞苴此其國事幸復可問近作凱旋兵丁各歸營伍紀事文皆

指其失以昭懲戒至我朝用兵惟在將軍參贊相機攻取是以所向無敵而兵部所司不過設驛安頓送

往迎回諸廣桂爲尹繼善之子繼善字元長跨竈是乎

事而已從前西域用兵惟傳恒與予一心主必辦之說其時尹繼善爲陝甘總督頗不欲用兵此亦習於書生拘

守之常談不足以識事機彼時並慮辦理軍務非其所長因令黃廷桂調任陝甘專司其事是以百師戢

功伊雖爲世臣未得列入戰圖今廣桂以圖形始爾軍機大臣遺思得此榮遇轉覺跨竈矣

欽定兩略紀畧卷首四天章四

工部尙書和琳

二庸駐藏諸務推諉停留渾雅滿泰二人同爲駐藏大臣乃平時於廓爾喀之事

若罔聞藏中一切委之噶布倫等任其妄爲迨廓爾喀侵擾藏地又不能帶兵征剿聘欲將達賴喇嘛班

禪額爾德尼移至內地竟甘心棄置藏地不知是何肺腸因令將伊二人於藏地枷責以爲推諉國事者

之選良代之條條有理和琳之弟責難觀成和琳先爲御史

厥命巡漕於河道漕運頗能認真挑落督催因悉其才具優長並知爲和琳之弟去歲令在代停留渾等

爲駐藏大臣沿途據奏催償烏拉立定期限嚴申賞罰軍裝火藥源源運送不致遲悞及到藏後辦理糧

何事宜整頓藏中諸務一切井井有條初不料其竟能副朕委任而國家得一良材尤堪慰悅嘉得世臣爲國之楨

四川總督惠齡

和琳督糧至藏之西濟甯以內糧運烏拉專任和琳

藏之西界其大兵所到師進賊境糧運留資初命惠齡爲四

川總督卽令同至軍營拔爲參贊大臣既念大兵深入賊境師行糧隨最關緊要而惠齡於調度既不能

如福康安戰陣亦更不如海蘭察用其所長莫若竟以後路糧運專責其成其在拉子地方設法起運糧

欽差爾喀總署卷首四 天章三

石軍械及雇寬商民長運諸務悉爲周妥餉戒不賍並不貪得戰功希冀懋賞此意亦爲可嘉

用濟武成功亦懋哉初被圖形

原任都統銜護軍統領喇布凱巴圖魯台斐英

阿

首攻擦木繼克濟甯身先士卒奮勇成功遂至帕朗

逼甲爾古台斐英阿自禦木進兵以後無不身先士卒往來戎殺最爲奮勇及攻東覺山梁尙

用砲轟斃紅衣賊目其後進攻甲爾古拉復直直前射斃紅衣賊目不意中鎗頭墜深爲痛惜

進殞身痛惜心楚

護軍統領和隆武巴圖魯額勒登保

石礮木柵鑿叠賊防勢如捲簾捷似頽牆將軍所示

無不領畧額勒登保時爲翼長司軍前各隊營務及

七戰率領精兵攻碉率領精兵埋根卓樂奪柵所至無不克捷

原任副都統扎弩巴圖魯阿滿泰

遇有絕險莫弗身先詎惟力勇實以忠堅攻堆補木

奪橋命殞馬革未能官兵攻奪濟甯官寨及搶奪熱

夜渡河又攻克協布魯賊寨阿滿泰無不身先鼓勇

痛殲賊衆忠悃實屬超羣乃至攻噶勒拉堆補木過

河時見賊匪將撤橋板直前搶奪兵丁乘勢競進而

伊適以在前鎗落河水深溜急當爭先進擊之際不及撈瓦並不得裹

馬革以歸益堪憫惻更切哀憫

副都統銜駐劄西藏協辦事務大臣賽尙阿巴

團營成德

曾爭巴忠前此廓爾喀侵擾藏邊巴忠授意噶布倫丹津班珠爾許領贖地成德未嘗不知然

聞彼時曾力謀其非而巴忠恃在御前行 尙有雄心
走諸事擾專雖爭之不得而心尙雄壯

克聶拉木

賊人佔據聶拉木官寨成德與穆克登阿

南伊由西北進攻拋入火彈燒斃賊匪甚眾其逃出

者復被官兵殲戮二百餘名寨中尙屯聚賊匪令我

兵四面圍困無一 亦見韜襟重進剿賊別分一路而

漏網者頗見勇畧 大兵由色達木一路深入賊境福康安分派成德由

哈那亥木山一路進攻既同阿尼雅布等將扎木攻

克又聞前途有鐵索橋即潛行樹林內奪據大河東

岸賊卡乘夜奪橋並將西岸賊卡攻克沿途殺獲甚

眾復由江各波邁山梁直趨龍岡與彥吉保會合兩

面夾擊佔住龍岡所有賊卡悉被焚燬此次成德分

路攻剿功 頗有所克圖形表故

亦可錄 附 後十五功臣圖贊

四川提督彭承堯

金川從征偏裨克寇西江東粵屢昇顯閩陳請協

剿已屆凱旋防守後路與有力焉

副都統布隆巴圖魯岱森保

奪賊要隘德親鼎山尋攻扎木間道躋巔或合成

分克堪用俞曰迪果毅由其志定

副都統法福禮巴圖魯烏什哈達

金川攻礪臺灣率艦兩樹戰功昔能奮勉茲在行

間守禦亦資凱旋掄績並圖贊之

副都統錫阿朗巴圖魯德楞泰

奪橋燬寨克卡破圍單騎百戰千人一揮仄徑螺

旋大河鳧渡颯爽英姿光留竹素

副都統錫利圖巴圖魯珠爾杭阿

我軍甫入彼衆已亂薄險擊之當山之半攬其全

勢據乎上游大轅大膊允稱壯猷

副都統額騰額巴圖魯翁果爾海

山越兩重路循一線破空而下取道以間措堅執

觀右臂中傷擠賊紛墮厥功煌煌

原任副都統銜法福禮巴圖魯哲森保

欽定廟圖略紀畧 卷首四 天朝四 三

欽定廟圖略紀畧 卷首四 天朝四 三

身先士卒頗著勇力濟隴峻嶺履險若平博爾東
拉槍中左膝蹄途殞命允且優卹

副都統銜能登額巴圖魯阿穆爾塔

攻堆補木耀我熊罴分路夾擊賊力不支川流剽
悍山徑峭窄拔幟先登多有俘獲

副都統銜四川土守備贊巴巴圖魯木塔爾

統率屯練跳盪素著銳氣直前壯心爭赴有戰必

欽定廓爾喀紀畧 卷首四 天章四 五

勝何敵不推嘉茲驍捷掄錫雲臺

四川重慶鎮總兵博齊巴圖魯袁國璋

甲爾古拉撥甲橫戈衝賊中堅爭隘渡河拔自行

間素嫻紀律貌象紫光厥功可述

四川建昌鎮總兵芬圖哩巴圖魯穆克登阿

聶拉木路偏師綴賊力戰督兵三卡連克出其不

意奪鐵索橋俘敵無算武績孔昭

原任四川松潘鎮總兵扎敦巴圖魯張芝元

平兩金川累立戰功茲攻東覺連挫賊鋒自知前
過感宥加屬染瘴捐生卹及後裔

原任副將銜四川土都司寧多布巴圖魯木

泰爾

撲甲古拉攻集木集蟻襍蜂屯魄喪膽懾突入突

出犄之角之是爲真吉有律之師

欽定廓爾喀紀畧 卷首四 天章四 五

原任二等侍衛莫爾根保

方攻擦木乘夜霖霖獨領一軍截其歸路噶拉勒

山攀附木城驅殞堪惜圖形以旌

甘肅副將烏爾固勒濟巴圖魯達音泰

分領一軍入第三隊攻賊不虞險隘頓潰踴躍突

厲奮突軒騰戰則請從驍勇足稱

欽定廓爾喀紀畧卷首四

欽定廓爾喀紀畧卷一

乾隆五十六年八月二十二日

甲子駐藏辦事大

臣保泰雅滿奏言本年二月間

臣等照鄂輝

等原奏委後藏都司徐南鵬帶領戴綱等派唐

古忒兵丁駐劄邊界後據噶布倫丹津班珠爾

呈請同噶布倫扎什敦珠布帶領戴綱等分路

前至交界處所巡查並訓練唐古忒兵丁技藝

欽定廓爾喀紀畧

卷一

二

臣等因所呈尙是准其前往惟時逢賴喇嘛遣

人告稱前年廓爾喀侵犯邊界將聶拉木寺廟

殘毀今乘噶布倫等查邊之便我派地穆呼圖

克圖商卓忒巴扎薩克喇嘛噶爾藏丹津同噶

布倫至聶拉木脩理寺廟

臣

等亦准令去後茲

於七月二十一日據喇嘛噶布倫等稟稱六月

二十四日行至聶拉木給信與廓爾喀商議舊

時未完債項七月初六日傍晚廓爾喀頭人一

名帶領七十餘人亦至聶拉木地方次早廓爾

喀頭人等領兵千餘向聶拉木進發我等見來

人甚衆一時不能禁止將彼處橋梁拆毀廓爾

喀疑斷其歸路混放烏鎗致相爭鬧廓爾喀即

佔據聶拉木將噶布倫戴綱等俱圍住彼處等

因續經都司徐南鵬稟報相同

臣等隨遣都司

欽定廓爾喀紀畧

卷一

二

嚴廷良迅赴聶拉木地方查問起釁緣由並委

戴綱敏珠爾多爾濟帶領附近唐古忒兵丁飛

往救應

臣

保泰調達木兵五百名酌帶綠營兵

丁前至扎什倫布安撫人衆催遣唐古忒兵丁

把守各邊界要隘倘廓爾喀不知畏懼仍肆搶

掠

臣

保泰一函具

奏一面將班禪額爾德尼移居前藏將

臣

帶往兵

丁留護扎什倫布侯將班禪額爾德尼送至前藏時再回扎什倫布催兵防守

同日成都將軍成德四川總督鄂輝奏言據保泰咨行摺稿內稱廓爾喀將查邊之噶布倫戴細等誘至聶拉木地方圍困滋事等因

臣成德

鄂輝俱係原在巴勒布承辦邊事之人若保泰妥協辦竣自毋庸議倘生意外之變

臣成德任

欽定廓爾喀紀畧

卷一

三一

所事務尙少建昌鎮總兵穆克登阿曾與廓爾喀頭人熟識現在該總兵

陛見回程已近侯保泰等文咨到時如未能就事

臣成德卽帶領穆克登阿同至藏界妥協剖斷

均奏入

上命軍機大臣傳諭保泰成德鄂輝曰據保泰奏廓爾喀將噶布倫戴細誘去圍在聶拉木胆敢佔據

地方保泰現往後藏酌辦並據成德亦願前往廓

爾喀係歸降外夷何遽敢肆行滋擾從前鄂輝成

德巴忠辦理藏務時若將債欠查明清還自可久

遠寧謐乃含糊辦理交與噶布倫私自還給唐古

忒性本瑣屑復不照原議給發致有此事若差去

之噶布倫能知事體輕重與廓爾喀理論限期還

給則廓爾喀亦不敢佔據滋事祇因丹津班珠爾

欽定廓爾喀紀畧

卷一

四

見廓爾喀人數衆多卽心存懼怯退回折橋而廓

爾喀見橋已拆毀懷疑生變其情形可想而知保

泰一聞此信卽趕赴後藏如已查明辦竣固屬甚

好倘若暫且不能完事鄂輝距彼甚近自可不時

聞信鄂輝聲名較大成德人稍粗率未經歷練應

令鄂輝前往爲安亦不必多帶兵丁不過于伊所

管綠營內揀選五十人帶去已足敷用鄂輝係總

督大員領兵前往廓爾喀自必聞風膽落西藏現有達木蒙古兵丁萬一再有需用之處內地相去萬遠可于土練番兵內就近調取千餘名不獨順便且較爲得力著鄂輝探聽西藏信息相機妥辦孫士毅在京無事著往署四川總督事務孫士毅至川時保泰若已辦完從前鄂輝會請陛見卽將總督印務交與孫士毅署理鄂輝卽來京陛見倘

西藏事未完竣必待鄂輝前去則孫士毅一到鄂輝迅速赴藏妥爲辦理以贖前愆再保奏廓爾喀倘肆掠進攻卽將班禪額爾德尼移于前藏所奏亦屬太過班禪額爾德尼在扎什倫布衆心安貼倘一動移後藏人衆必致紛紛擾亂不成事體况廓爾喀既能侵後藏亦必能侵前藏彼時又將移達賴喇嘛班禪額爾德尼于何地保泰只可靜

守斷不可輕移妄動致惑衆心再廓爾喀前經悔罪歸降封錫王公膺受恩典唐古忒縱有欠項負約亦當許知駐藏大臣懇求剖斷自能代伊查辦並將失信之噶布倫加以責處乃並不呈明駐藏大臣竟擅自圍住聶拉木大肆猖狂著鄂輝保泰各寫示帖嚴行曉諭以前歲爾等與藏內失和任意侵掠天朝曾發兵進討因爾等悔懼歸誠賞其

旣往封爵優隆今爾等不知感恩又復滋擾大兵卽時雲集爾等自問能抗拒乎縱再傾心降順泥首籲求亦恐難邀寬免矣如此詞嚴義正明切曉示並將帶去兵丁揚威奮武使之聞而誓服保泰馳抵後藏卽將廓爾喀情形如何之處速由六百里具奏候朕再降諭旨

臣等謹案衛藏西南界外舊有巴勒布三汗

曰陽布曰葉榜曰廓庫木分領其衆廓爾喀

別一部落本與巴勒布相鄰後凌強橫其酋

長博納喇亦并吞三部及小部二十餘處遂

據巴勒布而有之其嗣孫拉特納巴都爾年

幼叔巴都爾薩野用事先是部人至藏貿易

以易換銀錢搏爭起釁侵掠藏界

皇上命鄂輝成德巴忠三人統兵收復酋長震懾

欽定廓爾喀紀畧

卷一

七

降扞誠納貢仰荷

聖恩優渥

錫之封爵

列在爰闕洵乎恢撫馭之絃綱浹綏懷於荒憬矣乃

甫屆一年旋因唐古忒通貢未清將噶布倫

戴綳等誘圍滋擾固由廓爾喀犷悍性成而

亦任事者謀之不臧有以致之也

皇上淵謨神運

燾載兼容當奏報之初尙無必欲用武之意迨其妄

肆鴟張蹂躪扎什倫布於是

赫斯授鉞聲討宣威遠籌戡定之幾永垂枚寧之軌

事藏於再舉而

功底乎十全臣等欽承

諭旨續輯紀畧仍從廓爾喀本號以志巴勒布爲其

欽定廓爾喀紀畧

卷一

八

所兼併云

二十五日丁成德鄂輝奏言臣等前准保泰等

來咨以廓爾喀人等因與藏中債務不清將巡

查邊界之噶布倫戴綳等誘至蓋拉木地方圍

住等情茲于八月十四日復准保泰等來咨知

廓爾喀已將噶布倫戴綳等帶回巢穴現在保

泰帶兵親赴後藏查辦臣等聞信之下不勝駭

異伏查廓爾喀甫於上年投誠入

貢仰荷

天恩封給王爵並將伊叔封授公爵到京之大小頭人無不身受重賞種種

殊榮實足使之傾心誠服何至事歷未久卽有反覆

自係該部落番人素性獷野不知法度因與西

藏人等前此債賸不清至相構衅且欺唐古忒

欽定廓爾喀紀畧

卷一

九

人等懦弱意欲逼凌噶布倫等勒令償債所致

若以邊界土司情形而論只須查照夷務之例

遣員前往駕馭剖斷自可完結况前差往之都

司嚴廷良尙未將實在情形稟到尤恐係唐古

忒人等驚惶張大之詞查唐古忒與廓爾喀均

爲

天朝屬番今不過兩處番人交相爭攘何值遽起兵

端_臣等已飛咨保泰到彼後止將邊界嚴行防

守一面明白譯諭廓爾喀速將噶布倫等送出

查明情節秉公剖斷以免別滋事端至_臣成德

前經奏明俟續得保泰等來信如未完結卽帶

同建昌鎮總兵穆克登阿前往今該噶布倫等

旣被廓爾喀人等帶往該處不便再爲稽延現

在密行揀派熟悉番情及通曉唐古忒番語之

欽定廓爾喀紀畧

卷一

十

將備屯土弁兵檄調前來一俟到齊_臣成德卽

同總兵穆克登阿帶領起身沿途不動聲色安

靜行走如續聞保泰已將此事辦竣_臣卽可隨

處撤回設尙未完到彼後再行察看情形妥爲

料理_臣鄂輝俟續得西藏信息隨宜酌辦不致

稍有貽悞奏入

上命軍機大臣傳諭鄂輝成德曰前歲廓爾喀滋事

朕特著鄂輝爲正成德巴忠爲副前往辦理乃鄂輝不思久遠奠安惟圖目前苟且了事致廓爾喀復肆跳梁朕以此事係鄂輝承辦已降旨仍著鄂輝前往今據鄂輝成德所奏仍造成德辦理鄂輝受朕深恩簡用總督廓爾喀之事又係鄂輝初時辦理不善以致滋事何尙觀望不前卽云總督任重令成德署理數日有何不可鄂輝過于拘泥著

欽定廓爾喀紀畧

卷一

十一

嚴行申飭至此事朕于前年交鄂輝成德巴忠會同辦理此次二十二日保泰奏到朕披覽之後將摺令巴忠閱看以起初係三人承辦縱有錯悞焉得立治一人之罪故於巴忠亦尙未加以責斥次日巴忠在軍機大臣前告稱此事係我等辦理不善懇祈將我或革或降趕赴藏地効力贖罪經軍機大臣等代奏朕因已遣鄂輝往辦未令前往不

意巴忠卽於是夜潛出投河淹斃殊堪駭異因思從前商辦此事時巴忠必自倚御前侍衛隨從有年又爲欽差大員鄂輝係外省總督成德係提督未免易視伊等凡有事件俱係自專今復滋生事端恐鄂輝成德據實陳奏心懷疑畏是以短見自戕伊旣如此鄂輝等聞知未必不致狐疑慌亂尙因此貽悞公事伊等不能當其咎也著傳諭鄂輝

欽定廓爾喀紀畧

卷一

十一

等令其安心奮勉馳赴藏地如將此事妥辦完竣朕必加恩寬宥以功抵罪尙仍苟且了事止顧目前不爲久遠之計鄂輝更何顏見朕耶至保泰現已自前藏往札什倫布所有事務卽著保泰相機辦理不必等候鄂輝廓爾喀雖係絕域但其人無詭計保泰於臨近時務須留心防範不可輕視萬一爲其所欺于國體大有關係保泰惟當慎之

又慎

上諭內閣曰西藏爲首辦事之噶布倫丹津班珠爾被廓爾喀所圍雖不久可回但噶布倫事務不可無人辦理班第達雖已年老不能行動尙堪坐辦伊子所辦諸事卽交伊代爲妥辦頃聞伊子被劫朕心深用惻然著賞給班第達大荷包一對小荷包二對班第達應感激朕恩務須隨同駐藏大臣

欽定廓爾喀紀畧

卷一

十三

等電勉從事

九月初五日

丁丑

保泰奏言

於七月二十六日

自前藏起身八月初三日馳抵札什倫布初四

日已刻據駐防後藏都司徐南鵬稟據脅噶爾

地方第巴頭人等濟仲喇嘛噶冲稟內稱我們

帶兵把守定日廓爾喀兵來彼此打仗鎗傷廓

爾喀數人後因廓爾喀陸續添兵有一千多人

將定日各處寨落燒燬佔據我們因兵少退守

脅噶爾營官寨懇速添兵策應等語並據派赴

濟隴教習番兵之漢兵胡廷海盧獻驥稟稱濟

隴有熟索橋一道恐廓爾喀過來該處營官將

橋折斷廓爾喀復伐木搭橋將濟隴佔據番兵

番民均已逃竄各等情

臣

思廓爾喀甫順

天朝受

欽定廓爾喀紀畧

卷一

十四

皇上撫綏厚恩不思感激輒敢侵佔藏邊前經派往

脅噶爾堵禦之唐古忒兵諒已陸續可抵該處

茲

臣

抵札什倫布又飛調前後藏就近之唐古

忒兵丁九百餘名順交派出之公札什納木扎

勒戴綁定曾納木結等帶領由拉子撒迦溝兩

路俱赴脅噶爾堵禦並令相機收復聶拉木濟

龍定日各地方並派綠營官兵督催行走仍飛

催各處派出之唐古忒兵丁速赴脅噶爾並各處隘口防守堵禦查後藏路徑有春隊地方去脅噶爾三日路程去前藏所屬之江孜地方四日路程去札什倫布亦四日路程實係前後藏要隘爲脅噶爾之接續後路一面揀派達木兵三百名又就近調派撤迎江孜等處兵數百名令遊擊烏爾公阿帶領防守至前者廓爾喀賊

欽定廓爾喀紀畧

卷一

十五

番已將噶布倫等帶回巢穴並將聶拉木教習漢兵二名一同畏去胆敢佔據聶拉木地方今臣等差派之都司嚴廷良甫行至中途廓爾喀賊番已帶兵前進與唐古忒對敵佔據定日濟甯等處若令該都司直進賊巢詢問情節反足長其驕志已將該都司撤回聽候差遣奏入

上命軍機大臣傳諭保泰鄂輝曰保泰奏親至札什

倫布探聽廓爾喀信息檄調唐古忒番兵交戴細等防守脅噶爾並調回都司嚴廷良不令前往但察看廓爾喀情形究係邊外小部落惟利是圖不過因唐古忒等所欠債目未償而所差之噶布倫不曉事體一見賊人衆多措置乖方以致滋蔓若僅遣噶布倫戴細等帶兵前往唐古忒素性退懦一至邊境遇敵輒自逃竄詐稱向賊打仗佔奪地

欽定廓爾喀紀畧

卷一

十六

方任意飾詞稟報希圖諉卸此皆事所必有設果如此不特於事無益且使我衆驚疑致廓爾喀益加恣肆今保泰已至札什倫布去邊境尙有千餘里遠憑文報懸揣辦理不惟不能詳盡抑且實在情形未得周知保泰雖不可過爲深入亦應帶兵前往春隊等處駐劄以資彈壓伊何慮不及此耶保泰陸續調兵業經二千有餘且達木蒙古兵尙

屬得力衛藏路程較遠鄂輝一時不能卽到保泰如安坐札什倫布則與安住前藏何異保泰固當深思熟計不可任意輕忽亦不可止圖自便過於恇怯保泰接奉此旨如業經前進甚善若尚未離札什倫布卽往春隊一帶擇形勝之地相度機宜妥協經理

初六日戊寅鄂輝觀成奏言查齊噶爾以外到處

欽定藏書紀略

卷一

七

荒山柴草不出人烟絕少廓爾喀番人等雖佔據定日別無搶掠之處斷難久住目下節屆秋中該處已經下雪山路陡滑據保泰派調唐古忒達木番兵二千名在各要隘悉力防守諒該番等亦不敢再行深入至成德起程時曾與臣等商定此次到彼只須差遣妥當將備示以恩威將該處頭人番目喚出妥爲駕馭令其佩服

今成德聞信馳往其所帶漢屯兵弁三百餘名足資差遣總候成德等於出口後一路探得情形知會到日應如何酌籌策應之處再行妥辦

奏入

上命軍機大臣傳諭成德鄂輝保泰曰據鄂輝等奏成德帶領滿洲綠營官兵三百餘名起程赴藏此事原係鄂輝等前次在彼糜費糧餉所辦竟無頭緒

欽定藏書紀略

卷一

八

而巴忠謬出已見姑息了事雖已投河自斃但成德鄂輝亦有隨同瞻徇之咎况鄂輝爲首先辦事之人今聞彼處復生事端理應迅速前往奮勉贖罪乃復推諉不前僅令成德帶兵赴藏殊出朕意料之外此次成德尚有勇往氣槩而鄂輝惟知自圖安逸畏事脫身伊受朕厚恩簡任總督大員若如此畏葸自安祇爲人往來傳遞文書又安用此

總督爲耶著再嚴行申飭計此旨到時孫士毅亦已至川鄂輝卽於該處滿洲綠營官兵內擇其奮勇得力者再帶二三百名前去如此則將軍總督前後領兵前進亦可以揚我軍威成德鄂輝至彼時惟當與保泰會同妥辦斷不可再爲姑息稍事因循總期永遠無虞倘日後復致滋事必將鄂輝等重治其罪

欽定廟爾喀紀畧

卷一

十九

十一日癸未鄂輝奏言臣等前此查辦廓爾喀與唐古忒爭佔邊界之時未將伊等地租債賑一併查明辦理草率了事實難辭咎荷蒙

皇上聖恩僅令前往妥辦以贖前愆實不勝愧悔感激臣係原辦此案之人日前接准保泰兩次來咨知唐古忒人等驚惶失措情形必須前往彈壓成德已於八月二十二日酌帶漢土弁兵起

身前往今蒙

皇上令孫士毅馳驛前來署理督篆臣卽遵

旨起程一面飛咨成德令其在打箭爐一帶暫候臣

到彼更換回省所有四川總督印務交藩司英

善暫行護理令其探有孫士毅到川信息卽委

員賞往迎接臣先行起身馳至打箭爐一帶將

成德所帶能通番語屯土弁兵內酌量分帶沿

欽定廟爾喀紀畧

卷一

三十一

途察聽信息馳抵後藏相機籌辦至建昌鎮總兵穆克登阿松潘鎮總兵張芝元均係前次同往辦事且曾與紅帽喇嘛及廓爾喀頭人等認識皆爲該番信服之人是以仍擬將穆克登阿張芝元一併帶往以期駕輕就熟奏入報聞

十二日甲申保泰奏言據戴綑定會納木結稟稱

我帶兵五百名由撒迦溝至春隊前面之桑卡
松朵地方與戴綱敏珠爾多爾濟所帶之兵聚
在一處正值賊人前來當卽施放鎗砲賊人被
傷者甚多因賊兵衆多連次打仗抵禦不住已
自春隊退出等情適遊擊烏爾公阿帶領綠營
兵五十名達木兵三百名後藏番兵二百名聞
信趕至撒迦溝地方與戴綱敏珠爾多爾濟定
會納木結等會合其前後催調之各處番兵尙
多未到烏爾公阿現在收集退出之唐古忒兵
丁在撒迦溝堵禦竊思賊匪由脅噶爾之南繞
道濟隴前進沿路番民間風逃竄其前派往脅
噶爾堵禦之各處番兵躲避不前而脅噶爾營
官寨之番兵三四百名惟知守寨不能追擊來
攻其催赴春隊之各處番兵已到者遇賊卽退

未到者屢次飛催^臣耽延不到^臣看其情形唐古
忒懦怯性成卽家室亦不知顧惜現在賊匪已
到春隊相距札什倫布僅四日路程^臣於八月
十六日將班禪額爾德尼由羊八井一路移送
前藏一面行知四川總督鄂輝派調屯練降番
及川省綠營兵丁迅速來藏救援再都司嚴廷
良前經派令帶領綠營兵一百二十名達木兵
一百五十名今^臣卽帶達木兵丁護送班禪額
爾德尼其仲巴呼圖克圖尙住札什倫布廟中
卽令都司徐南鵬帶領綠營兵丁一百二十名
護守廟宇如賊衆前來滋擾仲巴呼圖克圖難
以住守並令徐南鵬酌帶綠營兵丁防護仲巴
呼圖克圖送赴前藏
同日鄂輝觀成奏言^臣鄂輝於九月初三日准

保泰抄送摺稿內稱鄂爾喀賊匪由酋噶爾邁至春隊地方唐古忒兵丁抵禦不住經遊擊烏爾公阿督收退出之兵在撒迦溝堵禦已將班禪額爾德尼移送前藏咨明_臣等派調屯練降番及綠營兵丁迅速來藏並准將軍成德咨商調派土兵二千名前往接應各等情_臣思將軍成德先已帶兵三百餘名現在進至打箭爐不

欽定廓爾喀紀畧

卷一

三

日出口想藏中一聞此信自必衆心稍定但班禪額爾德尼既已移送前藏恐後藏各番益滋驚懼該處雖有達木兵丁可用究係未歷行陣之人自應欽遵

諭旨屯練土兵內揀調前往策應庶足奪賊人之胆安僧俗之心隨飛行維州懋功二協在五寨屯番內挑選勇健兵丁二千名內將屯番五百

欽定廓爾喀紀畧

卷一

三

名令崇化營遊擊額爾恒額管帶並酌派素能管束番兵之將弁數員先由章谷至打箭爐出口並令總兵張芝元由省迎至打箭爐一俟該屯番到來卽作爲頭起統領前進其屯練一千五百名卽令署維州協副將五十一帶領來至省城_臣等亦就近於各標營酌派能事有用將備千把十餘員俟該副將管帶屯練到省_臣鄂輝卽分爲三起帶領起身陸續進發除現在督同司道等查照上屆進兵巴勒布時一切應辦章程安速籌辦一面飛飭打箭爐及口外各糧臺將存貯稞麥速行料理妥協以備應付並咨明雅滿泰另於西藏商上購辦糧石以便接濟同日成德奏言_臣於八月三十日行抵打箭爐所有前調新疆及雜谷五寨屯練二百名已先

後俱抵爐城查自爐至藏路途寫遠沿途塞落稀少且時值秋深口外雪霰交作一切行走裹帶應需籌辦以利適行正與總兵穆克登阿趕辦間復准保泰咨送摺稿並因前後催調之兵尚未到齊務咨調派內地綠營屯練兵丁迅速赴藏等因臣卽與總兵穆克登阿帶滿漢屯練官兵二百數十員名先行帶領兼程前往相機

欽定廓爾喀紀畧

卷一

五

勦辦以安藏內僧俗之心並飛咨督臣鄂輝提

臣觀成於懋功五營雜谷五寨揀派屯練二千

名再於省標派撥綠營兵丁派令將備員弁飛

行接續前往如有應需籌酌策應之處仍卽趕

緊辦理一面飛咨保泰督飭員弁兵丁及唐古

忒人等將各處卡隘嚴行防守堵禦並聲言內

地各處已派大兵前來俾唐古忒人等知有應

援不至驚慌而賊匪亦可聞風知畏一俟迎至前途得有情形隨時籌酌辦理

同日雅滿泰奏言接到保泰來札內稱廓爾喀

賊匪擾至春隊地方已咨調川省綠營及屯練

番兵迅速赴藏臣思現已調派內地官兵接濟

軍糧最爲要緊查本地倉內現貯米三千石又

存達賴喇嘛備賞各處米四千餘石爲數無多

欽定廓爾喀紀畧

卷一

五

臣前詢問喇嘛噶布倫噶勒藏那穆扎勒乘其

收糧之際發官價採買可得糧石若干牛羊若

千據稱若奉官採買約計糧可得二萬石牛可

得一千隻羊可得一萬五六千隻彼時臣卽飭

交喇嘛噶布倫令卽預爲籌辦茲復飭令糧員

重光俟內地軍兵到時先動用現存官糧若需

用較多卽向噶布倫商酌按照時值給發官價

將米石採買多爲屯貯以備接續軍糧一面飭
交拉哩察木多糧務妥爲預備均奏入

上命軍機大臣傳諭成德鄂輝曰據保泰等奏廓爾
喀由脅噶爾搶至春隊地方唐古忒兵不能抵禦
退至撒迎溝已咨調內地兵丁等語廓爾喀胆敢
恣行猖獗必須調發內地官兵痛加剿辦保泰已
飛咨成德鄂輝調集內地兵丁陸續可至兵威整

欽定廓爾喀紀畧

卷一

五七

肅自必一舉竣事成德鄂輝先後抵藏惟當與保
泰等詳悉妥議相機辦理至雅滿泰聞知調兵之
信卽集噶布倫等籌備軍需尙爲妥協雅滿泰此
時應合達賴喇嘛衆噶布倫告諭唐古忒人等以
爾等平素無事時與鄰境圖財構衅及至有事又
不能保守地方一見賊衆卽行潰散今因廓爾喀
滋擾調取內地兵丁前行征剿皆爲保護爾等之

故內地大兵赴藏程途寬遠不能賞帶行糧自必
須就近採買糧石以資兵食爾等應共知感激平
價糶賣尙或有心勒掙壟斷居奇嗣後爾等地方
再有事時卽必置之不問如此明切曉諭使唐古
忒人等激發天良庶採辦較易

欽定廓爾喀紀畧

卷一

五八

欽定廓爾喀紀畧卷一

欽定廓爾喀紀畧卷二

九月十五日_{丁亥}保泰奏言_臣護送班禪額爾德

尼於八月十七日行抵相距後藏二日之托布

嘉地方十八日寅刻接據烏爾公阿稟稱於十

六日同前藏戴翹帶領綠營漢兵及達木兵並

唐古忒兵丁前至撒迦官寨上首之山望見賊

匪三千數百名分作三路圍困前來達木官兵

欽定廓爾喀紀畧

卷二

一

及唐古忒兵丁對敵不住卽行退走賊人乘勢

趕來公札什納木扎勒與達木協領澤巴結前

後陣亡達木兵丁陣亡者甚多並撤差來兵丁

馬得功面稟十六日與賊對敵唐古忒之兵見

賊施放一二鎗卽行退走惟達木兵丁尙知奮

勇抵敵無如只有三百名衆寡不敵以致陣亡

過半賊匪乘勢趕至撒迦廟前廟內喇嘛俱出

來與賊投遞哈達迎廟宇賊已佔住等語_臣

聽聞之下不勝憤恨思欲轉回札什倫布帶領

現在之綠營達木兵二百餘人迎賊決戰但此

時班禪額爾德尼起身纒二日年幼不能運行

且前藏之江孜地方起至布達拉一路處處疎

懈雖疊經_臣與雅滿泰分起差官督催砌卡防

守而番目番兵視同膜外爲今之計除一面札

欽定廓爾喀紀畧

卷二

二

知都司徐南鵬善爲駕馭番民及喇嘛等保護

札什倫布廟宇暨仲巴呼圖克圖一面飛調各

處番兵迅速前來救援堵截並可防守江孜一

路隘口_臣護送班禪額爾德尼自托布嘉起身

俟抵前藏與雅滿泰面商一切再查札什倫布

現有漢兵一百二十名達木兵一百餘名番民

八百名札什倫布之營官寨守寨番民三百餘

人亦已到齊似可稍資防守况仲巴呼圖克圖
 在廟廟中有喇嘛四千餘人臣在彼即令其封
 牆砌卡多積石塊近聞仲巴呼圖克圖有欲出
 廟過河之語臣已告知歲奉堪布作爲班禪額
 爾德尼及伊之意寄信與仲巴呼圖克圖以事
 不至甚急不可出廟恐致衆僧渙散

同日鄂輝奏言臣於九月初六日自首起身在

欽定平定回疆方略

卷二

三

雙流途次接准保泰咨稱遊擊烏爾公阿等帶
 兵至撒迦官寨遇有賊匪在前堵賊之達木唐
 古忒兵丁抵敵不住往後退走賊人乘勢追趕
 公札什納木扎勒與協領澤巴結陣亡賊匪趕
 至撒迦廟前將廟佔住等情伏查撒迦溝地方
 雖離札什倫布尚有四站但唐古忒兵丁如此
 懦弱性成臨陣退縮恐前藏人心未免驚懼查

將軍成德此時亦已出口一聞此信自必趕緊
 前行臣續調之屯練降番二千名現又專札領
 兵之遊擊額爾恒額副將五十一催令作速趨
 行該兵勇健精銳且又久歷行陣實可以一當
 十臣在省時又與提督親成商定預調明春換
 臺兵丁一千餘名於土兵出口之後接續進發

兵勢已屬壯盛廓爾喀賊匪祇可欺凌唐古忒

欽定平定回疆方略

卷二

四

無用之人一遇大兵到彼自必望風懾伏正可
 乘此痛加殲滅以示懲創臣現在亦儘力遣馳
 趕至前途督同總兵張芝元將先到之屯練番
 兵分起帶領迅速行走一面飛咨保泰務即督
 率藏中所有番漢兵丁將前藏各隘口堅壁清
 野鼓勵衆心嚴行防守一面宣示唐古忒人等
 告以大兵不日來到毋得再有驚惶自行擾亂

鄂輝又奏言查將軍成德目下已抵打箭鑪卽

日出口臣續調之屯番五百名先已催令張芝

元馳赴打箭鑪一俟該番兵到來卽接續前進

其屯練兵一千五百名約在九月初十後方可

到省現有副將五十一統領臣復續派遊擊劉

懷仁都司谷廷棟守備富佳分起照料亦足以

資管束臣自毋庸在省等候隨於拜摺後卽日

欽定歸爾喀紀畧

卷二

五

起程馳赴打箭鑪督同總兵張芝元將先到之

屯番五百名帶領接續成德前進一路探聽情

形相機辦理至打箭鑪地方爲眾官兵聚會出

口之所必須大員在彼悉心經理建昌道徐長

發駐劄雅州照料一切往來軍行已爲繁劇若

並及打箭鑪實有鞭長莫及之勢查噶尋茶道林

偶上次廓爾喀事務隨同前任督臣李世傑曾

在打箭鑪辦事洵爲熟手此次仍派委該道馳

赴打箭鑪督辦各起出口官兵以資照料

同日成德奏言臣於八月十三日行抵打箭鑪

自鑪至藏道路險遠沿途寨落稀少驟遇多兵

經過應付烏拉夫馬恐致不敷運送臣與總兵

穆克登阿逐加籌酌所有調派官兵應分起間

日行走現帶滿漢屯練官兵三百數十員名臣

欽定歸爾喀紀畧

卷二

六

等先行帶往卽作爲第一起查懋功五營距鑪

城較近隨飛札懋功協副將王承勳將派調屯

練飭令管領員弁卽由章谷一路星夜兼程赴

鑪赴同臣揆起行走該屯兵等遇事勇往較爲

得力其雜谷五寨屯練各兵分起間日加緊接

續而進至需用口糧自打箭鑪至察木多以東

五十五站係明正裏塘巴塘土司等所管向來

派駐臺藏官兵支用口糧皆係調撥烏拉運往接濟今兵數既多加以行程迅速若俟調撥挽運已屬緩不濟急查裏塘巴塘均有採買存貯稞麥即可磨麵供支現行官兵口糧其後起官兵所需之糧應俟督臣鄂輝酌量籌辦其察木多以西至藏三十八站向係折支就地採買今准雅滿泰等咨會已經飭令將察木多拉哩糧石預爲備辦以供內地調派官兵支食查此二處亦有採買存貯稞麥均可動用接濟自不致有缺悞再自蘆出口經過明正裏塘巴塘土司此項應付兵差兼程迅速烏拉恐不敷用隨於附近各土司令其幫同接替應付各土司素販正教聞知官兵赴藏護衛達賴喇嘛_臣禱自必踴躍遵從其察木多以西經過碩板多拉哩江

欽定廓爾喀紀略

卷二

七

達等處俱係倉儲巴第巴等所管恐其地少人稀不能多爲應付_臣仍趕行前往察看烏拉夫馬能否可敷運送再爲設法通融辦理至抵後藏如該處現有採買存貯稞麥亦可動用再與保泰等通盤籌計務期兵糧均無遲悞_臣於拜摺後即同總兵穆克登阿率領現帶官兵三百數十員名儘力趲行前往仍飛催續調屯練兵丁迅速揆起接續前進再准保泰咨稱西藏備貯藥彈火繩均已陸續解運前往存剩無幾已調察木多迤西各汛存貯藥彈計亦無多恐致缺乏等語_臣隨就近先於阜和協營備貯子藥內酌動火藥二千斤鉛子二萬顆火繩三千盤飭令派撥兵役即同_臣所帶漢屯官兵帶解前往並飛咨督_臣鄂輝等再爲酌加帶運均奏入

欽定廓爾喀紀略

卷二

八

上命軍機大臣傳諭保泰成德鄂輝曰後藏地方被廓爾喀侵擾兵力無多達木番兵打仗雖屬奮勉而人數僅止三百人未能抵禦唐古忒兵丁又復畏葸懼怯見賊卽退毫不足恃保泰等現將前藏之江孜地方至布達拉一路分起差官督催砲卡防守一面札知都司徐南鵬駕馭番民保護札什倫布並以仲巴呼圖克圖有欲出廟過河之語令

欽定廓爾喀紀畧

卷二

九

歲琿堪布作爲班禪額爾德尼之意寄信阻止現在大兵尙未到彼亦祇可如此辦理但思後藏地方爲班禪額爾德尼駐錫之地該處習俗崇信佛教若不卽移至前藏人心尙可固守今班禪額爾德尼業已遷移唐古忒兵屢次挫衄而撒迦廟紅帽喇嘛等竟向賊匪投遞哈達甚爲可恨看此情形恐札什倫布亦難保護無虞此時惟應飭知徐

欽定廓爾喀紀畧

卷二

十

南鵬帶領兵丁番民等同仲巴呼圖克圖儘力防守前藏距後藏尙有一千餘里關津要隘甚多廓爾喀賊匪勢雖猖獗斷不能越過卡寨徑至前藏保泰等惟當將沿途險要隘口分派兵丁小心防遏現在後藏地方既被賊匪搶佔數處保泰等防守疎虞本有應得之咎今姑不加深責亦不望其進兵收復祇須將前藏地方竭力固守毋使賊匪侵入尙所守地方再被賊人搶佔自問當得何罪耶保泰等若不知感激奮勉稍贖前愆仍似從前踈懈竟至將達賴喇嘛班禪額爾德尼帶回內地更有何顏見朕耶又據鄂輝奏現已宣示唐古忒人等告以大兵不日到來毋得驚惶所辦尙是保泰等自應將調派大兵卽日可到之處通行明白官諭不但可以安唐古忒僧俗番衆之心兼可奪

賊匪之氣看來廓爾喀明知唐古忒等素性懦弱是以胆敢欺凌肆行滋擾鄂輝成德帶兵馳往該處賊匪聞內地大兵一到自必震懾軍威望風畏服成德現已帶第一起官兵前往鄂輝亦已隨後遣馳趕赴該處正當乘此兵威痛殲賊匪大示創懲至鄂輝成德等均係統兵大員固不可畏蕙不前亦不可輕視賊匪冒昧進兵此處最當相機奮

欽定平定回疆方略

卷二

十一

勇慎之又慎成德素尙勇往然不能深知大體尤須計出萬全加意慎重又鄂輝所奏派令道員林鶴馳赴打箭鑪照料各起官兵出口並將一切應辦軍需事宜趕緊督同司道妥辦成德所奏分起帶兵籌備口糧夫馬並備火藥鉛丸等項所辦俱妥惟當實心經理一切勉力爲之以期迅速厥功再遊擊烏爾公阿帶兵在撒迦溝防守今所帶唐

古忒兵丁退走達木兵受傷陣亡亦多該遊擊現在何處會否打仗摺內未據聲明著傳諭保泰等即行查明具奏其陣亡官兵等奮勇殺賊臨陣捐軀其爲可憫着保泰等詳細查明具奏再降諭旨交部議卹

欽定平定回疆方略

卷二

十一

上又命軍機大臣傳諭協辦大學士署四川總督孫士毅曰廓爾喀賊匪在後藏地方肆行滋擾明係欺唐古忒等懦弱無能是以乘勢搶佔現經鄂輝成德等派調屯土弁兵先後帶領前往自可痛加殲戮俾知懼伏惟是西藏地方途長站遠所有兵餉臺站並口內外軍行一切事宜最關緊要現據鄂輝酌籌具奏已令軍機大臣核議速行此時鄂輝業經前往西藏着傳諭孫士毅抵任後即查照應辦各事宜先事預籌悉心妥辦使糧餉軍需

等項得以源源接濟不致臨事周章孫士毅曾在軍營行走本係熟手務須籌辦妥協以副委任上諭內閣曰現在後藏邊境有廓爾喀與唐古忒回賬目滋擾之事鄂輝等帶兵前往進剿著戶部於四川就近省分酌撥銀二百萬兩照例解往仍由戶部補撥交與該督留備軍糈之用

同日鄂輝又奏言行兵以糧餉爲先西藏途長

站遠斷不能由內地運糧查打箭鎗裏塘巴塘察木多拉哩等處臺站均有前存米石及備貯麥稞儘足供兵到支食昨准駐藏大臣雅滿泰來咨除本臺原貯及該處所備可得糧七千石現屆秋收可採買糧二萬石則兵糧已屬充裕又摺報往來最關緊要查自雙流至打箭鎗出口以至西藏共計九十三站祇設塘六十六處

安設馬匹本屬無多若專恃原設塘驛馳遞必

致遲悞仍應查照上屆之例於口內口外酌添

馬匹以供馳遞之需其間無塘馬之處另設腰

站用資接濟其自前藏以至後藏容_臣到藏後

再行查照添設俟安有定數飭司具詳咨部查

核至口外各站原派糧員當此軍興之際供支

夫馬口糧一人恐難經理現已飭司查明各站

相距遠近酌派幹練丞倅正佐十餘員分別帮辦以資得力再查解運餉鞘軍火必需撥兵護送長途方保無虞_臣此次赴藏隨帶兵弁不過數十人並未調派綠營兵_臣與提督觀成悉心商酌與其臨時另派不若卽以換藏之兵聽候差遣查頭次換藏官兵二百八十餘員名並打箭鎗以外東西各臺站班滿應換兵丁一千餘

員名例應先爲派定於明歲春正自省起程前

往更換臣等現在公同會飭三標中營於各兵

內擇其精壯練習者按照各營數目預爲挑派

整治行裝一俟屯兵過省卽令其尾隨前進以

壯聲勢凡有解運軍需等項差使卽以此項兵

丁撥派遣用將來陸續到藏倘需兵力既可一

呼而至卽不需用各該兵等不過早去一二月

欽定廓爾喀紀畧

卷二

十五

更換於現在軍行大有裨益至口外裏塘巴塘

一帶向爲夾壩出沒之區現有軍需餉項過往

必得酌派官兵稽查防範俟臣到彼後隨時隨

地察看情形酌量調派以資照料奏入

上命軍機大臣速議具奏旋經軍機大臣議奏均應

如所奏辦理

上從之

十六日 戊子

上諭內閣曰昨保泰等奏與廓爾喀打仗陣亡之協

領澤巴結及公札什納木扎勒著交部議卹其陣

亡達木蒙古兵交保泰等查明咨部一體卹賞至

唐古忒兵丁一見賊人衆多卽行退走不思保護

公札什納木扎勒委之於賊以致陣亡甚屬可恨

不必交部議卹著保泰等將此明白曉示唐古忒

欽定廓爾喀紀畧

卷二

十六

噶布倫等知之

上又諭內閣曰廓爾喀因與唐古忒索債滋擾現調

內地兵丁前往征勦已命成都將軍成德總督鄂

輝陸續趕赴西藏其所調官兵到時勦殺賊衆必

須領隊熟練之人始能得力著派乾清門侍衛額

爾登保承德珠爾杭阿阿里雅布墨爾根保馳驛

迅速前往由四川赴藏交與成德鄂輝差委勦力

仍加恩各賞銀一百兩額爾登保著作爲頭等侍衛率領約束前往

十七日己丑

上命軍機大臣傳諭保泰雅滿泰成德鄂輝曰前據雅滿泰具奏現在藏內原貯及預備兵糧可得七千石現屆秋收又可採買糧一二萬石是該處兵糧現可不虞短缺但大兵陸續到齊所備糧石必須

欽定屬國傳記畧

卷二

七

倍加充裕其採買價值亦應按照時價酌量辦理前此巴忠辦理軍餉於達賴喇嘛商上存貯糧石定價購買每石給銀二兩及舒濼等買貯倉糧麥子每石價銀一兩四錢八分青稞每石價銀一兩七錢四分可見該處糶麥時價原不及二兩從前巴忠所給價值未免過費其意自因見好達賴喇嘛優給價值虛糜帑項殊不知大兵赴藏剿辦廓

爾喀賊匪原爲保護達賴喇嘛班禪額爾德尼及僧俗番眾伊等商上糧石尚應照時價平減用助軍糈豈得以軍興急需故擡價值轉圖餘利着傳諭保泰雅滿泰嗣後採買糧石祇應按照舒濼等從前採買時價給付不得因有巴忠所辦之例或

致效尤至現在大兵陸續進發賊匪自必聞風震

懾昨又派巴圖魯侍衛額爾登保永德珠爾杭阿

欽定屬國傳記畧

卷二

六

阿里雅布墨爾根保馳驛前赴軍前聽候差遣該侍衛等俱係久經行陣奮勇出力之人到軍營後成德鄂輝派令帶兵打仗爲綠營表率爭先殺賊軍聲更可大振至後藏地方自班禪額爾德尼移至前藏該處人心是否不致渙散仲巴呼圖克圖現住札什倫布能否保護無虞不致擅離其江孜等處地方把守要隘番兵近日曾否與賊接仗裔

噶爾管寨現在尚有唐古忒兵固守邇日如何堵禦情形詳悉速奏以慰屢注

十八日

庚寅

上諭內閣曰現在廓爾喀在後藏邊境滋擾經鄂輝等帶兵前往剿捕所有自京至後藏沿途一帶驛站馳遞文報關係緊要必得大員專司經理方無貽誤直隸着派張誠基山西著派蔣兆奎陝西着派和寧四川著派英善務各督飭所屬實心料理毋致遲悞

十九日

辛卯

上諭內閣曰從前西藏戴綱第巴缺出皆由達賴喇嘛處定補曾降旨令駐藏辦事大臣會同達賴喇嘛商議揀選補放至噶布倫責任更要遇有缺出時若即將達賴喇嘛議定正陪之人奏放仍不免

欽定廓爾喀紀畧

卷二

十九

徇情滋弊著交駐藏大臣嗣後凡噶布倫缺出會同達賴喇嘛於應陞用人內擇其能事者秉公選定正陪於各人名下注明如何出力之處奏請補用俟朕揀放駐藏大臣倘有徇私不公者一經發覺必加重譴着爲令

臣等謹案我

國家撫臨區寓絕域殊庭胥歸疆索西藏以萬

有餘里之外覃敷聲教置郵設堠茅莛非遙

爰

簡命駐藏辦事大臣統領軍兵保護僧俗上奉

天子之德威外弭遠夷之讐侮規制之善實前古所

未有矣至藏內分職任事之員如噶布倫如

戴綱如第巴大小相維遞爲筦轄雖屬於達

賴喇嘛而量材銓擢宜持公允若稍涉聽徇

欽定廓爾喀紀畧

卷二

二十

卽恐以濫字貽誤

皇上特申訓諭遇有噶布倫等缺出令駐藏大臣會

同選擇奏請

審裁補用以杜弊端此論定後官之義一秉

鑑空衡平故能使地居荒徼而百司咸稱其位也

二十日^{壬辰}保泰雅滿泰奏言^臣保泰於八月二

十五日將班禪額爾德尼護送前藏^臣雅滿泰

欽定廓爾喀紀略

卷二

三

前來接迎彼此商議以唐古忒懦弱不足抵當

賊衆且兵數亦寡除分往各要地防守及安設

臺站并各處設立塚口探信官兵少現只餘兵

丁二百餘名此時賊勢逼近達賴喇嘛班禪額

爾德尼爲黃教之宗最關緊要^臣等當卽謁見

請達賴喇嘛班禪額爾德尼移往奉寧居住據

達賴喇嘛稱現今班禪已到前藏我等同住布

達拉一處尙屬無妨若移駐奉寧恐此地喇嘛

及民人等俱至驚散布達拉并大昭諸寺皆不

能保不如駐守布達拉以安衆心等語^臣等查

布達拉廟本在山頂尙屬險峻四圍皆建設塚

口賊卽到時亦屬無碍本地唐古忒雖不可恃

而糾集各寺喇嘛尙有數千况^臣等前調川兵

約計不過兩月卽可赴藏倘遇賊匪侵掠^臣等

欽定廓爾喀紀略

卷二

三

當率同綠營軍兵內地民人及本地喇嘛等協

力固守可以無虞

保泰雅滿泰又奏言查雲南邊界與察木多相近

^臣一面調雲南兵二千星速赴藏並催調川兵

及調察木多三十九處番兵二千分派前藏要

地旋據留駐後藏都司徐南鵬報稱戴綱等領

兵禦賊唐古忒兵弱難支竟有逃遁者賊衆於

十二日侵至扎什倫布巴呼圖克圖出廟過河移住別寺安住現帶本地綠營兵丁八十餘名并該處寺內喇嘛等竭力保守寺院等因_臣等接閱之下實爲焦急本應於_臣等二人內派一人領兵前去接應奈本處現止餘綠營兵二百餘名唐古忒兵亦止有二百名今達賴喇嘛班禪爾德尼俱住布達拉全仗此項兵丁保護斷不可動_臣等屢經催調各處唐古忒兵現俱退縮不前侯察木多兵到時_臣等卽分派一人迅赴札什倫布

同日鄂輝奏言_臣自成都省城起程於九月十一日到榮經縣接得保泰等摺稿內開廓爾喀賊匪已侵犯後藏妄行滋擾唐古忒兵丁竟不得力又調滇兵二千名由巴塘察木多救援等

欽定廓爾喀紀畧

卷二

三

語_臣隨卽咨催所派之兵迅速行走將軍成德一聞此信自必趨行前往_臣一面急催後隊士練兵丁一面迅赴打箭爐稍爲料理卽先出邊趨行趕上成德至現調土練番兵已有二千餘名皆屬奮勇可期得力似毋庸再調滇兵俟前途續得西藏信息審度機宜如有必需應用之處_臣卽就近催調倘可不必添兵則一面奏聞一面咨行停止均奏入

上命軍機大臣傳諭鄂輝成德奎林曰保泰等所奏以唐古忒兵少賊勢甚迫欲將達賴喇嘛班禪爾德尼移於泰寧是何言也保泰雅滿泰一人不料其喪心病狂一至於此竟是用無用之物督亂已甚幸而達賴喇嘛堅意不從倘誤聽保泰等之言竟棄布達拉而去尙復成何事體朕深喜達賴喇

欽定廓爾喀紀畧

卷二

四

嘛如此通曉事理而所屬堪布及各大喇嘛亦共
知大義堅心保守其俗俗人等俱不至驚散朕心
稍爲寬慰實堪嘉獎今特發大製帛一方正珠記
念一串交成德等給與達賴喇嘛志朕獎悅之意
至保泰雅滿泰二人一遇廓爾喀滋擾之事卽心
慌膽落懦怯已極殊屬負恩目下正當有事之時
暫將保泰雅滿泰革職留彼効力贖罪著奎林補
授正紅旗蒙古都統前往西藏辦事舒濂現在軍
機章京上行走於此事情形素所知悉著賞副都
統職銜馳往前藏協同辦事此旨到時成德鄂輝
想已先後抵藏所有欲保守布達拉之堪布大喇
嘛卽著查明具奏候朕施恩賞給名號再向者朕
以達賴喇嘛不能約束其弟在彼隨同居住貪利
作弊于藏務無益是以令其來京今親達賴喇嘛

能毅然決斷甚有識見著加恩令伊弟羅布藏根
敦札克巴回至西藏仍隨達賴喇嘛居住以資奉
侍俟今歲年班堪布等來京時附便同回成德等
先將此旨告知達賴喇嘛但其弟至藏時仍不可
令其管事除就近曉諭舒濂外並諭令鄂輝知之
至廓爾喀犯至扎什倫布仲巴呼圖克圖離廟移
住其遊擊烏爾公阿都司徐南鵬猶率兵丁喇嘛
等盡力保守尙屬奮勇可嘉今先加恩賞給烏爾
公阿徐南鵬花翎以示獎勵伊二人如能守護札
什倫布等處必優加擢用鄂輝等速行諭知烏爾
公阿等以期益知奮勉悉力固守至鄂輝奏此時
不必另調滇兵俟需用時再就近調辦所奏甚是
著賞給鄂輝大荷包一對小荷包四個其保泰所
奏唐古忒兵見賊卽退鄂輝成德等到時卽查出

首先逃通者以軍法從事

臣等謹案前藏之布達拉後藏之札什倫布

均爲莊嚴淨土應真卓錫之地僧衆民人咸

所瞻敬自廓爾喀賊匪侵擾後藏保泰等已

將班禪額爾德尼移居前藏乃復請與達賴

喇嘛同移內地泰寧地方委棄前後藏於不

顧勢必至番俗人心羣皆渙散猶幸達賴喇

欽定廓爾喀紀畧

卷一

十五

嘛及堪布等堅持定識固守弗移衆志成城

不驚風鶴宜其上慰

聖懷褒嘉膺

賜也至烏爾公阿徐南鵬以悉力守禦

賞戴花翎鄂輝所奏緩調滇兵言合機宜亦蒙

獎賞而保泰等之享職効力唐古忒兵之逃散按誅

功罪

權衡一衷至當實所謂信實必詢云

二十二日^甲成德奏言^臣在打箭爐地方接得

保泰咨文調取內地兵丁並稱廓爾喀現已佔

據撤御溝地方^臣不敢拘泥令鄂輝前往之

旨卽同總兵穆克登阿兼程行走今途次西俄洛地

方復接得保泰咨稱廓爾喀已擾至札什倫布

催趙所調之兵^臣卽同穆克登阿帶領土練番

欽定廓爾喀紀畧

卷一

十五

兵星速前進一面咨行鄂輝將續調兵二千名

作速催趙帶領接續前來一面又咨行保泰等

聲揚將軍總督先領二萬大兵剿殺賊匪以安

前後藏番衆之心並令廓爾喀聞而畏懼不敢

恣行猖獗奏入

上命軍機大臣傳諭奎林鄂輝成德曰廓爾喀侵佔

聶拉木濟甯竟敢犯至札什倫布若不痛加懲創

斷不能使之懾服前此所言償債之事竟無庸提
及著鄂輝成德卽向廓爾喀諭以爾等受大皇帝
隆恩封爲王公乃敢如此妄爲甚屬可惡爾等搶
奪唐古忒地方較所欠之債已越數倍爾等將所
有搶奪物件卽行呈交方可飭令在藏番民還汝
欠債若不呈出豈但不償汝債并且典師問罪痛
行殲戮將此明白曉諭後卽整齊軍旅痛加懲勦
但計鄂輝成德到彼需時奎林爲日更久現值冰
雪之時賊匪定已回巢一俟來年雪化後務須宜
示兵威深入剿殺使之畏懼帖服方爲一勞永逸
之計現今所調兵數畧少奎林鄂輝成德等公同
商酌或滇兵或降番再調一二千名俟其到齊進
剿奎林成德各領一隊分爲兩路前進鄂輝自領
一隊由聶拉木接應後路不可稍存輕忽亦不可

草率完事務使彼恭順乞哀真心懾服不敢再行
滋事方爲妥善此次雖係令鄂輝成德帶兵前往
奎林舒濂駐藏辦事但一切事務總宜和衷共濟
切不可分別軍務地方稍存畛域之見至成德奏
接准保泰來咨不敢拘泥前旨卽兼程先赴前藏
撫安衆心甚屬可嘉著賞給玉扳指一個大荷包一
對小荷包四個以示鼓勵成德自當益加奮勉但
伊領兵甚少不可一到卽輕易進兵務宜持重俟
頭隊官兵到後再行奮勇打仗成德此時務須急
馳到藏將賊匪情形速行奏聞

欽定廓爾喀紀畧卷三

九月二十五日丁酉保泰雅滿奏奏言臣保泰於

請移班禪額爾德尼之前與仲巴呼圖克圖及

歲琿堪布等公同商議於扎什倫布廟內各緊

要處所俱設立碉卡堆石防備八月十六日臣

保泰護送班禪額爾德尼起程時帶領都司徐

南鵬同仲巴呼圖克圖飭諭在廟喇嘛及唐古

忒人等令其齊心防禦固守廟宇茲據噶布倫

等稟稱廓爾喀賊匪於八月二十日已抵後藏

分圖扎什倫布仲巴呼圖克圖先將廟中細軟

物件搬至東喀爾地方居住賊匪揚言欲分兵

三路直犯前藏現在唐古忒等各懷驚懼等語

臣俟噶布倫等續有稟報再行奏

聞

同日鄂輝奏言臣現在加緊償行距打箭爐僅

止一站本日定可趕到查前調懋功協屯番五

百名已據游擊額爾恒額稟稱業於九月十二

日自金川起程計算該屯番亦於日內必到爐

城臣卽令額爾恒額先行帶領出口其雜谷五

寨之屯練一千五百名據提臣觀成等知會頭

起已于十二日到省其餘亦陸續可到準於十

三四日按起自省進發約二十日外可抵爐城

臣察看情形雲南兵亦不得不調現已飛咨雲

貴督臣富綱于迤西提鎮標內挑派壯健兵丁

二千名就近由維西一路出巴塘察木多交界

地方赴藏臣隨飭各臺糧員將烏拉口糧寬爲

預備隨到隨卽應付不致稍有貽悞均奏入

上命軍機大臣傳諭鄂輝成德曰廓爾喀賊匪至扎

欽定廓爾喀紀畧

卷三

二

欽定廓爾喀紀畧

卷三

二

什倫布保泰聞信具奏計已五六日尙未搶掠扎什倫布看來賊匪無能爲卽所稱分爲三路侵犯前藏之言想亦虛聲恐嚇斷不能來侵前藏至賊衆久住扎什倫布從何得食不過在左近村壘抄掠亦非長策諒必不久遁回豈能復至前藏乎卽或前來成德亦將次到彼且濟隴呼圖克圖業經抵藏伊尙屬聽事可諭知濟隴呼圖克圖稱大皇

欽定廟方略

卷二

三

帝諭旨廓爾喀如此肆行侵擾大兵不久卽至但目下唐古忒等未免心懷驚懼務使協力抵禦方能濟佛法雖戒殺生但賊匪一到若不協力抵禦悉爲賊匪所害况佛經有降伏魔障之說廓爾喀恣肆若此卽是爾等之魔所當亟爲降除者濟隴呼圖克圖宜轉告衆呼圖克圖鼓勵僧俗保護達賴喇嘛班禪額爾德尼同心守禦卽大兵未齊

亦豈有不能固守布達拉廟宇之理保泰等何至

惶懼無措不思經理之策束手待斃幸達賴喇嘛

未曾搖惑倘誤聽其言遽行移劾以致大眾潰亂

則保泰雅滿泰二人雖萬死不足蔽辜至所奏現

今唐古忒等俱懷驚懼一節保泰等自應揀拔數

人使之偵探賊勢作爲耳目何以祇知坐候噶布

倫等稟報若噶布倫等不行稟報伊二人竟在睡

欽定廟方略

卷二

四

夢之中於一切情形然罔覺直爲不知痾癢之人矣鄂輝成德抵藏後著將保泰雅滿泰傳旨嚴行申飭再成德抵藏時賊匪甫行逃遁若能領兵追及卽速行追勦若已出境遠遁卽不必窮追統俟明年雪消之後再行進剿鄂輝成德此時務須迅速前往不可稍有遲滯至在藏貿易之巴勒人等現在鄂輝成德領兵多寡衛藏情形及明年添

兵進勦各事宜斷不能隱瞞伊等此內或有傳送賊信之人亦未可定且此輩不過能鑄佛像造作金銀器皿卽不留在藏無甚關係此等工作內地匠役多能爲之並非必須巴勒布之人鄂輝等抵藏後卽將在藏之巴勒布貿易人等密行訪查此內有與賊運信或形跡可疑者俱解送來京其餘盡行逐令出境一人不可遺漏再保泰護送班禪

欽定廓爾喀紀略

卷二

五

額爾德尼來前藏時扎什倫布有達木兵一百五十名綠旗兵一百二十名達木兵丁強壯打仗奮勇保泰自應留在後藏防守何以反將達木兵帶回僅留綠旗兵一百二十名適徐南鵬所報又稱兵八十餘名其四十名又歸何處此實保泰惶怯太過多以強兵自隨不但置扎什倫布於度外併棄徐南鵬而不顧矣鄂輝成德於事定之後查明

實據叅奏

上命軍機大臣傳諭福康安曰廓爾喀侵擾後藏其伎倆不過希圖搶掠本屬無能前已諭令奎林杜藏督辦今保泰等奏稱賊匪於八月二十日已抵後藏分圍扎什倫布並揚言欲分三路直入前藏等語現在鄂輝成德等已帶領屯土番兵分起前往不日卽可抵藏諒賊匪自必聞風竄避斷不敢

欽定廓爾喀紀略

卷二

六

侵擾前藏奎林自臺灣取道抵藏尙需時日福康安素嫻軍旅聲勢較大或有必須須到彼督辦之處亦未可定著傳諭福康安接奉此旨卽迅速檄程來京以便預備前往
上又命軍機大臣傳諭孫士毅曰前據奏派令道員林鶴徐長發等馳赴打箭爐口內外照料各起官兵並將一切應辦軍需趕緊辦理孫士毅到彼

後所有兵餉臺站並口內外軍行事宜均關緊要應飭令該道等悉心經理若能辦理妥速必邀獎敘務須先事預籌使糧餉軍需得以源源接濟不致臨事周章其一切事宜自有康熙雍正年間舊定章程可以仿照而行至口外糧餉道行全賴烏拉運送地方官若少給腳價或私行剋扣番衆惟利是視往往有藏匿不出及中途拋棄脫逃者

欽定平定回疆方略

卷二

七

尤應嚴飭該地方文武官員按名給值毋使稍有短發現在廓爾喀已到後藏搶掠鄂輝成德等先後帶兵前往此時將屆冬令該處雪大難行不便統兵深入明春自當厚集兵力以爲搗穴擒渠之計一切糧餉軍需正須妥協籌辦此事著交孫士毅一人經理若以省城相距口外較遠鞭長莫及竟應駐劄打箭爐督率料理較爲妥便孫士毅係

軍機司員出身屢在軍營行走辦理軍需本係熟手自能籌度妥協以副委任

二十六日
戊戌

上命軍機大臣傳諭鄂輝成德富綱曰昨據鄂輝奏廓爾喀賊匪已至後藏必須多兵進剿現已飛咨富綱挑兵二千名由維西一路出巴塘赴藏等語賊匪擾至後藏現在鄂輝成德等先後帶兵前往

欽定平定回疆方略

卷二

八

賊匪自必聞風竄匿况此時將屆冬令該處山高雪大賊匪不能耐冷勢難久留若此時即調雲南兵丁前赴該處亦不能窮追深入駐劄藏內守候需時該處地方較小不能容多兵久駐以致擁擠且藏內稷麥糶粃採辦不易糧運維艱再添滇兵開駐該處辦理更爲掣肘朕意此事即須大舉亦當俟明春厚集兵力所有雲南兵丁屆期再行前

往亦不為遲著傳諭鄂輝等酌量情形若此時必須添兵勦辦刻不容緩自可毋庸停止如現在尙可無須此項兵力即一面奏聞一面飛咨雲貴總督及帶兵將領暫緩赴藏總在鄂輝等斟酌緩急情形悉心妥辦並著傳諭富綱如接到鄂輝等調兵咨會業已派出此時暫緩起程在彼預備聽候鄂輝等價行咨會准信再令赴藏現在不必急於調發致滋勞擾

欽定鄂爾喀紀畧

卷二

九

二十七日已亥孫士毅奏言竊臣在京欽奉

諭旨赴川署印即由驛起程途次連遇川中文報稟用急遞即無分雨夜加緊前進每日行二百五六十里及二百七八十里不等已于九月十三日行抵川境十五日在梓潼縣經布政使英善委員賚送督篆前來臣即接印任事訖計十七

日必可進署將應辦公務趕緊清釐即日前赴打箭爐駐劄于省藏兩處往來公務辦理較爲迅速本日接鄂輝遠次咨送摺稿知廓爾喀賊匪已擾至春隊地方保泰業將班禪額爾德尼稜至前藏鄂輝飛調屯土弁兵二千名前往接應又稱保泰現調滇兵二千名赴藏臣已飛札沿途文武速將屯土弁兵催價前進勿令稍有遲滯所有糧餉軍火及一切策應調度各事宜並現在藩庫錢糧是否足用或應于隣省請撥協濟之處臣與司道等悉心商酌期于周妥隨時請

欽定鄂爾喀紀畧

卷二

十

旨辦理奏入

上命軍機大臣傳諭孫士毅鄂輝成德曰據孫士毅奏到川接印即日赴打箭爐駐劄並辦理一切情

形一摺所辦籌慮周到與朕節次所降諭旨均屬
相合目今要務惟在糧餉軍需寬爲籌備源源接
濟前已撥銀二百萬兩解往並降旨交孫士毅一
人經理孫士毅務須妥爲籌辦若所撥銀兩尙屬
不敷仍卽奏請添撥以備軍儲之用

二十八日庚子鄂輝奏言查廓爾喀滋事緣由一

因唐古忒拖欠銀兩催取起釁一因廓爾喀新

欽定廓爾喀紀畧

卷二

十一

鑄銀錢唐古忒未照定議行用以致構怨動兵

向來西藏所用銀錢俱巴勒布部落所鑄舊鑄

銀錢多攙雜銅斤每個重一錢五分九個銀錢

共一兩三錢五分始換得銀一兩今巴勒布所

鑄新銀錢用好銀鑄造並不攙銅巴勒布等屢

向噶布倫等寄書欲專用新錢將所有舊銀錢

全行停用噶布倫等不以爲事是以前年始在

邊界滋擾臣前次在藏時卽飭令噶布倫等以

巴勒布新鑄銀錢價值增昂則舊銀錢價應核

減向巴勒布等會同商定噶布倫等隨與巴勒

布頭目議定新銀錢六個零換銀一兩舊銀錢

十二個換銀一兩其後巴勒布將新鑄銀錢運

至藏地而藏內仍未照依原定之數所有新舊

銀錢總未分別噶布倫等又不加嚴禁因而廓爾

欽定廓爾喀紀畧

卷三

十二

喀懷恨滋事候臣到藏時嚴飭噶布倫分晰

舊錢價值低昂妥爲辦理再令伊等給還所欠

租債一併明白曉示廓爾喀必然感激恐懼不

至再生事端至廓爾喀邊界甚遠兵丁糧餉運

送維艱且現今撒迦地方一帶皆爲廓爾喀侵

擾所有運糧烏拉牲畜等項恐愈難備辦臣察

看此日情形固不可不加兵而亦不值大用兵

臣到彼後會同成德保泰一切詳加商議再行

奏

聞奏入

上命軍機大臣傳諭鄂輝成德曰廓爾喀所鑄錢文向衛藏行使原爲貪圖利息起見後又欲將舊錢停止專用新錢每銀一兩祇肯易錢六個固屬貪得無厭而噶布倫番衆人等與彼交易亦不免圖

欽定廓爾喀紀畧

卷三

三

佔便宜彼此惟利是圖各不相下以致復滋事端但衛藏地方行使廓爾喀錢文總緣唐古忒人等向與廓爾喀交易買賣是以不得不從其便今該賊匪反覆無常肆行搶掠昨已降旨令將在前藏貿易之巴勒布概行逐去將來廓爾喀即使震懾兵威懇求納款亦斷不准其再通貿易是廓爾喀所鑄錢文衛藏竟可毋須行用我國家中外一統

同軌同文官鑄制錢通行無滯區區藏地何必轉

用外番幣貨况伊將所鑄之錢易回銀兩又復攪

銅鑄錢向藏內交易源換給是衛藏銀兩轉被

廓爾喀逐漸易換尤屬不成事體若於內地鑄錢

運往程站遙遠口外又多夾壩運送維艱莫若于

西藏地方照內地之例安設爐座派撥工匠即在

彼處鑄駐藏大臣督同員役監製經理自可不虞

欽定廓爾喀紀畧

卷三

古

缺乏將來勦辦事竣鄂輝當傳齊達額喇噶布倫等明白宣諭以唐古忒人等懦怯無能又復固執貪利此次因伊等與廓爾喀換易錢文紛爭滋事是以大皇帝爲保護衛藏派調大兵前來勦辦俾僧俗番衆俱賴安全所有廓爾喀貿易人等自後不准其復來交易永斷葛藤特于藏內鑄錢官錢令其行用伊等舊存廓爾喀錢文概行銷作銀

兩一律使用官錢伊等當感激大皇帝受護深恩
敬謹遵行即可永資樂利若狃于積習不知感悟
仍欲與巴勒布彼此交易行使所鑄錢文則伊等
竟保真頑不靈自貽伊戚必將駐藏大臣一併撤
回任聽伊等所爲即使賊匪再來滋擾亦不復過
問矣如此明白諭知該處僭俗番衆自當各知醒
悟遵照辦理至鄂輝摺內又稱後藏距廓爾喀甚

欽定平定回疆方略

卷三

五

遠糧運烏拉更爲掣肘此時不進兵斷乎不可若
用兵大舉於事亦覺不值看來鄂輝不免有仍前
畏難將就了事之見廓爾喀原屬無能此時鄂輝
成德等先後帶兵前抵該處賊匪自必聞風竄避
但必須懾以兵威痛加懲創俾知懾服不敢再萌
他念方可期一勞永逸若少存將就了事之意使
彼無所畏懼大兵撤後即使明年不來滋擾或後

年復至邊境搶掠又將作何辦理倘復須調兵進
剿是賊匪轉得以逸待勞反客爲主從來外夷反
覆無常見兵威壯盛卽行逃竄及大兵撤去仍來
窺伺往往往疲敝內地用兵之道當先發制人若云
道路遙遠糧運維艱豈有賊匪能來我兵難往之
理鄂輝等惟當相度機宜妥爲籌辦俟兵力厚集
卽不能搆穴擒渠總當痛加勦殺使之聞風胆落

欽定平定回疆方略

卷三

十六

不可先存遷就致留後患

上命軍機大臣傳諭孫士毅鄂輝成德富綱譚尙忠
曰川省籌辦糧餉及察木多等處存貯米麥藏地
採買糧石祇預備現調兵丁支食若明春厚集兵
力大舉進剿約須調兵近萬至少亦須七八千名
現備軍糧自屬不敷支用軍行以糧運爲先若臨
時稍有缺乏則師不宿飽安能使之枵腹進征此

時先事預籌源源接濟實爲軍興要務但近年辦理軍需多有糜費從前康熙五十七八九等年雍正六年俱曾出師西藏調派滇省兵丁即係由維西一路出巴塘赴藏所有糧運事宜均有辦定章程川省滇省舊案自尙齊全孫士毅富綱譚尙忠均係戶部司員出身孫士毅費淳又曾在軍機章京行走從前辦理西藏舊案想曾目覩著卽令孫

欽定四庫全書

卷二

七

士毅等就近在川省滇省督撫藩司衙門詳查康熙雍正年間章程仿照辦理不可照近年軍需之例稍有浮冒至西藏距川省萬有餘里道途遼遠且口外均係番子地方全賴烏拉運送不能迅速將來軍營需用糧石遠赴川省調取實屬緩不濟急朕思察木多居適中之地或將察木多等處現存糧石運赴西藏再將川省附近邊界備辦軍糧

撥補察木多存貯續行運送如此源源遞運庶可無虞缺乏且打箭爐以外土司地方均係種植稞麥並著孫士毅酌量情形就近採買運送道路較近旣可以預備急需又可以節省運費於軍務大有裨益至鄂輝所奏藏地糧運艱難道途險遠未免有畏難之意殊不知賊匪遠來藏地口食未闕缺乏將來我兵深入賊境自當資糧於賊鄂輝等到彼務須會同成德設法籌辦以利軍行總之糧餉爲兵行要務孫士毅等務須查照舊案悉心妥辦不可稍有貽誤

欽定四庫全書

卷二

六

上命軍機大臣傳諭福康安曰前次廓爾喀侵擾西藏邊境時鄂輝等將就了事並未大示創懲賊匪無所畏懼又習見唐古忒怯懦敢肆欺凌是以此次復來滋擾若不示以軍威則我軍甫撤賊匪復

來方欲進兵賊已遠遁頻疲勞師遠涉仍屬無功
終非一勞永逸之計朕意俟明歲春融厚集兵力
分路進討鄂輝資望較輕恐難勝統兵重任且鄂
輝前在金川軍營尙係守備奎林已爲領隊大臣
卽成德彼時職分亦在鄂輝之上今令奎林成德
分路帶兵鄂輝在後路接應則奎林成德轉似偏
裨恐不相下朕再四思維竟需福康安前往督辦

欽定平定回疆方略

卷三

九

方足以資統率福康安素嫻軍旅識見較鄂輝爲
優且奎林係福康安堂兄平日尙稱友愛令其同
辦軍務想能和衷協力迅速成功至鄂輝平日帶
兵不甚奮勇籌筭亦不能周到朕意卽令鄂輝留
駐藏地辦理糧運毋須同在軍營况現在駐藏大
臣除奎林帶兵外祇有舒濂一人在彼一切採辦
糧餉及接運軍糈等事均關緊要得鄂輝舒濂商

同辦理更於軍行有益著傳諭福康安接奉此旨
卽趨程迅速來京候朕面授方畧

等謹案周官大司馬以九伐正邦國曰馮
弱犯寡則皆之廓爾喀因唐古忒懦怯性成
輒肆欺凌恣睢爭擾妄逞干戈此馮弱犯寡
之罪爲

國法所難貸也前此侵擾邊境未加痛懲遂復狂

欽定平定回疆方略

卷三

十

爲故常藉端滋事誠如

聖諭必當示以軍威與師進討始爲一勞永逸之計
深得駕馭四夷要道若乃整厲戎行必資重
臣董率

震耀先聲

皇上以福康安軍旅夙嫻聲勢較盛足以統領諸將
特命由粵入覲

指授方畧於一切軍行事宜

訓示周詳已具得其竅要用能所向克捷而迅收推

枯掃蕪之效也

同日鄂輝奏言臣於九月十五日行抵打箭爐

適前派之屯番五百名均於次日到齊臣當卽

賞給銀兩布疋及烟茶牛羊等物隨飭遊擊額

爾恒額卽日帶領出口接續成德前進以備應

欽定平定回疆紀略

卷三

三

用其雜谷五寨之屯練一千五百名先准提臣

觀成等知會已於十二三日陸續到省業經觀

成及在省司道優加賞資頭起於十四日自省

起程約二十三四日內可以抵爐其餘亦接踵

而至查此次派調屯練屯番共有二千名人數

較多必須熟悉番情之大員督率統領行走可

期妥速臣暫留松潘鎮總兵張芝元等候頭起

屯練到時卽令該鎮帶領速行以資前後照應

其二起屯練派遊擊劉懷仁三起派副將五十

一分起帶領至一切支應各事宜先經鹽茶道

林傳督同署同知徐麟趾妥爲豫備自可隨到

隨行惟口外各土司所備烏拉向皆候前起送

到轉回方能應付其間遠近不同勢難如內地

之間日行走臣現在趕至前途隨處面見各土

欽定平定回疆紀略

卷三

三

司管官倉儲巴等重加獎賞妥爲駕馭令其催

調烏拉寬爲豫備務須隨到隨卽應付至各兵

應支口糧前經臣奏明全文稟麥恐長途難以

畏帶况沿途尙易買食糶糶酥油應請照駐臺

兵丁之例半折半支其屯兵鹽菜一項自應於

出口之日一體起支以示優卹至應用鉛彈火

藥除各兵隨帶並經成德就近飭營撥運外臣

現又咨明署督臣孫上毅提臣觀成於省城三標內酌量撥派卽令豫派之換藏兵丁押送赴藏以資接濟奏入報

聞

二十九日

辛

上命軍機大臣傳諭鄂輝成德曰廓爾喀與唐古忒人等尋衅滋事前遣之都司嚴廷良保泰因賊匪

欽定廓爾喀紀畧

卷三

三

業經搶佔地方當將該都司撤回嗣後並未奏及遣人往詢之事所有譯行廓爾喀查問起衅緣由是否派遣兵丁抑係差唐古忒番人前往及如何詢問之處摺內並未聲明其派往之人曾否已回後藏若遣藏番前往被賊羈留尙屬無關緊要倘所遣係內地之人尙未回藏卽徵未弁兵亦豈可置之不問乃伊等並未將此事提及前後奏到各

摺毫無籌畫保泰祇知帶同班禪額爾德尼退避雅滿泰亦株守前藏一籌莫展且皆張大賊勢一味懦怯伊二人何昏憤無能一至於此著傳諭鄂輝等到彼後卽向保泰等面加詰詢嚴行申飭其遣往詢問廓爾喀者究係何人現在作何下落卽查明速行覆奏

欽定廓爾喀紀畧

卷三

三

欽定廓爾喀紀畧卷三

欽定廓爾喀紀畧卷四

十月初五日

丙午

孫士毅奏言

臣於九月十五日

在川省梓潼縣接印任事十七日抵省查明屯
練一千五百名業經陸續自省前行其降番五
百名已於九月十六日自打箭爐出口又預備
來年換藏兵丁將省城三標派出三百餘名就
近催齊作爲頭起於二十日自省起程查保泰
等來咨已咨調滇兵二千並察木冬二十九族
番兵二千赴藏協勦伏思此次成德鄂輝等先
後派領漢屯兵二千二三百名加以滇兵二千
察木冬兵二千及先期挑派赴藏換班兵丁一
千二百餘名共七千五百餘名需用兵食爲數
不少雖西藏糧臺現存糧三千石又據雅滿泰
來咨喇嘛商上現有糧四千石時屆秋收尚可

採買二萬石並牛羊一萬八千餘隻就現在情

形而論足敷支應但內地距藏寫遠每夫背米

不過數斗及至運送軍前尚不敷本人口糧何

能有濟兵食且恐唐古忒人等見有內地運糧

接濟益復心生意玩不以爲事將來易啓釁端

臣擬札商鄂輝我兵進藏後如能迅速藏事現

在兵糧儘足敷用萬一稍需時日而兵數又復

加多自當預備充裕倘臨時畧有游移所關非

小臣揆度情勢軍營兵食旣難由內地運送除

在藏領價就地採買別無籌辦之法至各糧臺

所貯稞麥計此番兵行過境雖亦足供支放但

究當乘時採買以裕軍精臣已飭知建昌道速

行各臺員在於附近部落一體採買備貯如無

需動用卽以補本年兵行支食之項亦不致糜

費至應用銀兩現據藩司詳動備貯軍需一百五萬兩酌撥內外各臺支用如果未能尅期蕲事似應卽於附近省分撥銀協濟容臣另行請旨再查省城由打箭爐出口直至藏中業經查照上屆所定安設臺站馬匹其自廣元入境至省城錦官驛出省均爲文報往來必經之地未便稍有遲滯現亦一體添設以利進行至軍火鉛彈

欽定廓爾喀紀略

卷四

三

爲軍營利器臣已查照鄂輝來咨飭令此次換臺兵丁順便分起管運赴藏並飭知省城各標營預爲補製照臣川東川北松潘等鎮協在於額存軍火內撥出一分解赴省城備貯聽候候撥用臣卽日馳赴打箭爐駐劄就近調度妥辦孫士毅又奏言四川重慶鎮總兵諸神保欽奉諭旨調補浙江黃巖鎮總兵臣上年在川知該鎮誠

實勇往且前此會駐藏數年熟悉番情臣與提臣觀成面商現在廓爾喀滋擾後藏應將諸神保暫留川省萬一藏內需熟手卽可令其馳赴軍營聽候差遣正在商酌間該鎮交代赴省向臣呈請據情轉奏准令赴藏帶兵進勦理合會同提臣觀成轉奏恭候諭旨遵行奏入

欽定廓爾喀紀略

卷四

四

上命軍機大臣傳諭孫士毅鄂輝成德曰孫士毅奏籌辦糧務事宜各摺辦理妥協可謂盡心籌畫所見均與朕意相同廓爾喀賊匪前來後藏搶掠保泰等於前月二十五日奏報情形迄今已及九日並無隻字奏到卽使賊勢鴟張亦斷不致擾及臺站阻隔文報保奏等恒怯無能株守前藏不但一籌莫展抑且信息全無豈不知朕屢念軍務晝夜

懸盼無時或釋卽保泰等不能帶兵進剿而烏爾公阿徐南鵬等亦必將賊匪情形隨時稟報現在賊匪會否至江孜地方滋擾札什倫布是否尚能固守鄂輝成德等到藏後卽嚴詢保泰等將因何不奏報賊形之處令其明白登答據實迅速具奏鄂輝成德計此旨到彼諒已先後抵藏亦應將該處情形速行奏報以慰屢注至糧石爲軍行要需

欽定廟爾喀紀畧

卷四

五

不可不預爲籌備昨已降旨交孫士毅富綱等仿照康熙雍正年間舊例妥協經理茲據孫士毅奏籌辦糧餉事宜與朕指示之處一一脗合此次大兵赴藏原爲該處僧俗番衆保衛地方自應給價令其採辦但前後藏地窄人稠蓋藏亦少就現在派調之兵爲數已多若再添滇省調往及內地官兵該處所存糧麥或至不敷支食且恐滇兵未到

賊已先竄既不及與賊接仗又不能長途撤回多兵在被駐劄靜候明春大舉坐食數月糜餉必多倘或供支難繼擾累番人尤非撫輯之道前已降旨令富綱聽候鄂輝等咨會再行派往此時暫緩調發想該督奉到前旨後自己卽行停止著傳諭鄂輝等及孫士毅斟酌緩急探聽情形如此時賊匪尚未竄回必須多兵勦賊卽飛咨富綱將滇兵

欽定廟爾喀紀畧

卷四

六

調發倘賊已遠遁現在毋庸此項兵丁仍著遵照前旨酌量調各兵概行停其派調再孫士毅奏總兵諸神保情願赴藏帶兵之處甚屬可嘉卽著准其所請並加恩賞給大小荷包各一對以示獎勵同日孫士毅觀成奏言_臣孫士毅到省後與_臣親成悉心商辦所有赴藏援剿之屯練降番二千名內降番五百名由章谷至打箭爐出口其

屯練一千五百名由省城至打箭爐出口於九月十四五六等日已全行出省_臣觀成復飭領兵副將五十一等沿途嚴加約束趕緊行走大約二十二三等日即可抵打箭爐出口其降番五百名據沿途具報已于九月十六日抵爐即日趕緊出口各兵先後進發不致過于擁擠至督_臣鄂輝在省時與_臣觀成商定明春換班臺兵先期挑派赴藏以壯聲勢茲查頭起換班兵三百餘名已經齊集_臣等隨即照例飭司發槍行裝銀兩交都司陳起鳳統領已于九月二十日由省起身其後起換班兵九百餘名分作四起間日進發_臣等仍隨時探聽藏中來信如有必須策應之處一面請旨一面辦理奏入報

聞

初六日_{丁未}保泰雅滿奏奏言據都司徐南鵬報稱廓爾喀賊衆搶佔札什倫布廟後于九月初一日圍擾官寨經官兵施放鎗礮與賊打仗殺死賊首一名賊衆數十名將官寨固守夜間賊匪將附近唐古忒割收糧穀俱放火燒燬等語隨據喇嘛噶布倫噶勒藏那穆札勒詳稱戴綢敏珠爾多爾濟于九月初一日整兵援藏適賊匪迎來接仗殺賊十數名但賊衆我寡一時不能剿退仍將兵撤回請即添兵進剿等語_臣等聞信之下不勝焦急前已派遊擊烏爾公阿噶布倫索諾木扎什分兵三路前往現在此處別無可調之兵_臣惟有行催所調三十九族察木多兵一俟到時速行率領前進再_臣等詢問歲琿堪布羅卜藏凱木楚克據稱賊聚于二十日

侵犯札什倫布廟仲巴呼圖克圖先于十九日

夜將廟中細軟搬至東喀爾地方藏匿其札什

倫布廟內有濟仲喇嘛及四學堪布喇嘛等在

吉祥天母前占卜據稱龍單上云不可與賊相

持眾心已亂喇嘛及唐古忒人等俱各散去因

此二十一日賊眾直入札什倫布廟中等語實堪

駭異伊等竟將札什倫布明讓與賊是誠何心

欽定廓爾喀紀略

卷四

九

因思現今在廓爾喀之沙瑪爾巴呼圖克圖係

仲巴呼圖克圖之弟聞仲巴呼圖克圖與彼不

和並有讐隙此次賊眾來犯即係沙瑪爾巴欲

陷其兄之意臣等問之歲璋堪布所言亦屬相

符

同日孫士毅奏言三抵川後接到鄂輝移送摺

稿知酌籌各條皆係必應辦理之事業已飛速

照行現復與在省司道將藩庫錢糧臺站馬匹

及採備兵糈運送軍火一切應行事宜通盤籌

畫悉心商辦茲蒙

皇上傳諭以臣曾在軍營行走尚屬熟手令臣悉心

籌辦查藩庫積存帑項雖屬充裕而自打箭爐

以至西藏在在均係存貯備用總計委員逐起

運送動用已不為少正在繕摺懇

欽定廓爾喀紀略

卷四

十

恩酌撥欽奉

諭旨已在四川附近省分撥銀二百萬兩前來仰見

皇上萬里之外無微不至臣已飛飭川省入境首站

速為僱備人夫並委道府大員在界照料一俟

解到即添派委員小心管解來省存貯司庫以

待支放至鄂輝成德俱係久歷行陣之人此番

統兵前進將賊匪痛加殲洗自必震懾乞京一

勞承逸倘賊匪恃其險遠竟敢抗我顏行不得
不大示兵威使之懼伏臣彼時再當懇懇

聖恩出派隣近督撫有聲望者一人來川署理督篆
准臣馳赴軍營與鄂輝等同心協力審度機宜
不敢將就了事亦斷不敢有意貪功務使賊匪
畏懼悔罪抒誠不敢再萌窺伺之念均奏入

上命軍機大臣傳諭福康安鄂輝成德曰廓爾喀賊
欽定廓爾喀紀畧 卷四

十一

匪侵擾後藏志在搶掠斷不能在彼久住朕早已
料其必思竄回今賊匪將唐古忒糧食焚燬可見
賊匪自知勢難久留又聞鄂輝成德先後帶兵前
往急思遁去是以將積聚概行焚燬若賊匪尚欲
在藏滋擾則此項糧石正可掠食豈有轉行燒燬
之理看來賊匪無能斷不敢擾及前藏况前藏距
札什倫布不過數日路程賊匪于八月二十一日

佔據札什倫布距保奏發摺之時已及兩旬倘賊

匪果有覬覦前藏之意豈背遲之多日尚在後藏

株守耶此時鄂輝成德帶兵到彼賊匪自己早竄

但必須懼以兵威痛加殲戮方可使之畏懼不敢

再萌窺伺今鄂輝成德先後奏到各摺及本日孫

士毅所奏俱不免存將就完事之見殊不知此事

初起之時朕並非必欲大辦如賊匪祇因索欠啓

欽定廓爾喀紀畧 卷四

十二

費搶掠聶拉木等處邊境尚可爲之割斷曲直責
令清還欠項朕之初意原不欲勞師遠涉今賊匪
肆行侵擾竟敢搶佔札什倫布不得不聲罪致討
非彼乞哀可完之事若因賊匪已遁遂思就事完
結使賊匪無所畏懼將來大兵撤歸賊匪復來滋
擾又將作何辦理豈有堂堂天朝轉爲徼外番賊
牽制之理此事勢在必辦竟無二義矣孫士毅鄂

輝成德惟當堅持定見毋涉游移將調派兵丁籌辦糧餉各事宜通盤籌畫將來大兵進剿實在需用兵丁及口內外如何運送糧餉足敷支應不致缺乏並此時且不必多派兵駐于無用之地以致多費糧餉之處悉心確核預爲籌備明春大舉時軍食充裕兵力壯盛一俟雪化即可窮追深入痛加剿殺以爲一勞永逸之計至孫士毅自請前

欽定平定回疆方略

卷四

志

往軍營此可不必辦理糧餉爲軍行要務孫士毅係屬熟手難以遠離伊現在打箭爐駐劄內外聲息相通一切可資照料孫士毅惟當仰體臚意將調兵運糧機宜悉心妥辦以副委任至都司徐南鵬帶兵固守營官寨尚屬奮勉前已賞戴花翎若能始終守禦無虞俟有應陞缺出卽行陞用以示鼓勵

上又命軍機大臣傳諭鄂輝成德曰保泰奏據歲奉

堪卜羅卜藏凱木楚克稟稱仲巴呼圖克圖于賊匪未到之先將細軟物件搬至東喀爾藏匿其札什倫布廟內有濟仲喇嘛及四學堪布喇嘛在吉祥天母前占卜妄稱占得不可與賊接仗以致衆心惑亂不復守禦皆行散去致被賊匪佔據等語實爲可笑可恨濟仲堪布喇嘛等皈依佛教見賊

欽定平定回疆方略

卷四

志

匪侵擾佛地自應督率衆喇嘛等極力保護乃竟假託占辭妄行搖惑以致喇嘛番衆皆無固志相率散去似此喪心叛教之徒若班禪額爾德尼尚在札什倫布亦必委之于賊甚或縛獻降賊皆不可知其情罪實屬重大鄂輝等到彼後卽查明占卜惑衆之濟仲喇嘛及四學堪布喇嘛等係屬何人卽行正法至仲巴呼圖克圖帶領衆喇嘛看守

札什倫布一聞賊匪前來信息卽先期逃避委之不顧本應一併正法但念伊係班禪額爾德尼之兄人亦老實姑從寬典卽著雅滿泰拿解來京其商卓特巴之缺著威璉堪布補授並著鄂輝等告知達賴喇嘛班禪額爾德尼及歲琿堪布濟甯呼圖克圖等曉諭衆喇嘛等以藏內僧衆久荷生成大皇帝振興黃教素所信重恩施極爲優渥從未將伊等眞以重辟卽喇嘛有犯法責處之事亦須剴黃懲治今濟仲堪布等妄言淆惑以致人心渙散竟將班禪額爾德尼等置之不顧是該喇嘛等自叛其教罪在不赦若不將伊等正法設使賊匪擾至前藏必將達賴喇嘛班禪額爾德尼獻與賊匪亦未可定此等係教中敗類自宜明正典刑使僧俗咸知謹凜正所以衛護黃教保全達賴喇嘛班

禪額爾德尼之意如此明白宣諭令藏內喇嘛等咸喻朕意至賊匪雖已將札什倫布搶佔但其勢不能久住必已竄回該處廟宇地方係歷輩班禪額爾德尼住錫之地經賊匪此番蹂躪之後僧衆離析必應亟爲整頓加意安輯現在班禪額爾德尼隨從之人自必尚多著鄂輝成德抵藏時卽派新放商卓特巴之歲琿堪布速往札什倫布妥爲安撫清查資財以便將來平定後班禪額爾德尼安禪棲止僧衆等亦各復業不致失所方爲妥善

初七日

戊申

上命軍機大臣傳諭鄂輝成德曰昨降旨令鄂輝等將占卜惑衆之濟仲喇嘛及四學堪布喇嘛等查明按名正法但恐鄂輝等辦理未能妥善或致該處衆喇嘛等不能深悉緣由應俟大兵齊集前藏

鄂輝等再查明惑衆之濟仲堪布等係屬何人將該
濟仲堪布等喚至前藏傳旨明正其罪剝黃處斬
至保泰前將班禪額爾德尼先期移至前藏祇應
派員護送由羊八井間道行走伊仍留駐後藏親
身督率僧俗人等協力防守則仲巴呼圖克圖濟
仲堪布等心存顧忌衆喇嘛等亦有所倚仗不致
人心渙散進行相率逃避乃保泰昏怯無能並未

計及且都司徐南鵬防守營官寨尚能打仗禦賊
是其人尚奮勉保泰不派令保守札什倫布轉置
之距廟一站之官寨所爲甚屬錯謬今札什倫布
業已被賊蹂躪昨已降旨令鄂輝成德等抵藏派
新放商卓特巴之歲琿堪布前往安輯僧衆清查
贖產但札什倫布係數百年古刹爲歷輩班禪額
爾德尼駐錫建塔之地今當兵燹之後廟宇殘缺

僧衆離散僅令歲琿堪布經理安集尚恐未能妥
善鄂輝等到彼後應令保泰帶同歲琿堪布前往
料理保泰係効力贖罪之人自當倍加警惕認真
查辦倘札什倫布自賊竄後尚須兵丁鎮撫卽著
成德酌帶兵丁前往彈壓督同保泰及歲琿堪布
妥協辦理

初九日

庚戌

上命軍機大臣傳諭鄂輝成德曰濟仲堪布喇嘛等
假托占辭妄行惑衆恐將歷輩班禪駐錫建塔之
地委之於賊喪心叛教至于如此並恐趁衆心慌
亂時衆僧俗人等乘機攘竊札什倫布廟內供奉
歷輩班禪金塔聞塔上鑲嵌珍寶莊嚴極爲華麗
乘擾攘逃散之時任意偷竊事所必有此項金塔
係歷輩班禪額爾德尼安藏舍利之所皆係該喇

味等祖師伊等身為法嗣不能竭力保護又從而殘毀攘竊實爲教中蠹賊罪不容誅此而不查出治罪何以衛佛教而懲敗類著鄂輝等務須遵照前旨查明占卜惑衆及乘機偷竊之濟仲堪布等明正其罪並明白曉示使咸知該濟仲堪布等之罪非惟王法所難宥亦爲佛法所不容今將伊等正法正所以衛護佛法俾衆僧等益知謹凜倍加感畏也

臣等謹案佛法之與

國典其事殊而其理則一札什倫布廟宇爲從來班禪轉輪駐錫之地凡在佛門者自當同心保護歷劫常新乃濟仲堪布等於賊匪未至時輒假託占詞搖惑衆志以致人心潰散竟將札什倫布委之於賊金塔莊嚴恣其搜取

開門揖盜實爲敗類之尤伏讀

訓諭煌煌以濟仲堪布之罪不特王法所難宥亦爲

佛法所不容明正刑章用昭炯戒

聖天子護法除魔之意實與象教相爲表裏云

十一日壬子保泰雅滿奏言九月十三日據後

藏都司徐南鵬差兵報稱九月初七日賊衆忽

皆退回查看廟內殿宇及三大佛像並未損動

但鑲嵌物件供器多被掠取賊衆已去一站之地噶布倫等帶領兵丁追趕等語臣等查江孜係前藏要地賊匪或由江孜來犯前藏亦未可知現在察木多遊擊李之榮帶領綠營兵一百名於十四日到來臣等即將達木兵一百名並現到之察木多綠營兵一百名交李之榮卽往江孜防守要隘並行令遊擊烏爾公阿將所帶

之兵亦急回江孜一同防守臣雅滿泰亦于本日馳往江孜安定衆心督飭官兵善爲防禦俟各處調兵到時臣保泰卽催趨續往臣雅滿泰仍往後藏查看札什倫布廟宇再臣等察看唐古忒人心渙散並無固志雖敬奉達賴喇嘛實無保護之意此時仰仗

天威調兵勦賊然觀其大勢達賴喇嘛班禪斷不可
欽定廓爾喀紀畧 卷四 三

仍居此處祈
聖恩派兵一二千名或將達賴喇嘛班禪額爾德尼
移于秦寧或移西寧之處伏候

聖諭

同日富綱奏言竊臣前准駐藏都統保泰咨因廓爾喀番人侵犯後藏防兵不敷堵截奏明行調滇兵二千名迅速赴藏經臣于附近標

營內如數派撥並擬將大理以東各營及省標官兵于九月二十五等日分起起程茲于九月二十七日准四川督臣鄂輝來札以此時川省已撥屯漢官兵二千餘名分起進發似可足資辦理惟西藏實在情形相距數千里外究難懸揣俟至巴塘一帶查看情形倘西藏不必添兵卽否停止如必須徵調亦卽飛咨遣發等情臣

欽定廓爾喀紀畧 卷四

三

查上次巴勒布番人滋擾後藏卽係鄂輝前往辦理竣事于彼處番情自所深悉現經鄂輝親往督辦諒不日亦可蕪事此時滇兵進行出口赴藏不但往返徒滋勞費抑且跡涉張皇自應聽候鄂輝咨調到臣再行前進惟軍務至要籌備總宜詳慎况自滇至藏相距六七千里道路甚爲險遠萬一西藏尚須添兵而所撥滇兵一

千名雖俱派定但散處各營彼時始令各于本
營起程又恐有需時日臣再四籌酌查大理府
接壤麗江離邊較近且係提督駐劄之所地方
較大官兵在彼暫住亦甚便易擬將原撥省標
及近省營分官兵暫行屯駐大理責成總兵劉
之仁統領稽查彈壓其所派大理以西之鶴麗
鎮屬兵丁俱令在營聽候俟鄂輝咨調到時即
令劉之仁就近帶領同原撥提標兵丁由大理
分起遙行並由鶴麗中旬出口時即將鶴麗維
西永北三處原派之兵一併帶領前進若彼處
無需添調卽由大理撤回各歸本營均奏入
上諭內閣曰據保泰等奏稱達賴喇嘛禪額爾德
尼不可復居衛藏請移駐泰寧或西寧等語保泰
等直喪心病狂矣廓爾喀賊匪跳梁方奏報之初

朕卽逆料其實無能爲不過抄掠物件一聞內地
大兵信息卽自竄歸是以節次令後調官兵暫且
聽候今果已竄回自賊匪滋擾保泰卽心懷良慰漫
無經理之策惟亟將班禪額爾德尼移駐前藏又
欲達賴喇嘛移駐泰寧因降旨將伊革職効力彼
時雖賊匪披猖保泰等若能獎勵唐古忒等領兵
堵截賊匪斷不能至札什倫布俟有內地兵到將
值降雪之時賊匪定卽竄回乃保泰並未籌計及
此惟知將班禪額爾德尼移駐前藏是以札什倫
布之喇嘛民人等惶惑逃散賊匪方能侵擾札什
倫布現今賊匪業已竄回又並未追賊打仗轉欲
將達賴喇嘛班禪額爾德尼移駐泰寧西寧是誠
何心保泰爲那木札爾之子朕意以爲伊從前曾
經駐藏于一切事務自較他人熟悉是以令其前

皇祖

往不料一遇此事顛倒錯亂竟至出人意外實堪憤懣雅滿泰尚知帶兵追賊而保泰一味恇怯賊匪已退猶欲將達賴喇嘛班禪額爾德尼內徙直欲舉全藏委之於賊設使賊匪逐漸內侵亦將察木多裡塘巴塘均棄而不顧有是理乎衛藏地方爲

皇考裁定之地何可輕議棄置且棄置藏地之後將處

欽定朔方雜記

卷四

重

達賴喇嘛班禪額爾德尼于何地耶此事決非雅滿泰之意雅滿泰上次曾經辦理此事如果係伊意見必早行具奏其爲出自保泰之意無疑朕自臨御以來五十餘年經理庶務孜孜不倦從無異難苟安之見眾所共知保泰縱不爲身謀亦思朕爲何如主乎保泰以爲達賴喇嘛班禪額爾德尼移駐之後伊即可苟全性命那木札爾乃生如此

欽定朔方雜記

卷四

美

之子保寧有如此之弟真非意料所及著將此旨令保寧閱看想必痛恨伊弟仍著鄂輝於抵藏之後傳旨將保泰在彼永遠枷號示眾保泰之子有現任職官者俱行革職以昭炯戒至達賴喇嘛班禪額爾德尼駐錫前後藏厯年已久凡蒙古番夷咸思敬禮朕所以綏輯藏地者無非保護黃教之意現今非特達賴喇嘛班禪額爾德尼不願遷徙卽在京呼圖克圖及喇嘛等多有藏地之人諒亦不願移徙也此旨令在京之呼圖克圖喇嘛等閱看並用蒙古文繙出通諭內外各蒙古知之

上命軍機大臣傳諭鄂輝成德曰前經降旨令鄂輝等於抵藏後卽將占卜惑眾之濟仲堪布等查明正法但此五人內定有首先起意及隨聲附和之人自應分別治罪著傳諭鄂輝等除將起意惑眾

之人剝黃正法外其餘隨聲附和之四人著雅滿泰于帶同仲巴呼圖克圖來京之時一併解送來京至唐古忒人等甚爲庸懦一見賊匪卽行逃遁導賊深入實屬可恨雖不可勝誅其頭目人等及爲賊嚮道之番人務須查明正法以昭炯戒現今賊匪雖已回巢但搶掠既多其行走不能輕便自必於途次耽延時日此時成德想已抵藏接到此旨卽酌帶所調官兵速行追躡縱不能抄其歸路截殺賊匪卽從後尾追剿戮亦足以壯軍威而寒賊膽至鄂輝近來奏事情形亦微覺主持不定首鼠兩端此次赴藏辦事若仍蹈前轍心懷畏葸欲圖苟且塞責保泰卽其前車之鑒也

上命軍機大臣傳諭孫士毅成德鄂輝富綱曰前以廓爾喀賊匪侵擾後藏志在搶掠斷不能在彼久

住朕料其心思逃竄屢經降旨將各處續調兵丁暫緩赴藏本日據保泰等奏賊匪佔據札什倫布將廟內供奉器具及鑲嵌什物掠取于九月初七逃竄等語果不出朕所料今賊匪旣已遁回毋須調派多兵前往不但續調之各處兵丁俱應停止卽前調官兵除鄂輝成德等所帶兵丁及已將次抵藏各兵外其餘起身在途距藏尚遠者亦著暫停進發一併撤回聽候進止現據富綱奏接據鄂輝咨會停止滇兵卽撤回大理及鶴麗本營聽候所辦尚妥著傳諭富綱遵照節次諭旨將所調兵丁暫緩赴藏至明春大舉進剿必須厚集兵力所有現在該處及續行採辦運往之糧除已到兵丁支食外總須預爲備辦約計可敷一萬兵丁口食不致臨期缺乏方爲妥協著孫士毅鄂輝彼此關會酌

商通盤籌畫將口內口外如何運送軍糧並實在
必須糧石若干之處悉心確核預行妥辦將來大
兵進剿深入賊境叢拉木以外自當資糧于賊其
聶拉木以內卽係藏地所有大兵由藏進剿及凱
旋時各兵沿途支食口糧亦應一併核計寬爲籌
備足敷兵食以利軍行

同日大學士公阿桂等奏言遵

欽定廓爾喀紀畧

卷四

五

旨查得保泰有子六人長子福克進三等侍衛次子

濟嚕木圖過繼與保泰之堂弟博凌阿爲後承

襲輕車都尉現在二等侍衛上行走第三子法

克進第四子倭克進俱拜唐阿第五子依克進

刑部筆帖式第六子年幼開散此內除濟嚕木

圖係與博凌阿爲後法克進倭克進俱係拜唐

阿毋庸議外請將三等侍衛福克進筆帖式依

克進卽行革職奏入報

聞

欽定廓爾喀紀畧

卷四

三

欽定廓爾喀紀畧卷四

欽定廓爾喀紀畧卷五

十月十二日

癸丑

上命軍機大臣傳諭鄂輝成德曰前因都司徐南鵬守禦營官寨尙屬奮勉已降旨令鄂輝等遇有應陞之缺卽行擢用與烏爾公阿皆賞戴花翎矣徐南鵬在綠營將弁中尙係有用之人保泰等不令其協力防守札什倫布而轉令在無關緊要之營

欽定廓爾喀紀畧

卷五

一

官寨駐守總由保泰調度乖方所致但該都司於賊匪攻擾時竟能保守無虞尙無綠營懦怯習氣至烏爾公阿原派在江孜防守嗣因賊匪佔據扎什倫布保泰將伊調回又因賊匪退去恐往江孜滋擾仍令前赴江孜此皆保泰漫無主見以致將弁無所適從不能得力徐南鵬烏爾公阿二人尙無貽悞著鄂輝等到藏後卽將伊二人傳到令其

迅速馳驛來京以便垂詢該處賊匪起衅及如何

滋擾情形並明白告知不必心存畏懼必須晝夜

兼程儘力行走到京面詢後再令伊二人仍速回

西藏俟明春大兵進勦時隨營打仗至前次派令

前往賊巢詢問情節之都司嚴廷良嗣經保泰撤

回後該都司究在何處防禦曾否與賊接仗總未

據保泰奏及並著鄂輝等查明詳悉具奏若其人

欽定廓爾喀紀畧

卷五

二

亦經出力並著速來至巴勒布在藏貿易之人昨已降旨令鄂輝等查明此內有曾經送信者送京辦理其餘人等派委副將一員多帶兵丁驅逐出境今思總兵穆克登阿現在帶領屯練兵丁赴藏伊係前歲熟手卽著該總兵帶領兵丁將巴勒布貿易人等押令出境較爲得力且聶拉木係賊匪佔據之地恐有與賊勾結等事更宜留心防範穆

克登阿將巴勒布等逐出邊境外卽在聶拉木帶兵駐守不必拘泥又往前藏總候大兵進勦時穆克登阿卽可在該處帶兵會合打仗以省往返之勞兼杜賊匪窺伺之路

十六日丁巳富綱奏言九月二十九日准四川督

臣鄂輝咨稱廓爾喀賊匪分圍扎什倫布催調

滇兵二千名速赴西藏以資協勦臣查所撥省

欽定廓爾喀紀畧

卷五

三

標及近省營分共兵九百名已於九月二十五

日間日分起接續前進其武定曲尋二營官兵

業已抵省現卽馳檄催遣計本月初十內外俱

可齊至大理其時總兵劉之仁亦可到彼臣現

復檄知一俟官兵到齊卽同提標兵五百名一

並帶領起程其鶴麗鎮維西協永北營共兵六

百名俱飭帶兵將備管領先赴滙總之中甸同

知地方駐劄侯劉之仁到彼分起派撥出口奏
入

上命軍機大臣傳諭孫士毅鄂輝成德富綱曰富綱

奏接准鄂輝來咨催調滇兵迅速赴藏等語此事

總由保泰怯懦無能一聞賊來後藏滋擾卽心驚

胆落毫無主見紛紛遠調官兵援救殊不知賊匪

離前藏雖近而距調兵之滇省甚遠亦屬緩不濟

欽定廓爾喀紀畧

卷五

四

急卽云衛藏官兵較少不能與賊對壘接仗藏番

又怯懦不堪遇賊卽退然亦當聚積固守何致扎

什倫布等處還爲賊匪蹂躪而鄂輝身爲總督亦

復漫無把握率據保泰咨會將滇兵忽停忽調使

該省無所適從甚屬非是著傳諭富綱如官兵業

已啟程行至何處卽於該處轉回若已至四川交

界卽著孫士毅檄令回滇總候明春大兵進剿時

再聽候檄調此時斷無庸前往徒至虛費至此次
滇兵如已起身其一應沿途往返所用糧餉著富
綱查明數目咨照川省著落鄂輝保泰二人賠繳
以示懲儆現在廓爾喀業已遠遁各處續調官兵
節經降旨俱令暫緩赴藏孫士毅在打箭爐駐劄
既無賊匪信息可探亦無照料官兵出口等事著
即回至省城將總督衙門一應事宜次第妥辦俟

欽定廓爾喀紀畧

卷五

五

春融雪化大臯進勦賊巢時該督再行前赴打箭
爐駐劄調度照料所有調兵運糧諸事前已責成
孫士毅悉心經理此時停止滇兵及續調官兵一
切要務竟專交伊一人籌辦務須仰體朕心俱臻
妥協方爲不負委任

同日福康安奏言

臣

於十月初三日在江西吉

水途次欽奉

諭旨鄂輝成德帶領屯土番兵分起前進廓爾喀賊
匪若已聞風竄回轉不能痛加殲戮俟明歲春融
厚積兵力分路進討竟須福康安前往督辦福康
安卽趨程迅速來京候朕面授方畧等因伏思廓
爾喀侵擾後藏一事昨奉

諭旨著奎林等往辦福康安似可不必前往臣以受
恩深重分應圖報涓埃當卽恭摺

欽定廓爾喀紀畧

卷五

六

奏懇馳往會辦俾臣職得以稍盡臣心得以少安

茲疊奉

聖諭令臣趨程赴京而聆

訓示與奎林等協力辦理不禁感而愈奮軍旅之事

臣未能熟練惟有勉承

睿畧仰仗

天威殫竭心力以期迅速賊事上慰

聖懷現在遵

旨加緊趨程到京一切親承

指授得以欽遵妥辦尤爲慶幸至廓爾喀現在情形

雖未深悉但思賊匪等前此滋事仰荷

聖主如天之度

矜宥歸誠並蒙格外

恩施賞給封爵稍有人心自應倍加感惕乃復因地

欽定廓爾喀紀略

卷五

七

租錢文細事敢於自作不靖侵擾後藏若不加

以懲創無論將來後藏日靡寧居卽就目前事

理而論賊匪等如此翻覆無常負

恩藐法豈可置之不問誠如

聖諭卽不掃穴擒渠亦必痛殲賊衆使之畏懼爾求

不敢再萌他念方足示軍威而靖邊徼臣仰沐

天恩委以戎行重寄斷不敢將就完事稍存姑息至

明歲春融大舉伏誼

諭旨約需調兵近萬

睿慮周詳瞭如指掌賊匪等恃其險遠竟敢疊次滋

事此時兵力過少固無由使彼懾服一勞永逸

倘糜費過多於事體又屬不值現在應調何路

官兵及糧運各事宜

聖謨早有成算臣到京踴領

欽定廓爾喀紀略

卷五

八

恩訓諸凡敬謹遵行務期辦理妥速奏入報

聞

臣等謹案自古命將出師推轂之餘責專闔

外未有運籌宵旰端居法官之中能一一預

操其勝算者况乃遠在天西步窮章亥又豈

易燭照而數計乎我

皇上以廓爾喀自作不靖爲

天討所必加

特命重臣統領元戎聲罪進勦於

陛辭之日

親授機宜凡行軍款要以及發輻還荒曉諭聖職悉

皆

垂訓精詳瞭如指掌迥非臣下所能窺見萬一是以

夏承

欽定廟閣紀略

卷五

九

唐畧克奏勦庸總不越

聖天子範圍之內也

十七日

戊午

上命軍機大臣傳諭鄂輝成德曰前經降旨令鄂輝

等將巴勒布在前藏貿易之人全行驅逐但此項

人等自康熙年間卽在前藏居住皆有眷屬人戶

衆多不下數千名口自必安土重遷不願移回而

藏內番民與之婚姻已久若一時押令出境辦理

稍有不善或致別生事端更非朕安集後藏僧俗

之意此時賊匪業已竄回須俟明春雪化時大兵

始行進勦所有驅逐巴勒布一節亦非現在刻不

可緩之事總俟福康安到彼後再行體察情形妥

協酌辦鄂輝等不可因接奉前旨稍存拘泥也

十八日

巳未

保泰奏言接據後藏都司徐南鵬稟

欽定廟閣紀略

卷五

十

報差往探信之把總蔣連陞報稱戴琇等追賊

至僧格仔地方與賊打仗鎗傷數賊奪得馱子

數個賊衆因追趕甚急將馱子焚燒仍從撒伽

一路敗走等語竊思賊衆畏懼

天威望風逃竄前經

臣

屢次嚴飭邊界之宗喀等處

第巴等令其攔賊歸路努力截殺又前據奇噶

爾第巴稟報喀爾達地方現有賊匪並經

臣

與

雅滿泰商議若賊匪來擾前藏必由江孜經過
該處甚屬緊要當令雅滿泰前往督率遊擊烏
爾公阿李之榮等預爲防範現在天氣漸寒賊
衆亦斷不敢擾至前藏俟探得喀爾達地方賊
匪情形再行迅速奏

聞奏入

欽定廓爾喀紀略 卷五 十一
上命軍機大臣傳諭孫士毅鄂輝成德曰廓爾喀賊

匪侵擾後藏一事朕於保泰初奏到時卽料及賊
匪無能不過在藏搶掠亟思竄回節經降旨指示
保泰等在彼若能稍知調度督率堵禦賊匪自不
敢擾入後藏乃保泰怯懦性成一籌莫展惟知張
皇其事紛紛遠調滇省及各處官兵赴藏援救竟
不思各處地方距藏遠遠官兵抵藏賊已早竄徒
使多兵坐食糜費軍糧况前後藏地窄人稠蓋藏

亦少現經賊人搶掠若驟添各處派調之兵必致
不敷支食將來大兵進剿之時轉致糧石缺乏採
辦維艱經朕屢次將所調官兵停止屆期再行調
往倘如保泰所奏勞師糜餉擾累番人更復成何
事體本日據保泰奏賊匪逃遁後戴琇等追至僧
格仔地方賊匪因攜帶物件累重自行燒燬仍由
撤迦一路逃回等語賊匪無能卽此已可概見從

欽定廓爾喀紀略 卷五 十二

十二

前賊匪侵犯時保泰親往後藏果能督率堵截無
難趕回賊衆亦何至扎什倫布等處爲其蹂躪無
如保泰一味畏葸甫聞賊至信息卽帶同班禪額
爾德尼逃至前藏以致札什倫布喇嘛等無所倚
仗各思奔避而濟仲堪布等復於吉祥天母像前
占卜妄託神言惑衆人心渙散使賊匪得以乘虛
佔據肆意搶掠是扎什倫布並非賊匪所能攻陷

竟係保泰委之於賊又何異開門揖盜耶且保泰既將後藏夫去避至前藏時又欲將達賴喇嘛班禪額爾德尼移往泰寧猶幸達賴喇嘛及各寺堪布喇嘛等深知大義堅辭以拒未經內徒及賊匪逃竄後保泰仍欲仗官軍之威劫達賴喇嘛班禪額爾德尼移至泰寧或西寧等處竟棄藏地與賊不意其悖謬至此試思衛藏爲崇奉黃教之地各蒙古番衆素所皈依今一旦將達賴喇嘛班禪額爾德尼移至泰寧西寧地方不特衆蒙古番衆無從瞻仰卽該處僧俗人等亦皆爲賊所擄賊匪原因後藏空虛始行佔據設前藏亦無人守禦賊匪亦必乘虛而入似此逐漸侵佔則察木多巴塘裡塘等處亦必委之于賊有是理乎保泰如此懼怯昏愞惟思率先退避以全其身而於賊匪情形從

未奏及縱不能奮勇打仗亦當捨一生口詳詢賊衆虛實卽雅滿泰尙知趕赴江孜防守而保泰竟安坐前藏株守不前種種貽悞其罪甚大前已有旨將保泰革職在該處永遠枷號及伊子有官職者全行革退尙不足以蔽辜著鄂輝到藏後將保泰喚至達賴喇嘛班禪額爾德尼前對衆傳旨先重責四十板再行枷號仍將諭旨內指出保泰種種貽悞緣由向達賴喇嘛班禪額爾德尼濟噶呼圖克圖及各呼圖克圖大喇嘛等明白宣示以服其心並令保泰據實登答具奏至賊匪來藏侵擾若不過因索欠起釁在邊境搶掠原不值與師大辦今竟敢擾至扎什倫布則是冥頑不法自速天誅此而不聲罪致討何以安邊境而懾遠夷耶一俟明歲春融雪化卽會集兵力大舉入藏其醜

類使之震懾軍威不敢再萌窺伺方為一勞永逸之計朕臨御五十六年平定準部回部大小兩金川拓地開疆遠徼悉入版圖至衛藏為我

皇祖

皇考載定之地久隸職方僧俗人等膏沾醴化百有餘

年况該處為歷輩達賴喇嘛班禪額爾德尼住錫

之地蒙古番眾素所崇奉若任小醜侵凌置之不

欽定四庫全書

卷五

五

問則朕數十年所奏武功豈轉於此等微外么磨

不加捷伐是此次用兵實朕不得已之苦心並非

好大喜功窮兵黷武此天下臣民所共知共見者

所有籌運糧餉等事節經降旨令孫士毅妥協辦

理並撥給銀二百萬兩解往備用如有不敷仍著

孫士毅據實速行奏請再為動撥至保泰摺內所

稱戴琿在僧格仔地方追殺賊匪一節恐未確實

若戴琿等果能奮勇殺賊則當賊匪前來侵擾時

何以不能抵禦必待賊匪退回始行追剿可見所

報情節顯有捏飾著鄂輝等查明據實具奏倘有

虛捏即當將戴琿從重治罪至巴勒布貿易人等

固有送信賊匪之人但伊等在藏居住有年久與

藏番結婚其中亦必有心向藏番者正可密為察

訪探詢賊情保泰等亦未計慮及此著鄂輝等向

欽定四庫全書

卷五

十六

巴勒布在藏居住之人密為訪問自可備悉賊匪

虛實設有其人仍當獎勵示勸兵機原無一定惟

在相時籌辦也

十九日庚申鄂輝奏言廓爾喀賊匪本無能為實

因唐古忒人等懦弱不堪膽敢肆其欺凌直至

後藏一經徐南鵬等帶兵抵敵殺死賊目賊匪

二十餘人旋即退去一站可知有兵抵禦賊即

莫之敢擾今_臣等先後派調屯練降番及預派

換藏官兵共計三千有餘軍威不爲不震竊料

賊匪已退斷無再來後藏之理_臣現在已過巴

塘距成德約有十三四站屯番五百名在前離

成德較近屯練一千五百名在後離_臣亦復不

遠_臣惟有前後督催加站行走趕同先後到藏

妥速辦理斷不敢因賊勢稍緩致有怠心再_臣

欽定廓爾喀紀畧

卷五

七

于裏塘途次孔薩安撫司甲木錯諾爾布差人

稟稱土司父子均受

大皇帝天恩感激難報今聞西藏有廓爾喀滋事我

土司甲木錯諾爾布情愿帶一二百人伺候前

去等語_臣細譯來稟情詞實出至誠竊念達賴

喇嘛宣揚黃教素爲西北各番衆傾服今因唐

古忒人心懦弱以致廓爾喀敢肆欺凌如果附

近各土司憤激奮興欲思保護不特震驚賊胆

亦足鼓勵番情今孔薩安撫司首先告懇出兵

雖爲數不過一二百名_臣等亦不必資其兵

力但爲將來維持黃教起見此時似應俯順番

情以示獎勵_臣當與將軍成德札商准其所請

加以賞賚卽派熟悉番務千總馬元德親往帶

領令其裹帶口糧由草地至察木多赴藏再將

欽定廓爾喀紀畧

卷五

八

軍成德行至巴塘據該處副土司成勒春丕勒

面稟情愿帶領土兵數十名隨營効用_臣先准

成德札會該土司情意甚屬真誠當卽會檄獎

賞令其製備行裝卽速隨往奏入

上命軍機大臣傳諭鄂輝成德曰鄂輝奏賊匪業已

退回斷無再來後藏之理該督旣知賊匪急思竄

回卽多兵赴藏亦無從與賊接仗何以率據保奏

咨會紛紛徵調幸而朕先經降旨將積調各處官兵暫停進發否則前後藏地窄人稠且經搶掠之後驟添各處調派之兵所儲糧食必致不敷將來大兵進剿之時糧石缺乏採辦更形竭蹶在保泰惟怯糊塗張皇其事固已罪無可逭鄂輝身為總督大員乃亦如保泰之紛紛調派不審事之緩急實負委任著傳旨嚴行申飭至所奏孔薩土司甲

欽定廓爾喀紀畧

卷五

九

木錯諾爾布及巴塘副土司成勒春丕勒等稟請帶領土兵隨往効力等語該土司所轄地方爲官兵軍餉赴藏必由之路一切應付烏拉等事若無該土司在彼督率料理恐番人躲避差使應付致有遲悞况伊所帶土兵不過一二百名及數十名不等爲數無幾亦不能增壯軍威著鄂輝宣諭該土司等以爾等懇請隨營効力具急公報効悃

忱但將來大兵過境爾土司等自應各在所管地方應付烏拉並將所儲糶麥糶粳曉諭番衆平價出售以供官兵沿途採買爾等果然認真妥辦即係爾等勞績大皇帝自當優加獎賞此時不必懇請出兵轉致本境應付烏拉乏人料理或有貽悞如此明白曉諭該土司自必倍加感戴于口外軍行糴運事宜更有裨益倘該土司所帶番兵果能

欽定廓爾喀紀畧

卷五

三

奮勇得力鄂輝或已酌量帶往其沿途口糧卽照土司之例令站員一體支給以示體恤

二十二日 癸亥 雅滿泰奏言 臣 於九月二十四日

行至江孜接到後藏都司徐南鵬稟稱據領兵戴琇薩木珠令巴等報稱九月十二日由興薩出犯之廓爾喀賊匪與前次來喀爾達之賊匪會合將定結地方喇嘛寺廟俱已佔據我等一

連三日與賊打仗殺賊三十餘人搶奪牛馱三十餘頭現今本處有兵六百名約計賊衆有二千人等語竊思賊匪分路出犯妄肆鴟張似不止於接應前賊其意或另圖窺伺亦未可定查江孜地方爲前藏咽喉重地距後藏亦僅兩站倘賊匪侵犯于前後藏所關甚要現在此處有遊擊烏爾公阿所領綠旗兵六十名達木兵五十名唐古忒兵一百名遊擊李之榮所領察木多旗兵一百名達木兵一百名通計僅止四百餘名_臣復訪得江孜至脅噶爾相離七八站中途有村名噶木巴賊匪欲犯江孜必由噶木巴經過不可不預爲防禦即將_臣處現兵四百餘名內挑選二百名交遊擊李之榮帶領速赴噶木巴防護其餘二百名交烏爾公阿在江孜防護

_臣亦時常探聽量其緩急務將此二處盡力固守一面扎知保泰前藏何處官兵先到卽速發付前來趕緊接濟_臣俟續有賊匪確信卽赴扎什倫布會同仲巴呼圖克圖察看廟宇安輯人衆
同日成德奏言查口外至藏程途險遠察木多以東需用烏拉夫馬保明正裏塘巴塘土司應付並有附近各土司稱應往回接替已需時日至察木多以西皆係倉儲巴第巴等所管住牧遠近不一應付烏拉一時未能齊至兼以時值冬令冰雪載途烏拉多用牛隻兵丁俱係步行非若內地騎馬馳驟可以併站前行_臣與總兵穆克登阿所帶滿漢屯練三百餘員名均久經行陣奮勇得力之人現在星夜趕緊遣行計在

冬月初旬可抵前藏如烏拉不能敷用卽將所

帶官兵飭交穆克登阿管領行走臣卽先馳趕

往會同保泰添募勇健兵丁一俟穆克登阿所

帶滿漢屯練兵丁到齊察探情形奮勉妥辦萬

不敢稍涉遲延冒昧俟鄂輝隨後督率官兵趕

至更可會合勦洗再臣前至巴塘據該副土司

成勒春丕勒稟稱土司等世受

欽定藏圖略記畧

卷五

五

大皇帝天恩無由報効去年恭赴熱河叩祝

大皇帝八旬萬壽仰蒙

賞戴花翎感激實難自己今廓爾喀賊匪滋擾西藏

情愿帶同親弟澤旺諾爾布並家丁數十名前

往効用其應付差務現有正土司吹忠扎布經

理至當差百姓土兵不敢帶往亦不致有貽誤

等情查臣所帶滿漢屯練趕至前藏尙須添派

勇健兵丁今又得該副土司等五十餘人實於

攻勦得力是以准其前往今該副土司帶伊弟

澤旺諾爾布並家丁五十名趕行前來臣看驗

澤旺諾爾布年已一十九歲人尙強健其隨從

之家丁五十人亦俱年力壯健均堪得用卽帶

同兼程前進其所需口糧照例支給均奏入

上命軍機大臣傳諭雅滿泰曰前據保泰奏稱賊匪

欽定藏圖略記畧

卷五

五

業已竄回今雅滿泰於九月二十四日行抵江孜

賊匪仍在定結地方滋擾如得大兵追及痛加誅

戮亦足使賊人喪胆但成德十一月初間方到據

雅滿泰具奏日期算來尙須四十餘日倘賊已退

去雅滿泰不必轉回卽赴扎什倫布會同仲巴呼

圖克圖察看廟宇安輯人衆總俟鄂輝到後接奉

諭旨再爲遵行至保泰前奏江孜有賊來之信今

雅滿泰已到江孜並未見賊或係唐古忒等惶怯
捏報亦未可定著將賊匪曾否來犯江孜之處據
實詳悉具奏

上命軍機大臣傳諭鄂輝成德曰仲巴呼圖克圖一
聞賊匪滋擾信息並不思竭力守禦卽携帶廟內
細軟物件先期逃避以致濟仲堪布無所倚仗衆
心惶惑在吉祥天母像前假託占詞妄言搖惑衆

欽定藏書紀畧

卷五

五

喇嘛等俱紛紛散去迨賊匪至扎什倫布距廟內
喇嘛逃散時已閱多日若仲巴呼圖克圖稍知大
義率衆固守亦何至扎什倫布遽爲賊匪所佔據
是扎什倫布之失陷竟係自行讓出仲巴呼圖克
圖實爲此案罪首禍魁伊帶細軟物件先行躲避
不過意在貪利若云爲班禪額爾德尼起見則扎
什倫布愿輩班禪龕塔爲重乎細軟物件爲重乎

扎什倫布爲愿輩班禪住錫之地所建龕塔皆係
祖師安藏舍利之所並有伊兄前輩班禪額爾德
尼龕塔在內乃置之不顧悉皆委之于賊致被賊
匪蹂躪恣意殘毀搶掠是其忘本背教惟利是圖
若以佛法而論生滅視同一致有益佛法卽身命
皆可不顧况此區區物件又何用如此鄭重愛惜
是仲巴呼圖克圖貪生背義罪狀昭然業經節次

欽定藏書紀畧

卷五

五

降旨以其罪本應正法姑念伊係前輩班禪額爾
德尼之兄僅令送至京師安插廟宇閒住仲巴呼
圖克圖應自知獲罪甚重遵旨赴京若不知感激
稍有遲難則是自干罪譴決不再爲寬貸此事著
交鄂輝明白宣諭並告知達賴喇嘛班禪額爾德
尼濟甯呼圖克圖歲琿堪布及各呼圖克圖衆大
喇嘛等咸諭此意至安集扎什倫布僧衆一事仲

巴呼圖克圖現已令送京安插况伊係首先逃避之人僧衆皆不信服豈能經理此事前因歲琿堪布人尙明白曉事是以降旨令其回往後藏經理安集現在班禪額爾德尼在前藏護侍有人亦無須歲琿堪布在彼著鄂輝遵照前旨卽令歲琿堪布前赴後藏交與雅滿泰帶同安撫妥協料理俾廟宇修葺完整僧俗得以安禩棲止俟辦理完竣

後再令雅滿泰押帶仲巴呼圖克圖送京本日又據成德奏巴塘副土司成勒春不勒懇請帶同伊弟澤旺諾爾布並家丁數十名前往効用成德卽帶同前進等語此事昨據鄂輝奏及業經降旨諭令鄂輝應令該土司在所管地方應付烏拉若已經帶往卽照土兵之例給與口糧今成德已將該土司帶同前進亦屬可行至該土司踴躍懇請並

帶伊弟同往効力尙屬急公著成德酌量賞給綬疋以示鼓勵至成德此次行走殊屬遲緩賊匪於九月初七日業已竄回計成德十月初五日發摺之期已及一月此時成德卽兼程趨行到藏尙需時日賊匪久經遁去已屬無及今將成德行走日期核對西藏程圖計算道里成德現在始抵察木多迤東之猛普地方是每日不遇行走一站似此

遲緩何時始能抵藏前因成德平日尙屬勇往朕方慮其冒昧輕進今乃如此濡滯尙得謂之勇在乎著傳旨嚴行申飭成德務須振作精神加緊行走毋得再有遲悞再成德現擬先往藏內將所帶滿漢屯練兵丁交穆克登阿管領隨後進發則穆克登阿行走更在成德之後著該總兵帶領兵丁僕程前進毋致再有遲悞干咎鄂輝接奉此旨亦

應督率兵弁起緊抵藏以便將一切事宜遵旨籌辦不可又似成德之按站行走致稽時日也

同日孫士毅奏言竊臣在打箭爐連日跪領

諭旨仰見我

皇上萬里之外事無鉅細無不在

燭照之中查馳送文報接遞糧餉全在臺站得力前

經鄂輝奏派道員林倘徐長發一自打箭爐至

欽定廓爾喀紀畧

卷五

元

察木多一自察木多至西藏往來照料臣復時

加策勵並飭知現奉

諭旨如果辦理受速將來必邀獎叙該道等自益加

感奮經理得宜第思自爐至藏中間五千餘里

全恃兩道員稽查照料恐尚有鞭長莫及之虞

臣已檄調留省差委之候補知府李憲宜順慶

府通判蔡廷弼並又加派正佐十員飛速來爐

隨到隨卽出口或于道里較長之處或于烏拉

更換之所分駐查催而以李憲宜蔡廷弼二員

總司其事如此星羅碁布呼應自必更靈至口

外俱係番子地方向來官給價值土司往往從

中尅扣因之裹足不前甚或拋棄脫逃事所常

有此次臣抵爐後土司來見臣面向伊等歷叙

皇上恩德開陳大義諭令現在需用烏拉所有官給

欽定廓爾喀紀畧

卷五

三

價值務須實發番民不許絲毫尅扣內明正土

司甲木叅諾爾布係宣慰土司職分較優人亦

比衆體面現爲衆土司所推服據稱我等世受

大皇帝恩典無可圖報此次需用烏拉自當上緊僱

備運送過境斷不敢暗中尅扣以致番衆不服

自取遲延獲罪等語臣察看情形尙屬十分踴

躍仍當遵

旨嚴切訪查勿任陽奉陰違致滋貽誤再臣甫入川

境之時聞賊勢猖獗而鄂輝等只調屯練兵丁

二千私心以爲太少嗣抵省城方知先後徵調

已有數千是鄂輝辦理此事已極周妥現奉

諭旨該處山高雪大賊匪不能久留恐其早竄卽須

大辦亦當俟明春辦理所有滇兵二千令鄂輝

等酌量緩急情形暫停咨調伏查目下已交冬

欽定庸圖略紀畧

卷五

五

令至明春雪消之候幾及半載若卽令滇兵趨

行赴藏不能見賊無從施展縱使兵丁極爲精

銳而坐守寒谷勢必漸形疲沓轉慮臨時不能

得力臣愚以此時自應遵

旨暫停咨調爲是又奉

諭旨調派滇省兵丁由維西一路出巴塘赴藏令川

滇兩省查照康熙雍正年間成案辦理不可照

近年軍需之例稍有浮昌伏查辦理軍需自應

事事核實以期無濫無遺况有康熙雍正年間

出師西藏成案事同一例尤應遵循辦理臣到

川後卽飭督藩兩署詳細檢查俟川滇二省得

有一處案卷便可彼此知會奏請查照辦理又

奉

諭察木多居適中之地或將該處現存糧石運赴西

欽定庸圖略紀畧

卷五

五

藏再將附近邊界備辦軍糧撥補察木多存貯

預備續行送藏並令臣就近採買稞麥運送查

本年雨水調勻秋收較稔雖口外種植不比內

地繁盛而就近採買事屬易爲臣已飭令藩司

英善積撥銀兩委員運送到爐察看各該處出

糧多寡情形分別撥給速令乘時採備多多益

善以裕軍儲惟口外採辦運送與藏內就近買

食其價值多寡相去懸殊查自察木多運至西藏若用人夫背負計費不貲如用牛馬馱載每糧一石亦約須銀二十兩此尙就察木多起運而言其實自爐城附近運至察木多存貯所有應銷腳價仍須一併計入再加每石本價米則六兩有餘稞麥亦四兩有餘每石已價至三十餘兩若在藏內買備每石價直不過一兩有餘是在口外買備軍糧一萬石運送西藏已多糜帑項二十餘萬兩若就採買五萬石計算即須多用一百數十萬兩矣如果藏內買備不敷兵行支食原屬無可如何臣上年在川知前年巴勒布滋事派兵進勦初議運糧赴藏以供兵食嗣因藏內情形足可買備奏明停止運送在案卽使明春厚集兵力計數當不過萬幾千人似

可不難就近買食萬一藏內居奇抬價卽倍價收買每石亦不過三兩而止較之內地何止節省十倍臣再四籌算多寡太覺相懸何敢因奉命採買承辦尙易卽置耗費帑金於不顧是以現在一面遵旨採辦一面縷晰聲明奏入

停進發昨已降旨諭令該督竟俟福康安到彼後再行酌辦庶免錯悞看來此事非福康安不能承辦也摺內又稱軍行所用糧石從內地運至西藏每石需價三十餘兩若就藏地採辦卽倍價收買每石不過三兩等語若果能如此則所省可至十倍尤見盡心籌核不致帑項虛糜節經降旨令多兵前往坐食藏米亦卽爲此孫士毅務當事事

欽定庸爾喀紀畧

卷五

五

如此酌籌妥善俟明春大兵進勦時使糧餉得以源源接濟卽孫士毅一人之功也著隨報賞給孫士毅御用大荷包一對小荷包四個以示獎勵至口外軍糧全資烏拉運送向來官給價值土司既有從中剋扣之弊烏拉因之裹足不前或中途拋棄脫逃殊有關係或令地方官將應付價值當面散給俾預備烏拉之番衆感受實惠自必更加踴

躍並著孫士毅酌量辦理若土司等果能急公報効不敢暗中剋扣上緊雇備運送所有應給價值仍可發交土司轉給不必拘泥遵旨想孫士毅自能仰體朕心辦理俱臻妥協也

臣等謹案庸爾喀賊匪侵擾後藏

皇上於奏報之初卽料及賊無能爲不過志在搶掠一飽其欲亟思竄回

欽定庸爾喀紀畧

卷五

五

聖明燭照如神矣奮洞見萬里之外至滇省距藏遼遠若調兵前往賊已早遁時屆嚴冬置兵力於無用之地待至明歲春融進勦曠日持久坐耗軍精不免老師糜餉鄂輝等紛紛檄調實爲辦理失宜我

皇上先幾降旨將續調各處官兵暫停進發否則藏地驟益多兵虛費軍食迨整旅架入之時糧

儲轉致短絀設非仰蒙

睿慮周詳

諄諄訓示何以能收功於徼外哉

同日

上諭內閣曰孫士毅係署理總督祇應全食尙書實俸但現在辦理進勦廓爾喀賊匪及籌運糧餉事

宜甚爲妥協且在彼往來照料需用較多恐形拮

欽定廓爾喀紀畧

卷五

三五

据著加恩於總督養廉內與鄂輝各分半支食以

示體恤

欽定廓爾喀紀畧卷五

欽定廓爾喀紀畧卷六

十月二十三日甲子保泰雅滿奏言自廓爾喀

賊匪滋事臣等留心細訪查得乾隆五十三年

廓爾喀侵犯藏地大兵未至之時唐古忒已與

廓爾喀私行議和及大兵至後廓爾喀畏懼乞

降唐古忒素性懦弱恐大兵撤後廓爾喀又復

騷擾是以仍暗與廓爾喀議和並詢知伊二處

欽定廓爾喀紀畧

卷六

一

定議時將地租銀及所欠鹽稅四萬五千兩作

爲三年清還等語臣等查看伊等從前所立文

約止稱各守地方永不生事並未言及償負地

租等事或其間有另立字樣亦未可定設法詢

問唐古忒等俱支吾其說未得實情誠如

聖諭皆由從前郭輝成德巴忠辦理不善所致臣等

到藏皆已半年有餘並未查明妥辦實屬咎

無可辭至此時天氣漸寒賊衆自必竄回臣雅

滿泰現在江孜地方率領官兵防守隘口臣保

泰護衛達賴喇嘛班禪額爾德尼安撫前藏僧

衆將應行備辦事件令班第達妥爲辦理

同日保泰奏言據都司徐南鵬報稱九月初九

日接到宗喀訓練唐古忒兵丁之漢兵陳謨潘

占魁稟稱八月初二日廓爾喀賊匪六七百人

欽定廓爾喀紀畧

卷六

二

來攻宗喀將城圍住陳謨等與唐古忒兵丁施

放鎗砲一同固守賊衆退去至十三日寅刻忽

有賊衆數百驟至不避鎗砲賊匪十餘人各用

木梯爬上外城攻取內城陳謨與第巴薩木珠

小第巴朗結登珠固守東南一帶潘占魁與小

第巴策結固守西北一帶番民兵丁俱各向前

奮勇自內城殺出斃賊十八人賊匪不能抵敵

潰敗而去至十四日辰刻賊由原來之濟隴一帶遁回兵民等爭先奮勇緹城追賊割取首級四十六顆搶獲軍器甚多宗喀城內陣亡番兵八名鄉兵十一名喇嘛四名又然巴戴琿策旺喇布丹番兵頭目烏珠拉旺等領兵二百五十名前來救護于八月十六日行至宗喀現留此處防守等因查宗喀與濟隴相通賊匪現據濟隴此次敗逃賊匪或與濟隴賊眾約會復來亦未可定當卽飭令現在宗喀之戴琿策旺等加意防守外該第巴兵丁喇嘛等勇往打仗傷殘多賊實屬可嘉臣已告知達賴喇嘛查明此次死事出力諸人按等獎賞外臣亦酌量加賞再宗喀第巴薩木珠于前年廓爾喀跳梁之際在魯噶爾出力此次復率領所屬嬰城固守實爲

唐古忒中所難得俟將伊切實勞績查明再行奏請

天恩以示鼓勵均奏入

上命軍機大臣傳諭鄂輝成德曰保泰等奏上次廓爾喀滋擾時唐古忒私與譚和言明分年完欠巴忠等彼時亦將就完事等語此事總由巴忠急思了事辦理軟弱鄂輝等隨同附和以至廓爾喀復

來侵擾但事屬既往朕亦不加深究總俟明歲春融雪化會兵大舉進剿所有唐古忒欠負一節竟可毋庸查辦鄂輝等到彼後惟應明白檄諭廓爾喀以唐古忒如果欠爾等銀兩不還應向駐藏大臣呈訴聽候判斷卽使不爲申理本督部堂亦必爲爾等秉公查辦乃並不呈訴輒敢藉索欠爲辭不但擾入邊境並擾至扎什倫布沿途肆意搶掠

將廟內供器及金塔鑲嵌之物全行掠去是爾等十分理曲卽云唐古忒所欠賬目是實而以爾等各處搶掠之物相抵已不啻倍蓰有餘此時斷無再行還欠之理今本督部堂業已統率官兵抵藏本應卽行追勦姑念爾部落曾經內附納貢輸誠仰膺封爵是以特行檄諭爾等若能自知罪戾及早悔悟令巴都爾薩野親來領懇或遣此次帶兵

欽定廓爾喀紀畧

卷六

五

來藏之大頭目或遣沙瑪爾巴呼圖克圖赴藏乞降並將丹津班珠爾送回本督部堂尙可據情轉奏大皇帝諒爾無知恩加寬宥如此明白檄諭廓爾喀若果遣巴都爾薩野等前來自當另有辦法卽該賊目等畏懼不出而有此檄諭賊匪等知官兵未卽追剿來往之間懈不設備一俟明春大兵深入出其不意可以痛加殲戮大示創懲其此次

來藏滋擾之大頭目係屬何名唐古忒人等自必知悉鄂輝等卽向伊等詢明一併寫入檄諭又據保泰摺內稱八月初二日賊匪攻圍宗喀經教習漢兵陳謨潘占魁率同第巴薩木珠及小第巴番衆等盡力守禦追殺剽取賊匪首級四十六顆賊匪由濟隴一路遁回等語所奏如果屬實該兵丁及第巴等奮勇殺賊甚屬可嘉鄂輝等到彼查明

欽定廓爾喀紀畧

卷六

六

後卽將陳謨潘占魁賞給千總職銜賞戴藍翎第巴薩木珠亦可酌賞翎項以示鼓勵其餘實在出力之番子喇嘛及陣亡受傷人等查明分別賞卹但此係八月初二十三等日在宗喀打仗殺賊尙在賊匪占據扎什倫布之前保泰于九月初九日接據稟報何以遲至兩旬始行具奏且摺內稱賊匪自宗喀退回濟隴是否會合濟隴賊匪繞至扎

什倫布抑係另有賊匪在宗喀滋擾並未聲敘明
晰殊不可解著鄂輝等向保泰嚴切詢問據實具
奏

二十六日丁卯

上命軍機大臣傳諭黑龍江將軍都爾嘉曰現在勦
辦廓爾喀賊匪索倫達呼爾兵丁向爲得力著都
爾嘉將呼倫貝爾之兵挑選六百名打牲兵挑選

欽定廓爾喀紀畧

卷六

七

四百名照例辦給馬匹路費令呼倫貝爾之兵從
多倫諾爾行走打牲兵從巴溝行走迅速到京所
有領兵官員現今海蘭察擬定富里善等十四人
將名冊交與都爾嘉遵旨辦理卽行起程並嚴飭
該管官員沿途管束兵丁毋令稍有滋事

上命軍機大臣傳諭陝甘總督勒保西寧辦事大臣
奎舒曰現今福康安赴藏從青海一路行走福康

安此去行程迅速隨從之人無多著奎舒在青海
衆扎薩克等處買備賡壯好馬二三十匹於福康
安未到之先卽行備就以便隨到隨行如扎薩克
等感激朕恩知此次興師爲保護衛藏之意願助
馬匹可卽允准將所得馬匹若干先行奏聞一俟
福康安到青海時卽依數交明應用福康安從西
寧起程前往著奎舒隨同照料送過伊所管地界

欽定廓爾喀紀畧

卷六

八

再回西寧至沿途所用鑼鍋帳房等物亦著妥協
預備

上又命軍機大臣傳諭孫士毅鄂輝曰糧餉爲軍行
要需前經降旨交孫士毅籌辦昨據孫士毅奏內
地糧石運至西藏需價甚多莫若卽就藏地採買
等語打箭爐至藏道路險遠糧運維艱自應就藏
地辦糧以省轉輸但該處地窄人稠蓋藏本少前

據雅滿泰具奏藏內原貯及預備兵糧七千石現屆秋收又可採買糧二萬石今後藏業經賊匪滋擾營官寨附近地方糧石已爲賊匪焚掠其餘糧石想屬無多加以現到之屯練各兵每日支食口糧自皆于所辦糧石內散給且前藏地方又有後藏避賊之僧俗番衆人等前來就食民間用糧較多採辦不易明春集兵進勦軍糧必須充裕所有

欽定廣西通志

卷六

九

該處存貯採辦軍糧二萬七千石除各項費去及鄂輝等現帶官兵支食外計至明年大兵到彼時尙可得若干石總須約計萬餘名官兵數月口食方可敷用著孫士毅鄂輝彼此開會酌商通盤籌畫約計實須糧石若干悉心確核一面據實奏聞一面預行妥辦所有打箭爐運糧事宜交孫士毅經理其藏地採辦糧石卽交鄂輝經理將來福康

安到彼後督辦有人鄂輝留駐藏地與舒濂同辦

運糧其打箭爐以外直至前藏道里綿長一切運

送軍糧及沿途供支官兵口食各事並著孫士毅

鄂輝查明軍站遠近或以察木多爲界彼此分管

以專責成再西寧出口赴藏程站較近福康安現

已到京卽日令福康安輕騎減從由西寧一路行

走庶可迅速到藏早得該處實在情形已降旨令

欽定廣西通志

卷六

十

西寧辦事大臣奎舒親身照料出青海境並著鄂

輝飭派委員于西藏交界地方先期迎候照料前

進

二十七日戊辰孫士毅奏言臣欽奉

諭旨令臣飛咨滇省暫停調兵臣恐滇兵將次出境

赴川若行文停止轉未能迅速臣一面飛咨富

綱一面派臣標弁執持令箭馳赴川滇交界地

方探迎滇兵停止前進並徑由臣行知滇首領
兵官諭令駐劄滇省邊境聽候屆期檄調再前
經駐藏大臣於咨調滇兵二千之外又調取察
木多三十九族兵二千赴藏協助臣思賊匪業
經遠竄此三十九族兵二千亦可暫停前進現
已遵

旨飛札察木多臺員就近飭知該處兵丁不必進發

欽定四庫全書

卷六

十一

並飛咨鄂輝等一體飭停當可毋虞岐悞惟赴
藏換班兵一千二百餘名不過先期派往其頭
起早經出口此後兩起現亦將次抵爐應請仍
令赴藏以備鄂輝成德等分撥調遣之用查鄂
輝成德先後帶領漢屯兵二千二百名各加以
先期派往換班兵丁一千二百餘名合之藏內
原駐官兵約計四千名現在賊匪既已竄回此

項四千官兵駐劄藏地已足壯軍威而懾賊膽
明春大舉進勦時如必須添調若干俟鄂輝等
先期知會臣再妥爲應付照料前進至令藏內
代爲採買糧石一節萬一明春兵數較多該處
供支難繼臣自當設法先時運送赴藏源源接
濟以實軍儲斷可無虞缺乏

孫士毅又奏言竊臣欽奉

欽定四庫全書

卷六

十一

諭旨察木多居適中之地或將該處現存糧石運至
西藏再將附近邊界備辦軍糧撥補察木多存貯
預備續行送藏等因查察木多糧石舊存僅一千
二百石爲數無多臣抵爐後一面飭命臺員就
近採買稞麥一面卽於爐倉現存糧石內撥米
二三千石陸續運送察木多其裡塘巴塘二臺
各撥七百石拉里一臺撥運一千石俟爐城一

臺及附近各臺採買一有成數再行續運察木
 多預備送藏臣現在審飭各臺員領銀設法採
 辦再查打箭爐素不產米俱係商賈從各處販
 運赴爐售賣歷來每倉石總在六兩以外目下
 爐城米價實係每倉石六兩五錢該處為西藏
 衝要總滙之地所有撥出之米不能不照數買
 補以實倉儲臣思成都雅州二府及邛州一州
 距爐較近諸處倉儲既盈糧價亦減若酌碾倉
 穀運送打箭爐連運脚核算較之在爐採辦大
 有節省臣已飭令藩司英善將成雅邛三屬倉
 糧多寡酌量派撥共碾米二萬石陸續運爐預
 備運送察木多接濟西藏兵食臣再令口外採
 辦稞麥分貯各臺以備將來源源運藏再檢查
 駐藏大臣原咨該處原貯倉糧及喇嘛商上共
 有糧七千石現可買糧二萬石牛羊一萬六七

欽定大清會典事例

卷六

三

七千隻就每兵每日八合三勺合計已可供萬
 人一年軍食再加臣預備送藏糧石即再增多
 兵亦可充然支應若藏地再能隨時採辦於帑
 項更可大加節省奏入

上命軍機大臣傳諭孫士毅鄂輝成德富綱曰孫士
 毅奏酌撥軍糈米石運送察木多巴塘裡塘等處
 並檄停三十九族及滇省各兵等摺實為盡心周
 到可嘉之至據奏藏內原貯倉糧及喇嘛商上共
 有糧七千石現可採買二萬石牛羊一萬六七千
 隻已可供萬人一年軍食等語如此則糧儲寬裕
 敷用有餘覽奏深為欣慰此時鄂輝成德先後帶
 領漢屯二千二三百名加以先期派往換班兵丁
 一千二百餘名合之藏內原駐官兵共計四千餘
 名昨又降旨派巴圖魯侍衛章京等一百名令海

欽定大清會典事例

卷六

十四

蘭察等分起帶領索倫達呼爾兵一千名令副都統烏什哈達岱森保帶領由京自青海草地行走赴藏本日據福康安奏添調屯練降番二千名於明春進剿賊匪更爲得力著孫士毅卽先行派撥屆期前往所有前次停調滇兵二千名竟可毋庸預備著傳諭富綱卽撤回本營不必令其在邊境駐劄守候其察木多三十九族兵二千名亦著鄂

欽定大清會典事例

卷六

五

輝等一併撤回無須調往是統計明春大舉所調滿漢索倫達呼爾屯番兵丁共有七千餘名加以帶兵官員及跟役人等亦不過八千餘人且此事亦斷無須辦至一年之久今孫士毅籌備糧石足供一萬人一年口食是支應已綽乎有餘摺內所稱于成雅叩三屬倉糧碾米二萬石運爐轉送察木多接濟西藏兵食一節似屬可緩雖孫士毅所

辦糧石價值比在爐採買減省而由爐運至察木多則所費腳價甚多卽此次軍糈必須寬爲籌備亦應照孫士毅前奏于藏內就近採買可以省至十倍俟福康安抵藏後察看該處情形于現買二萬石外將來或再有所需先儘藏內採辦糧石支給自足敷用如藏內實不能再行採辦必須內地接濟再咨會孫士毅陸續運赴亦不爲遲再福康

欽定大清會典事例

卷六

十六

安此次赴藏由西寧出口程站較近比之從打箭爐行走可早到二十餘日昨已諭令西寧辦事大臣奎舒親身照料出青海境並著鄂輝派員在西藏交界處所先期迎候是一切軍行糧餉各事宜福康安旣不由四川進發未能與孫士毅當面講求但福康安行程迅速約計臘底可以到藏如有應行會商酌辦要件孫士毅俟福康安將次抵藏

時彼此札商亦與面晤無異孫士毅辦理此事惟
有處以鎮靜不可稍形支絀想孫士毅自能仰體
朕心諸臻妥善

上命軍機大臣傳諭勒保奎舒曰昨因福康安從西
寧一路赴藏已降旨派出侍衛官員及打牲呼倫
貝爾一千兵等俱從西寧前往著傳諭勒保奎舒
所有此項大臣官員兵丁人等應行備辦之館驛

欽定廣輿記

卷六

七

供給卽妥爲預備並將綠旗等營馬匹內挑選壯
健者依數給與乘騎無悞進行其鍋帳等物亦須
預爲妥備著勒保奎舒一同商議辦理奏聞再此
次派往索倫兵雖係一千名連跟隨人等卽有一
千五百多人除每名各給馬一匹外再多備一千
餘匹帶往藏地則進勦時馬兵較多千事更爲有
益著奎舒卽從青海衆扎薩克處妥協辦理

上又命軍機大臣傳諭直隸河南陝西甘肅各督撫
曰廓爾喀滋擾後藏現今福康安前往進勦已派
巴圖魯侍衛章京等一百名索倫達呼爾兵一千
名令海蘭察及烏什哈達岱森保分起帶領俱由
內地至青海出口由草地行走現在福康安于二
十九日起程仍由山西一路馳驛前往其海蘭察
及侍衛章京並派往兵丁等人數衆多應照從前

欽定廣輿記

卷六

八

之例由河南陝甘一路行走已令軍機大臣酌擬
日期分撥起數派令陸續啟程將來經過各處所
有應需車輛馬匹供給等項該督撫等自應查照
從前辦過章程妥爲預備但索倫達呼爾兵尚未
到京若各督撫等將應行預備車馬等項紛紛攢
集以致守候需時轉滋糜費著傳諭直隸河南陝
甘各督撫此項應行備辦事宜總俟軍機大臣酌

定起數日期先期知會各該督撫俟得有確信屆期預備亦不爲遲也

同日大學士公阿桂等奏言此次派往西藏之大臣海蘭察台斐音阿岱森保烏什哈達阿滿泰共五人軍機處行走滿洲章京長齡巴哈布漢章京方維甸楊揆共四人侍衛執事章京一百人均依前次臺灣出差施

欽定滿洲野史

卷六

九

恩賞賜之例

御前侍衛等銀各二百兩侍衛章京官員銀各一百兩護軍校驍騎校拜唐阿兵丁人等銀各五十兩其應領之棉甲梅針箭等件如有願領者交付各該管之處照例給領奏入

上從之

二十九日庚午鄂輝奏言竊思滇兵赴藏雖較川

省稍近但查康熙雍正年間調用滇兵由中甸

麗江一帶出口至察木多所屬之恩達地方會

合其間道路險僻約有一千數百餘里均屬蠻荒

非若川省打箭爐出口設有驛站者可比各兵自行

裹帶口糧並軍火行裝一切未免累墜現在賊匪業

已敗回不過在濟甌叢拉木一帶觀望拒守臣

與成德行抵後藏俟現帶之屯兵二千到齊卽

欽定滿洲野史

卷六

十

當設法攻取繞道前進痛加勦殺現有之兵已

足資辦理且昨准孫士毅等知會預派換藏兵

丁一千餘名業已陸續出省聲威亦覺壯盛以

目下情形而論滇兵儘可不調臣現已會同成

德飛谷督臣富綱將保泰等所謂兵丁二千名

暫且停止毋庸赴藏

同日成德奏言庸爾喀以小醜跳梁妄行侵擾

雖已搶掠而逃實係畏威震懾現在大兵已到

正須乘其竄匿之時厚集兵力搜截掩殺計

行抵前藏先會同保泰挑齊勇健達木等兵其

頭起屯練五百名亦可不日赶到惟有遼遠

訓諭愼愈加愼相機妥辦萬不敢冒昧貪功以期仰

副

聖懷均奏入

欽定廟方略紀畧

卷六

五

上諭內閣曰廓爾喀侵擾後藏佔據札什倫布不過

意圖搶掠斷不能在該處久留朕早經料及節次

降旨將所調滇兵卽行停止乃鄂輝初次接到保

奉咨調滇兵之信以爲尙可停止及續得咨會復

行紛紛催調而現因賊匪退回又稱滇兵可以無

用忽調忽止全無把握徒費糧餉若非朕先期諭

令孫士毅富綱將滇兵及續調三十九族番兵暫

停進發則早已起程出境鄂輝如此進退無據一

切總待朕代爲籌辦又安用帶兵大員爲耶至所

稱賊匪現在濟隴聶拉木一帶親望如果屬實正

可帶兵星馳赴藏痛殲賊衆况鄂輝旣得此信成

德行走在前亦斷無不知之理乃成德每日止行

一站並不價程進發前此朕方慮其冒昧輕進降

旨令其加意愼重今似此行走多日距藏尙遠所

欽定廟方略紀畧

卷六

五

謂勇往者安在是教其不可輕進正中其退卻之

心矣鄂輝身爲總督正應將成德行程遲緩之處

一面叅奏一面帶兵星速趕上乘賊匪未遁之時

奮力剿戮使之震懾兵威知所做懼乃鄂輝計不

出此成德已行走滯滯而伊亦效尤按站緩行坐

失事機實爲可惜且鄂輝等帶領兵丁方在中途

一時尙未能抵藏賊匪早經遁去現交冬令該處

山高雪大道路阻絕豈能繞道前進乃鄂輝先爲此誇大之詞不特言不由衷抑且不知事勢鄂輝成德帶領多兵不能迅速抵藏勦賊而鄂輝摺內尙靦顏爲賊匪敗回之語殊不知鄂輝等如果與賊相遇曾經打仗或稱賊匪敗回尙屬有因今鄂輝成德帶兵行走稽遲時日距藏尙遠而賊匪于搶掠後早經飽載而歸不見一賊安得大言不慙爲此賊匪敗回之語此等軍營虛詞捏報最爲惡習明季往往如是故有勞師遠涉不見一敵而虛報首級邀功獲賞以致軍律廢弛賞罰皆無所懲勸朕自乾隆十九年以來辦理準部回部平定大小兩金川等事迄今三十餘年於軍務機宜無不親爲運籌指畫軍營將士亦皆恪遵紀律從不致有虛報邀功之事鄂輝此等伎倆祇可任聽伊

屬下將弁欺其庸懦無能混行稟報伊視朕爲何如主而亦欲以此等虛詞嘗試耶鄂輝成德俱著傳旨嚴行申飭並交部嚴加議處至賊匪敗回在齊噶聶拉木一帶拒守之語究竟得自何人仍著鄂輝據實覆奏現已令福康安馳赴西藏督率剿辦計其抵藏日期應在奎林之前所有軍營一切事宜竟俟福康安到藏後聽候調度辦理鄂輝成德旣已遲悞于前若再不加奮勉立功自贖伊二人恐不能當其罪也

同日

上命軍機大臣傳諭直隸山西河南陝西甘肅四川各督撫日向聞海蘭察及各巴圖魯侍衛章京等經過各省沿途俱有需索之事而承辦各員畏其擾累亦遂爭相餽送但帶兵大小各員經過各處

於車馬廩給之外加以饋送應酬則辦差家人長
 隨等必至藉詞影射任意開銷藉肥囊橐此等用
 項無從查對辦差之人何所懼而不為而承辦之
 地方官卽以辦差賠累為詞以致挪移倉庫甚至
 科派間閭皆屬勢所必有于地方殊有關係各省
 督撫經朕簡任封疆不能據實叅奏乃轉周旋覬
 送相習成風實屬非是著傳諭各督撫等所有此
 欽定肅爾喀紀畧 卷六 五

次海蘭察等及巴圖魯侍衛章京並兵丁等經過
 各處每省各派道員一二人分段照料入境出境
 專司車輛馬匹廩給等事到站卽行應付不可稍
 有缺乏俾官員兵丁等行走得以迅速事畢各奏
 問倘有需索擾累之事飭令該道據實呈報該督
 撫卽應查辦不但帶兵大小官員指名叅奏卽兵
 丁等亦應嚴叅究處如各督撫等有意彌縫轉相

交接一經發覺必將該督撫及派出道員一併治
 罪各該督撫接奉此旨務卽嚴飭所屬府廳州縣
 一體遵照毋得仍蹈故轍自干咎戾

欽定肅爾喀紀畧 卷六

美

欽定肅爾喀紀畧卷六

欽定廓爾喀紀畧卷七

十一月初一日王保泰奏言竊查廓爾喀以小

醜猖狂膽敢擾至扎什倫布搶奪物件並非專

爲索債而起祇因唐古忒人等懦弱無能賊衆

久已輕視以扎什倫布係班禪廟宇積聚多貲

恣行搶掠實爲罪大惡極臣又聞紅帽沙瑪爾

巴與仲巴呼圖克圖本係弟兄素相仇怨自沙

欽定廓爾喀紀畧

卷七

一一

瑪爾巴前往廓爾喀以後賊衆屢次犯藏或係

沙瑪爾巴從中唆使亦未可定今扎什倫布廟

宇賊匪雖未敢傷損三塔亦未經毀壞但既已

侵犯藏地滋擾佛寺殊爲可恨現在

國帑充盈兵甲強盛若勦滅廓爾喀一小部落正

如摧枯拉朽惟是臣聞該處水土最爲惡劣其

接壤各地方亦甚錯雜倘大兵一至伊卽逃往

他處我兵豈能遠涉窮追况臣又聞廓爾喀王

子年尚幼稚一切皆係屬下人等主持前此起

事之時該王子卽言西藏乃佛地

大皇帝所屬斷不可驚擾看來此次搶奪扎什倫布

似非出自王子之意全是屬下人等妄行滋事

廓爾喀自佔據巴勒布後又將與藏連界小部

落二十餘處私行搶佔賊匪愈加驕縱唐古忒

欽定廓爾喀紀畧

卷七

二二

愈加畏懼如將要害地方交與唐古忒人管理

斷難堅定若內地添兵數少仍不足以壯聲勢

若多添兵丁前赴該處駐守道路遙遠又恐費

用不贊現與雅滿泰詳加商議總無善策容俟

鄂輝成德等到藏公同妥議再行奏請

皇上訓示至賊匪自搶掠扎什倫布後由喀爾達一

路逃回經戴奉敏珠爾多爾濟尾追趕殺賊匪

尙在第哩朗古定結等處估據又探信之把總
 蔣連陞報稱九月二十八日戴琿丹津納木吉
 帶兵奪取賊人所估定結官寨有賊匪千餘人
 前來抵禦丹津納木吉奮勇接仗殺賊五十餘
 名唐古忒兵受傷者六人陣亡者一人該戴琿
 現在帶兵極力守禦臣思邊界目下氣候甚冷
 賊匪未能竄回巢穴或卽在此過冬則大兵到
 時正可勦殺臣已飭知該戴琿等以大兵卽日
 可到須加意圍困賊匪倘能擒殺一二頭目賊
 匪卽當奏明

大皇帝恩賜重賞又查得前被麻爾喀拘留之噶布
 倫丹津班珠爾及教習漢兵二人現已帶回巢
 穴並未放回合併奏

聞奏入

欽定薩爾喀紀畧 卷七

三

上命軍機大臣傳諭福康安鄂輝成德曰據保泰奏
 到之摺竟不成話其中差強人意者惟所稱戴琿
 丹津納木吉帶兵奪取賊人所估定結官寨殺賊
 五十餘名等語戴琿丹津納木吉在定結官寨奮
 勇殺賊尙屬出力但該戴琿等此次既能如此勇
 往何以賊匪滋擾後藏時並未見其奮勇勦殺所
 奏是否實在情形抑仍聽信唐古忒等捏詞謊稟

著鄂輝據實確查如所報虛捏卽當查明治罪若
 果屬實其奮勇出力之戴琿等當奏請酌賞翎頂
 以示鼓勵所有受傷及陣亡唐古忒兵亦應照例
 賞卹福康安到彼後亦著一併確查具奏至藏內
 勦辦事宜前經降旨令保泰等各抒所見據實奏
 聞今據保泰覆奏一味遊移畏縮茫無定見似竟
 當准伊前奏將達賴喇嘛等移至內地置前後藏

欽定薩爾喀紀畧 卷七

四

于不顧方爲上策所言竟非復人類矣。廓爾喀賊匪在藏侵擾肆行搶掠並擾及扎什倫布必須聲罪致討大示懲創其勢斷難中止乃保泰含糊其詞依違不決轉稱廓爾喀已將巴勒布地方全行佔據又搶佔小部落二十餘處賊勢日益驕縱唐古忒人等日益懦怯惟知張大賊勢假我軍威看來保泰之意竟係堅執從前謬見欲將衛藏地方

委之于賊試思衛藏爲達賴喇嘛班禪額爾德尼住錫之地各蒙古番衆素所皈依若如保泰所見不特衆蒙古無所瞻仰卽番衆僧俗人等亦皆離析失所向來聶拉木爲藏地邊界若廓爾喀既得衛藏則賊匪愈強逐漸侵佔將來察木多巴塘裏塘等處番衆俱爲賊有是打箭爐與賊接界轉爲今之聶拉木矣如此乖謬之見豈復尙有人心者

乎保泰摺內又稱廓爾喀王子年輕屬下人等與西藏構衅時該王子有西藏係屬佛地大皇帝所管不可興兵之語又稱扎什倫布三座金塔賊匪並未毀壞廟內房屋亦未殘破各等語尤不可信扎什倫布金塔被賊匪將塔上所嵌飾物概行挖去並將廟內供器搶掠一節係保泰前次摺內自行具奏並非他人編造之語若果未殘毀則保泰

前次摺內所奏不實如實被賊殘毀何以本日又有此奏卽或保泰初次所奏係得自傳聞未能的確亦應將前次悞聽舛錯之處於摺內詳悉聲叙乃並未申說而前後兩摺自相矛盾若此且保泰所稱廓爾喀本意不欲前來滋擾尙有恭順之意則此事似屬易于完結何以保泰從前節次摺內張大其詞迫不及待遽將班禪額爾德尼移至前

藏躲避又欲將達賴喇嘛班禪額爾德尼移至內地若云賊匪來至扎什倫布並未挖取金塔飾物搶掠供器則賊匪又何所爲而來耶保泰又以龐爾喀王子有不可干犯佛地之語隱躍其詞曲爲開釋似轉欲徧袒賊匪如此喪心病狂顛倒昏亂其罪本應正法姑念保泰係拉什之孫那木扎爾之子伊父前係陣亡不忍卽行正法前此將保泰

欽定藏書紀略

卷七

七

永遠枷號著鄂輝責打四十板昨又令福康安到藏後傳集番衆再將伊重責四十板核其罪案實所應得且尙罪浮于法保泰自思何以視顏人世耶至雅滿泰前此與保泰聯名奏請將達賴喇嘛班禪額爾德尼移至西寧泰寧彼時朕以此事自係保泰主見雅滿泰不過隨聲附和是以僅予革職今雅滿泰抵江孜後距扎什倫布不遠該處所

欽定藏書紀略

卷七

八

有金塔會否被賊殘毀挖去飾物搶劫供器廟宇會否毀壞伊斷無不知之理著鄂輝向雅滿泰面加詰詢令其明白登荅專摺具奏雅滿泰本係獲罪之人若此時尙欲庇護保泰不行實說一經查出保泰卽前車之鑒鄂輝抵藏後亦應確實訪查母任雅滿泰稍有隱飾此事福康安到後尙須查辦若鄂輝並不查訪明確子保泰雅滿泰二人稍宥袒護致被福康安查出具奏恐鄂輝不能當其咎也再據保泰奏賊人佔據蓋拉木定結等處不肯遽行退回一節此正極好機會昨據鄂輝亦奏稱賊匪現在濟隴聶拉木等處觀望拒守看來尙未退回巢穴此時彼處大雪封山歸路阻絕竟係天奪其魄神靈不佑故令其逗遛邊境坐待殲誅若鄂輝成穩行程迅速早抵藏內已將賊匪痛戮無遺

乃行走滯滯失此機會實爲可惜鄂輝成德旣已

遲悞于前趁此時賊匪覩望稽留欲歸無路速行

帶兵進勦猶可趕及鄂輝成德務當先後星速償

程奮勇前進跟踪勦殺若能一鼓殲誅更可早期

蕪事稍贖前愆倘再仍前遲悞致賊匪聞風先遁

則是伊二人放走賊匪其罪尙可問乎再詳閱保

奏摺內稱廓爾喀前次拘留之噶布倫丹津班珠

欽定廓爾喀紀畧

卷七

九

爾及漢兵二人現已帶回巢穴看此情形或賊匪

頭目已經退去因護其輜重恐被官兵追截故留

餘匪屯聚該處作爲疑兵殿後以便從容竄逸鄂

輝成德應察探虛實如果賊匪逕遁尙未退去則

進退無路正可整頓兵力乘機痛勦若係賊人詭

譎之計留此游兵希圖官兵不能追趕自當酌量

帶兵前往擒捕不可爲其所愚轉墮賊人奸計也

初二日 癸酉

上諭內閣曰廓爾喀賊匪滋擾後藏現派福康安帶

領巴圖魯侍衛章京等統領勁兵進勦以期迅奏

膚功福康安著授爲將軍海蘭察奎林著授爲叅

贊其餘隨在軍營及派往各大員俱著在領隊上

行走庶軍行有所統攝以專任使

上命軍機大臣傳諭福康安鄂輝成德日雅滿泰旣

欽定廓爾喀紀畧

卷七

十

經帶兵行抵江孜堵禦賊匪其如何堵禦會否與

賊打仗及賊匪會否退回之處旣未續行具奏且

據保奏賊匪尙在定結喀爾達第里朗古等處

逗遛觀望雅滿泰所駐江孜係在前後藏適中地

方而賊匪屯聚之定結等處在扎什倫布達南百

里以外雅滿泰所駐江孜距賊匪屯聚地方相距

甚遠何庸帶兵在彼株守以現在賊匪情形而論

雅滿泰即在扎什倫布駐劄堵禦已屬緩不濟事
 自早應率領兵丁直抵定結等處賊匪屯聚地方
 趁其逗遛觀望進退無路之時跟踪追勦痛加殲
 戮方不致坐失事機乃雅滿泰自抵江孜以後未
 進寸步伊在彼所辦何事似此畏葸不前束手無
 策其罪竟與保泰相埒並著鄂輝面詢雅滿泰將
 因何久駐江孜不往扎什倫布並不前赴定結等
 處追勦賊匪令其逐一登荅一併覆奏

欽定滿清略畧

卷七

十一

皇上睿料之中似明春大舉進勦兵數至多亦不過
 萬人而止臣已扎致鄂輝到彼酌量情形于現
 在赴藏兵丁之外再須添調若干並漢土官兵
 何項最為得力先期知會到臣即密飭預備
 軍火器械鑼鍋帳房等項聽候屆期檄令起程
臣並寄信鄂輝所有一切兵食已陸續籌備
 不虞缺少若藏地能多買一石口糧即可節省
 運脚二三十兩若能多備一萬石即可節省帑
 項二三十萬兩之多鄂輝接臣此札自必妥協
 籌辦至滇兵二千及察木冬三十九族兵二千
臣已遵旨檄令暫停進發惟換班兵丁不過先期出口並非
 額外多派之兵臣已于前次摺內奏報仍令赴
 藏奏入

欽定滿清略畧

卷七

十二

上命軍機大臣傳諭福康安孫士毅曰現在藏內已有官兵四千餘名又派調索倫達呼爾兵一千名添調屯練降番二千名共計七千餘名加以帶兵官員及跟役人等亦僅止八千餘人所有兵行應辦糧石節據孫士毅奏報酌備情形已屬充然有餘卽或稍有不敷亦應先儘藏內採買以運腳計算較之內地運往每石可節省運費三十兩則萬石卽可節省三十萬兩已曾面諭福康安到彼後酌核情形先儘藏地採辦今據孫士毅所奏酌籌辦理計慮周到與朕前旨適相符合具見實心任事福康安卽遵照前旨及此次孫士毅籌辦緣由悉心妥協辦理如藏內採買糧石供支兵食極爲充裕竟無須內地運糧更爲妥善福康安到藏後相度賊勢如必須添調卽迅速奏聞或于途中將

進勦事宜悉心籌酌如添調之兵必不可少亦不妨先爲奏及候朕卽行降旨調派正可接續前次遣調之索倫達呼爾兵隨後分起行走于明歲春融雪化時抵藏會合進勦

上命軍機大臣傳諭福康安孫士毅勒保奎舒曰現今福康安前赴西藏由青海一路行走昨已降旨令勒保奎舒將青海衆扎薩克馬匹調撥至西寧關外聽候福康安等到時乘騎矣朕爲辦理廓爾喀之事宵旰焦勞此時令福康安晝夜邁行計限四十日卽抵藏中將彼處情形速爲奏聞朕心始得少慰今思西寧至藏尙有三千七百餘里倘使中途不換馬匹由青海直騎至藏恐馬力疲乏轉致欲速反遲著奎舒將馬匹預備二分其一分仍于西寧關外等候俟福康安等一到卽用不致遲

悞再另備一分先派委員押送至尼雅瑪善地方
守候以備易換但青海一路有水草之地遠近不
一倘扎薩克趕辦馬匹一時不能全到或卽將糶
旗之馬通融辦理亦無不可現在勒保在蘭州無
甚緊要應辦之事蘭州至西寧尙近著勒保卽速
起程前往西寧與奎舒面晤熟籌妥議務期勿分
畛域公同商辦再藏內摺奏尙由四川一路賫送

欽定蘭爾喀紀畧

卷七

五

到京程途遙遠亦甚紆折雖限行六百里往還亦
需五十餘日今查西寧到藏路平且近較爲便捷
著勒保奎舒卽將甘肅各營及青海衆札薩克等
之馬調撥數十匹從西寧至藏界仿照康熙年間
之例安置驛站專爲馳送藏中來往奏摺之用並
按站分派弁兵實領馳送以專責成至海爾察等
帶領巴圖魯侍衛章京及調遣索倫兵一千名亦

卽陸續起行由西寧前往伊等所騎馬匹及應用
鍋帳等物亦著勒保奎舒預爲料理毋致臨時竭
蹶朕又思驛站事務最關緊要若僅責諸弁兵等
辦理究恐未能妥協甘肅藩司景安身係滿洲且
係地方大員理應隨同經理又西寧辦事大臣衙
門內現有蒙古章京可派令辦理站務著勒保奎
舒卽傳諭景安及該章京等隨同福康安從西寧
至青海一路妥協預備卽留章京在被查察景安
隨福康安至藏會同該處理藩院章京將藏中回
至青海沿途臺站之事妥爲安頓景安方可回任
至景安起程赴藏之時所有甘肅布政使印務卽
交按察使署理將此各諭令知之

初三日

甲戌

上諭內閣曰現在勦辦廓爾喀之事令福康安帶領

欽定蘭爾喀紀畧

卷七

六

章京等赴藏由青海一路行走復令海爾察率領
巴圖魯侍衛章京等隨後起身並調遣索倫兵一
千名到京一同前往俱從西寧出口所用青海衆
扎薩克馬匹不無稍多伊等衆蒙古雖俱保身受
重恩之人自應遇事出力但朕心甚爲軫念著勒
保奎舒將此次需用馬匹通計若干卽照從前平
定準噶爾之時採買馬匹價值按數分給並著奎
舒曉諭衆扎薩克等俾共知朕恩施體恤有加無
已至意

欽定頒爾喀紀畧

卷七

七

上又命軍機大臣傳諭勒保奎舒曰此次應用青海
衆扎薩克馬匹已明降諭旨令照從前平定準噶
爾時採買馬匹價值按數分給矣著勒保奎舒于
甘省總督署中及西寧辦事衙門逐細檢查雍正
年間冊檔照例辦理再昨降諭旨令藩司景安隨

同福康安至藏並著派西寧及藏中蒙古章京沿
途往來巡察臺站但思此路站遠途長恐兩處部
院章京尙不敷用著勒保于通省滿洲道員中擇
其能事者再派數員一同專管巡察毋致貽悞干
咎

初五日丙子雅滿泰奏言竊臣于江孜地方接得

後藏都司徐南鵬稟報仲巴呼圖克圖于十月

欽定頒爾喀紀畧

卷七

六

初一日自薩木嘉移回扎什倫布廟宇臣卽以

江孜地方兵二百名交遊擊烏爾公阿同噶布

倫索諾穆扎什各往要地分兵防禦臣于初五

日行抵後藏面見仲巴呼圖克圖一同查看扎

什倫布廟宇並未殘毀三世班禪額爾德尼大

塔三座亦無損壞惟塔上所鑲松石珊瑚金銀

花賊皆挖取佛前所供金銀帷幔等項亦被取

去至廟中佛像及銅磁器皿未經移動其商上

所貯銀器綉緞等物俱被賊掠去賊人一間

天兵來到之信卽行竄回臣復詳查後藏附近村庄

人民現俱陸續回境卽出示曉諭安撫人心業

已寧帖並無驚擾再據徐南鵬呈稱定結領兵

戴琿丹津納木吉報稱戴琿木珠令巴于九

月初十日在僧格宗地方與賊打仗被傷二十

欽定滿洲野史

卷七

九

八日身故丹津納木吉復帶兵打仗現在竭力

守禦等語臣思定結地方止有戴琿丹津納木

吉一人約束兵丁恐不能週到自應卽派一明

白幹員星赴定結協同領兵勦賊一面寄知保

秦轉飭該戴琿加意守禦仍另派署把總楊登

魁將新到後藏之哈喇烏蘇兵三百餘名分爲

二路帶領前往定結與丹津納木吉接應但查

定結距江孜地方不遠臣現在將後藏安撫寧

靜卽星速仍回江孜地方帶兵率同勦辦秦入

上命軍機大臣傳諭福康安鄂輝成德曰雅滿秦泰

由江孜前抵後藏查看扎什倫布情形一摺看來

雅滿秦在後藏亦覺一籌莫展鄂輝等隨後可抵

該處所有一切事宜無須雅滿秦在彼參酌前經

降旨令雅滿秦押解仲巴呼圖克圖送京此時如

欽定滿洲野史

卷七

十

已啟程則已若尚未起身鄂輝接到此旨後卽令

雅滿秦押帶啟程其首先起意占卜惑眾應行查

辦之濟仲堪布卽著鄂輝查明正法若達賴喇嘛

同各呼圖克圖大喇嘛歲珠堪布等或以仲巴呼

圖克圖爲班禪額爾德尼之兄係有名望高僧而

濟仲堪布俱係大喇嘛向鄂輝懇求欲代爲籲請

仍留衛藏不令解京正法以全顏面鄂輝卽當告

以此亦奉有諭旨此次賊匪滋擾扎什倫布仲巴呼圖克圖攜帶細軟首先逃避濟仲堪布等妄托佛言占卜惑衆種種貪利壞教爲佛門敗類今蒙大皇帝祇將仲巴呼圖克圖解京仍安插廟宇閒住其占卜惑衆之濟仲堪布查出爲首一人正法已屬格外恩施今僧衆等不能深曉大義尙欲爲之乞留有釋亦未嘗不可卽當奏聞大皇帝將駐

藏大臣撤回所有防守官兵亦俱一併調回內地此後藏內一切事務均不必與聞惟有任聽僧俗人等自爲守禦或與廓爾喀講和或與爭戰或竟行投順亦惟所欲爲天朝俱置之不問此事所關甚重必須達賴喇嘛等出具切實保結日後永無翻悔若爾僧衆等不敢應允達賴喇嘛不能出結則仲巴呼圖克圖仍當遵照解京濟仲堪布等亦

當查出正法不得再行賈請此事從嚴辦理正所以懲儆敗類扶植黃教不特可對藏內神佛護法且無地無佛凡屬神佛式憑之處無不昭鑒鄂輝到後卽將此明白剴切面爲宣諭俾僧衆等咸喻朕辦理此事實出於不得已不至將朕保護黃教之心轉視爲苛刻之舉方爲妥善至扎什倫布布上所貯銀器綢緞等物俱被賊掠一節扎什倫布

爲衆蒙古瞻仰崇信喜捨樂施前班禪額爾德尼自京回藏往返所得又復不貲其高上蓄積自益饒裕今班禪額爾德尼年齒尚幼仲巴呼圖克圖及歲琿等亦當于應用貨幣之處酌爲施濟乃知聚而不知散以致爲賊垂涎窺伺搶掠一空看來仲巴歲琿二人究不免利心未化推原其意總以衛藏皆係達賴喇嘛地方惟扎什倫布爲班禪額

爾德尼住錫之地廟宇以外非其所管所有戴琇第巴等皆達賴喇嘛所授未免心存歧視不復資給殊不知戴琇第巴等及唐古忒兵丁皆因守護扎什倫布而設班禪額爾德尼商上貯積既屬豐盈自應量為扶助即以佛法而論亦當以施捨為心錢財貨幣皆係身外之物在俗家尚不容吝惜株守何況出家人乎乃見不及此徒為賊所攘取所謂多藏厚亡盈虛消息理有固然不可不引以為戒著鄂輝將此意告知班禪額爾德尼歲琇堪布嗣後當守佛法以虛無為宗施捨為重不可仍前吝嗇此次被賊掠取即前車之鑒也至集兵進勦原為保護藏地現在藏內所貯及採買糧石共有二萬七千石將來如有不敷仍當先儘藏內採買以省內地轉運之勞該處商上自當平價出售

欽定藏略略畧

卷七

重

官給價值于藏內並無擾累且上次巴忠在彼採買糧石定價每石給銀二兩及舒濂採買每石價祇一兩四錢可見該處糧價原不及二兩巴忠所給價值過多藏中不特無須賠貼亦且得沾餘利今令平價出售該喇嘛商上益當踴躍急公採辦自屬甚易也

初六日丁丑鄂輝奏言伏思廓爾喀賊匪反覆滋事本係臣前歲辦理未協以致復啟釁端仰蒙聖主逾格矜全仍令赴藏妥慎辦理若再稍存將就了事之見不特上負

天恩抑且自取罪戾臣雖極愚昧亦斷不敢出此况臣等現帶屯兵二千數百餘名隨後尚有預派換藏兵了一千有餘軍威極為壯盛賊匪本屬無能業已聞風退遁昨准保泰等咨會知賊兵

欽定藏略略畧

卷七

重

尚在定結第哩朗古等地方佔據此正絕好機會臣與成德先後到藏帶兵馳往該處相機攻擊將現有之賊痛加殲殺方足以快人心而安衛藏臣現已抵察木多儘力行走約十一月十二三日即可抵藏隨後三起屯兵計二十日外亦陸續可到臣等到彼正可帶兵痛勦惟有嚴催後起屯兵迅速前進早資勦洗奏入

欽定藏書

卷七

五

上命軍機大臣傳諭鄂輝成德曰鄂輝奏接准保泰等咨會知賊匪尙在定結第哩朗古等處地方佔據此正極好機會等語鄂輝既知賊匪尙在逗遛機會甚好自應帶兵迅速抵藏殄滅賊家乃鄂輝于九月十五日從打箭爐出口至十月十八日始抵察木多行至一月有餘尙有一半路程竟係按站行走且稱十一月十二三日方能抵藏如此遲

緩坐失事機實爲可惜鄂輝上次辦理廓爾喀之事將就完結以致賊匪反覆已有應得之咎而此次帶兵赴藏又復任意延緩且于調兵運糧各事漫無把握每次僅據保泰咨報以一奏塞責甚屬非是至成德行走在鄂輝之前亦每日祇行一站並不借程進發是鄂輝成德之遲緩貽誤自問亦無可解免昨已降旨將伊二人交部嚴加議處著再傳旨嚴行申飭鄂輝成德既已遲誤于前趁此時賊人尙在稽留該處大雪封山歸路阻絕若速行帶兵進發儘可趕及鄂輝成德務當先後星馳奮勇前進跟踪勦殺若能一鼓殲誅使之先遣兵威更可早期肅事稍贖前愆尙再仍前遲誤伊二人恐不能當其咎也

上諭內閣曰現派海蘭察帶領巴圖魯侍衛章京一

欽定藏書

卷七

五

百員副都統烏什哈達岱森保帶領索倫達呼爾兵丁一千名前往西藏由直隸河南陝甘前赴青海一路行走經軍機大臣酌擬日期分撥起數陸續起程前往所有經過各省沿途需用車輛馬匹廩給等事自應嵩員經理俾行走得以迅速直隸著派阿精阿河南著派吳璣陝西著派和寧甘肅著派鄭製錦各該員務須督率所屬來往照料以

欽定續通志

卷七

七

副委任

上命軍機大臣傳諭阿精阿吳璣和寧鄭製錦曰現已明降諭旨派阿精阿吳璣和寧鄭製錦專司帶兵大小各員及兵丁等過境之事各該員自應于交界地方將沿途應行備辦事宜妥爲來往經理陸續護送出境惟向間帶兵各員經過各省驛站往往有任意應付需索等事朕以事經已往且帶

兵之員尙能奮勇成功是以不加深究但外省辦差之家人長隨等因有需索餽送遂爾恣意開銷無憑查考而辦差之州縣卽以賠累爲詞挪移庫項甚或派及閭閻皆屬勢所必有于地方甚有關係前經諭令直隸河南陝甘各督撫嚴飭所屬府廳州縣務革從前陋習不得稍事彌縫今既專派阿精阿等經理其事遂爲伊等責成所有帶兵大

欽定續通志

卷七

八

小各員及兵丁等經過事宜祇須將車輛馬匹廩給等事照例預備俾到站得以迅速行走毋稍缺乏致令守候需時如帶兵官員及兵丁等有騷擾驛站之事阿精阿等身任藩臬俱有奏事之責卽應據實奏朕必加海關察等以應得之罪倘阿精阿等意存交接之私仍蹈前轍一經發覺必將阿精阿等一併治罪至直隸向來辦理官員經過

差務較爲熟習尙不致過于周旋應酬但直隸爲
出京首站各該員辦理差務一切事宜惟視直隸
所辦章程以爲準式阿精阿尤當凜遵諭旨不得
稍徇私情庶可爲各省取法如有違玩亦必先治
阿精阿之罪以爲炯鑒也

臣等謹案王師所過合肅秋毫我

國家綱紀森嚴師出以律凡軍行戒塗上而將領

欽定廓爾喀紀畧

卷七

元

下而卒伍胥皆兢兢奉法無敢任意騷擾自
干罪戾而我

皇上申儆再三惟恐將士等稍不斂戢競事取求而
地方官吏或以供億爲詞致敢侵挪科派之

弊叠奉

論言丁寧

訓飭非惟整勵戎行俾無擾累而所以爲吏治民生

計者詎不深具遠哉

同日

上命軍機大臣傳諭惠齡曰此次廓爾喀在後藏滋
擾由鄂輝前次辦理不能妥協以致復滋事端現
在鄂輝帶領官兵前往勦辦在路行走既不能迅

速橫程稽遲貽誤且一切勦辦機宜亦不能運籌

調度將來事竣後鄂輝自有應得之咎不便令其

欽定廓爾喀紀畧

卷七

三

復回四川總督之任此時該省督篆有孫士毅在
彼署理軍需糧餉等項籌辦均極周詳但孫士毅
年過七旬且漢大臣中辦理部務亦尙需人將來
軍務告厥後當仍令回京供職因思惠齡自調任
山東以來辦理地方事務尙屬穩妥且向在軍機
處司員行走又係那延泰之子銜藏情形素所知
悉若令前往該處隨同福康安經理將衛藏一切

事宜講求熟悉將來事定後昇以四川總督之任
于照料衛藏辦理地方可期得力著傳諭惠齡卽
將山東巡撫印篆交與江蘭暫行護理伊卽日來
京陛見候朕面加訓示詳悉指授再行由驛前往

欽定廓爾喀紀畧卷八

十一月初七日戊寅

上命軍機大臣傳諭福康安鄂輝曰前據保奏廓爾喀地方有紅帽喇嘛沙瑪爾巴呼圖克圖係仲巴呼圖克圖之弟訪聞伊弟兄彼此相仇此次賊匪至藏侵擾卽係沙瑪爾巴陷害伊兄之意等語沙瑪爾巴與仲巴呼圖克圖何以兄弟竟若仇讐

欽定廓爾喀紀畧

卷八

一

此語究係得自何人總未據保奏明此事殊有關係沙瑪爾巴與伊兄仲巴舊有仇隙竟敢勾引廓爾喀滋擾後藏以洩私忿甚爲可惡而撒迎廟內喇嘛等前次向賊匪投遞哈達者亦係紅帽喇嘛顯有與沙瑪爾巴彼此勾通情弊或竟係沙瑪爾巴等欲衰黃教以興紅教故勾結廓爾喀賊匪前來滋擾亦未可定福康安到藏後務將沙瑪爾

巴與仲巴何以彼此成仇及紅帽喇嘛果否欲衰黃教之處密訪嚴查相機辦理又上次巴忠到藏辦理廓爾喀一事因沙瑪爾巴欲來相見曾賞朝珠緞疋等物彼時沙瑪爾巴並未來藏巴忠亦未與見面所有賞給物件雖前據巴忠奏稱業經差人送給但沙瑪爾巴曾否領收究無確據或巴忠於此事另有情弊故爾輕生自盡並著福康安一併確查具奏

欽定廓爾喀紀畧

卷八

一

初十日辛巳

上諭內閣曰上次廓爾喀因鹽稅細務與唐古忒人等彼此爭執鄂輝成德同巴忠前往查辦並不能剖斷明確一切聽從巴忠謬爲辦理以致復滋事端茲巴忠畏罪自戕伊二人本有應得之咎經朕格外加恩不卽問罪仍令帶兵赴藏立功自贖鄂

輝成德理應倍加奮勉迅速償程尅期抵藏勦殺賊匪以贖前愆今伊二人任意延緩每日祇按站行走出口多日尙未到藏節據保泰奏報廓爾喀賊匪於搶掠扎什倫布之後尙在定結第哩朗古等處逗遛觀望未經退回此正

天奪其魄俾坐待滅誅若鄂輝成德行程迅速早抵藏內即可跟蹤追勦殲無遺乃竟濡滯不前坐失

欽定平定回疆方略

卷八

三

機會其錯謬甚大豈可復膺封疆專閫之任鄂輝著革去總督賞給副都統銜駐藏辦事仍令舒濂帮辦成德亦著革去將軍賞給副都統銜在領隊大臣上行走聽候福康安調度差遣鄂輝成德均係獲罪之人今復加委任務須激發天良勉圖自贖以觀後效若再仍前貽悞必當從重治罪斷難復邀寬貸所有成都將軍著奎林補授仍在叅贊

大臣上行走其未到任以前仍著觀成署理俟軍

務告竣奎林再赴新任四川總督員缺著惠齡補

授惠齡現已諭令來京陛見俟將衛藏應辦事宜

面加指示後卽馳驛赴藏先在叅贊大臣上行走

同福康安勦辦事竣再回成都接印任事現在應

行備辦軍糧糧餉等項孫士毅悉心籌畫均極周

詳仍著在彼一手經理俟惠齡事竣到任後再行

欽定平定回疆方略

卷八

四

交印起程來京供職其應支總督廉俸仍著孫士

毅惠齡各半支領以示體恤

同日孫士毅奏言臣到打箭爐後查口外烏拉

運送糧餉軍火等項因道險途長往往不能迅

速若候明春尅期償運誠恐緩不濟急兩旬以

來臣率同地方文武將各該土司多方駕馭並

訪知現在寧遠府知府符兆熊前此曾任打箭

爐同知素爲衆土司悅服臣已檄調該守到爐

幫辦糧運事宜土司因此愈加踴躍近日烏拉

到站較多現在先將爐倉撥出之五千四百石

每日發交烏拉陸續運送出口俟運竣此項米

石之後再將附近州縣碾送之米接續發運歲

前出口軍糧得有萬石現在又令口外各臺就

近採買多多益善其餘口內之米俟明春續運

欽定廓爾喀紀畧

卷八

五

方可不致周章現值召募烏拉運糧喫緊之時

臣似未便遽回省城候出月中下兩旬察看軍

糧出口情形子明春大舉進剿必可從容接濟

臣卽遵

旨暫回省署將歲底應辦事宜趕緊清釐俟明春酌

量事理緩急再赴打箭爐駐劄妥速經理奏入

報

聞

十一日壬午保泰奏言前因廓爾喀賊匪侵擾扎

什倫布臣等附近檄調察木多三十九族番兵

經該番等覆稱本地民少現在協濟烏拉牲畜

等差未能照數撥兵臣查三十九族番兵皆未

經行陣今調取征勦一時亦恐不能到齊現在

內地軍兵業已陸續前來卽嚴飭該處籌備烏

欽定廓爾喀紀畧

卷八

六

拉牲畜以資運送軍糧等項若有遲延必從重

治罪所有調取番兵之事卽行停止再臣至扎

什倫布卽飭令仲巴呼圖克圖寫信寄知伊弟

沙瑪爾巴善爲開導並遵

旨將檄飭廓爾喀劄諭一件作爲己意另行譯出巴

勒布字樣揀派兵丁范忠一名賞銀一百兩賞

往曉諭俟有回文刻卽賚回再臣奏

旨查詢游擊烏爾公阿帶兵防守春隊賊匪前來滋

擾時該游擊係在何處會否與賊對仗臣查烏

爾公阿前經臣派令帶兵預防春隊地方該員

尙未趕赴春隊適賊匪已擾至薩木嘉該員卽

在撒迦溝擊營率領達木唐古忒兵與賊接仗

因兵丁傷亡者多難以支持該員復退至江孜

固守隘口查烏爾公阿不能約束兵丁任其退

欽定廓爾喀紀略

卷八

七

避本應卽時叅奏因此間並無綠營大員堪以

帶領兵眾是以未經具奏該員現在江孜隨同

雅滿泰防守

保泰又奏言接准雅滿泰咨稱後藏戴珠薩木

珠令巴於九月初十日在僧格宗打仗被傷二

十八日身故所遺之缺應卽候補一人差往定

結等因查薩木珠令巴前歲在魯噶爾地方會

有勞績仰蒙

恩賞五品頂戴花翎此次打仗被傷身故應俟查明

撒迦溝陣亡之人一併另行請

旨議卹奏入

上命軍機大臣傳諭福康安鄂輝成德曰保泰奏前

次檄調三十九族番兵該番兵以未經行陣且力

量不給恐一時不能到齊爲詞現在停其調派等

欽定廓爾喀紀略

卷八

八

語廓爾喀賊匪滋擾後藏時保泰一味畏葸無能

卽將班禪額爾德尼移往前藏惟以退避爲事又

復紛紛檄調三十九族及滇省兵丁被時朕卽以

賊匪不過志在搶掠勢難久留而所調各兵又緩

不濟且衛藏地窄人稠增此多兵坐食徒滋糜

費是以節次降旨將三十九族番兵及滇省兵丁

概行停止嗣據孫士毅覆奏業經遵旨停其調往

是此項番兵早經停調自可無庸置議但明歲春融雪化大舉深入必須厚集兵力前因停調漢兵二千後已添調索倫達呼爾兵一千此項兵丁千打仗最爲奮勇得力可勝漢兵三千又據福康安奏添調屯練兵二千亦可抵此三十九族番兵之數合之藏內原駐官兵並鄂輝成德先後帶領漢屯二千二百名及先期派往換班兵了一千二

百餘名共有七千餘名兵力不爲不盛嗣因孫士毅奏籌備糧石及藏內所貯已足供一萬人一年口食卽再添兵一二千支給口糧亦屬寬然有餘又降旨令福康安抵藏後相度機宜或再添調黑龍江或吉林兵一千赴藏會勦福康安抵藏卽將明春進勦事宜通盤籌畫迅速奏聞又保秦奏現令仲巴呼圖克圖寫信寄知伊弟沙瑪爾巴並遣

漢兵范忠前往曉諭廓爾喀一節仲巴呼圖克圖既與伊弟沙瑪爾巴素有仇隙寄信與彼亦屬無益且現在賊匪是否仍在定結第哩浪古逗運保秦所遣漢兵范忠究係到何處地方向賊曉諭摺內並未奏明實屬糊塗含混看此光景賊匪尙未退回巢穴今保秦既遣漢兵前往曉諭賊匪或意存觀望屯留邊境坐待殲誅正是極好機會鄂輝成德務當迅速趕上帶兵追殺立功自贖此爲最要又保秦奏戴琿薩木珠合巴與賊打仗得受鎗傷身故等語前次會據保秦奏公扎什納木扎勒達木協領策巴結打仗陣亡又戴琿薩木津納木吉在定結官寨殺賊唐古忒兵丁亦有受傷陣亡者當經降旨以扎什納木扎勒等既能如此勇往何以前次賊匪滋擾時並未見其奮勉殺賊恐有敗

奔受傷及捏詞說報之事著鄂輝等確查具奏今
薩木珠令巴因傷身故並著鄂輝等查明如實係
打仗受傷身故自當照例議卹倘所報不實亦當
查明具奏毋任昌濫

上命軍機大臣傳諭奎林曰前派奎林馳赴西藏授
為恭贊協同福康安勦捕鄂爾喀賊匪昨復降旨
授為成都將軍因念奎林家計素稱清吉現在派

欽定廓爾喀紀畧

卷八

十一

往衛藏未免需費已加恩派管崇文門稅務但惠
倫業經派赴西藏而崇倫現尙年輕所有崇文門
事務未能代為管理已有旨將惠倫留京代辦卽
派崇倫前往隨同奎林在軍營學習効力俾資歷
練至奎林從前出兵打仗固屬勇往但平日辦事
往往有性情執拗失之過當之處近年以來惟在
臺灣總兵任內辦理一切事件尙為認真妥協是

以疊加擢用現因派赴西藏復念伊家計維艱令
管崇文門稅務並留惠倫在京代為辦理奎林接
奉後自當感激歡忻倍加奮勉嗣後辦理諸事務
須痛改舊習刻自提撕總期於國家公事有益不
可任意偏執致辦理不能得當也

十四日_臣勒保奏言竊_臣連次接奉

諭旨令卽會同奎舒預備福康安等由百寧出口所

欽定廓爾喀紀畧

卷八

十一

用馬匹烏拉并鑼鍋帳房等物_臣伏思福康安
等由青海前往藏地道路遙遠所需衆蒙古馬
匹必須揀選臙壯好馬應用方能濟現在福
康安已從京城起程不久卽至海蘭察等帶領
巴圖魯侍衛章京此時亦分隊起程前來查青
海扎薩克等遊牧處所遠近不一現在奎舒接
奉

諭旨趕緊備辦恐馬匹一時不能全到雖扎薩克等
感念

皇上平日加惠外番恩施優渥此次西藏軍務緊急
自必情願幫馬但現屆冬令氣候寒冷正值馬
臆瘦減之時伊等匆促趕辦倘或臆分欠足轉
致有悞行程所關匪細臣查甘肅甘州京州西
寧河州提督總兵標下及臣標下各營現在喂

欽定廟爾喀紀畧

卷八

三

養馬匹內除操演馬不算外尙可得好馬一千
五百匹臣意卽將此一千五百匹馬內挑選五
百匹先趕至青海邊境等待俟福康安到時照
數交與乘騎其餘剩馬匹全行趕至藏地以備
應用所有海蘭察等帶領巴圖魯章京等到時
臣處尙有馬一千匹足敷伊等騎往亦毋庸另
行辦理至派出索倫達呼爾兵一千名此時尙

未到京計烏什哈達岱森保等帶領起程前來
爲期尙早伊等應用馬匹卽交奎舒遵奉

諭旨計每兵用馬二匹卽由青海家扎薩克處挑選
預備俟烏什哈達等將到之時先行趕至邊境
等待官員兵丁一到卽可交付前往臣一面自

行預備一面扎交奎舒照數辦理至福康安及
衆大臣侍衛官員兵丁等應用帳房鑼鍋等件

欽定廟爾喀紀畧

卷八

十四

現在俱已妥爲辦定其應付驛站等件亦可不
致貽悞再臣旣于本省各營內選馬一千五百
匹應用卽應添補此項馬匹查現在甘州涼州
西寧等處尙有出青孳生馬匹應卽於此內挑
補雖稍不足數亦屬無多續卽照數全行買補
合併聲明奏入

上命軍機大臣傳諭福康安勒保奎舒曰據勒保所

奏預備福康安等由西寧出口應用馬匹辦理甚為妥速無分畛域殊屬可嘉著賞給大荷包一對小荷包四個以示獎勵想勒保此時已接到令伊往西寧與奎舒商辦之旨業經起程前往矣再前經降旨令每兵應備馬二匹以資乘騎但思道里遙遠現屆冬令正值乏草之時恐中途不無倒斃著傳諭勒保奎舒將青海扎薩克之馬按照每兵一名給馬三匹仍遵前旨給予原價途中既可輪替騎坐到藏後亦可多得戰馬豈不兩有裨益將此各諭令知之

十五日丙戌孫士毅奏言臣自抵打箭爐以來將

米糧價值道里運脚並現在業經赴藏官兵及約畧明春進勦人數逐一付量通盤籌畫就此時藏內現辦糧石並臣目下預備存貯糧倉及

欽定廓爾喀紀畧

卷八

五

欽定廓爾喀紀畧

卷八

五

一處地屬適中臣遵

旨將出口糧石于該處存貯較多如鄂輝到藏可以就近採買則臣即將五處糧石存貯不發節省帑項為數實多倘藏內于原奏預備糧石之外不能再行購買知會到臣即將五處糧石挨次滾運到藏儘可源源接濟毋庸缺乏至口外運送軍糧所有僱價向例俱交土司給發暗中

陸續運送出口米石儘可供萬幾千人一年兵

食臣復分飭口外臺員各就近地設法採買可

以節省運脚已有具報收買稞麥一二百石及

三四百石者臣復詳論上緊採辦多多益善惟

核計運糧赴藏與在藏地採備價值高下相去

竟至十倍是以臣此時將預備糧石在爐倉裏

塘巴塘察木多拉里分作五處存貯其察木多

剋扣勢所不免臣此次到廬後親向明正土司
剋切曉諭以該土司職分較大口外各土司視
爲表率爾若果能將一切僱價實發番民其各
處小土司亦必聞風禁戢不敢復萌故智衆番
咸受實惠自必踴躍赴站一切軍火糧石不難
迅速進行倘衆番觀望不前卽係爾土司暗中
尅扣之明驗我必奏聞

欽定平定回疆紀略

卷八

七

大皇帝從重治罪不准爾等照舊承襲臣察看情形
伊等深知畏懼現在烏拉到站頗多所有分撥
出口之五千四百石軍糧不日卽可運竣此外
米石總可接續運送出口分貯各臺所有烏拉
僱價請

旨仍照從前發交土司轉給使之得有顏面以安其
心再臣現在料理運送軍糧出口已可毋庸遲

悞擬于十一月初十日外邊

旨起程回省趕辦督署底事宜奏入

上命軍機大臣傳諭福康安孫士毅曰孫士毅奏籌
辦軍糧足敷支應一摺所辦俱好該處糧石節據
孫士毅通盤籌畫廣爲儲備自儘可源源接濟無
虞缺乏但核計運糧赴藏與在藏地就近採買價
值相去竟至十倍不可不節省辦理福康安到藏

欽定平定回疆紀略

卷八

六

後務須察看情形悉心籌酌如藏內原備糧石足
敷支食可無須將察木多等處所貯糧石運藏回
屬甚善卽使不能寬餘尙須籌辦總應先儘藏地
採買倘藏內實在不能購買再行咨會孫士毅將
察木多等處糧石陸續運送不致多費運腳方爲
妥善至福康安進抵賊境後自當因糧于賊更無
須藏內糧石支給軍食則更善也

十六日^{丁亥}勒保奏言竊^臣 檢查舊案雍正年間

由西寧進兵議定章程因口外並無買食之處

凡官兵口糧均係支給本色令其裹帶出口並

預為購買騾頭馱運前進今此次官兵過境應

支糧米除內地各站按口照例支給外其自西

寧出口以後^臣 查照舊例令其裹帶兩個月口

糧官則全支粳米兵則粟米炒麩各半支給以

欽定滿蒙略紀畧

卷八

九

利進行惟查從前辦運事宜凡鑼鍋帳房及糧

米等項均係由河南山陝等省預期買辦驛頭

解送西寧馱載前往現在官兵到境為日已近

亦不值由別省購買驛頭致多糜費且亦緩不

濟急况此次官兵所帶鍋帳及應須糧米為數

無多因查沿邊一帶駱駝尚易于僱^臣 現在

約計應用數目飭令附近各屬預為僱就一俟

官兵行抵西寧即可分撥馱載依期前進再查

雍正年間由西寧進兵均係俟青草發萌時方

始取道前進今時值寒冬官兵所過蒙古番子

地方有無柴糞可供燒燃所帶馬匹是否須草

牧飼必須逐一查明庶免阻滯^臣 于該處情形

未能深悉現已飛扎奎舒令其探明路程詳悉

確查以便會商辦理奏入

欽定滿蒙略紀畧

卷八

十

上嘉之

十七日^{戊子}勒保奏言接准奎舒來咨內稱青海

口外俱係草地並無樹株今時值隆冬水雪甚

大馬草牛糞均被雪壓炊爨維艱馬草缺乏咨

請商辦前來並據另扎以青海雖係通藏大路

並無人烟山路極多又無林木現在冰雪甚大

柴火難尋兼之蒙古住牧寫遠缺乏馬草難以

遵行等語臣伏念此次官兵仰蒙

聖主特命福康安統領由西寧一路行走原因路程

捷近以期迅速藏事今屢接奎舒來信所言道路

情形臣實不勝焦急之至臣於一二日內將

應辦軍需緊要事件趕緊料理即起身馳赴西

寧與奎舒面同商酌務期將一應預備事宜設

法籌辦以利進行現已一面先行札知奎舒令

欽定福爾喀紀略

卷八

三

其星飛傳諭各旗扎薩克等在經過地方擴集

糞草以供軍行之用毋致缺乏并令各蒙古等

探明路徑按照從前安設軍臺處所勘明可以

牧馬地方即擬爲官兵安營住宿之所庶不致

臨期阻滯

同日奎舒奏言竊臣連次接奉

諭旨令臣飭知青海衆扎薩克等預備福康安等乘

騎馬匹直至西藏并現調索倫達呼爾兵一千

照例各支馬一匹外再給馬一匹以便輪替騎

坐臣遵卽令通事等分道行文速傳西寧就近

居住蒙古王貝勒等到臣衙門要速商議辦理

除俟伊等到時商定共可得馬幾百匹另行奏

聞外再臣奉

旨合買馬二三十匹預備福康安及隨從人等先行

欽定福爾喀紀略

卷八

三

騎坐臣現在趕緊辦理務於福康安未到之前

早爲備辦可無貽悞福康安由西寧起程前往

臣當將蒙古等所助馬匹交福康安點驗備用

臣仍親身隨同行走出邊沿途照應其派出索

倫兵一千名每兵應支給馬二匹現雖時值寒

冬馬匹疲瘦臣必向衆蒙古等挑選膘壯好馬

早爲妥備至自西寧赴藏爲福康安引路之人

查^臣衙門通事人等其曾經前往藏地者祇有把總郭興一人尙不敷用現於達賴喇嘛所遣年班堪布并現在所留牧馬喇嘛喀拉內挑選熟識路徑二人作爲嚮導俾資迅速趨行再福康安出邊後馳遞

奏摺安設驛站最爲緊要^臣於所屬蒙古地方起

至多倫諾爾邊界照例設立驛站三十八座每

欽定御前略覽

卷八

五

站派章京二員撥兵十五名專管已咨行鄂王

索諾木多爾濟等照例預備^臣又查照雍正六

年兼設綠營官員兵丁之例飛咨勒保一體派

調其由多倫諾爾界至藏設立驛站三十座之

處已飛咨駐藏大臣知照辦理均奏入

上命軍機大臣傳諭福康安勒保奎舒曰勒保奏接

准奎舒來咨稱青海口外俱係草地時值隆冬冰

雪甚大炊爨維艱牧飼缺乏勒保現赴西寧與奎舒面同商辦等語覽奏又增焦慮同日據奎舒奏

到摺內祇係接奉諭旨籌辦情形而於青海出口

一路難以行走之處並未奏及此事前因奎舒駐

劄青海是以降旨令其會同勒保籌備妥辦今奎

舒既以青海一路雪大難行如果情形屬實即應

據實具奏乃摺內並無一語轉咨會勒保並令筆

欽定御前略覽

卷八

五

帖式遠赴蘭州面稟明係意存推護以特旨交辦

關係軍行緊要之事其可辦與否自當直奏乃竟

視同隔膜心存取巧著傳旨嚴行申飭至青海一

路雖冬令冰雪較大但該處須應馬匹口糧等項

俱經勒保預爲籌備且冰雪融化即可成水其馬

草牛糞撥開積雪亦不難於撿拾應用况據勒保

奏稱山路極多豈無林木叢薄海蘭察及巴圖魯

侍衛章京等多係東三省人素耐寒冷索倫達呼
爾兵尤係生長邊寒之地更無慮其不能在水雪
中行走從前擒拿青衮匝布時正值嚴寒且較青
海氣候更冷官兵俱由雪地取路追勦可見用軍
行兵之道不得因衝寒昌雪稍存畏難之見福康
安受朕重恩又正年富力強素性奮勉豈有海蘭
察等能行之路而福康安轉不能前往之理但朕

亦不强人以所難此事特令福康安迅速赴藏原
因鄂輝成德漫無把握不得該處確實情形必須
福康安到彼將一切事宜熟籌具奏稍慰朕宵旰
焦思若青海一路實有萬難行走之處而福康安
不肯遽行直陳臨期或致耽悞是欲速反遲于此
事大有關係今竟交福康安與勒保二人面爲熟
商主持定見切勿游移兩可如青海草地雖冰雪

積壓柴草維艱而道路不致阻絕尙可設法行走
福康安竟當決計取道前進或將隨從人等減之
又減並將携帶行裝另分一路隨後續行福康安
卽輕騎遺程以期速抵西藏朕可早得奏報方爲
不負委任此事惟在福康安與勒保熟籌定議如
果海蘭察等可由西寧一路行走則福康安自更
不肯紆迴改道好選惡勞到藏轉在海蘭察之後
也現在惠齡已經到京業將一切機宜面爲指示
二三日內卽令起程赴藏協同商辦務將勦辦諸
事與之悉心妥酌以期迅速藏事

欽定廓爾喀紀畧卷九

十一月十八日己丑福康安奏言稿臣恭摺

恩命委以統兵重任荷蒙

旨授方畧指示機宜並以西寧赴藏較川省路近而

平令臣取道由草地行走以期迅速臣欽遵於

十月十九日起程途中連奉

諭旨以保泰雅滿泰昏憤顛倒而鄂輝成德所奏不

欽定廓爾喀紀畧

卷九

二

過數衍塞責漫無把握必須加緊赴藏

諭令勉受辛苦連夜趨程臣恨不奮飛到彼將確切

情形及籌辦各事早奏一日即可早一日仰紆

聖懷臣自出京後晝夜兼程不敢稍辭勞瘁現於本

月初十日行抵西安約計二十日外可達西寧

與勒保奎舒會晤卽行出口惟有儘力加緊行

走早抵藏地查明確情熟籌妥辦奏慰

役等千餘人尚屬有餘仰蒙

聖心至西藏糧石業已籌備充裕支應現調官兵跟

剿令臣籌酌先行具奏臣查賊匪自扎什倫布

竄回後尙在喀爾達第哩浪古等處屯聚此時

是否遁歸巢穴卽所稱在藏地附近小部落滋

擾佔據究係隸何人所報係何地各並未詳晰

欽定廓爾喀紀畧

卷九

二

奏明此時賊勢究竟若何遙揣情形實難懸定

若再添調勁旅固可資勦捕策應之用但思廓

爾喀祇係徼外小番此次來後藏滋擾不過志

在搶掠特因督率無人唐古忒番衆及喇嘛等

並未抵禦先已紛紛退避致賊匪毫無顧忌肆

意侵凌今所謂屯練降番及索倫達呼爾兵丁

向稱得力臣等到彼後欽遵

訓示悉心調度已足痛殲賊衆大示懲創卽唐古忒

番兵素性怯懦其中豈無可用之人果能調遣

有方亦可激之使奮以臣愚昧之見現在似毋

庸添調遠處兵丁致糜軍餉且糧石爲軍行要

需寧使糧餘於兵無使人浮於食西藏備辦糧

石雖前據雅滿泰奏稱原貯及商上共有兵糧

七千石現在可採買二萬石及牛羊一萬六七

欽定廟爾喀紀畧

卷九

三

千隻等語然所奏係起事之初約計數目而言

今保泰等所調番兵及鄂輝等帶領屯練等口

糧自必已在此內動支而賊匪搶掠地方焚燬

積存糧石之後採買曾否足數亦未據雅滿泰

奏及臣一到西藏卽查明現存實數通盤籌算

儘數在藏地採辦遵

旨宣諭達賴喇嘛班禪額爾德尼明白開導令將商

上糧石平價出售並將唐古忒積存糧石廣爲

採買以省內地轉運之煩

同日鄂輝奏言伏查廓爾喀賊匪膽敢滋擾札

什倫布實屬自外

生成罪無可赦仰蒙

睿訓周詳飭令臣等堅持定見將派兵運糧各事宜

悉心確核以備明春大舉臣到藏後惟有會同

欽定廟爾喀紀畧

卷九

四

成德將西藏存貯糧石及現買若干通盤核計

妥協辦理仍遵疊次

諭旨告知達賴喇嘛及濟隆呼圖克圖並衆噶布倫

等乘時採買預備軍儲想藏內僧俗人等感激

天恩斷不敢圖利居奇高擡價值至滇省官兵先經

臣等奏請暫停赴藏察木多及三十九族番兵

亦經保奏明停止預派換藏兵丁到藏尙需

時日亦不致多費軍餉臣等現帶屯兵二千數

百餘名勦殺定結等處現有之賊儘足以資辦

理昨接都司徐南鵬稟稱探得賊匪於九月十

三日佔據定結官寨並查聶拉木一處另有賊

兵佔住彼處民人逃往白圭塘躲避等語是賊

人尙無退志查定結地方氣候寒冷賊匪難以

久住或此時退至聶拉木冀圖觀望拒守該處

欽定庸常紀畧

卷九

五

尙屬和暖且離賊人邊界較近臣到藏將應辦

事件畧爲料理故作代剖欠項之勢使之貪利

遷延一俟兵力畧齊臣卽同成德分起帶領官

兵相機勦辦務期先行殲淨待至明歲春融雪

化再圖深入更足以快人心而寒賊膽

同日成德奏言賊匪自侵擾札什倫布退回之

後迄今已逾一月昨臣於途次接到雅滿泰咨

送招稿內稱定結地方尙有賊匪佔據等語此

時大兵已至賊匪復敢佔據地方實深憤急臣

隨卽星馳趕進現已行至順達距前藏僅數百

餘里計十月二十五六日可抵前藏其所帶第

一起滿漢屯練官兵三百餘員名催令月底俱

可到齊臣應卽於前藏添奏兵力乘賊匪未退

之際奮力勦殺但所帶之兵甚少卽藏內添奏

欽定庸常紀畧

卷九

六

得力之兵亦屬無多兼之賊匪多寡情形不能

深悉未便輕進茲奉

聖明指示先行曉諭當卽譯用唐古忒字曉諭該賊

匪頭人藉以牽制其心使之久留定結臣一面

將藏內應行查辦事宜上緊趕辦並密行偵探

賊勢情形及圍繞邀截道路仍一面密催頭起

屯練五百名加緊趕行此項屯練計十一月初

十以內亦可趕至其時賊匪若果久留誠屬極好機會臣卽將屯練及達木等兵丁挑足千餘名與總兵穆克登阿帶領前往設法相機痛勦若賊匪聞風先竄卽令穆克登阿馳赴後藏一帶確查該處情形隨時稟報斟酌辦理並安撫各處僧俗人等毋再稍涉驚惶均奏入

上命軍機大臣傳諭福康安鄂輝成德曰本日鄂輝

欽定平定回疆方略

卷九

七

成德報到朕方以爲必係到藏後將勦殺賊匪情形奏報及加披閱仍不過途次覆奏接奉諭旨帶兵行走尙未到藏殊屬無謂鄂輝摺內所奏到藏後遵旨告知達賴喇嘛等令商上平價出售糧石多爲採買並以賊人尙無退志當作代割欠項之勢使之貪利遷延俟兵力畧齊相機勦辦等語尙屬略有算計至成德所奏祇係敷衍空詞並不見

其奮勉誠心甚不滿意前因成德接准保泰咨會廓爾喀滋擾之信卽行帶兵赴藏尙屬勇往是以賞給玉扳指以示獎勵成德自應倍加感奮速行抵藏勦殺賊匪乃行走濡遲節經降旨嚴催今據奏到十月二十四日始行至順達地方距前藏尙有數百餘里賊匪於搶掠扎什倫布之後尙在定結第哩浪古等處逗遛觀望未經退回若成德早抵藏內正可跟蹤殲戮先振兵威茲竟遲緩不前所謂勇往者何在成德著再嚴行申飭此時鄂輝成德早經先後抵藏惟當乘大雪封山賊人歸路阻絕之時帶領現有兵丁跟蹤追勦卽使賊匪大頭目先經竄回自必尙有小頭目在彼屯駐鄂輝成德若能將賊衆殲滅並將頭目擒獲此卽伊二人轉禍爲福之時務當鼓勇直前立功自贖毋再

欽定平定回疆方略

卷九

八

失此機會總之大舉深入應俟福康安等到後於春融雪化時再行進兵而此時在定結第哩浪古等處逗留賊匪伊二人總當先行跟剿盡數誅擒以贖前愆而收後效勿得仍前延緩貽悞干咎

十九日庚寅勅保奏言竊臣連奉

上諭以此次騎用青海馬匹查照從前平定準噶爾

由青海購買馬匹之例照數給發價銀伏念青

欽定廟爾喀紀略

卷九

九

海各扎薩克仰蒙

聖主養養厚恩分應稍申報効此次應辦馬匹復荷

體恤深仁查照舊例給以價值該蒙古等更當感激

圖報俟臣赴西寧分委委員將所有馬匹逐

一詳加挑選務擇腴壯好馬應用斷不敢任其

以疲瘦者塞責致干重譴其應給價銀俟查明

舊例照數發給臣前因各扎薩克等游牧遠近

不一恐奎舒所辦馬匹一時不能齊全已於綠

營內備馬一千五百匹先儘福康安海爾察及

巴圖魯侍衛等騎行前進其索倫兵丁起程尙

早所有應需馬三千匹現經奎舒傳諭各旗趕

緊攢湊自可備辦臣一到西寧再爲明白曉諭

務令踴躍趨事不致有悞至安設軍臺一事臣

於未奉

欽定廟爾喀紀略

卷九

十

諭旨之先當卽與奎舒往返扎商查照從前辦過章

程自西寧至青海邊界止應派蒙古番子綠營

兵丁及應帶馬匹口糧數目並飭委武職等官

分段管理茲蒙

訓示令專派藩司景安協同蒙古章京妥爲查辦應

請俟福康安一到蘭州卽令景安跟隨前往辦

理至應辦巡查臺務之道府臣現已另行遴員

派往其自青海邊界以至西藏應設軍臺之處

臣亦經飛咨鄂輝令其預爲辦理臣於拜摺後

卽起身馳赴西寧與奎舒將一切事件熟商妥

辦奏入報

聞

二十日辛卯保泰奏言臣查前藏倉儲糧食三千

石外尙有達賴喇嘛貯賞糧食四千石前經雅

欽定廓爾喀紀畧

卷九

十二

滿泰交噶布倫等預辦糧食二萬石牛二千隻

羊一萬隻將來大兵到時糧餉足敷接濟今臣

又令噶布倫等廣爲採買軍糧多行備貯俟需

用時卽照時價發給斷不敢稍有浮冒

同日雅滿奏言臣自後藏起程行至江孜地

方接據帶領哈喇烏蘇兵之把總楊登魁并從

前由拉子調往都司嚴廷良等報稱于十月十

二十四等日陸續至定結地方十六日同戴率

帶兵向賊打仗賊匪俱佔住山寨其寨西有一

喇嘛廟突出賊衆百餘人我等分兵衝殺獲賊

七名殺死賊首一名現在儘力勦殺以便收復

地界等語賊匪據住山寨畏威不出臣現在嚴

飭帶兵各員及戴率等如能儘力勦殺固屬甚

善倘唐古忒兵不得力緣營兵又少一時不能

欽定廓爾喀紀畧

卷九

十二

殺賊惟有將緊要隘口極力防守毋使賊匪窺

逸竊計將軍成德不日到臣卽隨同帶領大

兵迅速追往將賊匪盡行勦滅以紓

聖懷以圖報効再昨接後藏仲巴呼圖克圖遣喇嘛

羅薩幹前來面見告稱情願將廟內喇嘛等養

膳分例暫爲減半支給勻出糧食三千石接濟

軍食再有牛二千頭羊一萬隻俱可備用等語

臣已札知前藏管糧官員卽爲知照核入數內

以備軍儲

同日孫士毅奏言臣欽奉

諭旨以打箭爐至前藏道路綿長着查明軍站遠近

或以察木多爲界彼此分管以專責成臣查自

爐至藏五千三百餘里計軍站一百三十餘站

中間山嶺峻險向來烏拉往往畏難躲避臣此

欽定康爾喀紀略

卷九

三

次督同地方文武向明正土司多方駕馭寬嚴

並用宣示

皇上恩德該土司極爲感動不但應發例價並未絲

毫剋扣竟又自出已資將運米番民每名給以

棉襖一件牛毛布褲一條爲禦寒之具邀請地

方文武服同賞給五百件以見其急公報効臣

已面加優獎許以奏

聞旬日以來烏拉更加踴躍蜂擁而至每次或二百

石或五百石間日趕運出口至察木多於五千

三百餘里之內地屬適中蒙

恩令鄂輝與臣分段管理易於照料第思鄂輝現經

遵

旨在前藏料理軍糧之外尙可就近兼辦軍營事務若

察木多以外軍行糧餉亦令鄂輝分管未免兼

欽定康爾喀紀略

卷九

十四

顧爲難臣既荷

聖恩委任所有糧餉軍火等項臣自應由打箭爐一

直運送前藏以專責成其口外沿途供支官兵

口食各事請

旨亦歸臣一手經理俾鄂輝悉心專辦藏務不致顧

此失彼更於公事有裨再臣伏讀

聖諭令臣添調屯練降番二千名合之海蘭察等帶

領兵數及藏內現有之兵不過七八千人就西藏現備之糧及臣業經運送出口存貯之五百石再加飭令各臺就近採買稞麥等項實已充然有餘所有現在請碾倉米二萬石據各屬稟報發運在途只有三四千石其餘並有尙未碾出者臣現在遵

旨僅令運送五千四百石補還爐倉撥出之數較之

欽定廓爾喀紀畧

卷九

五

打箭爐貴價採買補倉大可節省其餘一萬四千六百石飛札概令不必碾運以省糜費萬一

藏內兵食實有不敷必需內地接濟臣一接咨

會卽將現在分貯各臺之糧挨次滾運赴藏再將爐倉之米分運各臺斷可無虞缺乏至屯練

降番先經鄂輝成德分帶二千二百名赴藏

臣現復遵調屯練一千名降番四百名並附近

打箭爐之革布什咱巴底巴旺等處壯健土練

共調六百名以足二千名之數臣訪查聶拉木

宗喀以外氣候視藏地較暖三月初間積雪漸

已消融其時我兵卽可相機進剿臣現調番練

人等均須由打箭爐赴藏距廓爾喀交界地面

幾及萬里口外道路崎嶇現在爐城一帶積雪

甚厚口外冰雪更多計該番練等十二月初間

自爐起程到後藏時已在二月杪三月初間臣

欽定廓爾喀紀畧

卷九

十六

計算程途此時卽須檄調以便福康安屆期應用是以遵

旨檄令各該土練卽派曾經打仗之土目人等管領

赴爐並遵照前次

諭旨檄調署川北鎮總兵諸神保令其統領番練二

千名前赴軍營伺候調遣一百挑選曾經出師

臺灣及檳拉促浸等處出色將備隨同諸神保帶兵赴藏以資得力均奏入

上命軍機大臣傳諭福康安孫士毅鄂輝成德曰據保泰奏現在藏內存貯糧食共有七千石又可採買糧二萬石此外尚有牛二千頭羊一萬隻等語此項糧食牛羊皆係早經預備保泰咨明孫士毅節次奏聞在案今保泰所稱諭令噶布倫預備糧

欽定平定縣志

卷九

七

石祇係空言仍屬一籌莫展不過敷衍塞責又據雅滿泰奏稱到後藏時仲巴呼圖克圖告稱扎什倫布廟內原有之糧除支給喇嘛口食外可勻出糧三千石接濟軍食尚有牛二千頭羊一萬隻俱可備用等語則後藏地方已有預備糧食前據孫士毅奏藏內糧食共有二萬七千石以之供一萬兵一年口食已屬寬然有餘今後藏又有此項糧

石牛羊預備接濟則兵食更爲充裕其孫士毅籌備察木多等處糧石竟可無須運往至該喇嘛勻

出後藏廟內糧石牛羊仍著官爲給價其保泰所辦前藏糧石牛羊亦著一併給價以示體恤又據雅滿泰奏把總楊登魁等稟報同戴琿與賊打仗殺賊七名並賊目一人現在賊匪佔據山寨不出已令帶兵官員及戴琿等儘力剿殺防堵等語該

欽定平定縣志

卷九

六

戴琿等所帶祇係綠營唐古忒兵丁數百名已能剿殺賊匪賊目可見賊匪無能不難一鼓殲戮若鄂輝成德早經抵藏跟蹤追殺所帶屯練兵丁較之綠營唐古忒奮勇百倍自己將賊匪殲戮無遺乃遲緩不前實屬延玩貽誤現在賊匪於十月十六日尚在定結估據官寨負險株守此時已值隆冬雪大封山賊人歸路阻絕斷不能退回巢穴計

成德穆克登阿早經先後帶兵均抵該處鄂輝亦
接續可到趁賊匪進退無路之時正可痛加剿殺
大示創懲况屯練兵丁久經行陣前在金川雖稠
樓堅卡尙能鼓勇攻奪今廓爾喀賊匪不過佔據
山寨以屢勝之勁兵攻此無能小醜自同拉朽摧
枯務當督率官兵奮力剿殺立功自贖此等無能
賊匪戴琿等帶兵無多尙能打仗殺賊並分兵堵

欽定平定回疆方略

卷九

十九

截何況鄂輝成德等帶領官兵及屯練等二千數
百名豈不能攻圍堵截痛殲賊匪耶再雅滿泰原
令押解仲巴呼圖克圖進京今伊在彼令戴琿等
分路剿堵尙屬稍有調度若鄂輝已遵照諭旨令
雅滿泰押解進京則已如尙未起身卽留於該處
差委亦無不可至鄂輝前曾諭令留駐前藏與舒
濂同辦運糧事宜今賊匪尙在定結第哩浪古等

處逗遛正須乘機剿殺若鄂輝以雅滿泰業經押
解仲巴呼圖克圖進京保泰又經責處柳號前藏
地方無人經理卽遵照前旨駐劄前藏籌辦一切
亦可但舒濂卽日可抵前藏糧運等項又已籌備
寬餘無須鄂輝在彼料理竟當帶領後起屯練兵
丁迅速趕赴後藏以爲成德應援合兵圍剿無致
坐失機會

欽定平定回疆方略

卷九

二十

二十三日

甲午

福康安奏言

臣

於途次接到勒保

咨會並錄送摺稿

臣

閱該督摺內稱接准奎舒

來咨以青海口外並無樹株今值隆冬冰雪甚

大馬草牛糞均被雪壓難以備行又稱從前雍

正年間由西寧進兵係雪消草長之時方始取

道前進若人無炊爨馬無牧飼關係甚大等語

伏念

臣

欽奉

諭旨令由西寧一路行走原因程站較打箭爐捷近

以期早抵藏地查明實在情形迅速具奏

臣仰

蒙

委任斷不敢輕信人言稍存畏難避險之見前於途

中遇見恒秀詢以如何併站兼行約須何時可

到據稱西寧通藏大路向無柴薪每年遠賴喇

嘛遣使進京皆在夏秋之際沿途放馬前進檢

欽定廓爾喀紀畧

卷九

三

糞炊爨一交冬令該處大雪封山即無行人來

往及至西安時接見副都統敷倫泰亦稱伊會

在西寧辦事常聞赴藏之通事蒙古人等言及

此路冰雪甚大阻隔道途從前留保住雅滿泰

由西寧調藏即因冬月難行仍遠回四川出口

各等語

臣

實惟恐道路稽延寸衷實深焦急前據勒保查

奏情形雖亦與恒秀敷倫泰所言相同然該督

摺內又稱設法籌辦以利進行似不致竟難行

走且該督現在已經遵

旨馳赴西寧會同奎舒商辦並稱傳齊各旗扎薩克

等在於經過地方攢集糞草以供軍行之用又

令各蒙古探明路徑安設軍臺該督如此預爲

辦理若冰雪不至封山或可毋虞阻滯

臣

惟有

欽定廓爾喀紀畧

卷九

三

趕緊馳赴西寧面晤勒保奎舒再行詳詢喇嘛

及蒙古番子等查探明確即使冰雪較大尙有

一徑相通可以勉力行走

臣

斷不敢稍憚跋涉

仍當輕騎裹糧覓路前進仰賴

皇上洪福自可道途無阻迅抵藏地預籌一切仰慰

聖懷奏入

上命軍機大臣傳諭福康安曰昨令軍機大臣詢問

達賴喇嘛之弟羅卜藏根敦扎克巴據稱前年廓爾喀投順時出有永遠不犯邊界甘結係沙瑪爾巴噶布倫丹津班珠爾玉陀地方戴率同廓爾喀頭人當面議定廓爾喀以聶拉木宗喀濟噶三處地方係他自己搶得不肯退回經噶布倫等許以每年給西番銀元寶三百個合內地銀九千六百兩令其退還地方會告知鄂輝成德巴忠等語噶布倫丹津班珠爾等許給廓爾喀銀兩一節實屬錯謬聶拉木宗喀濟噶本係衛藏地方被其搶佔廓爾喀既經投順自應將搶佔地方退還何得許給銀兩乃噶布倫等私與商議每年給元寶三百個而巴忠憤忤完事鄂輝成德亦隨同附和廓爾喀籍詞構衅復滋事端是以巴忠畏罪自盡將來事竣後自應查明治罪此時福康安抵藏後惟當

督率官兵大舉深入正名討賊至於前次巴忠等許給銀兩一事不必預爲訪查朕此時將羅卜藏根敦扎克巴所供情節先爲諭知福康安者惟恐大兵進剿時廓爾喀或以此藉口福康安臨時不能得有主見難於措詞是以預行降旨尙廓爾喀提及前此許給銀兩一事福康安卽不得諉爲不知總當以此事原係噶布倫等與廓爾喀頭人私相定議告之巴忠鄂輝成德就事完結因巴忠通曉番語專主允行鄂輝成德不過隨同附和其辦理錯悞實係巴忠一人之罪以安其心統俟剿辦事竣再行查辦具奏再前據保奏奏拘留之噶布倫丹津班珠爾現已帶回巢穴等語丹津班珠爾雖被賊匪拘留卽日大兵壓境廓爾喀自必畏威悔罪或將丹津班珠爾送出籲請乞哀但丹津班

珠爾旣在賊巢稽留即使獻出亦不可仍留藏內
 自應派員送京其父班第遠在藏年久族屬較大
 伊僅有此子若見押送進京未免心存畏懼福康
 安當諭知班第遠以丹津班珠爾前次與廓爾喀
 高議保巴忠遣往罪在巴忠伊本無罪現在令其
 赴京不過預備垂詢藏內情形如此論知可以釋
 班第達疑畏再據羅卜藏根敦扎克巴所稱上次

欽定廓爾喀紀畧

卷九

五

廓爾喀納款時尙有玉陀地方戴琿同丹津班珠
 爾等前往面議丹津班珠爾旣被賊帶回巢穴該
 戴琿曾否被賊一併帶去現在何處是否尙有其
 人並著福康安查明實在下落將來與丹津班珠
 爾一同送京以備詢問前次巴忠鄂輝成德辦理
 此事伊三人在筲噶爾駐劄俱未親往交界與廓
 爾喀當面講論穆克登阿張芝元係前往聶拉木

之人其戴琿噶布倫等如何與廓爾喀商商定議
 穆克登阿張芝元必知其詳著福康安就近向其
 密詢一併據實具奏再本日福康安奏到接據勒
 保知會馳赴西寧商辦一摺前因勒保奏青海一
 路冰雪較大柴草維艱難以行走已屢降諭旨令
 福康安酌量情形實在可以寬路行走伊自不肯
 舍近求遠若實有難行之處當即改道由四川赴

欽定廓爾喀紀畧

卷九

五

藏不可勉強以致欲速轉遲福康安務當與勒保
 從長計議與其欲速轉遲莫若以遲爲速之爲妥
 便也

欽定廓爾喀紀畧卷九

欽定廓爾喀紀畧卷十

十一月二十四日乙未

上命軍機大臣傳諭福康安曰現在藏內原駐官兵及鄂輝成德先後帶往漢屯並先期派往換班兵丁合之添調屯練及索倫達呼爾兵共有七千餘名計福康安明春進剿須帶兵五千名深入而聶拉木一帶後路尚須數千兵逐段屯駐以爲接應

欽定廓爾喀紀畧

卷十

一

方可聲勢聯絡足資剿捕策應之用著福康安抵藏後再行酌量情形通盤籌算如尚須添兵或就近于德爾格及屯練降番並達木蒙古兵添調一二千名于進剿既屬得力而後路聲援亦較爲壯盛將來大兵直抵賊境聲罪致討賊匪自必震懾軍威乞哀懇懇福康安固當嚴詞駁斥不准所請倘賊匪真心悔罪懇求再四福康安自能遵照前

旨宣布威稜嚴立禁約以示創懲而尊體制較之

巴忠等前次所辦自必有把握辦理完善不致

再滋事端至福康安到藏後當諭知鄂輝成德以

前次許給廓爾喀銀兩一事總由巴忠一人意見

主持鄂輝成德聽從允行雖有應得之咎但究係

隨同附和已將鄂輝革去總督成德革去將軍各

治以錯悞之罪復蒙加恩俱賞給副都統職銜作

欽定廓爾喀紀畧

卷十

一

爲領隊大臣伊二人惟當激發天良奮勇殺賊立功自贖以期承受恩施不必復存疑畏之見如此明白諭知俾鄂輝成德各知感激奮勉安心自効于剿辦之事較爲有益

二十六日丁未成德奏言竊臣於十月二十六日

帶同總兵穆克登阿行抵前藏當將

皇上嘉獎達賴喇嘛

諭旨敬謹膺黃親自送至布達拉傳宣

聖旨並將

恩賞達賴喇嘛物件當面交付達賴喇嘛合掌恭稱

我自切至今蒙

大皇帝參養深恩今廓爾喀賊衆滋擾藏地唐古忒

人等仰賴

大皇帝鴻福久享太平未經臨陣見賊卽散以致賊

欽定平定回疆方略

卷十

三

衆肆意搶奪扎什倫布侵擾佛地今賊衆聞

天兵卽至雖已遁回但上煩

聖主宵旰憂勤特遣將軍大人等帶領官兵跋涉遠

來皆爲保護衛藏前因保泰欲將我及堪布喇

嘛等移往泰寧西寧等處與聞寺喇嘛等會商

若我等一離布達拉全藏必至潰散是以未從

今蒙

大皇帝降旨嘉獎并

頒賜物件又蒙

恩命令我弟羅卜藏根敦札克巴仍回布達拉隨侍

團聚似此疊沛

隆恩實非夢想所及所有感激微忱懇祈代爲陳奏

併恭

進哈達克一個佛一龕等語再所奉保泰等革職

欽定平定回疆方略

卷十

四

之

旨保泰跪聆後隨將

硃批原摺令其閱看卽將伊翎頂摘去保泰叩頭認

罪甚爲愧懼達賴喇嘛及衆堪布喇嘛等從旁

觀看並敬讀

諭旨皆傾心悚聽畏懼之形見于顏色至雅滿奏現

在江孜駐劄

臣

卽令總兵穆克登阿帶領屯練

兵二百名前往江孜遵奉

諭旨將雅滿泰摘去翎頂仍留該處効力以贖前愆

臣

查定結地方尙有賊匪數百名在彼潛匿定

結北通聶拉木第哩朗古等處山谷叢雜現在

與薩山坳尙隱藏千餘賊衆臣行催續調番兵

五百名并現已帶到番兵三百名又遵

旨會同鄂輝挑選達木兵一二百名共計合兵千餘

欽定廓爾喀紀畧

卷十

五

各繞道前進將各處屯聚賊匪痛加殲戮以圖

報効萬一至都司徐南鵬家

恩賞戴花翎臣已交穆克登阿前往後藏遵

旨賞給其遊擊烏爾公阿前經臣奏奏不能約束兵

丁以致達木唐古特兵多潰散似可毋庸

賞戴花翎

同日鄂輝奏言昨准成德咨送摺稿內稱已于

二十六日到藏探訪賊人尙在定結據守並與

定結相通之與薩地方亦有賊匪千餘藏匿現

飭總兵穆克登阿先赴後藏藉詞安慰暫用舊

糜一俟頭二起屯兵到來商同相機勦辦等語

查賊匪等既尙在定結等處觀望遷延正可乘

機勦殺現在催令後起屯兵作速行走于十二

三日定可抵藏計總兵張芝元所帶後起屯兵

欽定廓爾喀紀畧

卷十

六

亦可趕到臣卽同成德帶兵前往邊界將現在

所有賊番悉行洗蕩倘賊人于痛加殲戮後遣

人悔罪乞哀亦必欽遵

諭旨卽將來人拿解進京斷不敢稍存將就了事之

見

同日孫士毅奏言竊查西藏現備糧石雖據前

此駐藏大臣咨報該處糧臺及商上存糧共有

七千石秋後可採買二萬石並牛羊一萬六七千隻等因

臣以七千石存糧自係現備足數其所買之二萬石能否如數購足難以定准且後

藏經賊匪焚掠之後恐該處採買亦屬無幾經

臣移咨保泰等飭令糧員查明實存數目以便

臣通盤籌畫不致多糜運脚茲據西藏糧員知

州重光查覆糧臺原貯青稞麥子三千石外續

欽定西藏紀略

卷十

七

買糶糶五百四十石又商上存糧四千石連現

在前後藏採買實共糶糶四萬一千石牛羊一

萬七千八百隻是藏內速稞麥糶糶共存糧四

萬四千五百四十石

臣復將糧員稟冊細加核

算其間後藏採備之數多於前藏明春官兵進

剿賊匪更可就近支食於情事極為順利

臣前

次奏明先行撥米五千四百石運送出口存貯

各臺預備接濟藏內軍需私心竊計若係必應
動用之項雖數千百萬裕金

皇上原所不惜若於事無益之費雖為數無多

臣亦應慎重錢糧歸于節省因于前日運送三千八

百石出口之後即將其餘一千六百石暫行停

止俟藏內將採買實數覆到再行酌辦今既查

明藏內糧石充然有餘

臣

請將暫停之一千六

欽定西藏紀略

卷十

八

百石存貯糧倉不復發運可以節省腳價三四

萬兩至運送出口之三千八百石現在續調屯

番二千名即須出口又明年本省凱旋官兵共

有六千餘人加以總督將軍隨帶官員及領兵

鎮將弁員人等由藏進口沿途支食並換班兵

丁往來口糧足敷供應如此虛帑不虛糜而應

用亦無虞缺乏均奏入

上命軍機大臣傳諭福康安孫士毅鄂輝成德日前因鄂輝成德帶兵行走遲緩業經降旨將伊二人革去總督將軍仍加恩賞給副都統職銜作爲領隊大臣令其立功自効今據成德奏賊匪有一千餘人在興薩山坳藏匿而定結第哩浪古一帶亦有數百人屯聚此時大雪封山賊匪歸路阻絕正

上天留此機會與鄂輝成德建功贖罪之時現在成德

欽定廣輿記卷十

卷十

九

已抵前藏其後起屯練五百名亦接續早到成德又將達木蒙古兵奏調二三百名是鄂輝成德所帶兵丁已及千餘儘可直前剿殺毋庸再存持重之見至鄂輝前會諭令駐劄前藏辦理糧運事宜此時舒濂亦可抵前藏所有一切事務足資照料自毋庸鄂輝駐劄前藏竟應速赴後藏作爲成德接應會合進剿又據孫士毅奏查明藏內糧石已

屬寬然有餘前會諭令福康安或就近于德爾格及屯練降番並達木蒙古兵內添調一二千名今糧石既極充裕卽再有添兵亦儘足資供應而于進剿賊匪及防守後路更爲得力著福康安遵照前旨酌量情形如尙須添調卽行就近檄調以期迅速蔽功

同日勒保奏言竊照福康安統領官兵由西寧

欽定廣輿記卷十

卷十

十

一路赴藏臣節次接奉

諭旨隨將籌辦事宜應經奉陳

聖鑒臣

自蘭州起身於十六日起抵西寧與奎舒

會晤將一應預備事件面爲詢問據稱札薩克

馬匹尙未趕送前來各旗游牧處所遠近不一

彼此攢奏恐一時難以齊集等語臣查福康安

海蘭察並巴圖魯侍衛等所需馬匹已於綠營

內挑備齊全可期隨到隨行迅速前進惟後起

索倫兵丁應用扎薩克馬匹必須預為撥奏齊

全趕赴丹噶爾地方喂養俟官兵一到乘騎前

進庶不致馬力疲乏今奎舒初次奏明辦就之

馬尚無一匹趕到亦無蒙古一人在此伺候其

續辦之馬能辦與否尚無確信設有遲悞所關

匪細臣隨詳屬奎舒令其分遣通事執持令箭

欽定大清會典事例

卷十

十二

嚴諭各扎薩克等將所辦馬匹上緊如數攢集

務須預期趕赴丹噶爾地方以備挑揀斷不可

任其以疲瘦者搪塞致有貽悞臣復令奎舒飛

傳各扎薩克前來西寧剴切曉諭以此次進兵

我

皇上為爾等維持黃教而起爾等自當感激

天恩倍加出力今因所辦馬匹恐爾等受累復為照

例發價此誠

聖主格外恩施體恤爾等之至意爾等務須加緊趕

辦依期趕赴指定地方以備應用如有遲悞定

即嚴叅從重治罪臣仍於庫貯銀內擬先發馬

價銀八千兩令其分給各旗俟辦齊再行查照

舊例按數找給庶各蒙古咸知感

恩畏法爭先趨事不致有悞至安設軍臺所需夫馬

欽定大清會典事例

卷十

十二

例應蒙古綠營各半分安其綠營應派之兵弁

馬匹臣現已派調停妥一俟福康安到日即令

景安帶領前往按照舊日設臺處所依次安設

惟所調之蒙古番子馬匹現在尚無到站信息

臣亦令奎舒飛檄嚴催務令趕緊到站所有巡

查臺站之道府臣現今飛調安肅道福慶寧夏

府知府隆興令其先後輪流出口按站查點不

使稍有踈懈再臣前准奎舒來咨以口外水雪

甚大糞草難尋奏明交臣運送燒柴草料等因

臣查口外地方如果人無燒燃馬無牧飼何能

行走初得此信甚爲焦急繼思此係通藏大路

夏秋之間既屬水草茂盛何至冬天便無收放

之處臣一到西寧卽傳集曾經西藏來往之番

子買賣人等詳細詢問據稱此處原有水草冬

天雪大之處將草壓沒難以尋覓其雪小之處露

出草稍仍可收放馬匹至無草地方亦不過間

有三四處等語臣復詢以得雪後一路情形據

稱雪後亦復有人往來其有草處所可十得五

六今大兵行走迅速如果酌爲運帶料豆不難

行走惟柴糞實無從採覓每年來往買賣人等

均係帶糞炊糞等情臣詢問的確因思此次官

兵行走迅速且福康安業已抵境所有出口後

一切應用物件必須預備齊全臣隨將料豆柴

薪等項趕緊備辦並僱寬駱駝以資挽運俟福

康安等一到臣卽令其隨到隨行務期土馬飽

騰迅速前進不致稍有阻滯奏入

上命軍機大臣傳諭福康安勒保奎舒曰勒保奏現

已馳抵西寧前調蒙古馬匹尙無到來現已專差

欽定廟諭略纂

卷十

十四

通事執持令箭前往各扎薩克遊牧處所飛調嚴

催等語前遣福康安由青海草地行走原爲其可

以迅速抵藏督辦一切而海蘭察所帶巴圖魯侍

衛章京及索倫達呼兩官兵俟二三月雪化後以

備進剿之用並非迫不及待已屢有旨令海蘭察

等暫駐西寧俟明春屆期可以行走之時方帶官

兵赴藏朕前以勒保辦理一切尙有把握是以加

恩交詔議敘賞給荷包以示獎勵不意其一到西
 寧未審事體緩急過事張皇青海蒙古等未識朕
 意必致擾累殊屬不成事體甚負朕委任之意著
 傳旨嚴行申飭計節次所降諭旨早已接到福康
 安亦馳抵該處遵照諭旨與勒保商定諒福康安
 輕騎減從不過二三十人况據勒保奏每年冬令
 青海赴藏之人儘有來往不致阻碍福康安自亦
 不肯舍近就遠也又據勒保奏現令景安帶領兵

欽定平定回疆方略

卷十

五

弁安設台站隨福康安前往一路安設等語前因
 令福康安由青海出口行走諭令景安隨同福康
 安前往安設台站以利邊行嗣因青海一路臺站
 馬匹俱係常川居住非邊路行人可比時屆冬令口
 糧草束必致竭蹶周章是以諭令勒保俟明春海
 蘭察等帶兵起程後再行遵照前旨設站安臺今

海蘭察等抵西寧後尙令在彼暫住等候索倫達
 呼爾兵到時帶領由青海前進爲期尙早所有臺
 站馬匹等事儘可聽候信息再行備辦乃勒保於
 此時卽令景安帶領兵弁馬匹前往安設殊屬過
 當著傳諭勒保如景安尙未前往則已知已前往
 卽令該藩司帶同兵弁仍回內地等候俟索倫達
 呼爾兵到後海蘭察等帶領起程赴藏時景安再
 尾隨官兵查照舊日設臺處所妥爲安設以備福
 康安進兵後文報往來迅速接遞並著勒保明白
 曉諭札薩克等此時進剿廓爾喀官兵尙未能卽
 抵西寧須俟明春二月方可到齊所有衆蒙古扎
 薩克應備馬匹現在且毋須先行趕赴俟容奏
 齊再行遵照伺候如此明白曉諭俾札薩克等辦
 理從容不致稍有擾累方爲妥善

欽定平定回疆方略

卷十

六

上諭內閣曰前因令福康安海蘭察等分起帶領官

兵由西寧一路前赴西藏勒保預備應行騎帶馬

匹口糧等項辦理尙爲妥速會降旨將該督交部

議敘今據勒保奏現在馳抵西寧前調蒙古馬匹

尙未到來已專差通事執持令箭前往各扎薩克

遊牧處所飛調嚴催等語所辦殊屬過常此時進

勦官兵尙未至京何必預事張皇先行催調致滋

欽定大清會典事例

卷十

七

擾累辦理實屬錯誤所有前次交部議敘之處著

即撤回尙再不能妥協辦理必將勒保治罪

同日奎舒奏言本月十四五等日據青海各扎

薩克王貝勒貝子等齊到西寧臣將伊等辦理

馬匹賞給價值之

諭旨復行明白傳宣伊等跪聆之下叩謝

天恩感激無已據稱我等世受

聖主深恩毫無報効今因剿除廓爾喀賊匪奉

旨令我等備辦馬匹敢不盡心辦理今雖值冬令馬

匹欠騰之際務于各旗馬廄內擇取壯健良馬

以備官兵騎用等語臣查福康安赴藏騎用之

馬前經勒保奏明于綠營馬匹內挑取五百匹

備用奉

旨着備辦兩分以備更換臣現擬共備馬一千匹以

欽定大清會典事例

卷十

六

五百匹護送青海有水草處所牧放喂養預備

福康安等到時騎坐以五百匹護送青海西邊

附近多倫巴圖爾地方牧養爲更換進藏之用

再海蘭察等騎用之馬業經勒保奏明已備有

一千匹足數所用無庸另行辦理其續到進藏

之索倫達呼兩兵一千名並隨從人等約一千

五百名計每人用馬二匹共需馬三千匹合計

領隊大臣官員等約需馬三千二百匹現經

蒙古等恭

進馬一千匹俟到時亦入于此數共計四千匹臨

時揀擇三千餘匹護送西寧備用臣現已傳令

各札薩克等即速備辦應交之馬四千匹併伊

等所

進馬一千匹趕緊到齊以便挑揀應用再臣前奏

欽定蒙古通志

卷十

九

預備馬五十匹俟福康安及隨從人等之用茲

因蒙古馬廠遙遠即在本處各廐內採買揀吹

卜藏呼圖克圖等親至臣署告稱我等世受

大皇帝隆恩無可報効今聞進剿廓爾喀賊匪情願

恭

進馬二百匹又據青海扎薩克郡王索諾穆多爾

濟等亦告稱感激

聖主鴻恩除遵奉備辦馬四千匹外我三十旗情願

再備馬一千匹以供軍行之用各等語臣察看

各呼圖克圖及各蒙古王貝勒等詞意均出至

誠臣已允其入

奏仰懇

天恩俯如所請即一面飭令挑選膘壯馬匹前來俟

伊等送到時即遣人護送至青海有水草處預

欽定蒙古通志

卷十

十

為喂養俟索倫兵到時一併備用奏入

上命軍機大臣傳諭奎舒曰據奎舒奏各蒙古王扎

薩克情願進馬一千匹吹卜藏呼圖克圖亦進馬

二百匹等語所奏殊不明晰據摺內稱蒙古等進

馬一千匹護送到時亦入于此數共四千匹又稱

除遵奉備辦馬四千匹外情願再進一千匹則又

似五千匹矣為數先後不符况青海蒙古等平日

養馬本不甚充足又須放卡倫等需用現在索倫
達呼爾兵一千名亦無庸五千匹馬之多但得三
千匹儘足敷用著傳諭奎舒卽傳旨與各王扎薩
克等所進馬一千匹及吹卜藏所進馬二百匹業
已啟奏大皇帝甚爲嘉獎但現在大兵無需多馬
所有伊等所進馬一千二百匹俱著無庸辦理止
須辦馬三千匹照數給予價值其馬亦不必早行

欽定廣輿記

卷十

三

趕到總俟索倫兵將次到關時再行調取應用奎
舒接奉此旨卽傳知各王貝勒及衆呼圖克圖等
毋得再有舛錯

二十八日已勒保奎舒同奏言臣等馳抵西寧

傳到青海扎薩克郡王索諾木多爾濟貝勒濟

克莫特伊什詢以承辦馬匹何以此時尙未趕

到據稱我等仰蒙

皇上養養深恩分應勉圖報効况此事全爲維持黃

教而起又蒙

賞給馬價我等具有天良誰不上緊趕辦惟因游牧
處所遠近不同是以不能卽時趕到約計月盡
月初各處馬匹俱可齊集趕至丹噶爾地方備
驗斷可不至悞事亦斷不敢以疲瘦塞責自干
重譴此外又另辦馬一千匹以備中途更換現

欽定廣輿記

卷十

三

將五百匹趕至青海適中之納木喀地方又五
百匹趕至多倫巴圖爾在彼伺候等語臣等查
索倫兵丁此時尙無出京信息爲時尙早如果
出月初間將馬匹辦齊趕赴丹噶爾挑驗齊全
緩爲牧養則臆分更好於事尙不致有悞臣勒
保隨先發馬價銀八千兩交給索諾木多爾濟
等令其分給各旗俟馬匹辦齊後再爲照例我

發索諾木多爾濟等伏地叩頭感激

天恩莫能名狀臣等復詢以安設軍臺所需蒙古馬

匹何以尙未到站據稱現已派就約二五日內

必可到站决不有悞臣等因該扎薩克等甫從

口外前來詢以青海地方情形雪之大小是否

堪以行走據稱此時雪不甚大尙可行走但雪

之大小難以預定如遇雪大時不免卽有阻滯

欽定廓爾喀紀畧

卷十

三

等語臣等復通行傳集會經西藏往來之人與

該扎薩克等面同切實推求據衆人僉稱此路

水草原好冬天買賣人等亦有人往來但伊等

攜帶乾糧牛糞無多緩程行走遇雪小天晴有

草地地方酌量牧放馬匹若遇雪大卽隨處歇息

並不趨行現在將軍乘騎係長行馬匹雖酌帶

料豆每日亦必須牧放庶馬力不致疲乏且有

駱駝運送裹帶物件更難快走說或遇雪不免

卽有阻滯計算赴藏程途雖共有六十站但口

外程途甚大卽使加緊前進亦約得四十餘日

方可至藏等語臣等伏念此次由青海一路進

兵上頌

屢注急應迅速前進早奏膚功仰副

聖懷今臣等將一應預備事宜俱已籌辦齊全可期

欽定廓爾喀紀畧

卷十

五

無悞而通行採訪道路雖屬可行第恐天時難

必人力難施或有不能加緊行走之勢謹據實

奏

聞奏入

上命軍機大臣傳諭福康安勒保奎舒鄂輝成德曰

前屢經降旨令福康安與勒保奎舒面商定議如

青海一路可以行走福康安決不肯舍近就遠有

稽時日今據勒保等奏冬令亦有買賣人在彼往來及四十餘日可以抵藏之語看來青海一路尚不致十分阻碍難行福康安輕騎減從不過隨帶二三十人所用馬匹駝隻無多沿途亦尚易于牧飼且素性勇往愛顧顏面此時或已從青海出口亦未可定再鄂輝成德帶兵在定結第哩浪古等

處勦殺屯聚賊匪所有奪回輜重前已降旨令其

欽定鹿爾喀紀畧

卷十

重

不必全行給藏將粗重等件分散屯練兵丁俾其踴躍出力但思此等輜重奪回後卽賞給屯練番兵恐該兵丁等惟利是圖祇以搶奪財物爲事轉不能專力殺賊于行軍紀律亦不整肅且恐唐占忒喇嘛人等或以奪回輜重本係伊等之物以之賞給兵丁不行給還轉似官兵利其財物不無騷擾未免心存抱怨若帶兵將弁等亦相率效尤更

屬不可必須嚴加約束所有該兵丁奪回輜重如已經潛匿入手者鄂輝成德祇可作爲不知亦不必再行查究致滋紛擾其未經分散及續行奪回者均不必再行賞給屯練番兵鄂輝成德應查明係何物件據實奏聞或酌量賞還後藏喇嘛人等候旨辦理以示體恤而昭平允

同日成德奏言竊臣於十月三十日接奉

欽定鹿爾喀紀畧

卷十

天

上諭令傳詢雅滿泰保泰等前遣都司嚴廷良持諭前往詢問起衅緣由適因賊匪搶佔地方將該都司撤回後曾否又遣人往詢所遣究係何人現在作何下落因何屢次奏報並不提及等因

臣 遵卽恭宣

諭旨將保泰嚴行申飭並逐一詢問據保泰伏地叩頭跪稱賊匪于七月內起事之時因聞係索取

舊債團佔並拉木並將噶布倫等帶去彼時卽
寫譯諭與廓爾喀頭人及沙瑪爾巴呼圖克圖
各一分遣令都可嚴廷良前往查問起緝緣由
嗣該都可行至荷噶爾地方賊匪已帶兵與唐
古忒人對敵佔據定日及濟隴地方若仍令該
都可直進賊巢詢問情節反長賊人驕志是以

欽定廓爾喀紀略

卷十

三

將該都可撤回聽候差遣該都可隨將譯諭交
荷噶爾番人轉遞我於八月初三日到扎什倫
布初四日又令仲巴呼圖克圖作速寄信與伊
弟沙瑪爾巴我亦曾經寄信曉諭當據仲巴呼
圖克圖回稱已差人寄去但至今尙未回覆不
識前後兩信是否發給嗣於十月十一日欽奉
諭旨著軍機大臣代寫諭帖令我作爲已意以巴勒
布字樣譯出于綠營兵丁內揀派一人持諭前

往我卽選派綠營馬兵范忠令其直往聶拉木
濟隴見伊大頭人交給取其回信速行趕回達
賴喇嘛亦派一喇嘛同去目下尙未回藏我因
賊匪滋擾前後具奏之摺並未將兩次給諭所
遣何人作何下落之處于摺內詳晰聲敘且張
大賊勢今蒙

欽定廓爾喀紀略

卷十

三

聖主飭詢我實罪無可道等語臣再加詰詢並調取
原行譯諭稿底查對均非虛飾查保泰等於籌
辦賊匪事宜毫無措置並以譯諭遣人往詢之
事歷久並未奏及誠如
聖諭實屬昏愎無能至後次所遣兵丁范忠前往未
久果否見伊頭人俟取其回信到日卽行查明
具奏再雅滿泰現在江孜並已恭錄
諭旨令總兵穆克登阿於宣

論革職之便一併飭詢另行具奏奏入報

聞

欽定廓爾喀紀畧

卷十

无

欽定廓爾喀紀畧卷十

欽定廟爾喀紀畧卷十一

十二月初二日壬寅福康安奏言稿臣接勒保奎

舒咨據稱詢之蒙古番子通事人等僉稱青海

一路冰雪甚大柴草無從采覓貿易人等冬令

往來悉皆攜帶乾糧沿途放馬緩程行走設遇

大雪多致耽延阻滯此次赴藏均係長行馬匹

若每日必須放難以兼程等語臣伏查所詢

欽定廟爾喀紀畧

卷十一

西寧口外草地情形行走固屬艱難然道路尙

不致阻隔貿易既可往來臣等卽能前往臣蒙

聖恩委以軍放重任寧敢稍憚艱辛轉生退怯前在

京時親見

皇上宵旰焦勞以青海道近而平且西寧二字語識

吉祥

特命自西寧出口由青海早抵藏地若該處萬難行

走臣自應據實直陳奏請改道斷不敢遷就拘

泥貽誤事機今勒保奎舒所言不過柴蕪無從

采覓長馬難以速行若非連遇大雪中途想不

致稽阻勒保等現已將馬匹口糧妥爲備辦蒙

古扎薩克等亦皆感激

天恩爭先趨事臣一到西寧檢點裹帶物件卽可輕

裝出口近日天氣晴明過蘭州後轉覺和暖爲

欽定廟爾喀紀畧

卷十一

向年邊地所無事機順遂已兆於斯臣再三詳

察情形仍以由青海一路前往爲是若此時因

行走稍艱復自西寧改道由川省赴藏計程共

九千五百餘里而西寧至藏程途現據勒保等

安設臺站詢問熟悉路徑之人實有四千一百

餘里彼此相較遠近遲速不啻倍蓰卽使邊外

草地冬令間遇風雪尋覓有草地方收放長馬

或不能每日兼程而約計抵藏日期較之回赴
打箭爐前進往返行遲總可早到一月臣現已
行抵平番卽日可達西寧出口後自當倍加馳
勉儘力趨行以期早至西藏預籌進剿奏入

上命軍機大臣傳諭福康安鄂輝成德曰前因勒保
奏青海出口一路冰雪較大柴草雜艱途中恐有
阻滯是以降旨令福康安到西寧後與勒保奎舒

欽定廟商略紀覽

卷十一

三

面商定議若青海一路勢難行走卽改道仍由四
川赴藏然朕屢向軍機大臣言及以福康安素性
勇往急公能耐勞苦如青海道路稍有可通伊必
不辭辛苦仍由青海前進今覽奏果與朕言適相
符合且稱蘭州一帶氣候較往年和暖此實

上天垂佑額慶之餘益深敬感現在福康安既堅持定
見由青海一路進發嗣後所降諭旨俱由四川馳

遞青海一帶已令勒保無庸安設臺站俟明春官
兵過竣再行隨後設站安臺又前令海蘭察到西
寧後卽將所帶巴圖魯侍衛章京等暫駐西寧俟
烏什哈達岱森保所帶索倫達呼爾兵到齊後一
同管領進發今福康安旣由青海行走抵藏較早
而勒保所備馬匹過多現在尙有三千餘匹儘爲
寬裕其暫駐西寧等候分起帶兵之巴圖魯侍衛
章京等福康安酌量情形如有應須帶同前往以
備差委之處先帶一起半起同行預備軍前効用
更爲得力如無可用處仍令其暫駐西寧等候索
倫官兵一同進發更可節省馬力

欽定廟商略紀覽

卷十一

四

上命軍機大臣傳諭勒保曰此次所派索倫等兵不
過一千名騎馱馬匹三千已足敷用今青海蒙古
等已辦馬三千匹又預備一千五百匹爲數已多

勒保乃又於各營內預備馬千餘匹又令阿拉善王旺親班巴爾辦馬一千匹實爲多事試思一千餘名之兵何需馬至七千餘匹之多况索倫兵千本月二十間始能至京及至西寧已須二月初間此項馬匹若於月內齊到西寧並無牧廠餵養反致瘦損辦理尤爲錯誤勒保著嚴行申飭仍交部議處所有青海蒙古等預備馬匹除留存三千匹

欽定鹿傳霖等奏

卷十一

五

備用外餘俱著速行停止朕平時撫卹內外各扎薩克蒙古等惟使安樂得所不肯稍致勞瘁此次因剿辦廓爾喀官兵經西寧行走需用馬匹不得交青海蒙古等備辦是以前經降旨特令照從前採買價值給與以昭體卹蓋青海蒙古等非內扎薩克可比牲畜不甚充餘現當天寒雪大牧廠平常之際備辦三千匹卽不能不形拮据乃又令

多爲預備實爲勞苦已甚朕心深爲不安勒保接奉此旨著曉諭青海衆扎薩克等以爾等所辦馬匹甚屬安速急公奮勉皇上極爲嘉悅今止需用三千匹俱無庸預備共三千匹亦且不必卽時送來俟官兵將至西寧再行調取並於其來時卽照數給價毋使稍有掣累

臣等謹奏我

欽定鹿傳霖等奏

卷十一

六

皇上柔遠懷侯無微不至各扎薩克蒙古服屬既久百數十年來沐浴

恩澤至深極厚是以人思效順各激發於不自知此次因剿辦廓爾喀官兵經行西寧需用馬匹諭令青海蒙古等備辦自無不踴躍爭先計時集事而

聖慈體卹屢屢於拮据之情諄諄於掣累之戒旣量

優以給值復規額而減調

飭大吏辦理之非

申嘉獎勞苦之意逃聽

溫綸有不懌化而忻悅者哉

初七日丁成德奏言竊臣前奉

諭旨令臣帶同現到兵丁迅速追趕探明賊匪遁回

必經之路伏兵邀截痛加剿殺等因仰見

欽定廓爾喀紀略

卷十一

七

聖訓明切實深感悚臣前於寧多途次知定結尙有

賊匪佔據當經一面督催現帶官兵晝夜遣行

一面譯諭賊匪牽制其心使之久留臣隨即單

馳饋行於十月二十六日行抵前藏卽令總兵

穆克登阿先赴後藏一帶探詢賊情及圍繞邀

截道路隨挑派藏內之兵並乘催後起屯練五

百名以便迅速前進乘機剿殺茲據防守江孜

遊擊烏爾公阿防守定結都司嚴廷良申報佔

據定結賊匪數百餘人聞知大兵已到於十一

月初一日夜間奔出經該都司及戴璋帕覺拉

康帶兵撲殺賊匪十餘人餘賊逃竄等語並據

前藏噶布倫格桑納木結等抄呈接得由賊境

出來之札薩克喇嘛信內稱該喇嘛與噶布倫

二人在廓爾喀地方同廓爾喀王子並紅帽呼

欽定廓爾喀紀略

卷十一

八

圖克圖見面說明於十二月差大頭人到交界

濟隴地方同兩個噶布倫並紅帽二呼圖克圖

請說明白各安住牧永遠不得返悔該札薩克

喇嘛於九月初一日自廓爾喀起身隨帶扎什

倫布喇嘛薩迦喇嘛二名並扎什倫布第巴等

一路出來該處大頭人瑪木撒野之弟名哈撒

達蘇必達等十人送至聶拉木該札薩克喇嘛

因患病行緩於九月二十九日始到脅噶爾之
 洛洛塘現患腿痛不能卽來該扎薩克喇嘛先
 寄信與前藏噶布倫等語臣查賊匪以邊外番
 夷輒因微嫌妄逞滋擾一間大兵將到卽望風
 逃竄今雖將扎薩克喇嘛送出而噶布倫等尙
 留在巢敢稱定期說話各安住牧等語更屬狂
 吠當此賊匪逃竄之時亟應痛加追殺但必須
 聲勢壯盛使之喪膽披靡臣晝夜籌思查定結
 距前藏十四站喀爾達在脅噶爾之南距脅噶
 爾二站脅噶爾距前藏二十二站賊匪逃竄已
 經數日相去愈遠再連界之興薩及第哩浪古
 聶拉木均有賊匪接續今臣現帶之兵僅三百
 餘名後起屯練五百名不能卽時趕至而唐古
 忒兵又不甚得力若帶領前進恐兵力無多轉

不足以示威臣現在飛催後起屯練兵丁於此
 數日內務必起來臣卽帶領迅速前進探明賊
 匪何處逗遛跟踪追殺毋任縱逸如已遠竄亦
 必隨處偵探設法牽誘痛加剿殺斷不敢畏難
 苟安存因循遷就之見
 同日成德又奏言竊查西藏地方漢番交易尙
 係使用銀鑄番錢每錢一圓重一錢五分從前
 以紋銀一兩隨時價之低昂可換八九圓至十
 圓不等無論大小買賣均以番錢議價交使此
 錢俱係廓爾喀所鑄該處鑄錢運藏易銀而回
 再爲鑄錢之用迨自今年秋間賊匪滋事該處
 銀錢不出藏內存貯無多漢番人等以銀易換
 每銀一兩只可得舊錢七圓茲臣抵藏詢知僅
 易六圓尙有居奇之勢若以銀行使買賣人等

又覺不便以致各兵月支鹽菜銀兩糴買食物

甚不足用屢經臣明白示諭令將商上及噶布

倫並漢番人等積貯銀錢概行發出公平易換

但爲數仍屬無多臣留心訪查並詢之達賴喇

嘛濟噶呼圖克圖商上及各處存錢通查僅有

二萬餘銀之錢兼係各處流通使用臣思現在

所到之兵甫三百餘名所用銀錢卽已如此短

欽定廓爾喀紀畧

卷十一

十二

缺其後起及續調各兵前來更難易換行使前

奉

諭旨令於剿辦事竣後照內地之例在藏安設鑄座

派撥官匠鼓鑄制錢等因臣再四籌思官鑄制錢

自應俟事竣辦理而現在兵行使用情形又實

拮据似應隨時變通隨詢之達賴喇嘛據稱上

年前輩地穆呼圖克圖在日因藏中銀錢缺少

曾鑄造一次通行使用今亦請照上年地穆呼

圖克圖造過樣式合於商上暫爲鑄造以資急

需於兵行食用實爲有益仍俟鄂輝抵藏再加

熟籌辦理至軍糧一事前奉

諭旨令臣等與達賴喇嘛噶布倫等籌辦臣當卽向

達賴喇嘛等宣示伊等皆稱

大皇帝施恩保護派發官兵所需軍餉理宜我等備

欽定廓爾喀紀畧

卷十一

十二

辦何況給與價銀自當竭力措辦約尙可得數

萬石等語臣復用言勉勵令其作速呈報實數

再行

奏聞又據辦理糧務官員重光呈稱據仲巴呼圖

克圖呈報情願辦糧三萬石以供軍儲臣核計

現已辦定軍糧七萬餘石此後達賴喇嘛等既

可復得數萬石極爲充足可以上慰

聖懷均奏入

上命軍機大臣傳諭福康安鄂輝成德曰賊匪前在定結屯聚聞知大兵將到於十一月初一日夜間奔逸但聶拉木以外賊匪去路屢據保泰等奏稱該處一交冬令卽大雪封山是賊匪在定結奔逸後亦不能竄回巢穴不過在聶拉木濟龍邊界一帶逗遛株守成德此時自己早抵後藏鄂輝亦接續可到所帶屯練兵一千名俱已齊集鄂輝成德正當乘賊匪望風奔竄欲歸無路之時督率兵丁奮力追剿大示創懲立功自効或賊匪在定結奔逸後竟退回聶拉木以外希圖竄歸巢穴該處雖冰雪較大但賊既能行我亦可往鄂輝成德豈宜帶兵坐守不卽跟蹤追捕耶又成德奏據前藏噶布倫格桑納木結等接得由賊境出來之扎薩克

欽定廓爾喀紀畧

卷十一

三

喇嘛書信一節前據保泰等奏祇稱噶布倫丹津

班珠爾等被賊拘留此扎薩克喇嘛自亦係達賴喇嘛所遣或與丹津班珠爾同被裹去着鄂輝成德查明具奏至賊匪狡獪性成中懷叵測此次扎薩克喇嘛信內所稱差大頭人至聶拉木與噶布倫講明各安住牧之語殊不可信安知非賊匪另有詭謀又似誣誘丹津班珠爾之計亦未可定鄂輝成德當預爲留心防範不可令穆克登阿張芝元輕率前往與之講論致墜賊匪術中鄂輝等更應慎之又慎再此次自廓爾喀回藏之扎薩克喇嘛及隨出之喇嘛第巴等均着鄂輝成德督加詢問一面錄供具奏一面卽將該喇嘛等派委委員概行押解送京以脩質訊更可詳詢賊情至成德所奏請暫鑄銀錢以資兵丁換易行使已據成德

欽定廓爾喀紀畧

卷十一

四

諭令商上暫爲鑄造此係爲目前兵丁需用起見亦祇可如此辦理其將來在藏安設爐座官鑄錢文之處統俟福康安於事竣後歸入善後事宜內辦理非目前急務也至成德奏籌辦糧餉一事據稱令達賴喇嘛再行備糧數萬石等語殊可不必節據孫士毅通盤核算藏內現在存貯及前後採買已有糧四萬四千餘石尙有牛羊一萬餘隻今

據成德核計共有七萬餘石是藏內糧石已極寬然將來支應之外儘有多餘何必再令達賴喇嘛添辦此項餘糧存貯日久徒致紅朽且採辦過多於達賴喇嘛商上多有擾累著速行停止以示體恤

初十日庚戌福康安勒保奏言臣福康安於十一月二十六日行抵西寧與臣勒保及奎舒接晤

遵

旨會同熟商查青海一路原有貿易番子往來尋覓

有草地方牧放馬匹卽遇微雪仍可牧放惟柴

糞艱於采覓臣勒保又將柴薪炊爨等項趕辦

齊全雇覓駝駝運送以備糞草不足時接濟應

用亦可無虞缺乏臣等以該處道路情形必須

詳詢經行熟識之人方能確實查有跟隨堪布

曩素存留牧馬之瑪景扎什束住布等現在當

噶爾地方臣等傳集詢問據稱每次自藏至西寧俱係夏間起身沿途牧馬緩行間遇雨雪阻滯約行一百餘日經過地方並無林木俱係檜糞燒燬今若裹帶柴薪可備糞草缺乏之用尋覓有草地方牧放馬匹冬令亦可行走惟口外程站甚大長行馬匹不能甚速每日不過六七十里若遇大雪卽須停待等語惟查瑪景扎什

等行走俱在夏令其隆冬風雪情形並未目擊復傳常赴西藏貿易之青海所屬甲木錯等詳悉詢問據稱此路貿易往來並無內地民人惟青海番子常赴西藏貿易我等於冬天走過一兩次如雪不甚大原可照常行走一遇大雪天寒不能融化勢須停待數日俟有大風吹散積

雪方可覓路前進惟該處山嵐凝結卽成障癘

欽定歷代通鑑輯覽

卷十一

七

雪後較之夏間更甚卽如乾隆三十九年曾遇大雪晝夜不止深至丈餘此並非每年常有之事就目下情形而論天氣晴明此路實可行走等語復詢之青海扎薩克郡王索諾木多爾濟等所言大槩相同臣等伏思口外地氣較寒冰雪在所不免詳察該蒙古番子等所稱情形不過慮爲雪阻道路並不致隔絕該處既有貿易

番子往來卽可爲冬令能行之明証若此時自西寧改道由再箭爐出口迂迴往返不特程站倍遠而巴塘裡塘等處俱係口外地方山高雪大亦復有碍進行臣等再四商酌自當經由青海一路行走近日天氣和暖爲西寧邊地所罕見仰賴

欽定歷代通鑑輯覽

卷十一

六

聖主洪福途中自可無虞阻滯卽使間遇風雪稍須停待核之由川赴藏程期總爲捷近不至欲速反遲現在應用之馬駝帳房口糧柴薪等項臣勒保自奉到

諭旨後馳赴西寧設法趕緊籌辦傳到蒙古扎薩克等多方曉諭安設軍臺雇覓熟悉番子作爲嚮導臣福康安一到西寧早已預備齊全自西寧至藏口糧俱足敷用連日檢點裹帶分派口糧

並傳集蒙古番子等細加詢問人無異辭竟可

定計行走卽擇於十二月初一日吉期自西寧

出口前進現在西藏賊匪情形總未據鄂輝成

德詳悉奏報惟聞賊匪尙在定結第哩浪古等

處負隅據險此時大雪封山賊匪進退無路想

鄂輝成德先後趕抵西藏自能痛加剿殺大示

兵威今雖據把總楊登魁同戴琮等在江孜地

欽定廓爾喀紀略

卷十一

九

方剿殺亦未挈獲活賊訊探賊情虛實

臣福康

安心甚焦急恨不卽抵該處欽遵

謹訓籌度機宜奮勇直前以振軍聲而寒賊膽出口

後惟有設法償行以期早達西藏籌辦一切據

實迅速奏

問仰慰

聖懷至奎舒前奉

諭旨令隨臣福康安出口青海是其所轄呼應自屬

較便但現在裹帶等事業已齊全奎舒隨同出

口並無應辦之事索倫達呼爾兵丁由西寧赴

藏人數較多所需馬匹最關緊要奎舒駐劄西

寧情形熟悉令在西寧富噶爾一帶往來照料

方爲妥協若令隨往青海交界再回西寧計算

日期已屬不及臣福康安現在告知奎舒令其

欽定廓爾喀紀略

卷十一

三

毋庸隨往

福康安勒保又奏言查口外各處臺站臣勒保

前奉

諭旨業經遣人踏探道路妥爲安設若臣福康安改

道赴川當暫行撤回今已定計由西寧出口自應

仍前安設查西寧至藏道路遠遠與其到藏後

再行逐站安至西寧莫若查照雍正年間舊例

自西寧以次安設合鄂輝等酌派在藏之理藩院明幹章京於藏內管轄地方安設臺站直接青海交界但恐西藏現在需兵剿賊不能派撥赴臺以致兵分力薄萬一各臺安設未齊聲息仍不相通臣等詳悉熟商臣勒保不敢因畛域區分稍存推諉現已會同酌派將備弁兵裹帶口糧前往如西藏安臺尙未齊全卽令隨處安設庶使文報往來不致阻隔可以早邀聖鑒其應需馬匹口糧糞草俱已先期運往斷不致稍有短缺總期郵置傳送無悞進行再查青海扎薩克郡王索諾木多爾濟等因辦理馬匹現在西寧臣福康安於接見時面加獎勵據索諾木多爾濟稱我等仰受聖恩至爲深重毫無出力今廓爾喀滋擾後藏

欽定廓爾喀紀畧

卷十一

三

特派將軍進剿原因護衛黃教起見分應力圖報効前經挑備馬匹復荷

恩慈優給價值下懷尤切難安此時馬匹俱已辦有頭緒惟新設臺站例有屬下蒙古等坐臺距我游牧地方不遠現在前赴各臺就近稽查以免貽誤等語臣福康安見其言詞脫切出於至誠告以爾等感激

欽定廓爾喀紀畧

卷十一

三

天恩勉思報稱具見惻忱卽當代爲具奏自必仰邀恩獎均奏入

上命軍機大臣傳諭福康安勒保奎舒日前因勒保奏青海出口一路冰雪較大柴草雜艱途中恐有阻滯是以降旨令福康安到西寧後與勒保奎舒面商定議若勢難行走卽改道仍由四川赴藏但朕已料及福康安素性勇往急公能耐勞苦雖有

旨令其酌商改道而福康安仰體朕早夜焦思欲
早得衛藏實在情形方慰廑注如青海道路可以
行走福康安必不辭辛苦仍請由青海前進今福
康安一到西寧即將青海道路訪詢確切定於十
二月初一日吉期起程前進與朕心適相符合實
能仰體朕懷克副委任嘉慰不可言喻且摺內稱
近日天氣和暖爲西寧邊地所罕見此實

欽定平定回疆方略

卷十一

三

上天護佑之嘉兆曷勝額手感謝看來事機順利明春
大舉進剿定能速奏膚功從此得以稍紓馳驅逐
歲迎祥欣慰之餘有何可論至勒保奎舒於福康
安未到之先將應用駝馬帳房口糧柴薪等項設
法趕緊籌辦並安設臺站雇覓熟悉番子作爲嚮
導福康安一抵西寧得以定期邁發所辦俱屬可
嘉又據奏現在應用之馬匹駝隻等項經勒保設

欽定平定回疆方略

卷十一

三

法趕辦傳到蒙古扎薩克等多方曉諭安設軍
臺均已預備齊全等語前因索倫達呼爾兵前抵
西寧尙需時日曾經諭令勒保等青海一路此時
且無需設站安臺今青海扎薩克郡王索諾木多
爾濟等於福康安接見時據稱情殷報効該處新
設臺站例有屬下蒙古等坐臺距伊等游牧地方
不遠請赴各臺就近稽查等語該扎薩克等踴躍
急公言詞懇切實屬可嘉特發去大小荷包交勒
保奎舒轉行賞給以示鼓勵其駐劄各站蒙古官
兵俱照綠旗官兵之例賞給鹽菜口糧其餘在事
出力之扎薩克以上王公台吉著一併查明具奏
另行分別獎賞至海南察等前經諭令暫駐西寧
俟烏什哈達岱森保所帶索倫達呼爾兵到齊再
行管領進發嗣因勒保所備馬匹甚多復經降旨

令福康安酌量情形或將分起帶兵之巴圖魯侍衛章京等酌帶一起半起先行赴藏以備軍前效用今福康安奏勒保預備馬匹儘屬寬裕又節據奎舒奏已令扎薩克辦馬共五千匹茲福康安抵西寧後復告知奎舒以現在乘坐馬匹爲數不多令奎舒將預備馬匹存下等候索倫達呼兩兵到

時騎用是該處所備馬匹已屬寬然有餘與其留

欽定廓爾喀紀畧

卷十一

五

存等候徒費餵飼莫若令海蘭察及巴圖魯侍衛章京等毋須駐劄西寧卽於此時接續前進伊等不過一百餘人卽加以跟役人等所需騎用馬匹亦無須用至一千之多而隨後遊行可期及早抵藏彼時賊匪或尙在邊界逕遁卽可令海蘭察等帶領官兵跟蹤剿殺更爲得力計此旨到時福康安已由青海行走二十餘日該處道路情形及氣

候光景自己可悉一切卽着福康安細加酌量如青海一路可以通行無阻卽飛咨勒保告知海蘭察等令其無須駐劄西寧等候官兵一同起程前進或作爲一起行走或分作數起俱無不可總以計算馬力酌量行走此事惟在福康安相度情形自行定奪咨明辦理

上諭內閣曰前因勒保辦理西寧馬匹過涉張皇慮

欽定廓爾喀紀畧

卷十一

五

其擾累各蒙古游牧是以降旨將勒保議叙撤回並交部議處茲據福康安奏稱行抵西寧所有馬匹駝隻鑼鍋帳房口糧柴薪等項早經勒保奎舒籌備齊全足敷應用是此次所需馬匹該蒙古等爭先趨事極爲踴躍已另降諭旨特加獎賞勒保奎舒所辦馬匹駝隻免事預籌不特無擾累情事而預辦軍裝口糧安設臺站一切事宜俱極迅速

安協所有勒保前此議處之處卽行寬免仍給與
議叙以示獎勵至藩司景安此次隨福康安安設
臺站沿途照料亦著加恩賞戴花翎



欽定廓爾喀紀畧卷十二

十二月十二日壬子鄂輝成德奏言臣鄂輝於十

一月十四日行抵前藏頭起屯番五百名亦於

十六日到齊臣成德即日帶領前進據防守定

結都司嚴廷夏稟報因賊匪於十一月初一日

由定結逃竄隨即帶領漢番兵丁追殺餘斃賊

匪數十名生擒賊匪十一名並搶獲牛馬等件

欽定廓爾喀紀畧

卷十二

二

賊匪由色爾一帶逃竄等語所稟是否屬實臣

成德即日前往確查並就近將現獲賊匪訊取

供詞再行據實奏

聞請

旨辦理臣等伏查定結一路之賊業經官兵邀截追

殺足挫其鋒惟聶拉木等處尚有賊匪佔據現

經總兵穆克登阿前往後藏一帶密探賊勢道

路情形並聲言代為清理債務藉以牽連久住

大兵一到正可相機勦殺惟查賊匪素皆畏寒

此次自後藏退回佔據如此之久殊覺可疑因

遍加訪問咸稱本年九十月間該處並未下雪

氣候較溫是以唐古忒人現皆傳染出痘即通

拉山現亦並無大雪因此賊匪得以在彼久住

安知非賊匪罪惡貫盈

欽定廓爾喀紀畧

卷十二

二

天意特故為羈留以待大兵殲戮臣成德現在帶領

已到之頭起屯練並添湊藏內之兵即自前藏

起程馳往邊界偵探賊匪蹤跡相機進剿臣鄂

輝俟前藏查辦事竣後起官兵一到亦即

接續前往至賊匪先將扎薩克喇嘛等送出是

明知臣等將到藉此通信冀圖割斷清還舊欠

此等伎倆總不出

聖明洞鑿之中^臣等惟有堅持定見務將賊匪痛加勦洗以示懲創至前被賊匪誘去之丹津班珠爾及教習兵丁等尙在廓爾喀地方因何祇將該喇嘛等放出之處必須^臣等面詢札薩克喇嘛方可得其備細除一面密諭噶布倫班第達等卽作覆信令將丹津班珠爾等及早送出仍一面令扎薩克喇嘛卽速前來迎見^臣等面加

欽定藏書

卷十二

三

詢問實情再行據實具奏

鄂輝成德又奏言查廓爾喀與西藏犬牙相錯必須探明道路分起進攻^臣等現帶屯練及預派換藏官兵雖有三千餘名然爲數究覺太少自應遵

旨酌量添調以壯聲威第所調之兵既須奮勇精銳而又與藏地水土服習庶幾調一兵可多得一

兵之力查川省西南兩路各土司向來感激

天恩遇事奮勉出力而其逆秦黃教敬信尤虔每當安靜無事之時皆不惜重貲差人赴藏熬茶以昭誠敬此次賊匪滋事伊等自必憤激爭先急圖殺賊自效况鄂克什三雜谷緯斯嘉佈布拉克底巴旺等處土兵屢經行陣其勇健無異屯兵甲壘一帶及德爾格特等處又素爲廓爾喀

欽定藏書

卷十一

四

賊匪所畏懼足以震懾其心且該土兵等生長山陬陟雪登高向稱矯健其平日所食皆係糈糲酥油服食又所習慣以之打仗駐防在在均資得力^臣等昨接署督^臣孫士毅札商亦以將來添調兵丁應以土兵爲最等語意見均各相符現擬于德爾格特緯斯嘉佈三雜谷革布什咱鄂克什等處各土司內派調土兵五千名此

外如明正巴塘裡塘等處應付烏拉之土司及
附近明正等處幫應烏拉之霍爾等土司概可
不必派調以均勞逸除^臣等一面分別譯諭令
其早爲預備外一面卽將派定兵數開單咨明
孫士毅就近專差齋諭前往派調並將統領大
員及熟悉番情之將備員弁預爲派定轉瞬卽
屆臘底春初如蒙

欽定庸庵筆記

卷十一

五

恩允卽可飭令該員弁等分起帶領催令于正月初
旬各自本處起程所有安家銀兩及應支鹽菜
口糧並馱載烏拉均照屯兵之例辦理惟其間
道里遠近不一如德爾格特三雜谷等處向來
赴藏熬茶均從草地行走此次竟可由草地直
至前藏伊等自備烏拉口糧較爲便易卽可將
自爐至藏應發烏拉脚價並應領口糧等項照

例按名支給令其各由本處自備牛馬口糧馱

載行走該番既有應得銀兩自必樂從而口

外臺站卽可省三千餘兵之應付其由鑪城出

口者所需烏拉口糧仍令沿途受運應付如此

分起分途行走亦無虞壅滯大約由臺站行走

者三月初可陸續抵藏由草地行走者三月杪

亦可到來^臣等現帶之兵統計共有八千餘名

欽定庸庵筆記

卷十一

六

軍威極爲壯盛維時交界一帶積雪俱已融化

正可厚集兵力分路直搗賊巢自能一舉成功

靖邊隅而安衛藏

同日孫士毅奏言^臣九月間到川經總兵袁國

璜額請出兵^臣曾附摺聲明未蒙

恩准此次袁國璜聞明春大舉進剿親赴打箭爐必

欲^臣再爲

奏請帶兵臣以續調屯兵二千名業經遵

旨令總兵諸神保管帶前進未便再爲該鎮陳奏而

察看袁國瑱神情詞氣萬分迫切實出至誠臣

又不敢壅于上

聞謹再據情具奏應否令伊赴藏帶兵之處伏候

皇上訓示遵行均奏入

上命軍機大臣傳諭福康安孫士毅鄂輝成德曰廓

欽定廣西紀畧

卷十二

七

爾喀賊匪前於滋擾扎什倫布後並不竄回巢穴

仍在定結興薩等處逗遛觀望鄂輝成德若能隨

程行走早到二十餘日正可乘機剿捕乃行走滯

滯稽延時日以致失此機會惟當趁賊匪尙在邊

界屯聚之時率領官兵奮力鼓勇直前進剿現在

成德已帶領屯練前往追剿鄂輝亦接續到彼合

兵前進朕惟看伊二人如何奮勉出力立功自贖

耳至所稱賊匪先將扎薩克喇嘛等送出是叫知

鄂輝等將到藉此通信冀圖割斷清還舊欠等語

此項舊欠皆因前次巴忠等辦理不善以致賊有

所藉口滋生疊端今賊匪罪惡貫盈恣意搶佔其

清還舊欠一節豈得復行提及鄂輝成德惟有堅

持定見帶兵進剿將賊匪痛加殲戮大示軍威方

爲正辦又奏請於德爾格等處各土司內派調土

欽定廣西紀畧

卷十二

八

兵五千名合熟悉番情之將備員弁各自本處起

程赴藏協剿等語所辦尙好前因停調滇兵已添

調索倫達呼爾兵一千又據福康安奏添調屯練

兵二千合之藏內原駐官兵並鄂輝成德先後帶

領漢屯二千二百名及先期派往換班兵丁一

千二百名共有七千餘名此內添調索倫達呼爾

兵一千及續派屯練兵二千名諭旨想鄂輝成德

尚未接到故此次摺內稱祇有官兵三千餘名但
 明春大舉進剿必須厚集兵力豈有令汝等打仗
 殺賊而不與多兵之理况福康安於春融進兵窺
 入賊境須帶兵五六千其後路尚須三四千兵力
 接濟策應于聲勢更爲聯絡現在藏內糧石節據
 孫士毅奏共存糧四萬四千五百餘石尚有牛羊
 一萬餘隻足供一萬四五百人一年兵食嗣又據

欽定平定回疆紀略

卷十一

九

成德奏後藏已備糧三萬石是前後藏共有糧七
 萬餘石更屬寬然有餘卽再添派此項土兵亦儘
 足資供應著准其所請于福康安奏續調屯練兵
 二千名外再添調土兵三千名以足鄂輝成德所
 請五千名之數並著孫士毅就近專差分別譯諭
 各該土司令其早爲預備于正月初旬分起赴藏
 其統領大員及熟諳番情之將備員弁亦令孫士

毅妥爲派定屆期帶兵前往看來成德鄂輝於此
 次奏請添兵及籌辦一切事宜較前稍有把握蓋
 當倍加奮勉立功自効又據孫士毅奏總兵袁國
 瑣懇請赴藏帶兵一節袁國瑣在川年久熟悉番
 情且曾經出師金川臺灣于打仗殺賊頗爲奮勉
 今懇請赴藏具見實心自應准其所請著孫士毅
 于鄂輝成德續調土兵分起赴藏時卽令袁國瑣

欽定平定回疆紀略

卷十一

十

帶領一起前往交與福康安軍營差遣委用于勦
 捕較爲得力再原任廣東潮州鎮總兵彭承堯病
 痊起復來京經朕召見看來其人尚且曾經出
 師現已降旨令其馳驛前往四川著孫士毅酌量
 若帶兵乏員卽令該鎮分帶續調土兵赴藏在軍
 營委用若因四川總兵張芝元穆克登阿諸神保
 袁國瑣等俱帶兵往藏現在需員署理卽將彭承

棄留于川省署理鎮篆總在孫士毅酌量辦理

上命軍機大臣傳諭直隸河南陝甘四川各督撫曰

前派海蘭察帶領巴圖魯侍衛章京一百員副都

統烏什哈達岱森保分起帶領索倫達呼爾兵丁

一千名前赴西藏俱由內地赴清海一路出口會

降旨令各該督撫將沿途應行備辦事宜妥爲經

理其帶兵官員等如有例外需索等事卽著地方

欽定廟廟略紀畧

卷十二

十二

官據實奏朕既加恩體恤而沿途各省於一切

應付事宜亦得概從節省因思時屆隆冬該索倫

兵丁等衝寒就道亦當加以體恤著傳諭各該督

撫於該兵丁等過境時所有飯食湯水等項俱應

妥爲預備或於廩給之外給猪羊肉湯飯俾得飽

煖進行斷不可一任辦差家人等借端侵冒給與

寒冷食物以致有名無實與其將無益之費徒供

帶兵將弁騷擾何如加惠窮苦兵丁得實飽暖較

爲有益也

臣等謹按采薇出車諸籍皆言雨雪行役甚

天寒涉遠軫恤尤殷

聖人不得已而用兵

體察甘苦凡士卒之資糧屨屨莫不在

宵旰屢注之中前此慮帶兵將弁例外需索固已

欽定廟廟略紀畧

卷十一

十三

嚴飭疆臣毋爲濫應茲復念調派之索倫兵丁等衝

寒載道

特諭沿途給予飲食飽暖視投醪換纈之恩吳當相

去霄壤節浮費以

施實惠

恤吏隲而勵戎行俾將士感激師旅飽騰有不爭先

致果者乎

同日鄂輝又奏言竊照西藏道途險遠糧運維

艱仰蒙

皇上厪念軍儲節奉

諭旨飭令妥爲籌辦臣於途次卽經屢飭西藏糧員

重光並噶布倫等在前後藏廣爲採買先據該

糧員等稟稱除存倉稞麥並自行採買糶糶共

三千五百四十石外噶布倫等共辦有糶糶四

欽定廓爾喀紀畧

卷十一

十三

萬一千石牛羊在外嗣復據後藏仲巴呼圖克

圖辦有糶糶三萬石臣到藏查詢均與所報

無異雖糶糶分貯各寨落一時未及查齊而該

噶布倫等感激

天恩實心報効斷不致稍有短缺次日往見達賴喇

嘛傳宣

諭旨該喇嘛不勝感悅據稱本年因廓爾喀滋擾後

藏地方仰煩

大皇帝聖心派調官兵不遠數千里到此剿辦合藏

僧俗人等無不共沐

鴻慈凡有百姓存糧除日食之外俱應買作官兵口

食現在前後藏盡力籌備共有糶糶七萬餘石

以資應用不敢缺悞等語臣查西藏一帶不產

米糧各番民均以糶糶爲飯茲旣辦有七萬餘

欽定廓爾喀紀畧

卷十二

十四

石卽明春大舉統計官兵一萬餘人亦足以供

支應前經署督臣孫士毅

奏請於成都雅州邛州等處撥碾米二萬石陸續

運鑪預備運送察木多接濟西藏兵食查察木

多係自鑪至藏適中之地米石運至該處所費

已屬不貲若由該處再運西藏尙有一半程途

運價更覺繁重今西藏旣經辦有糶糶足資兵

食所有內地米石即可酌量停止現已飛咨孫士毅酌辦以歸節省至糶糶分存各處遠近不同將來大兵會合進攻自應隨軍轉運現在督同鹽茶道林傳確查道路情形後藏以前拉子地方爲來往通衢擬將各處存糧陸續運送拉子多爲存貯即日官兵分路進朔有一路軍營卽需一路糧運臨時酌核兵數之多寡道里之遠

近委員安設糧臺雇備烏拉更番運送務期源源接續以裕軍儲奏入報

聞

十四日甲寅勒保奏言臣查西寧口外連日以來

天氣晴和並據節次差往躡探路徑之人稟稱青海界內現在尙無大雪河道均已凍結可以坦行無阻一路水草雖值冬雪草枯之時尙可

收放卽遇大雪稍有停待現令酌帶料豆自可

無虞缺乏等語今福康安於十二月初一日自

西寧起身臣隨將挑就營馬逐一點交令隨從

之侍衛章京等騎帶前往所有口糧鍋帳均係

駝隻運送其應需之燒柴料豆等件亦俱寬爲

備帶駛運前往中途不致稍有短缺臣一路照

料同行於初三日送福康安至阿什罕頭臺次

早起身前進仰賴

皇上洪福天日晴和並無風雪從此直抵西藏自可

早奏膚功仰慰

聖懷奏入

上命軍機大臣傳諭福康安海蘭察勒保曰據勒保奏西寧口外連日天氣晴和青海一帶現在尙無大雪水草不致缺乏等語覽奏深爲欣慰至西寧

一路勒保等預備馬匹駝隻甚多又奎舒令扎薩克辦馬四千匹現在復據奎舒奏札薩克王公獻馬一千匹是該處所辦馬匹已屬寬然有餘福康安此時由青海赴藏輕裝減從所用馬匹甚少其預備多餘馬匹留存等候未免徒費喂飼業經降旨諭令福康安酌量途次情形咨會勒保或令海蘭察同巴圖魯侍衛章京等趁此多餘馬力即行

欽定兩略紀畧

卷十二

十七

隨後啟程以便抵藏後帶兵剿賊今思口外一帶近日天氣較往年和暖途中水草不致缺乏且海蘭察所帶巴圖魯侍衛章京等不過百餘人所騎馬匹亦屬無多若俟福康安信未免又稽時日著傳諭海蘭察與勒保商酌帶同巴圖魯侍衛章京即照在內地行走起數由西寧啟程進發可以及早到藏至索倫達呼爾兵現已陸續到京于本月

二十外可以起身計抵西寧後已屆春融該處馬匹備辦寬餘即著勒保令帶兵之烏什哈達岱森保率領兵丁隨到隨行以期迅速抵藏若彼時賊匪尚在聶拉木等處邊界逗遛正可令海蘭察等帶領此項勁旅直前追剿更可將賊眾殲戮無遺而藏內僧眾番俗人等見有官兵早到人心亦可鎮定于剿捕機宜實為得力

欽定兩略紀畧

卷十二

十八

十五日乙卯鄂輝奏言臣等赴藏剿賊心急如焚惟口外烏拉各土司喇嘛所管地方大小不一寬裕者隨到即可應付而地方褊窄者所產烏拉祇有此數必須俟前起轉回方可應付後起臣督率屯番五百名前後行走即在裡塘恩達碩板多等處耽擱兩三日不等設法辦理方得啟行官兵騎獸大半俱給牛隻因此愈難趕站今

臣於十一月十四日抵藏屯番於十六日到齊

後起官兵亦經孫士毅與臣前後兩路嚴催總

兵張芝元所帶頭起屯練於十一月初六日甫

從察木多起程約計月底月初方可到藏查察

木多以西均係達賴喇嘛所管地方所派倉儲

巴營官多不得力臣已告知達賴喇嘛及濟噶

呼圖克圖等速派明幹曉事之人前往更換以

欽定西藏紀略

卷十二

九

資照料自儘出口各土司均飭臺站文武於兵

差未來之先預發腳價令其早爲雇備俾利後

起軍行奏入報

聞

二十日庚申福康安奏言竊臣自本月初一日由

西寧起程輕裝減從取道前進自當囑爾東廓

爾一帶經過阿什罕喀爾喀圖賀爾差吉口各

臺地勢漸高山上舊存積雪微覺崎嶇並有山

嵐瘴氣早晚行走每致頭暈氣喘惟沿途有草

處所未被雪壓足供牧飼之用本日已至貢額

爾吉地方口外道里頗長不能併站僭行然總

儘一日馬力迅速行走並不拘安設臺站地方

住牧自出口以來仰賴

聖主洪福天氣晴明午間氣候尙和與內地相仿實

欽定西藏紀略

卷十二

十

邊外所罕見前途苦無冰雪阻滯可期早抵藏

地至經過各蒙古地方該旗王公台吉等恭聞

皇上護衛黃教特派將軍進剿廓爾喀無不感激

天恩懽欣迎候紛紛不絕且有蒙古人等於駐牧之

次爭先代爲牧放馬匹檢尋蕪草臣俱面爲獎

勵酌加賞賚該蒙古等更爲踴躍並經郡王索

諾木多爾濟親自赴臺稽查督率伊屬下坐臺

蒙古常川在臺伺候不致貽誤所辦馬匹均已陸續辦齊察看該札薩克等爭先趨事情形實因受

恩深重感激圖報出於至誠並未稍形畏累之意至口外新設臺站業經以次安設弁兵等均係裹帶口糧牧放馬匹毋庸缺乏今由青海赴藏傳送文報均關緊要自應仍遵前奉

欽定顏爾喀紀畧

卷十一

三

諭旨安設未便復行撤回至賊匪自札什倫布竄回後尙留餘賊在興薩山均及定結第哩浪古等處屯聚固因大雪封山歸路阻絕且恐賊匪窺知大兵未到思在附近地方潛匿佔據希圖窺伺亦未可定成德鄂輝帶領屯練兵丁等先後行抵藏內自必欽遵

諭旨直前進剿臣到彼後卽行整頓兵力相機深入

示以軍威俾知震懾至草地情形查明尙可行走臣既由此路前進海蘭察及巴圖魯侍衛章京等亦卽可進行且賊匪尙未竄回成德鄂輝

如能帶兵前進痛殲賊衆固屬甚善倘賊匪尙在抗拒一時未能得手臣到彼後直前追剿帶兵亦屬需人臣現已知會海蘭察並後起巴圖魯侍衛章京等徑赴西寧卽行出口其索倫達

欽定顏爾喀紀畧

卷十一

三

呼爾兵丁亦令由青海前進計算該兵丁等到西寧時已屬春融行走更爲順利所有各起應用之馬匹口糧等項臣在西寧時知勒保預爲籌備諸事定有章程緩急得當海蘭察等及後起兵丁一到西寧卽可隨到隨行迅速赴藏奏入

上諭內閣曰此次福康安等前赴衛藏由青海行走

從前奎舒奏報情形未免存畏難之見嗣經勒保馳赴該處督率所屬調度籌辦所有駝馬軍裝口糧柴薪等項一切預備齊全足敷應用且口外一帶應設臺站不分疆界亦經分派各員查照舊日章程逐站安設俾郵遞得以迅速辦理諸事井井有條實屬可嘉勒保著加恩給予太子太保銜以示優獎至青海衆王札薩克等感激朕恩官兵所需馬匹迅速供應而索諾木多爾濟又親往新站巡查實屬奮勉朕心實爲嘉悅索諾木多爾濟著賞親王職銜以示鼓勵其餘効力札薩克等著勒保一併查明具奏再行分別獎恤

上命軍機大臣傳諭福康安勒保曰福康安奏稱出口以來天氣晴朗午間氣候與內地相仿爲邊外所罕見等語青海一路一交冬令向屬嚴寒今氣

候和暖草地未被雪壓足供收飼得以進行無阻此實

上天嘉佑欣慰之餘倍深敬感至所稱山嵐瘴氣早晚行走每至氣喘頭暈朕心深爲繫念現在正值隆冬想瘴氣當不至過甚福康安此摺係于本月初九日拜發計出口行走已及一句過此前進自當一切順適人衆是否均各平安想此旨到時已距

藏不遠惟望福康安早抵該處查明賊匪確實情形迅速馳奏以慰盼望又摺內稱口外臺站業經安設及知會海蘭察等不必暫住西寧等候索倫達呼爾兵丁竟由西寧卽行出口其索倫達呼爾兵亦令由青海前進所見俱與朕節次所降諭旨相同實屬可嘉本日正值封篆之期接到此奏朕懷嘉悅具見事機順利佳兆先徵迓歲迎禧倍增

喜慶特解親佩荷包一個以賜用示優眷

臣等謹奏天人協應之理捷於影響我

皇上命將興師遠赴西藏剿辦廓爾喀賊匪所以蕩

衛黃教綬輯邊隅仰惟

聖主如

天之仁如

天之福自足感乎

欽定廓爾喀紀畧

卷十二

五

吳眷茲福康安由西寧起程前往青海一帶以嚴冬之

時經沍寒之地若遇冰雪差我萬難攀涉乃

自出口以後前旌所指氣候晴和爲邊外所

罕觀從此遊行無滯足徵

上蒼篤祐吉兆先呈膚功自符操券至蒙古王公台吉

等涵濡

德化淪浹有年此次照料軍臺預備馬匹等事是其

情殷報効分所宜然蒙

皇上聖慈獎諭錫以親王之銜其札薩克等亦皆

彰念微勞

溫綸重遠是以身受

渥恩者益知感激奮勵而共深敵愾同仇之義也

欽定廓爾喀紀畧

卷十二

五

欽定廓爾喀紀畧卷十二

欽定廓爾喀紀畧卷十三

十二月二十一日

辛酉

鄂輝奏言竊照藏內銀錢

缺乏先經成德奏明令達賴喇嘛等暫造銀錢

以資現在兵行之用

臣

抵藏後與成德細加商

確並差人持銀赴街市易換每銀一兩實祇換

錢六圓有零較之從前每兩可換錢九圓大相

懸殊遍加訪察實因自上年以來廓爾喀並無

欽定廓爾喀紀畧

卷十三

一

銀錢來藏而買賣人等交易多用銀錢勢不得

不換錢使用以致錢價昂貴商上積貯無多卽

使全行發出亦不能驟平市價自應照成德所

議令其暫鑄銀錢俾資通用惟查從前藏內因

何鑄錢腥色高低不一必須確查定議令新錢

勝于舊錢方可通行無滯

臣

隨與達賴喇嘛並

濟噶呼圖克圖噶布倫等悉心講究據伊等言

前輩地穆呼圖克圖在日于乾隆二十八年二

十九年爲巴勒布來錢稀少不敷民用曾鑄銀

錢兩年至達賴喇嘛亦曾于五十年鑄過一次

將兩次所鑄之錢呈送查驗每圓均重一錢五

分達賴喇嘛前鑄之錢較之地穆呼圖克圖所

鑄賸分稍高

臣

隨告知濟噶呼圖克圖以現在

暫鑄錢文爲一時權宜之計現奉

欽定廓爾喀紀畧

卷十三

二

諭旨將來尚須鼓鑄制錢若此時所鑄銀色低潮日

後將銀錢鎔化折耗太重商上必致喫虧況當

此軍興之際

皇上爲保護黃教起見不惜數百萬

帑金派兵剿賊汝等更不可見小貪利鑄出低潮

之錢計圖擾和行使復據濟噶呼圖克圖等稱

銀錢腥色高下不難一目了然斷不敢藉此營

私冀圖獲利隨將新鑄錢樣呈驗前來臣比驗

地穆呼圖克圖所造脛色固高卽比之違類別

嘛上次所鑄錢文亦覺較勝隨令其如式多爲

趕鑄庶貿易人等旣無從勒措居奇各官兵先

後到來均得隨時易換價值亦可平減于錢法

軍行實有裨益

同日四川建昌鎮總兵穆克登阿奏言竊臣于

欽定庫爾喀紀畧

卷十三

三

扎什倫布途次接奉

諭旨以成德先已赴藏令臣帶兵隨後併程前進臣

前隨同將軍成德到孟滿地方成德先行進藏

將官兵交臣帶領在後遣行續至洛宗地方經

成德奏明令臣將所帶之屯練番兵交遊擊張

鎮奎都司張芝林等帶領接續前進令臣先行

馳赴至十月二十六日行到前藏時雅滿泰奉

旨革職成德接奉

諭旨令臣前赴江孜宣示雅滿泰一面卽帶領官兵

防守江孜等處臣遵卽馳往向雅滿泰傳

旨卽將伊革職拔去翎頂又接成德咨令臣到後藏

查對占卜哀衆之喇嘛等臣隨又赴後藏留心

詢訪將賊匪侵擾扎什倫布時首先起意占卜

惑衆之色籠喇嘛羅布藏丹巴扎蒼喇嘛夏爾

欽定庫爾喀紀畧

卷十三

四

彩積剛阿克巴多索靈共五名查出交都司張

芝林妥爲看守解至前藏聽鄂輝成德等遵

旨辦理外臣仍一面帶兵前赴江孜防守均奏入

上命軍機大臣傳諭福康安鄂輝成德穆克登阿曰

本日鄂輝穆克登阿六百里報到朕以爲必係馳

奏打仗殺賊情形乃摺內所奏俱係覆奏接奉諭

旨及辦理鑄錢等事殊屬無謂鄂輝成德抵藏後

已閱多日所有屯練兵丁亦經先後到彼此時急務惟當乘賊匪在邊界逗遛之時率領弁兵直前圍剿於福康安未到之前勉立功績庶可稍贖前愆乃鄂輝于十一月二十四日發摺之期尚在前藏駐劄並未起身所奏俱非要務現在賊匪早已退至邊界前藏僧衆人等均各安居復業卽舒濂尚未到藏該處有達賴喇嘛在彼足資彈壓人心安靜卽有應辦之事亦並非迫不及待儘可俟舒濂到後再行辦理鄂輝何必株守前藏稽延多日坐失事機殊屬非是至穆克登阿前據成德奏于十月二十六日已令先赴後藏一帶探詢賊情圍繞邀截並令其詳諭廓爾喀牽制賊匪該總兵自應迅速趕赴邊界相機辦理乃本日所奏之摺亦祇係接奉諭旨敷衍覆奏穆克登阿向來遇事尚

能奮勉朕方以其人尚可此次經成德差往剿賊伊爲總兵大員自應加倍出力立功自効迅速馳抵邊境躡探賊蹤設法繞截並將差人詳諭後賊匪是否因此覲望羈留及如何牽制情形隨時速奏乃行走濡遲並未見其奮勇出力自係心存畏蕙旣不敢鼓勇直前又恐未經打仗殺賊致干申飭是以遲延多日始以一奏塞責穆克登阿係總兵大員本有奏事之責况現在帶兵剿賊更當將剿辦事宜隨時具奏試思查辦占卜惑衆之濟仲塔布喇嘛等事有何緊要豈穆克登阿專爲辦理此等事務前赴邊境耶至成德于十一月十六七日帶領頭起屯練兵丁自前藏啟程馳赴邊界距今已閱四旬到彼後如何將賊匪攻圍剿殺情形亦應迅速馳奏乃相隔多日並未見成德奏到看

來鄂輝成德穆克登阿三人辦理此事一味稽延
遲緩毫無展布實屬無能幸朕早為籌及特命福
康安前往督辦可以計日抵藏于剿捕機宜得有
把握若專恃伊等在彼辦理彼此遷延觀望豈能
望其集事鄂輝成德穆克登阿俱著嚴行申飭伊
等若再不知愧奮棄賊匪尚在邊境逗遛之時鼓
勇剿殺冀圖將功折罪伊等自問當得何咎耶

欽定平爾喀紀略

卷十三

七

二十二日壬戌孫士毅奏言竊臣前奉

諭旨令續調屯練降番二千名赴藏協剿臣已將先
到五百名照料出口其餘一千五百名現已陸續
到境臣按例預備烏拉給發口糧並派曾經
出師得力將弁分起管束隨到隨帶領啟行
其末後一起係川北鎮諸神保督同將弁管帶
前進業於十二月初十日全數出口其番練所

需鉛彈火藥及鑼鍋帳房砲位等項均須官為
撥給臣已先期調貯打箭爐於該番練啟行前
一日分給攜帶臣察看諸神保肯耐勞苦約束
亦頗嚴明此項屯練二千臣面加獎賞俱極
踴躍鼓舞諸神保統領赴藏可期進剿得力再
臣又欽奉

欽定平爾喀紀略

卷十三

八

諭旨以藏內現存糧石已極寬裕即再添兵二三千
亦儘足資供應着福康安酌量情形如尚須添調
即就近酌量撥調等因臣現已密飭德爾格及三
雜谷綽斯甲布共挑備三千名聽候撥調其德
爾格土司現出烏拉應僱當差臣譯寫番字傳
諭將來如果調爾土練赴藏即免其烏拉當差
該土司自必樂從臣現在一面具
奏一面將遵

旨酌備土練等因寄知福康安以憑檄調數日以來並無福康安由川赴藏之信定已由青海一路迅速前進臣現飛檄南北兩路將續備夫馬減撤以節糜費再臣現令德爾格等處預備土練計各該土司地段可由草地徑自赴藏臣先委員到彼挑選丁壯俟接准福康安檄調即將一切鐵鍋帳房並應行賞給之項於譯諭內開明

欽定廓爾喀紀畧

卷十三

九

數目委員同領兵將弁攜赴各該處一一分給卽令從草地及察木等處行走較爲徑捷奏入上命軍機大臣傳諭福康安海蘭察孫士毅日前據鄂輝成德奏請再調土兵五千名當經降旨以藏內現有官兵及原調續調索倫達呼爾兵共有七千餘名令其再行添調土兵三千名以足一萬之數仍著福康安通盤籌畫知會孫士毅辦理今孫

士毅尚未接到此旨卽密飭德爾格及三雜谷棟斯甲布共挑備土兵三千名倉福康安酌量檄調所奏適與朕旨相符至所稱續調番練二千出口時俱親身挑驗並因數日以來未接福康安由川赴藏之信已飛檄南北兩路將續調夫馬減撤以節糜費等事無不預爲籌及勸合機宜寬奏深爲嘉慰着賞給大小荷包以示優眷福康安自本月初一日出口後於初九日已行抵貢額爾吉地方該處氣候和暖草地未被雪壓足供牧飼得以遺行無阻人衆平安共深嘉慶此時惟望福康安早抵衛藏查明賊匪確實情形迅速馳奏以慰盼望

欽定廓爾喀紀畧

卷十三

十

二十三日癸亥勒保奏言臣查青海口外前因冬令難行上煩

膚慮令海蘭察等暫住西寧俟至春和再行帶領大

兵前進仰見

聖主軫念軍行格外體恤至意惟查口外草地每年

二三月間冰雪未能盡消青草亦未萌發天時

氣候與冬月無異若已圖魯侍衛等俟至兩時

帶領大兵一同進發未免人數眾多燒燬難覓

且臣細加探詢前途程站有路甚窄小之處勢

恐一時並集擁擠不前馬匹難以牧放臣愚昧

之見莫若令其隨時進發則各起人數無多馬

匹亦少沿途糞草易於料檢卽裹帶之口糧柴

薪等項所需駝隻俱可源源轉運不致稍有竭

蹶况福康安業經出口旬日計可早抵西藏現

在賊匪屯聚定結等處尚未竄回如福康安到

彼審度情形遇有可乘之機卽當直前進勦痛

加殲戮以示兵威是一切調遣在在需人倘巴

欽定平定回疆方略卷十三

十一

圖魯侍衛等至來年春後始行趕到未免過遲

恐失機會不若令其早抵軍營以供使令較為

有益且臣處現將馬匹駝隻及應行裹帶等件

俱經預備齊全無虞缺乏茲海蘭察現已將到

西寧其各起巴圖魯侍衛等亦卽接踵而至臣

擬令其隨到隨行毋庸停待卽分起陸續進發

庶起數旣分中途不致擁擠所需一切亦復易

於支應且可速抵軍營以備調遣至臣前交蒙

古辦馬三千匹外又令添辦一千五百匹兼交

阿拉善王辦馬一千匹又令各營預備千餘匹

仰蒙

皇上訓諭申飭實深惶悚查前奉

諭旨派出索倫達呼爾兵一千名臣合以跟役計算

共有一千五百多名照人給二馬之例辦理卽著

欽定平定回疆方略卷十三

十二

青海衆扎薩克供備馬三千匹續經奉

旨以道路遙遠正缺水草之時沿途馬匹不無易於

倒斃每兵着以三馬備用等因是以又令衆扎薩

克添辦一千五百匹彼時臣以扎薩克等雖係

感戴

聖恩誠心勉力但伊等情形究形貧乏游牧處所又

遠近不一今正居嚴冬牲畜疲瘦恐其續辦之

欽定肅爾喀紀畧

卷十三

十三

馬一千五百匹或不能一律肥好致有貽誤且

現在帶領索倫兵之領隊大臣烏什哈達岱森

保巴圖魯侍衛索倫章京等俱需挑給馬匹臣

一時糊塗念及旺親班巴爾遊牧較近令其備

馬一千以爲不時之需實屬多事今蒙

訓誨醇諄臣實悔恨無已謹與奎舒悉心商議除將

前辦之三千馬匹妥協放牧毋致疲瘦俟索倫

兵及跟役等一到全行分給外其帶領索倫兵

前來之領隊大臣烏什哈達岱森保巴圖魯侍

衛索倫章京等需用馬匹臣仍由各營挑選現

且留營喂養俟到時照例供給臣當照數另行

買補抵額所有令蒙古等及阿拉善王辦理馬

匹之處謹遵

諭旨卽速停止奏入

欽定肅爾喀紀畧

卷十三

十四

上命軍機大臣傳諭勒保奎舒曰福康安此次赴藏

輕騎減從所用馬匹無多其餘預備馬匹與其留

存等候徒費牧飼自不若令海蘭察等到西寧後

卽行接續進發是以前降諭旨令勒保遵照辦理

今該督未經接奉前旨卽籌及福康安抵藏後調

遣需人並以海蘭察現已將到西寧其巴圖魯侍

衛章京等亦接踵而至卽令其隨時進發無庸停

待以期早赴衛藏圍勦邊境逗遛賊匪與朕前降

諭旨適相符合且應行裹帶口糧等項預備齊全

所有索倫達呼爾兵現於本月二十日自京分起

赴藏間二日行走一起到彼後自應卽令隨到隨

行途中既不致擁擠而馬匹口糧亦足敷應用勒

保辦理此事其初原不免張皇今先事預籌無不

妥協其續調蒙古馬匹亦經遵旨退回一切均合

機宜覽奏實深嘉悅

同日秦承恩奏言竊照廓爾喀侵擾後藏蒙

皇上特派重臣領兵進勦萬里之外一切軍行要務

胥賴

聖明先事籌畫

指示機宜臣查陝省西通四川甘肅東接山西河南

為由京赴藏滙總之路一切文報差使均關緊

要臣於接奉

諭旨後卽督率所屬認真辦理務期妥協迅速少舒

聖慈厯注查海蘭察等帶領巴圖魯侍衛等取道西

寧赴藏所需車馬等項經臣先期預備一得入

境確信卽日催提到站以資應付茲查海蘭察

台斐英阿阿滿泰等帶領各起巴圖魯侍衛過

陝經布政使和寧照料護送已於十二月初三

初五初八等日全數出境取道西寧進發沿途

行走甚屬安靜又陝西河南山西三省撥協軍

糴銀一百三十萬兩為數較多臣接准部咨卽

飭西安同州等屬預備車輛運送到藏其入棧

後須用騾頭馱運亦經飭令催備長騾在寶雞

縣等候責成該管道府嚴切稽查茲查陝省餉

銀十萬兩已委派鄠縣知縣李景祈于十一月

初四日解交四川藩庫訖河南省餉銀三十萬

兩分作三起山西省餉銀九十萬兩分作七起

已于十一月十二暨二十九等日全數出寧羌

州境交四川廣元縣接解前進至接通西南兩

路文報共設正站三十四處腰站三十三處每

站挑選健壯馬匹夫役並移會提鎮派撥千把

等官在站伺候隨到隨送臣與按察使姚學瑛

欽定廓爾喀紀畧

卷十三

十七

分路核查並飭將道路橋梁一律修治平坦俾
利馳驟現在各站加緊備行並無遲悞奏入報

聞

二十五日乙丑鄂輝奏言伏查廓爾喀賊匪侵擾

後藏臣曾會同成德發論詢問交噶布倫等差

人送至交界地方另派妥人遞去據稱業已送

到至今並未見其稟覆茲節奉

聖明訓示遵將

諭旨內指示情節與成德聯銜用番字譯寫檄文一

道至送去之人若令在藏貿易之巴勒布人前

往則近日藏地一切情形不能保其不透漏消

息惟嚴廷夏前次報獲之賊及噶布倫稟稱尚

有先獲未報賊匪臣均已疊次札提卽日定可

陸續解到一俟審訊明確擇一無關輕重之人

欽定廓爾喀紀畧

卷十三

十八

將檄諭交其送去廓爾喀旣可不致生疑而此

項現獲賊匪甫經解到不能探聽藏地情形自

無從走漏確信臣仍派明幹員弁押令出境不

致在途耽悞如果廓爾喀令巴都爾薩野等親

來額懇乞降臣一面奏

聞一面卽將來人設法羈留恭候

諭旨遵辦倘賊目等畏懼不出誠如

聖諭有此微諭去後賊匪懈不設備明春即可出其

不意痛加殲戮大示剴懲_臣等此時惟有慎密

辦理斷不敢將明春進兵之事稍有洩瀆致失

機宜至保泰所奏宗哈教習漢兵陳謨潘占魁

率同第巴薩木珠守禦殺賊一節已咨會成德

會同查明如果屬實即將該兵丁及第巴等遵

旨賞給職銜翎頂並將出力之番子喇嘛及受傷陣

欽定席爾塔紀畧

卷十三

七九

凶人等查明分別賞卹另行會摺覆奏_臣隨詢

問保泰此事因何遲至兩旬始行具奏宗喀賊

匪是否即係滋擾扎什倫布之賊據稱徐南鵬

于九月初九日稟報我于十五日接到因恐殺

賊情形未確飭令噶布倫查實稟報嗣據噶布

倫于二十七日稟覆以致遲至二十八日具奏

濟甯與聶拉木本係兩路宗喀之賊由濟甯而

來扎什倫布之賊由聶拉木而來並未會合一

路前奏摺內不能聲敘明晰種種遲悞糊塗罪

無可道等語_臣查此次賊匪本係分路滋擾並

查徐南鵬稟報月日及保泰接稟覆查日期尚

無虛捏而其遇事疑慮輾轉稽查以致奏報遲

延實難辭咎聶拉木現在尚有賊匪據守成德

帶兵前往勦殺應俟_臣等收復地方再行派員

欽定席爾塔紀畧

卷十三

三

駐兵防守

鄂輝又奏言伏查前後藏預備軍食_臣到藏後

據噶布倫等回稱已有糈粃七萬餘石經_臣奏

明無庸內地轉輸以節糜費並咨明孫士毅查

酌辦理在案茲荷

聖明垂詢飭令與孫士毅彼此會商通盤籌計_臣查

附近後藏一帶地方經賊匪蹂躪之後存糧無

多前據仲巴呼圖克圖報有糶糶三萬石至前
藏所屬地廣戶稠前據噶布倫等報有糶糶四
萬一千石富經_臣查明並無短缺隨即加以獎
勵並令將遠近地方凡有第巴頭人收存之糧
除各足食用外務須多爲採買隨據濟龍呼圖
克圖與噶布倫等回稱

大皇帝爲保護黃教不惜數百萬

欽定廓爾喀紀略

卷十三

三

裕金派兵勦賊藏地僧俗苟有天良斷不肯使官
兵枵腹從事况糧石均蒙發價全藏番衆無不
感戴

天恩現在惟有儘力再爲購備以裕軍儲等語_臣察

其情狀實屬真誠諒不至徒托空言以致臨時
貽誤况以現在所有糧石而論連西藏糧務倉
內存貯及前後藏所辦糶已七萬四千五

百餘石惟查糶糶例照斤兩支放應照白麵之
例每兵每日給糶糶一斤以一萬兵丁計算每
月應支三十萬斤_臣親同鹽茶道林備秤準每
石糶糶祇有六十三斤十二兩以斤合石每月
所支糶糶須用四千七百石有零以一年而論

止須五萬餘石足敷支食此次派出屯兵二千

二百名_臣等及管領屯兵之鎮將備弁各帶綠

欽定廓爾喀紀略

卷十三

三

營兵丁共有五百餘名又預派換藏官兵一千
三百餘名統計不過四千餘名本年十一月
以至明春正二兩月先後支給亦不過支用八
千餘石通盤籌算核之現存糧數尚有贏餘且
前藏噶布倫等復應承多爲購辦自可無虞缺
乏至藏地道里綿長前經奏帶鹽茶道林備出
口令其總理糧餉因恐親長莫及曾經咨會孫

士殺自打箭鎮以至禮塘已塘察木多四站責
成建昌道徐長發管理自拉里以至前後藏直
達軍營責成鹽茶道林傳管理今奉

諭旨飭令_臣等查明程站遠近彼此分管_臣已咨明

孫士毅卽照該道等所管之界分段管理自可
不致貽悞至福康安現由西寧一路來藏行走
自必迅速查自青海入境多魯巴都爾地方卽

欽定廣爾略記畧

卷十二

三

屬西藏所管途長站遠盡屬蠻荒必須大員前
往經理鹽茶道林傳總理糧餉刻下已辦有就
緒現在達賴喇嘛另派明白幹練之大卓尼爾
堪布第巴等三名濟隴呼圖克圖又派扎薩克
喇嘛一名_臣卽令該道帶同前往交界地方迎
候並派熟習草地情形之備弁兵丁數名將沿
途應備烏拉牛馬催調齊集附近多魯巴都爾

地方者均令趕赴該處迎候附近哈喇烏蘇者
並令寬爲預備以便將疲乏之烏拉隨時更換
至三十九旗應備烏拉及尖宿處所柴草另派
駐藏理藩院員外郎德明親往該處催飭預備
俾資接濟仍俟後起官兵及委員等到藏_臣再
當酌派文武數員往迎以供差遣照料惟福康
安到藏後現奉

欽定廣爾略記畧

卷十三

三

諭旨令_臣留駐藏地與舒濂同辦糧運查兵糧現已
足敷支應所有臺站軌運章程業經預爲籌定
_臣惟有恭懇

聖恩俟福康安到日隨赴軍前將一切應辦事件及
賊匪道路情形跟同悉心籌辦聽福康安指示
稍効驅策以贖前愆

同日福康安奏言竊_臣自西寧起程行次貢額

爾吉地方業將出口行走順適情形奏蒙

聖鑒伏查口外地方山路甚多里數亦俱寬遠每日寅初起程行至戌刻始行駐收止餘兩三時牧放馬匹儘力償行併站前進一日所行道路數之喇嘛番子人等行走兩日程途尚屬有餘惟是數站以來所過之亢阿拉山扎蘇拉山及和約爾達巴罕等處舊存積雪或七八寸至二三尺不等石徑崎嶇艱於登陟並有大河數道冰堅雪厚寬逾數里亦屬難行若夏秋盛漲之時想更難以濟渡邇日以來漸覺水草平常馬匹稍形瘦乏且沿途毫無樹木全賴在臺站地方檢尋糞草以供炊爨未免稍有耽延併站償行究不能倍加迅速臣五中焦急莫可名言所幸出口以後仰賴

欽定廣輿記卷十三

五

聖主洪福天氣晴明午間氣候尚和自過貢額爾吉

以西早晚稍覺寒冷瘴氣頗甚十三日行抵瑪沁鄂博地方申酉之間遇雪一次是夜亦即晴霽並無阻滯茲于十六日已抵瑪楚喀地方現屆冬令沿途尚無人煙亦無貿易番子來往間有扎薩克王公台吉等遠來迎候呈送羊隻臣

俱宣諭

欽定廣輿記卷十三

五

聖恩優加賞資察看該扎薩克等情形極爲感激踴躍均奏入

上命軍機大臣傳諭福康安鄂輝成德日前據鄂輝奏稱成德於十六七日先帶頭起屯練兵馳赴邊界伊亦接續起身前進此次遞到奏摺朕以爲鄂輝必係已抵後藏邊界勒殺逗遛賊匪情形及加披閱惟聞知福康安由西寧一路來藏派令道員

林備帶同達賴喇嘛所遣之大卓尼爾堪布第巴等前往交界地方迎候並令將備催調沿途烏拉牛馬預備更換等事差強人意其餘俱非目前要事殊屬無謂鄂輝抵藏後距此次發摺之期已閱二十餘日前藏卽有應辦之事亦應早經辦竣况該處有達賴喇嘛在彼足資彈壓尚復有何顧慮而舒濂亦卽日到自能經理一切乃鄂輝一味

株守遲延多日並不速赴後藏坐失事機甚屬非是成德由前藏帶兵進發後自己抵定結第哩浪古一帶其如何躡探賊蹤圍繞邀截並譯諭廓爾喀頭人之處距今已逾四旬亦未據成德奏報伊二人在彼所辦何事鄂輝成德節次稽延觀望業經貽誤于前今尙不思奮勉出力稍贖前愆自問當得何罪著再傳旨嚴行申飭看來此時賊匪尚

在邊界逗遛鄂輝等未免心存怯懦不敢直前圍勦是以遲之又久尚未前抵邊界而賊匪未見官兵到彼或因此遷延屯聚亦未可定此時鄂輝成德自搆不能與賊匪打仗將賊匪痛加殲勦或竟任其株守邊界使之苟延殘喘坐待大兵到彼將賊匪誅戮無遺亦一機會本日已刻又到福康安途次所發奏沿途行走情形各摺據稱出口後天氣晴朗午間氣候尚和惟貢額爾吉以西瘴氣較甚行抵瑪沁鄂博地方遇雪一次旋即騎驛並無阻滯等語此皆仰賴

上天眷佑叩感增敬之餘倍深欣慰至途次惟貢額爾吉地方稍有瘴氣計今早經平安過去向前行走自當更爲順利現距福康安發摺又闕一句想抵藏之期日近一日朕盼望綦切歷念尤殷也

欽定兩廣通志

卷十三

五九

欽定兩廣通志卷十三

欽定兩廣通志

PDG

欽定廓爾喀紀畧卷十四

十二月二十六日 丙寅 郭輝奏言竊 臣 節次欽奉

諭旨廓爾喀賊匪侵擾扎什倫布有濟仲喇嘛四學

堪布喇嘛等在吉祥天母前占卦爻稱不可與

賊打仗惑亂衆心以致僧俗渙散飭令 臣 等確

切查明將該喇嘛等喚至前藏分別首從正法

解京等因先經成德密劄總兵穆克登阿前往

欽定廓爾喀紀畧

卷十四

一

訪察復經 臣 札知雅滿泰會同查拏茲據穆克

登阿等查明該喇嘛等實有五人押解前來於

十一月二十七日解到 臣 卽率同鹽茶道林僞

嚴加訊究據羅布藏丹巴供稱該喇嘛廟內原

供吉祥天母於賊匪未至之前起意占卜寫作

打仗好不打仗好兩條將糝糶裹和爲丸放入

磁碗內求卜占得不打仗好一丸一面稟知仲

巴呼圖克圖一面卽令小喇嘛吹伊丹將占卦

緣由告知衆人毋庸打仗衆皆聽信隨將派出

堵禦各喇嘛全行撤散羅布藏策登等四人又

復起意與賊講和復至吉祥天母前占卜占得

講和爲好卽令諾聶爾前往賊營說和諾聶爾

在途一聞賊至隨卽潛逃迨賊匪來至扎什倫

布羅布藏策登等四人亦俱躲匿惟羅布藏丹

欽定廓爾喀紀畧

卷十四

二

巴帶同小喇嘛數人在寺居住被賊人緝打搜

索物件及至賊去該喇嘛查點物件見前輩班

禪塔上物件已被起去佛前供器亦已無存等

語 臣 復於二十八日會同濟噶呼圖克圖覆加

訊問所供俱各相同據濟噶呼圖克圖同稱此

等惑衆之人應請一併嚴辦 臣 隨向告知

大皇帝保護黃教從不肯將喇嘛盡法治罪疊奉

諭旨祇令將爲首之人查出正法其餘解送進京自

應遵

旨辦理隨即傳集衆噶布倫及各寺大喇嘛等眼同

將羅布藏丹巴刺黃押赴市曹處斬訖臣隨至

布達拉面見達賴喇嘛班禪將該喇嘛等以占

卜爲詞悖教惑衆不特王法所難宥抑且佛法

所不容本應將五人一併正法今欽遵

欽定滿蒙略畧

卷十四

三

諭旨祇令將爲首者正法仰見

大皇帝保護黃教之心無微不至達賴喇嘛班禪隨

卽合掌謝

恩口稱

大皇帝爲佛門除此悖教之徒護持實爲不小臣隨

將疊次奉到

諭旨用唐古忒字敬謹譯出於各寺內給發一張俾

僧俗人等咸諭

聖主查辦緣由共知稟畏臣察看衆心無不感服所

有羅布藏策登等四名應行解京請

旨辦理臣昨接雅滿泰札令仲巴呼圖克圖侯成珠

堪布一到交代後卽可自後藏起程臣諭知噶

布倫等將羅布藏策登等四人暫行羈禁俟仲

巴呼圖克圖到日卽交與雅滿泰一併押解進

欽定滿蒙略畧

卷十四

四

京羅布藏丹巴廟內徒弟本未隨同占卜羅卜

藏策登等占卜之時隨往看視者甚多未便再

行紛紛跟究諾聶爾雖奉差遣但未至賊管先

已逃回吹伊丹係羅布藏丹巴令往傳告僧衆

業經罪坐主使之入應請一併免議奏入

上命軍機大臣傳諭福康安鄂輝成德舒濂日鄂輝

奏查明後藏占卜惑衆之喇嘛羅布藏丹巴等分

別辦理一摺羅布藏丹巴等妄托占詞搖惑衆心
衆人一聞不打仗之語卽紛紛潰散不復堵禦羅
布藏策登等四人起意講和卽擅自差人前往賊
營講說可見藏內諸事俱係伊等主持而鄂輝於
辦理羅布藏丹巴一事既令噶布倫眼看處決又
將羅布藏策登等四人交噶布倫羈禁是鄂輝辦
理藏務無事不商之噶布倫殊屬非是衛藏一切

事務自康熙雍正年間大率由達賴喇嘛與噶布
倫商同辦理不復關白駐藏大臣相沿已非一日
達賴喇嘛係清修梵行惟知葆真養性離塵出世
之人豈復經理俗務自必委之於噶布倫而噶布
倫等因達賴喇嘛不復措意遂爾從中舞弊諸事
並不令駐藏大臣預聞及滋生事端始行稟白顯
求大臣等爲之經理迨至事過仍復諸事擅行以

至屢次滋釁成何事體卽如上次賊匪滋事一案
係噶布倫索諾木旺扎勒起釁此次又係噶布倫
丹津班珠爾在彼播煽生事此卽噶布倫不可任
用之明驗乃鄂輝現在辦理藏務仍事事令噶布
倫干預積習相沿不可不大爲整頓向來駐藏大
臣往往以在藏駐劄視爲苦差諸事因循惟思年
期屆滿幸免無事卽可更換進京今經此番大加

懲創之後自應另立章程申明約束豈可復循舊
習現在回疆俱有駐劄大臣辦理一切事務俱係
大臣主持該處阿奇木伯克等不過奉令承教隨
同辦理駐藏大臣與新疆辦事大臣體制相同藏
內諸事豈得令噶布倫等專主嗣後駐藏大臣與
達賴喇嘛遇有應辦事件當一一商同辦理噶布
倫等應與在藏章京會辦不得稍有專擅卽達賴

喇嘛係出世之人不復經理俗務或慮駐藏大臣辦事不免偏私達賴喇嘛原可據實奏朕必當嚴行懲治卽如此次保泰在藏辦事錯謬意欲將達賴喇嘛班禪額爾德尼移至內地朕卽將保泰革職責處永遠枷號設駐藏大臣管私舞弊更有甚於此者卽當按律正法決不稍爲寬貸若達賴喇嘛慮及叅劾駐藏大臣後其派出審辦之大臣

欽定廟閣略記

卷十四

七

不免心存袒護或外視唐古忒人等此事之所必無朕辦理庶務明罰勅法一秉至公遇有審辦事件其派出大員從不敢徇私偏袒達賴喇嘛更不可毋庸過慮也著福康安於抵藏後將此詳細告知達賴喇嘛及各呼圖克圖大喇嘛等咸喻此意嗣後卽遵照辦理以期永綏衛藏

上諭內閣曰前因保泰奏廓爾喀滋擾後藏時扎什

倫布廟內有濟仲喇嘛及四學堪布喇嘛在吉祥天母像前假托占詞妄稱不可與賊打仗以致喇嘛衆番等皆無固志相率散去賊匪得乘虛佔據夫扎什倫布爲歷輩班禪額爾德尼錫建塔之地該喇嘛等不思竭力保護乃竟妄托神言渙散衆心是扎什倫布並非賊匪所能攻陷竟係該喇嘛等委之於賊此等喇嘛自叛其教爲王法所難

欽定廟閣略記

卷十四

八

宥卽爲佛法所不容節經降旨令鄂輝等查明爲首之喇嘛指明其罪卽行剝黃正法其隨同占卜之喇嘛亦應查明解京茲據鄂輝奏查明該喇嘛等占卜者共有五人內羅布藏丹巴一名訊取確供實係起意占卜妄言惑衆之人於審明後傳集衆噶布倫及各寺大喇嘛等眼同將羅布藏丹巴剝黃處決其羅布藏策登等四名遵旨解京而達

賴喇嘛班禪額爾德尼及濟隴呼圖克圖等皆感
 戴凜畏等語朕於黃教素雖愛護但必奉教守法
 之喇嘛等方加以恩遇若為教中敗類罪在不赦
 者即當明正典刑斷不稍為袒護設如元季之供
 養喇嘛一意崇奉漫無區別致有詈罵者割舌毆
 打者截手之事令喇嘛等無所忌憚尚復成何政
 體此次辦理占卜惑眾之羅布藏丹巴一事即於

欽定藏書略略

卷十四

九

衛護黃教之中示以彰明憲典之意著將辦理緣
 由通諭知之

天朝

特命大臣往駐其地綜理主持與回疆之辦事大臣
 體制相仿其藏內噶布伦等祇宜奉法承令
 豈容稍有專擅乃沿習日久噶布伦因違賴

喇嘛委其任事或遂妄行自用不令駐藏大
 臣預聞以致構煽邊界滋生弊端其風漸不
 可長

皇上明切訓示諭令申嚴約束毋得再事因循所以
 綏輯藏地振起積習者實可

垂謨久遠至羅布藏丹巴倡言惑眾棄扎什倫布而
 不守自叛其教罪無可逃即頒正刑誅以昭

欽定藏書略略

卷十四

十

炯鑒我

皇上於保護之中仍寓杜漸防微之意以視元代批
 政何止判如穹壤乎

同日勒保奏言竊臣前因青海道路二三月間

與冬令無異海蘭察等似無庸暫駐西寧等候

應即隨到隨行經臣奏陳

聖鑒茲海蘭察于十五日午後行抵西寧臣與海蘭

察再三商酌海蘭察亦以福康安已經出口此
路儘可行走伊等自應陸續進發毋須停待臣
等計議已定其後二起之巴圖魯侍衛等亦于
十六十八兩日到來臣隨將應行裹帶之口糧
鍋帳柴薪料豆等項趕緊分配酌用駝隻運送
其各起所需馬匹臣俱于挑就營馬內照依各
人品級按律分給惟念口外站遠道長正值草
枯之際長行馬匹不免疲乏必須多帶餘馬以
資更替且臣處所備營馬現有數餘隨於各人
應得分例之外又復給與二百餘匹三起連例
馬在內共用營馬一千匹點交海蘭察等騎帶
前往不特長途替換可節馬力將來行抵軍營
並可多得戰馬於事實有裨益至各起行走仍
按照自京起身章程海蘭察等作為第一起台

斐英阿等作為第二起阿滿泰等作為第三起
擬於十九二十二一等日起程出口臣仍酌
派熟悉路徑之人作為嚮導取道前進並據青
海扎薩克貝子羅布藏色布騰公達瑪林台吉
達什車木博爾告稱我等深受
大皇帝高厚天恩毫無報効今參贊帶同巴圖魯侍
衛等從此出口進兵我等在青海地方情願隨
同照料并可將新設臺站順道巡查不致貽誤
等語臣察看情詞甚為至誠踴躍當即允其所
請并諭以爾等如此爭先趨事實為可嘉自當
遇便奏
聞上諭
恩賞該扎薩克等俱各歡忻感激旬日以來西寧口
外天氣極為晴和並遣人探知福康安行程安

適一路並無阻滯此皆仰賴

聖主洪福感召

天庥之所致臣實不勝欽感至索倫達呼爾兵丁此

時尚無出京信息約計頭起到西寧時當在正

月下旬臣已諭令青海各扎薩克等將所辦馬

匹在於各旗牧放俟至臨期再為傳調自可不

致有悞奏入

欽定平定回疆方略

卷十四

十三

上諭內閣曰勒保奏青海扎薩克貝子羅布臧色布

騰等感激朕恩以大兵進剿廓爾喀情願隨同照

料親往新設臺站巡查實為出力奮勉殊屬可嘉

著加恩將扎薩克貝子羅布臧色布騰賞貝勒銜

公達瑪林賞貝子銜頭等台吉達什車木博爾賞

公銜以示朕眷卹嘉獎之意

二十七日丁卯成德奏言竊臣前帶領頭起屯練

並添湊藏內之兵一千餘名由曲水一帶前進

茲於十一月二十五日行至江孜適總兵穆克

登阿自後藏前來面稟查得後藏一帶僧俗人

等俱各漸次復業至扎什倫布房屋並未損壞

惟前輩班禪大塔三座內新塔一座將外面糴

金銅皮起下又中塔一座背面銅皮起下一段

俱擲于地下此兩塔之上鑲嵌珊瑚松石等物

欽定平定回疆方略

卷十四

十四

俱被挖去及金銀供器一併掠取所有挖下鑲

嵌松石珊瑚等物裝貯一匣賊臨行遺失未經

拏去現經仲巴呼圖克圖收存再查賊匪未至

之先衆喇嘛俱已逃散寺中只存喇嘛九人看

守廟宇內有二名已出痘身故其七人中卽有

占卜之羅布臧丹巴在內隨詢之該喇嘛等稱

賊匪來時將伊九人綑縛拷打詢問存貯金銀

幣帛所在伊等俱稱不知賊卽自行搜取又聞賊去之後間有物件遺失在廟外街市僧俗人等有檢拾者均仍送至寺中不敢隱匿至賊匪情形查定結之賊聞知大兵已到了十一月朔一日夜間奔出逃竄經該處漢番官兵追殺已經遁回惟濟隴聶拉木絨轄尚有賊匪佔據等語伏查扎什倫布爲班禪額爾德尼住錫之地該處僧俗人等無不尊崇敬奉且於賊匪未至之先該寺喇嘛已先行逃散僅存看守廟宇九人又被賊匪細縛拷詢該喇嘛等猶堅稱不知其遺失在途之物仍有送赴寺內者揆其情節似無乘機攘竊之人再由賊巢送出之扎薩克喇嘛來至江孜臣與總兵穆克登阿面加詰訊據稱伊到廓爾喀地方被巴都爾薩野羈住將

及三月始經紅帽喇嘛帶見拉特納巴都爾及巴都爾薩野向說我們係蒙

大皇帝賞給名號大喇嘛卽噶布倫等亦係賞爵之人你們把我們留住三月之久駐藏大人奏明大皇帝必發大兵前來問罪那時悔之無及彼時巴都爾薩野云你們西藏人原仗的是

天朝我們也是投順

天朝的你還係藏內可信的喇嘛就先出去見達賴喇嘛商量這一回的事情要說得永遠相安彼此不許返悔隨將該扎薩克喇嘛及第巴博董送出并云寄信與領兵頭人將兵撤回該扎薩克喇嘛係由聶拉木出來第巴博董係由濟隴出來等語臣查賊匪滋擾藏地不過覬覦後藏豐富計圖搶掠一聞大兵將到卽行奔竄今雖

春融大兵齊集不難一舉蕩事奏入

上命軍機大臣傳諭福康安鄂輝成德曰前據鄂輝奏成德於十一月十六日等日帶領頭起屯練兵丁由前藏起程馳赴邊界相機進剿逗遛賊匪本日通到成德六百里奏報朕以伊係帶兵前往自必馳奏打仗殺賊情形乃披閱奏摺成德甫經行抵江孜所奏查看扎什倫布房屋物件等項俱係

欽定藏書紀畧

卷十四

六

細事並非目前急務成德自抵前藏後距此次發摺之期已及四旬所有屯練兵丁早經先後到彼成德既聞賊匪尚在濟隴聶拉木絨轄等處屯聚自當速催兵丁前抵該處跟蹤追剿痛加殲戮庶可稍贖前愆乃行走遲緩始抵江孜地方而摺內猶硯顏稱務將邊界收復尤爲可鄙試思賊匪在邊界逗遛爲日已久若成德早抵該處直前痛剿

將扎薩克喇嘛第巴博董送出而第巴博董詢係因病尚住宗喀未來且噶布倫丹津班珠爾等仍羈留在巢尚敢以寄信撤兵說合講息爲詞明係預存乞哀求降地步查目下定結賊匪雖已逃竄而濟隴聶拉木絨轄邊界尚有賊匪佔據臣細加籌酌前被賊匪誘去之丹津班珠爾及教習兵丁等尚在賊巢今只將扎薩克喇嘛及第巴博董送出其意仍欲冀其講說完事正宜趁此機會將計就計譯諭伴許代爲清理事務並諭須將丹津班珠爾等及早送出以便辦理臣仍隨時偵探道路情形前赴邊界處所先將濟隴聶拉木絨轄等處設法收復仍將通連賊境道路逐細訪查並俟總兵張芝元所帶後起屯練到來通盤籌計妥爲部署待至明歲

欽定藏書紀畧

卷十四

七

自己將屯聚賊匪藏戮無遺何至任其尚在濟甯
聶拉木統轄等處肆行佔據看來成德竟係畏懼
賊匪不敢前進是以行走稽遲尙未前抵後藏而
鄂輝又株守前藏並未起程二人種種怯懦無能
遲延貽誤鄂輝成德俱著再傳旨嚴行申飭並交
福康安到彼查其逗遛寔情參奏前屢降諭旨以
賊匪尙在邊界逗遛坐待誅戮節次諭令伊二人
乘此機會速赴該處奮力追剿以期立功自贖今
鄂輝成德一味因循玩愒心在畏葸是伊二人竟
無福分已難望其振作計此旨到日福康安及海
蘭察巴圖魯侍衛章京等業經先後抵藏前次續
調屯練番兵已可先到索倫達呼爾兵亦接續而
至福康安等統領官兵攻圍統截自必將逗遛賊
匪悉數殲擒直抵賊巢一舉集事鄂輝成德惟當以

副都統職銜隨同帶兵人等聽候福康安調度差
遣看其如何奮勉出力將功折罪再行核辦耳

二十八日戊辰惠齡奏言竊臣於十二月十三日

行抵川省劍州途次接准福康安咨會擇于十

二月初一日自西寧出口伏思福康安既由草

地行走臣亦應趕往西寧一路進藏隨同商辦

軍務但福康安先臣出京二十餘日臣現已入

川勢難趕上恐往返紆迴致稽時日當卽星馳

前進于十六日馳抵成都省城時署督臣孫士

毅尙在打箭爐料理二屯屯練番兵出口間俱

次第進發極爲妥速臣接見司道等細詢軍裝

火藥及備用餉銀會否運往據稱均經陸續趕

運出口但自爐入藏計程九十餘站口外各臺

除文報之外並未設有官馬一切騎馱皆資烏

拉運送兼之牛隻十居八九且由此至彼或十
站八站更番接替方能轉回接應後起現在打
箭爐口外一帶山高雪大運送恐難僮程業經
委員出口往來查催等語查軍裝餉銀等項所
關最爲緊要必須趕緊運往不致有悞軍需雖
口外冰雪較大究係入藏熟路且臣自西寧抵
川十餘日來天氣晴暖沿途並未遇有風雪詢
之土人僉稱寔爲近來罕有之事此皆仰賴
聖主洪福感召

天和來春大舉定能迅速咸事奏入報

聞

二十九日已勒保奏言現據各扎薩克辦就馬
三千匹各在本旗喂養一俟官兵有到境信息
即可傳調應用計官兵行抵西寧當在正月下

欽定廓爾喀紀畧

卷十四

三

旬通計兵丁跟役在內約有一千五百名每人
需馬二匹所辦蒙古馬三千匹足數騎用其帶
兵大臣官員等所需馬匹臣現有挑就營馬可
以騎帶前進此外尙有各扎薩克等備馬一千
匹分爲二撥在于納木喀多倫巴圖爾二處以備
中途接濟是所備馬匹業已寬然有餘毋庸缺
乏至口外軍臺先經臣派令寧夏府知府隆興
等前往預爲安設茲據稟報業經設有二十餘
臺俱係按照從前安臺舊址設立其蒙古兵丁
亦俱全行到站約數日內即可將青海界內臺
站安設齊全等語其西藏所轄地方臣早經飛
咨鄂輝等趕緊查辦文報往來自可不致阻隔
至海蘭察等每起行走連跟役在內不過百人
通共亦祇三百餘人今臣共給與營馬一千匹

不特沿途可資替換且到軍營亦可多得戰馬
以之帶兵剿賊更爲得力奏入報

聞

同日勒保奎舒奏言_臣等前奉

諭旨令將此次預備駝馬及巡察臺站出力之各蒙

古扎薩克以上王台吉等查明具奏分晰獎賞

仰見

欽定廓爾喀紀畧

卷十四

三

聖主撫恤懷柔無微不至伏查此次口外辦理設立

驛站駝馬等事蒙古王公等除索諾木多爾吉

外尚有濟克墨特伊什等十五人感戴

皇恩俱各奮勉_臣等留心察看謹將伊等出力之處

分別爲一二等開單進

呈恭候

欽定奏入

上命內閣曰據勒保將預備駝馬巡察驛站之出力

衆王公扎薩克等查明分別等第具奏青海王公

扎薩克等俱知感激朕恩此次軍行支辦駝馬均

能妥協又請前赴驛站巡查寔爲奮勉可嘉著加

恩將列爲一等之貝勒濟克墨特伊什特里布巴

勒珠爾貝子徹勒登多爾吉齊摩特達巴扎薩克

察幹諾們罕每人各賞大八絛緞二疋五絛緞二

欽定廓爾喀紀畧

卷十四

四

疋其列爲二等之王那汗達爾吉貝子羅布藏色

布騰公巴登端多布喇特那錫第達瑪林扎薩克

散都布甲木叅嘎勒丹丹鍾吹忠扎布達什春丕

勒班第每人各賞大八絛緞一疋五絛緞一疋以

示獎勵

欽定廓爾喀紀畧卷十四

欽定廓爾喀紀畧卷十五

乾隆五十七年正月初二日

壬鄂輝奏言稿

到藏後面詢噶布倫等尚有先獲未報賊匪當

卽飭令查解來藏以憑審辦茲據噶爾頭人

乃龍巴協同駐藏弁兵於十一月二十九日押

解前來訊係八月內被獲因何當日並未稟報

殊屬可疑隨面詢保泰據稱伊等並未具報實

欽定廓爾喀紀畧

卷十五

一

不知獲賊一事復問噶布倫等據稱此次賊匪

原係八月內被戴琿敬珠爾多爾濟先後挈獲

因該戴琿正在帶兵打仗差人解至噶爾圖

禁嗣敬珠爾多爾濟出痘身亾看噶爾管官丹

增因係敬珠爾多爾濟搶獲之賊自應聽其辦

理並未具報而該管官亦因出痘身亾以致始

終未報後來我噶布倫等聞知隨差新營官博

嚨結溫到彼查明將該犯等派委頭人押解來

藏等情

查訊崗噶勒塔則西係跟隨廓爾喀王子之人

緣廓爾喀爲西藏販目一事預約噶布倫丹津

班珠爾講話派出頭人達薩勒克德哩等前往

聶拉木理說嗣因丹津班珠爾欲將廓爾喀帶

去之人逐名點驗聲言賞犒衣物衆心已覺生

欽定廓爾喀紀畧

卷十五

二

疑旋又派人將後路橋索拆斷廓爾喀之人卽

將拆橋人殺散隨寄信回寨派兵將丹津班珠

爾等圍困帶去並發兵三路前來惟瑪木薩野

一路將聶拉木地方佔據直至後藏滋擾巴都

爾薩野隨派崗噶勒塔則西帶兵一百名前來

管理聶拉木官寨該犯于八月初七日只帶跟

役八人前赴巴都爾喇嘛寺查看地方遇見敏

珠爾多爾濟所帶之兵將跟隨八人殺死卽將該犯擧住送至脅噶爾羈禁至奇達爾結安巴爾與錫哩格什納木怎達哩與四人均係庸爾喀派出賊兵或往瑪木薩野等處送信或往孟撒拉喀達哩等處聽用途過送糧之喀錫拉木第喇拉木生則拉木三人一同行走於八月初十日甫至定日地方卽遇番兵將賊衆殺散回時被獲九人送至脅噶爾官寨拘禁因默噶巴爾納喀爾噶並拉瑪結噶爾機二人倔強不依當被番兵殺死是以祇剩七人等語查崗噶勒塔則西係喇納巴都爾跟前服役之人訊問起衅情形及賊巢道路尚能供指不諱現在福康安奉

命前來正需查訊賊人部落情形應請將該犯暫留

前藏等候福康安到來面加審訊或可得其眞供於事似屬有益如無用處再行委員解京至音達爾結安巴爾與錫哩格什納木怎達哩與等四名均係賊兵亦關緊要現在尚有後起擊獲之賊匪十一名卽日亦可解到統俟審明後一併交游擊烏爾公阿押解進京至送糧之喀錫拉木等三人本係無關輕重臣查看喀錫拉木尚屬利便卽將與廓爾喀諭帖令其送往仍派員押送出境免致在途耽延其第喇拉木生則拉木二名暫行羈禁將來如無可用之處再行正法至崗噶勒塔則西所供唐古忒通事噶谷瓦曾與瑪木薩野領路納木卡策凌甲勒當二人從前往來陽布通信此次甲勒當又與崗噶勒塔則西領路雖據供稱納木卡策凌已死

亦難憑信且伊現有一隻眼之子五十三年曾
經領路應與噶谷瓦申勒當一併拿獲究辦臣
已密飭噶布倫派人查拏並札飭後藏都司德
勝保務須密速緝獲以憑從嚴審辦

鄂輝又奏言臣查自藏至青海交界應設驛站
因乾隆十五年駐藏大臣衙門被火焚燒之後
所有康熙年間舊案均已無存惟濟囉呼圖克

圖並噶布倫等告稱前輩班禪進京時曾於草
地安過塘馬尚有基址可查大約自前藏以至
交界之多魯巴都爾共計十六七塘每塘現擬
派馬五匹派唐古忒頭人一名番子四名先往
安設臣隨飭鹽茶道林僑於迎候福康安之便
沿途即將應設塘馬察看道里遠近妥爲安設
每塘另派駐藏漢兵二名帶同唐古忒人隨時

遞送文報更可登記時刻以便稽查並令駐藏
理藩院員外郎德明往來管理巡查俾免遲悞
至保泰奏唐古忒人因大兵過藏反有擾累之
詞此等一二浮言或者不免但自臣到藏後並
未聽聞此語况採買糧石均係平價發買卽碾
費運脚及官兵等所用烏拉均照例給發價銀
絲毫並無擾累臣疊次恭宣

諭旨向達賴喇嘛班禪並衆呼圖克圖各寺大喇嘛
及僧俗人等剴切曉諭伊等亦深知
大皇帝保護黃教安輯藏地之
聖懷無不感頌
皇仁至把總蔣連陞與戴璋丹津那木吉稟報在定
結地方與賊打仗情形所報是否屬實俟臣到
彼與成德會同確查虛則請

旨治罪實則奏明獎賞但唐古忒之人往往虛捏者多卽如現在嚴廷瓦據該戴琿等稟報定結退回之賊經番目弁兵等追至熱窩等處與賊打仗割獲賊匪首級十三顆耳記十二個並搜出夷信十一張賊已奔回烏隴等語臣隨將夷信譯看其中多係買賣物件及借用錢文無足重輕之件焉知非賊人丟棄被唐古忒人檢獲希冀邀功統俟臣與成德前後到彼一併查明辦理再查此時定結一帶賊匪俱已遣回惟濟甯聶拉木尚有賊人據守現經成德帶兵前往並遵

旨譯諭喇納巴都爾等使其解不設備張芝元所領屯兵卽日可到臣亦卽帶領接續前進倘賊匪尚在該處逗遛自可痛加殲殺收復濟甯等處

地方再當相機辦理至徐南鵬本係駐防後藏都司此次守禦管官寨甚屬奮勉嚴廷瓦前此曾經差往廓爾喀兩次現在定結一路守禦亦曾督率兵弁殺賊該二員于賊匪起事滋擾情形均能知悉現於十二月初三日卽令該二員自前藏起程馳驛迅速到京以備

垂詢至遊擊烏爾公阿係本年六月甫經到藏此次不過在撒迦溝江孜一路帶兵行走詢以藏地邊界情形尚多不甚熟悉查現有應行解京賊匪需員押送進京此後尚有十一名卽日亦可解到統俟臣審明後卽令該遊擊押解賊犯進京

同日成德奏言臣於十二月初一日帶兵行至後藏體查該處僧俗人等俱各復業相安查看

大塔房屋及詢問被掠物件均與穆克登阿查
稟相符現在仲巴呼圖克圖遵

旨赴京隨令交付戴奉堪布將損壞之塔如法修補

管束衆僧安靜住持並撫慰番人勿失原業

卽帶兵由拉子吞噶爾一帶前進逐細籌酌查

聶拉木爲賊匪出入大路急須先爲收復

帶兵先赴聶拉木賊若已退回卽將該處緊要

欽定廓爾喀紀畧

卷十五

九

隘口嚴密佈置仍一面佯諭賊匪許其遣人前

來額懇求

恩寬宥以爲牽誘之計若仍屯聚未退定卽奮力剿

殺收復卽令總兵穆克登阿帶兵在彼駐守

卽帶兵前赴濟噶爾時相機剿辦其時總兵張

芝元所帶後起屯練亦可陸續到來兵力較爲

壯盛更可會合妥辦惟期先復邊界仰紓

聖慮一切竭力勉爲不敢稍有貽誤致罹重罪均奏

入

上命軍機大臣傳諭福康安孫士毅鄂輝成德舒濂

曰本日遙到鄂輝成德六百里奏報朕以爲必係

馳抵邊界打仗殺賊情形及加披閱鄂輝於十二

月初三日發摺時尙在前藏成德亦甫自江孜行

抵後藏尙未帶兵前往聶拉木濟噶爾絨轄等處追

欽定廓爾喀紀畧

卷十五

十

剿賊匪所奏均不過查看扎什倫布廟宇塔座及

查詢保泰雅滿泰並審辦現獲賊匪等事殊屬無

謂賊匪在邊界逗遛多日坐待滅誅鄂輝成德一

味心存畏怯觀望遲回以致定結逗遛之賊先行

逸去未能乘機痛剿鄂輝成德實屬無福坐失機

會殊爲可惜著再傳旨嚴行申飭至成德奏現擬

帶兵先赴聶拉木守禦隘口仍佯諭賊匪令其遣

人前來懇求等語成德到藏多時未能迅速償行
早振軍威直前進勦勉成大功已難望其振作今
姑以譚論率誘使賊匪在邊界逗遛屯聚俟大兵
齊集悉數殲擒看來成德無福無能此時亦止可
如此辦理計此旨到日福康安早已馳抵前藏海
蘭察及巴圖魯侍衛章京等並所調屯練番兵及
索倫連呼爾兵以次俱陸續齊集福康安統領官

兵相時度力攻圍截殺自可將逗遛賊匪概行殲
戮卽趁兵威勝勢一舉集事至成德所奏其意亦
不過將在邊界屯聚之賊悉行殺散聽其自迴卽
以收復邊境賊匪顛懇乞降希圖將就完事並不
思深入窮追但賊匪反復無常疊肆滋擾若非大
師軍威痛加殲戮使其不敢再萌他念不足以示
懲創况賊匪伎倆甚屬無能現據鄂輝奏審訊現

獲賊匪供崗鳴勒塔則西等俱經巴都爾薩野派
令帶兵一百名管理聶拉木官寨遇見戴琿敏珠
爾多爾濟將跟隨之八人殺死並將該犯孛佳又
音達爾結等九人行至定日遇見番兵將賊衆殺
散同時被獲等語該處戴琿及番兵素稱懦弱今
遇見賊匪等尚能帶兵勦殺生獲多人賊匪無能
卽此可見又訊據賊供陽布地方卽係廓爾喀巢

穴離濟隴聶拉木不過八九日路程是賊匪巢穴
距邊界不遠且據供巴都爾薩野派令頭人一路
由濟隴到宗喀一路由聶拉木到第哩浪古每路
止有五六百兵因兩處俱有藏兵堵禦不能前進
惟瑪木薩野佔了聶拉木就往後藏滋擾等語是
賊匪人數亦甚有限卽日福康安前抵後藏同海
蘭察等統領巴圖魯侍衛章京帶兵各員帶領屯

練番兵及索倫達呼爾勒勒勇直前痛加剿殺
自可深入賊巢綏靖邊徼再節據鄂輝成德奏俱
稱賊匪現在邊界逗遛但聞前次巴忠及鄂輝成
德與廓爾喀會議永遠不犯邊界一事每年許給
西番銀元寶三百個令其退還地方彼時雖經給
與銀兩地方實未退還賊匪仍在聶拉木等處佔
據上次伊等所奏並非實情是以巴忠畏罪自盡

欽定廓爾喀紀畧

卷十五

十三

此特鄂輝成德所奏賊匪尚在邊境逗遛之語殊
未可信並著福康安到藏先將現在逗遛賊匪是
否卽上年在彼屯據並未退回之處據實陳奏不
得稍有徇隱至鄂輝奏審訊拿獲賊匪崗噶勒塔
則西等係八月內卽被戴琇敏珠爾多爾濟及番
兵先後拿獲此等被獲賊匪保泰雅滿泰豈得諉
爲不知乃事隔數月並未據訊供具奏伊在藏所

辦何事其前此所奏唐古忒人因大兵過藏轉有
擾累之語今據鄂輝訪詢情事並未聽聞此語是
保泰一聞賊匪之信卽魂膽俱落心復多疑爲此
無稽之談以見藏不可守而於緊要事件全置不
辦實屬可惡著福康安再傳旨將保泰重責四十
板至雅滿泰與保泰同係駐藏大臣並無統屬遇
有應辦事件自應隨時具奏乃現在詢問保泰未

欽定廓爾喀紀畧

卷十五

十四

經陳奏各條及被獲賊匪一節雅滿泰亦並未具
奏且前此請將速賴喇嘛班禪額爾德尼移駐西
寧泰寧一事又係雅滿泰與保泰聯銜具奏是伊
二人厥罪惟均雅滿泰亦著重責四十板永遠柳
號現伊押送仲巴呼圖克圖來京到川時著孫士毅
傳旨派委委員押回前藏交舒濂卽將雅滿泰傳
旨責處柳號示衆其仲巴呼圖克圖並著孫士毅

另派委員起解又鄂輝此次奏請將崗噶勒塔則西暫留前藏以備福康安到時訊問所辦尚是其所稱現設塘馬每塘只派漢兵二名帶同唐古忒人等遞送文報所派漢兵爲數太少應每站酌量再添派二名以期郵遞迅速又據稱前在熱窩等處與賊打仗之番目弁兵等割獲賊匪首級十三顆耳記十二個俟到彼查明辦理等語該番目弁兵

等如果能追殺賊匪割獲首級耳記當賊匪前來滋擾時何不奮力守禦此等誣報首功最爲惡習卽內地弁兵亦復如此漢唐以來皆因任聽邊將捏報冒功以致賞罰不明軍無紀律失機債事今該番目弁兵等所報情節豈可任其虛捏著福康安查明具奏至鄂輝查訊現獲賊匪內音達爾結安巴爾與錫盟格什納木怎達哩與四名或住焉

木薩野等處送信或往孟撒拉喀達哩等處聽用其喀錫拉木第喇拉木生則拉木三名俱係爲賊匪送糧現經鄂輝審明分別解京羈禁伊等爲賊匪通信送糧情殊可惡著福康安再行審問如無可備訊之處卽行正法其賊匪供出未獲納木卡策凌之子一隻眼上次卽爲賊匪領路應與未獲之噶谷瓦甲勒當一併嚴拏究辦無任竄逸

上又命軍機大臣傳諭孫士毅曰前因仲巴呼圖克圖在扎什倫布廟內一聞賊匪滋擾信息不思率衆保護廟宇輒收拾細軟物件先期逃遁其罪甚重是以降旨令鄂輝等將仲巴呼圖克圖解京安插並令雅滿泰沿途管押今思雅滿泰與保泰同係駐藏大臣辦理席爾喀滋擾後藏一事怯懦畏皇種種貽誤上年奏請將達賴喇嘛班禪額爾德

尼移駐內地卽係伊二人聯銜具奏厥罪雖均未便稍從輕減現已降旨令將雅滿泰重責四十板亦於該處永遠枷號以示懲儆雅滿泰已於十二月初二日押解仲巴呼圖克圖啟程著孫士毅於雅滿泰行抵打箭爐或至成都卽派委員將雅滿泰解赴前藏交舒濂遵旨辦理至仲巴呼圖克圖卽著孫士毅酌量准其隨帶一二人委員管押

欽定原野略

卷十五

七

解赴江寧交該督等安插寺廟拘留管閑住其餘隨從人等另派人押令來京

初三日

癸酉

上命軍機大臣傳諭福康安曰昨鄂輝奏到訊問賊匪供詞據稱巴都爾薩野派令頭人一路由濟甯到宗喀一路由聶拉木到第哩浪古兩處俱有藏兵堵禦不能前進惟瑪木薩野佔據聶拉木前往

後藏滋擾等語濟甯第哩浪古等兩處賊匪見有藏兵堵禦不敢前進聶拉木一處豈無藏兵駐守何以任聽瑪木薩野佔據竟至無人抵禦該處所設駐藏之兵是或在彼駐劄抑係見賊匪前來並未迎敵率皆奔竄並有無帶兵駐劄戴琫第巴亦應查究著福康安卽行查明嚴辦以示懲創至供詞所稱聶拉木止有路兩條到處搭有偏橋若把偏橋拆斷就不能過去等語此殊不足慮卽如四川全仗棧道險阻設若絕棧難行亦可另覓隣近別途前赴今廓爾喀卽使路徑陡險諒不至無別路可通縱賊人折去偏橋其路徑尚多亦可設法繞道前進况屯練番兵最爲趨捷登山涉險是其所長更何難超騰踰越深入其阻福康安及海蘭察等惟當激勵將弁統率兵丁鼓其銳氣奮勇徑

欽定原野略

卷十五

六

前直搗巢穴斷不可因賊供有折去偏橋不能過
去之語稍存畏難之見假我士氣福康安受朕恩
眷久歷戎行必能仰體朕意也



欽定廓爾喀紀畧卷十六

正月初五日^{乙亥}鄂輝奏言查頭起屯練五百名

業於十二月初六日到藏卽逐名賞給褚祀皮

鞞並令畧爲收拾器械等項仍令張芝元帶領

于初八日自前藏起程尙有後兩起屯練一千

名現經飛札迎催均令接續前進舒濂於初七

日抵藏^臣當將駐藏大臣關防及一切卷宗移

欽定廓爾喀紀畧

卷十六

二

交接收任事舒濂本係熟悉藏地情形之人僧

俗人等素所感服前藏一切事宜儘可責其經

理至明春大兵進剿所有應行添辦軍火器械

及一切必需之物已咨明畧督^臣孫士毅飭局

添備運送來藏以資接濟福康安自西寧一路

來藏^臣前奉

諭旨卽派鹽茶道林僞前往交界迎候並飭隨路查

明道路遠近安設馬塘以資馳遞摺報茲達賴

喇嘛又復續派喇嘛噶布倫噶勒桑納木扎勒

前往催辦烏拉諒可不致貽誤昨接成德咨會

現往聶拉木一路攻剿賊匪^臣於拜摺後起程

卽督同張芝元帶兵接續成德前進^臣仍順道

查驗後藏所備軍糧及扎什倫布廟宇另行隨時奏報

鄂輝又奏言據總理糧務鹽茶道林僞稟稱藏

欽定廓爾喀紀畧

卷十六

二

地所備兵糧祇有糶把一項卽麥麩亦不能多

得現在將軍參贊領隊及巴圖魯侍衛章京等

先後來藏未便一體支領糶把若全支麥麩又

不敷用查藏地雖不食米而附近地方亦間有

產米者詢之噶布倫及糧員等僉稱每年駐藏

大臣衙門需用米石皆係發銀交商上購買若

此時設法搜羅尙可購備數百石地方遠近不

一統計運至前藏每石價值不過十兩以內較
之內地運出節省實多此時祇可就地購辦數
百石以米麩糶糶三項搭放俾資各官日食至
索倫達呼爾兵一千名恐其祇食糶糶亦多不
慣但同係兵丁又未便稍分彼此自應均以糶
糶支給惟前後藏現在辦有牛羊雖不能如內
地之肥壯而價值尙屬便宜應請留爲索倫官

兵買食卽於該兵等應得鹽菜銀兩內扣算等
語伏思糶糶最爲蠱爛卽日將軍叅贊及各領
隊大臣巴圖魯侍衛等到來誠難一律支食且
藏地既能購買米石較之內地運供價值實爲
節省隨飭令該道轉諭糧員噶布倫等分往購
買以備搭配供支並將牛羊價值照商上買價
議定每牛一隻價銀二兩每羊一隻價銀三錢

以便索倫兵等買食於所得鹽菜銀兩內扣數
扣還商上用歸平允再巴圖魯侍衛及索倫官
兵等由西寧一路前來自必照例領給馬匹但
恐長途或有疲乏難以乘騎查西藏馬匹本少
卽有養馬之家均應出備烏拉當差臣曾與濟
甯呼圖克圖及噶布倫等商酌於西藏所屬之
納蒼等處各番遊牧地方買馬雖遠近不等若

差人前往官爲購買往返不過兩月卽使不能
多得亦可買備數百匹以資明春應用茲復商
之舒濂亦以此事必須預辦隨卽飭噶布倫等
趕緊差人前往辦買多多益善舒濂卽可就近
督催酌中定價給領庶將來巴圖魯侍衛等遠
道至此馬匹或有缺乏之亦可隨時添補於軍行
更有裨益

同日鄂輝舒濂奏言竊查廓爾喀賊匪將扎薩克喇嘛送出於十二月初六日到來臣舒濂亦於次日抵藏當即會同面訊據扎薩克喇嘛囑勒桑丹結稱本年四月間丹津班珠爾等奉達賴喇嘛之諭前往聶拉木一帶巡查地方修葺廟宇並約廓爾喀人來至邊界面議地租一事該喇嘛等於五月十一日自藏起程六月初六日至聶拉木二十八日接沙瑪爾巴呼圖克圖之信令其前往議事在卓克沙木地方見面該喇嘛因欲與噶布倫等商議回至中途即被瑪木薩野派人劫回拘禁數日搬至扎木地方瞥見小噶布倫丹津班珠爾玉托噶布倫扎什敦珠卜戴俸江結第巴博董及醫生擦囉後藏喇嘛碟窩扎甲巴準西如巴第巴湯瑪薩甲喇嘛

欽定廓爾喀紀畧

卷十六

五

策勒車木聶拉木教習兵丁王剛馮大成共十一人並跟役等俱被羈禁詢之丹津班珠爾始知三十日廓爾喀頭人帶兵前來捏稱唐古忒人在山放哨又復拆斷橋梁將聶拉木圍住該噶布倫等抵敵不住即被圍擊數日後又將該喇嘛等先後帶至麻哈碟凹章工寨等處居住嗣喇納巴都爾帶領頭人至章工相近地方洗浴該喇嘛等前往相見提及地租巴都爾薩野即稱緩說後因天氣甚熱又移至甲壘克楚地方居住戴琿江結因病身亡丹津班珠爾等在陽布見喇納巴都爾等兩次講論地租銀兩均沙瑪爾巴呼圖克圖從中關說意涉模稜直至以天朝動兵之言為之恐嚇始據巴都爾薩野派人將

欽定廓爾喀紀畧

卷十六

六

窩扎甲巴準西如巴並帶跟役五名已回扎什
帶跟役四名現回定日本廟後藏喇嘛二名碌
共有三十一人除薩甲喇嘛一名策勒車木並
日自甲壘克楚起身由聶拉木一路出來同行
跟役等二十人扣留不放該喇嘛於十月初一
安人籌議將丹津班珠爾扎什敦珠卜湯瑪連
扎薩克喇嘛等送回令其稟知達賴喇嘛另派
跟役等二十人扣留不放該喇嘛於十月初一

逐一訊明錄供呈

覽其中沙瑪爾巴徒弟格哩訊係充當扎薩克喇嘛
通事並未帶有別項書信應與跟役背夫一併

交與噶布倫等暫爲收管俟將來再行質訊辦
理其聶拉木拒守之賊於該喇嘛等出來時尙
未退回賊匪果敢抗拒

大兵觀望不退現在成德與 鄂輝先後帶兵前往
正足以資殲戮

鄂輝又奏言 等審訊喇嘛格哩雖據供稱實

係充當扎薩克喇嘛通事並非沙瑪爾巴呼圖

克圖差遣出來卽詳詢扎薩克喇嘛亦堅稱無

異但究係沙瑪爾巴徒弟查沙瑪爾巴在廓爾

喀居住多年素爲該處王子頭人所信服效乘

扎薩克喇嘛出來或有心遣令徒弟跟隨來藏

試探而扎薩克喇嘛竟被其所愚亦未可定若

云跟作通事則當送至交界卽可轉回何必隨

至前藏形迹已屬可疑所供殊難憑信該呼圖

克圖居心詭詐焉知非自知罪惡令其徒弟前來探聽信息是否歸罪伊身並看格哩到藏如何訊問處置伊卽得有意臣等此時若將格哩嚴加訊究該呼圖克圖生長藏地豈無一二勾通送信之人不能保其不透漏消息是以祇將格哩及跟役一名噶爾瑪尺密背夫一名布策凌均交噶布倫等好爲看守不露端倪俟事竣再行查辦使沙瑪爾巴探知格哩到藏並不將伊治罪仍安心在廓爾喀地方居住毫無疑慮則明春大兵進剿該喇嘛不致畏罪遠颺更覺易于辦理

鄂輝又奏言臣欽奉

上諭保泰奏公扎什納木扎勒達木協領澤巴結打仗陣亡著鄂輝等將扎什納木扎勒或係與賊打

欽定藏語略考

卷十六

九

仗身亡或係敗後被賊殺死之處查明據實奏聞欽此臣隨向撒迦溝打仗之達木唐古忒兵衆留心訪察又遊擊烏爾公阿都司徐南鵬適至前藏臣詳細詢問俱稱扎什納木扎勒在撒迦溝與賊打仗時所騎之馬聞鎗響驚跑扎什納木扎勒墜馬被賊殺害澤巴結帶兵打仗頭中鎗傷陣亡此皆衆人眼見等語查扎什納木扎勒係督領唐古忒兵衆之人乃因鎗響馬驚墜馬被殺殊爲懦弱自不必交部議卹至澤巴結奮勇打仗頭中鎗傷其陣亡之處實衆所共見可否交部議卹之處出自

皇上天恩均奏入

上命軍機大臣傳諭福康安鄂輝成德曰鄂輝奏稱審訊喇嘛來藏或係沙瑪爾巴令其前來探聽信

欽定藏語略考

卷十六

十

息現將格哩及跟役等均交噶布倫看守等語雖亦牽綴賊匪之一法但格哩既係沙瑪爾巴徒弟今令充當扎薩克喇嘛通事到藏此必係沙瑪爾巴自知罪重暗令前來探聽內地消息若云作爲通事則送至交界即可轉回何必隨至前藏此等爲賊偵探之人鄂輝既知其形迹可疑卽應交駐藏官員看守况其人數不多更無難於拘管乃鄂

輝將格哩等竟交噶布倫看管噶布倫豈能自行管束仍不過轉交唐古忒人等該處唐古忒人往往與賊匪通信豈能保其不將內地情形透漏乎鄂輝辦理此事實屬糊塗又據奏到譯出各書信內丹津班珠爾奇達賴喇嘛稟及寄伊父母妻子家信寄噶布倫等信稱我們與廓爾喀兩家債帳事情仔瑋第卜帶信出來把這事說壞了實難得

解如今紅帽喇嘛要與我們和好等語仔瑋第卜係何時何人遣去是否上次巴忠等所遣抑係此次達賴喇嘛所遣係泰等從未奏過鄂輝等從前摺內亦未題及今詢之在京達賴喇嘛之弟及來使堪布囊素食稱係達賴喇嘛商上字識並不知何時遣去著交福康安一併查明具奏若其人可疑卽牢固解京又譯出各信曾否交達賴喇嘛噶

布倫等閱看俾伊等知廓爾喀近日情事其丹津班珠爾等在彼情形亦應令班第達等知悉以安其心乃鄂輝並不給看不但班第達等及玉托噶布倫家屬無由知伊等消息卽達賴喇嘛亦不免心存疑或鄂輝並不計及此糊塗已極著傳旨嚴行申飭其格哩一犯著福康安卽行審訊如尙有備用之處不妨將該犯暫留藏內若無可留用卽

派員迅速解京以備訊問再閱各信內稱伊等在彼經紅帽呼圖克圖時常照應廓爾喀王子每日給與養贍並稱紅帽喇嘛誠心出力要與我們兩家永遠和好及廓爾喀現在發信各卡撤兵等語全係爲廓爾喀餽詞開脫以爲說和地步殊不足憑賊匪素爲狡詐此項譯出各信必係廓爾喀逼勒丹津班珠爾等書寫以見廓爾喀本欲衛藏和好不願稱兵搆彙轉似天朝不肯聽其息事必欲問罪興師以致藏中遭罹兵火爲離間藏內人心之計使衛藏僧俗人等與廓爾喀聯爲一氣而天朝勞師多費轉屬無名爲衛藏之累此等賊人狡猾伎倆豈可墮其術中但達賴喇嘛恐亦不免爲其所惑著將原信發交福康安如鄂輝已將各信交達賴喇嘛班第達噶布倫等閱過則已如未經

欽定廓爾喀紀畧

卷十六

十三

給閱卽著福康安分給閱看並傳集達賴喇嘛濟隆呼圖克圖各呼圖克圖大喇嘛噶布倫等諭以上次賊匪滋事卽因巴忠等令丹津班珠爾等前往講論私與說和令賊退地給與地租銀兩致復有此次滋擾之事是以一經發覺巴忠卽畏罪自盡今丹津班珠爾等又係達賴喇嘛遣令前往亦不關白駐藏大臣輒欲講和完事試思聶拉木濟囉一帶本係衛藏地方經賊匪肆行搶佔理應退還何得轉許銀兩作爲地租况前次許給洋銀元寶三百個設賊匪貪利無厭又以地租爲詞如此逐年加增伊於何底及至賊匪反復滋生事端藏內人等不能抵禦始行告知駐藏大臣轉奏致煩天朝兵力遠赴征剿爲之保護黃教安輯藏地迨天朝運糧調餉集兵大舉伊等又欲與賊匪往來

欽定廓爾喀紀畧

卷十六

十四

說合希圖和息若撤兵後賊匪故智復萌又須煩我兵力是天朝兵馬糧餉竟爲衛藏疲於支應况賊匪得一步則進一步今在後藏滋擾卽許給銀兩欲以講和完事設大兵撤後賊匪復來必致擾及前藏更將如何辦理豈竟如前此保泰等所奏將達賴喇嘛班禪額爾德尼移玉西寧泰寧其藏地竟讓與賊匪有是理乎乃衛藏人等止顧目前轉以廓爾喀本欲講和天朝不肯聽從大兵經過藏地轉致滋累是天朝勞師費餉非爲救藏轉成害藏竟爲無益之舉矣爲此明白宣諭若達賴喇嘛之意必欲與廓爾喀和息完事大皇帝卽聽從爾等所爲將大兵撤回並將駐藏大臣及防守官兵一併調回內地此後藏內一切事務均不必再爲預聞任爾等受其魚肉亦概置不問若爾等以

衛藏地方憑仗天朝保護則須同心合力事事悉聽天朝區處此後藏地諸事必須關白駐藏大臣不得再私遣人與賊來往如此明白斷定俾喇嘛及唐古忒人等咸喻此意方可協力同仇尅期蕪事又鄂輝奏澤巴結與賊打仗陣亡請旨議卹公扎什納木扎勒係墮馬被害是以不便奏請議卹等語扎什納木扎勒於打仗時馬聞鎗聲驚跑卽致墮馬被殺本屬怯懦無能但究屬臨陣被害已另降諭旨賞給銀一百兩作佛事並著福康安告知達賴喇嘛轉行曉諭衆人以扎什納木扎勒聞鎗墮馬被殺與澤巴結打仗陣亡者不同是以不得一例議卹今大皇帝念其尙屬急公特爲賞賚此係格外體卹俾衆共知鼓勵

上諭內閣曰澤巴結奮勇打仗中鎗陣亡深爲可憫

着交部以陣亡例從優議卹扎什納木扎勒馬聞鎗聲奔跑卽至墜馬甚屬懦怯自無庸給與議卹念其究屬臨陣殞命着加恩賞銀一百兩令作佛事

同日勒保奎舒奏言查青海界內臺站前據派往安臺之寧夏府隆興稟報已經安設三十臺下餘祇有八臺想數日來已可安齊其西藏所

欽定朔方縣志

卷十六

十七

管地方應設臺站屢經飛咨鄂輝等趕緊籌辦是青海至藏一帶軍臺可期遞相接續不致稍有間隔惟是臺站馬匹接遞軍報必須臚壯馳騰方能迅速無悞今口外一路正值冬令草枯之時交春後青草未發之先馬匹更易疲瘦且道哩遙遠每站六七十里卽有內地百里之遙又不能添設腰站以節馬力若僅藉枯草牧飼

勢必損臆難以加緊馳遞文報查軍需例載口

外安設軍臺每馬一匹日給料四升七斤重草

二束等語臣勒保復查青海界內軍臺共計三

十八臺相隔遙遠若由西寧運送草束計數馬

所馱不足以供一馬之食今照例辦運料豆按

照各站蒙古綠營馬匹數目給令喂養庶可保

住應分不致疲乏現經臣勒保僱備駝隻源源

欽定朔方縣志

卷十六

十八

轉運以資接濟仍俟來年四月後青草長發時卽行停止再前奉

諭旨令將蒙古坐臺兵丁亦照綠營之例賞給鹽菜

口糧臣等查綠營坐臺兵丁每月例給鹽菜銀

一兩三錢白麩三十斤蒙古坐臺兵丁向例每

月折給羊茶銀二兩是蒙古所得分例較之綠

營本優今若照綠營之例賞給未免反覺短少

臣等敬體

聖主矜恤蒙古至意臣勒保前已發交藩司景安帶

往各臺蒙古兵丁兩個月分例散給今又備具

兩個月羊茶銀兩邊

旨轉爲給發該蒙古等自必倍加感激

天恩踴躍趨事於軍臺文報實屬大有裨益臣勒保

將索倫兵丁出口一應預備事宜料理停安于

欽定廓爾喀紀畧

卷十六

十五

二十四日拜摺後卽行起身旋省奏入報

聞

初六日丙子

上命軍機大臣傳諭福康安曰昨據鄂輝奏詢問扎

薩克喇嘛由廓爾喀回藏情形已將一切機宜詳

悉指示矣此事構擧之由總因前次巴忠辦理不

善陰許給賊銀兩令其退地而又未奏明捏稱賊

退地請降所致試思聶拉木濟嘯宗喀一帶本係

衛藏地方經賊匪搶佔理應收復前次巴忠等調

集多兵自應將賊匪痛加勦殺收復邊境或賊匪

畏懼軍威自行退出方爲正辦豈有令藏內人許

給銀兩贖回藏地之理乃巴忠計不出此轉與丹

津班珠爾等向廓爾喀頭人私相定議每歲許給

元寶三百個令其退還地方希圖顧預完事尙欲

欽定廓爾喀紀畧

卷十六

二十

居功以致賊匪此次藉詞構擧復滋事端是國家

調兵集餉糜費錢糧一百餘萬俱係虛擲夫西藏

之地卽天朝之地豈有以堂堂天朝轉向賊匪許

銀和息竟成前代歲幣故事豈不貽笑萬世乎此

事自因巴忠以伊係御前侍衛經朕特派前往諸

事擅專又能通曉番語與丹津班珠爾等私自商

辦或以唐古忒語言朦混鄂輝成德二人被其所

愚亦隨同附和將就完事及巴忠回京復命時又復飾詞瞞隱當以伊辦理得當或邀獎賞然朕並未獨嘉其一人有所獎賞如鄂輝成德尙堅爲總督將軍試思巴忠曾加一級乎此中默有天理諸臣當益知畏也迨此次賊匪復行滋擾巴忠自知所辦大謬破露後必獲重譴是以畏罪自盡否則何以輕生若此今層層追究此事根由已和盤托

出設巴忠尙在必將伊正法斷難寬宥伊業經自斃俾免刑誅伊子三等侍衛額布現充蒙古奏事姑念父子罪不相及已降諭旨將額布退去奏事降爲藍翎侍衛在大門上當差以示懲儆至保秦雅滿泰係駐藏大臣於巴忠前在藏內私與丹津班珠爾等向賊匪許銀和息之處伊二人豈竟形同木偶毫無聞見乃亦並無一字奏及現因保

秦雅滿泰在藏於賊匪滋事時辦理種種錯悞業經節次降旨責處永遠枷號而二人獲罪之由總由巴忠辦理貽誤所致是巴忠實爲此事罪首更無可稍爲解免也至班第達在藏年久於前次巴忠等與伊子丹津班珠爾私許廓爾喀銀兩贖回藏地一事伊豈得諉爲不知乃並未告知駐藏大臣亦難辭咎第念班第達年老早經退閒伊子丹

津班珠爾現又被賊拘留姑免其深究但該處噶布倫四人除丹津班珠爾現留賊地扎什納木扎勒已經身故外其扎什敦珠布噶勒臧納木扎勒二人俱係前次隨同辦理之人不可不查出懲治著福康安到藏後即將該噶布倫二人查明治罪用兵行軍之道全在賞罰嚴明今噶布倫等扶同一氣貽誤事機若不加以懲治何以使衛藏人等

知所敬畏耶再廓爾喀賊匪既將扎薩克喇嘛送
回此時不妨設法牽綬俾其心存觀望不復預爲
設備以便大兵深入悉數擒誅著福康安一面進
兵一面向廓爾喀檄諭以爾等卽因眼目不清亦
應稟知達賴喇嘛及駐藏大臣自然爲之清理何
以輒敢侵犯邊境並擾及扎什倫布爾既肆行滋
擾其眼目細事此時亦不復與理論惟有聲罪致

欽定廓爾喀紀略

卷十六

三

討大加剿洗爾等當自知悔悟速將巴都爾薩野
沙瑪爾巴獻出或可奏聞大皇帝寬其一線保全
軀命若再不畏威悔罪卽日大兵所至殲戮無遺
後悔何及如此檄諭俾廓爾喀心持兩端遲延觀
望大兵出其不意直搗賊巢一舉集事想福康安
久歷戎行必能辦理妥善一勞永逸副朕委任也
至福康安勦辦廓爾喀事竣後自應回京復命不

能在藏地久駐此後藏內一切事宜係駐藏大臣
專責鄂輝舒濂務當認真妥辦諸事留心向來駐
藏大臣往往以在藏駐劄視爲苦差惟思年期屆
滿幸免無事卽可更換進京是以諸事因循廢弛
毫無振作姑念事屬已往所有從前駐藏大臣亦
不復加深究此番整頓之後鄂輝舒濂遇有應辦
事件必當一力主持斷不可如從前之漫不經心

欽定廓爾喀紀略

卷十六

四

任聽噶布倫等率意行私並不關白駐藏大臣扶
同隱飾如有復蹈前轍者惟伊二人是問况鄂輝
舒濂俱係前次辦理藏務之人本有不是今尙加
恩錄用若伊二人再不知感懼凜遵諭旨實心任
事又復仍前玩愒幸圖年滿回京尙有辦理不安
之處必將伊二人加倍治罪斷不能再遞寬貸也

臣等謹案衛藏所屬之聶拉木濟隴宗喀三

處前經賊人竊據自宜收復其地歸我版圖
乃巴忠等奉

命率師並不憚以軍威正其疆索轉令噶布倫議給
銀兩始行退地是其措置乖方養癰貽誤
成隔歲職此之由

皇上以巴忠業已自盡其子罪不相及僅予薄懲而

巴忠前此飾詞入告妄冀冒功並未得邀甄

欽定廓爾喀紀畧

卷十六

重

敘

聖訓煌煌益徵天理昭然先幾默定所以
垂戒臣工俾知敬畏者愈深切而著明矣

欽定廓爾喀紀畧卷十六

欽定廓爾喀紀畧卷十七

乾隆五十七年正月初六日

丙子

上諭內閣曰前因廓爾喀侵擾後藏派令鄂輝成德

巴忠前往辦理巴忠自恃御前侍衛率意專擅欲

圖草率完事且因通曉唐古忒語言輒向噶布倫

丹津班珠爾等私自計議與廓爾喀說和令其退

回侵佔之聶拉木濟隴宗喀三處每歲議給元寶

欽定廓爾喀紀畧

卷十七

二

三百個作為地租嗣因丹津班珠爾以事已完畢

未照前議給銀致廓爾喀復行滋擾去年起事之

時巴忠自知罪重即投河自盡若其身尚在必當

正法今已倖免刑誅伊子蒙古奏事處三等侍衛

僧額布著降為藍翎侍衛在大門上行走以示懲

儆

初七日丁丑勒保奏言臣前抵西寧時據護理莊

浪土司魯孫氏呈稱氏夫魯璠在日曾于四十

九年勦滅逆回案內打仗出力仰蒙

人皇帝賞給二品頂帶孔雀花翎嗣因氏夫身故氏

子魯紀勦年未及歲令氏暫行護理土司印務

近聞大兵進勦廓爾喀從此出口一路需用柴

薪情愿趕辦乾柴十二萬斤運赴丹噶爾交納

以備應用等情臣查該土司世受

欽定廓爾喀紀畧

卷十七

二

國恩今因口外需用柴薪情殷報効其瀝情抒悃實

屬至誠懇切且西寧地方並不出產柴薪正在

需用之際所辦甚為得濟臣當即准其所請並

諭以如此踴躍急公實為可嘉自當遇便奏

聞上邀

獎賞嗣據該土司將所辦乾柴十二萬斤用車運至

丹噶爾照數交納伏念魯孫氏係邊徼土司且

屬女流能知大義實堪嘉許今其子魯紀助年

已十四明春卽應承襲指揮世職可否仰懇

鴻慈准將伊父所戴花翎

賞給魯紀助戴用以示獎勵之處出自

皇上天恩奏入

上諭內閣曰莊浪土司魯璠在日于勦捕甘肅逆回

時曾經隨征出力賞戴花翎今魯孫氏一聞大兵

欽定方略紀畧

卷十七

三

進勦廓爾喀卽請備柴薪十二萬斤運至丹噶爾

地方以資應用邊徼土司又屬女流能知大義甚

屬可嘉著賞給大緞二疋伊子魯紀助現在年已

十五歲卽著承襲指揮使世職並加恩賞戴花翎

以示獎勵

初十日庚辰成德奏言臣于十月二十六日行抵

前藏曾將籌辦事宜及帶兵前進節經奏

聞嗣至後藏迎遇仲巴呼圖克圖遊

旨赴京感戴

天恩甚爲誠切其占卜惑衆之濟仲堪布業經鄂輝

審明判黃正法凡僧俗人等無不感服

聖主正教明刑至意並諭以軍行糧食發價採買亦

俱趕緊辦運惟因後藏經賊匪蹂躪之後應付

烏拉多有掣肘而砲位子藥鍋帳口糧勢必隨

欽定方略紀畧

卷十七

四

軍同行不敢因烏拉掣肘稍稽前進隨令漢屯

兵丁接替背負儘力趨行仍到處訪探情形賊

自定結逃竄之後各處並無賊匪惟濟籠聶拉

木絨轄尚有賊匪逗遛近聞喀爾達及第哩浪

古通拉山一帶適因嚴寒降雪山路封阻現在

密差熟習路徑之漢屯土練番人確加踴探如

果大雪難行務必設法取道奮力前進相機勦

賊收復竭力勉爲稍贖前愆

同日鄂輝奏言查前此嚴廷良報獲賊匪十一

名原稟內稱三名係新撤之人均經同日起解

茲據總兵穆克登阿稟稱十一月二十八日在

江孜地方適有定結解來賊匪十一名除病故

二名查點寔有九名該鎮在彼署訊供詞飭令

次日起解詎有折孟雄番犯三名于二十九日

欽定西藏紀略

卷十七

五

晚間脫逃現已孳獲囉卓一名其在逃之德結郎

戮南坦多爾結二名現在上緊緝拏等情臣訊

之原派第巴彭錯拉木結定本索敦及兵丁羅

治等僉稱交與江孜營官第巴派人看守而營

官等現在均未前來無可質對必須質審明確

方可定伊等之罪除飛飭將逃犯二名上緊嚴

拏務獲究報外合先奏明均奏入

上命軍機大臣傳諭福康安曰據成德鄂輝所奏各

摺此事總由鄂輝成德遷延貽悞以致定結賊匪

得以逃竄今成德節奉嚴飭諭旨始行躡探道路

前赴邊界鄂輝亦甫由前藏起程接應成德皆屬

緩不及事至成德摺內稱聞喀爾達及第哩浪古

通拉山一帶因嚴寒降雪山路封阻等語喀爾達

一帶旣因氣候寒冷大雪封山其逗遛賊匪自不

欽定西藏紀略

卷十七

六

能退回巢穴若賊人能往則我亦能往豈有我兵

爲雪所阻而賊匪不爲雪阻之理成德旣貽悞于

前卽巧辯亦復何益此時福康安尅期可以抵藏

自能相機進剿亦不藉鄂輝成德二人辦理惟是

福康安到彼後須察看情形如賊匪屯聚尚多非

厚集兵力不足以痛加殲戮大示懲創轉不必過

于欲速輕率前進卽使連得勝仗收復邊界而賊

匪或乘間逃逸竄入深山窮谷跟蹤追剿轉為費力福康安惟當酌量機宜如兵力未齊不妨畧為停待統俟海蘭察及巴圖魯侍衛章京索倫勁旅等接續到齊所調屯練番兵亦俟全數齊集出其不意統領大兵奮勇前進將逗遛賊匪一鼓殲擒

即乘兵威勝勢直搗巢穴更可一舉集事迅奏膚

功又據鄂輝奏擊獲折孟雄番犯三名均係新撤

欽定滿洲野史

卷十七

七

之人新撤地方究在何處是否另一部落著福康

安嚴訊折孟雄各犯務令其據實供出究係何處

部落之人是否席爾喀約幫助同夥共有若干

即行具奏又另奏擊獲三名于途次乘間逃脫羅

卓一名現已追獲其德結郎戰南坦多爾結二名

尚未就獲等語此等被獲賊番自應小心防範乃

原派第巴兵丁及江孜營官並不加意管押互相

推諉以致要犯脫逃不可不嚴行查究重治其罪並著福康安將脫逃之犯或係第巴兵丁等沿途疎脫抑係江孜營官失于管束查訊明確嚴加責懲所有未獲二犯想亦逃匿不遠未必能竄回巢穴必當上緊緝拏務獲毋任潛匿稽誅

十三日 鄂輝奏言 欽奉

未

上諭保奏奏戴琿薩木珠令巴因傷身故是否實係

欽定滿洲野史

卷十七

八

與賊打仗得有鎗傷抑係虛捏之處並著鄂輝查

明具奏等因查戴琿薩木珠令巴 素知其勇往

此次到藏後遍加察訪據噶布倫等僉稱該戴

琿于九月初十日在僧格宗與賊打仗得受鎗

傷二十八日身故實係傷亡應請照例議卹

鄂輝又奏言竊 自前藏起程行抵曲水地方

適遇解到賊犯隨即親加研鞫緣本年六月間

廓爾喀頭人巴達爾與帶兵與唐古忒人滋事由卡達一路直至定結佔據噶哩一犯原在廓爾喀當兵臨陣派令掌號在定結佔住一月有餘因聞大兵將到于十一月初一日賊衆約會潛逃噶哩胯下受有箭傷不能行走初二日卽被擊獲因時被獲者六名有頭人扎薩噶納哈達哩之跟役格爾伯一名背夫扎薩朗一名小

欽定西藏圖志

卷十七

九

頭人阿斯噶朗之背夫納起朗一名巴達爾與手下背夫格必麼呢二名又廓爾喀譯字房布拉納兒巴磔之跟役叮波一名頭人布爾那楞手下兵丁都立一名先于十一月初一日掣獲均經都司嚴廷良派撥該處第巴頭人及兵丁等目定結起解行至江店江孜地方麼呢都立二名先後病斃均經第巴彭錯拉木結割取首

級呈驗現在解到六名內有格必一犯因患病甚重卽行正法梟示賊兵噶哩跟役格爾伯叮波三名均關緊要現已咨明舒濂與前次審訊之音達爾結等四名一併交與遊擊烏爾公阿押解進京其背夫扎薩朗納起朗二名應與前案內第喇拉木等二名均各暫行羈禁將來如無可用之處一併正法

欽定西藏圖志

卷十七

十

同日孫士毅奏言臣欽奉

諭旨令臣派調土兵三千專差分別譯諭早爲預備並令福康安通盤籌畫酌量檄調查此項土兵三千臣前已專員分路挑備並將軍裝器具逐一辦齊其領兵將備亦已將熟悉番情之員先期派定恭候

聖示此時福康安諒已遵奉

諭旨酌定兵數寄信到爐臣 俟接到福康安知會即

將土兵一切安家賞號應給分例另派得力之

員會同領兵將弁責銀前往一面賞給一面管

帶即由草地起程現在總兵袁國瓚奉到

恩旨准令帶兵赴藏臣 敬謹傳

諭令其聽候福康安知會到日統領此項土兵前進

查前此出口土兵俱由臣 面加獎賞今此項土

欽定廓爾喀紀畧

卷十七

十一

兵各由草地行走臣 不能親身賞給茲據該鎮

告知現在爐城之寧遠府知府符兆熊在川年

久素為韓斯甲及三雜谷各土司信服屆期請

將一切應給土兵分例銀兩交與符兆熊賞帶

前往會同該鎮散給該土司等自必更加鼓舞

臣 查符兆熊本係軍務熟手經臣 前此

奏派在鎭幫辦兵餉出口事宜既經袁國瓚稟請

該守賞銀前往臣 俟一接福康安知會需兵若

干即將應給分例交符兆熊賞赴韓斯甲梭磨

松岡卓克采四處土司地方秉公散給務使土

司均沾實惠踴躍啟行至德爾格土司另係一

路距打箭爐稍遠距察木多較近所有預挑該

處土兵一千名如果需添調赴藏其應得分例

必須另委妥員前往散給查有阜和協副將趙

欽定廓爾喀紀畧

卷十七

十二

秉奕辦事實心屢次告請帶兵其德爾格土司

係該副將所轄將來接到福康安檄調即令趙

秉奕會同領兵遊擊關連陞前赴德爾格地方

將應給分例照數分給即將此一路土兵交與

關聯陞帶領由察木多一帶赴藏再遊擊烏爾

公阿日內當已自藏起程臣 現在飛飭口外各

臺員弁如遇烏爾公阿到站即令仍回藏內聽

候軍前差委

同日惠齡奏言臣于十二月二十四日行抵打

箭爐向署督臣孫士毅詢問一切情形據稱餉

銀一項已解送五十餘萬兩臘底春初當可陸

續到藏其火藥鉛彈火繩等項派員陸續押送

出口明春大舉需用較多不妨寬爲預備現飭

省城三標將存營軍火先行運送一面趕緊配

欽定平定縣志

卷十七

十三

製續行酌撥至弓箭爲軍前利器現在赴藏巴

圖魯百員索倫兵一千名騎射是其所長恐後

藏邊境以外地土濕潮官兵所帶弓箭因行走

日久到彼或有損壞藏地並無製造弓箭之人

難以購備詢之孫士毅據稱於各弁兵隨身攜

帶之外又預備勁弓數百張箭一萬枝俟裝裹

停當卽行解送軍前應用臣昨過省城曾與提

督觀成尙及據稱物料業已預備齊全趕緊製

造半月內可得箭三萬枝臣以孫士毅所備一

萬枝箭慮不敷用當卽飛咨觀成速爲趕造三

萬枝合之孫士毅預備之數已有四萬枝足敷

應用如將來軍務告蒞所備箭枝餘剩卽留爲

駐藏弁兵捧演之用至口外烏拉行走不能迅

速經孫士毅頻遣文武員弁持令嚴催第恐道

欽定平定縣志

卷十七

十四

險途長烏拉往返應差仍不免多稽時日臣此

次出口經過各臺自當從嚴催辦務令將兵餉

軍火等項隨到隨運毋悞軍行臣現于十二月

二十六日從爐出口加緊前進均奏入報

聞

十六日丙鄂輝奏言臣於十二月十六十七兩

日連奉

諭旨因保奏賊匪尚在定結第哩浪古等處逗遛

仰蒙

皇上指示機宜飭令臣等趁此跟蹤追殺伏查定結

賊匪當臣等甫抵前藏之時業經漢番兵丁追

逐殲擒臣因行走遲滯未能趕同痛殲同心已

切惶悚茲第哩浪古退回之賊尚在聶拉木濟

龍一帶佔據自當先行剿滅盡數誅擒查該處

欽差席爾喀紀畧

卷十七

十五

與賊匪地方連界後路並無雪山昨准成德知

會通拉山一路已被雪封現在覓路前進惟成

德所帶之兵無多臣現在督同總兵張芝元帶

領續到屯兵五百名迅速接續前進會合成德

一路進剿以冀稍贖前愆再雅滿泰押送仲巴

呼圖克圖進京臣前在途次遇見原與舒濂札

商定于十二月十七日令其自藏起程茲准雅

滿泰來信因舒濂忽于十四日病重應給咨文

等件均未辦發是以尚未啟行臣現將咨文趕

緊辦就印交守備張詠星夜賫往面交隨札致

雅滿泰令其于二十四日帶同仲巴呼圖克圖

及隨同占卜或衆之扎蒼喇嘛四名一併押解

進京至遊擊烏爾公阿押解賊匪音達爾結等

七名赴京于十七日自前藏起程已行知前途

欽差席爾喀紀畧

卷十七

十六

撥兵護送並咨署督臣孫士毅一體查照辦理

鄂輝又奏言查舒濂此次來藏在途卽染患痢

疾到藏後精神尚好猶能力疾辦公詎料臣起

身後舒濂于十二月十四日病疾增劇據糧員

重光等稟報于十六日辰時身故臣伏思前藏

地方緊要當軍興之際應辦糧餉烏拉等項必

須大員督率籌辦臣現在接續成德進剿邊界

之賊未便卽行轉回查有

乾清門頭等侍衛額爾登保才具明白遇事尚有

主見自到後藏以來臣曾與之講論藏地情形

伊亦知其大概現卽飛咨額爾登保在前藏彈

壓並代辦駐藏衙門事件遇有緊要之事距臣

亦不甚遠正可往返札商安辦惟福康安到藏

後臣前經仰懇

欽定庸爾喀紀畧

卷十七

七

天恩隨至軍前効力伏求

皇上早賜簡派一員迅速來藏俾前藏辦事有人于

軍務更爲有益均奏入

上諭內閣曰據鄂輝奏舒濂染患痢疾身故舒濂甫

經到藏旋即病故殊堪憫惜著加恩賞銀五百兩

交伊家辦理喪事仍交該部查照副都統應得恤

典照例辦理

上命軍機大臣傳諭福康安鄂輝成德曰鄂輝奏遵

旨帶兵前往邊界接應成德又稱舒濂患痢身故

甚屬可惜已降旨賞銀五百兩並交部照例議卹

矣至駐藏事務現據鄂輝奏令額爾登保暫駐前

藏代辦一切事件遇有緊要之事可以札商妥辦

鄂輝所辦尚是可謂知人至福康安此時自己抵

前藏計此旨到時福康安抵藏已及一月前經降

欽定庸爾喀紀畧

卷十七

六

旨諭令福康安到彼後如兵力未齊不妨稍爲停

待俟海蘭察等及索倫屯練兵丁全數齊集再行

統領進剿福康安接奉前旨自必在藏暫駐所有

藏內應辦事件諒俱料理妥協無須朕一一指示

此時駐藏事務不復派人前往現在鄂輝已往邊

界接應成德剿殺聶拉木濟龍一帶逗遛賊匪如

伊二人果能奮勇直前先行剿殺實有可乘之機

當乘兵威勝勢鼓舞深入即着鄂輝成德飛速知

會福康安帶兵接應福康安即同海蘭察等統領

勁旅迅速前往會同鄂輝成德併力直前將賊匪

悉數殲擒固屬甚善但鄂輝成德到彼或因兵力

不齊山路雪阻未能前進或賊匪先已聞風竄匿

鄂輝成德所帶兵力不多難以追勦則伊二人不

必在彼駐候應令成德帶領兵丁駐守邊界候福

欽定滿洲野史

卷十七

九

康安統兵進剿時隨同打仗鄂輝即著回前藏辦

事鄂輝之智謀自不及福康安其勇往亦不如海

蘭察奎林等此時藏內辦理糧餉及烏拉等項均

關緊要鄂輝人尚細心令其辦理藏務自能勝任

也

十九日臣勒保奏言查口外新設軍臺馬匹

臣

因正值冬令草枯之時酌定運送料豆以資接

濟惟是各臺馬匹向係在槽喂養上冬趕赴口

外站遠道長僅資枯草牧養必致臙壯減落及

待料豆運到已經一月有餘恐一時難以長臙

且現據各臺稟報間有倒斃臣隨于委員運料

之便復在營馬內挑就臙壯好馬共二百六十

匹順便帶往前赴各臺添補每臺計八匹六匹

不等是各馬既有新馬替換又得料豆接濟自

欽定滿洲野史

卷十七

三

可不致疲乏臣仍不時留心查察隨時輓運糧

料添換馬匹俾軍報迅速馳遞以期無悞再查

舊日安臺地方竟有水草平常之處若拘泥舊

址設立於馬匹殊不相宜臣飭令辦理臺站之

司道等相度情形揀擇水草較好處所酌量挪

移另行安設其各臺內間有道理綿長相離窩

遠之處亦俱飭令添設腰撥以節馬力如此量

爲調劑庶臺站可期經久而文報不致稽延奏

入報

聞

欽定爾喀紀畧

卷十七

三

欽定廓爾喀紀畧卷十七

欽定廓爾喀紀畧卷十八

正月二十日庚寅福康安奏言臣於上年十二月

初一日自西寧出口後十六日行抵瑪楚克地

方併站兼行已逾半月沿途水草平常駝馬俱

形疲乏十七日至哈達都水草頗好探得此後

十餘站冰堅草微均難收放因卽於哈達都暫

住一日畧加收放卽行啓程前進連行數站馬

欽定廓爾喀紀畧

卷十八

二

力尚可支持惟駝隻行走過緩且因每日寅刻

起身戌刻住宿駝隻一至夜間卽不能食牧飼

旣缺疲乏更甚臣思駝隻所運各物柴薪較爲

畧重前於出口時酌帶柴薪原以備檢糞缺乏

之用今沿途野牛野馬遺糞頗多足供檢拾燒

燃毋庸柴薪炊爨因將柴薪全行減去其應用

之鑊鍋帳房改用馬匹馱運復將隨從員役人

等再加刪減合其隨後緩程進發臣分派一日

當卽輕騎先行二十三四等日經過之鄂林察

林諾爾星宿海白爾齊爾喇嘛陀羅海等處地

方係黃河發源之地數百里內溪澗交錯泉水

甚多冬令處處凝冰遠近高下竟無路徑且該

處多係溝壑沙灘亂石縱橫與冰塊相間層積

馬足傾滑行走維艱詢之熟悉路徑之蒙古番

欽定廓爾喀紀畧

卷十八

二

子皆稱此係通藏正路冬間冰大難行須由阿

克塔齊領山呼吉魯肯山一帶繞行道路稍紆

尚無阻隔因卽繞道前進計程多行三日于二

十七日至巴顏哈拉那都軍臺地方二十八日

過巴顏哈拉據蒙古等言該處卽是崑崙山地

勢極高瘴氣最大雖不比雲貴烟瘴傷人然人

行寸步卽喘頭目眩暈肌膚浮腫冬間冷瘧較

之夏間尤甚臣出口時卽已冒寒患病茲復觸染瘴癘略形困頓而隨從人等亦俱頭暈氣喘未能速行于渡木魯烏素河後停息二日漸就痊可卽日前進經過查罕額爾吉至東布賴達巴罕雪山層疊登涉甚艱而山下道路偏坡仄徑處處坑窪凹凸水凌相間設遇大雪竟難覓路看來各該處地方夏間山水甚大奔騰冲刷

欽定朔方道志

卷十八

三

彌望沮洳冬間低下之地凝結成冰步步阻碍冬夏均難行走現于正月初二日過多倫巴圖爾已抵西藏交界計自西寧起程行至藏界除沿途耽延七日外共行二十五日仰賴

聖主洪福僅遇微雪兩次並無阻隔據蒙古番子等皆言途中設遇大雪必有稽滯雖口外氣候甚冷朔風峻厲然較之往歲嚴寒已爲和暖實邊

地所罕見臣欣慶之餘倍深感戴查自西寧至多倫巴圖爾共有二千八百餘里從此抵藏揀番子等查明實在程途尚有一千八百餘里現在將交春合近藏地方氣候漸暖沿途趕緊行走約計燈節後定可抵藏查辦一切迅速馳奏仰慰

欽定朔方道志

卷十八

四

聖懷至青海地方軍臺俱已安設臣留心察看實因道里遙遠較內地里數加倍馬力稍疲坐臺兵丁口糧按日裹帶並無數餘臣已一面飛咨勒保令其速籌接濟又恐緩不濟急已將自帶米麵通融勻給各臺並賞給銀兩以便買食蒙古番子羊隻藉資餬口其舊定軍臺地方有水草缺乏道里遙遠之處酌量遷移添設腰站撥令安肅道福慶及查臺之西寧辦事司員同福自

欽定廓爾喀紀略

卷十八

五

多倫巴圖爾逐臺查回其西寧至藏地應設臺
 站業據鄂輝派員帶領番子沿臺安設惟坐臺
 綠營兵丁現未全行到齊臣已將帶來預備安
 臺之甘肅弁兵令景安督同知府隆興並將備
 等逐臺派撥均無貽誤候藏內坐臺兵到再行
 撤回至海蘭察並巴圖魯侍衛等及索倫達呼
 爾兵丁俱由西寧行走前經臣奏青海道路既
 屬可行即應接續前進今奉
 諭旨以賊匪尚未全遁海蘭察等及索倫兵丁即可
 隨到隨行毋庸候至春融赴藏仰蒙
 聖明訓示洞燭幾先臣實深欽佩現在海蘭察等業
 已分起出口經臣札令趕緊行走毋稍延緩其
 各起索倫兵丁約計二月初間亦可陸續由西
 寧進發迅速抵藏于剿捕更為得力

欽定廓爾喀紀略

卷十八

六

福康安又奏言臣行抵西藏交界多倫巴圖爾
 地方經達賴喇嘛差堪布喇嘛羅布藏丹津卓
 尼爾格桑濟仲前來迎接當即傳令進見據該
 堪布等稟稱達賴喇嘛仰蒙
 大皇帝聖恩振興黃教庇佑羣生藏內僧俗人眾涵
 濡
 化澤渥荷
 生成上次廓爾喀與藏內人等構衅蒙
 大皇帝遣派大臣至藏帶兵彈壓賊匪震懾
 天威幸得完事今廓爾喀又復藉端滋擾肆行搶掠
 唐古忒人等久享
 昇平未經軍旅不能抵禦紛紛退避僧俗番眾皆失
 業流離復荷
 大皇帝特命大將軍帶領巴圖魯侍衛統領大兵遠

赴衛藏征勦不惜多費

帑項採辦糧儲俾前後藏僧俗番人成就安輯承免
侵凌達賴喇嘛並藏內人衆無不稱頌

皇仁歡忭頂感茲遣堪布喇嘛卓尼爾達連呈送哈

達鞍轡馬匹牛羊食物等項察其言詞肫切感

戴實出至誠並據班禪額爾德尼寄送哈達唱

布倫班第達等亦差卓尼爾格桑拉布丹前來

欽定西藏紀略

卷十八

七

迎接 臣量收哈達食物酌賞來使即日差人看

視達賴喇嘛班禪額爾德尼優加酬答並面向

該堪布卓尼爾等諭以

大皇帝恩施優渥護法興教茲因藏地被廓爾喀侵

擾上次辦理不善致有反復此次特派本將軍

統領大兵進剿賊匪原因保護達賴喇嘛班禪

額爾德尼起見不憚勞師遠涉安輯衛藏爾等

仰賴

聖主恩威自當咸知感奮上年賊匪擾至扎什倫布

駐藏大臣保泰遠欲將達賴喇嘛班禪額爾德

尼移至內地幸達賴喇嘛深知大義堅持定見

不肯遷移

聖明深爲嘉獎今聞本將軍抵境感戴

恩甚差人遠來迎接具見忱悃自當代爲具奏本將

欽定西藏紀略

卷十八

八

軍奉

命出京時有宣示達賴喇嘛班禪額爾德尼

諭旨並

恩賞物件俟到布達拉再行宣示

賞給該堪布等聽聞之下感激叩頭頗能領會 臣思

該堪布卓尼爾等係達賴喇嘛等隨從左右之

人所有廓爾喀反復滋事根由來藏滋擾賊目

係屬何人賊匪共有若干並上次巴忠等辦理

情形必知崖略因向伊等婉言詢問該堪布卓

尼爾等初猶以在寺誦經不知外事為辭經臣

明白開導曉諭再三始據稟稱前後藏向與廓

爾喀通商市易兌換該處銀錢使用近年以來

廓爾喀新鑄銀錢欲以一文當作兩文藏內人

眾不從致有爭論廓爾喀因此起衅于乾隆五

欽定廓爾喀紀畧

卷十八

九

十三年六月內就將聶拉木宗喀濟隴三處搶

佔蒙

大皇帝派鄂將軍成提督帶兵進剿後來巴大人到

藏說要札知沙瑪爾巴合其曉諭廓爾喀投順

廓爾喀就遵奉投誠立具甘結永不侵犯邊界

聞得廓爾喀投誠時聲稱聶拉木等處是其搶

得現雖投順

天朝仍須藏裡多用銀兩取贖方肯退還藏內人等

希圖完事定議許給元寶三百個五十四年所

給銀兩不知細數聞得尚未交清五十五年秋

間廓爾喀差兩個頭目前來即係五十四年進

京納貢之巴拉叭都爾喀哇斯哈哩薩野二人

伊等以查看銀錢為名來到前藏其實索取未

清銀兩住至十一月尚未付清聞得阿旺簇爾

欽定廓爾喀紀畧

卷十八

十

提穆奉

旨來藏辦事廓爾喀兩個頭目不敢停留即行起身

回去十二月內阿旺簇爾提穆到藏得知許銀

說和之事即言此事不成體制未清銀兩毋庸

我給至五十六年秋間廓爾喀復來滋擾其時

適值噶布倫丹津班珠爾及扎薩克喇嘛玉陀

地方黃琿一同赴聶拉木地方修理廟宇當被

賊匪裹去拘留賊巢賊目拔穆薩野帶領賊匪

六七千人沿途搶掠投至扎什倫布聽見大兵

赴藏賊匪害怕又受不慣藏地寒冷始行退回

等語臣查堪布喇嘛羅布藏丹津等所言此次

廓爾喀滋事緣由雖未十分詳盡然總因上次

私許銀兩說和給付未清致賊匪藉端搆衅似

無疑義核之達賴喇嘛之弟羅布藏根敦扎克

欽定廓爾喀紀畧

卷十八

十一

巴所供大概相符臣一到藏內無難確切查明

具奏但所稱赴聶拉木修理廟宇被賊裹去之

丹津班珠爾玉陀地方戴琿二人卽係羅布藏

根敦扎克巴供出與沙瑪爾巴定議給銀之人

此事或竟係伊等主持商議亦未可定卽上年

復往聶拉木邊界不過借修理廟宇爲名想亦

因講論未清銀兩前往致被賊匪誣誘挾質索

銀懸揣情形當不出此今臣既奉

命帶兵進剿惟當痛殲賊衆使之震懾軍威從前私

議給銀之事不值再行置議至巴忠鄂輝成德

上次赴藏辦理此事于噶布倫等私許廓爾喀

銀兩斷不得諉爲不知巴忠素性執謬又能通

曉番語崑主辦理罪固難辭卽鄂輝成德隨同

附和顛預完事亦不得謂之無過現在欽奉

欽定廓爾喀紀畧

卷十八

十二

諭旨加恩寬宥仍令鄂輝成德帶兵殺賊立功白贖

伊二人仰蒙逾格

恩施棄瑕錄用更必激發天良勉圖贖罪臣到軍營

後卽遵

旨明白諭知以觀後效再後藏邊界至廓爾喀地方

該堪布等均未到過臣細加詢問據稱開得廓

爾喀與巴勒布地界毗連本係兩種言語風俗

各不相同十餘年來廓爾喀漸肆強橫將巴勒布之若囊陽布郭庫木三部落鬻食吞併巴勒布人等勉強順從人心未能帖服在藏貿易者俱係巴勒布並無廓爾喀之人後藏之定結瑪拉木濟噶哲木宗雅沙五處均與廓爾喀相通一至賊境路徑崎嶇大山層疊險隘之處不能乘馬行走是以賊匪來藏侵擾多係步行馬匹甚少等語臣思巴勒布人等在藏貿易年久與藏番稔熟互結姻親自必有心向藏番之人况廓爾喀恃強吞併巴勒布地方遭其荼毒人情未能和協正可設法招徠隨時鼓勵使其自相攜貳乘間進攻賊匪地方雖稱險阻然所調屯練降番等素爲奮勇登山涉險最稱趨健仰蒙皇上洞燭幾先准照鄂輝等所請再行添調土兵三

欽定廓爾喀紀略

卷十八

三

千名連前調二千名共足五千名之數現在藏內糧石數餘足供軍食大舉進剿時得有此項勇健兵丁進攻險隘過險之後又有索倫兵衝突殺賊于剿捕機宜更爲有益臣前接孫士毅咨商卽行札覆令其速爲預備茲奉諭旨令臣酌量籌畫應否添補遵卽再行咨會孫士毅選派統領大員迅速帶領起程惠齡現由川省出口沿途催趲更可迅速赴藏均奏入上命軍機大臣傳諭福康安曰日本日據福康安奏於正月初二日行至多倫巴圖爾地方已抵西藏交界並稱口外氣候甚冷然較之往歲已屬和暖實爲邊地所罕見等語此實上天恩佑朕心益增欽感福康安由阿克塔齊領等山繞道行走所過地方積雪層冰俱已經過自入藏

欽定廓爾喀紀略

卷十八

四

界以後人烟逐漸稠密氣候亦漸近融和自可邁行無阻此時自早已抵藏遵照節降諭旨籌辦一切進剿事宜朕懷甚爲欣慰又據奏達賴喇嘛差人迎至藏界查詢廓爾喀滋事緣由一摺據堪布卓尼等所稱賊匪起釁情節及廓爾喀地方路徑與此間節次所詢情形雖大概相同然尚不及此間詢問之詳悉此事總由巴忠與噶布倫丹津班

欽定廓爾喀紀畧

卷十八

五

珠爾等私向廓爾喀許銀贖地致此次賊匪以索取地租爲名藉詞滋衅巴忠自知事經敗露必罹重辟是以聞信卽投河自盡若非巴忠畏罪情切何以輕生若此朕已早經料及會令軍機大臣詢問達賴喇嘛之弟羅布藏根敦扎克巴並節次諭令鄂輝等查訊賊匪滋事緣由俱已一一具悉屢會降旨諭知福康安昨又有悉故詩一首備詳此

事端委大畧無疑矣著抄寄福康安閱看至此大福康安海蘭察等帶領勁兵進剿惟當痛殲賊寨從前私議給銀之事自不值再行置議至廓爾喀地方周圍不過千里與內地大縣相似而自邊界至賊巢相距不過七八日路程亦易于深入想福康安自能相機進剿爲得尺則尺之計以期迅奏膚功永綏邊徼也再西寧至藏一帶安設臺站原

欽定廓爾喀紀畧

卷十八

六

以利兵行而速驛遞但思青海一帶氣候苦寒水草不便且道路險阻不但冬令難行卽春夏之交山水漲發亦多阻碍其坐臺之官兵蒙古人等在彼口糧柴薪旣難接濟而所設馬匹牧飼維艱諸多未便前因福康安及海蘭察等由彼取道索倫達呼爾兵丁亦從青海進發該處自不能不安設臺站用利進行此時福康安早經抵藏海蘭察等

均已出口索倫達呼爾兵丁亦即日過竣該處臺站祇以備馳遞文報之用但自藏至打箭爐一帶本有臺站久定章程文報往來經由該處接遞其遲速亦當相仿若仍設臺站不但徒滋糜費而坐臺官兵常川伺候亦覺勞苦所有青海現設臺站於索倫達呼爾兵過站後即以次撤回其藏地新設臺站亦俟索倫達呼爾兵過後尾隨捲撤毋庸

欽定廓爾喀紀畧

卷十八

七

再爲安設不但可示體恤兼可節省煩費此後福康安奏報之摺竟由打箭爐一路馳遞亦可尅期無悞卽將來大功告竣所有凱旋官兵亦仍由川省撤回著傳諭福康安卽與勒保詳悉札商如以爲便卽可一面奏聞一面遵照辦理

同日鄂輝奏言臣前抵曲水接據總兵穆克登阿來稟嚴廷良報獲賊犯十一名內有哲孟雄

番犯三名乘間脫逃當經率獲囉卓一名臣行抵江孜提同現舉番犯囉卓及原解之第巴兵丁逐加研鞫緣都司嚴廷良與戴琿丹津那木吉分領漢番弁兵在定結一路堵禦賊匪十一月初一日晚間賊衆潛逃督兵追殺兩次擧獲賊匪噶哩等八名該戴琿復于定結搜山盤獲囉卓等三名派令打仗出力之滾布第巴彭

欽定廓爾喀紀畧

卷十八

六

錯拉木結定本索敦並兵丁羅治等六名解赴前藏於二十八日行至江孜適遇總兵穆克登阿在彼提犯訊明飭令次日起解彭錯拉木結等隨將賊犯交與江孜營官派撥定本索諾木彭錯乃喜及番兵丹成等看守囉卓等三人乘番兵等睡熟於烟棚掘開土塊一同脫逃當經兵丁石正庭呂坤二人將囉卓一名擧住其德

結郎截南坦多爾結二名遍緝未獲訊之囉卓
供稱折孟雄地方現被廓爾喀佔據多隆寺喇
嘛格桑曲呢逃在薩迦溝之甲布地方該犯與
德結郎截等三人同往找尋行至定結山內被
搜山番兵挈住押解赴藏因恐到藏一律嚴辦
遂在江孜商酌同逃等語伏思該犯等果係悞
掣卽日到藏審明便可開釋又何所畏而頓思
逃逸况當賊匪滋事之時定結一帶均係賊兵
佔據該犯等三人竟能公然行走毫無畏懼形
迹已屬可疑乃解至中途胆敢相約逃遁及被
獲到案又復狡供其情甚爲可惡臣於審明後
將囉卓卽行正法以示炯戒逸犯德結郎截南
坦多爾結現在嚴飭務獲究報一體嚴辦索諾
木彭錯乃喜二名當卽牽去定木與番兵丹成

彭楚克澤登角阿登丹五名各賞四十棍在該
處地方柳示漢兵羅泊李國舉龐君善陳庭蛟
雖經殺賊立功但係長解兵丁同在房外看守
並不小心防範致賊脫逃應卽開除名糧與索
諾木彭錯等一併責處柳號江孜營官索諾木
扎什等不能派撥妥人看守亦卽重責四十棍
並勒限嚴緝逸犯獲案免其斥革兵丁石正廉
呂坤雖當時卽追獲囉卓一名但究屬疎虞當
卽革退名糧重責示儆滾布第巴彭錯拉木結
定本索敦隨同戴琿丹津那木結堵禦賊匪不
有殲擒尚屬奮勇本應獎勵乃此次解犯前來
交與江孜營官派人看守並不親自嚴防罪有
應得但當此用人之際該第巴等尚稱勇往應
請免其治罪在營効力戴罪立功都司嚴廷良

筭差不慎總兵穆克登阿既在江孜訊供飭交
營官看守亦屬防範不嚴臣未能先事預防均
難辭答應請一併交部分別議處

鄂輝又奏言查自前藏以至後藏共設糧站五
處每處運到一二千及三千餘石不等沿途烏
拉運送絡繹而來是前藏所辦之糧自可信其
無悞至後藏所辦三萬石詢之戴琿堪布據云

欽定廓爾喀紀畧

卷十八

三

陸續運交拉子脅噶爾宗喀等處存貯者業有
一萬餘石其餘趕緊發碾不致有悞等語伏查
稽糶難以久貯若七萬餘石全行碾出恐三四
月後不能保無霉變臣已札致濟隴呼圖克圖
並面告歲琿堪布此時前後藏先碾一半其餘
將青銀量收備貯於明年二月間再行碾運仍
札飭林傳令其督同噶布倫等於現有七萬石

糶糶之外再加設法採買以裕軍糈至沿途安
設各塘臣親加點驗馬匹尚臚壯足額此時文
報往來儘足以資馳遞成德現已帶兵前赴番
拉木一路勦賊總兵張芝元所帶屯練兵已自
後藏起程臣拜摺後亦即接續前進以資策應
均奏入報

聞

欽定廓爾喀紀畧

卷十八

三

二十一日辛卯

上諭內閣曰此次派出索倫達呼爾兵丁前赴衛藏
進剿廓爾喀所有帶兵官員及兵丁等業經加恩
分別賞賚但該兵丁等衝寒遠涉均堪軫念著交
勒保於該官兵行抵西寧時加恩每兵每名各賞
給銀二兩以資用度至青海一帶新設臺站該處
道里遙遠所有坐臺之蒙古兵丁等在彼常川何

候亦屬勞苦並著交勅保每兵每名一體各賞給銀二兩以示體恤

臣等謹案索倫違呼爾兵丁平時沾被

恩施淪浹肌髓當有事徵發之時自無不踴躍奮興

共申敵愾我

皇上曲予體恤既於調發時加之優賚猶以衝寒遠

涉

欽定廟方略紀原

卷十八

五

軫念周詳復令行抵西寧普給銀兩而蒙古坐臺兵

丁亦得一體邀

恩嗣因軍行青海積雪載塗

命於到藏後再賞一月錢糧仰見

曠暉垂照挾纓騰歡以視采薇違戍雨雪湯餒不免

形諸歌詠者未可同日而語宜乎同心致力

武功迅奏也

二十二日壬辰成德奏言臣由魯噶爾行至第哩

浪古查看該處緊連通拉山根山坡之下均有

積雪又查絨轄之西有卓木工山拉撒等處可

通第哩浪古又通拉山之前有拍甲嶺可通聶

拉木查濟囉聶拉木絨轄三處均有賊匪屯聚

臣僅帶官兵一千餘員名若分路進剿兵勢稍

單兼後路綿長凡有緊要隘口均需擊卡接應

欽定廟方略紀原

卷十八

四

更致不敷分布再第哩浪古距濟囉甚遠並須

由甲納別茹山至宗喀而進其絨轄亦距第哩

浪古較遠且適中亦有卓木工一山今通拉山

旣已積雪其甲納等山亦必相同臣細加籌酌

聶拉木係賊匪出入大路且距第哩浪古較近

應將此處賊匪先爲剿除但第哩浪古拍甲嶺

俱在聶拉木之後均需派駐官兵以防賊人潛

出抄截茲臣於第哩浪古派駐官兵二百餘員

名飭令嚴密駐守臣卽由通拉山取道進至拍

甲橫派撥官兵駐防臣卽帶同總兵穆克登阿

督率官兵奮力前進痛加勦殺以冀稍贖前罪

成德又奏言臣行至通拉山之巴都地方適有

保泰前差赴賊巢曉諭之漢兵范忠前來臣詢

問情形據稱十月二十六日到陽布地方面見

欽定廓爾喀紀略

卷十八

五

喇特納巴都爾及巴都爾薩野將諭發給至十

二月初七日取具覆稟轉回喇特納巴都爾差

人兩名一名拉期一名呢嗎與范忠同來所有

覆稟因並無認識廓爾喀字之人是以暫爲存

留隨令該丁范忠將該處給保泰回稟並拉朗

呢嗎二人一併帶往前藏臣一面查有能認此

字之人詳加譯出俟鄂輝到來卽會同查辦另

行具奏均奏入

上命軍機大臣傳諭福康安鄂輝成德曰本日遞到

成德所奏祇係查探道路情形成德於十二月初

間卽抵後藏此摺係十二月十九日拜發計抵後

藏已半月有餘且據奏所帶官兵有一千餘員名

是兵力已不爲少正當趁賊匪在濟隴聶拉木絨

韓等處逗遛之時帶兵直前進剿乃成德尚以分

欽定廓爾喀紀略

卷十八

五

路進剿兵勢稍單爲詞擬由脅噶爾取道前進是

成德竟係心懷懼怯不能振作而摺內猶靦顏奏

稱督率官兵痛加勦殺以冀稍贖前罪等語試問

成德如此遷延遲緩尚未前抵邊界與賊接仗又

何罪之能贖耶成德著再傳旨嚴行申飭至成德

奏保泰前遣漢兵范忠往賊巢曉諭現據該兵稟

稱于十月二十六日至陽布當將諭帖面交喇特

納巴都爾已給同信交與范忠並差二人各帶跟役一名同范忠于十二月初七日自陽布起身等語看此光景賊匪聞知大兵將到已不覺心存畏懼若果恃其強梁必將遣去之范忠拘留賊巢豈肯遽行送出今喇特納巴都爾領到諭帖後卽給與同信并差人跟隨范忠同回藏地可見賊匪怯懦無能意欲懇求和息完事福康安到彼後更不可隨其術中賊匪反覆無常今見大兵臨境勢日窮蹙其力難以抵禦因思顛懇乞降俾免誅戮若不于此時痛加勦殺大示劍懲使之畏懼懾服速行准降完事則賊匪習以爲常益復無所忌憚于大兵撤後又將故智復萌殊屬不成事體福康安此時更當堅持定見統領勁兵聲罪致討直前追勦斷不可因其遣人籲乞卽行允從至漢兵范忠

欽定廓爾喀紀畧

卷十八

五

到藏後著福康安畧詢情形一面奏聞一面卽將該兵派員迅速送京以備詢問

二十三日 癸巳

上命軍機大臣傳諭福康安勒保鄂輝曰西寧至藏一帶新設臺站原以利軍行而速驛遞前因青海一帶氣候苦寒水草不便且道路險阻不但冬令難行卽春夏之交山水漲發亦多阻碍其坐臺之

欽定廓爾喀紀畧

卷十八

六

官兵蒙古人等常川在彼口糧運送維艱昨據福康安奏經過青海地方軍臺其臺站兵丁口糧按日裹帶並無數餘已飛咨勒保令其速籌接濟尚恐緩不濟急業將自帶米麪通融勻給等語可見該處道遠站遙諸多未便且燃燒牧飼亦虞缺乏若仍然安設不但徒滋糜費臺站官兵亦覺勞苦難堪前因福康安及海蘭察等由彼取道索倫達

呼爾兵丁亦從青海進發該處自不能不安設臺

站用利邁行今福康安早經抵藏海蘭察等均已

接續出口索倫達呼爾兵亦即日過竣該處臺站

止以備馳遞文報之用但自藏至打箭爐一帶本

有臺站久定章程文報往來經由該處接遞向無

遲滯轉可計日而待是以諭令福康安與勒保札

商將西寧至藏新設臺站卽行撤去今思該處臺

欽定藏圖略卷十八

元

站情形實有萬難持久之勢且恐文報轉有停滯

一俟官兵過站完竣不必再行安設著傳諭勒保

鄂輝卽遵照前旨將青海新設臺站於索倫達呼

爾兵過竣後卽以次撤回其藏地新設臺站亦俟

索倫達呼爾兵過後以次尾隨捲撤福康安竟不

必與勒保往返札商致稽時日

二十四日甲午孫士毅奏言臣於正月十一日接

福康安札知現在將屆大舉誠如

聖諭必須多兵防守後路方足壯軍聲而懾賊膽令

臣將預備土兵三千卽飭將弁帶領赴藏以便

應用等因查此項土兵臣先期密飭德爾格挑

備一千緯斯甲梭磨松岡卓克采四處各挑備

五百所有領兵大員臣遵

旨派令額請出師之總兵袁國瓚及屢經戰陣之遊

欽定藏圖略卷十八

辛

擊關聯陞等分起管帶今福康安恪遵

諭旨酌量後路需兵接應令臣檄調起程臣現已肅

弁飛赴各該處分飭領兵鎮將卽由草地分路

前進以冀早到一日卽早得一日之力奏入

上命軍機大臣傳諭福康安孫士毅日前據福康安

奏於正月初二日行抵西藏交界地方計燈節前

後早抵前藏此時海蘭察奎林自已先後馳抵該

處藏內原有兵丁及續調屯練土番各兵本有六千餘名加以現調德爾格綽斯甲等處土兵三千名又加以索倫達呼爾兵一千名勁兵已及萬餘俱可陸續齊集聲威極爲壯盛而海蘭察奎林等俱久經行陣曉勇宿將統領萬餘勁旅鼓勇直前又得福康安調度策應以此攻剿賊匪勢如摧枯拉朽所向披靡前此廓爾喀喇特納巴都爾卽有藏內係佛地不可干犯之語現在又將前往曉諭之漢兵范忠差人同跟役送回藏內看其光景自係聞大兵將到望風膽落將來勢窮力蹙自必護罪屬下哀懇乞降若不赴兵威勝勢痛加殲戮大示劍德遠以受降完事則賊匪無所畏懼福康安到藏後一俟官兵齊到卽出其不意直前進剿使賊匪猝不及防更可大大加剿殺直抵賊巢斷不可

存將就完事之見卽賊匪窘迫乞命亦當遵照前旨嚴詞駁斥必不得已亦應俟其再四籲求匍匐哀懇再行相機辦理

二十五日乙未鄂輝奏言臣接准成德咨會通拉

山雖被雪封現由拍甲嶺寬路進發臣當卽督

同張芝元加緊趲行會合一路以資策應俟將

聶拉木賊匪撲滅之後再往濟隴絨轄一路追

剿再福康安奉

命來藏由青海取道前進查西寧一路均係草地時令寒冷冰雪載道倘無烏拉柴草應付貽誤匪輕是以臣札飭鹽茶道林備督同噶布倫及第巴頭人將應辦烏拉柴草催備齊全並將自藏以至多倫巴圖爾應設塘馬妥爲安設仍卽馳往青海交界地方迎候昨據該道稟稱已抵適

中之哈喇烏蘇地方現在催辦牛馬一千餘匹
前往交界候迎自可不致遲悞奏入報

聞

二十六日 丙
中

上命軍機大臣傳諭福康安曰昨據福康安奏查詢
廓爾喀滋事緣由摺內稱上年秋間廓爾喀差頭
目二人到藏索取租銀薩瑪底巴克什阿旺簇爾
提穆即言此事不成體制毋庸找給銀兩等語阿
旺簇爾提穆到藏即聞許銀說和之事用言阻止
尚係曉事保泰雅滿泰豈有不知此事之理伊二
人何以並無一字奏及雅滿泰現經押回藏內柳
責保泰亦在彼御就著福康安嚴加詢問以伊二
人一同在藏辦事巴忠等許銀說和一事阿旺簇
爾提穆甫經到藏即有見聞保泰雅滿泰何得諉

欽定廓爾喀紀畧

卷十八

五

為不知乃始終隱匿不奏是何意見令其據實登
答具奏至此事起衅緣由總由巴忠與噶布倫丹
津班珠爾等私向廓爾喀許銀贖地以致此次賊
匪得以藉口巴忠甫聞此信即投河自盡明係畏
罪情急彼時朕卽料及必係巴忠以伊由御前侍
衛派往諸事擅專又能通曉唐古忒語私與噶布
倫等商議許銀息事而鄂輝成德為其所愚隨同
附和且所許元寶三百個並非動用官項其事未
必破露希圖目前和息為將就完事之計已一一
具悉大畧但巴忠與噶布倫究係如何定議向廓
爾喀如何措詞許給銀兩贖回邊界被佔之地必
須詳細查明得其底裡然後能定案結局著福康
安再行詳加體訪務得此事確情據實具奏

欽定廓爾喀紀畧

卷十八

五

欽定廓爾喀紀畧卷十八

欽定廓爾喀紀畧卷十九

二月初三日壬寅成德奏言竊臣由第哩浪古帶

領官兵前進至通拉上山該山峰嶺盤折雖有積雪尚可由山邊小路繞道行走連日以來仰

賴

聖主洪福天色晴朗臣與總兵穆克登阿督率官兵攀援前進於十二月二十七日行抵距聶拉木

欽定廓爾喀紀畧

卷十九

一

四十里之拍甲嶺查詢該處雖有山道可通絨轄地方然亦俱有積雪封山賊匪當此大兵壓境諒不能潛出阻擾但拍甲嶺地處扼要且距聶拉木不遠應需安駐官兵庶得聲勢聯絡惟臣所帶將備現在不敷分布查協領九翼曾經屢次出師尚爲諳練臣隨揀派兵丁一百名令該協領管領駐防即令遊擊張占魁屯備木塔

兩色木哩雍忠巴塘副土司成勒春丕勒帶領

漢屯弁兵二百餘名並代辦戴奉事務之烏珠

那旺所領唐古忒兵七十人由西北迤山而進

令都司張志林屯備阿忠思丹巴帶領漢屯弁

兵二百餘名並第巴密魯甲壩所領唐古忒兵

六十名由西南迤山而進臣於二十八日寅刻

乘夜急進至相距彼處約里許之河沿賊匪向

欽定廓爾喀紀畧

卷十九

二

於夜間將橋板抽去先經哨探河身不至甚寬兼值冬令水涸尚可跳越並經屯弁兵丁等據負木條至彼搭橋濟渡更有涉水而過者臣卽督率滿漢屯土弁兵由西北進攻令總兵穆克登阿帶兵由西南進剿惟時天已黎明西北官兵先將山頭扎住斷其歸路西南官兵與臣所帶官兵會合齊抵各寨脚下經遊擊張占魁等

率領奮勇各屯弁官兵鼓勇直入賊匪猝不及防官兵用火彈拋擲寨房燒斃賊人甚多其有跳出竄逸之賊即被官兵分路殲戮殺死賊匪二百餘名生擒七名拾獲鎗刀器械甚多並搜得米糧十數石牛羊數十隻惟官寨之賊恃其寨房高大固守不出放鎗抵拒經奮勇官兵直撲官寨賊匪用鎗石擊打我兵間有帶傷陣亡

欽定平定回疆方略

卷十九

三

者臣隨令四面擊卡圍困用礮攻擊諒賊匪釜底遊魂立就殲除斷不能一名漏網臣復查詢賊匪接續路徑離聶拉木二三十里有木薩橋地方道路險窄兩山夾峙爲賊匪出入要路應駐官兵擊卡防守臣隨揀派屯備木塔爾帶兵一百五十名帶同熟悉路徑之烏珠那旺第巴密魯甲壩率兵一百五十名在彼擊卡駐守以

防賊匪潛出接應並杜其逃竄之路該屯備木塔爾素爲諳練得力可無他虞

同日鄂輝奏言臣於脅噶爾途次接准成德咨送摺稿內稱帶兵至聶拉木與總兵穆克登阿分路進攻殺死賊匪二百餘名生擒七名等語臣思賊匪以無能小醜尚敢據守邊境一經官兵進剿自同摧枯拉朽臣所慮者賊匪佔據之

欽定平定回疆方略

卷十九

四

聶拉木等處俱離巢穴不遠倘聞大兵將到畏懼潛逃辦理轉滋遲滯今幸

天奪其魄坐待殲誅而官寨尚有頭人固守不出業經四面圍困自不難一一殲擒惟成德所帶之兵究屬無多且分路擊卡亟須兵力接濟查總兵張芝元與

乾清門侍衛承德等帶領屯練五百名已於正月

初一日自荷噶爾前進計日內可到聶拉木隨同成德打仗臣現即星夜擅行以期速抵聶拉木與成德會同勦辦至第哩浪古爲我兵後路而濟隴絨轄兩處又有賊匪佔據恐其間信潛來冀圖救應或由第哩浪古繞至亦不可不防雖經成德留有漢番兵丁究覺不敷尚須添兵駐守臣過後藏時帶有達木防兵一百餘名卽留該處堵禦更足以資得力再聶拉木收復之後旣須留兵防守而濟隴絨轄現有之賊又當前往勦除查副將五十一遊擊劉懷仁所帶後兩起屯兵年底俱可到藏臣現復飛札嚴催令其兼程前進庶兵力充足方可分路進攻均奏

入

上命軍機大臣傳諭福康安鄂輝成德曰賊匪在聶

欽定平定回疆紀略

卷十九

五

欽定平定回疆紀略

卷十九

六

拉木一帶逗遛觀望成德於到彼後卽與穆克登阿率領弁兵乘夜分路進勦鼓勇直入將賊匪殺死二百餘名捉拏活口奪獲器械米糧等項使軍聲先震賊匪膽落並四面拿卡用礮攻擊圍困官寨賊匪使其無從逃竄所辦尚好成德著賞給大荷包一對小荷包四個穆克登阿著賞給大荷包一對小荷包二個張占魁著記名以叅將用屯備木塔爾經成德派令帶兵前進並於木薩橋地方挈卡防守木塔爾素爲奮勇曾著勞績甚屬可喜著與此次成德派出帶兵之屯備色木哩雍忠巴塘副土司成勒春丕勒於現在職分上各陞頂帶一等並著該處各賞給大緞二疋俾其知所鼓勵益加感奮至成德奏官寨之賊恃其寨房高大圍守不出放鎗抵拒經官兵攻撲擊卡圍困等語此

次廓爾喀侵擾後藏係瑪木陸野帶兵前來諒必即在官寨屯據今成德率卡圍住無從逃竄正當乘其窘蹙之時督率官兵奮勇攻剿生擒瑪木陸野以成功績况鄂輝現已帶兵接應前抵該處兵力較壯無難將官寨即時攻破福康安到藏已及兩旬今成德已將逗遛邊境賊匪攻圍剿殺自必即日將官寨攻破乘勝直前福康安即可趁此機

欽定廓爾喀紀畧

卷十九

七

會克期進發以冀迅速集事倘續調兵丁猶未齊集轉不妨稍爲待寬俟海蘭察等及索倫達呼爾兵到後再行統領衆入雖進兵略遲數日而成功更爲穩速同日又據鄂輝奏現派張芝元等帶領屯備五百名自荷噶爾前進鄂輝亦即馳抵轟拉木與成德會同剿辦等語所辦亦好此時鄂輝自己早抵轟拉木與成德會合攻剿官寨賊匪惟

計日以盼捷音之至

上諭內閣曰上年鄂輝成德帶兵前赴衛藏邊界一帶剿捕廓爾喀賊匪途次行走濡遲未能迅速節經降旨嚴飭並將該二員交部嚴加議處嗣經該部議將鄂輝成德照溺職例革職具題朕以其現俱帶兵將部本交軍機處存記以觀後效本日據成德奏帶領將備兵丁行抵拍甲嶺督率滿漢屯

欽定廓爾喀紀畧

卷十九

八

土弁兵會合進攻并拋擲火彈將賊匪燒斃甚多官兵分投殲戮殺賊二百餘名生擒七名現將屯聚之賊四面圍攻等語是成德此次帶兵進剿其從前行走遲延固有應得之咎但一抵拍甲嶺後即能督率弁兵奮勇剿殺痛殲賊匪並生擒活口尚爲出力所有成德從前革職處分著加恩寬免

初四日 癸卯

上命軍機大臣傳諭福康安鄂輝成德曰此次進剿廓爾喀需用軍糧節據孫士毅等奏前後藏所備糧石共有七萬餘石牛羊一萬餘隻足供一萬四五百人年餘兵食是糧石已屬充裕有餘曾經降旨諭令不必再行採買致滋紛擾近復據鄂輝等奏會向濟甯呼圖克圖歲奉堪布等商定於現有

欽定廓爾喀紀畧

卷十九

九

糧七萬餘石之外尚能續辦一二萬石等語殊可不必廓爾喀地方周圍不過千里其所居陽布距邊界僅有七八日路程而附近部落又多與賊匪爲仇其勢甚孤易於勦辦昨又據成德奏帶領官兵進剿聶拉木一帶屯留賊匪殺賊二百餘名四面單卡攻圍官寨可見賊匪無能不難卽時撲滅現在所調各處官兵共有一萬餘人儘足數剿捕

之用福康安等統領勁旅乘軍威勝勢卽可藏功

斷無須至一年之久是藏內現辦糧石於支應軍食之外儘有多餘若復令前後藏商上紛紛採買不特存貯日久紅朽堪虞且後藏曾經賊匪搶掠之餘所存無幾未免轉滋擾累非所以示體卹著傳諭福康安卽傳知前後藏商上及噶布倫等以現在進兵勦捕賊匪原爲保護衛藏所需軍食自

欽定廓爾喀紀畧

卷十九

十

應在藏內採買備辦但現備糧石已屬寬裕且賊匪勢窮力蹙官兵乘勝深入無難尅期集事可毋須多糧接濟若格外寬備徒致紅朽前因辦事大臣不諳事理未經通盤籌畫於現有七萬餘石之外再行續辦殊屬無謂著傳朕旨爾等藏內糧石購辦維艱後藏又復被賊搶掠若復紛紛採買蕙地糧價必致昂貴爾等口食亦多拮据殊非大皇

帝愛護衛藏之意特此傳諭爾等除前已辦就軍糧外其續令商上等添辦糧石俱毋庸再行購備以示體卹如該商上等業經添辦即著福康安查明概行給還如此辦理既不至以有用之糧置之無用之地而前後藏僧俗及商上人等又可免騰辦之煩糧價不致增昂口食均資充裕以副朕體恤恩施無微不至之意方爲妥善

欽定滿洲略記

卷十九

上

初六日乙巳成德奏言臣查賊匪固守聶拉木官寨不過苟延抗拒惟官寨寬大牆圍高厚我兵奮力直撲賊匪暗放鎗石間有帶傷陣亡不值徒損兵力况四面合圍歸路及水道俱已斷絕不難立就誅擒臣隨飭滿漢屯土將弁以西北之兵牽綴誘敵西南之兵多備柴薪火彈於正月初一日子刻潛行運至寨門堆積用火引燃

各兵拋擲火彈火焰冲入先將附近門牆寨屋燃燒惟內有牆門一層賊匪仍抵死拒守適

乾清門侍衛阿呢雅布永德在途聞信於初二日

已刻單騎馳至臣隨與阿呢雅布同遊擊張占

魁屯備色木哩雍忠耶爾結色木朗巴塘副土

司成勒春丕勒等帶兵在西北截殺堵擒總兵

穆克登阿同永德都司張志林屯備阿忠思丹

欽定滿洲略記

卷十九

三

巴等帶兵在西南截殺堵擒直至初二日申刻風勢大作經各兵將柴木火彈拋入火趁風勢直入東邊寨房將賊存火藥引燒盡發寨房坍塌燒死壓斃賊匪甚多其見火先行跳牆奔竄之賊均被官兵四面鞠擒盡數殲誅內有大頭人一名身穿黃緞皮襖外穿紅氈片掛手執藤牌腰刀冒死竄出被屯備色木哩雍忠用鎗打

倒卽被屯把總角布割下首級並生擒賊匪十
一名內有三名因傷重將斃隨卽正法奪獲鳥
鎗刀矛藤牌數十件臣隨卽督率官兵嚴行搜
剿均皆就獲並無竄逸之賊其割獲大頭人首
級臣提令活賊隔別認看俱稱實係大頭人名
呢嗎叭噶嘶又有小頭人踏巴係二十八日在
官寨房頂被鎗打死衆口如一至西北寨房係
在官寨之內距東邊寨房稍遠且牆圍高厚火
勢未能透過尚有賊匪死拒不出臣卽督率官
兵加緊圍困其各處緊要路口均已派撥官兵
拿卡嚴防賊人不能潛至接援臣復提活賊嚴
訊西北寨內尚有賊匪一百多人奏入

上命軍機大臣傳諭福康安海蘭察鄂輝成德曰成
德督領官兵分路進剿殺死賊匪二百餘人捉拿

活口今又將官寨四面攻圍拋擲火彈焚燒東邊
寨房賊匪望風膽落惟知束手待斃其竄出奔逃
之賊亦俱殲戮無遺而西北賊寨亦經成德派兵
圍困賊匪斷不能一名逃竄看來易於剿辦但成
德雖已振作軍威連得勝仗祇能將聶拉木濟呢
絨轄一帶屯留賊匪悉行掃除未必卽能深入大
須福康安海蘭察等統領勁旅鼓勇直前方可大
功告蒞本日詢據都司嚴廷良稱廓爾喀地方不
過千里其所居陽布並無城池礮卡周圍僅三四
里許其屬下人等約有二三千人上下並無體統
等語是廓爾喀地方甚小其上下又不成體統卽
使併力抗拒亦必全無紀律不難一鼓殲誅現在
成德帶兵無多賊匪卽不能抵禦何況福康安等
統領大兵直前進剿更必勢如破竹雖據嚴廷良

稱自濟甯到陽布有八日路程內有數站稍覺險
 隘但福康安等此次由青海一路到藏所歷冰雲
 崎嶇人跡罕到之處俱已安穩經過諒此數站山
 路卽屬險隘何能阻我軍行福康安海蘭察等到
 彼相度機宜或竟於賊匪猝不及備之時乘勝直
 入或應俟兵力齊集再行統領進發福康安海蘭
 察等久歷戎行素嫻軍旅此等遲速機宜定能熟
 籌盡善再前次成德奏到帶兵剿賊得勝一摺已
 降旨將成德應行革任處分加恩寬免其在事出
 力員弁等俱經分別獎賞此次帶兵打仗殲殺賊
 匪之出力員弁等著交與福康安查明分別獎賞
 以示鼓勵嗣後遇有打仗出力之員弁著福康安
 隨時酌量獎賞俾各知感奮爭先出力並著將兩
 次詢問嚴廷良奏片發交福康安閱看現今該都

欽定四庫全書

卷十九

五

司仍行赴藏交與福康安如有差遣之處酌量委
 用
 初七日丙午勅保奏言臣查青海一帶臺站原因
 福康安及海蘭察等各起官兵由此出口不可
 不安設軍臺以利通行而供馳遞茲蒙
 皇上念及該處水草不便官兵口糧難以接濟馬匹
 牧餉維艱
 欽定四庫全書 卷十九 五
 諭令俟索倫達呼爾兵過站後以次撤回自應仰體
 聖主俯恤兵艱至意卽行遵照辦理惟念福康安於
 開印前已可早抵西藏所有彼處賊匪情形以
 及進剿事宜卽有飛章陸續奏報計福康安接
 奉此
 旨當在二月中旬其未經奉到此
 旨以前自必仍由青海一路發遞此時五起索倫達

欽定四庫全書

卷十九

五

呼爾官兵約二月初十日內即可全行出口若
將臺站卽行捲撤設福康安二月初旬以前所
發報摺復由此路而來必致中途阻隔臣愚昧
之見青海一帶臺站此時索倫官兵過站後暫
緩捲撤現在星飛札知福康安俟其將一切文
報改由打箭爐一路發遞後知會到日再行一
面奏

欽定廟閣略纂

卷十九

七

開一面遊

旨將青海臺站撤回似於事更有裨益奏入

上令如所議行

初九日

戊申

上命軍機大臣傳諭福康安曰連日名見都司嚴廷
頁詢以上年伊在定結與賊打仗情形據稱上年
十月內賊匪滋擾定結時約有一千餘人伊由拉

子前赴定結帶領漢兵達木兵及定結原駐兵共
有七百餘名與賊打仗兩次殺賊十餘人賊匪退
去後伊帶兵追剿擊獲活口十一名割取首級六
十三顆等語僅係該都司一面之詞未足憑信上
年賊匪千餘人前來定結滋擾嚴廷頁所帶兵丁
已有七百餘人並不爲少何以連日打仗殺賊祇
有十餘人且賊匪無能正應趁勢迎面勦殺何以

欽定廟閣略纂

卷十九

六

直待賊匪退去始行帶兵追剿其所報制取首級
是否屬實亦難遽信或係伊經朕面詢思欲居功
爲此粉飾之詞均未可定著將詢問嚴廷頁奏片
發交福康安閱看查訪的確據實具奏至嚴廷頁
才具尚不糊塗昨所稱許銀贖地一節語涉躲閃
自因職分微末心懷畏懼在朕前不敢切實指陳
尚屬常情所有並著福康安於該都司到軍營時

留心察看若其人浮滑不實遇事取巧卽當據實奏奏如該都司尚知奮勉出力自應加以造就俾知感勵至福康安等統兵深入時其後路最關緊要應於扼要隘口道路歧出處所酌派巴圖魯侍衛數人帶兵防守但兵力不可以分而見單通賊路運甚多焉能處處撥兵防守福康安海蘭察久

欽定廟方略

卷十九

九

此時福康安到藏已越二旬知成德現在勦賊得勝信息自必卽赴邊界斷不在前藏停待而前藏祇有額爾登保一人伊於藏務究未諳練著福康安於行抵邊界時卽令鄂輝回至前藏料理接濟糧餉等事以專責成再昨據嚴廷良稱上年賊匪在濟唯一路滋擾有宗喀教習漢兵二人帶同土兵四百名在彼堵禦賊匪卽時竄回等語詢以教習漢

兵係何姓名該都司不能指出因查上年保泰奏到摺內稱八月初二日賊匪攻圍宗喀經教習漢兵陳謨潘占魁率同番兵等盡力守禦賊匪卽時退回等語曾降旨令鄂輝成德將陳謨潘占魁賞給千總職銜並賞戴藍翎昨嚴廷良所稱濟唯一路殺退賊匪情形與上年保泰所奏符合其所稱宗喀教習漢兵諒卽係陳謨潘占魁二人著福康安查明是否卽係伊二人如果續有奮勉出力之處再行酌量獎拔以示鼓勵

欽定廟方略

卷十九

十

十一日庚戌孫士毅奏言臣探聞聶拉木等處賊匪在寨抗拒經鄂輝帶兵趕到會同成德合力撲剿連次大捷賊匪自必風聞膽落亟需厚集多兵乘勝直入查上年十二月間總兵諸神保所帶續調土兵此時已過察木多計程二月杪

三月初方能抵藏臣繕寫傳牌飛飭帶兵鎮將以軍營連獲大勝正須添兵進剿爾等若能加緊趨程趕上殺賊便可承受

皇上恩施立膺趨擢並嚴飭各臺文武將業經在途續調土兵二千及隨後添調土兵三千令各站設法多備烏拉隨到隨行並將出口一切軍火餉銀及攻勦器具上緊運送愈速愈妙以備軍

欽定廟爾塔魯紀略

卷十九

三

營應用並因自此至藏中間相隔五千餘里道路綿長必得大員長川駐劄稽查催趨因令建昌道徐長發候補知府李憲宜在察木多一帶率同正佐各員來往督催不令少有遲滯再查藏內雖有鹽茶道林備在彼承辦諸事俱稱周妥但前後藏相距遼遠一人勢難兼顧臣於去冬續派候補道承勳及同知李經文等令兼程

赴藏聽候差委今思即日大舉進勦軍前差務較繁多一出力之人卽多收一得力之效查松茂道倭什布心地明慎辦事幹練且能事事認真不辭勞瘁卽照鹽茶道林備之例令其帶印赴藏承辦要務於軍營必然有裨並令該道自出口至藏順道嚴催各起將弁速卽帶兵前進聽候軍前調遣奏入報

欽定廟爾塔魯紀略

卷十九

三

聞
十二日辛亥鄂輝成德奏言竊臣成德帶兵圍攻聶拉木官寨查看西北墻垣極爲高厚周圍均有墻眼賊匪藉以施放烏鎗官兵撲近難免受傷因提訊現獲賊匪據供此座官寨圍牆最厚內計房屋二十餘間現有小頭人臥思呢帶兵一百餘名在內把守西南墻角另有平房五間

緊靠牆根係賊匪堆放糧食之所此時口糧火藥尚有存餘惟喫水實不可得等語嗣因正月初五初六兩日風雪甚大官兵難以進攻密飭遊擊張占魁屯備色木哩雅忠選派勇健屯兵卽於西南牆上乘夜攻挖以冀先燒其糧臣成德督同承德阿尼雅布穆克登阿張芝元等帶兵四面圍攻賊匪仍敢放鎗對敵初八日寅刻張占魁於西南牆上挖開一洞拋入火彈隨將房屋燒燃賊匪多有跳牆逃竄者盡被我兵剿殺並生擒三名惟查牆內屯糧房屋雖被燒燬而外面牆垣巍然不動賊匪等仍復死守不出總兵張芝元先於初五日帶兵前來臣鄂輝亦於初九日趕到惟有督飭官兵儘力礮擒至木薩橋爲賊兵往來大路先經臣成德派令散秩

大臣衛屯備木塔爾帶兵一百五十名在彼設卡四路堵防昨將張芝元帶來屯練內又添派一百五十名前往駐守連日據木塔爾節次獲送小頭人一名格喇達喀噶哈並賊匪四名皆係初二日因攻破東邊官寨竄逸山中晝伏夜行均經木塔爾於木薩橋隘口罕獲惟第哩浪古爲我兵後路且係四通八達之區臣鄂輝前經

奏明必須添兵駐守因委令隨同行走之乾清門侍衛珠爾杭阿先行馳往將該處可通濟隴絨轄道路查看地勢分派達木唐古忒之兵安設卡隘嗣據珠爾杭阿查明有高浪卡地方係通絨轄要路在第哩浪古正南相距二十餘里該處地勢散漫原派達木唐古忒之兵僅止

二百餘名不數防範隨將鄂輝帶來之達木兵
一百二十名添撥安設並經珠爾杭阿親自指
派安卡放哨處所聲威已極壯盛至於蒂哩浪
古雖又與濟龍相通但其中尚隔宗喀一處先
有戴奉朗巴第巴薩木珠帶兵駐守又經臣成
德添派拉子及薩喀番兵共二百名在彼防守
已足以資堵禦拍甲嶺距蕪拉木僅止三十餘

欽定朔方縣志

卷十九

重

里地處扼要且山溝內小路叢雜前派駐兵一
百名實屬不敷臣等復於張芝元帶來屯練內
派留二百名令下孟董屯備木太爾帶領添防
似此幕布星羅軍勢聯絡前後路均可無虞卽
有救應賊兵亦已無路可人再軍糧最關緊要
臣鄂輝沿途遴選查後藏所辦糈糶三萬石現
經陸續運赴拉子背噶爾宗喀等處惟因後藏

一帶經賊匪蹂躪之後僱備烏拉甚難且牛隻
沿途疲乏將糧石委棄中途或致不能前進臣
隨後添派員弁並添僱烏拉趕緊運送軍營以
資兵食

鄂輝成德又奏言查西藏風氣柔懦素不知兵
征調本無一定章程而器械口糧均係各兵自
備儘力背負至多亦不過一月之供且地方遠

欽定朔方縣志

卷十九

天

近不一竟有甫經調至卽以乏糧爲名遂欲回
家攜取旋來旋散若派令征防豈能望其出力
况達木兵丁原爲保護衛藏而設五十三年仰
蒙

皇上天恩因其守禦地方每月賞給鹽菜銀九錢此
次業已照例支給現在各處堵禦隘口勢不得
不用達木唐古忒之兵若令其自備口糧必致

仍前渙散我

皇上保護黃教不惜數百萬帑金派兵征勦賊匪軍糧運脚均係照價給發現在藏地所派各處堵防隘口番兵臣等公同商定皆於達賴喇嘛商上一體支給口糧每兵一名日給糈糶一尙庶士氣飽騰可冀悉成勁旅臣等已飭帶兵頭人如數支領並寄知達賴喇嘛濟囉呼圖克圖將

欽定廟略紀畧

卷十九

毛

前項兵丁應支糧石迅速補運前來於原備官兵支食之糧不致缺少俾漢番兵丁口食均資充裕實於軍務有裨

同日海蘭察奏言臣於十二月二十一日由西寧起程帶領巴圖魯侍衛官員出口前進至阿什罕臺地方形勢漸高山內積雪甚多又正月初一初九等日降雪二次約厚四五寸兼有瘧

氣早晚俱不免暈悶途中遇有水草之處卽爲

安營下寨以休馬力似此氣候嚴寒衆巴圖魯

侍衛官員感激

皇上天恩尚不覺勞苦於正月二十五日行抵多倫

巴圖爾地方俟到藏時同福康安尅期進剿仰

慰

聖懷均奏入

欽定廟略紀畧

卷十九

壬

上命軍機大臣傳諭福康安海蘭察奎林惠齡鄂輝成德曰賊匪屯聚官寨其東邊寨房前據成德奏督率官兵拋擲火彈燒死壓斃賊匪甚多其奔竄之賊均被官兵四面勦擒盡數殲誅今鄂輝成德又將西北賊寨焚燒其屯糧房屋俱被燒燬並勦殺逃竄賊匪捉拏活口賊匪口食無資水道斷絕勢已日就窮蹙束手待斃亦不值再損兵力鄂輝

成德惟當倍加奮勉督率官兵將此一隅賊匪悉力圍困自可無從逃竄惟是濟甯緘轄兩處尚有賊匪屯聚鄂輝成德於剿除官寨賊匪後自卽將此二處賊匪以次勦辦計此時福康安已早抵後藏海蘭察亦接續可到福康安到彼後察看情形如有可乘之機應趁軍威勝勢於賊匪猝不及備之時直前進剿自必不肯在藏耽延時日也至此

欽定廟閣略記畧

卷十九

五

次鄂輝等攻撲西北賊寨燒燬寨房殲殺賊匪擒罕活口其帶兵員弁及兵丁等尚爲出力著福康安查明遵照前旨一體分別獎賞至現據鄂輝成德奏派令散秩大臣銜屯備木塔爾帶兵學卡堵防節據木塔爾罕獲賊匪小頭人一名賊匪四名又有屯備木太爾經鄂輝派令帶兵防守聶拉木附近之拍甲嶺等語前因成德奏木薩橋地方最

爲扼要揀派屯備木塔爾帶兵在彼防守並未將木塔爾係散秩大臣銜聲明具奏朕以木塔爾止係屯備是以降旨與帶兵之屯備色木哩雍忠等各於現在職分上陞頂帶一等今鄂輝奏屯備木塔爾已係散秩大臣職銜官階已無可加著福康安查明前次成德派令防守木薩橋之屯備如係散秩大臣銜之木塔爾卽無庸再加一級頂帶著

欽定廟閣略記畧

卷十九

五

與以副都統職銜以示優異仍酌量賞給大綬至前因索倫達呼爾兵衝寒遠涉已降旨加恩於青海地方每兵各賞給銀二兩茲念該兵丁等在途按站備行兼遇雨雪備覺勞苦深爲軫念現又降旨令於到藏後各再賞給一月錢糧以示優卹並發去繡花大荷包二十對藍瓣大荷包一百對並奶餅二匣著福康安酌量於乾清門巴圖魯侍衛

及出力章京將繡花大荷包賞給其隨征之侍衛
章京及帶兵員弁等卽著將藍緋大荷包分賞以
示鼓勵所有發去奶餅著福康安分賞奮勇兵丁
卽不能按名賞給亦不妨令其分嘗一二普沾恩
澤也又據鄂輝奏達木及唐古忒兵丁向遇征調
俱係自備口糧此次隨征應於達賴喇嘛商上一
體支給口糧每名一日給糈粳一觔等語已明

欽定平定回疆方略

卷十九

三

降諭旨令將該兵丁等應支口糧其在聶拉木以
內者俱由達賴喇嘛商上支給其出聶拉木邊界
隨同征剿者均著官爲支給仍著福康安告知達
賴喇嘛濟囉呼圖克圖及商上人等以此次進剿
廓爾喀原爲保護衛藏其達木唐古忒兵丁等本
係藏內之人所有應需口糧原應概由商上支應
今蒙大皇帝加恩體恤祇令將聶拉木以內之唐

古忒兵由商上支給口糧其聶拉木以外隨征之
達木唐古忒兵俱一體官爲支應實屬格外恩典
詳悉告知令其益加感激但唐古忒兵丁最爲情
怯無用卽達木兵稍勝於唐古忒兵然較之索倫
及屯練降番等自爲不及此等懦弱之兵若帶往
隨征不惟不能得力而且徒費糧食因思福康安
統兵進剿時其與賊境相通處所甚多其後路整

欽定平定回疆方略

卷十九

三

要隘口皆須派兵防守堵禦莫若卽將此項達木
唐古忒兵酌量分撥協同守禦此等兵丁雖打仗
不能奮勇而挈卡防守尚屬可用以之分撥後路
旣可以資堵禦又無須官給口糧徒滋糜費而換
有用之兵帶往進剿豈不兩有裨益想福康安久
歷戎行自能領會妥辦也

上諭內閣曰此次進剿廓爾喀派出索倫達呼爾兵

丁前經加恩賞賚並特降諭旨每兵每名各賞銀
二兩以資用度本日據海蘭察奏於正月二十五
日行至多倫巴圖爾地方途次遇雪二次間有瘴
氣等語該兵丁等此次由青海行走衝寒遠涉踴
躍從征甚爲勞苦殊堪軫念著再加恩於該兵丁
抵藏後每兵每名各賞給一月錢糧以示優卹

上又諭內閣曰達木及唐古忒兵丁既經調派隨征

欽定廟爾喀紀畧

卷十九

三

所有應需口糧自應一體支給以資飽騰此次廓
爾喀滋擾後藏本係達賴喇嘛地方而該兵丁等
又係達賴喇嘛所屬之人如在聶拉木邊界以內
剿捕賊匪堵禦隘口既係藏內之地所有應得口
糧自應照鄂輝等所奏於達賴喇嘛商上一例支
給至聶拉木以外則非藏地該兵丁等應領口糧
若仍於商上支給未免需費較多非所以示體恤

所有此次達木及唐古忒兵丁如在聶拉木以內
剿賊守險其應領口糧卽照所請在達賴喇嘛商
上運送支給若將來進剿出聶拉木藏界以外卽
著官爲支給准其一體開銷並著福康安將此旨
譯出傳知達賴喇嘛及該商上人等俾咸喻朕保
護黃教體恤周至之意

臣等謹案前後藏地方久沐

欽定廟爾喀紀畧

卷十九

三

皇仁安禪樂業此次廓爾喀滋擾

特命重臣督師勦賊原以保護衛藏俾免流離所有

隨征軍食本宜取資藏地

皇上恩加體卹前經降

旨以現備糧石業已寬裕毋庸多爲購辦徒致紅朽
茲復

念及聶拉木以外與隸屬藏內者不同所有需領兵

糧概在達賴喇嘛商上支給所費未免過多
諭令大軍進剿時一出藏界卽官給口糧不必商上
運送軍中既得飽騰而藏內不疲供億
鴻施周渥詎惟黃教獲邀
慈庇已哉

欽定廓爾喀紀畧

卷十九

五

欽定廓爾喀紀畧卷十九

欽定廓爾喀紀畧卷二十

二月十八日_{丁巳}福康安奏言_臣自過瑪楚喀以

後一路雲山層疊路徑崎嶇駝馬俱形疲乏就

地牧放以及冰大難行之處繞山行走共計就

延七日前聞一交藏界氣候即可漸和不料自

過多倫巴圖爾後至西藏所屬二十九族番地

連遇風雪天氣更覺嚴寒程站亦逾加寫遠兼

欽定廓爾喀紀畧卷二十

二

之糞草缺乏必須沿途撿拾始足稍供炊爨冒

雪前行尚無阻滯惟馬匹疲乏無可更換因在

察珠喀地方停住一日次早勉力前進至楚札

噶拉地方馬力更疲且多倒斃者差人赴各番

族地方催僱烏拉而番子所居遼遠一時不能

齊集守候三日正深焦急適鄂輝遣鹽茶道林

備自藏攜帶烏拉馬匹來迎因將長馬酌量更

換行走方能迅速一過喀拉烏蘇係達賴喇嘛

所屬地方天氣驟覺和暖冰雪漸已融化得以

併站邁行於正月二十日馳抵前藏_臣自西寧

口外以至藏地程途遼濶共計四千六百里實

不下五千餘里時值隆冬竟無貿易番子來往

此次行走除前後耽延共十一日外實行三十

九日詢之通事番子人等皆言喇嘛等行走總

欽定廓爾喀紀畧卷二十

二

須一百二三十日不能如此迅速此皆仰賴

聖主恩光遠庇無涯

天麻一路並無阻滯間遇馬力疲乏難以前進之時即

有接續更換事機甚爲順利隨行人衆行走俱

屬平寧所遇風雪瘴癘地方並無疾病_臣不勝

欽感欣幸之至_臣行至嘉勒察穆距藏兩站濟

龍呼圖克圖地穆呼圖克圖及衆呼圖克圖大

喇嘛等來迎恭請

聖安 臣卽宣諭

聖恩優加慰勞各呼圖克圖極爲欣感詢以藏地情形俱稱唐古忒人等聞知

大皇帝調派大兵來藏勦賊人心大定僧俗人等俱各安居復業等語及臣到藏之日噶布倫第巴頭人及僧俗番衆並在藏貿易之克什米勒巴

欽定朔陽略記卷二十

三

勒布商人等先後紛紛迎接無不感激歡欣察看情形地方極爲寧謐近藏番民各寨落亦皆安靜實堪仰慰

聖懷至現在賊匪逗遛邊境情形臣先後接准成德鄂輝咨會據稱上年十二月三十日日本年正月初二日經成德兩次帶領官兵與賊接仗業將聶拉木東邊賊寨燒燬其有跳出寨房冀圖逃

竄之賊卽被官兵分投殲戮死賊匪二百餘

名捉獲活賊七名惟西北官寨現有小頭人帶

兵一百餘名在內把守等語臣查聶拉木爲賊

匪出入要路現經鄂輝成德先後帶兵到彼將

東邊賊寨焚燬其西北賊寨僅有賊匪一百餘

名水道俱已斷絕當此官兵四面攻圍諒釜底

遊魂斷難逃竄惟濟隴緘轄兩處尚有賊匪在

欽定朔陽略記卷二十

四

彼佔據恐一聞聶拉木賊黨被官兵剿殺乘間

竄回以致稽誅漏網臣已飛咨鄂輝成德認真

出力相機調度派兵堵禦擒拏賊匪大頭人以

備訊問一面勦殺聶拉木被圍賊匪一面將濟

隴緘轄兩處賊人歸路先爲斷絕勿使一名逃

竄並先派巴圖魯侍衛墨爾根保等馳赴聶拉

木軍營以供調派臣現抵前敵將應行查辦事

件趕緊辦理數日內卽當啓程前赴軍營將邊境逗遛賊匪全行勦洗若賊匪業已竄逃賊境道途險阻該處兵丁祇有二千餘名不特留防後路兵數無多卽帶往進剿之兵亦屬不敷調派應俟會集各兵再行尅期大舉仍於進兵之先偵探賊勢一有可乘之機卽行隨時酌辦所有續調屯兵二千名據孫士毅知會於上年十

二月初十日出口現在飛催帶兵鎮將加緊行走並飭行各站員土司於屯兵到站之時速備烏拉隨到隨行不得稍有遲悞約計二月中可以到藏其索倫兵一千名添調屯兵三千名三月內方可到齊於春融進剿之期不致遲悞福康安又奏言廓爾喀兩次滋事緣由臣於途中見達賴喇嘛節次所遣之人逐一詢問一面

札詢鄂輝成德令將先後情節據實聲覆到藏後復徧加訪察質詢在事說和之卓尼爾喇嘛敦珠布彭楚克並於達賴喇嘛接見之次詳細問明所言均各相符緣廓爾喀係西藏邊外一小部落自吞併巴勒布之若囊陽布郭庫木三處部落之後漸肆強橫見唐古忒番衆軟弱有意欺凌適沙瑪爾巴自前藏前往廓爾喀地方

與大頭人巴都爾薩野交好將藏中虛實告知從中慫恿外夷惟利是圖頓萌窺伺之意因廓爾喀新鑄銀錢較巴勒布舊銀錢畧高欲以一文當作兩支行用藉此爲詞與唐古忒尋衅於乾隆五十三年五月寄字達賴喇嘛商定兌換銀錢價值達賴喇嘛尚未回覆卽於六月內搶佔聶拉木等處邊界唐古忒兵丁怯懦不能取

勝成德鄂輝帶兵進勦陸續經過前藏面見達賴喇嘛告知賊匪藉端滋擾仰賴

大皇帝天威似須發兵進勦方可一勞永逸使賊知所畏懼成德鄂輝亦俱以用兵爲是其時戴璠巴載寄字來藏意在講和希圖目前完事公班第達卽轉稟達賴喇嘛未經應允及巴忠過前藏時達賴喇嘛亦以應行進勦爲言巴忠回稱

欽定廓爾喀紀畧

卷二十

七

且至尙噶爾面見鄂輝成德再行相機酌辦旋卽會銜札知沙瑪爾巴慶諭廓爾喀令其投順廓爾喀遵奉檄諭情願投誠經巴忠一面寄信達賴喇嘛一面令廓爾喀立具甘結永遠不犯邊界而所佔之聶拉木等三處地方賊匪尙未全行退還班第達之子噶布倫丹津班珠爾班禪額爾德尼之父巴勒丹敦珠布玉陀噶布倫

扎什敦珠布濟仲喇嘛羅布藏卓尼爾喇嘛敦

珠布彭楚克撒迦廟歲琿喇嘛索諾木伊錫五

人前往說合尙未向達賴喇嘛及巴忠成德鄂

輝等預行稟明私與廓爾喀頭人巴穆薩野達

薩爾商議許銀贖地沙瑪爾巴從中主持代寫

合同兩邊定議之人一一列名鈐用圖記內開

每年許給元寶三百個合銀一萬五千兩按年

付給倘有反悔神佛必降咎災等語丹津班珠

爾等以年年給與元寶三百力量不能復向沙

瑪爾巴講論沙瑪爾巴另寫合同一紙自五十

四年爲始給付三年後再行商議當經丹津班

珠爾向札什倫布及撒迦呼圖克圖廟內並後

藏貿易舖家湊借元寶三百個如數交清巴忠

因急欲藏事以該噶布倫等業巴和息賊匪又

欽定廓爾喀紀畧

卷二十

八

復乞降送任其私議完結鄂輝成德因巴忠係
欽差大臣諳悉番情既已主持其事亦即隨同附和
將就了事廓爾喀貢使到營謁見時並未提及
許銀之事巴忠等佯爲不知並未深加究問亦
未據實奏明其所奏地租欠賬之事因從前濟
甯地方原有一半隸屬巴勒布之陽布部落第
五輩達賴喇嘛時始歸西藏該處地本產鷹番
民每年只與巴勒布送鷹並無地租之說自被
廓爾喀吞併後亦即無送鷹之事廓爾喀兩次
侵擾藏地並未以濟甯會屬巴勒布爲辭藉端
提及是所云地租欠賬實係附會具奏丹津班
珠爾等回至前藏當將辦理實情稟知達賴喇
嘛懇將後藏所借銀兩在商上清還達賴喇嘛
以所辦冒昧將來必有反覆今既定議和息廓

爾喀業已投誠勢難更改祇可任聽爾等所爲
等語隨將丹津班珠爾等在後藏所借銀兩於
商上給還此上次廓爾喀滋擾藏事噶布倫等
給銀私和之實在情形也迨至五十五年秋間
廓爾喀差人至達賴喇嘛處講論銀錢索取銀
兩達賴喇嘛木屬不願又因阿旺簇爾提穆來
藏均未准行噶布倫等不敢與之等議事遂中
止旋經達賴喇嘛遣卓尼爾喇嘛敦珠布彭楚
克前赴廓爾喀界上言爾既仰蒙
錫封王爵列在藩服與藏地永相和好不應復照前
議給銀廓爾喀不允令卓尼爾回藏稟知達賴
喇嘛另派妥人前往達賴喇嘛以此事終非了
局惟恐反覆不結致滋事端因復派堪布喇嘛
托格穆特商卓特巴吉彌敦第備帶元寶銀一

百五十個先與講論倘若未允再以此銀付給將所立合同撤回永斷葛藤嗣後不得再索詎廓爾喀心存黠狡聲稱堪布喇嘛托格穆特等亦非緊要之人指名令丹津班珠爾及達賴喇嘛之叔阿古拉赴邊界面見定議阿古拉業已病故丹津班珠爾遂與玉陀噶布倫扎什敦珠布戴琇扎羅結札薩克喇嘛格桑定結四人前往又恐堪布等所帶元寶祇及一半之數難以撤回合同復帶元寶一百五十個前往甫經見面即被廓爾喀詭騙裹去伊等兩次所帶元寶共三百個尚未付給賊匪搶去一百八十個其餘存在穆噶爾地方未經被搶此上年廓爾喀復來滋擾丹津班珠爾等被賊詭騙之實在情形也臣查此事總由唐古忒人等素性怯懦祇

顧目前不思後患達賴喇嘛不願說和所見甚正而丹津班珠爾等意在講和經巴忠僅令速行完事竟爾私自許銀定議將來賊匪若將丹津班珠爾送出即當嚴切審訊遵旨送京辦理並將藏內噶布倫專擅管事之習嚴行飭禁另定章程力除積弊班第達在藏年久伊子辦理此事雖不得諉爲不知但已年逾七旬患病甚重俟將來丹津班珠爾送京時再當遵旨宣諭以安其心至巴忠意圖將就完結不進進兵所有許給銀兩之事雖未據卓尼爾等供出係巴忠定議而其志在講和僅令噶布倫等完結未必不預聞其事此時亦無從質問鄂輝成德初意尚欲用兵及至噶布倫等議定和息即附和巴忠頓項完結並不據實奏明及臣寄札詢

問時始行和盤託出其咎實屬難辭臣卽日前
赴軍營面見鄂輝成德再將因何扶同不奏之
處嚴行查詢伊等如能感激

聖恩認真出力帶兵殺賊再當酌核功罪據實具奏

至此等私相說合之事本屬不成事體今臣帶

兵進剿不值復提前項卽唐古忒向與廓爾喀

貿易往來或因鹽稅細故辦理未公廓爾喀心

欽定廓爾喀紀畧

卷二十

三

懷不服名譽有因此時亦不值爲之理論惟有

聲罪致討使賊匪知所畏懼永靖邊圉以仰副

聖王安輯衛藏至意

福康安又奏言臣前抵西藏交界達賴喇嘛遣

人遠來迎候行至哈喇烏蘇係達賴喇嘛所管

地方屢次差人迎接致送食物臣俱擬加酬答

差官先往問候並經達賴喇嘛班禪額爾德尼

告知暫署駐藏事務侍衛額爾登保以臣係

御前親信大臣奉

旨特派來藏統兵剿賊實深感激欲親自下山迎接

恭請

聖安臣以達賴喇嘛班禪額爾德尼總領黃教仰蒙

皇上優禮向無下山恭請

聖安之例且山下時氣不正出痘甚多班禪額爾德

欽定廓爾喀紀畧

卷二十

四

尼年齒尚輕恐有觸染轉非仰體

恩慈體恤之意再三遣人辭阻臣卽於到藏之日先

赴布達拉叩謁

聖容隨至經堂達賴喇嘛班禪額爾德尼下座迎至

堂外恭請

聖安臣告以

聖躬萬安精神日益強固達賴喇嘛班禪額爾德尼

歡欣讚頌形於辭色臣復將

恩賞哈達朝珠荷包等物親爲

賞給傳

旨致問並敬宣而奉

諭旨以此次官兵遠赴衛藏征剿廓爾喀賊匪全爲

保護達賴喇嘛班禪額爾德尼及各僧俗番民

人等俾得安禪復業以副

欽定廓爾喀紀畧

卷二十

五

聖主護衛黃教崇重佛法至意全藏僧俗人衆自必

深知頂感賊匪擾至後藏人心未定前任駐藏

大臣保泰遇事張皇遽欲請達賴喇嘛移西

寧泰寧等處達賴喇嘛深明大義不肯遷移

大皇帝聞之極爲嘉獎半載以來

大皇帝籌辦軍務調發大兵

宵旰夙懷勞心焦思無日不奉

訓諭無事不秉

廟謨又以藏地遼遠轉運維艱就地採辦糧石不惜

多發

帑金按時給價並奉

而諭諄切恐藏內辦事之人未能從長計畫祇顧目

前唐古忒兵丁又多怯懦使賊匪生心長智又

如上次辦理未妥致有反覆將來剿平賊匪後

欽定廓爾喀紀畧

卷二十

六

一切善後事宜必須另立章程逐一籌辦務使

邊圉永寧達賴喇嘛班禪額爾德尼慧性明澈

於藏地利弊諒所周知所有將來應辦應改各

事宜自當曉諭僧俗人衆一一永遠遵奉伊等

亦必明喻

聖意感激奮興如此宣諭再三達賴喇嘛同班禪額

爾德尼告稱前後藏地方仰沐

聖恩振興黃教我等久叨

殊眷渥被

恩施此次因衛藏之事不遠萬里

特遣親信大臣督兵勦賊保護復蒙

賞賚物件

恩諭諄諄凡茲蠢動含靈皆應知感何況我等夙叨

慈庇得以奉教安禪番民等具有人心均沾

欽定廓爾喀紀畧

卷二十

七

化澤敬聆

諭旨無不心悅誠服頂感難名至賊匪滋擾藏地時

因保守布達拉安撫大眾不肯遽行遷移亦係

分所應爲之事屢蒙

聖明獎諭尤切感慚將來應辦事宜悉聽裁酌主持

永遠遵奉自於藏地大有裨益所有我等感激

之忱敬具表文無量壽佛等件恭謝

天恩並懇代爲詳細具奏等語臣察看達賴喇嘛等

及藏內僧俗番衆感激光景凡有交辦事件無

不遵奉不致退有後言稍形格碍再查前藏居

住之巴勒布共有四百餘名頭人恩啓畢樹達

拉等帶領迎接臣詳加詢問其中並無廓爾喀

之人詢之達賴喇嘛等俱稱伊等在藏甚屬安

靜不敢生事臣到藏後傳見該頭人令其約束

欽定廓爾喀紀畧

卷二十

六

在藏之巴勒布等各安生業並諭以廓爾喀賊

匪前將爾部落吞併蹂躪今大兵進勦廓爾喀

爾等得以洩忿自應共知欣感據該頭人等跪

稱我等在藏地貿易居住年久聞得本處部落

被廓爾喀搶佔家室離散正深憤恨今蒙

大皇帝發兵勦賊我等私仇亦可藉此報復間得廓

爾喀恃強恣肆新併各處人心俱不能貼服大

兵一到斷難抗拒等語。臣察看巴勒布番衆敬畏情形尚爲真切與廓爾喀賊匪似非一氣其中若有熟悉路徑能探賊匪情形之人擇其有家室在藏者卽遣

旨密爲訪出酌量賞賚鼓勵帶往軍前以備差遣。臣仍當隨時留心防範斷不致奸細混入稍有疎虞均奏入

欽定廓爾喀紀畧

卷二十

九

上命軍機大臣傳諭福康安海蘭察奎林惠齡鄂輝成德勒保曰福康安自正月初二日摺報後久未接據到藏奏報正切懸念茲據奏自到藏交界後一路並無阻滯隨行人衆行走俱屬平寧所遇風雪瘴癘地方並無疾病此皆仰賴

上天默佑欣慰之餘益深虔感至所奏接准鄂輝會兩次與賊接仗得勝惟恐濟隴絨轄兩處賊匪乘

間竄回飛者鄂輝等相機堵截將濟隴絨轄兩處賊人歸路先爲斷絕並先派巴圖魯侍衛等馳赴聶拉木以資調派福康安辦理數日卽啓程前往俟會集各兵再行尅期大舉仍偵探賊勢一有可乘之機卽行隨時酌辦各節於籌辦機宜已得窺要看來事機極爲順利福康安抵藏後將應行查辦事件趕緊辦理自卽行啓程目下諒已早抵聶

欽定廓爾喀紀畧

卷二十

十

拉木邊界卽日統領大兵進剿惟計日以待捷音至福康安詢廓爾喀滋事緣由甚爲明晰此事啓衅之由總因上次巴忠辦理錯謬許銀贖地所致是以巴忠一聞廓爾喀侵擾藏地之信卽投河自盡否則何以輕生若此節次查詢業已得其梗概今福康安詳悉查奏情弊顯然竟與朕所料暗合可見

天心垂眷先啓朕衷從此聲罪致討必蒙

天佑迅奏膚功也至巴忠辦理此事現據福康安查奏

巴忠過藏時達賴喇嘛亦以應行進勦爲言巴忠未經允從迨許銀和息時達賴喇嘛示以此事所辦目時將來必有反覆可見達賴喇嘛能識大體人尚明白其辦理錯謬之處竟係巴忠與丹津班珠爾二人主意貽誤滋衅卽班第達亦未嘗不知

欽定廓爾喀紀畧

卷二十

三

但且不必深問鄂輝成德與巴忠等同辦此事且係聯銜具奏斷無不預聞之理今因伊二人現在帶兵勦賊是以罪坐巴忠一人然鄂輝成德豈得置身事外總看伊二人如何奮勉出力立功自贖耳再前因巴忠在藏並未將巴勒布與廓爾喀兩處部落情形分晰奏明而保泰雅滿泰所奏亦屬含混朕不知詳悉恐巴勒布部落久爲廓爾喀兼

併其在藏貿易之巴勒布人等與廓爾喀自必聯

爲一氣是以降旨諭令福康安到藏留心查辦俾

送驅逐今福康安傳諭巴勒布頭人令其約束在

藏之巴勒布等各安生業該頭人等俱稱巴勒布

部落被廓爾喀侵佔正深憤恨今聞大兵進勦我

等私仇可藉此報復等語可見廓爾喀恃強恣肆

人心俱不貼服現經福康安於在藏巴勒布人擇

欽定廓爾喀紀畧

卷二十

三

其有家室者酌加賞資鼓勵帶往軍前以備差遣是巴勒布番眾可爲我用或令其圖探賊情作爲嚮導於進勦更爲有益前此驅逐巴勒布貿易人等之語竟可不必提及但於善後事宜詳議可也至達賴喇嘛班禪額爾德尼知福康安係御前親信大臣特命來藏統兵進勦廓爾喀卽欲下山迎接致敬具見感忱忱悃此大福康安在藏拜發奏

示體卹

摺係由四川青海兩處分路馳遞今從四川驛遞之摺先到而青海之摺尚未遞至自係青海一路道路崎嶇行走遲緩此後續奏之摺竟專由四川驛站馳遞較為迅速其青海至藏新設臺站一俟官兵過竣竟當速行撤去著再傳諭勒保即遵前旨迅速裁撤鄂輝現已諭令同藏辦事其藏內新設臺站亦著於官兵過竣後以次捲撤省煩費而

十九日戊午勒保奏言查頭起官兵于正月十四日入涇州境以後各起俱間二日一起到來經署藩司鄭製錦協同道府副參等官沿途照料所有車馬廩給等項俱妥協應付并于尖宿處所遵

旨散給猪肉麪飯食並無貽悞各官兵均沾實惠

莫不感激

皇仁歡忭行走各起行抵蘭州之日臣仰體

聖主軫恤軍行至意復捐備銀一千兩分給各兵每名銀一兩以為添補衣履之用臣即先期趕赴

西寧將青海各旗所辦馬三千匹每起撥馬六百匹計每兵一名給馬三匹正足敷用其各起

帶兵官員所需馬匹臣于各營騎操馬內共挑

就好馬六百匹除應給餉馬之外又各分給餘

馬所有應行裹帶鹽菜口糧鍋帳火藥鉛丸火

繩柴薪等項臣俱按照各官品級兵丁跟役各

數預備數餘分作五起一一裝備齊全仍用駝

隻馱運分配停妥茲烏什哈達帶領頭起官兵

於正月二十四日行抵西寧其後起各兵亦已

陸續到境臣復接奉

諭旨該兵丁等衝寒遠涉均堪軫念著勒保于該官兵行抵匪寧時加恩每兵每名各賞給銀二兩等

因臣隨將

恩賞銀二千兩并前

賞之平安丸一千圓按起分給該官兵等收領之下

感激

鴻慈歡聲載道各起官兵俱在西寧暫住兩日收拾

欽定廓爾喀紀畧

卷二十

二五

行裝仍照自京起身章程分爲五起於正月二

十七日二月初一初四初七初十等日先後起

程出口臣料理事竣卽于十三日起身回省奏

入報

聞

欽定廓爾喀紀畧卷二十



欽定廓爾喀紀畧卷二十一

二月二十二日

辛酉

鄂輝成德奏言查聶拉木賊

匪佔據西北官寨所恃牆垣堅厚拒守不出全

在用火攻燒方可立時轟擊惟牆高不能爬越

火彈難拋節次挖取地道均爲牆根大石所阻

其東邊本有門洞一道惟有將此燒開門內雖

有石塊堵塞究係鬆浮我兵一擁向前自可直

欽定廓爾喀紀畧

卷二十一

一一

入剿殺_臣等於十二月十一十二兩日督兵先

挖溝道用攔牌搬運柴薪堆於門口正擬放火

十二日午後大雪繽紛火力不能上炎連下三

日約有三尺餘深直至十五日午刻始稍開霽

_臣等隨令漢屯官兵於十六日復運乾柴各執

火彈潛至東邊門洞口刨去餘雪引燃柴火拋

置火彈火勢騰起將門洞房簷燒着並被火彈

衝開石塊火焰冲入將門洞內接連寨房二間

燒燃復經我兵續拋火彈賊匪燒死壓斃者甚

多維時天色已明_臣等督同侍衛鎮將並滿漢

屯土官兵環圍攻打其有被火燒急冒死突出

之賊匪十餘人盡被官兵剿殺惟此門洞寨房

相距碉寨中隔小院碉寨更有一層圍牆以致

火勢不能透過餘賊仍敢死拒不出於牆眼內

欽定廓爾喀紀畧

卷二十一

一一

施放鎗矢屯兵陣亡一名帶鎗矢傷三名時已

午刻隨將官兵暫撤伏念_臣等現帶漢屯官兵

一千餘名除前後各路分撥防禦外尚有勁兵

五百餘以之剿辦一百餘名之賊誠屬不難惟

查碉寨牆圍層疊較之東南寨房更加高聳陡

立牆根埋石頑大開挖維艱兼之遇此大雪人

力難施十七日又復密布同雲風雪交作至今

尚未晴朗臣等實不勝焦急連日糧運不通文
報阻滯查臣等前過通拉山因有積雪本係沿
山繞道而行今如此大雪諒該處必然封阻臣
等先於十四日派撥官弁並戴琿烏珠拉旺帶
領唐古忒兵五十名查看聶拉木至第哩浪古
一帶道路趕緊收拾開道直至十八日遞到十
二月內所發

欽定廓爾喀紀畧

卷二十一

三

諭旨三道查在通拉山下尼吉塘耽擱四日幸得烏
珠拉旺前往開路始得通行拉運亦係開路之
後方能接續運到並據總兵張芝元稟報派出
夜間防卡之屯練因雪大不能向火十四日晚
間凍死一名凍裂手足者二十三名並據堵禦
木薩橋地方之屯備木塔爾稟稱該處一帶下
雪更大各卡帳房六半被雪壓倒幸屯兵等俱

各無恙當經臣等查明凍傷各兵酌賞銀兩派
人送至拍甲嶺喇嘛寺內調養現在各處圍牆
學卡防範甚爲嚴密賊旣死守窮窟無處潛逃
卽有外來賊兵亦無路可入茲復預備柴薪火
彈並多製攔牌沙袋木梯等項一待天色晴霽
卽可設法攻燒

鄂輝成德又奏言竊查保泰等前奉

欽定廓爾喀紀畧

卷二十一

四

諭旨派令兵丁范忠前往廓爾喀賚送諭帖臣成德
於巴都爾口地方見其回來當卽畧問供詞分
范忠等先回前藏臣鄂輝昨在脅噶爾途次適
范忠與同去之濟仲喇嘛薩珠及廓爾喀差出
之納期密瑪二人到來呈出與保泰等同稟及
喇特納巴都爾沙瑪爾巴寄達賴喇嘛濟隴呼
圖克圖信各一封臣鄂輝詳加詢問據范忠稟

稱乾隆五十六年十月十七日奉差往廓爾喀

送信達賴喇嘛隨派濟仲薩珠偕往十一月十

三日自聶拉木起身喇特納巴都爾先經得信

派令五十三年進京頭人哈哩薩野至竹巴地

方迎接二十六日行抵陽布見過喇特納巴都

爾一次巴都爾薩野二次取有回京廓爾喀復

派在藏貿易之納朗密嗎二人一同出來欲取

欽定廓爾喀紀畧

卷二十一

五

臣等回信濟唯聶拉木教習兵丁王剛等四名

均與相見未令同回丹津班珠爾等並未見面

范忠即與薩珠及納朗密嗎等三人於十二月

初八日自陽布起身回來等語臣郭輝當令該

兵丁等暫住噶噶爾隨即馳赴軍營會同臣成

德查有認識廓爾喀番字之人將來稟譯出其

意向欲臣等照前剖斷伏念聶拉木賊匪既經

殲戮殆盡亦當令其震懾

天威俾知畏懼此次給發諭帖本擬即令納朗密嗎

二人賚往但該番等既至藏地必間後有大兵

進剿之信一經洩漏賊必早為預備於進剿機

宜殊有關係查納朗等二人向係在藏貿易且

納朗現有眷屬在藏明係廓爾喀遣此無足重

輕之人探聽消息臣等現飭范忠帶赴前藏交

欽定廓爾喀紀畧

卷二十一

六

與噶布倫等小心看管事竣再行辦理現於掣

獲賊匪內酌遣無關緊要之格西那哩一名賚

諭前往更可將大兵殺賊情形回巢通告亦足

以懾伏廓爾喀番眾之心

同日孫士毅奏言伏查由藏至鑪自去秋迄今

往來文報較繁一切積詞土練撥運兵餉以及

解送軍裝火藥添製攻勦器具均從川省內地

運送即使西寧一路添設臺站其打箭爐一路仍難裁減與其兩路設臺徒滋糜費誠如

聖諭歸併打箭爐一路行走較爲徑捷查自雙流縣至西藏爲南路自成都至廣元縣爲北路常年北路差務多於南路是以額設馬匹北路較多就現在而論南路差務數倍於北前此臣因文報從西寧行走不敢妄議加增今既歸打箭爐

欽定鹿傳霖紀畧

卷二十一

七

一路馳遞福康安又早經抵藏嗣後文報往來益加稠密應請將南路馬匹暫照北路之數一體安設臣已加派弁兵出口添駐腰塘雖口外坡嶺較峻而兵數既敷馬力亦足必可加緊馳遞俟軍務告歲仍卽照舊安設現將塘站弁兵議定賞罰如於所限里數之外早到一刻二刻立即分別給賞其有遲逾卽卽示大路如此明

立勸懲文報定可較前捷速均奏入

上命軍機大臣傳諭福康安海蘭察奎朴惠齡孫士毅鄂輝成德曰賊匪在崑拉木西北官寨屯聚不過百餘人鄂輝成德帶領千餘勁兵攻勦旬日尙未能將官寨全行克復目下氣候已屆春深雨雪自久經晴霽且賊匪人數無多水道亦已斷絕諒不能更延殘喘鄂輝等攻克官寨後卽將濟甯

欽定鹿傳霖紀畧

卷二十一

八

絨轄兩處賊匪以次勦除至喇特納巴都爾等稟帖內稱聽見將軍大人們親自前來我王子甚歡喜求施恩與我們照從前一樣剖斷等語賊匪貪狡性成其意尙欲照依前議爲之清理地租現在鄂輝等接到稟一面先行撤諭喇特納巴都爾令其視至邊界爲牽綴賊人之計亦祇可如此辦理此時福康安自己馳抵邊界遵節降諭旨統

領大兵相機進剿鼓勇直前諒此么磨小醜不難
 短期集事再喇特納巴都爾等寄呈保泰雅滿泰
 稟帖內稱前者我王子給過二位大人稟帖大人
 並不與我們作主也沒有給我們論帖等語可見

此次廓爾喀賊匪未經侵犯邊界之先卽有稟帖
 寄呈保泰雅滿泰其稟帖自必將索取地租緣由

說明保泰等何得諉爲不知乃伊二人並未奏明

欽定廓爾喀紀畧

卷二十一

九

亦未將稟帖進呈殊不可解伊二人現在柳號前

藏卽著福康安詳加查訊廓爾喀原稟現在何處
 何以前次並不奏明又不將原稟一併進呈是何

主見令其據實登答毋任稍有隱飾若果伊二人

並未見過稟帖或竟係丹津班珠爾將稟帖私自

藏匿未經呈出亦未可定務須查詢確實附使奏

覆再據孫士毅奏川省自雙流縣至西藏臺站向

設馬匹較少現在增添馬匹並派弁出口添駐腰
 塘加緊馳遞等語西藏文報節經降旨歸打箭爐
 一路馳遞該處臺站向設馬匹不敷馳送自應酌
 量增添以速郵遞

上諭內閣曰此次屯兵等隨從攻打聶拉木賊寨奮
 勇受傷殊屬可憫所有陣亡屯兵著照陣亡例議
 恤其帶鎗矢傷兵丁二名著福康安等查明優加

欽定廓爾喀紀畧

卷二十一

十

賞賚至奮往開路之烏珠拉旺及凍死並凍裂手

足被雪壓倒帳房之各屯兵俱著福康安等一體

查明分別酌量賞恤以示軫念戎行至意再帶鎗

受傷及防卡屯練凍裂手足者二十三名內如瘡

治痊愈尚可留用卽仍留軍營倘已成殘廢卽令

其各回本屯用昭體恤

二十七日

丙寅

福康安奏言竊查賊匪現在邊界

逗遛鄂輝成德攻圍聶拉木雖未得手但賊匪歸路已斷不能竄逸數日內應有捷音臣現將應辦要事趕緊辦理不日起身馳赴軍營先將聶拉木濟囉絨轄等處賊匪剿辦並嚴催各起巴圖魯官兵速爲齊集卽行起期大舉直入賊境痛加殲戮惟是大兵未集之前亦應偵探賊情預行設法佈置連日逐加詢訪詳細籌

酌查得前獲賊目崗噶勒塔則西係跟隨喇特納巴都爾之人尚能悉賊匪情形前經鄂輝奏明暫緩解京留備詢問臣將該賊目親提研訊與鄂輝前訊供詞大畧相同訊以巴都爾薩野專擅管事爲日已久賊會並各頭人是否與之和睦據供巴都爾薩野與王子喇特納巴都爾之父西噶巴都爾薩野係同母兄弟又有西爾

噶斯納薩野巴喇巴都爾薩野二人係異母兄

弟俱管事大頭人上次搶佔聶拉木等係西爾

噶斯納薩野帶兵前來因沙瑪爾巴曾向巴都

爾薩野誣告伊在聶拉木辦事不公私得銀兩

是以與沙瑪爾巴不對此大巴都爾薩野與沙

瑪爾巴商議帶兵侵藏伊又說不可動兵巴都

爾薩野甚是惱怒就把西爾噶斯納薩野所管

之事全行革退巴喇巴都爾薩野現管喀控等

處地方平日也與沙瑪爾巴不和這兩個頭人

都是王子之叔因巴都爾薩野管事年久心裏

不服與巴都爾薩野俱不和好等語臣查該賊

目所供雖未足憑準臣但巴都爾薩野擅權管事

惟所欲爲賊會現年十七漸已長成事事聽其

主持或不免心存猜忌詢之崗噶勒塔則西亦

供壬子敬重西爾薩斯納薩野其巴喇巴都爾薩野與巴都爾薩野並非一心且西爾噶斯納薩野等二人見巴都爾薩野諸事專擅又與沙瑪爾巴朋比爲奸勢難和睦而西爾噶斯納薩野因事被革更必心懷怨望詳察賊匪供詞未必盡皆虛捏至唐古忒兵丁雖屬怯懦然其中豈無勇往之人從前督率無人又因向不給予口糧每藉端逃避與賊接仗退縮不前臣到藏後卽行出示諭以

皇上保護黃教及全藏番民之意爰爲安撫並諭該番民等如有情願自効出兵者准令投赴軍前効用此等唐古忒番兵雖打仗不能十分得力而以之巡守地方堵禦隘口亦可藉資調遣再前自賊巢回藏之扎薩克喇嘛噶勒桑丹結與

欽定回疆紀略

卷二十一

三

欽定回疆紀略

卷二十一

四

沙瑪爾巴徒弟格哩二犯俱經嚴行訊問與郭輝前訊供詞雖屬相符但查噶勒桑丹結一犯係沙瑪爾巴與賊目商令回藏之人又欲如前次講和訊以賊中情形惟稱被賊看守不能深知底裏再三研訊總未詳悉供吐自係與沙瑪爾巴串同一氣故令回藏探聽消息應將該犯鎖押解京辦理格哩一犯係沙瑪爾巴徒弟所供沙瑪爾巴曾向巴都爾薩野說過西藏是天朝地方得罪不得的明係爲沙瑪爾巴飾詞開脫形迹更屬可疑查該犯向隨沙瑪爾巴在廓爾喀居住年久恐有備訊之處現在嚴行押禁暫緩解京

福康安又奏言臣到前藏後因賊匪尚未竄回將緊要事件畧爲部署卽日馳赴軍營督辦海

簡察等及巴圖魯侍衛章京並各起兵丁尚未

到來現派知府隆興知縣常發祥馳赴多倫巴

圖爾一帶並攜帶馬匹口糧前往以資接濟其

川省所運鉛藥軍需至今尚未趕到經臣嚴行

飭催並派藩司景安前往察木多一帶沿途催

趙聞東路一帶烏拉短缺得有大員嚴催可以

尅期到藏又川省所辦箭枝現據惠齡奏明孫

士毅在川省辦箭一萬枝惠齡復添製三萬枝

一併解送前來查箭枝為行軍利器索倫達呼

爾兵丁騎射尤其所長今有此項箭枝甚為得

用已令景安一併迎催即行解赴軍營應用毋

稍遲悞惟自藏至軍營一路運送糧食軍火軍

裝需用烏拉甚多現在烏拉短缺辦理極為竭

蹶揆厥所由總緣藏地積習疲玩遇事皆然自

噶布倫以及大小頭人多不出備烏拉催派番

民當差遠處任牧者不能調集應付而附近番

民人等更番僱用頗形苦累奏辦仍屬無幾因

思西藏地方畜牧是其本業噶布倫戴奉第巴

營官大小頭人等及各寺喇嘛無不牧養牛隻

若果各出烏拉應差原屬眾舉易舉此次進剿

廓爾喀賊匪仰蒙

皇上勤帑發兵本為保全衛藏噶布倫等素享豐厚

當此軍興之際分應首先出力仰報

聖恩豈可坐視不辦徒累番民臣到藏後即傳齊噶

布倫等論以此次奉

旨特派大兵進剿賊匪全為保護黃教撫安番眾爾

等自應痛改積習共思出力報効如此剴切曉

諭明白開導並令著理駐藏事務侍衛額爾登

保同林備趕緊督催現據林備自行捐辦牛五百頭爲之倡率噶布倫戴桑第巴營官頭人等均皆遵奉面諭感激

天恩踴躍趨事卽達賴喇嘛班禪額爾德尼以下及

各寺呼圖克圖大喇嘛等亦願將所養牛隻助

出烏拉現在共有牛一萬五千頭分派各糧臺

往來輸運核計已屬敷用庶糧運一切得以通

欽定康爾喀紀略

卷二十一

十五

行無悞而前藏王軍營一路窮苦番民均可無

庸差派免致擾累以仰副

聖主加惠遠人輯寧衛藏至意

福康安又奏言臣前在西寧時恐西藏需兵之

慮較多安臺弁兵一時未能到齊與勒保會商

酌帶甘省將弁兵丁隨同前往及臣行至藏界

卽派令將備等將所帶兵丁沿途安設茲西藏

臺兵業經安齊甘省弁兵俱應撤回當卽飭令

仍回甘省據副將達音泰遊擊楊宗澤雷仁守

備德寧劉貴等僉稱副將等隨赴西藏安臺現

因西藏臺兵已經安設飭令隨兵回甘伏思副

將等身係武職仰沐

天恩理應出兵打仗稍効微勞現在本營並無緊要

事件副將等業已來藏情願隨往軍營力圖報

欽定康爾喀紀略

卷二十一

十六

効等語臣查現赴藏拉木進剿賊匪帶兵正在

需人後起巴圖魯侍衛等尚未到齊該副將等

從前俱曾在軍營帶兵打仗茲因安臺來至前

藏告求出兵自應准其所請帶往軍營其千把

總外委兵丁等亦多告請隨赴軍前効力臣擇

其曾經出兵年壯技優者酌量帶往派令帶領

屯兵打仗殺賊其餘患病軟弱之人概令回甘

另造清冊咨部查核再甘肅藩司景安奉

旨稽查臺站隨臣赴藏寧夏府知府隆興經勒保奏
派出口安臺各抵藏界後復經臣派令該員就
近一併安設隨同來藏茲據景安隆興稟稱職
等身係滿洲受

恩深重當此軍興之際理應出力且景安歷任藩司
茲復蒙

欽定歸爾喀紀畧

卷二十一

九

恩賞戴花翎感激圖報俱懇請前往軍營等語臣查
西藏查辦軍臺糧務止有道員林儒一人督同
糧員辦理實屬不敷今林儒隨往軍營管理糧
臺道路遙遠其各處運送糧餉及東路一帶催
運軍需鉛藥僱辦烏拉等事均須大員催趨稽
查方能迅速景安藩司本任現係臬司鄭製錦
署理該藩司辦事結實懇請在軍營効用情詞

極爲真切請

旨將景安留於西藏委令催辦糧運烏拉各事宜可
資得力其寧夏府知府隆興本缺亦經勒保委
員署理該員辦理一切事務不辭勞瘁應請一
併准其告留以備差委

福康安又奏言臣奉到

諭旨衛藏一切事務嗣後駐藏大臣與達賴喇嘛商
同辦理其噶布倫等應與在藏章京會辦不得稍
有專擅等因仰見

欽定歸爾喀紀畧

卷二十一

三

皇上綏輯遠人大公至正於衛藏疲玩積習
洞燭無遺
訓誡周詳永垂法制臣查藏地例設噶布倫四人管
理一切事務設有噶廈公所辦理事件其分管
地方之第巴營官頭人等俱聽噶布倫指揮遇

有應辦事件皆由噶布倫轉稟達賴喇嘛辦理
 問有稟知駐藏大臣之事駐藏大臣亦不能每
 事與聞而達賴喇嘛深居習靜外事未能周悉
 誠如

聖諭離塵出世之人豈復經理俗務因此噶布倫等
 乘機干預多致專擅從前又有達賴喇嘛弟兄
 及管事喇嘛等串通舞弊遇有事務徇私偏袒
 辦理不公積習相沿已非一日將來事定後自
 應另立章程申明約束臣於奉到

諭旨後仰詳悉告知達賴喇嘛及濟龍呼圖克圖各
 呼圖克圖大喇嘛等現在辦理諸事令暫著駐
 藏事務侍衛額爾登保督率辦理不許令噶布
 倫等滋弊將來辦理善後事宜時再當定立章
 程永遠遵守至駐藏大臣總理衛藏事務最關

緊要因循日久尤宜大加振作鄂輝人甚安詳
 心思細密遇事雖間有稍軟之處然於藏地情
 形尚爲熟悉現蒙

聖恩棄瑕錄用應倍加奮勉其舒濂所遺員缺自己
 奉

旨簡放有人面承

訓示來藏與鄂輝商同辦理諒能諸事妥協均奏入
 欽定廟制密紀畧 卷二十一 三
 上命軍機大臣傳諭福康安海蘭察奎林惠齡鄂輝
 曰福康安奏確查藏中情形及籌辦運糧烏拉各
 摺現在邊境逗遛賊匪經鄂輝成德攻剿圍困賊
 匪歸路已斷自可無從竄逸福康安在前藏探訪
 賊情預爲設法布置於剿捕機宜自爲得力計福
 康安到藏後查辦數日其續調之屯練及索倫達
 呼爾各兵諒已先後可到自必卽儘先到之兵率

領前抵聶拉木一帶廓清邊界乘勝深入迅奏膚功又摺內稱運送糧石軍火等項烏拉短絀總緣該處噶布倫及大小頭人都不出備烏拉惟派番民當差頗形苦累現諭噶布倫等趕緊預備並據達賴喇嘛及各寺呼圖克圖大喇嘛等各助牛隻已足敷用等語此次進剿廓爾喀原爲保護藏地其運送軍糧火藥等項所需烏拉自應該噶布倫等公同備辦乃該處噶布倫大小頭人等較爲殷實轉置不辦惟派番民當差以致駐牧較遠處所一時不能調集而番民更番僱用多形苦累豈急公趨事之道現經福康安傳集噶布倫等曉以大義已據達賴喇嘛等各出牛隻足資應用所辦實爲得理將來歲事後當酌量獎賞以示體恤仍著福康安將此項烏拉前次專派番民實該噶布倫

等辦理錯悞今達賴喇嘛及各呼圖克圖大喇嘛等各出牛隻備用方爲明曉大義將來大皇帝必加恩賞之處詳晰告知達賴喇嘛等俾其益知感激爭先効用再前因舒濂在藏病故駐藏需人已旨令鄂輝卽回至前藏辦事俟事竣後並令成德駐藏幫同辦理此時藏內雖有額爾登保在彼但伊向在侍衛上行走未曾經事恐辦理諸務不能得要鄂輝人尚細心於藏地情形亦爲熟悉且福康安抵邊界後足資料理應遵前旨卽令鄂輝連回前藏辦事將來藏內事務均須酌定章程由駐藏大臣主持督辦不准噶布倫等專擅成德遇事未免粗疎且伊二人不相統屬卽在藏幫辦恐亦未能得力俟大功告竣後再降諭旨再鄂輝成德連次奏報已將西北官寨賊匪剿殺焚燒又將

寨門挖溝擲火燒斃賊匪該處雖連次遇雪自己
晴霽賊匪水道斷絕勢力窮蹙不過株守一隅束
手待斃何以又隔多日尚未將該處賊匪殲除淨
盡著成德等卽行督率官兵奮力攻剿再將絨轄
等處賊匪以次廓清合兵深入毋得稍有延緩致
滋咎戾



欽定廓爾喀紀畧卷二十二

二月三十日^臣鄂輝成德奏言^臣等帶領勁兵

五百餘名圍困一百餘名之賊業經二十餘日

若不設法攻破徒延時日恐墮

聖懷二十日天色稍霽^臣等親往賊寨牆根察看東

南兩面官兵所挖地道數處均爲大石所阻惟

西面牆角有溝形一道似通寨內隨派都司什

欽定廓爾喀紀畧

卷二十二

二

格蒲益章率同巴塘副土司成勒春丕勒等帶

巴塘土兵刨挖掠報牆角並無埋石當卽飭令

晝夜開挖仍令遊擊張占魁都司張志林守備

馬登朝屯備阿忠土弁色木哩雍忠思丹巴色

木朗等四面圍圍先于東南兩面施放鎗砲並

作挖牆放火之勢使賊牽制于前不復防備于

後連日將西面地道挖進三丈餘二十三日申

刻復下大雪^臣等商酌趁此大雪之時賊人懼

不設備令都司什格等于二十四日卯刻帶領

勇健滿漢官兵十數人及巴塘土兵將火藥密

運四十包裝入地道用引線鬪接堵築口門經

乾清門侍衛珠爾杭阿先在口門安放火繩布置

停安^臣鄂輝成德與侍衛永德阿尼雅布總兵

穆克登阿張芝元帶領滿漢屯土官兵分布東

欽定廓爾喀紀畧

卷二十二

二

南兩路迨至午刻地道內火燃藥發將西面牆

垣寨房立時轟擊無存賊匪屍骨俱飛半成灰

燼僅存西北房屋數層官兵等乘勢上房拋入

火彈賊匪尙敢施放鳥鎗抵拒我兵聞有帶傷

陣亡者^臣等當卽督率官兵一併撲上碉寨賊

人勢難拒守旋即紛紛四竄經侍衛永德珠爾

杭阿阿尼雅布等堵住射殺又經總兵穆克登

阿張芝元帶兵圍擊凡有竄出之賊盡被誅戮
並經官兵生擒二十一名復於寨內搜出被火
轟傷及壓壞手足各賊匪二十七名查驗均已
傷重當卽立時正法搜獲鳥鎗刀矛甚多餘賊
盡被殲擒實無一名漏網此次仰賴

皇上洪福

指示機宜俾_臣等獲有遵循官兵亦各知奮勉已將

欽定肅爾喀紀略

卷二十一

三

聶拉木一路賊匪殲戮靡遺惟因連次大雪不

能迅速蒞事早慰

聖懷_臣等實不勝惶悚之至查西北碉寨內實有一

百餘名之賊訊問現獲賊匪據稱共有大小頭

人五名除一被地雷衝死一被官兵殺斃外今

又拿獲活賊內有大頭人一名咱瑪達阿爾曾

薩野訊係大頭人瑪木薩野之侄小頭人二名

舍理格哩拉勒格別連前擊獲之格別達喀噠

哈共獲大小頭人四名賊匪四十三名容依_臣

等將各犯詳訊供詞除實在無關緊要之犯卽

行正法另摺具

奏外其餘頭人及緊要各賊匪一併解送前藏聽

候福康安審訊分別解京辦理至漢土官兵內

連前共計陣亡二十九名受傷者五十員名亦

欽定肅爾喀紀略

卷二十二

四

俟_臣等逐一查明造冊咨部照例賞卹其在事

出力人員合無仰懇

天恩賞予獎勵謹將各員姓名開列清單恭呈

御覽其餘出力弁兵咨明本省遇缺拔補屯土弁兵

查明分別給賞以示鼓勵奏入

上命軍機大臣傳諭福康安海蘭察奎林惠齡曰聶

拉木官寨賊匪不過一百餘人株守一隅上年十

二月二十八日卽經成德等攻剿焚燒罕卡圍困
水道斷絕口食無資是該處賊匪已屬勢窮力蹙
束手待斃無難立時攻克悉數殲誅而鄂輝成德
止派兵圍困延至一月之久始將賊匪一百餘人
用火轟斃乃奏到摺內輒覲顏稱將聶拉木賊匪
悉數殲除地方全行收復張大其詞並將帶兵人
員臚列名單至二十三人之多懇請加恩陞用賞
給巴圖魯名號及花翎等項試思此處賊匪不過
困守負隅爲數亦祇一百餘人而勦至一月且濟
隴被轄兩處尙有賊匪屯守安得謂之全行收復
其攻克聶拉木碉寨兵丁之力爲多尙屬可嘉鄂
輝成德似此無能方當引咎之不服乃大言不慚
其意竟自欲居功輒將帶兵人員列名懇恩請加
重賞實可謂恬不知耻此處勦除一隅之賊卽欲

欽定平定回疆紀略

卷二十二

五

如此優加恩典將來勦辦濟隴被轄兩處賊匪及
直抵陽布後又當如何加恩酬犢耶且鄂輝成德
前次奏到摺內稱俟聶拉木官寨賊匪勦除後卽
赴濟隴被轄二處進剿等語彼時卽應分派將領
帶兵前往二處一體圍勦迅速殲擒方爲正辦乃
計不出此直至今日將聶拉木賊匪盡行燒斃尙
不卽日馳赴濟隴被轄乘勝攻勦且摺內並未提
及如何領兵前往分路勦殺竟若殲除聶拉木賊
匪後已屬完事伊一人竟別無他事者然何糊塗
至此又此次鄂輝成德旣將困守官寨之大頭人
咱瑪達阿爾合薩野罕獲係屬瑪木薩野之侄實
爲賊中緊要之犯自應訊供具奏乃止將該頭人
解送前藏交福康安審訊解京並未詳細錄供隨
摺具奏是鄂輝成德皆因福康安在彼卽意存諉

欽定平定回疆紀略

卷二十二

六

卸諸事置之不辦種種錯謬非止一端惟知夸大勞績懇請恩賞鄂輝成德更復有何顏面實可謂太不知耻矣著傳旨嚴行申飭所有咱瑪達阿爾會薩野著福康安畧加訊問卽派委員迅速解京其在事之官兵除陣亡受傷兵丁照例賞恤外至帶兵各員內朕閱鄂輝等奏摺性侍衛珠爾杭阿承德阿尼雅布三人較爲奮勉著福康安傳

欽定滿清實錄

卷二十一

七

旨獎勵各賞給大緞一疋並合鄂輝成德同聽宣諭當面賞給並傳旨嚴行申飭鄂輝成德使知愧耻其刨挖賊寨牆角之副土司成勒春丕勒及巴塘土兵等俱著酌量獎賞其餘鄂輝等單內所開帶兵各員並著福康安另行據實查明出力者量加獎賞具奏以示鼓勵看此光景幸朕早料及鄂輝成德俱屬無能特派福康安前往督辦並先派乾

清門侍衛等馳往帶兵方能勦殺賊匪若專恃鄂輝成德在彼辦理必致夸大鋪張因循悞事又若前次巴忠在藏時顛預將就虛報功績說和完事矣再鄂輝所奏丹津班珠爾寄出信內稱前者家人俄洛來到陽布地方所帶家信並物件都已收到等語後藏地方皆因噶布倫等平日與廓爾喀往來帶信以致屢滋釁端現在正當大兵進剿之時

欽定滿清實錄

卷二十一

八

時而丹津班珠爾等仍復書信來往毫無顧忌則官兵消息豈有不透漏之理福康安等當嚴行管禁毋許藏中噶布倫等差人潛往移寄書信將來平定事竣亦當明立禁約以杜私相往來其丹津班珠爾家人俄洛一名並著福康安查明此外尚有何人一併押送進京至藏內所辦糧石雖節據鄂輝等奏共有七萬餘石牛羊一萬餘隻固已備

辦寬裕但現在勦辦廓爾喀定計深入糧石爲軍
營要需不妨寬爲籌辦雖大兵攻勦斷不至遷延
歲月然寧可備而不用斷不可臨期稍有短絀並
著福康安等通盤酌畫先事預籌以期有備無患
再前藏事務前已有旨令鄂輝卽行回藏辦理但
思鄂輝辦事軟弱不足以資彈壓卽令成德幫辦
但遇事粗疎不能得力此時正屬大兵進勦一切
軍需要務均資妥辦和琳人本細心遇事尙有主
持在藏駐劄于籌辦糧運接濟官兵及查辦整飭
諸事自所優爲且係朕特派之人衆人亦有畏懼
現已令其馳驛前往接辦藏事其應行查辦事件
如鄂輝有未經辦竣者和琳到後卽行接手查辦
以資經理

上諭內閣曰前經有旨令鄂輝回至前藏俟進勦廓

欽定廓爾喀紀略

卷二十一

九

爾喀奏凱後協同成德在藏辦事今思鄂輝人本
軟弱成德遇事粗疎二人駐藏未能得力侍郎和
琳心思詳細堪以管理藏務著卽馳驛赴藏一切
應行查辦事件卽妥爲經理以副委任

三月初一日

庚午

上命軍機大臣傳諭福康安海蘭察奎林惠齡曰昨
鄂輝成德將訊問丹津班珠爾送信之跟役色角

欽定廓爾喀紀略

卷二十一

十

七哩等供詞進呈朕詳加批閱據色角七哩供稱
沙瑪爾巴令小噶布倫們給前藏噶布倫寫信並
令各寫家信一封沙瑪爾巴念與兩個頭人聽了
還改了兩遍纔封好交給小噶布倫圖記早被廓
爾喀搜去直到此次寫信纔掣出用過又收去了
等語沙瑪爾巴既合丹津班珠爾玉托噶布倫各
寫家信寄回特將搜去噶布倫圖記取出鈐用何

以現在進呈之丹津班珠爾玉托噶布倫二人家
信內並未用有圖記其中斃寶顯然沙瑪爾巴狡
猾異常或令丹津班珠爾預先繕寫兩分將一分
蓋用圖記者囑令色角七哩等密爲藏帶以便寄
至家中作爲信驗又另備不用圖記家信一封如
遇官兵盤問令其呈出鄂輝等于宗喀第巴將送
信跟役押至聶拉木軍營時不加詳察爲其所愚

欽定平定回疆方略

卷二十二

十一

祇將不用圖記家信一分搜出呈覽而丹津班珠
爾等蓋用圖記真實家信遂不復再爲搜取試思
丹津班珠爾等遠在賊巢家信往回全憑圖記作
爲符驗豈有遺漏蓋用之理諒必另有蓋用圖記
真實家信在色角七哩等身邊攜帶伊等回至前
藏仍可給丹津班珠爾等家屬觀看且恐信內另
有與賊匪勾通私語若令潛爲傳播豈不更起藏

內僧俗番衆之疑轉致煽惑此事甚有關係著福
康安嚴切跟究色角七哩等此次所帶丹津班珠
爾等家信是否携有兩分並將進呈家信內因何
並無蓋用圖記之處切實訊明據實迅速奏覆至
派往之索倫達呼爾兵一千名及積調土兵三千
名現在將次到藏計藏內原駐及積調滿漢兵丁
並屯練降番已有一萬一千名而鄂輝成德張芝

欽定平定回疆方略

卷二十二

十二

元帶往剿賊之屯練兵二千餘名兵力不爲不壯
何以昨日鄂輝等奏報勦除聶拉木賊匪摺內祇稱帶
傾勁兵五百餘名殊爲不解此項兵丁原爲打仗
殺賊之用其堵禦隘口掣卡防守不過撥兵數十
名聯絡聲勢安有打仗之兵轉少于防守者況邊
界通賊路徑叢雜豈能一一撥兵看守卽賊匪亦
斷不散漫而來有一路卽領一路之兵防守乃鄂

輝等統領多兵竟係零星散布而攻圍賊匪僅有官兵五百餘名于用兵行軍之道全無把握卽云分兵前赴絨轄濟龐兩處自必將賊匪同時攻勦何以又未據報勦滅兩處賊匪豈有在彼株守分兵坐待之理著福康安將藏內現有官兵內鄂輝等究竟派往何處若干查明具奏總之兵力以分而見單福康安等當統領大兵直前進剿直趨陽布一路爲攻搗賊匪腹心之計斷不可零星散布至大兵深入時轉致單少

欽定四庫全書

卷二十一

十三

初三日壬中鄂輝成德奏言聶拉木賊匪此時雖已悉數擒而濟龐絨轄尙有賊匪拒守查絨轄現爲大雪封阻且賊亦無多似不值先爲移兵前往惟濟龐爲將來進兵大路自應卽往剿捕臣等連日商酌聶拉木距賊巢較近須留重

兵守禦且亦爲進兵要路臣成德暫在此間查明應設卡隘遵

旨派兵交與總兵穆克登阿分撥安設帶領駐劄俟將防守事宜安爲布置後起屯兵亦可到齊臣

成德帶兵卽由第哩浪古逕往宗喀該處距濟龐不遠便可查探實情相機進剿臣鄂輝因前

次運糧等事祇能專心籌辦聶拉木一處而濟

欽定四庫全書

卷二十一

十四

南山路必須將糧餉運往宗喀底官兵到彼可資接濟現擬先往魯噶爾拉子一帶將糧石備查趨運與臣成德約至宗喀地方會合於聲勢更覺聯絡現聞福康安已抵前藏臣等惟有欽遵

諭旨隨同福康安聽候差遣請示辦理

鄂輝成德又奏言臣等攻勦聶拉木賊匪節次

擧獲活賊四十七名嗣據總兵穆克登阿張芝元稟報續又搜獲小頭人木底達巴一名賊匪羅布與克得哩僧格爾興二名_臣等連日督同詳加研鞫緣瑪木薩野等于乾隆五十六年六月內帶兵至聶拉木將噶布倫丹津班珠爾誘進陽布喇特納巴都爾先派頭人崗噶勒塔則西至聶拉木放爲該處頭人嗣聞瑪木薩野等

欽定平定回疆方略

卷二十二

十五

已往扎什倫布隨卽派令蘇必達呢瑪叭噶嘶帶同教習一名及有頭人名號之咱瑪達二名阿木爾達四名哈瓦達四名並鎗手二百名前赴第哩浪古接應呢瑪叭噶嘶等行至巴都爾口地方因通拉山徑路難行不敢前往退至聶拉木佔據寨洛呢嗎叭噶嘶未到聶拉木之先崗噶勒塔則西因往巴都爾口查看地方卽被

戴琿敏珠多爾濟擧住喇特納巴都爾岡信又派多魯敦珠蘇必達前來辦理頭人事務並經管賊衆口糧續派咱瑪達阿客魯得爾等二人帶兵五十名一同至聶拉木嚴守官寨數月以來並無官兵與之打仗賊仍株守該處_臣成德於十二月二十八日督兵猝至先將附近小寨攻克擧獲活賊七名正月初二日攻燒東南官

欽定平定回疆方略

卷二十二

十六

寨雜時呢瑪叭噶嘶多魯敦珠等均各跳牆而出趕官兵四面圍殺當卽擧獲噶拉興達巴並餘賊共十一名續經屯備木塔爾在木薩倚隘口先後擧獲格別達喀噶哈並餘賊共五名其餘各頭人查明均被官兵殺死惟西北官寨內有咱瑪達二名阿爾曾薩野阿客魯得爾並阿木爾達一名什哩格星那克得哩哈瓦達二名納

古別木底達巴帶兵一百餘名在內死守初八日攻燒賊寨又獲活賊三名嗣因連次大雪賊人得水荷延殘喘二十四日_臣等督率官兵施放地雷當時將咱瑪達阿密魯得爾轟死擒獲阿爾曾薩野什哩格哩那克得哩納古別並餘賊共二十一名至二十五日各兵搜查被轟屋寨又將木底達巴拿住並獲餘賊共三名_臣等

細加查訊此次屯聚聶拉木賊匪自大小頭人兵目以及跟役背夫皆已悉數擒擒實無一名漏網除審明正法梟示共二十六名外其餘頭人五名教習一名賊匪十八名共二十四名現委都司什格一併解赴前途應否全行解京聽候福康安訊明酌辦均奏入

上命軍機大臣傳諭福康安海蘭察奎林惠齡鄂輝

成德曰絨轄濟隴兩處皆係週賊路徑節據鄂輝等奏稱尚有屯聚賊匪自應及早剿除淨盡邊界廓清將來大兵直搗賊巢可無後顧之虞乃鄂輝成德攻勦聶拉木賊寨已及一月始將賊匪全數殲除現據奏俟後起屯兵到齊成德卽由第哩浪古逕往宗喀喀進剿濟隴一路賊匪已屬遲緩並據稱絨轄一路賊匪無多不值先行移兵前往目下

自應卽將濟隴屯聚賊匪先行剿淨以通道路且看伊等如何奮勉出力耳現在福康安當早已馳抵邊界自卽督同成德等將濟隴賊匪上緊剿辦殲戮無遺其絨轄一路雖據稱屯聚賊匪無多亦應勦捕淨盡俟後路肅清方可統領大兵直搗巢穴節經降旨甚明想福康安到後自斟酌緩急機宜熟籌妥辦也至鄂輝前已有旨令其俟福康安

到邊界後即回至前藏辦事但現在大兵進剿一切糧運烏拉關係緊要且藏內事務現已派和琳馳往辦理鄂輝不必株守前藏所有自藏至軍營一帶糧運烏拉事務及後路一切卡汛策應均著交鄂輝常川往來梭織稽查督率催趨務俾源源接濟倘有遲悞則惟鄂輝是問設若一人難于兼顧則暫留惠齡令其一人協同料理又據鄂輝等

欽定續通志

卷二十一

十九

奏現獲賊匪五十名除業經正法外尚有賊匪二十四名現委員解交福康安審訊辦理等語此等被獲賊匪著福康安覆加審訊如有應行解京者即速派委員押解來京以備訊問如無可備訊之犯應即在彼處正法想福康安自能分別辦理此內阿爾會薩野一犯係瑪木薩野堂侄爲賊中大頭人如福康安已將該犯解京則已若未曾解京

著即將該犯一併迅速解京毋稍遲緩至鄂輝成德前因行走遲延節經降旨嚴飭現在鄂輝任藏辦理一切成德隨同福康安帶兵打仗俟廓爾喀事竣後看伊等是否奮勉出力核其功罪再降諭旨再上年廓爾喀滋事之初據保泰雅滿泰奏欲將達賴喇嘛班禪額爾德尼移駐泰寧該處僧俗人等聞知此信俱各驚惶其時有在藏章京等將

欽定續通志

卷二十一

三

衆人惶惑情形回明保泰始行中止該章京尙屬驍事係屬何人是否即現在駐藏之員外郎德明並筆帖式巴揚阿著福康安便中查明具奏

同日鄂輝又奏言_臣前據歲琿堪布稟稱前輩班禪蒙

皇上御賜金冊供奉扎什倫布經樓此次班禪額爾德尼赴前藏時並未帶去遍查不見恐係被賊

竊去當經寄班禪查覆茲據覆稱自扎什倫
布起身匆促祇將

御賜玉印珠寶等件隨身帶往至金冊原係歲珠堪

布所管我臨行時並未將金冊攜帶竟致遺失

實甚悚懼等語臣查此件金冊與班禪衣箱等

項物件同貯經樓俱已遺失無存彼時當人心

慌亂之時或不肖喇嘛乘間竊取或實被賊人

欽定廓爾喀紀畧

卷二十一

五

竊去均未可定現已札知歲珠堪布令其再爲

上緊嚴查務獲究報奏入報

問

欽定廓爾喀紀畧卷二十一

欽定廓爾喀紀畧卷二十三

三月初九日戊寅福康安奏言臣接據鄂輝等咨

送摺稿內稱官兵攻圍聶拉木賊匪用火焚燒

寨房因礮寨牆垣堅厚火勢不能卽透連日又

遇大雪人力難施等語伏查西藏一帶地方春

雪較冬令更大臣聞西寧一路及打箭爐一路

均于正月下旬連遇大雪深至數尺道路不能

通行則聶拉木地方屢次遇雪自屬實情此時

邊境雪勢雖大猶幸在各兵未集之前卽日大

兵到齊正值春融雪化乘機深入亦可無虞稽

滯現在屯留聶拉木賊匪固守日久歸路已斷

官兵等攻圍該處官寨均屬認真出力諒賊匪

不能竄逸臣已行知鄂輝等如已收復聶拉木

務將隘口妥爲看守再行進剿絨轄等處不可

欽定廓爾喀紀畧

卷二十三

一

因急于見功效致有疎失臣到前藏後原擬卽日

起身因奉

旨查辦之事較多是以畧住數日趕緊辦理具奏且

臣係輕騎趨程隨從人等減之又減隨行官弁

跟役不過三十餘人後起巴圖魯侍衛及各起

兵丁全未到來臣蒙

恩畀以統兵重任若僅帶數十人前往番民等愚懦

無知見所帶人數無多不知有後起各兵來藏

先聲所至恐不能懼伏外夷因于查辦事件之

時嚴催川省所調各兵迅速前進臣又挑選唐

古忒番兵五百名酌加鼓勵申明軍紀一俟川

省來藏換防兵丁先來數百名臣卽帶領起程

馳赴聶拉木督同鄂輝成德勒平官寨餘賊再

赴濟隴絨轄等處收復地方殲除賊匪聞海關

欽定廓爾喀紀畧

卷二十三

一

察惠齡不日即可到來奎林已自打前糧出口
雖據孫士毅札會奎林現患濕氣髮際生疳手
足稍欠利便但伊素性勇往自必力疾趨程不
肯遲滯所有一切進剿事宜海蘭察等到藏後
均可會同商辦惟查聶拉木濟龐絨轄等處均
與賊境毗連係進剿廓爾喀要道連日詳悉訪
問各該處山嶺重疊窄徑崎嶇其餘尚有小路

數處可通較正路更爲險遠必須預踴路徑並
偵探賊匪何處屯聚攻其不備奪據險要方可
直搗賊巢且此次與師問罪賊匪自有所聞妄
想于大兵未到之先仍欲藉講和完事倖免加
誅故呈遞鄂輝等稟帖懇照從前制斷竄囑差
來之納朗等二人速取回諭並令裏去第巴博
爾東另由濟龐回藏告知佔據濟龐賊匪不許

與官兵打仗聽候講和是其畏懼惶急情形即
此已可槩見賊匪等既已震懾

天威心懷惟怯將來大舉進剿務于初次接仗全挫
勝勢將抗拒賊匪殲戮靡遺始足以振軍聲而
寒賊膽若祇帶現有屯兵二千名直入賊境不
特後路無人即攻守地方亦屬不敷調派官兵
聲勢未盛恐轉啟賊匪易視之心於事殊有關

係臣仰蒙

聖恩委任統率大兵固不敢坐失事機亦未便冒昧
輕進將來收復邊界後倘大兵尚未到齊自應
在彼畧爲停待若其時賊匪震聳軍威先來具
稟陳訴臣擬嚴切曉諭勒令巴都爾薩野瑪穆
薩野沙瑪爾巴等親自來營認罪面行陳懇以
爲牽綴賊人之計一俟兵力厚集即可窮追深

入一鼓殲擒至附近廓爾喀之布魯克巴作木

朗坡楞三處部落業經撤令發兵攻賊並飭藏

地各邊界嚴行堵截又查有哲孟雄宗木兩處

地方部落較小在西藏帕克哩邊外亦與廓爾

喀接壤各該處崇奉佛教向屬進賴喇嘛管轄

後被賊匪蠶食吞併唐古忒亦未與之較論服

屬於賊已歷多年今各該部落番目聞大兵勦

欽定西藏紀畧

卷二十三

五

賊之信卽同帕克哩營官龍瓏定喀幹等率領

番衆與賊打仗攻取地方臣已發檄諭獎勵茲

復據帕克哩營官等稟報該管官等會同哲孟

雄番兵在茶協爾遇賊打仗乘勝將哲孟雄各

地方收復又同宗木番兵在果札並畢滋布等

處打仗殺賊收復宗木所屬各寨落俱仍歸藏

內管轄等語臣思帕克哩邊界及哲孟雄宗木

等部落近隣賊境向被欺凌今聞大兵進剿卽

率領番衆打仗將遠年被佔地方大半收復該

營官番目等實屬奮勉可嘉臣俱優加獎賞並

諭令奮勇殺賊收復寨落卽當乘勢相機直入

賊境亦不可因屢勝之後稍涉大意致墮賊人

狡計查布魯克巴赴廓爾喀邊界勦賊須由哲

孟雄宗木經過不日布魯克巴兵丁到境卽令

欽定西藏紀畧

卷二十三

六

該營官各自帶兵會同前進攻圍賊匪東北一

帶地方以分賊勢

福康安又奏言前經孫士毅鄂輝奏明前後賊

地方共辦糧七萬餘石牛羊在外足敷支應臣

到藏後卽飭管理糧務道員林佛等通行查核

前藏共辦糧四萬四千五百餘石後藏共辦糧

三萬石現在聶拉木軍營及各處兵丁口糧俱

於此內支放所有此項糧石係糧員督催喇嘛及噶布倫等分投採辦就近存貯各寨落寺廟陸續運軍營並飛送至布達拉扎什倫布地方再行運往臣現未能逐處盤驗惟據道員林倘等稟報採辦俱係實數並無短少業經催令磨炒用新設各臺烏拉牛隻趕緊運赴軍營臣又令于各處糧臺每臺分貯數百石設遇陰雨泥濘之時遠處糧石未能剋期運到即可將各臺存糧就近逐臺運運以資兵食又前藏採辦牛二千二百隻羊一萬五千一百隻後藏採辦牛二千隻羊一萬一千隻俱係在有草地方牧放陸續趕赴軍營以備索倫達呼爾兵丁及屯土各兵食用核計糧石牛羊數目足敷現調各兵支食臣已通盤籌畫咨會孫上毅現在糧石

充裕竟毋庸內地轉輸卽或將來應需添辦亦先儘藏內採買以節糜費孫上毅現駐打箭爐與口外聲息相通可以彼此關會往返札商應齡不日卽抵藏地又得隨時會商妥協辦理再查征兵日支口糧鄂輝等上次辦理巴勒布之事本係日給糶粃一斤因並未與賊打仗未敢據實報銷止以每兵每日折給糶粃一升報部核准其多支之項在外公攤還欸此次鄂輝等查照每兵每日支給白麵一斤成劍奏請折給糶粃一斤現經軍機大臣議駁請仍照上次折給糶粃一升毋庸支給一斤等因臣查軍需定例每兵每日拾米八合三勺或麵一斤各案軍需皆係照例支放卽新定則例亦係如此推原劍意因米之體價較麥麵爲重每米一升重一

十三兩零每麪一升重十三兩零是以米祇八

合三勺麪則例給一斤今西藏所辦軍糧皆係

糶把以稞麥炒磨而成體質輕鬆更非麥麪可

比臣現將糶把與米秤量比較糶把一升祇重

十兩零較米輕至一半有餘且八合三勺之米

炊熟成飯已及一斤有餘糶把係炒熟之物不

能稍溢升合若每兵每日祇給糶把一升實屬

欽定西藏紀略

卷二十三

九

不敷口食況各臺馳送文報兵丁每日尙照例

給與麥麪一斤征兵打仗出力日給口糧未便

轉較臺兵減少相應仰懇

天恩

特降諭旨每兵每日照例給與糶把一斤使各兵得

資果腹益當感頌

呈仁倍加奮勉

福康安又奏查西藏駐防各營操演鉛丸火

藥向由川省運送赴藏自賊匪滋事以來舊存

者將已用完新運者尚未到藏前調劈山砲位

亦不能一時運來臣已屢次遣人持令嚴催特

因沿途烏拉短少山南路遠連日大雪阻隔道

路不能剋期到藏查軍營所需鉛藥炮位最關

緊要若止藉川省解運實屬緩不濟急自應在

欽定西藏紀略

卷二十三

十

藏地就近籌辦方為省便查唐古忒地方處處

皆山必當有產礦之地番民等自應有習放鳥

鎗之人所用鉛藥諒非赴內地採買詳加訪問

查得前藏南界貢布地方出產硝磺遠報喇嘛

向來即係在該處採辦其邊境洛隆宗桑阿曲

宗作崗四處皆有例交商上鉛斤臣因思藏地

現產硝磺鉛斤布達拉存貯鉛丸火藥必多隨

傳集濟隴呼圖克圖扎薩克喇嘛堪布喇嘛噶
布倫等剴切曉諭以此次進剿賊匪仰蒙

大皇帝發兵遠來全爲保護黃教輯寧衛藏今自宜

示

諭旨後達賴喇嘛深知感激

天恩督率各呼圖克圖大喇嘛及噶布倫等採辦糧

石帮出烏拉情形甚屬踴躍業經奏聞

欽定庸醫紀畧 卷二十三
大皇帝自必仰蒙

十一

嘉獎現在軍營火藥較多內地運送尙未到齊聞布

達拉舊有存貯者達賴喇嘛想必亦情願交出

兩等應卽回明查辦旋據濟隴呼圖克圖並扎

薩克堪布喇嘛噶布倫等查明布達拉現存火

藥二千四百三十八斤又查出鉛子二萬八千

斤達賴喇嘛情願一併交來聽候運送軍營應

用^臣復思布達拉現有舊存鉛丸火藥亦應在

舊存炮位復詢之達賴喇嘛又據將大小炮三

十餘位送出有重至數百斤者^臣擇其可用者

二十位解送軍營將來進至賊境足供擊賊之

用^臣已將交出火藥鉛丸照數點驗揀出炮位

逐加演放俱屬可用先行陸續解送軍營仍專

派委員前赴邊垣貢布等處地方試辦鉛丸火

藥酌量給與價值以應軍營急用較之川省調

撥運脚更可節省此次進剿賊匪仰賴

聖主天威迅速蕩事計算採辦鉛丸火藥及川省運

送者已足敷用亦毋庸再赴內地調取卽將來

西藏操防火藥鉛丸均可就近採辦以省糜費

再查巴圖魯侍衛等帶兵打仗必須健壯馬匹

騎用自西寧騎來之馬俱已疲乏鄂輝前奏買

欽定庸醫紀畧 卷二十三

十二

馬數百匹現今俱在後藏恐此項採買番民之

馬未能十分臆壯臣聞各寺喇嘛及噶布倫等

俱有自行畜養好馬經臣明白曉諭該喇嘛及

噶布倫等俱情願交出馬匹以供軍營之用臣

已酌加賞資選得健壯好馬一百匹臣俟到後

藏時再添買好馬數百匹一併先送軍營同鄂

輝所買馬匹俱在水草豐美地方牧放將來進

欽定廓爾喀紀略

卷二十三

三

勒時將此健壯馬匹分給巴圖魯侍衛及索倫

達呼爾兵丁乘騎打仗可期得力所有疲乏馬

匹臣已留於前藏喂養牧放歇息數月將來軍

營需用時再行陸續送往度西寧帶來馬匹不

致疲乏無用軍營戰馬爲數更可敷餘

福康安又奏言接據鄂輝等咨送摺稿內有具

奏兵丁范忠等自廓爾喀回藏帶呈賊匪稟信

一摺並將譯出原稟抄錄前來臣查閱喇特納

巴都爾巴都爾薩野呈保泰等稟內有給過二

位大人稟帖大人並不與我們作主之語隨提

保泰訊問廓爾喀何時具稟所稟何事據保泰

呈出廓爾喀原稟並譯出稟帖共二件又保泰

等諭稿一件詳閱廓爾喀來稟內開從前丹津

班珠爾等所講銀兩二年未還原立合同係每

欽定廓爾喀紀略

卷二十三

四

年商上許給銀錢五十千圓及藏地使用廓爾

喀錢文二事今俱不照合同辦理請令唐古忒

差人前來定議等語臣思保泰等于四月內接

到廓爾喀賊匪來稟而稟內所言係懇求保泰

等飭令唐古忒給還銀兩而使用銀錢兩事其時

尙在賊匪未犯邊界之先何以並不查明原委

卽時據實具奏向保泰嚴切究訊據供上年春

問我接到廓爾喀來稟見說唐古忒欠伊銀兩一事我卽飭行噶布倫等查明嗣據噶布倫等含糊稟覆唐古忒與廓爾喀素通貿易原有賬目不清情願自行清理並未提私許銀兩之事所以我給廓爾喀諭帖卽云所稟西藏欠賬並未聲明是何款項著速遣大頭人將原立合同取來查驗辦理原擬查明後再行奏辦後來賊

欽定廓爾喀紀畧

卷二十三

五

匪卽來邊界滋擾一時不能查明未便冒昧具奏臣詰以唐古忒私許賊匪銀兩之事藏內無人不知何待查詢爾之行查噶布倫顯係佯爲不知以飾其迴護贖狗之罪且賊匪來稟明言噶布倫等講和退地議立合同給與銀兩爾所發諭帖內又有令頭人携帶合同來藏之語豈得諉爲不知今爾未將此稟奏出究竟是何意

欽定廓爾喀紀畧

卷二十三

十六

見復據供稱許銀說合之事我到藏後原有所聞及問噶布倫丹津班珠爾等俱不肯說出實情祇稱本有私債我想廓爾喀已經投順巴忠並鄂輝等久已辦定所言私債未完唐古忒既願自行清理想來卽可完事是以未經具奏實是我昏愼糊塗心存狗隱無可置辯等語查保泰身爲駐藏大臣於此等交涉外夷事件並不據實奏明請

旨辦理輒敢心存狗隱僅以一查一論了事核其情罪實無可追本應牽解赴京交部從重治罪但伊係奉

旨枷號在藏永遠示衆轉未便卽行牽解送京臣于到藏後業經傳

旨將保泰責處四十板並復查出廓爾喀曾經稟

保泰並未奏明緣由尤屬可惡應請

旨再行重責四十板另製重枷號令其多受折磨
以爲玩視夷情徇隱不奏者戒再查稟內所稱
每年商上許給五十千銀錢之語查與三百元
寶數目多寡不符推原其故蓋因藏地使用銀
錢每圓重一錢五分以銀錢五十千圓核計共
重七千五百兩而廓爾喀新鑄銀錢欲令唐古

欽定廓爾喀紀畧

卷二十三

七

忒將一圓當作兩圓使用以銀錢五十千圓加
倍換銀卽合銀一萬五千兩適符三百元寶之
數查賊匪所立合同本係議給銀兩及行使銀
錢兩事故賊匪索取銀兩祇以錢數爲言若唐
古忒照錢數合銀付給卽可一舉兩得賊之狡
計不出于此至賊匪交范忠帶回稟內有恐怕
是你二位大人吃了西藏人的錢等語雖係賊

匪挾制之言不足爲據但恐保泰等駐藏辦事

或竟有執法營私情弊致啟賊人輕視之心

當徹底嚴查茲_臣面詢達賴喇嘛濟隆呼圖克

圖並噶布倫等均稱保泰等在藏尙知顧惜聲

名並無勒索受賄之事番民輿論均屬相同且

賊匪稟內吃錢之語並無確據實係捏合併

陳明均奏入

欽定廓爾喀紀畧

卷二十三

六

上命軍機大臣傳諭福康安海蘭察奎林惠齡鄂輝
成德曰福康安奏附近廓爾喀之布魯克巴作不
朗披楞三處部落業經撤令發兵攻賊又西藏帕
克哩邊外哲孟雄宗木等部落現在與廓爾喀賊
匪打仗將該二處地方奪回並諭令該部落乘勝
直搗賊巢等語所辦畧早於進剿機宜殊爲失算
布魯克巴等處部落既與廓爾喀不睦經福康安

撤諭該部落令其攻剿不過如治病偏方藉以牽
綴賊勢原非仗其兵力以爲搗穴擒渠之計卽欲
用以攻剿賊匪亦必俟大兵深入賊境預約各部
落同時進攻使賊匪猝不及防四面受敵首尾不
能相顧方爲得力乃福康安計未及此於大兵未
經齊集之前卽檄諭各部落前往剿殺廓爾喀此
舉實屬失之太早若該部落竟能直入賊巢將廓
爾喀剿滅亦係各部落自己之功與天朝無涉倘
不能取勝使賊匪知此次各部落與彼構兵明係
出自天朝指使得以預爲設備則將來大兵前抵
賊境於攻圍進剿機宜轉不無費力且哲孟雄宗
木等部落向被廓爾喀欺凌佔其軟弱無能已
可槩見又豈能使之直入賊巢耶雖現在鄂輝等
將聶拉木屯聚賊匪全行轟擊廓爾喀諒必亦有

風聞但大兵深入與否尙在疑似之間今以各部
落多人先往賊巢打伏賊匪自必知大兵卽當乘
勢深入攻其腹心設備必更嚴密則福康安使各
部落前往剿賊是明告以大兵將至俾得先爲防
守矣計此旨到時福康安已早經檄諭業已不及
挽回但嗣後遇有此等緊要軍機必當熟思審處
慎之又慎至所稱帕克哩營官率領番衆將哲孟
雄宗木收復福康安俱優加獎賞等語營官番目
等能將遠年被佔之地大半收復尙屬奮勉除福
康安業加獎賞外著福康安傳旨再行酌量賞賚
並曉諭該營官番目等大皇帝聞知爾等打仗奮
勇奪回廓爾喀侵佔之地特再加恩賞賚俾伊等
益知感奮勉圖報効也再摺內稱屯留聶拉木賊
匪困守日久諒不能竄逸等語聶拉木賊匪已據

鄂輝等奏到於正月二十四日將賊匪全行轟斃並將拳獲活口移交福康安審訊分別辦理想福康安尙未接到鄂輝等咨文故有此奏又據福康安訊問保泰供稱許銀說合之事我到藏時原有所聞等語保泰等於許銀贖地一節既早有所聞且賊匪未經滋擾之先所寄稟內復提及此事乃保泰等竟敢徇隱不奏情殊可惡節經降旨將保

欽定兩寧紀畧

卷二十三

三

泰雅滿泰二人柳責示儆今據福康安奏請將保泰再行重責四十板另製重柳柳號所辦甚是雅滿泰與保泰厥罪維均早有旨將伊押回前藏並著照保泰之例再行柳責以示炯戒至現據譯出喇特納巴都爾寄保泰等稟內將上次許銀一萬五千兩又寫作一萬八千兩可見賊匪貪得無厭竟思挾制多得銀兩爲此虛捏之詞此時福康安

統領大兵進剿惟當明正其罪一舉蕩平其從前許給銀兩之事不拘多少槩不值理論節經降旨甚明福康安自能仰體朕意妥協辦理至福康安奏採辦火藥鉛丸一摺軍火爲行兵急需福康安到藏後查知該處舊有火藥鉛丸卽諭令濟噶呼圖克圖等就近交出既可早爲儲備應用且省內地運送之煩已另降諭旨分別獎賞以示鼓勵又各寺喇嘛及喇布倫等俱有自養好馬現酌加賞資選得健壯好馬一百匹俟到藏後再添買好馬數百匹一併先送軍營籌辦一切具見留心覽奏深爲嘉悅又據奏現在前後藏採辦糧石牛羊足敷官兵支食已吞會孫士毅毋庸內地轉輸等語所辦甚好至征兵日支口糧現在大兵進剿惟期迅速厥功卽稍有多費原所不靳著照所請每名

欽定兩寧紀畧

卷二十三

三

每日給與糴把一斤俾官兵益加踴躍以期迅奏
膚功不必錮銖計較再閱保泰雅滿泰與喇特納
巴都爾撒論內稱你們與唐古忒和好歸順天朝
怎麼敢與唐古忒爭論聞得嚴都司說王子甚明
白懂得道理這些話想是底下不懂道理人說的
等語前次嚴廷良到京時經朕屢次召見詢以許
銀贖地一節並令軍機大臣詳加詢問該員情詞

欽定四庫全書

卷二十三

三

躲閃朕以嚴廷良在藏日久又經巴忠差往陽布
守候進貢表文後廓爾喀貢使由京回藏又係該
都司護送送是該員于許銀贖地一事斷無不知詳
細之理朕方以其或係職分微末從前許銀之事
皆係巴忠所使與伊無涉特加恩賞戴花翎冀其
感激思奮供吐實情屢經詳詢而該員仍屬茹詞
不吐是以特將詢問之奏片發交福康安閱看再

行查訪確實具奏今閱保泰等給喇特納巴都爾

撒論內所稱嚴廷良說王子甚明白懂得道理之
語嚴廷良與廓爾喀情分甚爲熟習於如何許銀
贖地情節該員自必詳悉底裏乃疊經詳詢始終
隱飾其罪實不可遣嚴廷良著拔去花翎革職留
於軍營作爲兵丁効力贖罪此事尙未據福康安
查明覆奏即經朕於撒論內看出可見天朝慷慨

欽定四庫全書

卷二十三

四

疎而不漏朕恩不可以倖邀也再保泰之名與從
前裕親王相同裕親王係近至尊屬自宜敬避從
前納木札爾旺扎爾皆所知悉乃並未更改以致
伊損福罹罪現已改名爲存習渾以後遇有詢伊
事件卽以此名書寫爲是

上諭內閣曰濟龍呼圖克圖及藏內各寺堪布扎薩
克南麻噶布倫等因辦理軍務均各奮勉圖報將

達賴喇嘛車內存貯火藥鉛丸盡行交出備用又
備馬百匹以利軍行深堪嘉尚濟隴呼圖克圖著
加恩仍准續封慧通禪師法號該部卽換給新啟
牒文割付並著福康安將出力之堪布扎薩克喇
嘛噶布倫等分晰查明賞資親定以示鼓勵卽于
藏庫現存親定內動支散給

初十日巳卯

欽定滿洲實錄

卷二十三

五

上諭內閣曰此次征勦廓爾喀原以保護黃教輯寧
衛藏前據福康安奏達賴喇嘛督率各呼圖克圖
等採辦糧石牛羊幫出烏拉甚爲踴躍節經傳旨
獎諭茲復據濟隴呼圖克圖等將布達拉舊存火
藥鉛丸砲位並畜養馬匹一併交出應用足見急
公忱悃除降旨令福康安分別賞資外所有交出
火藥鉛子砲位馬匹等項著福康安查明酌給價

值以示朕體恤藏地有加無已至意

臣等謹案衛藏地居徼外其風俗習子見小

罕明大體我

皇上命將出師進征廓爾喀達賴喇嘛深感保護

恩施督率各呼圖克圖大喇嘛及噶布倫等籌備糧

石牛羊助運軍前踴躍急公已非向時積習

可比茲濟隴呼圖克圖等復將布達拉存貯

欽定滿洲實錄

卷二十三

五

之火藥鉛丸並大小砲位輪供應用又交出

自養馬匹佐軍營乘騎之需似此奮勉効忱

總由我

皇上佑冒如

天一經宣示

德意靡不鼓舞同仇雖寸壤涓流咸思少補于萬

一而

聖慈軫恤仍令酌予價值如願以償洵乎
高厚深仁有加無已宜其歡欣從事也

欽定廓爾喀紀畧

卷二十三

七

欽定廓爾喀紀畧卷二十三



欽定廓爾喀紀畧卷二十四

三月十一日庚辰鄂輝成德奏言臣等前奉

上諭令將後藏至聶拉木以外一帶地方繪一圖樣
並將鄂輝成德現在何處分路追勦及賊匪屯聚
地方在何處堵截之處於圖內粘簽貼說呈覽等
因茲臣等連日確查後藏地方與廓爾喀連界
者惟聶拉木濟隴兩處爲通商要口離陽布較

欽定廓爾喀紀畧

卷二十四

一

近其餘尚有絨轄定結薩喀三處絨轄地方雖
小離陽布亦近惟山路崎嶇難以行走絨轄以
內有路兩道一通第哩浪古一通定結而定結
另有一路可通喀爾達即係廓爾喀地方道路
雖覺稍平離陽布甚遠去年賊匪前來搶掠後
藏物件即從此路潛回宗喀與哲孟雄雖亦有
路可通總在喀爾達一路會合至薩喀以外係

洛敏唐塔番界半歸西藏半屬廓爾喀所管誰

陽布亦遠約有一月程途去年賊匪分路派兵

至後藏邊界將聶拉木濟隴絨轄定結等處佔

據惟瑪木薩野等一路由聶拉木繞道撒迎直

至扎什倫布滋擾其餘俱在所佔地方嚴守今

聶拉木一路賊匪業經悉數殲擒該處離陽布

計程十一站將來大兵似可由此路深入且目

下甫經收復地方應留重兵防守臣等遵

旨派令總兵穆克登阿並令

乾清門侍衛永德爾同帶領屯土唐古忒番兵八

百餘名分撥各路設卡巡防查木薩橋地勢險

要與廓爾喀交界爲賊匪來路所必經現留金

川屯番二百名唐古忒兵一百名扼其咽喉賊

即無路可入其聶拉木山上另有通陽布小路

欽定廓爾喀紀畧

卷二十四

二

一條山高道險現在已被大雪封阻實非行兵之路今於山上要口修砌戰礮二座以便安兵堵禦拍甲嶺道路叢雜爲聶拉木後路酌留屯兵一百名唐古忒兵一百名駐守第哩浪古雖有達木唐古忒兵四百餘名在彼守禦但該處係通聶拉木宗喀要口地勢散漫而窩則卡又有小路可通紮轄更爲緊要卽於穆克登阿所

留屯兵內派出一百名與先在該處之達木兵一百名設卡堵禦更足以資得力第哩浪古仍留達木唐古忒兵三百名統歸總兵穆克登阿等管領以資約束定結一處雖現在並無賊匪但係通紮轄喀爾達興薩等處總路現在遊擊李之榮帶領綠營兵一百名唐古忒兵一百名在彼控制亦無可虞晉噶爾拉子兩處均係各

路總匯之地現有本處唐古忒兵防守俟隨後大兵到齊再行酌量留駐至濟龐離陽布計程十三站查詢道路較聶拉木稍寬自爲將來進兵大路現有賊匪踞守該處地勢險要寨落稍多賊匪或聞聶拉木剿除之信不能保其不添賊防備且離宗喀二日之擦木地方夾道崎嶇樹木叢雜卽有賊兵佔住要口_臣等現擬帶兵

先往宗喀俟後起官兵到來厚集兵力將擦木濟龐拒守之賊相機剿滅卽可隨同福康安帶兵直搗賊巢再查拉子至宗喀較之由晉噶爾一路行走可近三四站現擬卽由此處安設堆馬糧站以免紆迴鄂輝成德又奏言伏查聶拉木先後到營之滿漢屯土官兵本有一千三百餘名除受傷陣亡

及在途患病身故外現有一千二百餘名此次

留駐聶拉木六百餘名尚有六百餘名應卽撤

赴濟甯一路勒賊後起屯練八百餘名內已有

行抵第哩浪古者臣等卽令領兵將備暫在該

處駐劄不必來營徒滋往返惟今年正月間連

下大雪各山積雪甚深近來陰雪頻仍未能卽

化臣成德俟各卡陸續雪稍化卽親往查察扼

欽定朔方紀畧

卷二十四

五

要地方指示穆克登阿等安兵拏卡雅時後起

屯兵亦可陸續到第哩浪古齊集臣成德卽帶

同總兵張芝元侍衛阿尼雅布竟由第哩浪古

督兵直往宗喀俟其兵力厚集卽相機勦辦濟

甯賊匪臣鄂輝因糧石在拉子存貯該處烏拉

只能供應聶拉木一路而宗喀卽日進兵若不

及早籌畫於兵食大有關係一面撤諭宗喀戴

琿澤旺熱布丹第巴薩木珠於本地現有之糧

先備數百石存貯俟官糧運到再行給還並令

隨營糧務巴縣知縣吳桂將第哩浪古運到之

糧石內逐一催運送至聶拉木源源接濟臣鄂

輝於拜摺後卽帶同知姚令儀經歷徐鼎由百

噶爾至拉子分起催僱烏拉將糧石趕緊運

並帶同

欽定朔方紀畧

卷二十四

六

乾清門侍衛珠爾杭阿查看後路安兵防守等事

查拉子以至宗喀較前噶爾一路可近數站所

有糧站馬塘卽從該處另行安設便捷實多計

算程途臣鄂輝現自聶拉木起程繞至拉子一

帶前赴宗喀臣成德俟將聶拉木防守事宜安

置妥帖由第哩浪古帶兵前往宗喀先後到彼

相去亦不甚遠臣等惟當厚集兵力將濟甯巨

守賊匪設法盡數殲誅以冀早慰

聖懷

鄂輝成德又奏言^臣等在聶拉木軍營有原帶

兵之代辦戴琇烏珠拉旺並調來戴琇丹津那

木吉教習漢兵陳謨潘占魁及宗喀定結等處

遇賊打仗漢番官兵等到營面加查問緣陳謨

潘占魁均係防守後藏之兵派赴宗喀教演唐

欽定廓爾喀紀略

卷二十四

七

古忒兵丁技藝五十六年七月二十九日廓爾

喀賊匪前來圍擾官寨該丁陳謨潘占魁督同

寨內第巴薩木珠並番民喇嘛等二百餘人預

備鎗石砦牆瞭望賊匪於八月初二日四面攻

圍該丁等督同第巴番人施放鎗石協力堵禦

打死賊匪甚多十二日夜賊匪又用木梯上牆

跳進寨內均被漢番兵等殺死牆外之賊被番

兵打死者亦多賊匪卽退至離宗喀三十里之

俄瑪地方適代辦戴琇烏珠拉旺隨同該處戴

琇澤旺熱布丹帶領跟役番兵八十餘人前往

追截又殺死賊匪十二人賊匪遁去共割首級

五十八顆內解赴前藏四十六顆其餘十二顆

現俱懸掛宗喀城牆其同時出力者除兵丁陳

謨潘占魁戴琇烏珠拉旺外尚有第巴薩木珠

欽定廓爾喀紀略

卷二十四

八

並第巴赤則番兵帕克多等五名喇嘛敦珠一

名此陳謨潘占魁等守禦宗喀之實在情形也

又戴琇丹津那木吉帶兵往定結地方守禦去

年九月間營官寨喇嘛寺兩處均被賊匪佔據

見丹津那木吉帶兵前來賊卽出寨抵禦該戴

琇督同滾布第巴彭錯拉木結定本索敦等帶

兵與賊接仗各有傷亡至十一月初一日賊衆

在定結官寨潛逃該戴琿與漢兵羅治等追至
熱窩等處地方雜時賊匪由烏隴遁回有行走
落後之賊被漢番官兵等先後擊獲十一名卽
行殺斃割取首級十三顆耳記十二個此戴琿
丹津那木吉等在定結殺賊之實在情形也伏
念唐古忒人素稱懦弱遇賊輒行逃避保泰所
奏各情形不過據稟奏

欽定廓爾喀紀畧

卷二十四

九

聞當時並未確查誠難憑信令_臣等節次遍加訪問
並查驗解來賊匪首級尚屬不虛查守禦宗喀
之人除烏珠拉旺業經象

恩補放戴琿毋庸再議外_臣等因濟隴現有賊匪宗

喀地方緊要正當用人之際兵丁陳謨潘占魁

二名皆能鼓勵衆心奮勇殺賊_臣等於調來詢

問之後卽遣

自賞給藍翎並千總職銜令其速回宗喀防守第巴
薩木珠於上次廓爾喀滋事時帶兵堵防曾經
出力此次又能守禦官寨殺退賊兵亦卽謹遵
恩旨賞給花翎水晶頂以示鼓勵至追殺宗喀賊匪
之漢兵羅治等六名業於疎脫賊犯案內革糧
治罪第巴彭錯拉木結定本索敦亦係疎脫賊
犯案內擬令隨營効力戴罪立功均可毋庸獎

欽定廓爾喀紀畧

卷二十四

十

勵戴琿丹津那木吉及定結第巴赤則番兵帕
克多等五名喇嘛敦珠一名應如何獎賞之處
福康安不日到營_臣已將查詢實情呈請福康
安覆查核辦

同日孫士毅奏言_臣前因奎林出口時頭患熱

痢未愈幸精神尚能照常經_臣附摺具奏嗣聞

沿途行走未能迅速_臣向與奎林共事軍營見

其凡遇戰陣策馬向前萬分勇往不肯一刻就
延此次行程遲滯必係精力實在不能支持臣
甚懷焦慮茲據臣派令跟隨奎林出口之守備
馬麟稟稱一路伺察覺精神飯食日減一日勢
難趨程前進現在江卡地方暫時停息等語臣
已飛飭現在口外查催軍火之建昌道徐長發
帶同醫生親在江卡照料若能於三月中旬精
神健旺兼程前抵軍營即可趕上大舉進剿均
奏入

上命軍機大臣傳諭福康安海蘭察奎林惠齡鄂輝
曰鄂輝等籌辦聶拉木等處分兵防守並繪圖貼
說進呈所辦殊屬非是據稱聶拉木一路應留重
兵防守現今總兵穆克登阿侍衛永德帶領屯土
唐古忒番兵八百名分撥防守其餘木薩橋拍甲

橫窩期卡第哩浪古定結魯噶爾拉子薩喀等處
各派兵防守等語此項防禦各路官兵共計用至
二千五百餘名如此零星散布似鄂輝等祇圖自
守之計不爲進剿之謀竟是全不知兵從來行軍
制勝之道全在能得要領若攻其腹心搗其中堅
自必紛紛瓦解解况賊匪巢穴既小兵自無多合計
不過萬餘即使賊兵各路散漫而來而巢穴既覆
則賊匪失所憑依不攻自潰豈有於通賊道路一
一派兵防守轉令進剿之兵以分而見單卽如圖
內所繪薩喀地方係在絨轄定結等處之後賊匪
又豈能越過各處繞至薩喀乃鄂輝等亦派兵二
百在彼駐守其漫無措置卽此已可槩見况上年
賊匪有二千餘人至扎什倫布侵擾而留聶拉木
據守者祇有百餘人今鄂輝等以官兵八百名防

守聶拉木並令侍衛總兵帶領駐劄較賊匪增至數倍更爲恇怯失當且西藏邊界雖處處與賊境毗連賊匪亦斷不四散而來其有凡係通賊路徑皆須撥兵防守之理試思衛藏地方甚爲空濶若如鄂輝等所辦必須將官兵於臨邊一帶排若堵墻一一守禦卽予以十萬大兵亦不敷分撥之用況兵貴決機制勝又焉能預料賊兵若干隘口若干

欽定平定回疆方略

卷二十四

七

卽派兵若干以一兵禦一賊一將堵一口有是理乎看來鄂輝成德竟係胸無把握心存畏怯以致調度失宜前此朕尙慮伊二人或有冒昧輕進之處今則不忠其不詳慎祇患其不奮勇矣鄂輝成德俱著傳旨嚴行申飭伊二人竟不可恃雖據奏鄂輝現自聶拉木起程統至拉子一帶前赴宗喀成德亦由第哩浪古帶兵前往但伊二人既如此

懦怯無能亦未知何時能到卽使勉強到彼帶兵無幾亦難望奮勇攻勦計此旨到時福康安自早已馳抵邊界將屯聚之賊全行殲滅廓清後路現在續調屯土官兵及索倫達呼爾兵亦已陸續齊集福康安卽統領五六千勁旅進勦爲搗穴擒渠之計至大兵深入後濟曬聶拉木兩處爲通賊要

欽定平定回疆方略

卷二十四

七

路自應分兵防守但祇須每處派兵二三百名足敷守禦其餘各處俱不必零星分布將有用之兵置之無用之地再本日據孫士毅奏奎林頭患熱痢日久未愈精神飯食漸減現在江卡調息等語已降旨令奎林安心調理並諭令惠齡加緊遣程馳赴藏地福康安卽應與海蘭察商酌統領續調官兵分路進勦計惠齡此時已可馳抵該處務須彼此策應一舉集事又另摺奏上年在定結地方

守禦與賊打仗之戴琫第巴等應分別獎賞一摺
著交與福康安查明實在奮勉出力者分別獎賞
以示鼓勵

臣等謹按戰勝攻取之要扼吭拊背在乎審

度形勝鄂輝等收復聶拉木後於木薩橋拍

甲嶺等處一一分兵防禦以一千五百餘人

星散四布是其胸無成竹措置失宜誠如

欽定平定回疆方略

卷二十四

五

聖諭凡通賊路徑皆須撥兵駐守卽十萬大兵亦不

敷分撥旋經臣福康安具奏以鄂輝等兵分

力單除聶拉木應行防守外其餘俱應撤出

爲進剿濟甯之用而

聖明指示早在此奏未到之先益仰見

睿算神幾於數萬里外情形無不洞如觀火也

上又命軍機大臣傳諭奎林惠齡曰奎林向來領兵

打仗最能奮勇不辭勞瘁此次特派前往原以伊

係軍營得力之人足當一面乃因頭患熱癩日久

未愈精神實不能支持殊爲軫念著傳諭奎林在

江卡安心調理以冀就痊不必過於焦急轉致增

劇至惠齡自正月十八日行抵察木多拜發奏摺

後月餘未有奏報此時軍營正需人帶兵惠齡自

必加緊償程刻下諒已馳抵藏地與福康安相晤

欽定平定回疆方略

卷二十四

十六

計續調屯土各兵亦早已齊集著卽會同熟商帶

領勁兵協力攻勦以期一舉集事

十三日

壬午

上命軍機大臣傳諭福康安曰昨據鄂輝等奏聶拉

木等處分兵防守一摺並繪圖說呈覽已降旨

詳悉指示矣今復加細問圖內所開聶拉木濟甯

兩處係通賊巢陽布正路而紮轄居聶拉木濟甯

之後遠在東南將來大兵進勦自必由聶拉木濟
 龍兩處直搗賊巢賊匪地方甚小賊兵至多不過
 萬人聞知大兵從此兩路進發自當併力保護巢
 穴正路何暇越過聶拉木濟龍繞至絨轄且絨轄
 一路距陽布甚遠我兵既不便由此進發則賊匪
 亦未必繞道遠來卽恐其由此而來亦不過守此
 足矣乃鄂輝等於該處派兵防守更於木薩橋拍
 甲嶺等處一一分兵屯駐更屬無益雖所派之兵
 達木唐古忒居多屯土兵不過十分之一但達木
 唐古忒固屬軟弱若以攬入屯土勁兵令其協同
 防守聶拉木濟龍兩處後路或可期得力況該二
 處係通賊正路大兵從此進發所有一切軍火糧
 食烏拉等項皆於該處會齊前進若將無關緊要
 處所防守各兵移駐於聶拉木濟龍兩處則兵以

多而氣壯後路更可無虞豈非易無用爲有用乎
 著福康安將何處必須分兵防禦何處可以少留
 多撤以歸有用之處酌量情形詳悉覆奏又圖內
 所繪濟龍與聶拉木祇隔一山而拉子距濟龍甚
 遠轉係回程與扎什倫布相近現在鄂輝等既將
 聶拉木屯留賊匪轟斃自應就近覓路直赴濟龍
 何以鄂輝轉紆道繞至拉子而成德何以亦繞迴
 第哩浪古至宗喀與鄂輝會合然後前往濟龍行
 走道路紆迴轉折殊不可解卽云聶拉木與濟龍
 有雪山阻隔豈竟無小路可通必須繞至拉子然
 後轉迴濟龍之理現在春深雪化路逕自通或係
 原圖所繪路逕舛誤抑係鄂輝成德故意紆其途
 逕以爲耽延之計俱未可定著將鄂輝等所進原
 圖粘貼紅簽處所發文福康安閱看是否由聶拉

木就近可通濟龐坤必須回至拉子紆折行走之處查明具奏

十五日甲申福康安奏言伏思廓爾喀賊匪以邊

外小番藉端構釁疊肆滋擾反復無常此次大舉進攻必須永除後患臣自奉

命督師以來稟遵

訓示晝夜籌思到藏後預行訪探賊情設法辦理一

欽定廓爾喀紀畧卷二十四

五

俟大兵齊集即可乘機深入緩靖邊隅查得賊匪廓爾喀地本福小巴勒布三部落均在廓爾喀之東自乾隆三十二三年間賊匪吞併陽布若囊廓庫木據其部長遷居陽布益肆強橫將廓庫木東面記拉部落廓爾喀西面拉木宗等二十四部落以次蠶食較之原舊地方加至數倍而與後藏邊界地方惟聶拉木濟龐兩處爲

要路據鄂輝等查明賊巢至聶拉木十一站至濟龐十三站山徑險仄別無他路可通賊匪已於要隘地方築卡折橋以爲負隅固守之計現在兵力未齊若輕率前進恐似鄂輝等攻取聶拉木寨落稍延時日若賊匪乘間竄入深山一時轉難勦捕自應欽遵

諭旨姑以檄諭誘降令將沙瑪爾巴等獻出寬其一

欽定廓爾喀紀畧卷二十四

三

棧總俟兵力厚集出其不意奪據險隘奮勇前進斷不敢稍存畏難之見至唐古忒怯懦性成所言賊匪橫暴情形原不足據惟賊匪狡黠異常一見大兵壓境希圖遠竄他處逃生而沙瑪爾巴等自知罪惡貫盈亦不敢束身歸命若不預杜逃竄之路根株未絕究恐故智復萌臣查賊境四至地方東西極寬南北稍狹東與哲孟

雄宗木布魯克巴接界西與作木朗接界南距南甲噶爾北面即連後藏邊境臣已檄諭哲孟

雄宗木布魯克巴作木朗及南甲噶爾之披楞

等處協力堵截並派副將達首泰親至布魯克

巴部落督令發兵擊賊為我先驅哲孟雄宗木

兩處業已打仗殺賊攻取地方復據補仁營官

洞牒布稟報探得作木朗現在料約拉保等五

欽定西藏通志

卷二十四

五

處部落進攻賊匪邊界如布魯克巴披楞等處

亦遵奉檄諭併力夾攻則廓爾喀東西南三路

皆有番兵截殺我兵從聶拉木濟甯進剿賊匪

四面受敵勢必難支即使當窮蹙之時已杜其

竄逸之路臣現擬設法招致巴勒布三部落並

賊匪佔據之記拉部落拉木宗等二十四部落

番眾各令報復私仇悉為我用奉

諭旨即當敬謹宣示剴切曉諭使巴勒布等部落聞

知銜結

恩施益當感激奮興共思滅賊於勦捕機宜實有裨

益至現在邊境地方聶拉木已經收復濟甯被

轄兩處尚有賊匪逗遛鄂輝等於收復聶拉木

後將通賊小路零星分撥兵丁防守未免兵分

力薄臣已飛札鄂輝等除聶拉木應行駐兵防

欽定西藏通志

卷二十四

五

守外其餘分派之兵俱應撤回為進剿濟甯之

用臣到藏已及兩旬有餘所有索倫達呼兩兵

丁及屯土番兵雖未到來但藏內應辦各事業

已辦有頭緒濟甯等處賊匪尙在屯聚臣不便

坐待各兵到齊始行前進現已催到川省換防

兵四百名又挑選唐古忒番兵五百名并西寧

一帶安童兵丁一百餘名臣即定於十七日帶

領起程馳赴軍營道

旨令鄂輝回藏辦事臣當相機調度先將返遁賊匪

殲除一俟各兵齊集卽行窮追深入直搗賊巢

再惠齡於二月初八日抵藏海蘭察因臣派員

攜帶馬匹前往令其輕騎減從先帶巴圖魯侍

衛五十員趨程前往亦於初十日到藏均卽起

程前往軍營其後起巴圖魯侍衛章京臣已另

欽定廟爾喀紀畧

卷二十四

三

備馬匹迎往哈拉烏蘇一帶令卽換馬併站價

行並飛飭岱森保挑選索倫兵三百名先行帶

領來藏以供調遣其餘各兵亦令烏什哈達帶

領迅速前往臣以青海至藏界一帶春雪較大

恐各兵馬力疲乏口糧不繼已備辦馬匹及米

麵牛羊派員送往接濟以仰副

皇上軫念戎行至意

福康安又奏旨查上次廓爾喀滋事佔據薩拉

木等處邊界巴忠等前往辦理巴忠諸事擅專

通曉番語疊次催和丹津班珠爾等卽與賊匪

講論賊匪以聶拉木等處是其搶佔必須多用

銀兩年年付給方肯退還丹津班珠爾以所要

銀兩過多尙未應允巴忠復節次嚴催飭令速

行完結又有沙瑪爾巴從中唆使因許給元寶

欽定廟爾喀紀畧

卷二十四

三

三百個寫立合同給付三年後再行定議賊匪

收明銀兩始將所佔地方退還是辦理此事緣

由全係巴忠主議觀其屢次催和自必授意丹

津班珠爾等令其許銀和息將就了事迨賊匪

復行滋擾巴忠自知所辦失體恐查出後必獲

重譴畏罪輕生實由於此至此大聶拉木等處

屯留賊匪是否係上次搶佔總未退回自當遵

旨徹底嚴查臣親提賊目崗噶勒塔則西訊問據供

親見巴都爾薩野令達薩勒克德里誣拿噶布

倫等於七月內分派頭人一路由濟噠到宗喀

一路由聶拉木到第哩浪古惟瑪木薩野佔據

聶拉木後徑赴後藏復訊之自賊巢圓藏之扎

薩克喇嘛噶勒桑丹結亦稱隨同丹津班珠爾

等六月內赴邊與賊匪商議給銀之事在聶拉

欽定廓爾喀紀略

卷二十四

五

木等候二十餘日始行起程約會沙瑪爾巴定

議至賊境錯克沙木地方卽爲賊匪裹去等語

是丹津班珠爾等未被拘執之先聶拉木尙無

賊匪而佔據該處之賊係巴都爾薩野於上年

七月內始行派往且賊匪裹去之兵丁王剛等

四名卽係聶拉木濟噠教習若該處有上次賊

匪屯聚藏內亦不能派兵前往教習番兵臣確

加詢訪體察情形所有現在逗遛賊匪並非上

次在彼佔據之賊似屬可信再查前赴廓爾喀

之仔琿第卜係商上管理賬目之人五十五年

十月達賴喇嘛差堪布喇嘛托格穆特商卓巴

吉彌敦第赴廓爾喀講論給銀之事派令仔琿

第卜隨往賊匪以托格穆特等並非緊要之人

令仔琿第卜帶信來藏指名令丹津班珠爾等

欽定廓爾喀紀略

卷二十四

五

前往面議丹津班珠爾帶回家信內有仔琿第

卜帶信出來之語卽指此事及仔琿第卜自廓

爾喀回藏業於上年十二月內行至利提地方

病故又被獲之番犯喇嘛囉卓係哲孟雄部落

邊界新撤之人業經鄂輝審明該犯與德結耶

戮等並非賊匪因找尋多隆寺喇嘛行至定結

經搜山番兵掣解在江孜地方相約同逃該犯

旋被拿獲鄂輝以其形迹可疑卽行正法逸犯
德結耶戡二名臣已嚴飭上緊緝拿毋任竄匿
均奏入

上命軍機大臣傳諭福康安惠齡鄂輝成德曰福康
安奏稱鄂輝等於收復聶拉木後將通賊小路零
星分撥兵丁防守未免兵分力單已飛札鄂輝等
除聶拉木應行駐兵防守外其餘俱應撤出爲進

欽定廓爾喀紀畧

卷二十四

五

勦濟隴之用等語昨據鄂輝等奏到分兵防守一
事當卽降旨嚴飭復傳諭福康安酌量該處通賊
各隘口情形於聶拉木濟隴兩處各派兵二三百
名防守其餘無關緊要之處皆不必分兵駐守以
便併力進攻陽布賊巢今福康安未經接奉此旨
而所辦多與朕論相合實在可嘉之至惟祝

上天恩佑早得成功耳至所稱賊匪吞併陽布若囊廓

庫木等處並將廓庫木東面廓爾喀西面二十四
部落以次蠶食較之原舊地方加至數倍一節朕
初以陽布地方係廓爾喀賊匪舊巢茲據福康安
查明賊匪係併吞陽布若囊等部落始遷居該處
是賊匪另有舊居巢穴將來大兵直搗陽布攻其
腹心賊匪自搆力不能支又慮一經乞降必治以
抗拒之罪惟思逃避舊居巢穴以爲苟延殘喘之

欽定廓爾喀紀畧

卷二十四

六

計亦未可知現在哲孟雄宗木已與賊打仗收復
被佔地方而作木朗又料約拉保等五處部落進
攻賊匪正是極好機會福康安務於大兵壓境之
時預約各部落同時進勦使賊匪四面受敵斷其
歸路無從逃竄方可一鼓殲擒至於決機制勝勦
出萬全福康安海蘭察久歷戎行無煩朕諄諄訓
諭也又福康安查奏上次廓爾喀滋事巴忠前往

辦理疊次催令丹津班珠爾說和許給銀兩將就了事等語果不出朕所料否則巴忠一經聞信何以卽行自戕耶又據奏聶拉木等處逗遛賊匪查訊賊目及扎薩克喇嘛等供並非上次在彼佔據之賊等語係藏內番衆共聞共見之事經福康安確加詢訪尙非鄂輝等有心捏飾但鄂輝成德之罪亦不在此再福康安統領大兵勦辦廓爾喀賊匪特授爲將軍與外省駐防將軍體制稱謂相同究覺等威莫辦此次福康安應稱爲大將軍遇有檄諭行文等事竟以大將軍列銜更覺威嚴貶重足使番衆生畏賊匪破膽至福康安帶兵由前藏起程馳赴軍營卽令鄂輝回藏辦事所奏甚是此

時勦辦濟虛賊匪事宜有福康安海蘭察到彼督同成德會合攻圍無難卽時殲滅原無庸鄂輝在

彼著仍遵前旨所有自藏至軍營一帶糧運烏拉事務及後路一切卡汛策應均著交鄂輝常川往來稽查催遣倘有遲悞則惟伊是問至惠齡現須領兵勦賊不必再回前藏況和琳現已馳赴西藏經理諸事可期得力又有鄂輝在後藏往來兼顧一應糧餉烏拉及衛藏事務自不虞稍有貽悞也

同日惠齡奏言臣自出口以來天氣晴暖併站

造行惟行過察木多以後山路陡險冰雪漸多仍輕騎趨行晝夜兼程前進正月二十八日行至丹達山峯嶺高峻約及一百四十餘里仄徑紆迴素稱險阻行至半山風雪交作頃刻深至數尺四山積雪俱爲大風吹下封阻道路不能前進連日未卽開霽臣焦急異常派令附近番子僱備牛隻設法開通道路二月初三日徒步

過嶺更換烏拉馬匹趕緊行走於初八日行抵前藏福康安已將雇備烏拉牛隻製造火藥鉛丸等事辦有頭緒臣抵藏後將催趨軍需各項同福康安妥爲商辦福康安於十七日自前藏起程臣亦即馳赴軍營欽遵

訓示悉心商辦以期迅速藏事仰慰

聖懷至川省運藏餉銀軍火各項及自藏至軍臺糧

欽定廓爾喀紀畧

卷二十四

五

石均關緊要必須大員分段督率臣與福康安

詳細酌商飭派建昌道徐長發駐劄察木多松

茂道倭什布駐劄前藏候補道承勳駐劄後藏

沿途分投催趨鹽茶道林鴉管理隨營糧臺督

辦一切其東路一帶烏拉牲畜辦理間有遲延

臣經過南墩察木多時嚴飭該處呼圖克圖並

頭人等妥爲經理及行至察木多以西路險站

長屢次大雪情形更爲竭蹶福康安前已派甘

肅藩司景安馳往督催臣到藏後又與福康安

酌商再行派委幹練安員設法雇辦運送現在

續調川省換防兵丁已催到四百餘名軍需各

項據東路各臺委員稟報現俱陸續前進即日

氣候融和冰雪漸少更可迅速續行不致稽阻

奏入報

欽定廓爾喀紀畧

卷二十四

五

聞

欽定廓爾喀紀畧卷二十四

欽定廓爾喀紀畧卷二十五

三月二十一日

庚寅

上諭內閣曰前因福康安統兵進勦廓爾喀由青海

一路馳赴西藏道路遙遠沿途犒賞不無需費會

經加恩於軍需銀兩內賞給銀一萬兩現在福康

安統領大兵已於二月十七日馳赴邊界將來進

兵時一切獎賞自仍需用著再加恩賞給銀一萬

欽定廓爾喀紀畧

卷二十五

一

兩仍於藏內所貯軍需銀內支給以示體恤

二十三日

壬辰

福康安惠給奏言竊_臣等查關范

忠及色角七哩自賊集帶來各稟信賊匪總措

銀兩債賬爲辭以唐古忒不依合同負欠理曲

誘脅說和並稱唐古忒會與要約如藏內不照

合同行事聽其至扎什倫布索取再行給還因

有此語始至後藏搶掠等語賊匪當肆行滋擾

之後尙敢逞其詭譎不知悔罪實堪痛恨而沙

瑪爾巴給噶布倫信內語氣更係張大賊勢恐

嚇多端聞之實堪髮指沙瑪爾巴原係藏內呼

圖克圖又係前輩班禪額爾德尼之弟乃敢勾

連外夷作踐佛地此等叛教助惡之徒較賊匪

尤爲可惡_臣等將各信反覆閱看詳察賊情賊

匪惟利是圖心懷叵測屢次逼索銀兩固係欺

欽定廓爾喀紀畧

卷二十五

二

凌唐古忒懦怯仍思復理前說冀遂貪心然藏

內私許銀兩一節早經鄂輝等遵

旨明白曉諭已不能照前辦理今_臣等又奉

命統兵來藏惟有直前進勦斷不能再提前項賊匪

狡黠原明知此項難還特欲藉此爲辭歸咎藏

番以見其召募有因爲免罪乞降地步是賊匪

稟辭雖未露服罪之意而中情實已迴惶妄息

於大兵未到之前冀幸說和完事其畏懼震恐
情形卽此亦可槩見茲蒙

諭旨訓示以喇特納巴都爾前有藏內係佛地不可
干犯之語現又將賚諭前往之兵丁范忠送回
藏內不敢拘留看其光景自係聞知大兵將到
望風膽落將來勢窮力蹙自必諉罪屬下哀懇
乞降賊之隱情狡計一經

欽定廟爾喀紀畧

卷二十五

三

聖明指出早已洞鑒肺肝臣等惟有恭秉

睿謨堅持定見統兵深入一舉蕩平斷不敢存將就
完事之心遂准所請卽使賊匪窘迫乞命仍遵
聖諭嚴行斥馭以折狡謀而奪賊氣至現在濟隴被
轄兩處尙有賊匪屯聚被轄山路爲大雪封阻
賊亦無多惟濟隴係進勒要路必須先行攻克
探聞該處道路祇有宗喀可通而中間擇木地

方係屬要隘亦有賊匪佔據聞又於濟隴官寨

砌築牆卡添設賊兵希圖負隅固守鄂輝已赴

晉噶爾拉子等處查辦糧運成德因聶拉木至

濟隴道路屢遇大雪未卽融化在聶拉木一帶

築礮壑卡嚴密防守尙未前赴宗喀臣等現已

行至明噶地方後起巴圖魯侍衛章京亦俱已

全抵前藏卽日直趨宗喀將擦木濟隴賊匪痛

欽定廟爾喀紀畧

卷二十五

四

加勦洗再行厚集兵力直抵賊境毋庸零星派

撥以致兵力見單臣等愚昧之見到軍營後擬

馳檄諭知喇特納巴都爾及巴都爾薩野令將

沙瑪爾巴瑪木薩野擒縛親自送至軍營贖罪

額降或可奏聞

大皇帝寬其一綫如此明白宣諭賊匪畏懼兵威冀

幸投誠喇特納巴都爾巴都爾薩野竟親至軍

營額懇將沙瑪爾巴瑪木薩野縛獻贖罪即可
 乘勢悉數俘擒解京辦理倘或賊匪遷延觀望
 心懷疑畏不卽投赴軍營若其時有可乘之機
 亦不待兵力到齊卽當帶兵深入出其不意直
 搗賊巢以期迅速蕪事再自賊巢回藏兵丁范
 忠喇嘛薩珠並賊匪派送范忠之巴勒布人納
 朗密瑪二犯現於途次迎見_臣等逐一詳加訊
 問該二犯於賊中情形尙能知悉所供賊匪鑄
 造銀錢向係令巴勒布商人自藏帶回元寶攬
 雜銅鉛鑄錢復將所鑄之錢來藏易換銀兩往
 來捩兌從中巧取重利是衛藏銀兩被外番逐
 漸賺去實屬非計勦平賊匪後自應欽遵前奉
 諭旨_前在藏鑄錢使用以通商賈或照商上現鑄銀錢
 之例辦理或設爐座以銅斤鼓鑄統俟歸入善

欽定四庫全書

卷二十五

五

後章程妥商酌辦期於番情有益以垂永久所
 供從前赴京進貢之廓爾喀頭人哈哩薩野時
 時感頌
 天恩又勸賊番等不可侵犯藏界因此巴都爾薩野
 相待疎遠不肯假以事權賊犯等供辭固難盡
 信然所言亦必有因設哈哩薩野竟有此心卽
 可設法招致使爲我用俟到賊境後再當查明
 酌辦_臣等現派委員送范忠赴京其納朗密瑪
 二犯供吐尙屬明晰暫行留營備訊至西寧一
 路臺站水草不便糧運雜艱前經_臣福康安將
 此路臺站難以久設情形據實具奏計前摺尙
 未運到仰蒙
 皇上洞燭情形俯念臺兵駐守之勞
 恩加體恤

欽定四庫全書

卷二十五

六

高令於索倫達呼爾兵丁過後全行撤回勒保奉到諭旨自已欽遵辦理其多倫巴圖爾至藏所設臺站等已飭行管理臺站各員於索倫達呼爾兵丁過站卽行遊

旨尾隨捲撤毋庸安設再奎林染患臺灣濕氣頭上生瘡手足不甚得力自出口後趕緊趨行頗形委頓現仍力疾前進臣等仰體

欽定廟喀紀畧

卷二十五

七

聖慈軫念酌令奎林之子崇倫迎往前途俾得隨侍照料上緊調治以冀速痊

福康安惠齡又奏言查現在巴勒布在藏貿易商人共有四百餘名其中亦有熟悉賊情之人臣福康安前已密遣納齊納朗潛赴賊中曉諭西爾葛斯納薩野等設法擒獻巴都爾薩野沙瑪爾巴離間賊黨並擬招致巴勒布番衆使爲

我用茲復詳加體訪三巴勒布舊時部長家屬

皆爲賊匪戕害惟陽布部長有親弟一人逃往

甲噶爾地方不知確實下落其巴勒布番民人

等久怨賊匪橫暴人心不服特因習俗懦怯與

唐古忒相似不能振作有爲大兵未到之先仍

恐互相觀望無人倡義復仇若大兵架入賊境

連得數次勝仗不特巴勒布人等見軍威壯盛

欽定廟喀紀畧

卷二十五

八

賊勢漸衰不復遲疑畏忌一經傳檄曉諭響應

必多卽其餘被賊佔據各部落亦不敢黨附賊

人爲之固守臣等於在藏之巴勒布頭人內揀

選熟悉情形之巴凌覺等數人帶往軍營將來

一至賊境卽可差往曉諭相機設法辦理至賊

匪地方寬狹情形查得廓爾喀本境原係二十

四部落之一因吞併二十三部落並三巴勒

布及記拉等九部落後所據地方共有三十餘

處東西境界極爲寬廣南面一帶係南甲噶爾

之瓦拉那西部落再過扎噶納塔始至海岸聞

此數處均屬披楞管轄其賊境接壤部落約有

數十處臣福康安前已曉諭作木朗哲孟雄宗

木布魯克巴及南甲噶爾之披楞各令發兵協

勦爲我先驅其餘各部落雖多與賊匪不睦然

欽定平定回疆方略

卷二十五

九

如撒亮等處亦與賊匪互爲婚姻素相交結俟

至軍營後卽行設法招致庶賊匪勢孤無助四

面堵截卽可一鼓殲擒

同日孫士毅奏言查仲巴呼圖克圖已於三月

十一日經臣派員迎解抵疆臣向其而問藏內

及廓爾喀情形與都司徐南鵬嚴廷良等所稟

相似隨派員將箱籠包裹逐一查檢內有金九

十二兩五錢銀二千四百六兩零其餘俱係藏

佛藏香經卷氍毹皮片及衣服糈糶酥油等項

此外並無細軟貴重物件臣復令通事諭知該

呼圖克圖責以上年賊匪入境滋擾自應率衆

竭力抵禦乃竟首先挈貨逃匿按律本應正法

仰蒙

皇上不加重罪實屬

欽定平定回疆方略

卷二十五

十

恩施格外該呼圖克圖合掌伏地口稱沐

大皇帝恩德赦伊愚魯無知實在感激無地臣察看

光景十分悚懼現因口外入春風雪較大該呼

圖克圖沿途感冒懇請養息二三日再行起程

查該呼圖克圖所帶金銀約值三千餘兩應否

准其隨帶一二人給以隨身行李委員解赴江

寧交與書麟安插寺廟抑或遵

旨派安幹員弁押解進京再另有扎蒼喇嘛羅藏澤
登卽羅卜蕞策登等四名係占布惑衆案內應
行解京之犯現亦進口至爐臣現委都司德恒
照磨鄭迪小心管解赴京

孫士毅又奏言據建昌道徐長發稟稱奎林於
三月初九日卯時身故臣聞奎林之子現在軍
營福康安飭令前來迎探三月初十日外可抵

欽定平定回疆紀略

卷二十五

十一

江卡臣現已飛飭徐長發俟奎林之子一到卽
妥爲料理進口復於口內另派能事弁員前赴
巴塘一帶設法照料其時臣已自省回疆當親
自料理派員護送進京均奏入

上命軍機大臣傳諭福康安海爾察惠齡曰福康安
等奏到詳察賊匪情形各摺賊匪當肆行滋擾之
後仍不知悔懼其所寄各稟信尙敢逞其詭譎總

藉索欠爲詞意在歸咎唐古忒人等奇誘說和情
殊可惡而沙瑪爾巴給噶布倫信內竟敢張大賊
勢虛聲恫喝此賊罪大惡極實不可恕但所寄各
稟信特藉欠項爲名以見曲在唐古忒人等預爲
卸罪乞降地步是賊匪稟信內雖未露服罪之意

欽定平定回疆紀略

卷二十五

十二

而中情懼怯已屬顯然賊人狡計大槩不過如此
福康安等惟有堅持定見勉奏膚功更無二議現
在福康安等已行至明噶地方計日內早已直趨
宗喀將擦木濟龐賊匪痛加勦洗再行厚集兵力
直抵賊巢惟佇俟克捷喜音馳至耳又福康安現
在檄諭喇特納巴都爾薩野巴都爾令將沙瑪爾巴瑪大
薩野轉送軍營如果能將此數賊設法生擒厥功
不小若賊匪懷疑觀望不卽投赴軍營計其時各
處續調之兵俱已到齊福康安等卽當出其不意

統兵深入直搗賊巢以期一舉集事至賊犯供詞內稱從前赴京進貢廓爾喀頭人哈哩薩野時時感頌天恩又勸賊酋不可侵犯藏界因此賊酋相待疎遠不肯假以事權等供雖未可深信將來福康安到賊境時自當查訪確實設哈哩薩野果有此心正當設法招致使爲我用所謂兵不厭詐也又據奏接奉諭旨曉諭附近廓爾喀之巴勒布各

欽定廓爾喀紀畧

卷二十五

三

部落協同勦賊現於巴勒布頭人內揀選熟悉情形之巴凌覺等數人帶往軍營一至賊境即可差往曉諭相機辦理等語所辦好但當俟大兵已入賊境時約令附近各部落同時進攻使賊匪處處受敵顧此失彼方可一鼓直前攻其心腹若過於欲速轉恐賊匪間信預爲設備於攻圍進剿機宜轉爲費力想福康安自能妥協辦理也再福康安

奏稱聞得奎林在途患疾現令伊子崇倫迎往前途隨侍照料朕方冀奎林或可痊愈及聞孫士毅奏報奎林於三月初九日在江卡地方身故聞之深爲悼惜此次進剿廓爾喀賊匪原欲令福康安海蘭察爲一路奎林惠齡爲一路領兵分作兩路攻勦今奎林業經身故台斐英阿人尙曉事將來丹津班珠爾等投出時不必遵照前旨令其押送

欽定廓爾喀紀畧

卷二十五

四

進京著福康安於巴圖魯侍衛章京內擇其精壯者一人押解赴京台斐英阿竟著留於軍營福康安與海蘭察惠齡商酌如不分路則已若必須分作兩路令台斐英阿海蘭察隨同領兵作爲一路以期得力再前次燒斃聶拉木東邊官寨賊匪係成德帶兵到彼殲戮賊匪而西北賊寨亦係成德先往正在攻圍之時鄂輝始帶兵趕上會同勦滅

本日福康安摺內亦稱鄂輝赴務噶爾拉子等處查辦糧運成德在轟拉木一帶築礮壑卡後再赴宗喀是鄂輝由轟拉木繞回拉子再赴宗喀尙需時日而成德料理礮卡後即可徑赴宗喀自必到在鄂輝之先看來成德遇事尙屬勇往卽焚斃屯聚轟拉木賊匪亦成德出力之處居多鄂輝兩次攻勦賊匪俱在成德之後未免巧於趨避俟伊二

欽定平定回疆方略

卷二十五

五

人宗喀會集後進攻察木濟隴賊匪時究係何人出力著福康安留心察看秉公具奏

上命軍機大臣傳諭孫士毅曰仲巴呼圖克圖在扎什倫布廟內一聞賊匪滋擾信息不思率衆保護廟宇輒收拾細軟物件先期逃遁其罪甚重前經降旨令孫士毅于該喇嘛解到打箭爐時分別查辦茲既據查明該喇嘛所帶物件無多且祇尋常

行李自毋庸解赴江寧卽派委委員將該喇嘛及隨從人等押解進京另行酌量安插至扎蒼喇嘛羅卜藏策登等四名係隨同羅布藏丹巴占占噶衆案內應行解京要犯並著孫士毅一併派員解京毋得視爲藏中解京尋常之犯致有疎縱

上諭內閣曰成都將軍奎林秉性肫誠持躬端謹久經行陣爲國宣勞實爲奮勇出力上年以廓爾喀

欽定平定回疆方略

卷二十五

六

滋授衛藏特投奎林爲叅贊命其馳赴藏地會同福康安等帶兵剿捕賊匪昨據孫士毅奏稱奎林行至江卡地方因頭患熱癘精神委頓當經降旨慰諭令其在江卡地方安心調攝不必過於焦急並賞給荷包奶餅用示眷注冀其速痊茲據孫士毅奏於江卡身故聞之深爲悼惜奎林雖係因病身故究屬沒於王事著加恩賞給銀二千兩辦理

喪事伊子崇倫現已馳抵江卡卽令沿途照料入城治喪仍著入祀賢良祠所有應得卹典該部察例具奏

二十八日丁酉烏什哈達岱森保奏言臣等自京

帶領索倫兵一千名於正月二十四日行抵西

寧二十七日臣烏什哈達帶頭隊官兵先行起

程其後四隊亦接續前進至那木喀穆魯鄂蘇

欽定廓爾喀紀畧

卷二十五

七

等處查看奎舒所備馬匹脹分俱瘦詢係自正

月初十日天寒風大所有馬一千匹倒斃甚多

祇餘七百七十四匹等語臣等因卽於七百七

十四匹內擇其未甚瘦損之馬四百五十四匹

給一千名官兵迅速行走於三月初三日至伊

科阿哩克地方接到將軍福康安等來劄令臣

等帶領官兵迅速前進臣岱森保帶兵二百名

於三月十三日過多倫巴圖爾地方臣烏什哈

達帶領頭隊官兵於十四日行至多倫巴圖爾

其餘四隊官兵計於二十日內陸續過竣臣岱

森保約於三月二十間可抵西藏臣烏什哈達

于四月初間可到臣等詢問該處蒙古番子人

等俱稱往年春間雪深四五尺今歲並無大雪

實為罕見此皆仰托

欽定廓爾喀紀畧

卷二十五

六

聖主洪福至臣等所領一千官兵染受瘴氣得

皇上所賞平安丸服之皆愈無不感頌臣等現在晝

夜兼程以期迅抵西藏聽從福康安等盡力攻

勦仰慰

聖懷

烏什哈達又奏言臣行至穆魯鄂蘇地方傳喚

該處唐古忒購辦牛羊據稱該處牛一頭價銀

二兩羊一隻價銀五錢臣以價值太賤定爲牛
一頭銀三兩五錢羊一隻銀一兩其牛羊價銀
俱交青海王那汗達爾吉核明交給所有馬駝
疲乏不堪者得此牛隻歇運軍器行糧甚爲得
力均奏入

上命軍機大臣傳諭福康安曰烏什哈達岱森保奏
帶領兵丁已抵多倫巴圖爾地方現在趕緊趨程

欽定廓爾喀紀畧

卷二十五

九

赴藏該處並未遇有大雪兵丁等雖間有染患瘧
氣現已痊愈無恙等語覽奏欣悅此皆仰賴

上天護佑所致惟有敬謹叩謝以答

鴻臚又稱奎舒所備馬匹肢分太瘦間有倒斃等語青
海口外一帶非扎薩克蒙古可比向來從無內地
之人在彼行走此次官兵經由該處正值春令草
枯水涸之際馬匹肢分自難滿足烏什哈達等因

行走不能迅速恐經朕飭詢或慮福康安查察藉
此爲卸過地步亦未可定但岱森保於二月二十
日可抵西藏烏什哈達隨後行走亦於四月初一
日以前可到伊二人經由外番地方一切順利均
當感叩

天恩此時俱已先後抵藏均屬勞苦尙不爲遲朕亦不
忍加罪並著福康安將此旨傳知烏什哈達岱森

欽定廓爾喀紀畧

卷二十五

十

保及各官兵俾益加感激奮勇出力至官兵等經
過瘴地雖多受辛苦但目下俱已過去卽日陸續
到藏軍中得此勁旅自必所向無前一舉集事也
又烏什哈達奏向穆魯烏蘇地方番子購買牛羊
一節據稱因該處價值較賤定爲牛一隻給銀三
兩五錢羊一隻給銀一兩是該兵丁等經過番地
所需牛羊不但合番地供給且於定價之外多

爲增給使番子得占便宜所辦甚是再前據鄂輝
成德於二月初五日拜發摺內稱成德將聶拉木
各卡隘分兵防守後卽往宗喀進勦濟隴賊匪等
語昨福康安等奏到之摺係二月二十二日拜發
據稱成德因聶拉木至濟隴道路屢遇大雪未卽
融化在聶拉木一帶安築礮卡後再行前赴宗喀
計福康安等發摺時距鄂輝成德前次發摺之期
已逾半月何以成德尙在聶拉木逗遛並未前赴
宗喀卽聶拉木至濟隴一帶屢遇大雪之語是否
屬實著福康安抵軍營後詳悉查明成德究竟於
何時前至宗喀何時由宗喀前赴濟隴是否有心
捏飾逗遛之處據實具奏

欽定廓爾喀紀略卷二十六

四月初三日^辛 福康安惠齡奏言^臣 等於十七

^丑

日自前藏起程二十二日行至則噶經過沿途

地方寨落相望寺廟多係依山建蓋喇嘛及番

民人等歡迎夾道自則噶以西計行路三百餘

里山勢不甚高大至江孜地方村寨較大番民

稠密該處地當孔道爲前後藏屏蔽與帕克哩

定結與薩喀爾達絨韜等處隘口均屬相通上

年賊匪由撒迦春隊至後藏未至江孜搶掠是

以地方尙屬繁庶由江孜向西北行三百餘里

於二十七日行抵後藏該處東北南三面距山

甚近北面山勢較高東面有河一道惟西面地

稍平行上年賊匪卽由西南一路前來滋擾並

無險隘可以堵禦扎什倫布廟宇在北面山坡

欽定廓爾喀紀略

卷二十六

一

建蓋徐南鵬所守之營官寨在扎什倫布東北

里許土岡之上寨房雖小尙得地勢會被賊匪

攻援數次竟能固守扎什倫布之南約及二里

均係民居寨落未被賊匪焚燬惟番民等避賊

遠去逃散甚多嗣因後藏一帶傳染出痘一時

未敢遽歸半存空寨^臣 福康安到前藏時卽行

出示曉諭並飭令歲琿堪布及後藏營官第巴

等查明人戶招集回寨及時耕種貿易營生俾

農商各歸本業茲^臣 等察看扎什倫布番民多

已回寨番地亦有翻犁者近日痘症時氣漸覺

稍減街市貿易均已如舊堪以仰慰

聖懷至扎什倫布廟宇^臣 等一到後藏卽至廟內叩

謁

聖容親赴各處查看並向歲琿堪布詳悉詢問上年

欽定廓爾喀紀略

卷二十六

二一

賊匪擾至後藏時班禪額爾德尼當於八月十六日起程將珠寶細軟物件帶赴前藏仲巴呼圖克圖押帶班禪額爾德尼所有舊物及金銀衣服綢緞等項裝載二百三十三捆用牛馱載搬運過河至東北山後由托布嘉至東喀爾寺內藏匿扎什倫布喇嘛三千餘名俱已逃散賊匪一至廟內瑪木薩野卽在班禪額爾德尼坐靜房內居住大小頭人分據各處將廟內物件及塔上鑲嵌肆行劫掠金銀佛像搶去大半裝金木胎佛像亦間有被毀者惟各佛殿鍍金銅瓦並未拆動房間門牆牆壁損壞亦屬無多其扎什倫布後層佛樓五處供奉惡輩班禪額爾德尼金塔三座並班禪額爾德尼住房經堂皆在其上金塔外用木板圍護木板外包銀皮鑲

嵌珠寶珊瑚松石背後一面則係溜金銅皮包裹塔前各有供器一分俱係金銀鑄造賊匪滋擾時東首係第十一輩班禪額爾德尼塔座因樓門鎖固有賊匪二人登梯上房從天虺越進失足跌下絆在石獅子及貯淨水缸上連斃二命賊匪心懷畏懼是以此塔及塔前供器均未被掠中間係第十二輩班禪額爾德尼塔座鑲嵌銀皮間段挖去尙未全損其西首前輩班禪額爾德尼塔座內金塔有木板圍護尙未損動而外面銀皮鑲嵌供器搶掠無存_臣等查賊匪越牆攘竊實有跌斃二命之事可見第十一輩班禪額爾德尼護法默佑尙有顯應現在廟宇佛像兩座金塔俱經歲琿堪布莊嚴修整逃散之喇嘛人等除出痘身故及避痘遠赴山僻寺

廟居住者一千餘名外其餘陸續回寺均得安
禪棲止梵誦如常至仲巴呼圖克圖運出之各
項物件間賊退去俱已帶回並無遺失再查頭
輩班禪額爾德尼傳留紫色石一塊鐫刻梵字
此石名爲諾爾布桑珀勒堅潤光瑩不似石質
亦經賊匪遺棄於廟外樹林內尋獲相傳此石
爲鎮山舊物以石之去留卜廟之興廢當賊匪

滋擾之後此石仍未遺失後藏僧俗人等皆言
佛力呵護廟宇復興實爲吉祥佳兆因此人心
益加鎮定雖所言難於盡信然近年藏內多故
黃教之盛稍遜往時仰賴

聖主護持佛法尙藏輯寧從此黃教振興定卜由衰

而盛前業

訓示及此蓋見氣數循環實有至理臣等曷勝欽服

欣忭之至

福康安惠齡又奏言臣福康安在前藏時以自
藏至軍營一路烏拉謁蹶設法籌辦自達賴喇
嘛以下皆踴躍從事共辦牛一萬五千頭分派
糧臺轉運照例給與烏拉價值沿途毫無阻滯
辦理已有成效惟前藏以東各臺站運送軍火
軍需到藏甚爲遲滯若不設法調濟必致有悞

要需查東路自打箭爐出口由明正土司裡塘
巴塘至南墩一帶地方俱有該土司等管理且
距打箭爐不遠孫士毅就近查催尙無遲悞其
自南墩以西卽係達賴喇嘛所屬川省稽查較
難逐站更換烏拉山高路遠牛隻又易疲乏而
該管之第巴營官等經理不善或不免有侵漁
尅扣之弊因此番民等退避不前愈形短絀運

員不能久待催促緊急管官等卽行逃匿一站
停積遂致通站不行或竟將上站牛隻馱運過
站愈行愈遠多致倒斃失迷殊非仰體

聖主體恤番黎之意且自南墩直至西藏道路共計
三千四百餘里內祇察木多拉里兩臺其距臺
較近之處臺員尙可稽查若相離寫遠地方實
有鞭長莫及之勢臣福康安屢次嚴催並派蒲

欽定西藏紀畧

卷二十六

七

司景安前往稽查力加整頓臣惡齡前過各站
時亦經沿途催趨面諭第巴營官妥爲應付無
如未定章程辦理仍形踴蹶臣等悉心商酌必
須處處通行方可源源遞送惟有另辦牛隻分
撥各臺專派委員及能事喇嘛等分段經理以
免耽延貽誤隨令道員林僑通盤籌畫並與達
賴喇嘛濟噶呼圖克圖等往返札商使各站俱

有受僱牛隻照例給價到站卽行諸弊可以盡

除查南墩至藏原定八十七站今作爲五十六
站每站派令應出烏拉之人辦牛三百頭共牛
一萬六千八百頭按站分撥又將各站共作爲
七段每段各派知縣佐雜一員管理並委道員
徐長發候補知府李憲宜往來督催稽查達賴
喇嘛亦按段派撥總辦喇嘛一名專司其事內

欽定西藏紀畧

卷二十六

八

有包墩至洛隆宗十一站係帕克巴拉呼圖克
圖等及該處各大喇嘛所管除達賴喇嘛所派
喇嘛外並令達賴喇嘛寄信各呼圖克圖分派
妥人經理呼應更靈所有此項牛隻俱係常川
安設凡川省運送軍火等物仍照定糧運八十
七站之數發給烏拉價值交與新派各站員眼
同喇嘛等發給如有從中尅扣之弊卽行查出

從重辦理庶番民踴躍趨公而一切兵差要需
可以計程到藏沿途不致遲悞實爲兩有裨益
同日福康安海蘭察惠齡又奏言查廓爾喀賊
匪在邊外地方滋橫已久附近各部落大半爲
其佔據凡被荼毒之處自無不心懷怨恨今聞
大兵進勦諒必人人稱快但各部落素畏賊匪
強橫尚在互相觀望前經臣福康安檄諭哲子孟

欽定廓爾喀紀畧

卷二十六

九

雄宗木作木爾布魯克巴披楞等處令其發兵
擊賊爲我先驅至今尚未有發兵之信大抵總
恐廓爾喀將來報復莫敢先發尙非被賊匪煽
惑狼狽爲奸將來大兵進勦巢穴賊匪窮蹙之
時各部落自必爭先効命藉報私讐亦不致被
此助惡容留隱匿臣等揣度情形大兵未到賊
境之前各處番兵恐不能恃以集事前此發檄

曉諭不過間中布置藉以解散賊黨堵擊逸匪
原不必待各部落遣人前來始行大舉臣等惟
有俟大兵到齊卽行統領深入至賊佔之別蚌
子地方卽係巴勒布因駐藏漢兵不諳番語稱
巴勒布爲別布復詭爲別蚌子茲據鄂輝解到
佔據聶拉木賊目阿爾會薩野等詳加詢問據
供陽布東界里雜布自里雜布以東又搶佔各

欽定廓爾喀紀畧

卷二十六

十

部落直至瑪哈那第大溝爲界約有十四五日
路程距達噶部落不遠其二十四部落以西噶
達哇拉至西里納噶一帶地方上年八月亦被
賊匪搶佔又有二十五日路程等語是賊境自
東至西原共有五十餘站近年肆行吞併復加
寬四十餘站雖外番程站較小賊匪所供或係
張大其詞未可深信但賊匪搶佔部落有名可

指者已有數十處計其地界東西約有數千餘里南北亦不下一千數百里^臣等前詢巴勒布及在藏貿易之各外番商人所言皆同而孫士毅詢問都司嚴廷良各條昨蒙

發交閱看該都司祇稱賊境四至不過八九百里與^臣等訪查情形不甚符合查嚴廷良於乾隆五十四年六月內至廓爾喀在陽布之西帕克巴

欽定廓爾喀紀畧

卷二十六

十二

新昆地方居住並未親歷各處在彼停留七八日俱有賊人防守亦無從察訪賊中虛實所言八九百里並不能指出地名想係約畧之詞未甚確寔^臣等恭膺

恩命委以軍旅重任惟有堅持定見鼓勇直前先將賊匪佔據地方探明遠近險易即可隨時佈置籌畫萬全斷不敢因賊境稍寬道路稍險遽存

游移畏難之意再陽布地方前訊賊匪納朗等

據供並無城垣茲訊之賊目阿爾會薩野又供

實有城垣所言墻垣形勢及各處城門甚為詳

悉並言若囊廓庫木兩處向來俱有城垣與納

朗前供互異隨令納朗等面加質對復據稱已

勒布三處舊城實係從前巴勒布王子在時建

築前供並無城垣之語是指廓爾喀本地及佔

欽定廓爾喀紀畧

卷二十六

十二

據各部落地方並非言陽布等處全無城垣^臣

等恐阿爾會薩野所供意在虛張賊勢納朗等

附會其說翻收前供未可據為憑準因思隨嚴

廷良前往賊境之兵丁王國福通事趙連會至

陽布該處有無城垣斷無不知之理隨傳王國

福趙連面加詢問僉稱陽布實有城垣係磚砌

城牆祇高二丈餘並無垛口城門上建有城樓

亦不甚大與內地城垣不同我等隨同嚴都司

住在城西隔河地方屢次進城見喇特納巴都

爾等俱由西門出入門旁又有一大城門詢係

象隻從此行走等語復據帶往軍營之巴勒布

商人巴凌角丹達爾與等繪出各城圖形與王

國福趙璉所指相符^臣等思陽布等處城垣尙

係巴勒布所建歷年已久未必十分完整即賊

匪疎爲設備加以修葺墻垣亦不甚高厚究非

堅城可比大兵進攻諒不致久稽時日至鄂輝

解到賊匪除格斯納與等三名在途病斃仍行

梟示外其餘二十一名逐加訊問惟賊目阿爾

會薩野賊兵噶斯拉木尙知賊情供吐頗爲明

晰當將什哩格星那克得哩等十九名卽行正

法其阿爾會薩野噶斯拉木二犯卽派員押解

送京

福康安海蘭察惠齡又奏言查此次先後調派索

倫達呼爾降番屯練並先期赴藏換班兵丁實有九

千餘名皆係久經行陣勇健得力之兵以之勦辦

賊番定可尅期蕩事惟是將來攻至陽布賊巢後

廓爾喀所佔地方不下數千里皆有賊目據守均應

派兵乘勝攻擊而窮追笨入之時地方寬廣距邊

逾遠後路愈長又須在扼要隘口山徑叢雜處所撥

兵接續駐守以防賊人抄截核計現調各兵數目

通融派撥尙可敷進剿之用若再分布後路未免

兵力見單且賊匪據守噶拉木官寨經官兵攻圍

幾及一月轟燬寨房始就殲擒是賊匪雖非勁敵

而在邊外諸番中似爲強橫善守大兵進搗巢穴

賊必豫爲防備若非厚集兵力轉恐時日稽延節

次欽奉

聖諭以將來大舉時必須多兵接應後路逐段屯駐方可聲勢聯絡令_臣福康安通盤籌算如尙須添調卽行就近檄調以期迅速藏功仰見我皇上幾先指示

廟算精詳_臣等前在途次聞賊匪地方甚小人亦無

能卽到前藏時留心詢訪畧知賊境地方亦未

欽定四庫全書

卷二十六

十五

能十分詳悉茲已查明賊匪搶佔各部落情形

及聶拉木濟隆等處進兵路徑通盤籌畫惟防

守後路兵力尙有不敷現在藏內所備之糧共

有七萬四千五百餘石牛四千三百隻羊二萬

五千餘隻此外尙可添辦糧二萬石計算糧數

已足供一萬五六千人一年有餘口糧卽添兵

數千名已屬有盈無絀况此次進剿賊匪秉承

磨算仰藉

天威毋難尅期奏捷斷無須辦至一年之久是藏內所辦糧石不但毋虞缺乏實已支應敷餘_臣福康安前奉到酌核添兵之

旨早經札會孫士毅密爲挑備勁兵三千名昨接據

孫士毅札覆已密備松潘建昌二鎮兵丁及沃

什黨壩等處土兵共三千名一經檄調卽可赴

欽定四庫全書

卷二十六

十六

日起程且事竣後藏內新舊班兵撤回本須另

派川兵更調而辦理善後章程時駐藏官兵亦

應量爲添設或遣

旨將屯練孤身兵丁內酌留屯守是此時所調官兵

不過先到數月將來酌留駐藏亦可省往返之

煩其途中應用糧石前經孫士毅撥貯理塘巴

塘察木多拉里等處米五千四百石足敷各兵

支食之用合無仰懇

皇上天恩俯准將川省備調兵三千名派令來藏以

壯聲援而資防禦臣等再四籌酌此時既須添

兵早到一日卽可得一日之用若復拘泥候

旨誠恐緩不濟急西藏地方距川較遠不揣冒昧謹

遵前奉

諭旨就近檄調已一面飛咨孫士毅迅速派撥起程

欽定廓爾喀紀畧

卷二十六

七七

所有沿途烏拉現已另定章程軍行較前更速

計算五月中定可到藏臣等並不待添調川省

兵丁始行大舉惟有先帶索倫及前調屯兵鼓

勇前進均奏入

上命軍機大臣傳諭福康安海蘭察惠齡和琳鄂輝

成德日糧運爲軍營首務臺站烏拉最關緊要經

福康安與達賴喇嘛濟噶呼圖克圖等札商使各

站俱有受糧牛隻照例給價到站卽行可期無悞

但必統理得人應付更爲妥協已有旨令惠齡領

兵勦賊不必再回前藏其一切藏務令和琳妥爲

經理和琳此次馳驛赴藏行走迅速約計閏四月

內可以抵藏所有此項臺站烏拉等事著交和琳

督率統理可資得力至請將川省備調兵三千名

派令來藏廓爾喀賊匪既侵佔隣近部落三十餘

欽定廓爾喀紀畧

卷二十六

七六

處地方不小我兵乘勝窮追之時後路愈長自應

撥兵接續以防賊人抄截已降旨令孫士毅卽將

前次備調川兵三千名迅速派撥催促帶兵將弁

尅日起程赴藏矣藏內現備糧食已足一萬五六

千人一年有餘口糧此時藏內原有兵丁及派調

精調屯土各兵並索倫達呼爾兵統計共有萬餘

今再加以添調川省兵三千名亦不過一萬三千

餘名糧石儘有數餘著福康安等再行酌量如大兵深入賊境後賊匪聞風逃竄自應乘勝窮追若兵力尚不敷追勦或於川省兵丁及屯練降番內就近再行添調三四十名亦不爲多福康安可一面飛咨孫士毅檄調一面遇便奏聞以期膚功迅奏或先將此續調之二千名竟行帶往進勦再酌量就近調撥三四千名以爲後路接續聲援亦無不可福康安既經朕委以軍旅重寄全仗伊調遣主持不必拘泥請旨以致往返稽遲又據奏附近廓爾喀之哲孟雄宗木作木朗布魯克巴披楞等部落前經福康安檄諭令其發兵擊賊爲我先驅今仍各守地界逗遛不進等語此事前據福康安奏到時朕卽以辦理失之太早節經降旨飭諭今福康安察看各部落情形大率觀望遲疑莫能先

發各處番兵恐不能恃以集事果不出朕所料此等附近廓爾喀各部落素被賊匪欺凌若見大兵進搗巢穴聲勢壯盛自必乘賊匪窮蹙協力攻勦藉以報復私讐乃福康安於大兵尙未齊集之時卽檄諭各部落發兵協勦則該部落等誰肯先與賊匪爲難其觀望不前心持兩端自係必然之理節降諭旨甚明福康安何始未見及此耶至賊匪現在情形雖已併吞三十餘部落但從來用兵之道惟在攻搗腹心得其要領則此外皆望風瓦解不難一舉蕩平卽應觀前代戡定區宇亦不過扼據形勢於要隘地方併力攻取其餘皆可傳檄而定斷無賊匪有數十部落卽須於各部落處處派兵進勦之理福康安等惟當厚集兵力直趨陽布賊巢使賊人失其所據此外各部落自必紛紛互

解一舉集事總在福康安堅持定見激勸將士鼓勇直前生擒首惡固不可存輕視賊匪之心尤不可因賊匪併吞部落較多稍涉遲疑或致餒我士氣也又據奏上年賊匪滋擾扎什倫布時各喇嘛俱已逃散賊匪一至廟內瑪木薩野即在班禪額爾德尼坐靜房內居住大小頭人分據各處將廟內物件及塔上鑲嵌肆行劫掠金銀佛像搶去大半間有被毀者賊匪在扎什倫布如此肆行作踐其造孽甚重自必速取滅亡而瑪木薩野一犯尤爲可惡必須與巴都爾薩野沙瑪爾巴一併生擒方足以快人心而申國憲至鄂輝成德前於二月初五日拜發之摺內稱成德將聶拉木各卡隘分兵防守後卽行前往宗喀進剿濟噶賊匪計成德發摺之期迄今已及兩月卽謂屢遇大雪早已素

融雪化自應早抵濟噶率兵進剿究竟於何時行抵該處作何勦賊情形總未據成德奏報從前進剿聶拉木賊匪時成德鄂輝先後到彼進剿攻圍已及一月而廓爾喀並未添派賊匪前來接應是賊匪境內並無驛站偵探其懦怯無能之狀已可概見今濟噶賊匪株守一隅坐待殲戮自屬易於辦理成德先抵該處自應帶領官兵奮勇直前悉數勦殺卽或力有不能計福康安等此時已可早抵濟噶統領勁旅會合攻圍先將該處賊匪殄滅淨盡壯我軍威俾賊匪聞風落膽定計直搗賊巢迅速成功佇盼捷音之至

臣等謹案聖王與師討罪天戈遙指靡堅不

摧原無需響應之助廓爾喀強梁微外附近

各部落怨毒雖深而積威所切無敢爲發難

之端前此福康安未抵賊巢即檄令哲孟雄

作木朗諸處發兵擊賊為我先聲

皇上以此事失之過早諄諄

飭諭茲奏稱各部落俱懷觀望不能爭先効命是各

處番兵果不足恃

聖明已洞燭先機至武功勘定全以扼要為上策仰

蒙

欽定福康安奏

卷二十六

五

皇上訓示惟在厚集兵力直趨陽布嗣

大軍收復濟隴之後併力長驅深入其阻賊眾紛

紛瓦解解燧臂莫支七戰七勝之勳

九重寶璽操其成算矣

上又命軍機大臣傳諭孫士毅曰據福康安等奏訪

明賊匪搶佔各部落情形及聶拉木濟隴等處進

兵路徑並防守後路通盤籌畫恐兵力尚有不敷

自應速行添調以壯聲援想孫士毅接福康安之

信自己將從前備調兵三千名迅速派撥尅日起

程赴藏仍應催促帶兵將備速行毋得稍有遲緩

初四日 壬寅

上命軍機大臣傳諭孫士毅曰昨降旨令孫士毅將

前次備調兵三千名迅速派撥尅期赴藏孫士毅

接到福康安知會時自卽一面派撥起程此旨到

欽定福康安奏

卷二十六

五

時兵丁等當已行過察木多一帶計日可抵前藏

彼時正直福康安統兵進剿之際卽可將此項兵

丁帶領前進但將來笨入賊境後所有後路聯絡

布置留防接應尚須兵力著傳諭孫士毅再行密

備屯土兵三千名聽候檄調若福康安不用則已

倘若需用一俟福康安知會到日卽行星速赴藏

勿致遲悞

初七日臣孫士毅奏言臣前月接福康安來札

令臣再密備勁兵三千聽調防守後路臣卽於

省城三標及各鎮所轄備戰兵內密飭豫備並

令未經派兵之瓦寺沃什黨壩三土司挑備一

千名應用繼思前此撤調各土兵內有由打箭

爐行走出去臣親自驗看其中多有老弱充

數若任其支領口糧前赴軍營不能得力臣一

欽定平定回疆方略

卷二十六

五

一撤出令回本寨臣前接福康安密備之信卽

檄飭寧遠府知府符兆熊豫赴瓦寺等處逐一

挑驗僅得精壯土兵五百名其餘率皆老弱充數

之人因只准以五百名入冊聽候調遣查此次

赴藏屯番前後共有七千餘名其綠營官兵只

有赴藏換班三千餘名爲數本少臣現於前次

密備挑取戰兵內派省城三標共六百名松潘

建昌川北各五百名川東四百名瓦寺沃什黨

壩等處共派土兵五百名合成三千之數遴選

得力將弁各自營帶領起程至統領大員現有

署重慶鎮總兵彭承堯前經懇請帶兵仰蒙

恩允自應令其統領前進臣已飛札行知不日卽可

到爐第查自川省內地至後藏邊境幾及萬里

若統領大員多得一人督率行走自必益加迅

欽定平定回疆方略

卷二十六

五

速查有雲南普洱鎮總兵朱射斗同兵部侍郎

和琳赴藏已照會該總兵行抵打箭爐畧爲停

待俟各起兵丁約有一半到爐卽行帶領出口

其臺站烏拉臣已飛飭現在口外之道府加緊

督催安速僱備一俟官兵到站卽刻應付前行

設有遲悞卽將承辦之員叅革枷號大路以示

懲儆所有兵丁應帶隨身軍裝火藥及一切鑿

鍋帳房炮位等項臣先已運赴打箭爐官兵到
彼即可一分給至兵丁出口後應支口糧計
各臺所貯均屬充裕斷可無虞缺乏臣於三四
日內秋審事畢仍卽星馳赴爐俟官兵到時逐
起照料出口奏入報

聞

欽定廓爾喀紀畧卷二十七

四月初十日戊申福康安海蘭察惠齡奏言臣等

自前藏起程時原擬直趨宗喀將濟隴等處賊

匪痛加勦洗再行厚集兵力直搗賊巢茲奉

諭旨以賊匪經成德勦殺之後若竟毫無防備令臣

等乘勝直前設賊匪豫爲防備轉不妨稍爲停

待竟俟各兵齊集統領進勦仰見

欽定廓爾喀紀畧

卷二十七

二

聖謨深遠切中機宜查聶拉木濟隴兩處賊匪已於

要隘地方添築卡寨復於濟隴官寨加砌圍牆

以爲負隅固守之計前經臣等飭令侍衛珠爾

杭阿前往宗喀一帶察探情形今據稟稱濟隴

以內擦木地方兩山夾峙有險可憑濟隴以外

熱索橋一道爲通往賊境要路廓爾喀已分派

賊匪在兩處防守又於絨轄地方添派賊匪數

百名在營官寨外復砌卡寨一座據守隘口等

語又據成德等咨報派土兵布爾甲斯等潛赴

擦木賊寨外挈獲活賊頓柱克一名訊據供稱

賊匪聞大兵收復聶拉木後逐處防備現在賊

中傳說此次大兵前來收復西藏邊界地方想

來不能即到陽布因於濟隴絨轄等處添兵拒

守等語臣等伏查現有各兵除在聶拉木拍甲

欽定廓爾喀紀畧

卷二十七

二

嶺木薩橋窩則卡定日宗喀等處緊要地方堵

截共計二千名外臣等所帶川省換防兵祇有

七百餘名其餘換防兵丁及諸神保帶領二次

所調屯兵尙未到齊袁國瓊帶領三次所調屯

兵內德爾格兵一千名甫經具報行抵察木多

索倫達呼爾兵丁因途中風雪甚大至今未抵

藏界臣等屢次飛催總不能迅速前進竊屬萬

分焦急此時以現有之兵進剿邊界賊匪原無
 難全行勦洗卽濟甯絨鞞等處賊匪增多亦自
 速誅鋤正可痛加殲戮惟是收復各處之後頓
 兵界上等候各兵到齊始行大舉恐賊匪聞知
 豫爲防備卽如官兵收復聶拉木後賊匪已在
 各處防守將來濟甯之賊全被官兵勦洗賊匪
 自知滅亡在即必思併力抗拒若不乘勝長驅
 復子賊以備禦之暇大兵進剿轉有稽延倘徑
 行帶兵深入現兵止有二三千名實屬不足調
 遣冒昧輕進必致欲速反遲自當通盤籌畫務
 出萬全且現在邊境雪大據穆克登阿稟報自
 二月二十七日至三月初一日積雪深至六七
 尺道途封阻一時難以進兵臣等再四酌籌謹
 遵

諭旨竟俟前調各兵及索倫勁旅全數到來統領進
 剿將濟甯絨鞞兩處賊匪勦平後卽乘兵威勝
 勢深入窮追出其不意直搗巢穴賊匪當心驚
 膽落之餘無暇備禦沿途卽有卡寨斷不能復
 行拒守大兵所向披靡自必勢成破竹誠如
 聖諭雖進兵畧遲數日而成功更爲穩速臣等現擬
 在後藏暫駐距邊較近賊匪情形可以隨時訪
 察嚴催索倫達呼爾兵丁及二次三次所調屯
 兵到後卽可統領前進並酌派巴圖魯侍衛數
 人帶兵留防後路計算各兵到時邊界積雪已
 可融化顯出道路卽賊境地方險阻而屯練各
 兵善於登山涉險亦不能阻我軍行臣等仰荷
 聖恩委以軍旅重任惟有悉心籌畫奮勇直前將來
 進兵時或應併力從一路進剿或應另分一路

互相策應臨時酌量情形相機辦理再查前後
藏採買糧石仰荷

天恩優給價值踴躍出售不致派累番民 臣福康安
到藏後宣示

聖主恩慈遠賴喇嘛以及噶布倫等無不急公趨事
並未稍形苦累現在前後藏地方俱已及時耕
種所添糧石亦俟秋成時平價陸續收買並非

欽定廓爾喀紀畧

卷二十七

五

一時採辦致昂糧價亦不致積貯日久稍有紅
朽之虞計算前辦糧七萬石及添辦糧二萬石
足供前調各兵及新調川兵支食此次勦平賊
匪仰賴

聖主洪福迅奏蕩平雖無須辦至一年之久但糧石
爲軍行要務自應豫備數餘若數月內卽行成
事仍可將多餘糧石敬傳

恩旨發還商上以示體卹而節糜費

福康安惠齡又奏言查上次廓爾喀滋事搶佔

西藏邊界巴忠辦理錯謬專擅徑行丹津班珠

爾等於乾隆五十四年三月內前往說和巴忠

屢次催迫甚急丹津班珠爾等許給賊匪三百

元寶議明照數付與三年寫立合同贖回侵佔

之地是許銀說和之事實係丹津班珠爾等前

欽定廓爾喀紀畧

卷二十七

六

往辦理及議定後丹津班珠爾於五月下旬帶
同廓爾喀頭人噶登麻撒誨等來藏面見巴忠
及鄂輝成德懇求投誠當令出具不敢滋事番
結六月初六日廓爾喀復遣頭人扎薩喇木塔
巴等至拉子軍營稟請進納

表貢巴忠等隨遣嚴廷夏伴送扎薩喇木塔巴等
回至陽布守候進

貢表文該都司奉差前往之時已在丹津班珠爾

等說和許銀之後並未另派噶布倫大喇嘛等

一同前往但嚴廷良隨同巴忠等在邊界冬日

於許銀贖地一節本不得諉爲不知迨巴忠等

派令前赴賊巢必料及賊目相見時面提此事

自應將如何措辦回答之處與之豫爲商酌豈

有不告原委遽行遣往之理今嚴廷良到京仰

欽定新滿蒙紀畧

卷二十七

七

蒙

召見垂詢並經軍機大臣兩次詢問堅稱許給賊匪

銀兩之事從前如何商辦原不知道仰赴廓爾

喀時巴都爾薩野祇言情愿投誠此外未聞他

語直至上年七月廓爾喀復行滋事聞藏內人

等傳說始知此事等語詳察該都司所言一味

含糊意存迴護誠如

聖諭語涉閃煉不肯盡吐實情現在該都司尚未回

藏卽遵

旨傳集嚴廷良帶去之通事人等面加詢問據通事

趙璉等稱我等跟隨嚴廷良到陽布面見巴都

爾薩野催問

表貢巴都爾薩野會向嚴廷良說及西藏噶布倫

等給與我們銀兩贖回地方還許照數給與三

欽定新滿蒙紀畧

卷二十七

八

年若不反悔我們自然永遠和好嚴廷良答以

爾等若能恭順

天朝常常納貢噶布倫所許銀兩亦必照數付給其

時我等在旁通事兩邊傳說俱係親自聽見等

語伏思該通事等隨同嚴廷良前往賊巢與巴

都爾薩野相見傳譯語言所供各情節確可指

証嚴廷良既知此事乃屢次詢問始終迴護實

屬有心隱飾卽如該都司所稱賊境地方及陽布等處並無城垣與此間訪詢情形迥不相符可見該都司所言信口虛捏未足憑信應俟該都司回藏再行詳加究詢據實具奏均奏入

上命軍機大臣傳諭福康安曰此次福康安等發摺時各處續調之兵尙未到齊自難輕進亦祇可暫爲停待惟所稱濟隴以內擦木地方及濟隴以外

欽定平定回疆紀略

卷二十七

九

熱索橋一道爲通往賊境要路廓爾喀已分派賊匪在兩處防守又於緘轄地方添派賊匪數百名前來在營官寨外砌卡據守等語此則鄂輝成德二人遷延觀望不卽前赴濟隴攻勦所致若鄂輝成德於收復聶拉木後乘勝速往濟隴緘轄趁賊匪猝不及備之時將二處屯留之賊奮力圍勦此特早已廓清邊境專事攻取賊巢乃伊二人於聶

聶聶拉木賊匪後鄂輝藉催糧爲名繞回拉子成德復以聶拉木挈卡爲詞逗遛不進遲延兩月有餘是明予賊以暇俾知攻破聶拉木之信於濟隴

緘轄兩處添派賊匪接應復砌築碉卡以爲預備死守之計鄂輝成德之罪實無可辭已節次降旨令福康安等查明伊二人是否有意逗遛據實具奏並交福康安俟事竣後再行請旨核辦計此旨

欽定平定回疆紀略

卷二十七

十

到時續調屯土各兵及索倫達呼爾兵俱已接續到藏卽前日添調川兵亦將次可到得此生力勦兵會勦邊境株守賊匪勢如摧朽拉枯是此時在邊界畧爲停待轉屬以遲爲速之機惟望福康安海蘭察等於勦滅濟隴緘轄兩處賊匪後統領大兵直搗巢穴蕩平賊境尅日以待捷音之至耳又據奏詢問跟隨嚴廷良之通事趙璉等供稱嚴廷

良前赴噶布特會與巴都爾薩野說及爾等若能
恭順噶布倫所許銀兩亦必照數付給等語此事
前閱保泰給拉特納巴都爾撒諭內有嚴廷良說
王子甚明白懂得道理之語朕卽知嚴廷良與廓
爾喀情分甚爲熟習其許銀贖地一節該都司早
經詳悉底裏乃始終隱飾其罪實不可這已降旨
將嚴廷良革職拔去花翎留於軍營作爲兵丁効

欽定滿洲略記

卷二十七

十一

力贖罪今福康安等所詢通事情形嚴廷良實係
知情隱飾自應遵照前旨辦理亦不值再行究詢
矣

十五日

癸丑

上命軍機大臣傳諭福康安海爾察惠齡曰前據福
康安奏派副將達音泰親至布魯克巴部落督令
發兵擊賊爲我先驅一招係二月十三日拜發達

今已兩月有餘該副將會否回至軍營布魯克巴
有無回信尙未據福康安奏到又檄諭附近廓爾
喀之哲孟雄宗木等部落幫同勦賊一節前此福
康安奏到時朕卽以爲所辦太早降旨飭諭計自
福康安檄諭各部落後閱時已久並未見各部落
遵諭協助可見各部落因大兵未抵賊境心存疑
惑恐先行發兵與賊打仗而大兵不爲接應必受

欽定滿洲略記

卷二十七

十二

賊匪荼毒是以觀望不前不出朕之所料福康安
細思此時尙在後藏駐候則前此之檄各部落豈
非失之太早乎著福康安將各部落是否不致懷
疑親望於進勦有無妨礙及鄂輝成德會否已抵
濟隆勦除賊匪各情形一併速行奏覆

同日孫士毅奏言

臣

查仲巴呼圖克圖奉

旨解京安插本可與扎蒼喇嘛等一併委員管解惟

查上年廓爾喀滋擾扎什倫布之時該喇嘛等不思率衆保護廟宇或托言占卜盡惑衆心或攜帶重貲先期逃遁此等作爲安知不係該喇嘛等通同商定以爲保全身命之計今解送進京若令一同行走恐在途彼此串供狡賴不能究出實情是以臣在打箭爐時卽將各該喇嘛及隨從人等派員分起解省今扎荅喇嘛四名於三月二十八日自省起程仲巴呼圖克圖於四月初四日自省赴程並嚴諭各該員務須小心管束毋得視爲尋常案犯稍有疎虞至福康安續調漢土官兵三千名臣一接知會卽分飭各鎮營將先期挑派漢兵二千五百名瓦寺等處士兵五百名委署重慶鎮總兵彭承堯雲南普洱鎮總兵朱射斗分起統領督同將弁趕緊

進行約計各兵從本營先後起程四月杪可以全數抵爐臣復札飭各地方文武豫備一切俟各兵到境安爲照料彈壓隨到隨卽應付前行並諭各將領嚴加約束沿途安靜行走勿得稍有擾累稽延臣於拜摺後卽日起程仍赴打箭爐駐劄俟各兵到日卽行悉心安辦逐起催令償行以期早到軍營用資調遣奏入報

聞

十八日丙辰

上命軍機大臣傳諭福康安海蘭察惠齡曰廓爾喀係邊外極邊地勢險遠賊匪又於要隘處所添設碉卡抵死守禦若有萬難深入之勢而福康安等統領官兵聲罪致討藏內僧俗番衆人等羣係觀瞻事在有進無退福康安等既不肯事半中止而

限於地險又難尅期集事或致彼此相持老帥察餉亦屬非策今反覆籌畫若福康安等於官寨齊集後探訪賊匪情形道路險易事在可辦自必直前進勦掃穴擒渠將其土地給還各部落永免衛藏駐兵防守豈不甚善福康安素性勇往自不肯稍存遷就功虧一簣倘審度事勢實難直抵賊巢或將濟隴宗喀一帶拒守賊匪盡行勦殺大振軍威或前抵賊境與之打幾次勝仗後賊匪心懷懼伏望風膽落差人前至軍營投遞稟帖悔罪乞哀福康安等或可將計就計令其堅明約束俯允所請准其投誠振旅班師亦完事之一法然必先懼以聲威將賊匪大加戮戮使之十分畏懼勢力窮蹙悔罪投誠始可受降納款庶賊匪有所創懲不敢復行滋事至前次令西藏許給銀兩一節斷不

欽定平定回疆紀略

卷二十七

十五

可行必須明白宣示令其俯首聽從以後無可藉口又向藏地勒索方可永斷葛藤若賊匪於此事稍涉含糊仍當嚴詞駁斥不准受降斷無調集如許多兵遠臨賊境而仍如前次將就完結之理必令賊匪畏威服罪不敢再提銀兩永遠不犯藏界始爲完善再賊匪素性狡猾即不得已出此下策而善後之道不可不豫爲之圖將來撤兵後聶拉木濟隴等處必須酌量留駐官兵用資防守庶幾緩急有備福康安等於辦理善後事宜時務須悉心籌畫妥爲佈置但究以笨入賊巢永靖邊疆則聶拉木等處不致勞我官兵遠戍而衛藏永獲奠安乃爲朕之至願亦福康安等之所大幸若實有萬難進取之勢必不得已亦祇可豫作退步以完此局想福康安等久思戎行素嫻軍旅亦斷不肯

欽定平定回疆紀略

卷二十七

十六

坐失事機特朕思慮所及誠恐事在兩難臨期降
旨諭令遵辦未免緩不濟急關係匪淺是以豫爲
指示使福康安等得有把握至臨幾應變當進當
退總在福康安等酌量事機計出萬全也

十九日_臣福康安惠齡奏言查前後蘇採辦口

糧間有麥石其餘多係青稞前辦稞麥七萬石

續辦稞麥二萬石嗣經_臣等寄信達賴喇嘛班

禪額爾德尼宣諭

聖恩問其能否再行添辦糧石並須通盤籌畫不致

有妨民食方可仰副

聖主優恤番黎至意茲復據達賴喇嘛等覆稱尚能

添辦一萬五千七百餘石陸續平價採買糧價

斷不至昂貴等語_臣等查原辦續辦糧石俱係

以稞麥之數核算復飭行總理糧運道員林傳

欽定方略紀畧

卷二十七

十七

確實查核據稱糶把體質輕鬆較青稞石數尚
可溢出共計稞麥十萬五千七百餘石可磨出
糶把十二萬六千八百餘石足供二萬餘人年
餘口食_臣等伏思此次勦賊仰賴

聖主天威雖無須辦至年餘之久然軍糧必須充裕

方可無虞缺乏若能迅速就事即將多餘糧石

停止採買以節糜費所有採買炒磨價值鄂輝

酌定每麥一石價銀一兩一錢磨價二錢每青

稞一石價銀一兩三錢炒磨工價三錢均係照

時價酌減核實辦理若以磨出糶把計算每石

糶把價值尚不及此數前經軍機大臣議覆以

上次辦理廓爾喀軍需案內並無開銷磨價之

條應將磨工炒價毋庸另給但查麥稞非炒磨

不能供食上次辦理採買案內價值每麥一石

欽定方略紀畧

卷二十七

十六

價銀一兩四錢八分每青稞一石價銀一兩七錢四分所有磨工炒價一併在內未經分晰聲明今將麥稞價值已照時值酌減卽炒磨之工亦照市價減去一半每麥一石連磨價在內祇共銀一兩三錢每青稞一石連磨價炒工祇共銀一兩六錢較之上屆所給之價已多節省且青稞磨出糶把價值並不加增石數尚可盈額

欽定廓爾喀紀畧

卷二十七

九

若於採辦價內復加刪減匪特礙難辦理且恐番民出售糧石不能踴躍轉致有誤軍糈應請仍照鄂輝原奏給與炒磨工價以裕軍儲而示體卹至運糧程站自布達拉至扎什倫布原定二十三站半扎什倫布至齊噶爾原定二十站共四十三站半上次廓爾喀滋事案內經部駁改將後藏至齊噶爾作爲兵行十站今復以上

屆曾經成德奏明兵行站數前藏至後藏爲十二站後藏至齊噶爾爲十站令將運送糧石照兵行站數報銷但查兵行與糧運不同官兵遇有調遣緊急之時原應加站前進而運糧則係按程計里於安設烏拉處所逐段更換陸續轉輸所用烏拉牛隻負重遠行難以併站邁馳致令疲乏若途中遇有山嶺險隘之處或值冰雪

欽定廓爾喀紀畧

卷二十七

十

凝積之時尤不能倍加迅速是以軍需則例凡口外設站地方總以四十里爲率今所定程站俱在四五十里以外核之定例里數尙屬增多且自布達拉至齊噶爾四十三站半計程一千九百八十五里以前藏邊東舊定之站核實比較自布達拉至碩板多計程一千七百八十里亦分四十三站半不但與前藏至齊噶爾站數

相同且程途尙多二百餘里_臣等詳查例案應請仍照鄂輝原奏布達拉至扎什倫布定爲二十三站半後藏至齊噶爾定爲二十站庶糧運得以通行供支不致遲悞奏入

福康安惠齡又奏言竊_臣等奉到

諭旨並詢問嚴廷良奏片令按照指出之處查訪的

確據實具奏_臣查上年賊匪滋擾佔據定結官

欽定平定回疆方略

卷二十七

三

寨後九月二十七日戴琿丹津那木吉代辦戴琿烏珠拉旺等帶領番兵進攻賊匪出寨抵禦該戴琿打仗殺賊割取首級六十三顆解藏呈驗十月初十日嚴廷良由拉子前赴定結堵禦十一月初一日賊匪潛逃該戴琿與兵丁羅治等尾追至熱窩地方擊獲行走落後之賊匪噶哩等十一名並割取首級十三顆耳記十二個

俱經解驗是上年九月內進攻定結官寨實係

丹津那木吉等打仗殺賊其時嚴廷良並未在

彼該都司前抵定結係在十月初十日距丹津

那木吉打仗之時已闕十餘日及追勦退去賊

匪係在熱窩地方與定結打仗本屬兩事嚴廷

良在京所稱想因兩次打仗係其轉稟是以粉

飾其詞以爲居功地步是嚴廷良深染綠營習

欽定平定回疆方略

卷二十七

三

氣言詞虛飾殊屬意存取巧至

發下邊界地圖一紙係照嚴廷良指出路途繪畫_臣

等詳加核對方向里數迥不符合卽如江孜在

扎什倫布東北拉子在扎什倫布西北自江孜

至拉子八百二十里而圖內將拉子繪在扎什

倫布之東距江孜僅九十里春陞至齊噶爾二

日路程圖內貼說轉稱約有十四日路程至濟

噶在極西距拉木約五百餘里賊轄更在聶拉
木東南一百四十里兩處俱別是一路由後藏
至邊界惟聶拉木較為便捷鄂輝等今已將聶
拉木賊匪剿除將來進剿濟噶賊轄賊匪路徑
尙不紆折謹將前後藏邊界至賊巢陽布等處
道里遠近情形繪圖貼說恭呈

御覽又前奉

欽定廓爾喀紀畧

卷二十七

三

諭旨以上年秋間廓爾喀差頭目二人到藏索取租
銀阿旺簇爾提穆卽言此事不成體制用言阻
止俾習渾雅滿泰豈有不知此事之理伊二人
並無一字奏及是何意見令臣嚴行訊問臣等
奉到此

旨時已自前藏起程行令額爾登保傳提訊問茲據
額爾登保呈稱遵提俾習渾雅滿泰嚴切詢問

訊以阿旺簇爾提穆到藏卽聞詳銀說和之事
爾等自必詳知原委究竟爾等聞何人所說何
以並不奏及據稱上次唐古忒與廓爾喀說和
私許銀兩賊匪差人來索銀時原以查看銀錢
爲名並未來至駐藏署中我等在藏早聞傳說
噶布倫丹津班珠爾等許給賊匪銀兩及巴忠
催和之事再三詢問丹津班珠爾等亦未據吐

欽定廓爾喀紀畧

卷二十七

四

露實情隨傳詢扎薩克喇嘛噶勒桑丹結告稱
實有此事因阿旺簇爾提穆係管理事務之人
向其詳悉詢問阿旺簇爾提穆復將原委告知
並言此事不成體制已不許噶布倫等私行付
給我等因廓爾喀業已投誠事已辦定商上許
給銀兩又經阿旺簇爾提穆阻止我等一時糊
塗心存徇隱未經具奏至上年四月間接到廓

爾喀來稟言及唐古忒欠伊銀兩我等諭令遣
大頭人將原立合同取來查驗原擬查明後再
行奏辦詎賊匪卽來邊界滋擾未及具奏實屬
我等辜負

天恩隱匿不奏顛倒昏憤罪無可道只求

皇上將我等從重治罪等語臣等查私許賊匪銀兩

一事藏內無人不知佇習渾雅滿泰身為駐藏

欽定福爾喀紀畧

卷二十七

五

大臣斷無不知之理卽云詢之噶勒桑丹結及

阿旺簇爾提穆始知原委亦應早爲奏及追賊

匪具稟陳訴明言欠伊銀兩更當奏明辦理乃

始終隱匿不言其有心狗隱之罪實屬百喙難

辭均奏入

上命軍機大臣傳諭福康安海蘭察惠齡曰朕閱本

日奏到藏地圖樣自以濟隴爲進兵正路將來大

舉深入竟可由此一路併力會攻軍勢更爲壯威

似無須分作兩路且福康安亦必須海蘭察一同

領兵更可得力若令海蘭察另領一路則福康安

處未免聲勢較單或遇緊要之時海蘭察未能策

應轉屬於事無益卽令惠齡同海蘭察作爲一路

惠齡資分較淺於緊要機宜亦難參預朕再四思

維莫若福康安海蘭察惠齡同在一路統領大兵

欽定福爾喀紀畧

卷二十七

五

竟由濟隴直前進勦自當勢成破竹成德人雖粗

疎但伊會任將軍提督經歷戎行且聶拉木地方

究係成德克復福康安於濟隴勦除賊匪後統兵

深入其聶拉木濟隴一帶或慮賊匪抄截不可不

豫爲堵禦應卽令成德台斐英阿在彼處一帶率

兵分駐往來策應以壯聲援更爲萬安至所奏酌

議糧運事宜其搭把一項炒磨工價不敷懇照鄂

輝原奏按數支給及定布達拉至齊噶爾程站各款祇係細事此時惟當督率官兵奮力進剿迅速蕩功卽軍行經費向有定則格於成例或難准行朕亦必特降諭旨俯從所請豈有令進兵而不與兵不與糧之理福康安等總以勦捕賊匪力圖進取爲要務不必存惜費之見也

上諭內閣曰此次進剿廓爾喀賊匪寇期深入道途

欽定廓爾喀紀畧

卷二十七

七

達遠糧運供支最關緊要自當格外加恩以示體恤所有此次採買稞麥十萬五千七百餘石著照福康安等所請准於採買價值外分別給與炒磨工價其前藏至齊噶爾程站雖上屆經成德奏明兵行定爲二十二站但糧餉轉輸駘載背負究與兵行不同此次亦著照福康安等所請將前藏至後藏定爲二十三站半後藏至齊噶爾定爲二十站

事竣後俱准其作正開銷以裕兵食而利軍行福康安等仍須督飭各該員弁計糧給值按站償程以期迅速蕩功副朕軫念戎行至意該部知道

同日

上命軍機大臣傳諭和琳曰巴忠等私許賊匪銀兩之事阿旺簇爾提穆到藏卽行問知用言阻止存

習渾雅滿泰身爲駐藏大臣豈有不知之理况旣

欽定廓爾喀紀畧

卷二十七

七

經阿旺簇爾提穆向伊告知原委何以尙隱匿不奏情節甚屬可惡存習渾雅滿泰現於前藏永遠枷號示衆計此旨到時和琳已馳抵前藏著和琳卽親提伊二人再各重責四十板以示懲儆至和琳到藏後當留心察查毋許看守人等有代存習渾雅滿泰私行開枷情事倘和琳瞻顧情面稍涉寬縱別經發覺恐和琳不能當其咎也慎之

同日福康安海爾察惠齡又奏言臣等查降番屯練兵丁最爲奮勇出力此次攻圍聶拉木屯留賊匪稍著微勞仰蒙

優獎所有防守木薩橋之屯備木塔爾原係散秩大臣職銜應遵

旨加給副都統職銜屯備色木哩雅忠原係都司職銜巴塘副土司成勒春丕勒原係四品頂帶應

欽定廓爾喀紀畧

卷二十七

五

各加頂帶一等遊擊張占魁侯有恭將缺出恭請陞補奏入報

聞

欽定廓爾喀紀畧卷二十七

欽定廓爾喀紀畧卷二十八

四月二十八日丙寅福康安海蘭察惠齡奏言廓

爾喀賊匪恃其險遠頑梗性成前經鄂輝等發

檄曉諭臣福康安復遵

旨發檄誘降而喇特納巴都爾巴都爾薩野等接奉

兩次檄諭總未稟覆揣度情形竟係賊匪等自

知罪惡貫盈愈思負固不敢親來懇懇乞降且

克尼廓爾喀紀畧卷二十八

鄂輝等收復聶拉木時已將官寨屯聚賊匪殲

戮無遺而濟噠絨轄兩處之賊並未聞風逃竄

又復添派賊兵前來拒守是賊匪恃強已久志

驕氣盈將來大兵進勦轉可因其抗拒之堅一

鼓殲擒首擒賊鋒大示懲創縱使賊匪拒險防

備諒不能阻我軍行致稽時日擬俟索倫達呼

爾各兵及前調各起屯兵到齊勦平邊界屯聚

之賊隨即乘勝深入設將來濟噠等處新添賊

匪又如前此聶拉木官寨之賊併力固守未能

立時攻破亦不值曠日持久老我兵力酌擬留

兵正路聲言進攻牽綴賊匪卽於山嶺重疊賊

匪不防之處出奇制勝潛兵攀陟越過險阻繞

至賊後一面派委委員督兵掣卡安營截其歸

路一面統率勁旅徑取陽布直搗賊巢出其不

意使賊匪首尾不能兼顧方可一舉集事現在

諸神保所帶屯兵二千名已陸續到來索倫兵

丁前經調派三百名先行來藏茲據岱森保稟

報現帶兵三百名業至前藏其餘亦可陸續前

進袁國瓚所帶屯兵三千名內德爾格兵丁一

千名已自察木多起程約計四月杪四月月初

間各兵均可到齊卽當統率大兵相機進勦蕩

欽定廓爾喀紀畧卷二十八

二

平賊境 臣等仰蒙

聖恩委以軍旅重任籌畫須出萬全而決機祇在頃刻惟俟各兵齊集之日乘勢深入斷不敢藉藉持重有悞事機第 臣等已到後藏一月等待各兵或因大雪路遠或因烏拉竭蹶此時尚未到齊致遲進勦屢經飛檄催調並專員持令迎催實屬萬分焦急敬惟

欽定滿蒙紀畧

卷二十八

三

聖主垂念軍務自必日駘捷音 臣等俱係受

恩深重之人不能早紓

膏慮下懷悚惕時刻難安惟有籲求

聖心稍寬屢注一俟各兵齊集欽遵節次

訓示悉心籌畫力圖上策仰藉

天威定能迅速肅事

福康安惠齡又奏言 臣等到後藏時查看扎什

倫布即將

欽賜冊印現在是否尊藏向放琿塔布查詢問寄信班禪額爾德尼及伊親隨喇嘛等詢問查對所言均屬相符敬查十二輩班禪額爾德尼尊藏金冊金印一分前輩班禪額爾德尼入

觀蒙

恩特賞玉印上年班禪額爾德尼移駐前藏時將金

欽定滿蒙紀畧

卷二十八

四

印玉印隨身請往金冊玉冊供奉經樓匆促未及請至前藏及賊匪退回查點經樓各物盡已搶掠無存金冊玉冊亦經失去旋在經樓房屋內尋獲玉冊並未損壞現仍在原處供奉 臣等既已查明即遵

旨寄知達賴喇嘛班禪額爾德尼此次失去金冊

大皇帝另爲賞給一分尊藏扎什倫布俾敬悉

聖主衛護黃教之意共知感戴

同日孫士毅奏言^臣查川省屯土兵自金川用

兵以來已及二十年久安耕鑿於衝鋒打仗漸

不如前此番先後派赴西藏土練共有八千名

其餘率皆老弱不能得力之人若令前赴軍營

徒然糜費貲號於事實屬無益且該土練遇有

派調初次尙屬踴躍迨後亦復漸形觀望及撤

欽定廟略紀畧

卷二十八

五

調在途紛紛因病告回爲數甚多卽如此次奉

調緣營官兵二千五百名計各營距爐或二千

餘里及一千六七百里不等俱已陸續到爐^臣

分作五起飭令間日行走頭起官兵五百名已

於四月十七日經^臣點驗出口而瓦寺沃什黨

孺三處土兵距爐較近^臣屢次委員持令嚴催

至今尙無信息是土兵一項不足調遣此其明

驗至現在出口之官兵^臣節次飛飭口外各臺

站多備烏拉在站等候一俟官兵到站尅日應

付前進並嚴切面諭領兵各將備在途加緊趨

行務須遵照福康安來咨於五月內到藏以資

攻勦防守毋許稍有遲悞續奉

諭旨飭令再行豫備兵三千名聽候檄調^臣業已趕

緊照數飭備令將器械等項迅速料理停妥俟

欽定廟略紀畧

卷二十八

六

前調官兵出口後卽令豫備之兵三千名陸續

至爐城駐劄聽候一俟得有福康安咨調信息

卽可尅日出口較之由內地派調前進更爲迅

捷如其不用亦可就近遣發回營惟是豫備之

兵旣多必須大員統領前次續調官兵案內經

^臣奏明令署重慶鎮彭承堯普洱鎮朱射斗分

起管領今旣有續備之官兵前後共六千名似

未便拘泥前奏令兩鎮同時並發致後起統領
乏員^臣一面飭令朱射斗將此次派調之官兵
先行帶領出口其豫備之官兵卽令彭承堯在
爐聽候檄調庶前後統領均有大員軍行益昭
嚴肅如軍營無須再調兵丁卽令彭承堯飛馳
赴藏聽候福康安委用均奏入

上命軍機大臣傳諭福康安海蘭察惡齡孫士毅曰

欽定平定回疆方略

卷二十八

七

福康安等奏稱濟噶等處新添賊匪如未能立時
攻破卽於山嶺重疊之處潛兵越險繞至賊後截
其歸路一面統兵直搗賊巢一節雖屬暗度出奇
之策如能斷其糧道是亦一計但福康安等統領
勁旅聲罪致討係堂堂正正之師濟噶一路既爲
進兵正道自應先將該處屯聚賊匪殲滅無遺廓
清邊界然後力圖進取使我兵鼓勇直前無後顧

之慮方爲正辦若不將濟噶等處逗遛之賊攻剿

淨盡由此路乘勝直前別尋問道懸軍深入該處

山路叢雜安保濟噶等處賊匪不心生窺伺授我

後路卽賊匪無能計不出此而我兵深入之時尙

有濟噶等處賊人橫亘於中軍心自不免稍存迴

顧萬一首尾不能兼應所關非細况自宗喀至濟

噶一帶現有擦木地方形勢扼要賊匪尙於該處

欽定平定回疆方略

卷二十八

八

設卡據守其自濟噶以至陽布必更有險要之處
賊匪聞大兵進發豈不處處安卡設寨以爲負隅
抗拒之計我兵焉能徑行越過且濟噶等處係後
藏邊界地方此時尙未及收復又安必其直搗巢
穴一舉集事耶福康安海蘭察等久歷戎行素嫻
韜畧何未見及此卽云濟噶等處有新添賊匪併
力固守恐未能立時攻破然福康安統率如許勁

兵攻此一隅株守之賊諒不致有稽時日倘或稍有耽延亦不過畧遲數日而邊界賊匪悉數殲除俾我兵無後顧之慮自必倍加奮勇攻堅破壘爲得尺則尺之計若連得幾次勝仗奪取一二處礮卡使賊匪望風膽落卽有險要拒守之處亦必紛紛瓦解雖蕘事稍遲而成功較爲穩妥此實動出萬全良策福康安等現在熱籌進剿必有可恃然

欽定滿洲野紀畧

卷二十八

九

後可進不得存行險僥倖之見也至賊匪接奉兩次檄諭何總無一信若非嚴密設備爲負隅固守之計卽係自恃險遠並不畏懼官兵故不差人票覆使我兵無從查其虛實不敢輕進賊匪狡猾伎倆大約不出乎此福康安等益當堅持定見加意慎重斷不可稍涉冒險又十二輩班禪額爾德尼失去金冊現已飭照辦一分遇便賞給扎什倫布

尊藏著福康安先告知達賴喇嘛班禪額爾德尼以示衛護體卹之意又據孫士毅奏現奉諭旨飭令再行豫備兵三千名業已照數飭備俟前調之官兵出口後卽令陸續至爐城駐劄聽候遣調等語屯土兵丁先後派赴西藏者已有八千餘名所剩俱係老弱無用自應卽於川省綠營官兵內就近挑取照數豫備但現在索倫達呼爾兵及前調川

欽定滿洲野紀畧

卷二十八

十

兵三千名想俱陸續抵藏合之從前派調之兵已有一萬三千名兵力不爲不多此項豫備兵三千名福康安是否尙須檄調亦在未定著諭孫士毅卽飭令帶領將弁等赴爐駐劄聽候一俟福康安咨調信息到日卽令起程赴藏以期早到一日卽軍管早收一日之用

同日福康安又奏言竊

臣 欽奉

諭旨以從前巴忠會奏及達賴喇嘛人甚老實與人
談論俱不能明晰一木訥無能之人於衛藏事務
恐難料理裕如卽前日召見都司嚴廷良詢問達
賴喇嘛爲人所奏與巴忠大概相同等因臣 福康
安在京時卽聞達賴喇嘛木訥無能過於誠實
不特巴忠所言如此凡曾至西藏之人無有稱
達賴喇嘛聰慧者及臣 到藏時與之接見言語
之次極知感激

欽定廓爾喀紀畧

卷二十八

十一

聖恩歡忭情形實屬至誠流露臣 復宣示

聖主保護黃教輯寧衛藏之意令其辦理烏拉糧石
等項達賴喇嘛卽督率濟隴呼圖克圖及各呼
圖克圖大喇嘛噶布倫等添辦糧石帮出烏拉
極爲踴躍因軍營需用鉛藥砲位卽將布達拉
存貯火藥鉛子砲位全數交來臣 等派員前赴

貢布等處試辦火藥需用砲筋達賴喇嘛聞知
卽將所有砲筋運往配製現因巴圖魯侍衛等
及索倫達呼爾兵丁需馬較多將來進勒時過
盡賊境險隘地勢稍平正資馬力馳驟臣 在前
藏挑買好馬一百匹暨鄂輝所買馬匹尙恐不
敷更換西寧騎來馬匹趨程疲乏不能立時僦
養臚壯原擬在後藏添買馬數百匹因番民避
痘遠出零星居住派員採買恐致擾累復寄知
達賴喇嘛及濟隴呼圖克圖商辦茲據稟稱前
後藏地方可辦馬一千匹並遣人攜銀三萬兩
赴青海蒙古番族地方買辦馬匹以供軍營進
剿及凱旋時騎用可見達賴喇嘛感
恩圖報凡有交辦事件無不急公趨事並非不曉事
務者可比卽前次廓爾喀滋事時達賴喇嘛以

欽定廓爾喀紀畧

卷二十八

十三

巴忠及丹津班珠爾所辦冒昧不應許銀贖地
達賴喇嘛之意以賊匪貪狡無厭若不示以懲
創恐有反覆所見甚正曾經據實具奏臣復聞

達賴喇嘛言及巴忠過藏時勸令進勦並云我
是出家人原不應力勸進兵傷害生靈但因廓
爾喀不信佛法意在欺凌恐黃教從此衰微所
以力主進兵除去邊患方可保全黃教等語細

欽定廓爾喀紀畧

卷二十八

五

加詢訪藏內人等皆言達賴喇嘛實有此語是
此言尚在許銀說和之前並非因商上給銀意
存吝惜始行阻止且丹津班珠爾等許給銀兩
辦定後稟明達賴喇嘛當將銀兩給還及藏內
未將次年銀兩付給廓爾喀不允達賴喇嘛以
此事終非了局恐滋事端復派堪布喇嘛托格
穆特等備帶元寶一百五十個前往講論撤回

合同承斷葛勝亦係商上給發並無斬惜之意
從前不願說和之說尚非爲財物起見卽如屯
練兵丁皆係深信佛教各兵一到前藏卽叩謁
達賴喇嘛當經達賴喇嘛傳令一一進見爲其
跋涉遠來用好言撫慰每兵各給銀一兩昨據
岱森保稟報索倫兵丁三百名行抵前藏帶領
至布達拉叩見時達賴喇嘛以索倫兵丁調來

欽定廓爾喀紀畧

卷二十八

十四

更屬遙遠又按名給銀一兩護身佛一尊彰噶
一個阿幾蘇一包達賴喇嘛因此次蒙
恩派兵前來保護西藏僧俗逐名給與銀兩連後起
索倫屯土各兵計算所費亦及八千餘金外番
素習雖多見小然自臣到藏後屢向達賴喇嘛
敬宣

聖訓佛法以虛無爲宗施捨爲重財帛貨幣皆身外

之物不容怪守達賴喇嘛敬聆之下頗能領會
是以臣每次布施俱以自備物件從優送給而
達賴喇嘛送臣之物除銅佛藏香外其餘概不
收受達賴喇嘛知臣勸勵之意凡遇採買牛馬
辦糧糈兵等事需用銀兩從不稍存吝惜臣詳
察達賴喇嘛爲人明白賦性真誠心有計畫藏
而不露惟相貌實屬不揚言語稍覺遲鈍外人

欽定歸降喇嘛紀畧

卷二十八

十五

不知底裏遂以爲老實無能品評殊爲失當臣
自到藏以來隨時留心體察衆論竟不足憑臣
查唐古忒番民本屬軟弱又因久享昇平從未
經事一遇賊匪怯懦張皇不能抵禦前聞藏內
派調出兵應役番民退縮不前又風聞塔布喇
嘛羅卜藏根敦自達賴喇嘛幼年跟隨至今最
爲達賴喇嘛信任管事聲名頗屬平常臣抵藏

後即向達賴喇嘛濟嚨呼圖克圖等反覆剴切
開導告以此次大兵進剿全爲輯寧藏地軍興
所需悉皆侵給價值毫不累及番民屢次詳述
聖恩多方鼓勵並傳見羅卜藏根敦觀其人頗有才
具本係可與爲善之人隨即宣布

聖主恩威明示賞罰嚴行駕馭並向達賴喇嘛詳悉
告知達賴喇嘛感激

欽定歸降喇嘛紀畧

卷二十八

十六

天恩矢誠報効督率衆喇嘛認真辦事羅卜藏根敦
自經臣飭諭之後尤爲奮勉事事認真出力番
目番民亦皆知所激勸力改疲玩積習挑派番
兵時並有自告奮勇者看此情形達賴喇嘛尙
知感激

恩慈率領衆喇嘛及唐古忒人等加以振作其非魯
鈍無能卽此可証又如藏內商買賣向來達

閏四月初六日甲戌

上命軍機大臣傳諭福康安海蘭察惠齡曰此時岱森保等計已行抵後藏烏什哈達所帶索倫兵丁及其餘屯土各兵亦當陸續踵至福康安等現在自必統率大兵相機進剿但喇特納巴都爾及巴都爾薩野先經鄂輝等檄諭復經福康安發檄誘降賊匪接奉兩次檄諭後何以竟不差人稟覆若

欽定廓爾喀紀略 卷二十八

大

非賊人自恃險遠不知畏懼官兵抑係因濟噶一帶之賊日久未見官兵進剿陽布相距更遠大兵一時未必遽能直搗巢穴或疑福康安等亦不過與鄂輝等伎倆相同不敢深入屯留邊界意存和息將就了事敢為此遲延觀望之計亦未可定福康安惟當遵照節次所降諭旨先將濟噶絨轄兩處之賊剿滅淨盡廓清邊界使大兵深入免致後

賴喇嘛及管事喇嘛噶布倫等置買物件多占

便宜臣在前藏時因行李未到將

恩賞銀兩買辦備賞之物俱照時價從優給與俾沾

餘潤達賴喇嘛聞知亦即公平交易並令管事

喇嘛及噶布倫等不得賤價買物眾皆遵奉約

束積弊頓除商賈等無不感悅可見唐古忒人

等見小貪利習氣並非不可化誨而達賴喇嘛

欽定廓爾喀紀略 卷二十八

十七

竟能身先表率留心整飭尙屬能知大體奏入

上諭內閣曰福康安奏達賴喇嘛感激朕恩將現在

進兵應需口糧馬匹火藥等項竭力捐辦且索倫

屯練各兵丁到藏俱分別贈給銀兩等件朕甚為

欣慰著加恩賞達賴喇嘛哈達一條珍珠串一掛

以示優獎達賴喇嘛嗣後於進剿廓爾喀事宜益

當實心報効以期迅速成功

顧之處至濟隴係通賊境大路賊匪在彼屯聚者較多節據福康安等奏賊人又於該處添設木柵爲固守之計福康安等統領大兵自當由此一路攻勦淨盡其絨轄一路之賊雖少亦不可不分兵撲滅以防間出滋擾著令台斐英阿幫同成德帶兵二三千名前往絨轄將該處賊匪一併殲戮無遺方爲妥善若可兩路進攻以分賊勢亦佳總在相機而行也

欽定平定縣志

卷二十八

尤

初七日乙亥福康安海蘭察惠齡奏言臣等節次

詢問賊情知廓爾喀途途險隘賊中如巴都爾

薩野沙瑪爾巴瑪木薩野等誦詐之人主謀唆

使早將濟隴擦木隘口砌卡築墻添賊拒守復

據成德探報絨轄一路亦經添切寨房樹立木

城以爲負隅固守之計是賊匪聞知大兵進勦

各處早有準備將來攻至巢穴賊匪較多更必須出奇制勝方能迅速賊事是以將濟隴絨轄兩處暫緩進勦遵照前奉

諭旨姑以檄諭誘降一俟大兵到齊卽行勦平濟隴迅搗賊巢若濟隴不能立時攻破亦卽繞道截其歸路一面帶兵徑趨賊巢賊匪見兵行神速猝不及防自必心驚膽落無暇守禦大兵一到

欽定平定縣志

卷二十八

三

或可迅奏蕩平萬一賊匪憑城固守急切不能攻克誠如

聖諭必致稽延時日徒勞兵力且聞該處城垣週圍約有數十里城門較多亦不能處處派兵攻圍或應遵

旨故留一路使之逃逸官兵於要隘地方潛爲設伏乘勢截擊勦殺更爲事半功倍臣等臨時相

機妥辦其聶拉木等處鄂輝等派駐之兵零星

分佈未免兵力薄臣等已札知鄂輝等酌量

撤出以爲進剿之用將來攻勦賊巢以前調之

兵併力直前其後路接應兵丁有續行請調川

省綠營屯兵三千名五月中即可到來以供調

遣若到賊境後再由內地調派兵丁至近亦在

川滇兩省實恐緩不濟急似毋庸再行添調致

欽定廓爾喀紀畧

卷二十八

五

滋糜費再查附近賊境各部落雖與賊匪爲讐

但總畏賊匪強梁不敢公然與之爲難作木朗

哲孟雄宗木各外番部落已藉來藏大兵聲勢

與賊打仗及攻至賊境仍復頓兵不進互相觀

望其布魯克巴部落與哲孟雄宗木俱接賊境

前經臣等發給檄諭令其發兵協剿並令副將

達音泰前往察看如該部落果能發兵該副將

卽就近帶領前赴賊境茲據布魯克巴額爾德

尼第巴稟稱布魯克巴地方與廓爾喀接壤隘

口甚多我部落久受

大皇帝重恩常思報効又恨廓爾喀不奉黃教一聞

大兵進勦卽派所有番兵分佈各處交界隘口

堵禦賊匪逃竄之路此時現存番兵有限難以

再派出征若賊首賊目逃來卽當盡數擊送斷

欽定廓爾喀紀畧

卷二十八

五

不敢容留隱匿臣等詳察布魯克巴來稟語意

尙知恭順

天朝歡擊賊匪但所稱堵截各處交界隘口已派多

兵現存兵力較少之語亦係畏怯賊勢不敢遠

至賊境進攻若將來大兵乘勝深入賊勢旣衰

之後各部落自必紛紛響應我兵未進之先恐

不能恃以集事臣等查此次進勦廓爾喀曉諭

附近各部落不過豫截賊匪逃竄之路原不藉外番兵力始能滅賊今布魯克巴祇派兵堵截隘口未卽越境攻賊若再強令助兵恐外夷以天朝賴伊兵力轉致啟其輕視之心臣等再四酌商已發檄諭知布魯克巴以爾部落地方偏小除添兵守隘之外兵力自屬不敷大兵聲威壯盛滅賊在卽毋須爾發兵協助惟當嚴守要隘堵拏賊匪以邀重賞若賊匪由爾處逃竄定將爾部落一併勦滅如此嚴切檄諭諒布魯克巴地方斷不敢縱容逸賊所有臣等派往督令發兵之副將達音泰已卽飭令仍回軍管

福康安又奏言前經臣等查出丹津班珠爾之跟役色角七哩帶回家信並無圖記恐另帶有真實家信與賊匪勾通私語奉

旨令臣嚴密查辦臣查班第達丹津班珠爾在藏管事年久族屬較大近口又聞丹津班珠爾之妻卽係沙瑪爾巴姪女恐有勾結情事時時留心防範密加防察因知班第達丹津班珠爾平日辦事不公番民嘖有煩言心懷不服斷不致爲其煽惑雖丹津班珠爾久在藏中與沙瑪爾巴串通一氣班第達玷積情殷私通信息皆屬事之所有但班第達受

恩數十餘年素仰天朝法制嚴明尙知感畏近年已輕退閒疾病纏綿竟成殘廢卽思搖惑人心亦不敢逞其伎倆現在大兵漸次到來邊界隘口堵截嚴密亦不容班第達等往來通信至前後藏番民原有畏難疲玩積習自臣到藏以來宣示

聖恩多方鼓勵均各感激奮興辦理糧運烏拉等項

不敢推諉貽誤即可爲不被煽惑之明証且

在前藏時班第達會屢次昇病來見畏懼情形

現於辭色

旨用好言撫慰隨時駕馭伊亦極爲感激此時詳察

藏地情形可保必無他慮惟是色角七哩所帶

丹津班珠爾家信何以未用圖記其中情弊應

欽定廓爾喀紀畧

卷二十八

五

卽確切查明而查辦此事又須慎密辦理不便

稍露聲色道員林偁人尙細心昨經

派赴前

藏查催軍需糧運現已遵

旨札知該道就近密查一俟稟覆到日卽行據實覆

奏再喇特納巴都爾與鄂輝等稟帖內稱從前扎

什倫布辦事的人說過後來如不依合同你們

儘管到扎什倫布來等語前據鄂輝等咨送譯

出稟帖前來卽以賊匪狡黠藉詞歸咎藏內

以見其並非無端構擿其言難以盡信及至後

藏確加詢訪皆不知有此語但其稟內明言當

時寫有字據或竟係丹津班珠爾與賊匪私立

合同內原有此語亦未可定俟掣出丹津班珠

爾時詳加嚴訊方可得實均奏入

上命軍機大臣傳諭福康安海爾察惠齡曰前此福

欽定廓爾喀紀畧

卷二十八

五

康安奏到檄諭賊匪附近各部落併力勦賊一節

朕卽以辦理太早今據奏作未明哲孟雄宗木各

部落俱各觀望不進而布魯克巴回覆之稟以番

兵分佈各隘口現存兵力有限難以再派出征亦

不免心懷畏怯此係自然之勢爾爾喀附近各部

落平日被賊匪欺凌伊等若見我兵乘勝深入自

必紛紛響應藉以報復私讐搶還侵地今大兵尙

未進剿各該部落或慮誑誘伊等與賊接仗而官兵倘如前次不進將來必受賊匪荼毒且伊等兵力本屬有限誰肯先與賊匪爲難福康安等惟當俟大兵齊集將濟隴屯聚賊匪一鼓殲擒卽乘兵威壯盛直搗陽布賊巢其時附近各部落等自必聞風響應可成破竹之勢現在濟隴賊匪諒非勦敵福康安等帶領如許生力勁兵鼓勇進攻斷無

欽定平定回疆紀略

卷二十八

七

不破之理自應先得此地再圖進取方爲正辦至繞道截其歸路徑取賊巢之計究非穩著該處山路叢雜萬一我兵首尾不能兼顧關係輕節經降旨甚明想福康安等接奉後自必熟籌盡善先將濟隴賊匪勦淨盡再行統兵深入併力攻搗賊巢一舉集事其統轄一路賊匪無多卽遵照前旨派合台斐英阿幫同成德帶兵二三千名分投

前往儘足以資撲滅又據奏丹津班珠爾之妻卽係沙瑪爾巴姪女恐有勾結情事此最應留心前此丹津班珠爾赴邊界講和卽係賊匪指名令伊前往定議甫經到彼卽被裏去安知非沙瑪爾巴與丹津班珠爾勾連一氣做成圈套否則丹津班珠爾隨帶多人何至被伊誑騙裏去且丹津班珠爾上次向廓爾喀許銀和息並非丹津班珠爾自

欽定平定回疆紀略

卷二十八

天

出已資卽此次攜帶銀兩前往備用皆係達賴喇嘛商上之物伊從中說合現雖羈留賊地將來事定仍可坐享厚賚故屢次所寄稟帖大率爲賊匪緩頰卽其家信內曾有被賊羈留受苦懇其父用銀贖回之語自係仍用達賴喇嘛商上銀兩看來此事全係丹津班珠爾與沙瑪爾巴互相勾結狼狽爲奸亟應加意防範雖據福康安等訪知丹津

班珠爾及其父班第達平日辦事不公番民嘖有煩言斷不至為其煽惑但丹津班珠爾與沙瑪爾巴既屬姻戚且久居賊中居心狡詐將來掣獲時畧加訊問即於巴圖魯侍衛章京內慎選妥員迅速解京不可令與伊父班第達及家屬見而私通信息此為最要至福康安前此奏請添兵三千後又有旨令孫士毅再備兵三千聽候調用其應否

欽定滿洲野史 卷二十八

无

需調之處並著福康安酌量行止

同日福康安又奏言前鄂輝等奏攻克聶拉木官寨帶兵出力人員奉

旨令 覆查具奏查聶拉木官寨險固賊匪併力拒守經滿漢官弁及屯土弁奮勇攻撲堵截各處隘口於上年十二月二十八日本年正月初二初八十六等日連次打仗擒殺賊目賊匪聞

挖地道燒燬賊糧至正月二十四日轟塌寨房賊匪悉就殲擒雖鄂輝成德調度未妥辦理遲延而侍衛官弁兵丁等實屬奮勇出力查閱鄂輝成德單開滿漢官九員滿兵一名巴塘副土司及降番屯練備弁十三員均屬在事出力倘無冒濫該員弁等多係 臣 所素知之人今 臣 復詳悉認真查察核其勞績量為刪減以昭公當

欽定滿洲野史 卷二十八

无

內除遊擊張占魁前經奉

旨記名以叅將陸用應毋庸議外驍騎校塔清阿阿朗阿把總劉永清雖屬奮勉但較張占魁等出力稍次此時毋庸陸等賞翎其都司什格蒲益章請賞花翎巴塘土舍策旺諾爾布巴塘行營土外委阿扎請賞藍翎俱未免稍優應請將什格蒲益章二員賞戴藍翎策旺諾爾布阿扎二

員各賞假一疋已足示優其餘滿漢官三員滿
兵一名巴塘副土司及降番屯練備弁十一員
及拔補出力綠營屯土弁兵等請仍照鄂輝成
德原奏分別獎擢奏入

上諭內閣曰前據鄂輝等奏請將攻勦拉木官寨
賊匪在事出力人員分別獎賞一摺人數過多恐
不無冒濫等事當經降旨福康安查明實在出力

欽定廟方略紀事

卷二十八

五

者據實具奏以昭公當茲據福康安查奏前次叢
拉木官寨據守賊匪經官兵攻撲堵截悉就殲擒
侍衛官兵等賞賜奮勇出力除遊擊張占魁業經
奉旨以叅將陸用應毋庸議驍騎校塔清阿阿朋
阿把總劉永清出力稍次此時無庸陞賞外其餘
員弁兵丁仍請分別獎擢等語著照所請都司張
志林千總尤漢玉俱著加一等陸用副都司成勳

欽定廟方略紀事

卷二十八

五

春丕勒著賞給匪勒丹巴圖魯名號土都司都魯
斯達拉著賞給喀達布巴圖魯名號土守備生根
普賞給碩克巴巴圖魯名號仍照例各賞銀一百
兩屯千總阿庫守備申扎朋俱著賞戴花翎都司
什格蒲益章候補守備馬登朝兵丁崇喜行營都
司雍忠折里守備阿咱納千總肖朋阿凱木賴把
總楊忠俱著賞戴藍翎土合策旺諾爾布土外委
阿扎著各賞假一匹以示鼓勵

同日和琳奏言臣前過川省時面晤孫士毅卽
詢以現在運送一切軍需數目及沿途各站辦
理烏拉情形據孫士毅逐款相告並將添派文
武職名撥運軍裝火藥錢糧各數目開單移送
前來臣出口後留心稽察見牛馬馱載人夫背
送者絡繹不絕於道一面催令趕緊行走並接

見護送員弁及臺站糧員問以牛馬人夫背馱
 輕重每日行程若干如何更換烏拉不致耽擱
 之處據稱牛馬皆係各土司營官備辦照例給
 價自去秋至今來往日久率多疲乏故亦間用
 人夫背運每二名抵牛馬一匹經孫署督飭令
 設法籌備不時委員查催現有烏拉皆係奉文
 添辦計人夫日行二三十里不等牛馬日行四
 五十里不等且每起軍需不能一齊到臺須等
 待齊集方可發給烏拉各等語查自打箭爐至
 前藏五千餘里似此行走勢須四月餘方能抵
 藏現在福康安等正當領兵深入尅期擒賊之
 時雖藏內已有火藥鉛彈運至後藏尙不致缺
 乏但軍火錢糧寧可有餘不容稍有不足今復
 奉

欽定廟方略紀畧

卷二十八

聖

恩旨將前藏以東臺站烏拉交臣督率統理臣前會
 與孫士毅札商意欲嚴立章程以專責任今自
 藏界南墩以西經福康安與達賴喇嘛等札商
 作為五十四站每站添牛三百隻受屬照例給
 與價直自可較前加速然以臣耳目所及現在
 情形若牛馬僅行四五十里即每站再有三百
 隻亦難期迅速莫若立定期限險阻之區每日
 限行八十里平坡之路每日限行九十里凡一
 起軍需到站不必俟其齊集各臺文員立即分
 派烏拉武職撥兵護送隨到隨行下站查明時
 日折算限期如有認真出力於限內多趕里數
 者或有催趨不力違逾限期者俱責令總理臺
 站道府據實查明申報臣等分別獎賞抑或責設
 各臺員辦給烏拉通融擬用人夫駢員能為驢

欽定廟方略紀畧

卷二十八

聖

使亦照牛馬期限賞所不禁或竟有違限過多
一經查出除微末員弁從嚴究辦外其沿途總
理道府副參遊擊等員亦應一併嚴參治罪本
日接據巴塘稟報有運送火藥鉛丸弓箭三起
委員到站皆係人夫背運尚未到齊等語_臣因
立法之初卽此可以試驗必得親身經理竹巴
籠距巴塘九十餘里當卽馳回率領臺員將備

欽定廓爾喀紀畧

卷二十八

五

將先到者分載催行嚴諭委員務須按限行走
並飛飭前途臺站一體遵照辦理_臣隨路查察
自可驗其勤惰因見巴塘土司吹忠札布告以
西藏所屬喇嘛第巴等現在添辦牛隻之事該
土司自稱久受

國恩常思報効懇請多方搜覓亦照西藏所屬除現
備烏拉之外情願添備三百隻伺候受雇_臣卽

面加褒獎從優賞資_臣思巴塘土司既可勸勉
從公裏塘明正兩司亦同一例孫士毅現在爐
城當將辦理各緣由飛咨該督想孫士毅急公
更事自必益臻妥協

和琳又奏言_臣於本月十七日自巴塘起程行
抵公拉地方適遇扎薩克喇嘛噶爾桑丹吉等
解到竊_臣出京時恭請

欽定廓爾喀紀畧

卷二十八

五

聖訓經

皇上看出鄂輝等所譯丹津班珠兩家信二封並無
圖記或另有蓋用圖記之信寄回家內鄂輝等
爲其所愚卽丹津班珠兩信內所稱前此扎薩
克喇嘛回藏帶去之信因路上患病一併燒燬
之語亦恐藉詞掩飾

諭令福康安留心確查並令_臣一體詳察茲適途遇

該喇嘛臣即將燒燬書信一節向其訊問據稱

中途患病屬實至今未會全愈自廓爾喀帶回

書信亦實有四封係丹津班珠爾稟達賴喇嘛

一封給衆噶布倫一封班第達家信一封玉托

噶布倫家信一封俱於去年十二月初九日交

給鄂大人臣復詰以丹津班珠爾身邊帶有圖

記圖被廓爾喀搜去你所帶四封信內是否印

欽定廓爾喀紀畧

卷二十八

五

有圖記復據供我帶回四封書信皆有圖記等

語臣思前經

聖明指出無圖記書信係跟役色角七里寄出者是

以信內有前此扎薩克喇嘛害病連書信都燒

了之語今噶爾桑丹吉等所供帶回書信未會

燒燬於去年十二月已經交給鄂輝且係四封

數目亦不符合不知鄂輝等譯出進

呈者卽係噶爾桑丹吉所帶抑係色角七里等所

帶臣於途次亦不能詳細究問已飛咨福康安

詳悉查對的實統容臣赴前藏再當嚴密訪察

另行

奏報再查看噶爾桑丹吉布爾泰二人言語神情

率多閃爍且在賊境與丹津班珠爾玉托噶布

倫一同居住今獨放此二人回藏據供並有護

欽定廓爾喀紀畧

卷二十八

五

送之人難保不與沙瑪爾巴巴都爾薩野等狼

狽爲奸不日押解爲是一經研訊自不難水落

石出均奏入

上命軍機大臣傳諭和琳孫士毅曰軍火錢糧關係

緊要今經和琳酌立限期分別懲賞自可期迅速

無悞但口外烏拉俱係各該處土司出派受雇與

內地民夫情形不同內地民人運送糧餉等項尚

有臨時觀望不聽約束者何況此等士民本屬野性難馴若過於嚴緊或致躲避不前並別滋事端轉爲未妥自應善爲招集酌加獎賞然賞賚亦當有節制不可過優倘過於優厚伊等貪得無厭不特難乎爲繼且不足以見恩於事轉屬無益著傳諭和琳孫士毅一體留心妥協經理賞罰得當務使士民等知所懲勸聞風爭赴以期軍火錢糧源源

欽定廓爾喀紀畧

卷二十八

五

源接濟不致遲逾滋事方爲妥善至巴塘土司吹忠扎布請照西藏所屬於現在烏拉之外添備三百隻伺候受雇該土司急公報効殊屬可嘉業經和琳獎賞著孫士毅再傳旨賞給大綬二匹以示鼓勵又據和琳奏查訊解京之扎薩克喇嘛前此丹津班珠爾帶回家信一節據供我帶回四封書信俱有圖記等語鄂輝等呈進各書信內有丹津

班珠爾玉托噶布倫二人家信未用圖記恐有改換情弊是以諭令查明具奏今據扎薩克喇嘛供所帶書信俱有圖記因思前此鄂輝等呈進書信其有圖記者俱係蓋用封面之上其丹津班珠爾玉托噶布倫二人家信俱無封面或係鄂輝等於呈出時先行開看將此二信封面拆去是以並無圖記亦或另有別情均未可定現在福康安正在

欽定廓爾喀紀畧

卷二十八

四

進兵勦賊此等事務毋庸交伊查辦致令分心鄂輝督催糧餉往來巡查著和琳於鄂輝到前藏時面爲嚴切詢問據實具奏

欽定廓爾喀紀畧卷二十八

欽定廓爾喀紀畧卷二十九

閏四月十六日^甲福康安海爾察惠齡奏言^臣

等節奉

諭旨以前諭哲孟雄宗木等部落進攻賊境所辦畧
早又以鄂輝等派防邊界官兵零星散布爲數
太多

諭令於聶拉木濟隴兩處駐兵防守其餘路徑俱不
欽定廓爾喀紀畧卷二十九 一
必分兵堵禦仰見我

皇上睿慮周詳洞中機要伏思廓爾喀賊匪久恃強
橫侵佔隣封地界寬廣東面一帶自記拉里雜
布等處以至宗木西界久被佔據乾隆五十四
五年間復侵佔哲孟雄地方距前藏邊界較近
經達賴喇嘛派委龜羅定喀齡等二人前往帕
克哩作爲管官駐守防禦該管官聞大兵進剿

之信因哲孟雄宗木人心不附賊匪卽率同該

兩處頭目與賊打仗攻取地方及^臣福康安到

前藏時以該管官同哲孟雄宗木頭目打仗殺

賊奮勇可嘉發檄獎諭優加賞資旋復據該管

官稟報協力剿殺已將宗木哲孟雄被佔地方

大半收復^臣福康安以該部落與賊接壤既能

勇往殺賊卽諭令乘勢相機直入賊境原因賊

境西北有作木朗部落發兵攻賊而賊境東北

又有宗木哲孟雄部落與之爲難使賊匪東西

抵禦疲於奔命賊勢旣分大兵乘勢進剿直搗

巢穴卽賊匪併力抗拒亦無暇抄截我兵後路

雖各部落番民素被賊匪欺凌不過乘大兵聲

勢藉以報讐亦未必能爲我先驅恃以集事然

以之牽綴賊兵堵擊逸匪或可稍資其力^臣等

祇就一時形勢籌辦並未通盤籌畫今蒙

聖明指示曠若發蒙查宗木哲孟雄兩處俱係自爲部落服屬達賴喇嘛並非藏內地方遇有更換

頭目亦係自行承襲不由達賴喇嘛補放該二

處在前藏之帕克哩邊外由帕克哩徑至前藏

與後藏之聶拉木濟隴等處東西相距甚遠上

年賊匪滋擾後藏並未從帕克哩進口現在宗

欽定廓爾喀紀畧

卷二十九

三

木哲孟雄頭目等於收復地方後各守邊界與

賊相持未能即時進剿帕克哩管官等亦因賊

境天氣炎歎不能受熱仍回至帕克哩駐守俟

大兵至賊境之時臣等再檄諭該管官頭目等

約期進剿並傳

旨獎賞俾伊等爭先効順感激奮興於勦捕機宜更

爲有益至聶拉木濟隴絨轄等處邊界探得均

各添有賊匪拒守分據要隘賊匪自我兵收復

聶拉木之後心懷畏懼恐滅亡在即每於通往

賊巢路徑竭力抗拒處處隄防我兵分路進攻

固可互相策應但從前所調揆防兵丁及頭二

三起屯土兵及索倫達呼爾兵合計不及萬人

續調川兵及沃什黨壩屯兵到藏須在五月底

祇可俟進至賊境後留爲後路接應不能待其

欽定廓爾喀紀畧

卷二十九

四

到齊始行大舉臣等再四熟籌惟有進兵之時

先於聶拉木等處酌派熟諳領隊大臣及

乾清門侍衛巴圖魯侍衛章京等帶兵前往作爲

偏師以分賊勢而臣等會合大兵由濟隴直入

我兵一面奮勇進攻痛加殲戮一面卽繞山陔

險迅搗賊巢濟隴屯聚之賊腹背受敵顧此失

彼無難一鼓殲擒聶拉木等處賊匪聞知濟隴

屯聚之賊已經蕩掃無遺大兵直趨陽布自必
膽落心驚不敢自蹈窮蹙道路既通之後則派
往聶拉木等處偏師亦可乘勢直前與大軍會
於陽布再廓爾喀尚有舊巢穴在陽布之西
相距六日路程進攻陽布時先應截其歸路我
兵進至陽布卽於帕克巴辛昆一帶扼據設有
賊酋等窺逸斷不能獲出官軍之後遁回舊巢

欽定廓爾喀紀畧

卷二十九

五

所有後路要隘及總匯地方祇須於濟隴聶拉
木定結第里浪古等處派委要員酌留勁兵攙
入唐古忒番兵協同防守已可杜其抄截之路
若其餘通賊處所隨處留防零星分布誠如

聖諭豈有一兵禦一賊一將堵一隘之理臣等恭稟
睿謨相機調度當思以少擊衆衆入賊巢斷不敢以
有用之兵置之無用之地前經臣等奏明將邊

界防禦各兵量爲撤出養其銳氣作爲征兵目
下索倫達呼爾兵丁到後藏已及大半其未起
兵丁約計月內到齊袁國瓚所帶三起德爾格
等處屯兵三千名約計閏四月中旬亦可全到
一俟各兵齊集臣等卽行帶領進剿迅速奏捷
仰慰

聖懷奏入

欽定廓爾喀紀畧

卷二十九

六

上命軍機大臣傳諭福康安海蘭察惠齡鄂輝和琳
曰福康安等前次檄諭未免失之太早節經降旨
甚明現在所調換防及屯土並索倫達呼爾兵已
及萬人其德爾格等處屯兵此時亦已到齊福康
安等自必統領前進將濟隴屯聚賊匪一鼓殲擒
卽乘兵威壯盛直搗陽布賊巢其時附近各部落
等自必當聞風響應爭先効順屆時再行檄諭約

期進勒加以獎勵賞資自可成破竹之勢又據奏
聶拉木濟隴絨轄等處賊匪添人拒守分據要隘
福康安等進兵時擬先於聶拉木等處酌派巴圖
魯侍衛等帶兵前往作爲偏師福康安等會合大
兵由濟隴直入攻勦等語所辦俱好賊匪等雖據
守要隘抵死抗拒諒非勦敵福康安等帶領生力
勁兵鼓勇先登無難立時攻破而聶拉木一帶又

欽定平定回疆方略

卷二十九

七

有巴圖魯侍衛等分路進攻使賊匪腹背受敵自
必望風膽落不攻自潰再據奏廓爾喀尙有舊居
巢穴在陽布之西大兵進攻陽布時先行截其歸
路要隘止須於濟隴聶拉木定結第理浪古等處
派員留兵與番兵協同防守已可杜其抄截之路
等語所辦已得其要惟思大兵進勦陽布時聲威
壯盛賊匪自必併力死守冀圖延喘該處係屬賊

巢且有城垣礮寨若賊匪悉力固守自較聶拉木
爲甚我兵徒恃圍困轉致稽延時日自不若於攻
圍時將其城門故留一面示之以隙使其乘間逃
逸我兵先於隱僻處所潛設埋伏趁賊匪逃竄之
時出其不意乘機掩擊實爲事半功倍朕又思賊
匪在濟隴一帶屯聚近添人拒守其所資口食自
須由賊巢運送即將來圍困陽布其糧石自必由

欽定平定回疆方略

卷二十九

八

他處齎運若能酌派官兵繞出賊後絕其餉道或
將水道一併斷絕俾賊人困於饑渴束手待斃此
亦制勝之一策再我兵進勦糧運關係緊要節據
福康安等奏現辦糧石牛羊等項足資萬餘人年
餘之食但祇係籠統計算其濟隴以內本係藏地
自可按程運送源源接濟至濟隴以外至陽布賊
巢及官兵跟蹤進勦處所軍行糧隨其如何籌辦

運送之處總未據福康安等分晰具奏雖大兵進
 剿原可因糧於賊但究不可恃卽兵丁裹糧而往
 豈能多帶且兵丁等俱係步行各有攜帶軍械火
 藥及衣裝等項已屬累重若再令裹帶口糧每兵
 所帶至多不過一月之糧軍糧爲衆兵托命設接
 濟稍有稽遲兵丁或以枵腹爲虞衆心卽不免觀
 望亟應先事預籌方可有備無患所有濟隴以內

欽定平定回疆方略

卷二十九

九

糧運烏拉等事節經降旨令和琳在藏督辦鄂輝
 往來校織催查但伊二人所辦同係一事斷不可
 稍分畛域致滋推諉務須互相商酌彼此關照兩
 人共事如同一人若和琳在藏駐劄時鄂輝卽沿
 途催查趨運如鄂輝回至前藏和琳卽赴後藏至
 濟隴一帶督率催查總期軍糧轉運迅速無悞至
 濟隴以外鞭長莫及非伊二人經理所能周到今

思惠齡本係叅贊固應同將軍等統兵督勦但惠
 齡運籌調度自不如福康安而衝鋒打仗亦不若
 海南察自當用其所長所有濟隴以外及大兵所
 到地方需用軍糧竟著惠齡專辦不必同福康安
 等帶兵前進伊身爲叅贊又係本省總督一切呼
 應較靈惠齡酌量情形或設法滾運或於適中

欽定平定回疆方略

卷二十九

十

處所儲備應用俟福康安知照隨時運送如福康
 安等在賊境獲有糧食或尙不敷用應需若干卽
 可照數陸續運往以資接濟惟在惠齡熟籌妥辦
 俾無缺乏軍糧關係緊要恐惠齡一人照料難周
 著福康安於巴圖魯侍衛章京內如額爾登保者
 酌派二員並派綠營兵三五百名留彼隨同防護
 更爲妥善將來大功告竣惠齡轉輸之功卽與戰
 勝之功無異朕必與福康安海南察一同加恩並

不因伊未會督戰稍存歧視惟自濟隴以外設有缺缺則惟惠齡是問該督務須酌籌盡善俾軍食有資方爲不負委任

同日鄂輝奏言查前後藏籌備兵糧先經臣飭辦

七萬餘石福康安到藏後又飭噶布倫等陸續

再辦二萬石可磨出糶糶十二萬六千八百餘

石足供二萬人年餘支食現在炒磨運交不虞

缺乏惟近日後藏以至邊界牛馬易染瘟疫倒

斃頗多各站添雇人夫背運尙能迅速即日大

舉采入濟隴聶拉木以外多有牛馬不能行走

之處現擬酌雇番夫轉運惟查五十三年案內

臣等先由脅噶爾第里浪古一路進兵維時通

拉山早爲大雪封阻因由濟隴繞至聶拉木道

路實屬紆迴今聶拉木糧運馬塘均由通拉山

欽定鄂爾喀紀畧 卷二十九

十二

大路行走便捷已多而濟隴一路須自拉子分

路經由昂哩喇嘛寺至宗喀道路較平柴草尙

覺便易是以馬塘由此另爲添設以資迅速馳

遞摺報臣親往前途躡看自拉子至宗喀八百

五十餘里共安糧臺十九站較之五十三年由

脅噶爾一帶安至宗喀更爲捷近業經派委糧

員前往管理各站現有人夫牛隻源源滾運兩

路兵糧可期無悞

同日孫士毅奏言前奉

諭旨令將添備兵丁三千名迅速赴藏飛札各標營

將已經挑選兵丁飭令將弁尅日管帶起程聽

臣點驗出口嗣各官兵抵打箭爐臣將綠營兵

弁二千五百名分爲五起間日行走自四月十

七日起已全數出口完竣其瓦寺沃什黨壩等

欽定鄂爾喀紀畧 卷二十九

十三

慮土兵五百名卽令懋功協副將王永勳管領

從章谷一帶草地由察木多大路赴藏統領總

兵朱射斗一路督率催趨前行時屆夏令口外

冰雪漸已消融臣前接和琳來咨嚴定賞罰以

期轉輸安速臣現在參酌辦理總冀較前加捕

其各臺應備烏拉臣節次恭飭總理道府暨

各臺員寬爲預備并多派幹練人員分段催趨

欽定簡略紀畧 卷二十九

三

一俟官兵到站卽刻應付前進聽候福康安派

撥應用至遵

旨額外續派官兵三千業據具報自營起程出月初

旬亦可抵打箭爐臣已飛咨福康安如尚需兵

力卽速却會以便飭令總兵彭承堯寇期統領

出口庶各兵早到一日卽早收一日之效均奏

入報

聞

十七日 乙酉

上命軍機大臣傳諭福康安海南察惠齡曰昨據福

康安奏籌辦進剿事宜摺內稱聶拉木濟隴統轄

等處邊界探得均各添有賊匪拒守分據要隘等

語殊不可解前此賊匪在聶拉木逗遛屯聚節據

鄂輝成德等奏報帶兵攻圍將聶拉木官寨賊匪

欽定簡略紀畧 卷二十九

十四

勦殺焚燒殲除淨盡其事辦至一月之久鄂輝等

張大其詞將帶兵人員開列多名懇請加恩竟似

奏捷成功成德復於該處派兵擊卡四處防守是

聶拉木地方賊匪早已殲除且新設防禦堅固何

以此時賊匪又在該處添人拒守則鄂輝等從前

帶兵收復勦淨賊匪者何事殊不可信且官兵在

彼挾卡防守豈有任聽賊匪添人前來分據要隘

不行勦捕之理或係賊匪於聶拉木以外通往賊巢路徑添人拒守而摺內聲敘未經明晰亦未可定著福康安等卽將聶拉木何以添有賊匪拒守究在何處地方詳晰查明據實覆奏

同日孫士毅奏言竊查自打箭爐至前藏距程五千三百里道里木長加以山嶺崎嶇烏拉易致疲乏轉運軍火軍餉等項未能尅期迅速經

欽定廓爾喀紀畧

卷二十九

十五

臣前次飭委建昌道徐長發候補知府李憲宜總司催趲又復多派幹練正佐沿途督催趕運前此番民各以牛馬受雇充當烏拉察看尙覺踴躍迫閏時已久烏拉既多例斃入春後察木多一帶染患牛病番民亦復出痘稍形踴躍昨接福康安來札知前後藏情形與察木多亦復相似臣查口外俱係番民喇嘛不能如內地夫

役遵守一定章程其情形往往隨時更變臣嚴

切飭諭總查道府等員只期實於軍務有濟許

令隨時酌辦不必拘泥成例而該道府等遇有

不得主見之處必須具稟請示一往返間動輒

經旬往往不免遲悞若臣就近在彼斟酌調度

遇事隨到隨辦一切官兵以及軍火軍餉等項

自不難加緊趕行查口內發運軍火及解藏軍

欽定廓爾喀紀畧

卷二十九

十六

餉等項爲數已屬不少因察木多以外俱係遠賴喇嘛所轄烏拉掣肘到營尙未及半現在大兵雲集卽須統兵采入一切軍火軍餉等項必須事事應手方可迅速藏功臣雖駐劄打箭爐距現在軍營已及七八千里若福康安督師前進則相距愈遠萬一轉運稽延致有遲悞所關匪細臣再四籌策惟有帶領幹練正佐前赴

察木多駐劄親身督辦加緊趕運在各番民喇

嘛見臣遠臨口外自必咸知出力而各臺員因

臣耳目較近更加儆懼自必竭力辦公不敢稍

存遺縮臣就近多方設法將撥解軍餉軍火等

項以及軍營所需迅速趕運似於軍務大有裨

益省城現有提督觀成副都統佛智并藩臬兩

司足資彈壓惟打箭爐爲出口總匯要區必須

欽定廟爾喀紀畧

卷二十九

七

明幹大員駐劄料理查有川東道王啟焜臣於

三月中旬回省趕辦秋審

奏明由省調來打箭爐代辦出口事宜該道在川

年久從前曾承辦金川軍務最爲熟諳軍需請

旨將王啟焜留駐打箭爐一切出口事宜儘可責成

經理臣在川業經兩任所有僚屬軍民頗皆倚

信如此妥爲布置口內口外均可聲息相通呼

應較靈恭候欽奉

硃批到日立即束裝帶印出口臣到察木多即駐劄

該處斷不敢再行前進以便適中之地前後皆

可照料再查現在口外總理臺站只有建昌道

徐長發候補知府李憲宜二員未免顧此失彼

除寧遠府知府符兆熊臣先已飭令馳赴出口

往來督辦遇有烏拉掣肘處所設法招募迅速

欽定廟爾喀紀畧

卷二十九

十八

趕運外臣恐口外道路較長尙有鞭長莫及之

虞查有雅州府知府沈運在川年久熟諳軍務

辦事幹練勤能不辭勞瘁打箭爐地方卽係該

守所轄於口外情形尤稱熟悉臣現亦派令帶

印出口分段督催則口外總理臺站已有道府

四員辦理益可不虞交結素入

上命軍機大臣傳諭孫士毅鄂輝和琳曰孫士毅奏

打箭爐至前藏道里遼遠軍儲等項未能尅期迅速請帶領幹員親赴察木多駐劄督辦此時福康安等正在集兵進剿軍儲最爲喫緊朕正爲此繫念今孫士毅移駐察木多親身督辦呼應既靈而承辦之員亦可隨時稟商聽候調度一切糧餉等項更可迅速趙行事事應手孫士毅不辭勞瘁實心經理殊屬可嘉著仍賞戴雙眼花翎并賞大小

欽定平定回疆紀略

卷二十九

十九

荷包以示優眷口外地方烏拉等項俱係各該處土司出派受雇非內地民夫可比若過於嚴緊或致躲避不前轉有遲悞惟在寬猛得宜善爲招集想孫士毅自能辦理協宜俾土民等聞風爭赴踴躍趨事也至軍行需用糧餉等項由川省至察木多有孫士毅在彼督辦自可不致遲悞其自察木多以西由前後藏至濟隴以內地方昨已有旨令

鄂輝和琳無分畛域彼此輪往照料伊二人務宜同心合力經理妥善今孫士毅駐劄察木多相去較近一切更可知會商辦又據孫士毅奏請將道員王啟焜留駐打箭爐責成經理等語王啟焜經孫士毅委辦出口各事務甚爲出力自應留駐打箭爐俾資照料並著加恩賞戴花翎用示鼓勵其先派往之道員林備及所奏徐長發經孫士毅派

欽定平定回疆紀略

卷二十九

二十

往口外總理臺站該員等是否實能出力著孫士毅察看如果辦事奮勉卽傳旨一體賞戴花翎俾其益加感勵

十八日

丙申

勒保奏言竊照福康安等奉

命前赴後藏進剿廓爾喀諒此么磨小醜不日大兵雲集卽可迅奏膚功但軍營馬匹最關緊要

臣

聞衛藏地方馬匹稀少而川省所產之馬骨格

高大者亦屬難得前次福康安暨各起官兵由西寧出口雖經預備馬匹騎帶前往但正值天寒草枯之時行走迅速長途不無斃斃且到彼均已疲乏恐一時未能得力因思甘省地方馬匹尙易購辦臣受

恩深重未能圖報萬一又不克親赴軍營勉効馳驅

情願捐辦馬五百匹解赴軍營應用稍抒忱悃

欽定廓爾喀紀畧

卷二十九

五

惟軍營正值進兵之時如俟採辦齊全再行解

送未免稍需時日且恐未能得一律騰壯者查

得臣督標暨附近之固原提標河州西寧等鎮

標在槽肥馬尙多如蒙

聖恩俞允臣卽在就近各標內先行借備應壯馬五

百匹立即派員趕解前往臣隨後購買足數分

還各營事屬妥速而於標營騎操亦無妨礙惟

是青海一路冬夏均屬難行前設臺站業已遵旨捲撤口外地方絕無人烟此項馬匹斷難行走且經過各該番子地界亦甚不放心自應由四川大路解往較爲妥協所有自甘省起至四川成都省城所需解員盤費馬匹草乾等項均由臣

捐備銀兩交給委員帶往沿途購買餵飼不敢

動支公項惟馬匹衆多恐解員照應難周俟奉

欽定廓爾喀紀畧

卷二十九

五

旨允准後卽飛咨陝西四川督撫各臣轉飭經過各

該地方多撥夫役官爲照料前進其自成都出

口以至軍營均係口外地方各處臺站俱非臣

所屬甘省委員人地生疎難以管解擬將馬匹

交與督臣孫士毅查收另行派委員弁轉解前

往約計此項馬匹出打箭爐以後正值水草茂

盛之時自可不至落騰而大兵進勦添此一起

馬匹於事亦不無裨益奏入

上命軍機大臣傳諭勒保曰勒保奏請捐辦馬五百匹解赴軍營應用一摺全無實濟所謂能言而不能行此項馬匹解赴軍營須由四川打箭爐前赴衛藏復由衛藏解至軍營程站寫遠馬匹在途行走勢不能不多延時日福康安等進勤賊匪斷無俟此項馬匹騎用再行進兵之理卽馬匹解到軍營福康安等大功想已告竣是此項馬匹竟屬無用尤爲多此一舉勒保豈不計及道路情形及行走日月耶抑明知其無及而姑爲是言耶况由成都省城以至打箭爐出口後在在皆崇山峻嶺路徑險窄卽四川各營馬匹尙因山路難行鞭長莫及未經調赴軍營若由甘肅解赴四川又由四川出口解至軍營路途更爲遙遠計馬匹行至成都

卽不能保無疲乏况出口後疊經山路更安能長

耐勞苦卽如昨冬福康安等由青海一路行走所騎馬匹途次尙有更換行抵前藏已多疲乏難以騎用且打箭爐以外至衛藏一帶跬步皆山俱係磽瘠之區水草缺乏尤非西北口外有游牧處所者可比以五百匹馬經行該處必至缺於餵養現在打箭爐以外運送軍糧火藥等項所辦烏拉尙多掣肘而勒保摺內據稱此項馬匹自甘肅起至成都所需解費草乾等項俱係勒保捐備交委員帶往並飛咨陝西四川督撫沿途多撥夫役官爲照料其至成都出口以至軍營擬交孫士毅查收另委委員轉解前往等語試思馬匹數至五百安有多人爲之解送又何從得有如許水草爲之牧飼勒保惟知自甘省至成都應需解費草乾出資

捐備自以為辦理周到而成都出口以至軍營仍交孫士毅派員轉解伊仍置之不管是所辦亦太費周章矣勒保只知意在見好而不顧其事之能行與否殊屬非是著傳旨嚴行申飭所有此項馬匹勒保既請出資捐辦其自甘省至成都所需解員盤費馬匹草乾等項亦據奏明自行捐備今既無須此項馬匹即著勒保將從前福康安等由西寧出口時該督在提鎮標下及各營所挑馬一千五百匹內有經福康安海蘭察及巴圖魯兵丁等騎往衛藏者為數若干即將現在所購馬匹及所備解費草乾銀兩內購買馬匹按各營缺額之馬照數抵補分還各營以遂其急公見好之舉又可省長途解送之煩豈不兩有裨益

二十日戌子奎舒奏言接准福康安劄稱達賴喇

欽定廓爾喀紀略

卷二十九

五

嘛遣人前往青海蒙古番子地方購買馬匹查玉舒等三十九族番子地方距藏雖近但番子好養驢牛其馬匹俱係身小驕馬稀少恐一時辦付不及臣一面派令妥幹通事前往該處明白曉諭各頭目等以此項馬匹係豫備軍行之用爾等必須擇應壯驕馬牧放處並行文青海各蒙古王貝勒等即由各旗挑取好馬妥行豫備

一俟達賴喇嘛遣人到來即可應付無悞奏入

上命軍機大臣傳諭福康安鄂輝和琳奎舒曰奎舒奏達賴喇嘛前往青海等處購買馬匹當即曉諭蒙古番子等挑選豫備等語達賴喇嘛因軍行需用馬匹特令人前往青海等處購買實為奮勉急公朕心甚為嘉悅著賞給碧霞玗念珠並大小荷包鄂輝和琳接到後即轉給達賴喇嘛祇領惟青

欽定廓爾喀紀略

卷二十九

五

海去藏甚遠達賴喇嘛所遣買馬之人總須八月間方能到藏此項馬匹斷不能濟進兵時之用將來大兵凱旋總須馬匹應用著傳諭鄂輝和琳俟達賴喇嘛之人解到此項馬匹時飭令善爲餵養以備凱旋時應付需用仍照所買數目發給價值以示優恤

欽定廓爾喀紀畧卷三十

閏四月二十四日壬辰福康安海蘭察惠齡奏言

臣等訪探廓爾喀賊匪現在逐處添兵防守陞

口想因聶拉木賊匪全被轟斃大兵雲集自必

心懷疑懼並聞賊匪將丹津班珠爾等及裏去

兵丁王剛等四名看守稍寬給資用度雖傳說

之辭未足深信然賊匪知官兵精銳唯恐直抵

賊巢不能抗拒欲於大兵壓境時將裏去漢兵

及噶布倫等送出以爲乞降地步亦未可定但

臣等奉

命勦賊必欲永除後患斷不肯將就完事至糧石爲

軍行要需大兵深入之後糧道愈遠濟甯聶拉

木兩路道途險隘牛馬俱不能行其噶噶爾宗

喀雖距邊較近山路崎嶇亦無牛馬行走平時

欽定廓爾喀紀畧

卷二十

一

貿易人等往來運送貨物皆係番民背送計算

一人所背糧數祇及牛馱一半雇用人數未免

稍多卽至陽布後道路漸平亦無從改用牛隻

祇可令藏內人夫源源運送客臣等酌核情形

另行具奏再前藏至軍營現在各臺安設烏拉

牛隻因瘟疫傳染倒斃較多各番寨採買糧石

距大路稍遠不能尅期運到臣等現在咨商鄂

輝設法雇夫運送派員嚴催以期無悞至前藏

以東各臺站運送軍火軍需到藏甚屬遲滯屢

經嚴飭專派藩司景安等逐站催查並經遵派

委員及喇嘛等分段經理另派牛隻分撥各臺

等臣等猶恐從前層層積壓不能卽日疏通核計

川省運送軍需軍火等項出口雖多到藏甚少

必須將數月以來停積各項趕緊運出方免延

欽定廓爾喀紀畧

卷二十

二

擱且沿途番民軟弱不耐勞苦於大兵過境差
務未嘗經歷多致退避不前尤在解員及站員
等明白開導發足烏拉價值嚴示勸懲始能無
悞要需孫士毅雖屢次嚴催總因道路迢遙實
有鞭長莫及之勢^臣等遠在後藏更屬萬分焦
急現又令游擊楊宗澤雷仁等攜帶銀兩賞需
物件前往設法辦理番民中如有奮勉出力者

欽定藏西略記卷二十

二

卽酌加賞資倘敢仍前躲避亦卽嚴懲示儆和
琳現已奉

命來藏行走迅速計日將已出口惟沿途烏拉雇
雜艱而拉里丹達等處大山雪尙未化恐亦不
能倍加趕緊所有沿途運送軍需軍火等項和
琳自必隨處駕馭番民趕緊運送鄂輝前已奉

旨回前藏辦事亦派員迎往嚴催一經到藏迅速運往

軍營應用如此逐處催趨或不致仍前遲悞
奏入

上命軍機大臣傳諭福康安海蘭察惠齡曰福康安
等奏訪察賊情自聶拉木被官兵攻克後各處添
兵防守並聞將丹津班珠爾等及裹去兵丁王剛
等四名給資用度等語現在大兵雲集聲威壯盛
賊匪自必聞風震懼是以於各隘口添兵防守並

欽定藏西略記卷二十

四

將丹津班珠爾及兵丁王剛等給資優待其心持
兩端已可概見卽日大兵壓境賊匪勢窮力蹙或
竟差人遞稟乞降亦未可定今福康安等定計搗
穴擒渠永杜後患所見已得大要惟當督率將弁
官兵奮勇進剿蕩平賊境克奏膚功至糧石爲軍
營要需大兵深入之後糧道愈遠不可不先事預
籌朕已早念及此節大降旨令惠齡不必隨同打

仗責成專辦於濟甯以外及官兵勦賊處所將應

需糧石設法滾運或於適中之處儲備應用其濟

甯以內後藏前藏及察木多以西地方已有旨令

鄂輝和琳無分畛域彼此輪流照料梭織查催而

自打箭爐出口至察木多又有孫士毅在彼督辦

一切軍糧烏拉經理有人諸事應手無虞遲滯福

康安等竟可專心籌辦進剿事宜尅期深入以期

欽定鄂爾喀紀畧

卷三十

五

一舉集事現在索倫達呼爾兵自己早抵軍營其

續調之屯土各兵諒亦先後齊集專望福康安等

統領進剿掃除濟甯賊匪乘勝直抵賊巢計日以

盼捷音之至

同日和琳奏言臣自巴塘行過南墩卽入藏界

查南墩至石板溝七站爲江卡營官管理阿足

至巴貢七站爲乍了呼圖克圖地方包墩至納

貢七站爲察木多呼圖克圖地方恩達至嘉峪

橋四站爲類烏齊呼圖克圖地方以上三處俱

係該呼圖克圖委商卓忒巴管理自洛隆宗起

直至西藏皆屬達賴喇嘛屬下營官喇嘛分管

臣過江卡時查看烏拉卽屬短少每起軍需到

站必須等候數日方能起行當卽將該臺員營

官面加申飭詢以福康安

欽定鄂爾喀紀畧

卷三十

六

奏准每站添備牛三百隻之處據臺員稟稱聞達

賴喇嘛文書已到二十餘日至今未見營官添

備等語臣卽欲將該營官枷責始據叩請于十

日內辦齊並出甘結臣隨酌留賞項委候補叅

將徐南鵬催辦俟其十日備齊再行賞給昨據

該叅將稟報一切軍火皆已起行核算牛隻數

目所差無幾惟乍了類烏齊呼圖克圖遠處山

後其所管地方不但牛隻全未添備一切軍火
錢糧皆於各處堆積詢之臺員解員等僉稱每
換烏拉一次等待十日半月不等從前運過之
項半係臺員採買烏拉又有解員自雇牲口並
有先行發給腳價至今未曾應付者臣恐係該
員等自知遲滯藉端卸過嚴密訪察竟屬實在
情形傳見商卓忒巴等或係年老殘疾素不管
事或新進年少民情不服卽現在一二辦事之
人口稱不敢違悞亦祇一味禰頌臣卽面諭以
皇上軫念番民護衛黃教不惜數百萬

帑金勞師遠涉之至意並告以違賴喇嘛深知感
激

天恩現在如何出力爾呼圖克圖受

恩深重爾等亦係黃教僧人理宜輸誠奉公况官給

腳價並不苦累番民等語而該商卓忒巴等總
屬言語支吾臣一路更令通曉番語者暗中訪
問民情大約番戶男婦窮苦居多頗愿當差希
得官賞腳價因議令臺員自行雇覓而番民又
以畏懼商卓忒巴爲詞臣再四思維衛藏地方
喇嘛素習驕慢過往人員未免稍假以辭色然
今當軍行緊要之時若不思威並用使之知所
敬懼微末臺員更覺呼應不靈且商卓忒巴不
過該呼圖克圖手下僧人非如藏中扎薩克噶
布倫經

奏請補放者可比臣責以不遵

王法卽係違背佛法令其長跪多時始據懇請出結
如數備辦其餘營官第巴大約添備牛隻一概
未曾安設然尙有烏拉應差不致過於耽擱臣

仍量加賞賚至于達賴喇嘛所派各站督辦牛隻之喇嘛在邊壩僅見一人餘尙未到現已飛行飭催外自臣稍加懲創後聞各處現俱趕緊辦理據報乍了恩達等處堆積軍火皆已陸續起運惟自察木多以西至拉里一千五百餘里山勢尤覺陡險如瓦合丹達拉里有名大山雪未融化其餘諸山亦皆崎嶇行走不易臣現在

欽定藏書紀略

卷三十

九

已抵丹達查自四月初一日起至閏四月初二日止已經運過丹達大山火藥鉛子弓箭火繩共有八百三十一包餉銀十五萬兩弓五百張箭一萬枝臣一面札飭前於江卡委催之候補叅將徐南鵬將已過察木多各起軍需節節跟催復添委游擊烏爾公阿星往迎催務于四月中旬趕赴前藏其未過察木多各起軍需已札致

孫士毅一體嚴催併飛飭各臺員上緊設法趨運務使源源接濟不致仍前玩愒再查乍了察木多類烏齊等處係康熙五十八年底定西藏賞給達賴喇嘛地方今各處雖有呼圖克圖其商卓忒巴頭人自應達賴喇嘛商同駐藏大臣驗放未便聽其專擅然現當辦理軍需又未便遽易生

手臣已將商卓忒巴違悞情形札致達賴喇嘛

欽定藏書紀略

卷三十

十一

濟隴呼圖克圖並咨呈福康安在案俟臣到藏後與達賴喇嘛等商酌或暫委受人署理或歸於善後章程另行辦理嗣聞大窩等站烏拉尙少軍火亦有停滯當即趕赴該處督辦一切查過丹達後只有魯貴拉及阿爾多擦竹卡拉里鹿馬嶺等處大山風雪不特然臣前過瓦合時上下一百六十里積雪更深路徑險仄兼以烏

拉缺少履覓維艱仰賴

皇上洪福並無阻隔計月半以前總可趕抵前藏奏
入

上命軍機大臣傳諭孫士毅鄂輝和琳曰據和琳奏
沿途查催運送軍火烏拉情形一摺所辦俱好衛
藏地方素昔疲玩今當軍需緊要之時派運軍
火錢糧等項每換烏拉一次待至十日半月不等

欽定藏書紀畧

卷三十

十一

經和琳切實曉諭設法勸懲該處營官喇嘛等咸
知畏懼上緊履覓所有存積軍火等項陸續起運
可期迅抵軍營以資接濟和琳於此事實心整頓
竟能不負委任於事有濟可嘉之至現在孫士毅
已移駐察木多督辦軍儲而察木多以西衛藏地
方又經和琳上緊催趨並諭令鄂輝往來梭織巡
查是打箭爐及前藏至濟噠以內烏拉等項已可

無悞惟是口外烏拉俱係該處土司出派受雇非

內地民夫可比若過於嚴緊恐致躲避不前或別
生事端又將如何辦理著傳諭孫士毅鄂輝和琳
務須妥爲駕馭寬猛得宜於懲創之中寓鼓勵之
意俾知感畏踴躍急公孫士毅現駐察木多與鄂
輝和琳相距不遠諸事可彼此酌商務臻妥協爲
要又據和琳奏乍丫等三處派出商卓忒巴等或

欽定藏書紀畧

卷三十

十二

係年老殘疾或係少不更事辦理烏拉多有違悞
等語此等商卓忒巴皆係各該處呼圖克圖派出
乃所派之人俱庸劣無能不能管事豈不貽悞軍
需且據和琳奏查明乍丫察木多類烏齊二處自
康熙五十八年底定西藏均係違賴喇嘛所屬地
方現在軍需緊要和琳到藏後自應卽與達賴喇
嘛商酌或慎選妥人量爲更換實力經理不得仍

前誘之各呼圖克圖以致再有玩悞再聞和琳平素敬佛此次到藏時見達賴喇嘛班禪額爾德尼自必照常瞻禮致敬於佛法固當如此但聞向來駐藏大臣不諳大體往往因接見時瞻禮因而過於謙遜卽與所屬無異一切辦事與噶布倫等視若平行授人以柄致爲伊等所輕諸事擅專並不關白大臣相習成風已非一日卽如四十九年沙

欽定回疆方略

卷二十

三

瑪爾巴前往廓爾喀地方並未告知駐藏大臣請領路引前次達賴喇嘛令丹津班珠爾前赴廓爾喀講和駐藏大臣並未與問共許銀贖地一節亦未先行關白而駐藏大臣等雖有所聞亦伴爲不知此卽噶布倫等專擅之明驗也鄂輝和琳均係欽差大臣除拜佛瞻禮之外其辦事原應與達賴喇嘛班禪額爾德尼平等至噶布倫等卽係屬員

諸事自須稟命欽差辦理如伊犁將軍之統轄伊犁喀什噶爾參贊之統轄回疆方足以符體制而肅綱紀鄂輝和琳在彼應乘此時加意整飭力矯從前積習俾噶布倫等咸知天朝威令不敢心生玩忽庶事權歸一可期撫馭番民永綏衛藏又現在訊問仲巴呼圖克圖供稱上年九月內有把守營官秦之噶厦卓尼爾孚獲小娃子巴礪一名訊

欽定回疆方略

卷二十

十四

係沙瑪爾巴跟役聞得巴礪已解赴前藏等語巴礪係沙瑪爾巴跟役聽從指使現據仲巴呼圖克圖供已解赴前藏何以從前總未據鄂輝等奏及其巴礪一犯是否業經解赴前藏著卽查明如已解到卽委委員迅速解京以備質訊

二十九日

丁酉

上命軍機大臣傳諭鄂輝和琳曰朕親覽仲巴呼

圖克圖携來達賴喇嘛班禪額爾德尼呼畢爾罕所給噶爾丹錫勒圖呼圖克圖等書猶望令仲巴回藏仲巴乃前輩班禪之兄非他人可比賊匪侵擾札什倫布時伊正當率領衆喇嘛看守廟宇乃于賊匪到時濟仲喇嘛等求乞龍單卽向伊告知伊反倡率衆人逃避其罪比濟仲尤重蓋札什倫布地方有班禪額爾德尼數輩塔座在彼皆因伊

首先逃避以致塔上鑲嵌物件俱被賊匪劫掠此其忘背祖師卽爲悖亂佛法賢愚因緣經第一卷內卽載佛捨身割肉喂鳥一節况于前輩世代塔座廟宇之重尤應不惜軀命加意護持乃仲巴祇爲身謀棄捨逃避實爲佛法之所不容本應卽予正法姑念伊係前輩班禪之兄特加寬宥但令解送來京著在從前班禪額爾德尼所住德壽寺居

住實爲法外之恩又何得再令其回藏從前達賴

喇嘛之弟羅布藏根敦扎克巴之罪比伊本輕現

因達賴喇嘛奮勉軍務加恩令其回藏適堪布囊

素來朝令其面見特降諭旨詎伊福薄身故今巴

仲之罪較爲重大恐班禪額爾德尼年幼衆喇嘛

不識大道未必不仍望其回藏著鄂輝和琳接奉

此旨親到布達拉傳集達賴喇嘛班禪額爾德尼

及前後藏衆呼圖克圖喇嘛人等告以大兵進剿廓爾喀賊匪特爲護衛黃教起見並將仲巴濟仲分別治罪亦欲使衆喇嘛通知大義尊持黃教之故明白曉諭俾伊等咸知朕意

五月初一日

戊戌

上諭內閣曰此次大兵進剿廓爾喀節經降旨撥銀三百萬兩解往川省以備軍需恐尙不敷應用著

戶部於附近四川省分再酌撥銀二三百萬兩解
文川省備用

同日孫士毅奏言查口外番民與內地民人素
遵條教者情形迥異嚴加束縛則臨事緣逃賞
資過優則貪心愈熾總在臺站各員調劑有方
寬嚴並用伏讀

諭旨酌加獎賞當有節制實為此時招集番民良法
欽定福康安奏
卷三十

臣 自上年九月駐打箭爐以來知口外番民及

喇嘛所遣辦事第巴一味貪詐全無信義積習

已久非一時所能感化臣密諭總查臺站道府

平日於賞發雇價之外畧為酌賞使番民咸知

既得雇價又獲獎賞則凡官兵過境及軍需到

站自然運送有人不致遲悞現在屢接和琳知

會酌定期分別勸懲並令再添幹員出口查

催等事皆切中肯綮現俱一一照辦臣有所見

亦必知會和琳往返酌商期於軍務有益現在

臣於打箭爐廣為招募已得青夫二千人踴躍

應募俱分起委令委員押送出口濟沿途烏拉

之不足至巴塘土司吹忠扎布經和琳過站時

面加獎勵情願添備烏拉三百隻伺候受雇實

為急公可嘉臣現在派員持捧大緞二匹前赴

欽定福康安奏
卷三十

巴塘傳

旨賞給該土司自必感激鼓舞遇有差使愈加出力

臣不日遣

旨前赴察木多駐劄沿途土司前來謁見如察看可

以鼓勵自當一一照辦以利軍行奏入報

聞

初四日辛福康安海蘭察惠齡奏言臣等前遣

巴勒布商人納齊納朗潛往賊中令巴勒巴都
爾薩野西爾葛斯納薩野二人設法擒獻巴都
爾薩野沙瑪爾巴贖罪卽或事機不密亦可藉
以離間賊黨茲據納齊納朗回藏臣等親加詢
問據稱我奉差密往陽布經過錯克沙木及扎
木地方均有賊匪六七百人其餘砌卡防守者
共有幾十處見了盤問我只說在藏裏做買賣

欽定四庫全書

卷三十

五

逃走回來的沒有人攔擋我走了好幾日又遇
見一個蘇必達把我再三盤問我總未說出實
情他說我形跡可疑就把我挈住押了去見巴
都爾薩野當被巴都爾薩野盤問爲何回來我
只說在藏裏做生意多年想回家來因聶拉木
打仗不敢行走如今纔乘空回來實無別故巴
都爾薩野又問我藏裏可有差人來講和的信

我說我是做生意的人不知道這些事他又問
聽見

大皇帝差了大將軍帶了許多兵來你知道到底有
多少官兵我說我知道大將軍來藏帶兵甚多
每日有好些起到來日日不斷不曉得數目巴
都爾薩野也沒有說別話叫人把我關禁就在
官寨旁邊屋內看守嚴緊不叫我出來也不叫

欽定四庫全書

卷三十

五

我回家去不能見巴都爾薩野等二人過了些
日巴都爾薩野與拉特納巴都爾叫我進去見
面巴都爾薩野說我們與唐古忒不和你既在
藏裏來不能叫你回家去如今王子有呈大將
軍的稟帖一封毯子等物六件你就帶了去給
了一張路票差人押了我出來所有一切賊匪
情形我因看守嚴緊無從打聽等語臣等查閱

拉特納巴都爾原稟大意總以藏內不行使廓
爾喀銀錢及不依合同付給銀兩二事嗾嗾致
辯懇求爲之部斷賊匪當此滅亡在即之時不知
悔罪仍思復理前說可謂貪愚已極稟內復言
南甲噶爾之第里巴察部落素欲搶佔藏地因
廓爾喀爲藏地屏蔽第里巴察不能越境滋擾
此等詐妄之言更不足信查得作木期前與廓
爾喀打仗第里巴察曾經發兵幫助作木期攻
擊今賊匪轉以該部落欲搶藏地爲此狡詐之
辭尤屬可惡_臣等現將檄諭文給邊界賊匪屢
往明正其罪並將來稟所言逐層嚴飭揭其狡
詐隱衷絕其侵貪妄念使賊首賊目聞風震懾
其所避物件不便存留一併隨檄擲還
福康安海蘭察惠齡又奏言查前後藏至邊界

欽定廓爾喀紀畧

卷二十

五

一帶地勢情形前經詳晰繪圖貼說恭呈
御覽至於聶拉木至宗喀濟隴原有小徑可通因該
處間隔大山鄂輝成德於正月內收復聶拉木
後積雪封山尙未融化難以帶兵前進鄂輝由
拉子一帶辦理糧餉成德即赴第哩浪古派撥
守禦兵丁由第哩浪古至濟隴本屬正路尙不迥紆但
第哩浪古係四達通衢爲聶拉木絨鞵總隘成德至
該處設卡後因所帶兵力較單恐進攻濟隴不
能立時克復轉致耽延時日卽或將濟隴收復
亦須等候兵齊進剿頓兵界上轉予陽布賊匪
以設備之暇是以_臣等令成德暫緩前往姑以
檄諭誘降俟大兵齊集後再行進剿一得濟隴
立卽直趨陽布爲搗穴擒渠之計再查拉子地
方係在札什倫布西北五百九十五里該處至

欽定廓爾喀紀畧

卷二十

五

濟隴原有兩路由舊噶爾前往程站稍遠由昂哩刺麻寺前往程站較近後藏舊設臺站祇有舊噶爾一路鄂輝以聶拉木業經收復大兵須自拉子分路運往宗喀濟隴較之繞至舊噶爾更爲捷近此路向無糧臺糧石短少是以鄂輝親赴拉子至宗喀一路將糧餉催查趨運預爲存貯以備支應尙非故意紆迴稽延時日嗣於

欽定廓爾喀紀畧

卷三十

三

宗喀途次奉到

諭旨卽遵

旨回前藏辦事

同日鄂輝奏言查遊擊關聯陞等帶領頭起德爾格土兵一千名於閏四月初四初五兩日均抵前藏重慶鎮總兵袁國瓚統領二三起禪斯甲三雜谷土兵二千名亦於初六初八等日先

後到齊查此項土兵前經署督臣孫士毅派調之時均給發長行腳價令其自備烏拉赴藏並將口糧等項發至前藏而止臣隨令前藏管站知縣蔣會煌查明該兵等應領口糧按日起支並傳知前站照例一體給發惟伊等所帶烏拉牛馬因騎馱日久疲斃頗多當此雷兵緊要未便因其自備烏拉稍涉拘泥轉致行程遲緩該

欽定廓爾喀紀畧

卷三十

三

兵等所帶牛馬內量其可用者仍令按站給子腳價其缺乏不足用者卽自前藏撥給烏拉牛隻以便馱載口糧行李俾利進行隨令關聯陞帶領德爾格土兵於初六日自前藏啟行袁國瓚仍統領禪斯甲等處土兵於初八初十等日分起前進旣經添換烏拉牛馬更可加緊趨行早到軍前聽候調遣

鄂輝又奏言竊查前藏以西應安塘馬業經臣查照上屆安塘處所自藏至相距扎什倫布一站之巴浪地方共計十二塘自扎什倫布至脅噶爾共計十一塘均各安馬五匹俟大兵雲集之時再行酌添馬匹腰塘以資接濟自脅噶爾以至賊匪所佔地方另行備帶馬匹隨兵安設均經奏蒙

欽定朔方略紀畧

卷二十

五

聖鑒臣等帶兵行抵聶拉木查自脅噶爾以至聶拉木計程五百五十里因通拉山一帶道路崎嶇酌安馬塘八處每塘先安馬五匹繼因不敷馳遞於三月間行令總理道林偶轉飭前後藏糧務營員每站酌添馬五匹亦經如數添設至濟隴一路必由宗喀進發自拉子分路經由昂哩喇嘛寺以至宗喀計程八百五十餘里道路

稍平柴火尚覺便易較之五十三年由脅噶爾繞道行走捷近尤多因地制宜亦已安塘十一處但現在福康安等統領大兵進剿羽書絡繹郵遞更繁每塘設馬十匹實屬不敷且自打箭爐至前藏現經署督臣孫士毅照川北各驛站馬數一律添設軍營更關緊要亦應一體加增查得自前藏以至脅噶爾其間有一百一二十

欽定朔方略紀畧

卷三十

五

里爲一塘者應添腰塘六處拉子以至宗喀應添腰塘三處自脅噶爾以至聶拉木雖山路難行而里數較短卽不必再添腰站議定正塘額安馬二十匹腰塘十匹並檄飭前藏道員優什布後藏道員承勳會同駐藏遊擊都司隨時督率弁兵加意餵養馬匹凡往來文報毋任片刻遲逾以專責成而肅郵政此項買馬價值仍照

五十三年成例事竣變價還款以省領解之煩
其草乾夫工例馬分數以及添設兵弁專司馳
遞之處亦照向例辦理刻下官兵進剿直搗賊
巢現復寬備馬匹專責道員林傳隨營安撥另
行報部查核均奏入

上命軍機大臣傳諭福康安惠齡鄂輝和琳曰此次
賊匪投遞福康安稟帖內尙敢以藏內不行使廓

欽定庸常紀畧

卷三十

五

爾喀銀錢及不依合同付給銀兩二事嘍曉致辯
懇求剖斷可謂貪愚已極經福康安明切撤諭詞
嚴義正極爲得體若拉特納巴都爾接奉撤諭後
希翼乞降完事親帶巴都爾薩野瑪木薩野沙瑪
爾巴等前來軍營即可就勢擒單是不煩一兵不
折一矢而渠魁助惡悉就俘擒豈不更爲省事或
賊匪狡詐異常不肯墜我計中現在各兵俱已到

齊軍糧烏拉俱已經理有人諸事應手無虞遲滯
福康安惟當督率將弁官兵剿洗邊界逗遛之賊
匪乘勝深入爲搗穴擒渠之計前因京城一帶望
雨蒞切朕心甚爲焦急今連日大霈甘霖普遍深
透趕種大田秋收可望事機極爲順利福康安等
聞之自當同深欣喜可見一順百順此時統兵進
剿諒必勢如破竹一舉成功惟計日以待捷音之

欽定庸常紀畧

卷三十

六

至耳至鄂輝成德前次在聶拉木拉子地方停留
不卽往濟隴剿賊一節茲據福康安等查明尙非
故意紆迴耽延時日伊二人愈尤叢集其咎亦不
在此惟看其如何立功自贖也又據鄂輝奏大兵
進剿廓爾喀軍營文報應行添設塘馬以資馳遞
自前藏至荷噶爾應添腰站六處自拉子至宗喀
應添腰站三處等語軍郵文報往來關係緊要今

於軍營沿途添設腰站馬匹自應如此辦理前經
有旨令鄂輝和琳會辦糧運烏拉事宜此事並著
伊二人隨時查察務期郵遞迅速爲要

欽定廓爾喀紀畧

卷三十

五

欽定廓爾喀紀畧卷三十

欽定廓爾喀卷三十一

五月十一日戊申孫士毅奏言竊臣因口外軍儲

不能尅期抵藏懇請親赴察木多就近督辦以

期趨運無悞伏查口外烏拉俱係土司出派受

雇嚴則思避縱則長驕與內地民夫迥異屢蒙

皇上洞燭口外情事令臣寬猛得宜善爲招集實駕

馭番夫良法臣已一一恪遵傳諭各藏員隨時

欽定廓爾喀紀畧

卷三十一

察看情形妥協經理因思土司亦多志在急公

而所屬頭人則惟思牟利聞番民因此次所給

雇價毫無剋扣情願受雇當差往往爲頭人暗

中壓制非高擡雇價卽多索價號不許番民輕

易受雇臣再四籌計非奪其所恃此後需用烏

拉更難辦理因於前此總兵朱射斗統領官兵

三千出口時臣已從內地雇備長夫背運軍裝

前進倘中途有不能行走者卽隨處更換烏拉

幾名爲數無多臺員易於應付頭人見內地民

夫竟能出口當差若再有一二萬人出來卽可

到處不用烏拉從此奪其所恃不敢有意刁難

而該處無力窮番既見民夫應募出口頭人無

可居奇勢必人人爭先受雇似亦制服番民之

一法臣又於內地續雇民夫二千購驛馬五百

欽定廓爾喀紀畧

卷三十一

二

頭遴委弁員陸續運送出口凡遇沿途烏拉短

少以致軍儲停積立即掃數趕運一清現在內

地民夫尙有應募情願出口者俱交與寧遠府

符兆熊候補知府李憲宜將察木多左近停積

趕緊運藏臣現於內地多購驛馬遇便歇運軍

備出口既可濟烏拉人夫之不足並可預備凱

旋回兵之用不必再多繁費似爲一舉兩得至

臣 將來回至打箭爐一節謹卽遵

旨俟福康安奏捷紅旗遞過察木多再起程回打箭

爐料理凱旋官兵進口仰副

皇上恩諭 臣 本日拜摺後卽刻起程出口合並聲明

孫士毅又奏言竊思大兵進剿廓爾喀么廢小

醜自必立就殄滅迅奏捷音一切凱旋事宜必

須先爲核計 臣 悉心籌畫其中惟馬匹兵食兩

欽定庫爾喀紀畧

卷三十一

三

項沿途支應最關緊要查軍營馬匹及藏內現

有塘馬日久不免疲乏凱旋時只可供官員隨

從及索倫兵丁騎至拉里一塘而止自拉里以

內均須按塘分撥方可不虞貽誤計自拉里至

打箭爐係軍站一百零九站分隸各臺管轄每

臺相去或三四十站及一二十站不等勢難如

內地州縣驛站行走數十里卽有更換馬匹之

處所有凱旋官兵應請每五站計程二百一二

十里更換一次則馬力不致疲乏回至本站尙

可供後差之用 臣 摺節辦理擬每五站安馬四

百匹自拉里至打箭爐共需馬八千七百二十

匹似已敷用除現在口外正腰塘站自打箭爐

至拉里共有馬一千八百七十五匹又 臣 與各

司道因值軍興之際亦多購有馬匹預備差遣

欽定庫爾喀紀畧

卷三十一

四

現擬共湊馬一千二百匹已先將驛馬五百頭

解送出口趕運軍儲各府州縣聞信亦各爭先

報解共有二千其中多者三四匹少者僅七

八匹所費無幾連 臣 及司道府州縣共捐馬三

千二百匹又統計各標營馬除留本營差防外

可以抽備二千匹調至省城分棚餵養臨期探

有奏凱之信緩程解送口外按站分撥計營馬

原有本身草乾卽照口外的增爲數亦屬無多較之派員遠從鄰省購備往來盤費以及先期餵養節省實多共可得馬七千零七十五匹尙缺馬一千六百匹有零臣擬屆期雇備應付尙易爲力此臣籌辦口外馬匹實在情形也其口內自打箭爐至成都自成都至廣元皆係內地候風之馬本多除各驛站類設馬匹外不敷之數儘可各就近地從容雇備臨期分段酌添並派令道府大員經管臣已酌定章程飭令總局司道詳議妥辦第思口外馬匹漸多人夫亦衆只須給以番夫雇價毋庸另行開銷必須專委委員分段經理查有重慶府知府蔡必昌眉州直隸州知州趙秉淵才具幹練辦事實心現在打箭爐照料兵差臣卽就近派令出口專司稽

察以重責成至凱旋兵食口外各臺有降番屯練經由兵數較多自應寬爲貯備萬人口糧緣存貯過多難免紅朽且慮虛糜運脚嗣因陸續添兵赴藏支用過半臣已飭令各臺就地採買以省脚價恐有不敷由打箭爐就近購備分運各臺斷可不致缺乏此臣籌辦口外兵食實在情形也至官兵進口除出番練人等各就草地回至本屯其進口者止有索倫及綠營官兵爲數更屬無幾各州縣俱有倉糧尤爲易辦臣近因將次出口已一一預爲部署可以仰寬

聖厯

孫士毅又奏言查內地軍火出口川省向例俱令弁兵短解各塘交替滾運臣到打箭爐後察看情形以軍火關係緊要若無長解押送之員

萬一途次或有短少必致各塘彼此推卸因令每起火藥出口專委員弁長運到藏又因押運不過一弁二兵而每起火藥不下一二百馱前後行走難以照料復令每到一塘添撥弁兵二名護送而下站收管之數往往與上站彼此參差雖據稱口外用秤係沿各處土風輕重不一伏思口外番民均以打牲爲業火藥係伊等要需如管押稍疎必有偷竊情弊遂嚴令員弁慎密管押如有短少惟伊是問茲據總查建昌道徐長發轉據外委包貴稟稱奉押送軍火至昂地過夜小心看守見有烏拉一名噶鳴娃將火藥一簍挖開偷竊四五觔經外委當時拏獲將噶鳴娃交訊地送究次日自昂地押運馱隻前進行至蒙堡換烏拉處見賊犯飽頭結滾二人

欽定大清會典事例

卷三十一

七

將鉛子一簍抱赴河溝坎下偷取外委又將該犯二名拏獲細送察木多究治等因查火藥爲軍行利器較之別項軍需尤關緊要該犯等竟敢乘空肆行偷竊其情罪甚重現在沿途軍火尙多今既登時拏獲自應從重辦理以儆其餘臣恐提犯訊究致啟疎虞已飛飭建昌道徐長發督同臺員卽就近在察木多嚴訊偷過幾次賣與何人是否當時起意抑係結夥肆竊臣卽日赴察木多親自究詰一得實情擬卽恭請王命將三犯正法梟示至外委包貴於口外住宿處所能留心看守嚴拏擒獲賊犯兩起人贓並獲尙屬能事臣已賞銀二十兩俟有把總缺出卽行拔補使押運弁兵交相鼓勵均奏入

欽定大清會典事例

卷三十一

八

上命軍機大臣傳諭孫士毅曰孫士毅奏於閏四月

二十九日起程前赴察木多並辦烏拉各摺覽
奏欣悅口外番夫爲頭人壓制不免居奇刁措孫
士毅於內地雇覓民夫購備騾馬運送出口凡遇
烏拉短少地方將停積軍儲掃數趕運俾番衆不
敢高擡雇價所辦甚好且於凱旋馬匹兵食亦預
爲籌辦用心周到寔屬可嘉之至又據奏摺獲偷
竊軍火番犯噶噶娃龍頭結滾三名俟赴察木多
欽定廟喇嘛紀畧 卷三十一 九
親審得實正法臬示等語前降諭旨以口外烏拉
非內地可比令孫士毅等寬猛得宜善爲招集原
指良善番衆而言今噶噶娃等胆敢偷竊火藥鉛
子卽與賊黨無異當此糧運緊要之時豈可稍事
姑容自應一面審明一面奏聞正法俾番民各知
儆凜其孽獲之外委包貴業經賞給銀兩著以千
總卽用以示鼓勵

十九日^{丙辰}和琳奏言竊^臣由丹達以至拉里沿
途察看軍火各起間有在大窩甲貢邊巒等處
擁擠未前者因此數處大山重疊風雪不時各
站派安牛隻亦多不能齊備卽有已經安設之
處查點每多疲乏^臣一體將已設者重加賞資
未設者勒以限期並委員逐段迎催將停積軍
火等項先行加價雇備烏拉一併起運在途均
欽定廟喇嘛紀畧 卷三十一 十
已遣行無滯^臣復於江達地方見前藏派出之
喇嘛噶布倫噶勒桑那木扎勒在彼催辦牛隻
已將江達應安站牛全數安足^臣論以爾係噶
布倫凡達賴喇嘛所管地方皆係爾所應管因
何大窩邊巒一帶派安牛隻至今並未添齊據
稱我原奉達賴喇嘛吩咐前藏起凡係該管
地方均應逐站催辦今江達已經安妥卽欲違

赴前途一律安設臣察看其人甚覺明白曉事

當將大高等處烏拉未齊以致軍需停滯爾不

能辭咎之處曉諭又用好言勉勵優加獎賞並

諭知

大皇帝保護黃教

恩卹番衆之

聖心卽如運送軍需各站雇用烏拉均各給發腳價

欽定廣輿略記卷三十一

十一

此次福康安飭令每站添備牛二百隻亦各按

站發價並無苦累番民爾須親往料理勸諭僧

俗番衆踴躍辦公毋得稍存推委致干重咎該

噶布倫甚知感畏臣隨將江達至南墩一路安

設站牛趨運軍火等事均面交該噶布倫一人

專管令其隨時稟報遇有出力者卽從優給賞

怠玩者分別懲創臣又恐各處商卓忒巴營官

等不能一律遵行到藏役與濟隴呼圖克圖相

見臣見其人品端方並訪其在藏辦事最爲公

正番情亦皆悅服當卽告以爾係

大皇帝特派來藏辦事之人近復蒙

恩加封前輩慧通禪師名號尤當加倍出力仰報

天恩該呼圖克圖合掌頂禮感激歡忭之情形於辭

色臣卽與之商酌繕發漢番字傳牌一張將前

欽定廣輿略記卷三十一

十二

次

奏定期限賞罰章程明白開載一體傳知東路商

卓忒巴濟仲及營官第巴等務須遵照辦理並

聽從噶布倫噶勒桑那木扎勒指示將站牛如

數安足另於額外多辦烏拉到站以資運送軍

火等項庶可倍加迅速至臣前在乍了阿足見

該處商卓忒巴辦理安設站牛諸事疲玩不遵

約東當卽寄信達賴喇嘛及濟甯呼圖克圖酌量更換今與濟甯呼圖克圖面商派委妥幹喇嘛二人前往查明如果乍了阿足兩處烏拉已經如數安齊尙可將功折罪若仍未足數卽令此次派去之喇嘛在彼接管代辦一面將遲悞之商卓忒巴等解至前藏酌量治以應得之罪查現在福康安業已統領大兵自後藏進發

欽定四庫全書

卷三十一

三

與鄂輝會飭西藏糧員將烏拉寬爲預備俟上站軍需各項運到卽可源源接濟趕赴軍營其自前藏以西現經鄂輝亦查明程站立定期限是東西各臺站經此一番整飭之後自可一律疏通不致再有停擱臣自過丹達後續過魯貢拉阿南多擦竹卡拉里鹿馬嶺等山雖間有水雪未化仰賴

聖主洪福並無阻滯臣於三月初二日

陛辭出京茲於閏四月十三日到藏共計七十日除

在巴塘耽擱兩日外實祇行走六十八日合並

陳明

和琳又奏言臣於閏四月十三日到藏鄂輝帶

領文武官員並各呼圖克圖噶布倫等出郊跪

請

欽定四庫全書

卷三十一

十四

聖安隨至經堂達賴喇嘛班禪額爾德尼俱各離座

數十步站立舉手加額恭請

聖安 答以

大皇帝聖躬萬安日理萬幾精神愈益強固達賴喇

嘛班禪額爾德尼歡忭讚頌形於詞色所有

御賜達賴喇嘛班禪額爾德尼哈達手串鈴杵噶布

拉鼓大小荷包等物臣一一賞給並宣示

高旨以此次廓爾喀滋擾不法

大皇帝特命大將軍帶領大兵進剿衛護黃教並以

達賴喇嘛深明大義感激

聖恩帶領僧俗人等辦理火藥烏拉等事

聖心甚為嘉悅今以達賴喇嘛養靜修行誦誦經典

不暇管領屬人一心辦事復令某前來幫同達

賴喇嘛綜理諸事據達賴喇嘛班禪額爾德尼

欽定廓爾喀紀略

卷三十一

五

回稱我等仰蒙

大皇帝高厚深恩至優極渥此次廓爾喀滋事皆因

噶布倫丹津班珠爾等辦理不善以致仰屋

聖懷特派大將軍統領勁旅遠來剿辦各官兵人人

奮勇實為目所未親廓爾喀早已聞風膽落竝

日即可蕩平今又仰沐

天恩特頒

賞賜並令大人前來總理藏務俾得安心禪靜感仰

保護黃教之

聖心實在無可圖報等語臣隨請達賴喇嘛班禪額

爾德尼上座親遞哈達滿達並致送錦蟒綢緞

等項各一分達賴喇嘛班禪額爾德尼亦背回

以哈達佛像臣察看達賴喇嘛及各呼圖克圖

等懽欣感激出於至誠再臣詢以前後藏近日

欽定廓爾喀紀略

卷三十一

六

情形咸稱自從大兵來藏人心即定春間各處

傳染出花番民俱遷避山內日下痘症漸息均

各一律撤回安居樂業前後藏採買口糧現俱

趕緊炒磨交與糧站迅速運供斷不敢悞應辦

烏拉亦各不時催辦務使足額赴站應差且糧

石烏拉均毫

大皇帝給發價值不特毫無擾累而且獲有利益番

衆等均各踴躍從事大衆僧俗及在藏貿易之
克什米勒巴勒布人等亦俱安靜如常再臣抵
藏之日有班第達之孫敏珠爾索朗邊覺出郊
迎接及至公寓傳令進見詢其年僅九歲生相
尙好當卽賞給綢緞食物等件用好言安慰敏
珠爾索朗邊覺及隨從人等俱各歡欣叩謝而
退並密訪伊家中自班第達病故後祇有婦女

外藩圖略紀畧

卷三十一

七

僕從數人終日誦經俱極安靜

和琳又奏言竊臣備荷

聖主隆恩至優極渥未有涓埃報稱况臣舉家仰沐

恩施迴逾常格臣自到藏後將一切糧餉軍火應行

趨運事宜再三嚴飭該處僧俗人等尙知奮勉

遵行不致有悞現在將軍大臣等俱各統領官

兵深入賊境臣年力方壯且係滿洲世僕若在

前藏安坐辦事於心實切不安仰懇

皇上天恩將臣發往軍營隨同福康安領兵効力雖

不能如台斐英阿等之久經行陣而驅勉學習

庶得稍盡血誠

同日鄂輝和琳奏言查噶布倫索諾木扎什前

經派在聶拉木軍營辦事怠惰偷安並不認真

出力遇事每多遲悞經臣鄂輝具報大將軍福

外藩圖略紀畧

卷三十一

十八

康安查明斥革仍令在後藏一帶催辦糧運効

力贖罪伏查向來噶布倫缺出達賴喇嘛皆於

東科爾家道殷實內挑補並不論其能否辦事

今臣等屢奉

諭旨藏地一切事宜均應大如整頓且當此軍興之

際自應於軍營辦事勤能差遣得力之人酌量

揀選若拘泥舊習仍將東科爾出身者揀放既

不能鼓勵人材且恐貽誤公事除索諾木扎什

斥革噶布倫一缺外尚有噶布倫丹津班珠爾

玉托噶布倫扎什敦珠卜遺缺先經_臣鄂輝奏

請委人署理尙未補人查現在隨同福康安前

赴大營及分派各路帶兵辦糧之署噶布倫及

戴琿內不乏妥幹之人_臣等現已咨明福康安

先儘此項人等內擇其奮勉出力者知會拔補

欽定滿蒙紀畧 卷三十一 九

以示鼓勵一俟咨覆到日_臣等卽與濟甯呼圖

克圖公同商定告知達賴喇嘛

奏請補放_臣和琳現在甫經抵藏凡應辦事件惟

有與_臣鄂輝隨時熟商細心講求和衷辦理俟

商辦數日後諸事畧有頭緒_臣鄂輝卽馳赴後

藏一帶梭織往來督辦一切斷不敢稍有貽悞

致員

聖主委任均奏入

上諭內閣曰前因大兵進剿廓爾喀賊匪口外一切

糧運烏拉關係緊要派令侍郎和琳馳驛前往接

辦藏務和琳自行抵察木多後沿途查催運送軍

火軍餉等項節次奏到各摺辦理均爲妥協本日

據奏於閏四月十三日到藏路經丹達以西各臺

站向噶布倫等切實曉諭設法勸懲令將烏拉寬

悠靠衛察畧 卷三十一 三

爲預備將前積軍需源源運送不使再有停擱等

語一切留心可嘉之至又據和琳會同鄂輝奏揀

放噶布倫各缺請先儘隨往軍營出力之署噶布

倫及戴琿內拔補所辦甚當此摺鄂輝列銜在和

琳之前鄂輝在藏年久和琳讓伊在前奏事其意

亦是但衛藏地方素習疲玩和琳未到以前每擱

烏拉一次待至十日半月不等以致軍火等項沿

遂停積自和琳到彼實心整頓遂朕諭賞罰並用該處營官喇嘛等始知畏懼上緊趨運大有起色寔因和琳爲朕特派前往之人又係大學士和琳胞弟卽達賴喇嘛亦必待和琳較優是以該處番俗人衆見和琳到彼均知所懲勸卽福康安軍營需用一切皆資其催辦且鄂輝曾經獲咎若復令在前奏事不特伊心有所不安衆番見事權無所

欽定四庫全書

卷三十一

五

統攝於公務轉屬無益和琳著加恩賞給都統銜嗣後奏事卽在鄂輝之前列銜以資事權歸一呼應更靈並著加賞御用大小荷包玉扳指以示優眷至和琳此次前往西藏係朕特簡和琳未經先行奏懇朕之用和琳初不過以其人尙細心遇事奮勉是以派往實不料其如此能事朕深慶得人國家得一好大臣大功更可易就也

欽定四庫全書

卷三十一

五

上命軍機大臣傳諭福康安孫士毅和琳鄂輝曰據和琳奏稱丹達至拉里沿途察看軍火各起尙多有擁擠未前者各站安派牛隻亦多疲乏現將已設者重加賞資未設者勒以限期等語所辦俱好臺站運送軍需最關緊要若非賞罰嚴明何以濟事今和琳分別勤惰嚴示勸懲前此疲玩積習自當振作一新源源運送足資接濟看來察木多適西一帶運送軍需等項仍形踴躍以致軍火各起壅滯不前前已有旨自察木多以東令孫士毅在彼督辦察木多以西至前後藏濟隴以內令和琳鄂輝往來督率催查設法趨運但察木多至前藏一帶道遠站長不下數千餘里和琳等在彼督催未免鞭長莫及難以兼顧孫士毅前此自請移駐察木多未必不因該處臺站趨運較難是以請往

督辦現在孫士毅既至察木多自己辦有章程竟當再往察木多以西至前藏一帶往來查察幫同和琳等督率催趨庶臺站軍需等項運送更可迅速又據和琳奏自班第達病故後只有婦女僕從數人俱極安靜等語前以班第達在藏年久族分較大伊子丹津班珠爾現留賊巢應行留心防範今班第達業經病故伊孫又屬年幼自可無事但

欽定藏書紀畧

卷三十一

五

班第達家道素爲殷實今伊病故後家中祇有婦女僕從數人其幼孫自不能管理家事將來丹津班珠爾應行解京所有資財必致下人任意侵用暗中消耗丹津班珠爾本係達賴喇嘛之妹夫藏中風俗凡遇疾病身故者原有將家財布施喇嘛之事現在達賴喇嘛商上正在匱乏和琳等或設法曉諭伊家令將家貲酌量遞給達賴喇嘛於班

第達身後既資冥福而商上亦可藉資接濟豈不兩得其便設有難以措置之處亦即奏明不可過於勉強致滋疑畏也又據和琳等奏現在噶布倫遺缺已咨明福康安先儘隨赴大營及分派各路辦糧之署噶布倫及載奉等擇其奮勉出力者知會拔補等語所辦甚當向來蒙古本重世家自前代已然卽我滿洲向亦以此爲重但世家子弟賢

欽定藏書紀畧

卷三十一

五

否不一若專取家世而不論其才幹之能否辦事豈不可笑至藏中辦理諸事從前總山噶布倫專擅輒行並不關白駐藏大臣以致任意妄爲屢擡疊端今和琳等如此辦理將來該處噶布倫俱可由駐藏大臣與達賴喇嘛商定奏請補放黜陟從公事權歸一藏務更易整飭實屬得當至和琳另摺奏請前往軍營隨同福康安帶兵効力一節雖

屬急公奮往之心但軍營帶兵人員已不乏人其
濟隴以外糧運事宜又專交惠齡在彼督辦現在
自察木多至前後藏糧運一切正在緊要之時和
琳竟無庸前往軍營惟當遵照節降諭旨往來巡
察實力督催以副委任所有本日賞給和琳都統
銜及令列名在鄂輝之前諭旨並著給達賴喇嘛
閱看想伊等亦必與朕意相同也

欽定廓爾喀紀畧卷三十一

五月二十一日戊午福康安海蘭察惠齡奏言竊

臣等暫駐後藏前經聲明俟索倫達呼爾兵丁

及二次三次所謂屯兵到齊卽統領前進毋庸

俟續調川兵再行進剿茲查二次所謂屯兵及

索倫達呼爾兵丁業已陸續到齊三次所謂德

爾格綽斯甲三雜谷等處土兵尙未到來臣等

欽定廓爾喀紀畧

卷三十一

一

伏思在後藏等待已及兩月有餘賊匪見我兵

收復聶拉木後日久未進不測虛實意頗疑懼

昨據成德具報絨轄及濟隴相近之婁日山放

哨兵丁掣獲探信賊匪達凹一名阿魯噯哩果

桑音一名解送前來認明達凹係賊巢差來探

聽大兵是否進剿阿魯噯哩果桑音係絨轄賊

目差來探信之人俱被盤獲臣等認明後卽將

該二犯正法又據穆克登阿稟報聶拉木放哨

屯兵遇見賊匪十餘人潛來哨探經我兵鎗斃

穿青衣賊一名又鎗傷賊匪數名是廓爾喀賊

匪於絨轄濟隴聶拉木三路皆遣人潛探信息

冀幸大兵不遽深入其畏懼情形卽此可見自

應乘賊情惶惑之時迅速進剿出奇制勝使之

猝不及防可期一舉集事臣等前經遵

欽定廓爾喀紀畧

卷三十一

二

旨發檄誘降賊匪昨據廓爾喀來稟又將

發來檄稿酌添發去近日俱應奉到賊匪倘妄思乞

降完事更必觀望遲疑人心不固若臣等必待

各兵按名齊集始行前進惟恐有悞事機查未

到之德爾格綽斯甲三雜谷等處兵丁據鄂輝

吞報陸續已抵前藏該土兵等自本處起程道

路遙遠而德爾格皆係馬兵途中馬匹倒斃步

行不能迅速又不便過于催促轉致兵力疲乏
到軍營後不能得力現在前藏至後藏一路臺
站前經^臣等飭令喇嘛頭人等添設烏拉牛隻
雖因傳染瘟疫未能足數而應付兵行及運送
自前藏辦來火藥口糧等項並無貽誤尙不致
如前藏以東各站過于遲滯約計此項兵丁於
本月杪亦可全到後藏^臣等因候兵日久不克
早慰

欽定大清會典事例

卷三十二

三

聖懷悚仄慚惶萬分焦急不能再爲停待已先帶現
到各兵於本月十八日馳赴邊界現已行抵扎
什岡所有未到土兵續令前赴軍營亦不致悞
其新調川兵三千名到藏尙需時日祇可留爲
後路接應不能待其到來始行大舉又川省運
送餉銀鉛藥弓箭等項沿途遲滯延擱至今猶

多未到此時業已進兵斷難等候^臣等自到藏
以來多方籌辦就藏地購辦火藥鉛丸鑄造礮
位並達賴喇嘛舊存鉛藥礮位亦商令交出備
用惟弓箭一項此間不能製造^臣福康安前在
西寧時曾與勒保商酌帶箭一萬五千枝前來
連各兵隨身所帶尙可供用所有東路運送軍
需各項^臣等先後派令藩司景安及遊擊雷仁
楊宗澤並文武員弁嚴切查催今奉

欽定大清會典事例

卷三十二

四

旨令和琳統理其事節准和琳來札已經定立章程
嚴示懲勸駕馭番民將積壓未運各項接續起
運辦理已有成效並據札稱^臣等所派各員均
各認真催辦因思和琳管理東路各臺自須委
員分投催辦已札復和琳如現在需人差遣卽
將派往各員酌留以期于公事有益至於勦賊

情形總需掃穴擒渠方可一勞永逸雖賊境險

遠賊情狡詐然臣等奉

命督師討賊恭奏

曆諷奮勇前進力圖迅速賊事斷不敢稍存畏難還

就之心此次帶兵深入仰藉

聖主威德務期永靖邊隅即使賊匪窮蹙乞哀親來

籲懇或當酌量請

欽定備兩略卷三十二

五

旨辦理等仰蒙

委任深恩惟有計出萬全力圖上策此時惟籲求

聖主稍紓

宵旰焦勞庶臣等下憫稍安得以盡心籌畫即日大

兵進歸賊境勉期捷音迅奏仰慰

慈懷再總兵朱射斗經孫士毅派令帶領新調川兵

二千名赴藏並據孫士毅咨會令總兵彭志章

暫行留駐打箭爐如續行備調兵丁來藏即交

該鎮帶領但川省續備兵丁業經臣等飛咨停

止查總兵彭承堯人尚去得現在軍營亦須帶

兵大員仍令該鎮即行來藏以備調遣合併聲

明奏入

上命軍機大臣傳諭福康安海蘭察惠齡曰福康安

等奏先帶現到兵丁馳赴邊界進剿濟龍賊匪一

欽定備兩略卷三十二

六

招據稱濟龍聶拉木一帶賊匪俱遣人潛探信息

其畏懼情形可見自應乘此時迅速進剿等語所

見甚是福康安等統領官兵聲威壯盛賊匪自必

聞風震懾心懷畏懼是以分遣賊人潛來探信與

幸大兵不遠深入可得苟延殘喘福康安等不待

續調各起兵丁齊集始行前進即帶現到之兵馳

赴邊界奮力進剿此時賊匪正在驚疑不定我兵

乘其不備鼓勇前進自可出奇制勝將濟甌屯聚賊匪殲戮無遺卽乘兵威勝勢直前深入自當勢如破竹一舉集事所有新調川兵三千名雖到藏尙須時日留爲後路接應亦屬得力至現在福康安等統兵進剿所帶火藥鉛丸及弓箭等項雖不甚寬裕但此時攻剿賊匪自足敷用昨據和琳奏到已于沿途各臺站分別懲勸設法嚴催並責成

欽定四庫全書

卷三十二

七

派出之噶布倫及妥幹喇嘛等專管其事辦理俱屬得當已降諭旨令孫士毅再往察木多以西至前藏一帶往來巡察幫同和琳等督率催趨一切軍需火藥弓箭等項自當迅速運送源源接濟福康安等惟當督率官兵奮勇前進迅奏捷音

三十日丁孫士毅奏言竊臣出口後將沿途運

送一切軍備嚴切查催現在已過巴塘趕緊前

進本月二十日外卽可到察木多聞該處左近尙有未經起運之項臣先委知府符兆熊帶領人夫騾馬一路加站遠行不拘何處見有停滯卽行駁負趨送不日定可全數運完此後續行出口之軍餉等項臣在察木多適中之地前後照料督催斷可無虞停積臣經過裏塘巴塘見堪布喇嘛及各該土司頭人詳宣

欽定四庫全書

卷三十二

八

皇上威德無不傾心感服並因裏塘現歸土司管事不能駕馭頭人以致烏拉受雇往往措延臣訪知頭人內平日索擾番民不能服衆者立卽斥革其爲番民素所信愛者優加賞賚並給以委牌使之管事復面諭該土司頭人等此次喜員所發雇價毫無剋扣內地民人聞風爭赴出口已有數千現在尙有踴躍應募情願背運軍儲

欽定四庫全書

卷三十二

九

一直到藏者但思爾等所屬番民向以烏拉受
雇藉資養贍若內地民人出口太多恐碍番民
生計為此面詢爾等此後烏拉能否應差可卽
稟明以憑酌辦據土司頭人及喇嘛等稟稱
我等地土瘠薄全賴應募當差多得雇價前此
實因牛病人復出痘不能迅速應差現在人牛
多已向愈情願竭力當差不敢有悞等語

臣過

裏塘巴塘之後留人察聽知番民人衆已各預

備烏拉等候差使看來該頭人等大有悔心此

後可以隨到隨運不致稽遲並據巴塘土司吹

忠扎布跪稱仰蒙

大皇帝因土司添備牛隻三百頭在站應差

恩賞大緞二匹不勝寵榮感激伏乞代奏叩謝

天恩等語

臣復加以勉勵獎賞該土司人甚誠實願

欽定四庫全書

卷三十二

十

皇上委任奏入報

後自必益加得力至

臣

自出口以來雨水甚爲

充足沿途橋梁道路間有爲山水衝塌不能行

走者

臣

令隨同出口之員留於各該處分段繕

修並趕辦繩索溜筒如遇山水漲發人力難施

卽將文報從溜筒遞送庶可不致稽延

臣

到察

木多再將一切應辦事宜隨時與和琳鄂輝就

近酌商期于周妥斷不敢疎漏遲延上貢

聞

六月初一日

戊辰

奎舒奏言前經福康安知會達

賴喇嘛差人赴青海購買馬匹當卽行知衆扎

薩克等使各將良馬撥至一處優養預備採買

旋據衆扎薩克等陸續呈報俱已趕緊妥辦茲

達賴喇嘛使堪布等來至西寧查去冬雪少今

年春雨又稀青草初萌馬臚未滿現據扎薩克等將馬趕就有水草處所餵養肥時再備採買

臣思此項馬匹係軍需應用此時馬臚未滿若

卽令達賴喇嘛來使買去途中水草平常行走

更易疲乏且抵藏後亦無濟于用臣擬令達賴

喇嘛來使堪布等十二人暫住青海等候一面

嚴飭衆札薩克等令其上緊將馬餵肥俟六月

欽定藏傳略記卷三十一

十二

杪卽全行撥至庫庫托落海以備達賴喇嘛來

使採買回程屆時臣當另派蒙古等守護送至

多倫巴都爾再行奏

聞奏入

上命軍機大臣傳諭和琳奎舒曰前據奎舒奏達賴

喇嘛遣人向青海蒙古等處購買馬匹朕以此項

馬匹斷不能于進兵前到藏但達賴喇嘛既已遣

人購買卽令留爲凱旋官兵之用今奎舒奏青海

地方去冬雪少今春又復缺雨馬臚未滿須至七

月間肥壯再令購買看來青海一帶購辦馬匹頗

形拮据去年福康安及索倫官兵由西寧赴藏之

時各扎薩克等已備辦馬匹數千青海口外本非

他處可比馬匹較少若購辦過多於蒙古等生計

有關且此項馬匹于七月中方能買辦起程計送

欽定藏傳略記卷三十二

十三

至衛藏已至年底不但不能爲進剿賊匪之用卽

凱旋官兵亦不及騎乘况現在馬匹尙屬羸瘦卽

至七月亦恐不能臚壯加以長途行走必致雪阻

難行福康安等前由青海赴藏時沿途有馬更換

尙形疲乏現已令孫士毅徑赴前藏同和琳商辦

一切事宜所有凱旋需用之馬匹伊等亦必早爲

備辦其購買青海蒙古馬匹竟可無庸辦理着諭

奎舒如此旨到時達賴喇嘛所遣堪布等已陸續購得馬一二百匹卽速令將現有者護送解藏斷不必拘于足數若尙未購得卽將該堪布等遣回無庸令其購辦

同日福康安海蘭察惠齡奏言臣等自後藏起程察看沿途泰落稀少山路崎嶇處處積沙亂石應用柴草皆係從遠處馱運里數遙遠臣等

欽定四庫全書

卷三十二

十三

儘長馬之力併站趨程而屯土兵丁由本處起程至後藏邊界遠者將及萬里該兵丁等均係一路步行每日祇能行七八十里不便過於催促恐致兵力疲乏臣等先行馳赴拉子將現存糧石各項趕緊運往宗喀各站牛隻因傳染牛瘟又無牧放草場倒斃甚多每行里許卽倒數隻沿途皆然所有臣等就藏地辦理糧石鉛丸火

藥因先期遙運緩程前進尙能從容運送其川省所運軍需本屬遲滯屢經臣等及和琳設法催趨現在報到前藏者祇有一二起卽使陸續運至前藏而距邊甚遠送到軍營亦斷不能迅速大兵采入恐難應手臣等萬分焦急祇得面

諭管官頭人等多方駕馭酌給價值令其設法雇備烏拉人夫迅速運送以供應用查拉子通

欽定四庫全書

卷三十二

十四

往宗喀原有兩路鄂輝新設臺站係渡河由昂哩喇嘛寺行走舊道係由洛洛山背騎爾第哩浪古行走而各處邊界隘口俱與齊喀爾第哩浪古相通臣等公同商酌兵丁糧運行程本擬自應由昂哩喇嘛寺一路前進臣等仍當帶領巴圖魯侍衛章京等由第哩浪古分往聶拉木絨轄親加閱看以地勢之夷險爲派兵之多寡

或應以偏師牽綴扼要據守或應酌分一路約期進攻庶不致以有用之兵零星分撥置之無用之地各隘口佈置妥協大兵由濟甯進剿後顧方可無虞其拉子地方爲運糧總匯之地鄂輝尙須在後藏督辦數日方可前來現在趨運糧石定立章程亦須有人督率認真辦理臣惠齡暫留拉子趕緊催辦糧運臣福康安海蘭察前往緘轄聶拉木分投察看地勢卽于閏四月二十五日自拉子起身晝夜兼程行走經過洛洛大山氣候甚寒雪雹交作山巔雪未融化道旁舊存積雪有深至尺許者沿途大小寨落多被賊匪焚燬番衆逃散近又因避痘遠出屢經招徠尙未全行復業茲已於二十七日馳抵窮陬浪古此處係四達通衢成德現在帶兵駐劄

臣福康安臣海蘭察卽日分往緘轄聶拉木查看再行酌量派撥計算往返程期不過數日其由昂哩喇嘛寺行走兵丁糧運約計臣等到宗喀後方能到齊德爾格等處土兵尙在後起約計五月十五外均可到來臣惠齡在拉子查催糧運事竣亦卽可趕赴宗喀會齊進剿卽日合兵大舉進攻濟甯他搗賊巢務期迅速蕩事再撤迦呼圖克圖本係紅教俘習渾會經具奏上年賊匪路過撒迦溝該處喇嘛有遞送哈達之事臣等到藏後查無確據仍隨時密爲留心而該呼圖克圖聽從達賴喇嘛分派一體出辦烏拉糧石屢次具稟頗爲恭順及臣等到拉子時該呼圖克圖親身來營謁見恭請聖安並稱賊匪滋擾後藏仰蒙

大皇帝特發大兵勦賊保護衛藏僧俗番眾實深慮

激如有可勉力圖報之處無不盡心辦理等語

察看該呼圖克圖現年三十歲人尙明白欽仰

聖主恩威極知感畏_臣等不便深加究問當用好言

撫慰酌加賞賚惟禮節間與相待黃教呼圖克

圖稍示區別以存體制_臣等復密加體訪上年

賊匪由撒迦溝地方前來撒迦廟甚堅固賊匪

欽定藏書

卷三十二

七

未能進廟而所屬廟宇寨落多被搶掠焚毀該

處喇嘛並未向賊匪遞送哈達雖唐古忒僧俗

人等怯懦性成長賊滋擾亦難保其必無此事

但撒迦呼圖克圖素敬達賴喇嘛班禪額爾德

尼並未因係紅教稍存意見且該呼圖克圖素

爲德爾格等部落番民信奉似不致與不信佛

教之廓爾喀私相勾結_臣等復詢之成德據

稱帶兵初至聶拉木時糧運未到糴成德寄信

撒迦呼圖克圖令其幫助軍糈該呼圖克圖卽

備糧石並自雇牛隻運往聶拉木應用官兵得

此接濟口食始無缺乏看此情形撒迦紅教喇

嘛尙不敢與賊匪有勾通情事

同日和琳奏言查內地運送軍火錢糧自打箭

爐至藏雖綿亘五千餘里然去年初冬出口者

欽定藏書

卷三十二

八

迄今半載有餘尙皆絡繹在道裏塘巴塘等處

烏拉凡係土司備辦受雇者尙易爲力且有署

督_臣孫士毅就近督催不致過於延擱自南墩

以西均係喇嘛地方統屬不一烏拉又須節節

更換其管官商卓忒巴等事權與內地州縣官

無異且其中賢愚不等向來每遇差使到站先

視賞項之厚薄定應付之遲速過往客官以及

站員等往往恐滋事端皆用好言撫諭冀圖及早趨行遂至因循日久習慣自然但目下正值軍興非平日無事之時可比若竟任其疲玩顛預仍屬一味姑容必致貽誤軍火錢糧關係非輕臣於途次隨處留心察訪窮苦番民率皆恭順小心情願當差希得官賞腳價以資養贍而不肖之營官商卓武巴等大約領得賞項官銀從中剋扣肥己在所不免臣前於類烏齊之恩達塘地方查得應安烏拉牛隻全未到站以致各起軍需在該處守候始以善言開導該商卓武巴亦竟置若罔聞因令長跪片時始叩請出結立限趕辦昨據該站員稟報未能依限安足現在已有大半等語臣仍卽批令賞給布匹烟茶以示信賞必罰之意其恩達以西各處想已

有風聞臣經過時見均有牛隻在站卽明知尙有不足不過諭令站員作速催齊亦皆不復苛求至於附近大道各寨落逃避番民經臣沿途出示招徠現聞漸次搬回復業亦均情願受雇背運物件是自懲一商卓武巴後各處頭人皆知奮勉運送疏通不致仍前停積均奏入上命軍機大臣傳諭福康安海蘭察惠齡和琳鄂輝曰川省所運軍需現在報到前藏者祇有一二起口外道路險遠烏拉運送甚形竭蹶幸朕先事預籌早派和琳前往否則一切竟致大遲本日據和琳奏營官及商卓武巴等賢愚不等始以善言開導竟置若罔聞憚之以威力叩請出結立限趕辦等語此等營官商卓武巴等惟利是圖實屬可惡今和琳示以懲創俾知畏懼此後自不敢仍前疲

玩現在所運軍需自必可陸續運至前藏但前藏距邊尚遠據福康安等奏惠齡暫留拉子趕緊催辦糧運此時和琳鄂輝惟當勉力催趨將到藏軍需迅速運至拉子一帶交惠齡接收再由拉子運至軍營以期源源接濟至濟龍以外運送軍糧等項前已有旨責成惠齡專辦並令酌量情形或設法滾運或于適中處所儲備應用留兵看守伊身為參贊又係本省總督一切呼應較靈今福康安與海蘭察分往統轄聶拉木察看地勢暫留惠齡在拉子地方催辦糧運此時大兵尚未采入事屬可行若福康安等剿除濟龍賊匪統兵采入賊境其濟龍以外距藏遙遠更屬鞭長莫及一切糧運等項最關緊要惠齡當遵照前旨仍赴濟龍以外駐劄設法趨催陸續運至大兵所到地方以資接

濟毋稍貽誤其濟龍以內仍交和琳鄂輝輪流督運以期應手無悞至德爾格等土兵遠道赴剿因口外馬匹短少一路步行殊堪軫念自應特加賞資着福康安酌量情形如現在餉銀尙屬寬餘卽于該土兵到後按名賞給銀二兩如餉銀不敷卽俟後起餉銀解到後或竟俟凱旋時再行賞給仍先傳知該土兵等俾知鼓勵想福康安等自能酌量辦理也又據奏撒迎呼圖克圖現在聽達賴喇嘛分派一體出辦烏拉糧石尙爲恭順是其初原不免心存觀望今見大兵前進聲威壯盛亦知感畏出力且據福康安等細加訪察該喇嘛尚不敢與賊匪有勾通情事如此却好其前此向賊遷送哈達一節此時亦可毋庸深究也

上諭內閣曰德爾格等土兵遠道赴剿山路崎嶇途

次均係步行實爲踴躍急公不辭勞瘁殊堪軫念
著加恩每名賞給銀二兩以示鼓勵

臣

等謹案雅詩所載命將出師每於征人之
况瘁三致意焉然不聞有特加賚予於資糧

屏履之外重沛恩施者我

皇上念德爾格等土兵長途赴勦層山積雪踴躍步

行

欽定廓爾喀紀畧

卷三十一

三

軫其滿足之勞被以朱提之

賜雖遠逾萬里靡弗周知甘苦屢降

溫綸凡在戎行有不聞風感忤悉力致果者乎

欽定廓爾喀紀畧卷三十一

欽定廓爾喀紀畧卷三十三

六月初九日

丙子 福康安海蘭察惠齡奏言

臣福

康安海蘭察於四月二十七日自第哩浪古起

程前往絨轄聶拉木察看地勢仍以濟隴爲進

兵正路因卽兼程行走徑趨宗喀

臣

惠齡亦由

拉子前來

臣

等帶兵前進自過宗喀之後道路

遼遠里數加倍該處至濟隴名爲二百四十里

欽定廓爾喀紀畧卷三十三

一

卽有五百餘里之遙途中山勢極爲陡峻積雪

甫消溪水漲激石奔騰路徑在懸崖之上窄

處不及尺許牽馬步行處處溜滑馬匹間有傾

跌落崖者行過鄂穆暢拉扎薩拉孟底拉雜烏

拉大山十餘重於五月初六日至轄布基地方

該處至擦木僅數十里路更險峻若待各兵到

齊始行進攻恐賊匪聞知據險抵禦未免費手

且臣等自到藏以來候兵多日晝夜籌思萬分

焦急未便再有稽延應就現帶各兵先行進剿

擦木濟隴大挫賊鋒使賊衆聞風膽落查擦木

兩山夾峙中亘山梁賊在山梁極高之處瞭

望甚遠路徑逼仄必須乘夜潛兵進攻方可立

時奪據要隘初六日適值陰雨入夜勢甚綿密

因卽於雨夜發兵分爲五隊派哲森保翁果爾

欽定廓爾喀紀畧卷三十三

二

海等帶領兩隊由東西兩山進至擦木賊寨左

右山梁堵截另派墨爾根保阿哈保等帶領兩

隊亦由東西兩山梁繞至賊後截其去路

臣

海

蘭察及阿滿泰額爾登保珠爾杭阿安祿桑吉

斯塔爾等帶領一隊由正路直攻賊寨

臣

福康

安督率台裴英阿德楞泰等往來截殺指示攻

剿臣惠齡帶同總兵張芝元等在後路接應路

中溪河數道勢甚洶湧各隊官兵涉水徑渡遇
有石砌陡險之處亦皆攀援而上及抵捺木天
甫黎明該處山甚高峻樹林茂密山梁扼要之
處前後有石砌兩座大河環繞山梁三面週圍
砌築石牆卽在臨河勒上約高二丈有餘向北
留門祇有一徑可上臣等恐賊匪知覺仰攻更
爲費力因卽督令官兵疾速登山潛至賊寨牆

外等直前攻撲屯兵等踏肩登塙奮勇越牆
先開寨門官兵等一擁而入賊匪出砌抵死抗
拒我兵鎗箭如雨殺死賊匪一百餘名送將前
一座石砌奪據其後一座大砌在高砌之上裏
外牆垣兩層用石塊堆砌上留鎗眼密排木櫓
鹿角勢更險要賊匪見前而砌座已失東西山
梁上四隊官兵亦已圍截嚴密無從逃逸因在

砌內藏匪不出放鎗投石併力固守臣等令官
兵等進攻砌座西面賊匪俱撤至西面抵拒隨
卽將東面牆脚石塊盡力撬開立時塌一缺口
官兵等奮勇先登短兵相接殺死賊目咱瑪達
杜拉爾木等三名賊匪九十餘名餘賊俱退至
裏層牆內酒匿我兵乘勝直上罕獲活賊十八
名俱已身帶重傷卽行正法臣等恭乘

睿謀由濟隴一路進剿大兵初次打仗將士等人人
用命奮勇爭先仰賴
聖主天威將捺木要隘賊寨立時攻克全殲賊衆事
機極爲順利可期迅速蕙事臣等現在乘勝直
前進剿濟隴賊匪其聶拉木一路業已酌遣成
德哲森保承德阿尼雅布穆克登阿彥吉保楞
格等帶領兵丁三千名作爲偏師牽綴賊勢成

德打仗勇往經歷較多並令其酌量情形于

臣

等攻克濟龍進兵後亦可乘勝直前與大兵會

于陽布至絨轄地方由窩朗卡前往山高路窄

尤屬險遠卓木空山伯斯山及達克倉濟木龍

亥巴等處巨石塞路竟難行走况自絨轄通往

陽布原係僻徑並非正路不值發兵深入現在

所有官兵亦不便派撥多路轉致兵分力薄窩

欽定勅諭紀略

卷三十二

五

朗卡為絨轄要口不可無大員堵禦現已于該

處留兵一千名酌派諸神保帶領防守斷無虞

賊匪抄截後路即日邊界肅清之後絨轄賊匪

勢孤亦可不攻自潰查諸神保現因委催後起

各兵尚未到來成德本在第哩浪古此時先令

成德移至高朗卡暫駐一俟諸神保趕到成德

即赴聶拉木一路會同岱森保等進剿合併聲

明奏入

上命軍機大臣傳諭福康安海蘭察惠齡曰據福康

安等奏官兵攻克擦木要隘全殲賊衆情形一摺

首戰得勝賴實

上天之恩欣慰之餘倍深欽感擦木地方兩山夾峙中

亘山梁賊匪據險拒守拚死抵禦經福康安海蘭

察惠齡等乘陰雨綿密連夜發兵將弁官兵等鼓

欽定勅諭紀略

卷三十二

六

勇先登奪獲礮座將賊衆全行殲戮實屬奮勇爭

先勤勞倍至覽奏殊為心惻已另降諭旨將福康

安等及帶兵將弁並出力兵丁等分別優加賞賚

以示獎勵至福康安等於攻克擦木後即乘勝直

趨濟龍其聶拉木一路已遣成德帶兵作為偏師

牽綴賊勢並於絨轄要口留兵一千名派諸神保

帶領防守我兵後路無虞賊匪抄截所辦皆妥總

之初次打仗卽獲全勝大挫賊鋒賊匪自必聞風
膽落事機極爲順利現乘軍威勝勢直趨濟隴定
可剋期摧破將賊匪剿戮無遺肅清邊境卽行合
兵深入進剿賊巢自必勢如破竹惟計日以待捷
音續報也

上諭內閣曰廓爾喀賊匪在擦木地方憑據險要抵
死拒守福康安等細心調度督率將弁兵丁分隊

欽定廓爾喀紀畧

卷三十三

七

堵截卽乘雨夜進兵將士人人用命奮勇爭先踰
溪涉水攀援而上奪獲賊餉全殲賊衆實屬奮勉
出力勤勞倍至深堪嘉獎福康安着賞給御用扳
指一個大荷包一對小荷包四個海蘭察惠齡着
各賞玉扳指一個大荷包一對小荷包兩個用昭
優眷其帶兵之哲森保翁果爾海墨爾根保阿哈
保阿滿泰額爾登保珠爾杭阿安祿桑吉斯塔爾

台斐英阿德榜泰張芝元着各賞大荷包一對小
荷包二個並發奶餅一匣令待衛章京等一體分
嘗均沾恩澤所有打仗兵丁俱賞給一月錢糧以
示獎勵

臣

等謹案此次進剿廓爾喀賊匪蒙

皇上指示機宜先事籌畫福康安等得所稟循悉心

調度由濟隴一路進兵賊匪在擦木要隘據

欽定廓爾喀紀畧

卷三十二

八

險拒守官兵初次接戰卽將賊寨立時攻克
痛行殲戮從此乘勝進攻收復濟隴迅掃賊
巢震響無外皆由我

皇上睿謀廣運於一切行師機要預爲

訓示周詳是以將士等仰藉

天威所向克捷也

同日和琳奏言臣自至藏以來詳查前後藏地

方現辦糧石鄂輝成德等

奏明採買青稞七萬石足支一萬數千餘人一年

之用福康安續又商同達賴喇嘛辦得青稞二

萬七千餘石共計磨得糈把十二萬五千石現

雖續調官兵三千餘員名核計數目亦足供軍

中支用臣思糧餉寧可備而不用不可少有短

絀嗣聞江孜拉子及前藏南山以內番戶殷實

之家屯積米麥糈把尙多臣飭令噶布倫等好

言勸勉不許勒派任番戶自留食用外復採買

得一萬五千石搭運軍營以爲有備無患之需

查軍興以來前藏共運過糈把四萬八千五十

一石麥麪一千一十石其餘俱令趕緊炒磨磨

令總理道倭什布統率所屬站員隨到隨運至

軍裝火藥餉銀等項臣到藏後絡繹運到已

欽定廓爾喀紀畧

卷三十二

九

經轉運外現在具報源源在道番民供應烏拉

俱極妥協不似從前停滯臣仍分段委員提催

不容片刻停留鄂輝現在後藏一帶其辦運軍

糧就近滾運更可期無悞再查軍營將備及索

倫達呼爾兵丁素嫻鞍馬福康安前在藏時商

同達賴喇嘛等於各寺內湊辦馬一百餘匹及

就近採買之馬散給巴圖魯待衛等所餘無幾

臣到藏籌計採辦運赴軍前以備乘勝長驅之

用奈藏地素不產馬購買維艱道松茂道倭什

布稟稱去歲因班禪額爾德尼移駐前藏時經

俘習渾派有達木蒙古兵一百五十名護送前

來續經成德揀選精壯者帶去一百餘名其餘

四十名俱係老弱等情臣隨即點驗屬實與其

存留藏地閒住無用不若令其各歸寨落及早

欽定廓爾喀紀畧

卷三十二

十

耕種因傳見該處協領等詞以道路遠近並該處情形據稱距藏不過三百餘里而百姓除種地外皆以牧放爲生臣思該處既離藏地不遠如辦得馬匹運送軍營較易爲力因籌議令其廣爲購辦據云現當青黃不接之時馬匹疲瘦居多如挑取贖壯軍中可供驅策者只可得二百匹等語伏思二百匹雖不爲多現在軍營正在需馬之際得此接濟不無少有裨益當卽量予一半價值令其帶領挑剩之兵速回本處及早購買計二十日內外可陸續抵藏俟解到點驗卽派員趕赴軍營可期得力奏入報

聞

初十日丁丑福康安海蘭察惠齡奏言臣等於五月初七日攻克擦木要隘全殲賊衆隨于初八

欽定廓爾喀紀畧

卷三十三

十一

欽定廓爾喀紀畧

卷三十三

十二

日乘勝直前行抵瑪噶爾轄爾甲地方該處山梁陡峻後倚峭壁山前俱係深林密箐路甚叢雜臣等正在查探路徑卽有佔據濟甯賊匪三百餘人於樹林內潛進甫至山麓經前隊官兵望見巴圖魯侍衛章京等卽行分投下壓臣等立即帶領現到各兵併力擊賊賊匪拚命上撲官兵殺死數十名仍不退敗往來追壓數次有賊匪數人已受箭傷尙敢持刀撲上臣等以賊勢潑猛須令上至半山從中遞擊使之首尾不能相顧方可得手因卽繞至半山石砌下埋伏卽令各兵故留一路誘賊上山賊匪果蜂擁前來紅色大旗下有賊目數人督催前進一至山半臣等卽帶兵橫衝賊隊殺死賊目奪獲大旗山梁各兵及巴圖魯侍衛章京等併力壓下鎗

箭齊發刀矛競進攪殺一處賊衆始行敗竄惟賊匪步行捷速巴圖魯侍衛章京等所乘馬匹因連日登山陟險稍形疲乏盡力馳驅僅能趕及追奔十餘里賊匪猶敢回身放鎗抗拒累趕過溝復于溝礮上扼險排立希圖阻我軍行我兵一擁過溝殺賊甚衆遙望前路逕逼仄疊石如門恐有埋伏各兵由正路進剿臣海蘭察

欽定平定回疆方略

卷三十三

十三

帶領巴圖魯侍衛等於對面山下取道疾馳統至賊前截殺逸賊及守隘賊匪數十名直追過幫杏地方距濟龍不遠所剩賊匪不過二十餘名逃回官寨查賊匪自恃剽悍竟敢迎至中途打仗抵死抗拒實爲可惡我兵迎頭截殺轉因其抗拒之堅得以痛加殲戮經巴圖魯侍衛章京等及索倫達呼爾兵丁用箭射死者尤多共

計殺死賊目蘇必達多拉喇木一名蘇必達暢亦拉薩達爾一名咱瑪達朗杏克得哩一名哈瓦達多鄂爾典一名阿木爾達登克達巴一名別哩哈哇一名賊匪二百三十餘名奪獲大旗二桿烏鎗刀矛無算掣獲活賊三十餘名均卽正法巴圖魯侍衛定西衆於打仗時尙前得受鎗傷幸係穿過護身佛龕鎗子未能打入尙不

欽定平定回疆方略

卷三十三

十四

甚重我兵受傷陣亡者亦屬無多而賊匪二百餘人臨陣殲擒殆盡臣等現在幫杏劄營探明路徑地勢及賊匪卡寨情形悉心調度卽行進攻濟龍痛殲賊衆大示軍威務期數日內將遊界克復斷不致久稽時日
福康安又奏言此次打仗賊匪拚死抗拒臣等帶兵往來衝突賊隊接戰良久海蘭察所乘馬

匹左腿中鎗幸未類錄海蘭察囑臣毋庸具奏

恐致上履

聖懷但海蘭察身先士卒衝鋒殺賊實屬奮勇出力

理合據實奏

開均奏入

上命軍機大臣傳諭福康安海蘭察惠齡曰福康安

等奏行至瑪噶爾轄兩甲山梁殲戮賊匪一摺覽

欽定廓爾喀紀畧

卷三十二

五

奏欣慰此皆仰賴

上天恩佑連次打仗再戰再捷士氣倍奮賊匪望風膽

落該處距濟甯不遠看此事機順利乘勢直前自

已將濟甯立時攻克捷報當已在途一得此處軍

威大振自必迎刃而解福康安惟當倍加勉力迅

奏膚功至此次賊匪經官兵追壓尙敢拚命力撲

實屬可惡福康安等以賊勢潑猛先於石勒下埋

伏故留一路誘賊上山帶領官兵橫衝賊隊痛加

剿殺將賊匪三百餘人殲擒殆盡於行軍剿賊機

宜深中窾要昨因福康安等初仗得勝業經優加

賞賚此次打仗督率將弁調度有方福康安等著

再賞給鍍金盒伽南手串一掛並大小荷包鼻烟

四瓶用昭優眷海蘭察與賊接戰馬匹受傷幸未

顛蹶實賴

欽定廓爾喀紀畧

卷三十二

六

上天護佑爲之額手虔謝特賞給行幸常佩護身佛一

尊以爲諸事吉祥佳兆海蘭察臨陣勇往是其素

性但身爲參贊所關甚重以後接仗時固當督率

士卒鼓銳直前然究宜加意持重不可輕於冒險此

必當遵朕訓諭也又巴圖魯二等侍衛定西魏昉

前得有鎗傷幸係穿過護身佛龕鎗子未能打入

該侍衛打仗出力甚屬可嘉並著陞爲二等侍衛

以示獎勵所有此次領兵侍衛章京等人數較多著福康安等將在山半橫衝賊隊奮力截殺者詳晰查明如已經給有巴圖魯名號者著卽咨部議敘其未經給有巴圖魯名號者著開單進呈候朕加恩賞給所有受傷陣亡兵丁俱著查明照陣亡例咨部賞卹至福康安等奏此次追剿賊匪因侍衛章京等馬匹疲乏儘力馳驅僅能趕及追奔十餘里等語該侍衛章京等所乘馬匹因牧飼不時已形疲乏復經登山陟險馬力不及以致追剿賊匪不能得力事所固然但賊匪俱係步行奔竄我兵若因馬乏轉爲所累莫若亦令舍馬徒步跟蹤追剿卽索倫兵最爲勇健或遇馳陟山險非其所長至屯練兵丁素性趨捷令其徒步馳逐自可收追剿之用並著福康安等相機籌辦

欽定平定縣志

卷三十三

七

十二日卯福康安海蘭察惠齡奏言_臣等進兵以來仰藉天威連得勝仗賊匪當屢敗之餘業已聞風墮落陽布援兵不能一時趕到必須乘勝直前迅攻濟龍庶可一鼓克復不致久延時日五月初九日躡看道路形勢查得濟龍官寨高大寬廣原在山岡上砌築石牆甚堅賊匪復週圍疊石爲壘高及二丈密排鹿角椿木爲守禦之計又在官寨西北臨河砌大礮一座直通官寨爲取水之地官寨東北在石上砌大礮一座倚石爲固官寨東南山梁甚陡另砌石礮一座賊匪分據險要負隅固守山下喇嘛寺與石礮斜對亦有賊匪佔據_臣等屢奉訓諭務令加意慎重斷不可越過濟龍別尋間道而

欽定平定縣志

卷三十三

七

官寨層碉高聳形勢險固各處碉卡賊匪又可

互相援應共成犄角之勢_臣等再四籌思應於

進攻官寨時分遣兵丁攻撲使之處處受敵彼

此不能相顧將各碉卡賊匪殲除淨盡然後併

注官寨一處賊匪勢孤自必立時潰散因令巴

圖魯侍衛章京屯弁等各督官兵分路攻取派

巴顏泰巴彥察薩寧阿長春等往攻臨河碉座

欽定平定回疆方略

卷三十三

六

桑吉斯塔爾克色保籌保巴哈張占魁等往攻

石礮碉座哲森保墨爾根保翁果爾海阿哈保

納丹保德勒克依雅爾哈善富承劉懷仁金川

屯備散秩大臣銜木塔爾巴底土弁占布木巴

旺土弁阿達革布什咱土弁索諾木敦珠等四

而往攻山梁上碉座叢興保輝爾渾額爾金保

扎爾德寧等攻喇嘛寺阿滿泰額爾登保珠

兩杭阿吹扎布溫春哲克溫保張志林屯土備

弁木泰爾色穆哩雍中等往攻官寨_臣福康安

帶領烏什哈達安祿定西翼穆克昇額永善張

芝元達音泰巴塘副土司成勒春丕勒等相機

調度督催各路攻取官寨_臣惠齡帶兵往來策

應其山麓稍平之地_臣海蘭察率同台斐英阿

德楞泰阿木爾塔阿納保鄂尼保巴津達爾等

欽定平定回疆方略

卷三十三

七

帶領索倫騎兵分爲兩翼以備截殺逸匪分派

各隊已定惟查通往各碉卡之路皆距官寨不

遠賊匪據高望見鎗砲可及因潛於初十日丑

刻發兵令各路同時並進哲森保等搶上東南

山梁賊匪在碉內死守我兵奮勇攻圍爭先上

碉賊始拚命撲出_臣海蘭察率領台斐英阿等

帶兵復往來衝擊殺賊甚多我兵即將山梁佔

據象與保等亦同時攻得喇嘛寺巴彥泰等進至臨河砌下賊匪因係取水要隘恐官兵斷其水道抵禦甚堅鎗斃賊匪多人尙敢抗拒隨將攻克山梁兵丁撤下添往協攻並用砲轟擊砌座塌去一角賊匪紛紛跳下大河淹斃登岸逃逸者俱被索倫騎兵截殺其石砌砌座距官寨較近柔吉斯塔爾等帶兵攻撲拋入火彈焚燬上

欽定平定回疆紀略

卷三十二

三

在石壘內站立不定俱退至寨內放鎗投石抵死守禦復令各路官兵全行撤至官寨併力進攻並於臨河砌座及賊匪砌砌大石上設砲對官寨砲眼並瞭望聽內兩面轟人另縛大木爲梯令屯兵等蟻附而登將官寨外石壘拆毀而寨牆甚堅不能即時摧破自丑刻進兵直至戌刻我兵攻戰一日人人鼓勇午後密雨半日官兵冒雨攻圍倍加振奮並未稍形疲乏天色向暮雨益傾注本應令各兵畧爲休息但當屢勝之後正應乘此銳氣將濟隴立時克復未便予賊以修備之暇因復催兵連夜進攻至亥刻將官寨東北隅攻破西南一面俱係石崖賊匪滾山逃竄我兵盡力窮追痛加截殺此大打仗共殺賊六百四十七名呈驗首級內大小頭日七

欽定平定回疆紀略

卷三十二

三

名其投河落崖及在碉寨內傷斃不及割取首級者尚不在此數內拿獲活賊一百二十三名
派兵搜山又搜獲逃匿活賊七十五名訊非緊要之犯酌留五名備訊路徑其餘均即正法伏查擦木至濟隴地方扼塞險要賊匪自上年佔據屯聚備禦甚堅^臣等帶兵前來察看情形勢須迅速進兵方可連奪要隘一舉收復不能待

欽定平定回疆方略

卷三十二

五

後起兵丁到來始行進剿是以就現帶索倫達呼爾屯土各兵奮勇直前於四日內痛殲賊衆連戰皆捷將擦木至濟隴邊界克復此皆仰賴我
皇上先機指示以濟隴爲進兵正路應將濟隴先行收復大兵直搗陽布方無後顧之虞

唐訓周詳^臣等得以欽遵辦理迅奏捷音再查濟隴

西南熱索橋相距八十里卽係賊境^臣等雖已克復濟隴但尙係西藏地方現在查探道路整頓兵力卽行設法奪橋進攻賊境並嚴催後起德爾格綽斯甲三雜谷等處兵丁迅速前來卽行帶領進剿其軍火弓箭餉銀等項雖不能待

欽定平定回疆方略

卷三十三

五

川省運來者應用亦須將^臣福康安在藏購辦鉛藥砲位糧石及帶來弓箭運到濟隴以資接濟再賊匪强悍善守此次打仗官兵奮勇攻撲受傷陣亡者照例彙冊送部辦理其攻奪碉座時
乾清門侍衛桑吉斯塔爾督率屯兵進攻帶鎗傷鎗子並未打入頭面上擦傷數處尙不甚重遊擊劉懷仁頭上亦帶石傷惟參將長春帶兵鼓勇先登中鎗陣亡懇

聖恩交部議卹

同日孫士毅奏言臣於閏四月二十九日出口

五月二十五日行抵察木多一路所過土司地

方知臣親自出口督辦軍備共知警動先已多

備烏拉並臣所催出口長夫分起趕運實無絲

毫停積惟至江卡以後均係呼圖克圖派出商

卓忒巴管官所管其中有受達賴喇嘛約束者

有不受達賴喇嘛約束者向來因伊等俱係黃

教一切差使過境未免畧涉將就不能如土司

地方呼應較靈除江卡一站經臣面諭喇嘛及

管官立即盡數起運外其阿足乍丫等處先經

臣以原辦站員過於怯懦素知雅州府知府沈

建成都縣知縣施鑑在口外辦站甚爲出力因

從別站調赴該處盡心經理該一員頗能設法

欽定齋爾塔爾紀畧

卷二十三

五

駕馭寬嚴得當已將阿足等處停積起運一千

餘駄相機趕辦不過旬日之內即可掃數運完

查察木多以東惟阿足乍丫等處辦理最爲掣

肘今既一律疏通從此軍餉等項源源續運斷

可無虞延悞臣到察木多知寧遠府知府符兆

熊已將口內民夫驛馬趕過察木多前赴西路

協同知府李憲宜加緊趕運查自和琳到藏以

來的定章程無不洞中窺要並因商卓忒巴等

積玩已久不得不畧示嚴厲現在察木多東西

疲玩之習實已逐漸改觀日有起色嗣後運送

軍儲萬無停滯之虞

孫士毅又奏言臣前在打箭爐據建昌道徐長

發稟稱外委包貴寧獲兩起偷竊火藥賊犯三

名該外委押解軍火赴藏當將鳴嗚哇一犯交

欽定齋爾塔爾紀畧

卷二十三

五

昂地把總傅榮貴收管其飽頭結滾二犯交察

木多臺員屏山縣知縣趙來震收管臣恐長途

解審致有疎虞一面札飭建昌道由巴塘前赴

察木多督同臺員徹底究訊候臣卽日赴察木

多親訊辦理詎臣行過巴塘於昂地途次接徐

長發稟稱該道赴察木多提犯審辦據趙來震

傅榮貴而稟於未經接臣札飭之前竟照口外

欽定刑部例

卷三十三

七

蠻俗舊例率聽商卓忒巴懇請已將該二犯發

交喇嘛自行處死臣聞之甚爲駭異查偷竊單

火情罪重大自應嚴審定案正法示衆豈容擅

徇商卓忒巴之情援照俗例發遣查噶噶哇一

犯係烟袋塘呼圖克圖所管臣於途次一面飭

令速將噶噶哇交至臣處訊究一面將把總傅

榮貴及烟袋塘頭人冷珠扎喜鎮學帶至察木

多令其定限交出據稱噶噶哇並未處死現在

四鄉求乞立即派人尋覓解送案等語是噶

噶哇一犯不日必可到案從嚴辦理其飽頭結

滾二犯臣到察木多將臺員趙來震嚴切詢問

據稱實因商卓忒巴再四懇求請照例將犯領

回自行處死不敢輕縱其時軍火餉銀到站甚

多該商卓忒巴雇備烏拉隨到隨運並無停滯

欽定刑部例

卷三十三

六

因其辦公實在出力是以一時糊塗聽徇所請

該寺距站不及半里當日商卓忒巴將飽頭結

滾二犯帶回卽聞僧集俗人衆向該犯詰問

以偷竊火藥實係飽頭一人起意其結滾一犯

係隨後到彼卽經解弁包費一併挈住當將飽

頭立即打死棄屍水中其結滾現在充當烏拉

等語臣傳問商卓忒巴與趙來震所稟相符是

飽頭一犯業經打死衆人共見自屬可信其結
滾一犯雖據商卓忒巴稟稱實未偷竊火藥但
既經同時並獲定有商謀共竊情事未便率因
一面之詞稍從寬縱已據趙來震協同該寺頭

人將結滾單獲解訊臣思現在噶噶哇一犯尙

未到案若先將結滾從重辦理則噶噶哇勢必

聞風遠颺且俟該犯到案一併核實究辦至把

欽定平定縣志

卷三十三

无

總傅榮貴既摺將噶噶哇發交商卓忒巴領回

及臣經由該站面加嚴飭又不能將該犯革獲

解究應請將傅榮貴革去把總發往伊犁充當

苦差以示懲儆其查員知縣趙來震不將重犯

管解聽候核辦輒徇商卓忒巴所請發交處治

大屬不合本應請

旨將該員革職治罪姑念資因商卓忒巴趕辦烏拉

甚爲得力是以勉如所請將犯發交其飽頭一

犯業經打死屬實結滾現已單獲解訊且查該

員辦理臺務以來尙能認真無悞可否革職留

任令其在該臺一手承辦出自

聖主恩施均奏入

上命軍機大臣傳諭福康安海蘭察惠齡孫士毅和

琳鄂輝日福康安等奏大兵克復濟龍痛戮賊匪

欽定平定縣志

卷三十三

三

一摺覽奏欣慰不禁以手加額叩謝

恩福康安等之摺係五月十一日所發距今計已一

月濟龍爲進兵要路一得此處軍威大振必當勢

如破竹此次官兵冒雨攻圍人人鼓勇可憐可嘉

而福康安等分兵攻撲使賊不能相顧是行軍正

策一切佈置調度俱合機宜着賞福康安本日御

製攻克濟龍誌喜詩書扇一柄御用大荷包一對

小荷包四個鼻烟壺一個小刀一把火鏟袋一個
海蘭察惠齡各賞大小荷包鼻烟壺小刀火鏟袋
用示優眷其打仗出力將弁已另降諭旨分別擢
用加恩賞巴圖魯名號官兵賞給一月錢糧統俟
大功告成凱旋宴勞再沛酬庸之典此時賊匪連
次敗竄又經官兵戮擒千餘名之多自己聞風膽
落日就窮蹙或刺特納巴都爾巴都爾薩野等自

欽定平定回疆方略

卷三十三

五

知罪在不赦差人前赴軍營遞稟乞降亦未可定
但受降完事係萬不得已之辦法現在大兵連次
克捷所向披靡功在垂成諒福康安等必力圖上
策也前據福康安奏附近廓爾喀之布魯克巴作
木朗披楞三處部落檄令發兵攻賊又西藏帕克
里邊外哲孟雄宗木等部落現與賊打仗將該二
處地方奪回並諭令各該部落乘勝幫同剿賊等

語彼時官兵尚未進剿遠檄諭各部落約期發兵
所辦未免太早今大兵連得勝仗克復濟噹即乘
勢直趨陽布各該部落聞知官兵屢次克捷自必
衆心踴躍亟思出力助剿福康安等檄令會攻正
在此時著福康安卽檄諭各部以大兵攻克陽布
在卽賊匪勢窮該部落正當乘此機會合力進兵
卽使爾等自揣兵力不敷亦當于各界上嚴密堵

欽定平定回疆方略

卷三十三

五

截設喇特納巴都爾巴都爾薩野沙瑪爾巴助惡
頭人等竄至爾境卽行縛獻亦可仰邀恩賞等語
如此詳晰曉諭卽不能得各部落協剿之力而賊
匪首惡頭人亦可不慮其乘間竄逸也至福康安
等奏現在帶兵直趨陽布軍火糧餉等項雖不能
待川省運來惟應俟福康安在藏購辦之項運到
以資接濟等語福康安於肅清邊境後乘銳深入

糧餉火藥事不容緩其購辦之事會否已經解到軍營濟龍以外皆爲賊境應用軍需尤爲緊要本日據孫士毅奏已抵察木多前已有旨令其直到前藏往來督催該署督接奉後自必遵照前往藏中糧運有和琳悉心經理設法趲催已可不悞孫士毅到彼後與和琳商辦一切自更得力其自藏至濟龍軍糧等項自可源源接濟迅到軍營至濟龍以外前有旨責成惠齡在適中地方往來督率趲運本日福康安奏到摺內惠齡尙在隨同打仗自因前旨尙未接到此時軍營已不乏人惠齡竟可不必在彼帶兵惟當遵照前旨在濟龍以外一帶督催糧運以期不悞軍需又據孫士毅奏奏不將偷竊軍火要犯管解之知縣趙來震等已明降諭旨分別辦理噶鳴哇等二犯膽敢偷竊火藥情

欽定平定回疆紀略

卷三十三

五

罪甚爲可惡商卓忒巴等懇請領回處死其言不實至飽頭一犯據商卓忒巴等稱業經打死亦不可信孫士毅惟當遵照前旨務獲噶鳴哇並究出飽頭結滾審明後一併正法示衆俾番衆知所畏懼斷不宜稍存寬貸也再現在審訊解到之扎薩克喇嘛噶勒桑丹津等供稱前此達賴喇嘛叫我們帶去元寶二百五十個被賊搶去一百八十個其餘一百七十個現在舊噶爾廟內等語著和琳鄂輝查明此項元寶如尙存廟內卽交與達賴喇嘛並諭以此係商上銀兩未便存留廟中仍卽發往以示體恤

上諭內閣曰福康安等統領大兵攻克濟龍痛殲賊衆一千餘人所有帶兵將領人員奮勇出力甚屬可嘉其受鎗陣亡之叅將長春著加恩照副將陣

欽定平定回疆紀略

卷三十三

五

亡之例議卹至火器營委署護軍叅領額勒謹護
軍達春皆係因病留於前藏力疾告請隨往軍營
今在中途病故甚爲奮勉可憫亦著加恩照陣亡
例議卹

上又諭內閣曰據孫士毅奏把總傅榮貴知縣趙來
震將收管偷竊火藥賊犯撞交商卓忒巴領回處治
請分別治罪等語該犯等偷竊軍火情罪重大既

欽定四庫全書

卷三十二

五

經學獲卽應審明正法乃傅榮貴等不將重犯管
押聽候核辦輒徇商卓忒巴之請發交處治殊屬
玩悞傅榮貴著革去把總發往伊犁充當苦差趙
來震著革職留於糧臺効力贖罪如再有貽悞卽
行從重治罪以示懲儆

同日福康安海蘭察惠齡又奏言臣等在擦木
與賊打仗巴圖魯侍衛衆官兵等皆同力奮勉

攻克寨礮盡殲賊衆次日至瑪噶爾轄爾甲賊
匪從樹林內衝出巴圖魯等率領索倫官兵將
賊人痛加殲戮自分路領兵後一日半夜冒雨
攻戰奪取濟隴官寨實爲奮勇出力臣等前因
久待官兵未得早行進剿仰賴

欽定四庫全書

卷三十三

五

皇上威福始能克復濟隴本不應卽將伊等保奏但
巴圖魯與衆官兵等從西寧打箭爐前赴軍營
路遠馬疲步行者甚多甫經趕到卽隨機進攻
未得休息三次接戰皆感

皇上深恩儘力勦殺臣等目覩伊等奮勉情形謹開
單呈

覽奏人

上諭內閣曰此次進剿廓爾喀之官員兵丁於擦木
瑪噶爾轄爾甲及濟隴官寨攻奪要隘奮勇殺賊

甚屬可嘉台斐英阿著賞給散秩大臣阿滿泰侯
有副都統缺出卽行補用三等侍衛定西龍前因
打仗受傷業經陞授二等侍衛桑吉斯塔爾著賞
給薩爾丹巴圖魯陞爲二等侍衛次扎普賞給總
增額巴圖魯索多爾海賞給呢鏗額巴圖魯達爾
精阿賞給喀勒崇依巴圖魯呼倫貝爾副管領巴

金達爾賞給錫濟爾渾巴圖魯布特哈佐領色爾

欽定龍爾喀紀畧

卷三十三

五

棍賞給托默歡武巴圖魯呼倫貝爾佐領拜薩勒
圖賞給塞勒巴圖魯屯練遊擊助瑪爾結賞給喀
達布巴圖魯屯練都司斯丹巴賞給索洛克多爾
巴圖魯阿嘉賞給覺克博巴圖魯屯練守備登什
占布木賞給納木巴巴圖魯巴旺大頭人阿達賞
給達布凱巴圖魯仍照例各賞銀一百兩頭等侍
衛佐領阿穆勒塔塔著作爲額外總管齊齊哈爾佐

領雙寧呼倫貝爾佐領訥色勒圖呼倫貝爾協領
兼佐領多爾濟布特哈驍騎校英喀布呼倫貝爾
雲騎尉扎丹保甘肅副將達音泰屯練守備阿拉
屯練千總盛根土司千總巴古木塔爾屯練守備
阿塔爾阿那什壘土司都司班達爾嘉革布什咱
大頭人索諾木敦珠布俱著賞戴孔雀翎布特哈
領催新保馬甲畢什勒千額呼恩徹布勒特呼倫

欽定龍爾喀紀畧

卷三十三

五

貝爾馬甲扎達龍四川千總湯仲容賀化龍屯練
遊擊策旺屯練都司任沾爾結班達爾嘉畢葉魯
什周草布什咱小頭人安固布特哈領催高屯報
提音瑚舒岱馬甲得勒根徹額爾棍徹烏圖保成
泰哲勒克訥呼倫貝爾領催得勒格爾馬甲富明
阿法彭察甘達蘇色楞屯練守備勒什爾甲温布
阿什周仲濟屯練千總伊什周根登塔木土司把

總岑旺普木布特哈壯丁穆喀勒岱四川外委劉
成錦土司守備彰布木阿咱刺屯練外委安布木
俱著賞戴藍翎屯練遊擊銜穆塔勒阿忠番子遊
擊銜塞木里雍忠著賞給副將銜乾清門二等侍
衛珠爾杭阿翁果爾海著補授頭等侍衛三
等侍衛克昇額阿那保著補授二等侍衛藍翎侍
衛窩尼保福汗傅陞噶爾第雲騎尉阿達烏勒哈

欽定廓爾喀紀畧

卷三十二

五九

翼薩木布龍著補授三等侍衛司轡倫布春噶喇
賈班謨信委署親軍校巴彥察親軍特克訥窩爾
綏將定前鋒富永閑散哲克著補授藍翎侍衛呼
倫貝爾驍騎校委署副叅領博多果爾作為額外
佐領呼倫貝爾領催定博訥布特哈領催博勒合
恩保布特哈壯丁哈達龍呼倫貝爾馬甲濟勒噶
察克什克畢薩雅作為額外驍騎校其濟龍打仗

兵丁著各賞一月錢糧以示鼓勵

欽定廓爾喀紀畧

卷三十三

早

欽定廓爾喀紀畧卷三十三

欽定廓爾喀紀畧卷三十四

六月十三日庚辰和琳奏言竊臣前奏乍了察木

多類烏齊三處呼圖克圖地方所委管事商卓

忒巴或係年老殘疾或係少不更事賒供軍需

應歸達賴喇嘛商同駐藏大臣驗放荷蒙

俞允臣與達賴喇嘛商酌更換臣於前月抵藏卽

將乍丫等處情形告知達賴喇嘛濟噶呼圖克

欽定廓爾喀紀畧

卷三十四

二

圖等恐有違悞軍需商同暫委能事喇嘛二人

馳往類烏齊等處查看並一而飛飭總理道府

如商卓忒巴中有仍前怠玩者卽著此二人更

替署理接辦其乍丫之商卓忒巴兩目久已失

明未便任其戀棧聞該處有喇嘛丹巴爲番夷

素所心服適因公在藏傳令進見人甚明白隨

與達賴喇嘛議定給札令其往代商卓忒巴之

任其察木多類烏齊二處現在據報站牛雖未

安足尙不似先前停待計孫士毅目下將抵察

木多臣密札孫士毅就近查看該商卓忒巴等

如能改過急公尙堪予以自新之路如竟疲玩

性成難期振作自當遵

旨與達賴喇嘛議人更替臣昨見達賴喇嘛已將三

處呼圖克圖之商卓忒巴嗣後均令達賴喇嘛

欽定廓爾喀紀畧

卷三十四

二

與駐藏大臣驗放之

旨面爲宣示並與達賴喇嘛會銜行知各呼圖克圖

一體遵奉至噶布倫及管事喇嘛人等素因達

賴喇嘛約束失當而駐藏大臣又漫無可否以

致因循日久專擅自恣臣抵藏後謹遵面奉

諭旨隨處整頓事無大小皆令稟白遵行從前習氣

已改過半統俟大兵告竣後臣與福康安通盤

籌算妥定章程奏請

訓示永遠奉行奏入

上命軍機大臣傳諭孫士毅和琳鄂輝曰和琳奏前奉諭旨管事商卓忒巴應令達賴喇嘛與駐藏大臣驗放已向達賴喇嘛宣示等語所辦皆好惟當益加奮勉實力整飭使向來積習日就肅清目今大兵連次克捷已將濟隴收復乘勝直入一切軍

欽定龐爾密記畧

卷三十四

二

器糧餉等項關係緊要務須速行運至以應急需昨據福康安等奏軍營火藥弓箭餉銀等項不能待川省運來者應用須俟福康安在藏購辦之項運到濟隴以資接濟等語大兵乘勝直前事不容緩所需軍火弓箭等項已經福康安先行在藏購辦解到後尙可敷用至軍餉一項尤爲要需今軍營並無解到銀兩支用竭蹶所關甚重上年秋間

卽已降旨川省附近省分撥給銀二百萬兩嗣

又部撥銀一百萬兩續據孫士毅奏報不敷又賞撥銀二百萬兩前後五百萬兩不爲不多卽後起所撥銀兩運解需時其前次所撥銀三百萬兩閱時已久早應陸續運到軍營前據孫士毅奏所有運送出口軍火餉銀等項俱已掃數趕送前途毫無停積何以前後藏及軍營並無解到者是孫士

欽定龐爾密記畧

卷三十四

四

毅從前奏報情形竟爲站員等所愚並非確實孫士毅現赴前藏著卽嚴行督察實力催趨務須星速趕運毋任解員等沿途遲緩致誤軍行要需著和琳鄂輝於解到前藏時迅速備運務期早到軍營以資應用

十五日壬午

上命軍機大臣傳諭孫士毅曰現在糧餉火藥運送

滿運總由察木多以西至前藏臺站官員辦理疲軟一任商卓忒巴等支吾延緩並不實力督飭查催奉以接續運解稟報而孫士毅駐劄省城及打箭爐一帶相距較遠糧長莫及以致爲其所愚似此任意玩延又不據實稟報設法趨催豈不貽誤要需孫士毅此時自己抵前藏將停積糧餉等項督率嚴趨迅速運送前途其前此疲軟遲悞之站員

欽定廣輿記畧

卷三十四

五

仍著孫士毅於事竣後嚴切查明據實參奏以示懲儆

十七日
甲申

上命軍機大臣傳諭福康安惠齡孫士毅和琳鄂輝曰大兵進剿廓爾喀直趨陽布餉銀固屬緊要而火藥鉛丸弓箭等項尤爲勦殺必須之物雖福康安已於藏內就近購備但爲數究屬有限一經用去

欽定廣輿記畧

卷三十四

六

卽日見其少全在源源接濟方可得力孫士毅現已赴前藏仍當於藏東一路來往督飭臺員速催嚴辦接續運解以應急需其藏以西則和琳鄂輝之責計孫士毅此時自己與和琳會晤並著會同查明將糧餉火藥弓箭等項未經運到前藏者若干起由後藏運至軍營者若干起詳晰據實速奏其業經運到後藏者並著和琳鄂輝輪班來往一體嚴催速解濟隴以外其至軍營則惠齡之責著趕緊設法保護接運迅抵軍營應用此爲最要

十九日
丙戌
福康安海蘭察惠齡奏言查濟隴西

南山勢愈窄道路愈險兩山之間有藏地流出大河一道各處溪河皆匯歸下注水勢洶湧通往賊境之路惟熱索橋爲扼要之地臣等於克復濟隴後整頓兵力五月十三日起程前進兩

而高山夾峙石崖壁立俯臨大河緣山一線窄徑亂石崎嶇步步陡折並有大石直礪高至丈餘者其兩崖高峻不相連屬處所橫架獨木偏橋攀藤而過幾無置足之地是日正值大雨泥濘溜滑尤屬難行人馬均有傾跌落崖者道里甚長名爲七八十里卽有一百三四十里之遙步行一晝夜於十四日黎明始至擺嗎奈撒地

欽定平定回疆方略

卷三十四

七

方距熱索橋尚有十餘里探得該處有大河一道自東來會注正河過河卽係賊境賊匪過河浮搭木板爲橋並於北岸三四里外索喇拉山上砌石卡一處南岸臨河砌大石卡二處據險拒禦_臣等帶領巴圖魯侍衛及索倫屯土兵丁至索喇拉山直前攻撲賊匪抵敵不住棄卡奔逃我兵沿途追剿有逸賊數名甫上熱索橋其

南岸守橋賊匪見官兵追至不及待其過橋倉猝撤去橋板俱卽落河淹斃我兵一到卽一面伐木預備搭橋一面施放鎗砲隔河擊賊無如河面寬濶水深溜急賊匪阻河抗拒鎗聲不斷而北岸山境極狹竟無多兵駐足之地若徑對賊卡進攻與賊相持徒費兵力急切不能得手因將各兵暫撤十五日寅刻派兵仍至河邊作

欽定平定回疆方略

卷三十四

八

爲欲進之勢密遣阿滿泰哲森保墨爾根保翁果爾海等帶領屯土兵丁令由東面義綠大山繞至上流潛渡查義綠山與濟囉熱索橋一帶大山連接峻嶒巉巖樹林茂密陸險之處有一線僻徑可上我兵越過兩重大山已至熱索橋上游距橋尚有六七里當卽砍伐大樹紮爲木筏渡過南岸沿河疾行直撲賊卡賊匪祇在正

路拒禦不知別尋間道一見官兵驟至出卡抵禦殺死賊匪數十人隨即推倒頭層石卡所有正路官兵爭先乘勢搭橋一時並濟復將後層石卡奪據賊即紛紛潰亂拋棄鎗刀倉惶奔竄而該處路徑險仄擁擠不開賊匪自相踐踏滾跌落河官兵復奮勇進剿直至賊境色達木地方已過熱索橋三十餘里沿途痛殲賊衆復擒獲活賊達爾拉木塔巴等八名詢以濟隴被官兵攻破後官寨賊匪於初十日夜間奔竄由熱索橋逃回者共有若干據供濟隴地方我們頭人兵丁甚多管兵的是三個蘇必達初八日頭人們差兩個兵起回陽布從橋上經過說是大兵來了連夜回去請發救兵自初十日以後總沒見有逃回去的大兵打破濟隴官寨我們

欽定平定回疆紀略

卷三十四

九

在橋上還不知道信息我們派來守橋已有三個多月等語詳核賊匪所供是濟隴屯聚賊匪被官兵殲除淨盡茲又將熱索橋設法攻得已據賊境門戶從此相機采入定能迅搗賊巢惟是前途山路險仄更甚官兵魚貫而進併少剗營之處而兩邊山上如塔木那等處又有旁出小徑通往賊中亦應酌量留兵嚴防賊匪抄截後路現在探明路徑妥爲布置慎重前進臣等仰蒙
 聖恩委以統兵重任敬惟
 皇上宵旰焦勞屢籌軍務固不稍涉稽延又疊蒙
 訓示諄諄
 諭令加意慎重亦不敢因屢得勝仗輕率冒昧總期
 全師克捷蕪事完善上慰

欽定平定回疆紀略

卷三十四

十

盟懷至後起兵丁及選送軍火糧餉官練道路艱難

行走不能迅速此時進兵剿賊決機祇在頃刻

若待各項齊全誠恐有悞事機臣等一面嚴催

一面就現有軍糧鉛藥計日裹帶前進俟陸續

運到卽雇覓番夫源源背運前往以資接濟

福康安海蘭察惠齡又奏言聶拉木一路前經

派令成德岱森保等帶兵三千名前往牽纜賊

欽定平定回疆方略

卷三十四

十一

勢合其酌量情形進剿隨於定期進攻濟甯時

飛行岱森保等酌量形勢進攻賊卡茲據岱森

保等報稱聶拉木以南我兵原在上木薩橋要

隘駐劄賊匪於通往賊巢路上在德親鼎山前

築卡三處又在下木薩橋前安有木柵一道岱

森保於十二日五鼓發兵經過措克沙木地方

派屯弁額爾古塔爾甲勒木帶領屯土兵丁由

夾河兩面山梁前進岱森保永德捫撒木保察

靈阿總兵穆克登阿遊擊常春率同屯弁瑛木

布塔爾帶兵由正路前進佔住德親鼎山從山

坡壓下攻破頭卡賊匪正在二卡三卡內放鎗

抵禦復經官兵鎗斃賊匪多人將兩座石卡攻

克進至下木薩橋額爾古塔爾甲勒木等分路

進攻賊匪併力抗拒岱森保等催兵直前攻墜

欽定平定回疆方略

卷三十四

十一

始行紛紛逃竄隨將木柵焚燬官兵盡力追趕

殺死賊目一名賊匪數十名擒獲活賊乃勒興

等七名餘俱敗竄因該處河水極深山路逼仄

偏橋甚多賊匪於竄回時用火焚燬偏橋道路

不通現擬伐木搭橋前進等語臣等查聶拉木

一路官兵原係派往偏師以分賊勢今岱森保

等已得勝仗成德亦經稟報於諸神保到窩爾

卡後趕緊馳赴焉拉木計此時早趕到自可商同前進若能乘勝直前固屬甚善但該處山路亦屬險仄自德親鼎以南如扎木等處皆有賊匪據守^臣等已行知成德岱森保等令其探明路徑修葺偏橋慎重前進不可因得勝仗之後稍涉大意卽日^臣等率領大兵直搗賊巢匪自必悉力抵禦其成德岱森保一路相機乘隙進攻更可得手均奏入

欽定平定回疆方略

卷三十四

七

上命軍機大臣傳諭福康安海蘭察惠齡孫士毅和琳鄂輝曰福康安等奏攻克熱索橋進臨賊境一摺覽奏欣慰濟隴以外高山夾峙峽徑崎嶇較金川尤爲險阻賊匪恃險拒守放鎗抵禦福康安等抵熱索橋時因與賊相持急切不能得手隨暫撤各兵繞越兩重大山在熱索橋上流潛渡乘其不

備直前攻撲痛殲賊匪奪據石卡所辦深合機宜可嘉之至該處爲賊境門戶今已乘勝攻克統兵深入勢如破竹自早直搗賊巢著賞給福康安洋表一個御用大荷包一對小荷包四個海蘭察洋表一個大荷包一對小荷包二個惠齡洋表一個大荷包一對小荷包二個用昭優眷並發去翎管十個大小荷包各十對交與福康安等查明遇有帶兵出力之侍衛章京將領等酌量賞給所有此次帶兵繞道渡河殺賊之巴圖魯侍衛等實屬奮勇出力除阿滿泰已於上次打仗得勝加恩以副都統卽補外前陞頭等侍衛之翁果爾海頭等侍衛哲森保俱著賞給副都統職銜墨爾根保著陞爲二等侍衛兵丁等亦著查明其有幾人一體加賞以示獎勵其攀援獨木偏橋前進之兵丁如有

欽定平定回疆方略

卷三十四

七

跌斃者亦著查明咨部照陣亡例議卹至成德岱
森保等前經福康安等派在聶拉木一路牽綴賊
勢今經福康安等行知令其酌量進攻卽於十二
日分路前進佔住德親鼎山攻克頭卡鎗斃賊匪
多人將二卡三卡俱行攻克焚燬木柵搭橋前進
亦屬奮勇可嘉並著福康安等查奏打仗出力者
酌加獎賞以示鼓勵至官兵連次克捷鼓銳長驅

欽定平定回疆方略

卷三十四

五

賊匪自己望風靡落但用兵之道計出萬全於屢
勝之後自宜加意慎重所有進兵後路亦不可不
預爲防範成德岱森保等現已由聶拉木進至木
薩橋攻勦賊匪自己會合大兵直抵陽布岡屬甚
善若尙在途次進攻應卽令成德等於聶拉木一
路前趨陽布中間搥灑處所帶兵堵禦以爲大兵
後路聲援倘彼處無路可通則前次所調後起之

德爾格等兵三千尙未能迅抵軍營應卽於巴圖
魯侍衛中遣回二人令其與帶兵之袁國瑛帶領
在大兵後路濟隴以外要隘處所勒量屯駐防守
以資聲援策應更爲周妥再福康安等前次進呈
之圖止有濟隴以內著福康安於大功告成後將
濟隴至陽布山川地名及險要形勢官兵打仗克
捷處所詳繪一圖貼說呈覽

欽定平定回疆方略

卷三十四

六

臣等謹案功懋懋賞聖王宰世之大權而於行
師制勝尤爲最要大兵征剿廓爾喀由擦木至
濟隴一帶痛殲賊衆收復邊界卽攻克熱索橋
進臨賊境每次飛章奏捷無不降
旨褒嘉不特領兵重臣優加

錫賚所有侍衛章京等悉皆旣敘勞績以次超擢或
賞給名號或

賜戴花翎下至奮勇兵丁俱膺獎勵凡所以軫恤而鼓舞之者實爲有加無已用能感躍行間人思効命至若克捷之後必

誠以慎重後路留意防範更仰見我

皇上淵衷兢惕計出萬全非淺識所能窺測也

二十三日 庚寅

上命軍機大臣傳諭福康安海蘭察惠齡等曰前據福康安等奏官兵進攻熱索橋時賊匪拆去橋板放鎗抗拒福康安等密遣阿滿泰等帶兵繞至上流

潛渡等語所辦深合機宜已有旨嘉獎賊匪既拆去橋板阻河抗拒若官兵止在該處與賊相持卽施放烏鎗隔河擊賊徒費兵力亦屬無益今派兵繞赴上游潛渡乘其不備剿殺賊匪正路官兵亦得乘勢搭橋一時並濟不但省我兵力而大軍遂

得迅速渡河實爲出奇制勝之策此策福康安海

蘭察二人係何人主見又福康安等密遣阿滿泰

哲森保墨爾根保翁果爾海等繞道潛渡後阿滿

泰等卽乘賊不防沿河疾行直撲賊卡趁勢勦殺

一節亦屬可嘉伊四人中又係何人主見首先進

撲俱著福康安等詳悉具奏

三十日 丁酉 福康安海蘭察惠齡奏言 等帶兵

欽定四庫全書 卷三十四

七

於本月十五日奪據熱索橋已至賊境十七日

進至密哩頂地方山徑愈覺逼仄陡巖高峭亂

石叢積日越大山數重竟無路徑一面帶兵行

走一面令烏什哈達張芝元督兵修路前進十

八日行抵旺噶爾地方一路山勢險峻自藏流

出之瑪爾臧大河傍山南注人行大河之東緣

山順河並無容足之地不能劄營 臣等帶領巴

圖魯侍衛官兵俱在石巖下露宿賊匪亦因沿途無駐足據守之處故深入賊境一百六七十里未見一賊但恐賊匪於隱僻地方埋伏差人密加偵探查得旺噶爾西南協布魯一帶地方有賊匪砌卡屯聚隨於十九日五鼓前往察看形勢該處當路有橫河一道水深溜急自東來匯注瑪爾臧大河與熱索橋形勢相似而山險尤甚原有橋座業被賊匪拆毀河岸之北地名旺堆山坡低下河岸之南地名協布噶克瑪山坡極高賊匪在南岸高塲上樹立木城外圍築石墻堵截正路又於木城西南里許協布噶地方臨瑪爾臧河築卡據守隔河對岸亦砌賊卡又有賊寨數座各克堆寨在協布噶克瑪山東三十餘里高據橫河上游各寨內賊匪頗多

二十日^臣等帶領兵丁至旺堆砍伐大樹試往搭橋賊匪居高臨下在木城內施放排鎗橋座不能搭起隨派兵在山上用礮轟擊木城打死多人賊匪猶不敗退木城石牆隨破隨修拒守甚堅二十一日復往攻擊仍不能搭橋渡河^臣等以賊匪所拒之處甚得地勢一時難以攻克必須先將克堆寨攻破奪據上游從東面山上歷下另派台斐英阿等帶兵回至旺噶爾搭橋渡過瑪爾臧大河由薩木那翻山行走直至協布魯對岸進攻賊卡夾擊西面則協布噶克瑪一帶賊匪亦可不攻自潰二十二日酌令^臣惠齡帶同額爾登保等仍由正路進攻牽綴賊勢^臣福康安海蘭察卽一面往攻克堆賊寨因遊橫河東上無路可通隨越過伯爾噶臧典三重

大山攀陟險阻於二十三日黎明繞至橫河上

游北岸其時克堆各寨內賊匪俱在隔河抵禦

鎗砲甚多該處河道寬深又因連日大雨山水

漲發溜趕更急舊有橋座併兩岸搭橋基址均

被賊匪拆毀無存適見南岸有極大枯樹一株

倒入河中尙不能接至北岸相離幾及三丈因

督令各兵另伐大木接於枯樹之杪借搭爲橋

欽定平定回疆方略

卷三十四

十一

我兵奮勇直前無如賊匪鎗聲不斷無暇紮縛

堅固而河內多係巨石橫亘中流漩渦急溜激

石奔騰水力甚大甫將大木接上卽被漂去旋

入石罅中拆斷如此十餘次未能卽渡日暮大

雨伴令各兵撤退伏於石壩樹林之內候至夜

半賊匪俱各回寨卽趕緊接縛大木緣水過河

遙望克堆寨在兩山中間石岡之土地勢頗高

僅有一徑可上當路有火光數處係賊匪瞭望

卡隘^臣等恐仰攻徒費兵力因令桑吉斯塔爾

守橋另分兵爲三路鄂尼保克昇額等繞上賊

寨後山梁哲森保翁果爾海等前往接續阿滿

泰珠爾杭阿達音泰定西龍順山進攻^臣海蘭

察帶領巴圖魯侍衛等潛過山溝繞上對面山

梁^臣福康安帶領安祿德楞泰及巴圖魯侍衛

等督催官兵於二十四日黎明併力壓下賊匪

欽定平定回疆方略

卷三十四

十三

見我兵全已渡河出其不意抵禦不住紛紛潰

亂各路官兵盡力追剿殺死賊匪三百餘名焚

燬賊寨五座徑趨協布噶克瑪其台斐英阿阿

甲等一路亦由薩木那翻山前來攻克賊寨從

西面夾擊所有協布噶克瑪及協布噶屯聚賊

匪見官兵各路壓下全據勝勢均棄木城石卡

奔逸復被我兵邀截殺死賊匪二百餘名旺堆
正路官兵亦即乘勢搭橋過河佔住賊卡追殺
賊衆數十餘名此次進攻協布嚕一帶地方極
爲險要賊匪拒守甚堅若不設法出奇非數旬
不能攻克臣等仰仗

聖主天威激勵將士巴圖魯侍衛官兵等爭先用命
搭橋過河於峭壁懸崖深林密箐人迹不到之

欽定朔方紀略

卷三十四

三

處黑夜冒雨攀援登陟衣履皆穿手足擦破並
未稍形退怯實爲奮勇出力臣等惟有帶領勒
兵直前攻剿迅掃賊巢以期早慰

聖懷

福康安海蘭察惠齡又奏言伏查糧運烏拉事
宜臣福康安自到藏進兵以來隨時籌畫添

設臺站牛隻攔銀雇辦烏拉臺經派撥員弁查

催並以濟隴邊界一帶山高路險牛馬難行之
處應用番夫背運節次奏蒙

聖鑒臣惠齡奉

命來藏凡遇糧運各事宜無不隨同商酌並親在拉
子地方設法趕緊催趲定立章程將該處所有
糧石軍火全行運出始來軍營復經臣福康安

欽定朔方紀略

卷三十四

十四

專派道員林僑回至後藏將在途糧石鉛藥逐
站嚴催現據林僑稟報酌將馬拉價值設法屈
寬後藏商民長運價值既不加增轉運又可迅
速以免逐節更換烏拉守候稽延之弊現已起
運二千一百餘石其餘一萬八千石亦可陸續
續分起長運所辦已有成效又派遊擊額爾亨
額都司牟鏞在濟隴守催雇夫背運並招回避
賊番民受雇其駐劄邊界之唐古忒番兵打仗

不能得力亦派令運糧量加賞犒該番兵等甚
 為踴躍今大兵攻克濟甯業已窮追深入所有
 藏內運送事宜經和琳在前藏盡心竭力設法
 辦理聞近日漸已疏通鄂輝又已來至後藏晉
 辦道員林倘從後藏催糧前來不辭勞瘁所辦
 亦屬奮勉惟宗喀及昂里喇嘛寺一路遞運遲
 延已咨會鄂輝就近嚴行查辦茲復奉

欽定席爾喀紀略

卷三十四

五五

旨令和琳與鄂輝俱在前後藏至濟甯以內往來梭
 織催查於藏內糧運自必更有裨益至濟甯以
 外均係賊境必須軍行糧隨原擬商令臣惠齡
 往來催趨因現值進兵之際臣惠齡年力正壯
 蒙
 特派前來軍營自不敢藉稱遲糧不赴前敵打仗茲
 奉

訓示令臣惠齡在濟甯以外專辦軍糧並蒙
 恩諭諄諄以轉輸與戰勝無異臣惠齡渥受

高厚恩施用至總督授為參贊凡帶兵打仗饋送糧
 餉之事皆應管理即使無悞轉輸捷音迅奏亦
 屬分所當然斷不敢再為非分之想希冀邀

恩格外惟有殫竭心力勉效愚忱以仰副

聖主策勵訓勉至意臣福康安察看糧運情形濟甯

欽定席爾喀紀略

卷三十四

五六

以外地方色達水距熱索橋邊界尚不甚遠其
 色達木至陽布賊巢及官兵追剿處所道途險
 遠不可無大員督辦即遵

旨令臣惠齡酌帶巴圖魯侍衛數員兵丁數十名逐
 節嚴催直送軍營至安設糧臺選擇適中之地
 固屬轉運良法但糧臺必須派兵防護查已刊
 官兵派赴聶拉木一路三千名防守緘轄兵一

千名現隨進剿之兵除傷亡患病墜崖落河各
名外尙不及六千名續調川兵尙未到來不能
再於打仗兵丁內抽撥况現過賊境地方山徑
逼窄地氣蒸溼並無屯糧之地而目下運到糧
石隨到隨支僅僅敷用亦無存積之糧可在中
途儲備此時似毋庸添設糧臺祇須沿途轉輸
迅速自可接濟軍糈若至寬敞地方糧石果能
充裕另行酌辦

欽定平定回疆方略

卷三十四

二十七

同日和琳奏言查班禪額爾德尼移駐前藏已
經十月之久其扎什倫布廟宇去歲雖經賊匪
滋擾經福康安查明均已修理完整附近番民
亦皆復業臣抵藏後福康安曾與臣札商現在
後藏運送軍火軍糧等項歲奉堪布一人未能
統攝番衆似應將班禪額爾德尼送回住錫俾

得董率辦理臣因彼時前後藏地方尙有痘症
傳染是以未卽

奏請今月餘以來氣候已正且福康安收復濟甯
後衛藏僧俗人心堅固靡不鼓舞惟忻班禪額
爾德尼年紀雖幼素爲後藏番民悅服今正當
大軍深入應付烏拉督運糧餉軍火之時如班
禪額爾德尼回至扎什倫布自比堪布呼應較

欽定平定回疆方略

卷三十四

二十八

靈查鄂輝現在宗喀一帶催辦糧餉前藏爲東
西臺站總滙之地邇來甫得疏通源轉運不
日續調官兵陸續到來均需料理臣未能遽離
前藏自應俟鄂輝轉回方可遵
旨前往濟甯以內查催今臣請將班禪額爾德尼送
回後藏如蒙

俞允其時適值鄂輝回藏臣可以順便帶領同往設

鄂輝尙不能還回白應派委員護送查前賊
總理道倭什布人極精細明白遇事亦有斟酌
自前藏至後藏沿途臺站均係該道分轄可否
卽令倭什布護送前往恭候

命下遵行均奏人

上命軍機大臣傳諭福康安海蘭察惠齡和琳鄂輝

曰福康安等奏攻克協布噶一帶木城賊寨打仗

欽定歷代通鑑輯覽

卷三十四

二十九

得勝情形一摺官兵自過熟索橋後所經地方陡

峭高礮亂石叢接無平地可以搭營福康安等與

所帶官兵至於露宿實甚勞苦至不忍觀其協布

噶一帶極爲險要賊匪憑河阻抗撤橋固守福康

安等復設法出奇乘機不意於雨夜迅速潛渡將

賊匪痛加殲戮焚燬卡寨巴圖魯侍衛官兵等俱

爭先用命於人迹不到之處攀援登陟衣履皆穿

手足胼胝並未稍形退却用兵以來從無似此之

難者欣覓之餘益加憐憫官兵采入賊境連次克

捷福康安等調度稽率悉合機宜今賞福康安御

用大小荷包四喜扳指鑲嵌松石翎管海蘭察惠

齡各賞給大小荷包四喜扳指鑲嵌松石翎管用

昭優眷外發去四喜扳指六個鑲嵌松石翎管十

七個著福康安等酌量帶兵大員內如台斐英阿

欽定歷代通鑑輯覽

卷三十四

三十

等何人最爲出力者傳旨分賞又鼻烟壺小刀各

四十件並著福康安等遇有帶兵出力之侍衛章

京將領等酌量賞給以示獎勵現在大兵深入賊

境濟甯以外糧運等項最關緊要屢降諭旨令惠

齡毋須帶兵竟回至濟甯適中地方設法趲運今

惠齡接奉初次所降諭旨已卽回至濟甯一帶往

來查催實力趲運實屬可嘉朕初不料惠齡能權

事理緩急輕重若此本日據福康安等奏藏內運
送事宜經和琳盡心辦理近已疏通所有糧餉火
藥等項後藏有鄂輝在彼催趨自己源源運至濟
甯惠齡務宜倍加奮勉隨到隨運迅速送軍營接濟
以副委任

上諭內閣曰前次官軍攻克濟甯時所有兵丁業經
降旨賞給一月錢糧本日又據福康安奏攻克協
布噶賊寨將弁兵丁等俱各不辭勞瘁奮勇出力
等語除福康安海蘭察等及帶兵之巴圖魯侍衛
章京業經分別賞資外所有此次打仗兵丁著加
恩賞給一月錢糧以示鼓勵

上又諭內閣曰福康安等奏道員林僑在後藏催趨
軍糧將烏打價值雇覓商民設法運送現已起運
二千一百餘石林僑趨運軍糧不辭勞瘁殊屬奮

欽定廓爾喀紀畧

卷三十四

三

勉著加恩賞給按察使職銜又和琳奏松茂道倭
什布派辦臺站塘汛及運送軍糧軍火等項俱能
遵照限期駕馭番民並無貽誤實爲細心曉事等
語倭什布亦著加恩賞戴花翎以示獎勵

同日孫士毅奏言臣到察木多後勒令臺員趙
來震將偷竊火藥之結滾一犯立即拘拏到案
臣親訊偷竊屬實其噶噶哇一犯昨據商卓忒

欽定廓爾喀紀畧

卷三十四

三

巴罕獲解到臣復親加詰問其爲偷竊火藥毫無
疑義當將噶噶哇結滾二犯委建昌道徐長
發及和琳所派東西查催之候補參將徐南鵬
將該二犯押赴通衢令番民烏拉人等環觀正
法以昭炯戒奏入報

聞

欽定廓爾喀紀畧卷三十四

欽定廓爾喀紀畧卷三十五

七月初二日巳亥

上命軍機大臣傳諭福康安海蘭察惠齡和琳曰上年廓爾喀賊匪侵擾衛藏竟敢擾至扎什倫布肆行搶掠實爲罪大惡極不可不大加懲創是以特派福康安等前往剿辦復因該處道遠站長番衆素習疲玩一切糧餉火藥轉運事宜最關緊要必須大員督辦因令和琳馳赴前藏督率催趲朕之用和琳初意祇以伊在侍郎中尙屬細心遇事奮勉是以派令前往和琳到藏後實心整頓設法勸懲該處疲玩積習大有起色朕初不釋其竟能勝任嗣又因大兵卽日深入賊境直趨陽布其濟噶以外距藏遙遠運送糧餉等項和琳等鞭長莫及勢難兼顧因令惠齡不必隨同帶兵迨至濟噶適

欽定廓爾喀紀畧

卷三十五

一

中地方專司督運設法趕辦以期接濟軍營朕之用惠齡亦不過以伊係那延泰之子且係本省總督呼應較靈但惠齡身爲叅贊帶兵打仗本屬分內之事以現在情形而論官兵連次克捷賊匪羣風奔竄士氣百倍巴圖魯侍衛將弁等無不奮勇爭先成功在卽惠齡自願隨同帶兵可著勞績較之駐劄濟噶以外專辦糧運任大責重豈不難易攸殊若惠齡狂於接戰希圖樹績仍懇帶兵打仗轉致糧運重務料理乏人豈朕委任之意今惠齡並不貪功於接奉初次所降諭旨卽迨至濟噶一帶往來查催實力督運深屬可嘉朕更不料其能權事理緩急輕重若此皆仰賴

上天恩佑默膺朕衷於無意中先事籌及特行簡用俱能同心宣力勤合機宜卽此可徵事機順利爲迅

欽定廓爾喀紀畧

卷三十五

二

奏博功先兆朕嘉悅之餘倍深欽感惠齡和琳益宜盡心勉力妥速辦理以期毋負委任

十四日辛亥福康安海蘭察奏言竊臣等攻克協布魯一帶地方業經恭摺奏

聞查協布魯至東覺須由噶多前往噶多距協布魯約有百十里該處山徑叢雜處處相通大兵一過恐賊匪從中邀截卽得東覺終有後顧之虞

欽定平定回疆方略

卷三十五

三

現在打仗官兵將及六千名勢不能再行留兵

抵禦臣等察看情形密探路徑自噶多正路至

作木古拉巴載山梁二十餘里山下又有橫河

一道隔河對面大山卽係東覺爲賊境險要之

地賊匪據險設備前後高下分佈頗爲聯絡自

噶多東南越山至雅爾賽拉博爾東拉一帶大

山亦有賊匪多人屯聚該處係屬間道與正路

互爲犄角最關緊要臣等公同商酌所有雅爾

賽拉博爾東拉一路臣海蘭察前往攻剿帶領

巴圖魯侍衛章京索倫屯土官兵分作三隊桑

吉斯塔爾翁果爾海鄂尼保阿哈保等爲頭隊

阿滿泰哲森保溫春敷里善溫保爲二隊珠爾

杭阿墨爾根保納丹保富僧額多爾濟達音泰

爲三隊金川屯備木塔爾等卽派三隊之內因

欽定平定回疆方略

卷三十五

四

此路極爲險遠將前隊官兵先行進發臣海蘭

察於七月初三日起程督催前進其東覺一路

臣福康安帶領巴圖魯侍衛章京索倫屯土官

兵等前往攻剿亦於初三日起程臣福康安先

至作木古拉巴載山梁望見隔河東覺山巔賊

寨賊營甚多半山以下俱有木城石卡臨河砌

築塔截正路兩山南北夾峙壁立數千仞下視

橫河僅如一線雖濟隴以外沿途山勢已極逼仄然賊匪據守卡寨及渡河處所向畧有偏坡總未有如此地險峭高峻者若帶兵直下至山根渡河卽有二十餘里之遙賊匪鎗礮處處可及斷難從此徑渡探得上游噶多普大山係橫河來源其水稍淺山路亦稍曲折雖對面河岸亦多礮卡防守甚嚴而噶多普山上巨石林立樹木茂密尙可藏身徐下因留台斐英阿蒙興保圖爾岱薩寧阿巴彥泰巴哈等駐兵作木古拉巴載山梁暫緩下山進攻仍用大礮晝夜轟擊使賊匪抵禦正路官兵不得稍息臣福康安卽帶領額爾登保安祿張芝元德楞額泰克昇額五紹定西靈綽爾渾克包保諾托保雙福富永屯備色穆哩雍中朗爾結等由山嶺重疊之處

潛往噶多普繞行兩日初五日黎明帶兵下至半山臨河石卡內賊匪一見官兵先行出卡放鎗抵禦我兵且伏且行于初六日下至山麓浮水渡河礮內賊匪亦盡出抵禦當卽督率官兵一面奮勇剿殺一面將近河各礮卡奪據而上面陡礮上尙有木城層列石卡亦多賊匪見近河礮卡已失卽從陡礮上繞來攻撲我兵奮力剿殺將帶領匪衆頭目臨陣擒獲餘衆始行敗回隨即催兵直趨頭座木城屯兵數人鼓勇先登被刀砍傷各兵並未稍却攀援繼上立時攻克其二座三座木城賊匪俱卽出至樹林內攢集吹號吶喊乘高撲下而木城兩旁石卡內賊匪亦來邀截我兵毫不退却分投接戰攪殺一處不及放鎗惟用弓箭刀矛將賊匪殲戮殆盡

山巔營寨內賊匪聞知趕來援救行走捷速甫至半山復被官兵截殺其合髮英阿等在山梁上連日用礮轟擊打死紅衣綠衣賊口及賊兵多人探知大隊官兵已由噶多普渡河得勝亦卽乘勢由正路下山搭橋過河將正路之木城石卡攻得前來鼓勇登山追奔二十餘里遂將賊寨賊營全行克獲共攻克大小賊寨十一處

賊營三處石礮四座木城五座石卡二十餘處殺死賊目蘇必達奈新一名蘇必達巴撒喀爾一名哈瓦達三名咱瑪達二名賊匪四百餘名滾崖落河者不計其數掣獲大賊目薩爾達爾巴載巴拉哩一名活賊七十六名臣海蘭察分路後繞行雅爾賽拉博爾東拉各山極爲高峻林深箐密毫無路逕連日潛伏步行冒雨登陟

晝夜進行至博爾東拉前山遙見木城三座石卡七處當路砌築頗得地勢若卽直前攻撲未免徒費兵力隨於初六日黎明徑登山巔繞至賊卡之上前隊之翁果爾海等正擬壓下賊匪已峰湧前來勢甚潑猛竟敢迎頭衝突二隊之阿滿泰等三隊之珠爾杭阿等亦卽接續前來臣海蘭察帶領巴圖魯侍衛及索倫屯土各兵奮勇勦殺鎗箭並無虛發自卯至午往返追壓十餘次在前賊匪甫被擊退在後紛紛接應拚命競進短兵相接賊屍縱橫遍地殺死賊目蘇必達那塔新巴一名咱瑪達二名賊匪二百餘名始行敗竄當將木城石卡全行拆毀整隊前進行至瑪木拉復遇埋伏賊兵堵截去路臣海蘭察於高處望見卽督率巴圖魯侍衛章京等

直前迎擊又殺賊百餘名維時東覺餘賊業已
敗竄臣海蘭察卽由博爾東拉山梁趕下與臣

福康安會合一處帶兵盡力追剿賊匪繞山越

嶺行走官兵跟蹤搜捕沿途多有斬獲茲于初

九日趕至雍鴉地方對面噶勒拉山梁上先有

接應賊匪揀險設防屯聚拒守本應卽日進攻

但各兵登山陟險打仗追賊晝夜辛勤已經八

欽定四庫全書

卷三十五

九

日履襪擦損跣足徒行爲石稜擦傷螞蝗嚼嚙

兩足多已腫痛且賊境天氣陰雨最多每日惟

辰巳二時稍霽交午卽雲霧四合大雨如注山

巔氣寒入夜雨皆成雪兵丁昏夜登山遇有數

丈石礮攀援樹枝始能跳越上下一經雨雪尤

屬溜滑難行隨帶弓箭多致跌折鑼鍋帳房更

不能攜往裹帶糈糒又已食完必須休息數日

稍養兵力並嚴催糧石鉛藥弓箭到來分別給

散方可整兵進剿查賊匪素恃險遠滋擾各處

頗諳攻戰自大兵直入賊境後屢次克據賊匪

尙思抗衡未形畏懼今進攻東覺博爾東拉險

要之地各處礮卡營寨木城揀險密佈甚得地

勢賊匪屯聚甚多據守甚固我兵共有數千名

後路並無接應勢難尅期取勝是以臣等于發

欽定四庫全書

卷三十五

十

兵時宣諭我

皇上撫恤士卒

深恩加以激勵官兵等無不倍加感奮勇往爭先

經賊匪迎撲我兵屹立不動鎗箭如雨鐵擒匪

衆俱係壯大克橫之人而各礮卡木城內賊匪

並不藏匿死守悉皆空壁而出希圖抵禦得以

派兵一面攻擊一面奪據不煩逐處攻圍久延

時曰此皆仰賴

聖主洪福將士用命於萬難攻剿之時竟獲全勝臣

等親在行間實深欣感賊匪經此番痛加懲創之後業已望風膽落賊酋賊目自應遣人具稟
恐降但賊匪狡詐反覆卽真心畏懼乞哀亦不能遽准所請卽當發檄飭駁諭令親來顛懇再行相機辦理至沙瑪爾巴爲構衅唆使之入必

欽定平定縣志

卷三十五

十一

當生擒解送臣等自入賊境後遣人至山後撫

輯番民卽聞傳說沙瑪爾巴業伏冥誅今據賊

目巴載巴拉哩所供亦稱沙瑪爾巴患病數月

于五月十五日病斃但沙瑪爾巴在廓爾喀居

住多年何以適當大兵進剿之時卽以病斃必

係賊匪奉到前檄令將沙瑪爾巴縛獻賊酋賊

目等護其助惡逆黨不肯獻出詭稱已故斷不

能信以爲實又作木朗與廓爾喀打仗得勝業

經攻取地方今巴載巴拉哩又供稱賊酋遣人

前往作木朗說和許給銀兩現已罷兵等語雖

番性見小貪利受賂說和亦屬事之所有然安

知非賊匪見大兵壓境鄰近部落又復乘虛進攻

故散布謠言以爲安定人心之計所供殊不足

信該賊目巴與罕獲活賊一併正法再此次打

欽定平定縣志

卷三十五

十一

仗賊匪拚命抗拒巴圖魯侍衛官兵等奮勇直

前侍衛翁果爾海納丹保俱右臂中鎗哪尼保

右肘中鎗俱可勉強行走惟

乾清門侍衛哲森保鎗中左膝損骨鎗子未出伊

子侍衛富承亦鎗中左足骨出受傷俱重現已派

人妥爲照看送回濟隴調養又索倫佐領多爾

濟四川都司伊魯爾圖中鎗陣亡仰懇

聖恩交部議卹其餘官弁兵丁等帶傷陣亡約及百餘名俟查明照例彙冊報部

福康安海蘭察又奏言據成德岱森保報稱五月十二日打仗殺賊因賊匪焚燬偏橋道路不通派合巴圖魯侍衛察靈阿副將五十一由正路搭橋修道前進一面另行躡探小徑成德岱森保整頓兵力于十六日同永德多隆武們撤木保穆克登阿由哈那亥木山越山繞道前往扎木一路俱係懸崖窄徑行走甚難二十一日進至山頂探得東山別有一路由剌喇嘛寺可通扎木因令阿尼雅布彥吉保由東山進攻約定大隊到扎木時一齊下壓成德岱森保等由俄瑪措山前進二百先克賊卡二處乘勝將果果薩喇嘛寺忻喇嘛寺奪據午刻至扎木

欽定平定回疆紀略

卷三十五

三

賊匪放鎗抵禦阿尼雅布等亦由東山壓下攻克喇喇嘛寺前來會合奮勇接戰遂將札木攻

克共殺賊一百七十餘名維時察靈阿五十一由正路前進將至阿陽固橋距札木尚有十餘里該處賊匪正擬阻河抵禦探聞大兵繞至札木起來援救已屬不及岱森保等即乘勢迎剿察靈阿等復過橋追截前後夾擊殺賊四十餘名其餘均投河淹斃二十六日探得前途鐵索橋有賊匪屯聚成德等帶兵于樹林內潛行驟將大河東岸賊卡奪據遂在東山施放鎗礮晝夜奪橋二十七日黎明復將西岸賊卡奪獲殺賊二十餘名餘俱敗竄連次打仗共擒活賊二十七名訊非賊目俱即正法前途山勢愈險小路叢雜一俟探明路徑即行進剿等語臣等查扎

欽定平定回疆紀略

卷三十五

十四

木鐵索橋一帶爲鐵拉木邊境以外通性賊巢要隘過此山徑更爲叢雜恐被賊匪抄截成德等雖屢次得勝所帶之兵究屬稍單原派三千名數內德爾格兵丁行走遲緩尙未到營且此項土兵從前未經調派隨征打仗亦未必卽能得力已行知成德等務須帶現有兵丁嚴守要隘量力前進倍加慎重不可稍涉冒昧致有疎虞如能設法進剿亦不可坐失機會

同日惠齡奏言竊臣於二十六日起程速回查

催協布魯至色達木一帶沿途背運糧石逐節

催趨面諭押運弁兵定限到營以濟急需自色

達木至熱索橋一帶距邊較近藏內運出糧石

雖較前路稍多然不能源源相接總因賊境山

高路險道里遙遣番夫背運糧石負重行走于

中途稍爲憩息卽有耽延况大兵已經乘勝深入愈行愈遠節節險阻長夫更易疲乏若令一直背送軍營勢難迅速且賊境山徑逼窄地氣潮溼並無安設糧臺之處福康安前與臣熱商安設糧臺原爲接替轉遞若計算程途分爲數段多段人夫按覓分設各派弁員管押遞運方可專責成而速轉運番夫習於勞苦偏留石礮之下皆可棲身不必在寬敞地方始行安設查濟龍以外均係賊境福康安前派遊擊額爾亨額等在濟龍福夫背遞並招回避賊番民受雇其駐劄邊界之唐古忒番兵亦酌加賞犒令其背運應役茲已據額爾亨額等稟報濟龍現有番夫二百名內熱索橋安設一百名與唐古忒兵二百餘名接遞背運糧石核計人數若分派各段

運運尙屬不敷臣仰蒙

聖思委任不敢因奉

旨專管濟隴以外糧運區分畛域僅在邊外株守接

催自應親性濟隴添僱番夫以爲分段遞運之

用茲臣于六月初一日馳抵濟隴除將現運軍

糧雇令原雇人夫先行運送外復督同額爾亨

額等於招回避賊番民內並在附近濟隴各寨

雇覓人夫分派妥幹員弁管押運糧前往按日

給與夫價毋庸另籌口食所有背運人夫臣逐

加確核查濟隴爲設夫接運之首站必須多集

人力以備大兵前進逐段撥移之需濟隴應安

夫三百各協布嚕應安夫二百名熟索橋原

夫一百名再添一百名共足二百名之數仍飭

令額爾亨額等於濟隴一帶招徠番民並飛咨

欽定鄂輝等紀畧

卷三十五

七

鄂輝和琳速將前後藏所辦番夫多爲撥赴濟

隴一俟大兵前進卽由濟隴逐段移添聯絡接

運若藏內軍火錢糧源源運過濟隴則濟隴以

外隨到隨行計日可達軍營不敢稍有延緩計

道員林倘將宗喀糧運事宜籌辦妥協前赴濟

隴時鄂輝亦當行抵宗喀接催林倘前赴濟隴

以外鄂輝自應來至濟隴鄂輝查催回藏和琳

又可馳赴前來如此梭織巡查遞加催趨可期

進行無悞臣于催齊人夫後飭令額爾亨額等

按照所定章程妥爲經理卽自濟隴起程沿途

督同巴圖魯侍衛章京分投撥運並將番夫照

指定地方安設實力查催以期軍儲充裕迅速

藏功

同日和琳奏言昨接鄂輝來信內稱宗喀至濟

欽定鄂輝等紀畧

卷三十五

六

囉離係新設臺站人夫馱牛馱羊足敷應用惟
聶拉木以外至新得扎木地方三百餘里山勢
險峻馱羊亦不易行人夫尙不甚備現由定日
前往查辦等語查濟隴以內皆係臣二人經管
鄂輝既往聶拉木一路臣卽應前赴宗喀濟隴
一帶督率辦理惟是前藏爲東西臺站總滙一
切辦運糧餉分派烏拉委調管官應付各路諸

欽定滿蒙紀略

卷三十五

九

事必須居中調度現據哲孟雄因問大兵深入
稟稱春間收復之各寨落現今學卡把守賊人
亦復相拒若欲進兵祈請多派兵丁及糈糶賞
需前來等語伏念福康安未經采入之先曾檄
調該處及布魯克巴進兵以分其勢蒙

皇上洞鑒以福康安失之過早後果不出

聖明所料哲孟雄布魯克巴皆以不服水土爲辭退

守邊界今哲孟雄稟請添兵求給賞項其無能
貪得已可概見况大兵連獲勝仗距陽布不遠
賊匪喪膽勢如破竹亦不藉此項兵力牽制賊
勢且需添派官兵相助與其多添一路不若併
力直搗賊巢臣隨酌賞彼處頭人銀牌緞匹茶
業等項諭令嚴兵堅守寨落毋得輕進因思臣

欽定滿蒙紀略

卷三十五

十

若前赴濟隴則前藏無人料理如坐守前藏則
濟隴又少大員督辦查甘肅布政使景安現在
碩板多一帶奉福康安諭令催趨軍需臣當卽
飛調景安速赴宗喀一帶董率催趨查宗喀等
處一切俱辦有章程只須遵照辦理自可不致
停積景安人極細心曉事且係藩司大員足資
彈壓一俟鄂輝由聶拉木回稱卽當續往查辦
奏入

上命軍機大臣傳諭福康安海蘭察孫士毅惠齡和琳曰福康安等奏進攻東覺山梁並雅爾寶拉博爾東拉等處將賊匪營寨木城礮卡全行攻克痛殲賊衆覽奏深爲嘉慰各兵登山陟險打仗追賊晝夜辛勤已至八日自應暫予休息再行前進此次福康安等於萬難攻剿之處竟獲全勝皆賴

上天眷佑感謝之誠不能言喻而福康安等董率調度

欽定廟堂紀略

卷三十五

三

悉合機宜以及將弁兵丁勞苦之狀可憐可嘉竟不忍復視除已明降諭旨先將福康安海蘭察文部議敘外著再賞福康安御用大荷包一對小荷包四個玉扳指一個海蘭察大荷包一對小荷包二個玉扳指一個用示優眷並另發去蜜蠟鼻烟壺九個小刀九柄着福康安查明帶兵出力之巴圖魯侍衛章京等分別賞給仍擇其實在奮勉者

開單具奏候朕賞給巴圖魯名號並予陞擢以示獎勵其餘出力官兵皆交部議敘統俟大功告竣再降諭旨酬庸懋賞又據另摺奏成德等攻克扎木鐵索橋等處已行令嚴守要隘量力前進倍加慎重等語所慮甚合朕心連日因福康安等未經續報情形方恐後路或無策應賊匪間出侵擾今

福康安等於成德一路尙指示防守要隘則福康

欽定廟堂紀略

卷三十五

三

安等後路自必倍加慎重必無代成德籌防後路而轉自致踈虞之理况同日據惠齡奏辦理糧運一摺于協布嚕熱索橋等處添安背夫惠齡並山協布嚕直至濟曬往來查催益可見後路之毫無阻梗朕心爲之欣慰又據福康安等奏入賊境後卽聞傳說沙瑪爾巴業伏冥誅訊之現獲賊目巴載巴拉亦供稱沙瑪爾巴患病數月于五月十五

日病斃等語其言恐不可信此次廓爾喀滋事皆由沙瑪爾巴唆使該犯實爲此案罪魁必係廓爾喀見大兵連次克捷危亡在即故先託言沙瑪爾巴已伏冥誅希圖卸罪否則沙瑪爾巴詭計多端先揚此言使官兵聞知搜捕稍寬得以乘間遠颺均未可定著福康安等務遵前旨訪查的確至此次掣獲賊目巴歡巴拉哩係何官弁掣獲抑係兵

丁掣獲並著福康安等查明具奏量加獎賞又據和琳奏哲孟雄稟請添兵並求賞項隨酌賞彼處頭人銀牌緞匹茶葉等物諭令堅守寨落等語大兵連獲勝仗賊匪裹臆已不藉哲孟雄兵力牽制賊勢且官兵若有多餘正可併力直搗賊巢何值轉與哲孟雄添助之理和琳所見甚當此必係該部落意存觀望以此探試如官兵蕩平賊境伊即

可居功否則藉口兵少預爲推諉地步今已經和琳嚴詞飭諭此等伎倆不特哲孟雄爲然想各該部落亦俱不免着傳諭福康安等如各部落有似哲孟雄之請兵求賞者福康安等亦當照和琳所辦嚴詞拒絕酌賞緞匹茶葉等物至和琳辦理此事得中竅要著賞給玉扳指一個大荷包一對小荷包二個孫士毅惠齡往來查催糧運均爲出力亦著各賞給玉扳指一個大荷包一對小荷包二個以示嘉獎

上諭內閣曰福康安海蘭察自第哩浪古宗喀進兵屢次克捷收復濟囉攻克熱索橋深入賊境捷音踵至今又由棉布噶進攻東覺山梁並雅爾賽拉博爾東拉等處將賊匪營寨木城礮卡全行攻克痛殲賊衆該處林箐深密路徑險峻福康安等帶

領官兵冒雨步戰手足胼胝實屬奮勇出力可嘉
之至除此出力之將領等文福康安等查明具
奏另行陞賞外福康安海蘭察俱著交部議敘又
據福康安等奏此次帶兵打仗巴圖魯侍衛翁果
爾海哲森保納丹保鄂尼保富永等俱受有鎗傷
等語翁果爾海哲森保均于前次打仗得勝賞給
副都統職銜恩無可加此次哲森保受傷較重著
賞銀一百兩翁果爾海受傷較輕著賞銀五十兩
其中鎗之三等侍衛納丹保鄂尼保俱著陞爲二
等侍衛藍翎侍衛富永著陞爲三等侍衛以示鼓
勵所有打仗陣亡之索倫佐領多爾濟四川都司
伊魯爾圖俱著交部照例議卹其替官弁兵丁等打
仗傷亡者仍著福康安等查明咨部照例賞卹

欽定廓爾喀紀畧卷三十五



欽定廓爾喀紀畧卷三十六

七月十六日丑鄂輝奏言查噶喀長桑等處先

因各官兵均從此路行走運送軍裝千藥較多

目牛隻多染瘟疫以致糧石停滯經福康安委

令知府隆興並派營員隨處催查設法籌辦業

已通行無阻臣親往查看此路原定糧站十九

處設立糧臺四處每臺用牛發運只能按站而

行往返各須七八日不等糧石軍需各項到站

往往守候臣酌定章程各站每日約以發運

二百馱爲率往還七八日馱牛必須一千六百

餘頭方足以敷轉運現在各站牛隻間有倒斃

未能補足查在站辦事營官第巴有能立時趕

辦足數者當即優加獎賞或有稍涉推諉者即

不合其承辦另差安人雇覓番民運送將推諉

欽定廓爾喀紀畧

卷三十六

一

之頭人插箭柳號以示懲儆刻下運送軍需實

已毫無停積其宗喀以往經福康安專差員弁

極力迎催已經陸續運過糶把二千餘石食牛

五百餘頭羊一萬餘隻火藥鉛彈火繩弓箭嘍

位餉銀等項催到卽行發運均可接濟應用查

宗喀一路有長桑定日兩路運到軍需更非別

站可比自宗喀至濟隴道路雖骨峙嶮牛驢尙

可勉強行走而濟隴以外有牛馬不能行走之

處將軍叅贊亦俱徒步攀援則軍火糧餉全賴

人夫背運昨據惠齡札會已於穆里巴達木地

方分段安設背夫現在大兵已進至協布嚕地

方愈行愈遠尤須逐段遞撥面飭候補道承勳

將宗喀至濟隴現有之夫儘可撥赴濟隴應用

臣前在後藏拉子催來之番夫五百餘名不過

兩三日內齊到宗喀即可就近撥給濟甯以內
 作爲站夫臣仍一面嚴催前後藏未到之夫勒
 限償行據報前月二十五六等日自江孜後藏
 押派起身者又有一千餘名望後亦可趕到道
 員林倘先在後藏雇募商民所辦長運糶糶二
 萬五千石已陸續發運七千餘石臣沿途查催
 業經運到宗喀五百餘石番民貪得腳價亦有
 情願運赴濟甯者更可冀其迅速至聶拉木一
 帶每月自定日撥運兵糧二千石已足敷用惟
 聶拉木以外近接成德岱森保等咨會現已進
 至扎木地方距聶拉木有三百餘里道路更加
 險窄牛馬斷不能行卽羊隻最易登山而近口
 解去之七百餘隻滾崖者一百有餘是運送軍
 火兵糧又斷非番夫不可臣卽飛催後藏一帶

續派番夫速往接濟臣原擬自宗喀以至濟甯
 與惠齡面商一切再回至聶拉木一路宜辦但
 自宗喀至聶拉木已有一千餘里若俟濟甯轉
 回更覺鞭長莫及近日宗喀一路臺站輓運實
 已疏通道員林倘現由宗喀直赴大營沿途催
 償卽令候補道承勳在濟甯宗喀一帶往來稽
 查且有福康安差委遊擊都司等員分段守催
 惠齡又在濟甯以外迭節嚴催是此路處處有
 人辦理均可接濟無悞臣於拜摺後卽由上塔
 卡木一帶迎催定日一路之糧由定日馳往聶
 拉木督辦糧運軍火接濟成德等後路並催集
 人夫採辦馱羊分段安設相度地勢修理山路
 偏橋以利軍行而速輓運
 同日孫士毅奏言臣千六月十九日抵邊牆見

該站並無牛馬停積餉銀火藥向多詢之站員
馬承烈據稱此地蠻戶本少必須管官從數十
里百里之外雇備烏拉方能濟用站員只可向
營官催雇若親向蠻民逼令當差必致四處逃
散等語所稟雖係實情但思大兵乘勝深入不
獨軍營需用緊急卽駐藏人臣趨備糧石運送
軍營在在需銀接濟豈容如此稽延臣一面派

欽定大清會典事例

卷三十六

五

弁找尋藏內所遺清仲前來催辦一面派令隨

臣赴藏之知州湯健業馳赴前途將前數站設

法運清庶邊壩停積之項接續前進臣卽駐劄

邊壩先將知府符兆熊趕到內地人夫立即背

負餉銀一半趕緊前進其餘督同站員竭力另

籌趨運適隨臣赴藏之中書周萬聯攜帶直隸

監生米喬齡前來見臣據周萬聯稱米喬齡在

川遊幕有年本年春間經碩板多站員同知明
啟延請幫辦今因明同知交卸站務空閑在此
詢以一路情形頗稱熟悉臣與之商及饋運事

宜據稱驅使口外番民恩威原不可廢但莫若

示之以信則令出必行恩威俱可不事現聞邊

壩營官因需用烏拉較多此間站員接手承辦

甫經數日彼此不甚相信是以在五十里外山

欽定大清會典事例

卷三十六

六

內避匿請給馬一匹前去明日挈同營官來轅

號召烏拉數日內便可起運一清但求營官到

時不必究其逃匿之罪臣卽給馬前去次日米

喬齡果將營官喚到併先帶有烏拉百十個將

所剩大半餉銀卽刻發運隨後烏拉亦陸續到

齊二十一二等日將一切軍火鉛子等項掃數

起運全完臣卽令米喬齡幫辦邊壩事務并諭

以如遇前後數站偶有停積一體全去催趨該

監生一一承允此後各該站自可不致再有停積

之虞臣思米喬齡辦理站務較現任更為得力

又能節省賞項現在試有成效似應給以空銜

使之益加奮勉呼應更靈合無仰懇

聖恩給以九品職銜如能始終出力一切軍儲過站

毫無貽誤俟軍務告竣給咨送部引

欽定廟額聖覽

卷三十六

七

見或將該員發川補用俾川省得一熟悉口外之佐

貳於公事大有裨益臣正在起程間賊內遣來

催辦之濟仲同臣弁員繳令前來據稱已同候

補知府李憲宜將烏拉一一備齊不日即可運

竣臣即優加賞資該濟仲甚為感悅

孫士毅又奏言查口外東塘巴塘向係火燭出

沒之區內三瞻對四瓦述等處附近裏塘其三

暗一處在巴塘之西該處地土瘠薄出產甚少

均以夾壩為生計且彼此仇殺事所常有臣上

年到打箭爐曾兩次奏請撥兵防範均荷

允行臣在打箭爐時該數處夾壩頗知斂戢今臣從

察木多起程行抵邊壩連接駐劄阿足督催軍

儲之知府沈連及在裏塘催辦運務之知府蔡

必昌稟稱近日夾壩漸漸騁張不但一二孤客

欽定廟額聖覽

卷三十六

八

不敢行走即運送軍儲赴下站交卸後回空烏

拉往往被夾壩劫去是以土民懼怕不敢將烏

拉受雇當差等語臣查該處夾壩雖於一切官

物過境尚不敢肆行劫竊而此輩既甘心作賊

萬一因防護不嚴偶有疎虞實屬不成事體查

此數處道路計有數百里臣前此調派弁兵一

二百名分汛駐防不足以資聯絡此時又不值

再從內地添調致敢驚疑臣已密飭附近土練
降番奏足二三百名同漢兵分布防範以期得
力再福康安統兵進剿現已攻克熱素橋進抵
賊境大功告成在卽一切凱旋事宜自應亟爲
預備臣前奏統計官兵自打箭爐進口以至廣
元出境除本站驛馬外其餘竟全雇里馬應用
無庸預爲購備餵養計節省草料實多其口外
酌需馬八千七百餘匹臣奏調出口外只短
少一千五百匹爲數無多儘可從容籌補嗣
接西安撫臣秦承恩札商擬與兩司和寧等購
備健驛一千頭送至成都以備騎馱出口之用
是口外凱旋馬匹所少更屬無幾尤爲易辦惟
有卽在川省設法籌備旣免他省撥解之煩且
免長途疲乏之慮均奏入

上命軍機大臣傳諭福康安海蘭察孫士毅惠齡
鄂輝觀成等曰鄂輝奏沿途查催軍火糧石情形
一招所辦俱好覽奏稍慰又據稱現由上竦卡木
一帶迎催定日一路之糧由定日馳往聶拉木督
辦糧運軍火接濟成德一路等語所見極是現在
成德等已帶兵深入後路兵糧軍火關係緊要而
濟隴以外已有惡齡駐彼督辦兼有福康安等差
委員弁分段守催自可接濟無悞若鄂輝復由宗
喀前往濟隴往返需時其聶拉木後路軍糧轉致
鞭長莫及今鄂輝能不拘泥仍自宗喀轉迴迎催
定日一路糧運俾成德後路可資接應實屬可嘉
此一舉足蓋前愆著賞給大小荷包以示獎勵但
鄂輝到聶拉木後祇應將成德後路妥爲安頓不
可急思建功冒昧深入此時成德由聶拉木進兵

已經三百餘里俟鄂輝到彼成德又已前進相距更遠鄂輝即使馳往亦屬無及若鄂輝在聶拉木逗遛則濟甯以外糧運事宜雖有惠齡在彼督辦而濟甯道東以至後藏轉致無人照料且現據孫士毅奏邊壩地方尙有糧石積壓所關匪細鄂輝將聶拉木後路安頓後仍卽速回宗喀一帶督率催償不使停留方爲妥善又孫士毅同日奏到辦理糧運情形各摺孫士毅自出口後親身督率相機籌辦所有糧餉火藥等項俱已源源起運前進自可早抵軍營但前此察木多以東軍需停滯究未免遲悞現在邊壩所積餉銀火藥等項務須督率嚴催迅速起運毋任再有耽延又據奏稱現接稟報裡塘近有夾壩不但過客難行卽運送軍儲交卸後回空烏拉往往被夾壩劫去已密飭附近

士練秦尼二三百名同漢兵分布防範等語裡塘等處向係夾壩出沒之區近日復有此事雖官物過境不敢肆行竊劫但現在該處正當糧運絡繹之時不可不迅速搜拏嚴行究治孫士毅已抵前藏著傳諭觀成接奉此旨卽赴裡塘一帶率領士練漢兵留心防範將該處夾壩實力搜拏從重嚴辦孫士毅在邊壩催運完竣自己已至前藏與和琳會晤一切事宜俱經會商酌定此時亦應速回裡塘一帶四川省城亦不可無大員彈壓觀成一俟孫士毅回至裡塘卽速旋成都辦事以資彈壓至凱旋馬匹業經孫士毅預爲購備將來大軍凱旋時其官員弁兵必須隨行者自可敷用此外兵丁等乘騎馬匹卽臨時稍有不敷原不妨令其畧爲停待隨後行走卽回營較遲數日亦屬無碍

上諭內閣曰孫士毅奏直隸監生米喬齡在川遊幕
有年經孫士毅詢以糧運事宜該監生自請前往
碩板多曉諭隨同營官帶到烏拉將該處停積餉
銀火藥等項起運全完請賞給九品職銜等語米
喬齡以監生在川遊幕竟能曉諭營官料理糧運
實屬能事米喬齡著加恩賞給七品職銜俟軍務
告竣再行給咨送部引見

欽定大清會典事例

卷三十六

三

同日孫士毅又奏言前蒙兩次

恩賞軍需銀三百萬兩除二百萬兩早經省庫收足
其兩淮協濟之一百萬兩日內當亦一一收齊
臣以軍務緊要催令總局及藩司英善不拘何
項庫貯銀兩先行借支給發毋許少有遲延旋
據陸續稟覆解送藏地軍餉業經先後出口者
二百萬兩分解各臺支用一百餘萬兩是軍需

銀三百萬兩業已全數運送出口其由內地支
給之項俱係于司庫別款項下借支動用現蒙
皇上諭令附近隣省及川省地丁項下再撥給三百

萬兩前後共六百萬兩計已有贏無絀臣一路

查核解藏軍餉過察木多者一百三十萬兩內

已過邊壩者一百一十萬兩由拉里抵藏者約

有六十萬兩其餘現由裡塘巴塘一帶前進至

欽定大清會典事例

卷三十六

十四

火藥一項先後過察木多者十二萬餘斤過邊壩
者十萬餘斤所有鉛子火繩等項亦照火藥斤
兩搭配運送其自邊壩以西直至前藏中間停
積必須全數趕運方可供軍營要用臣現在一
面飛檄嚴催一面將此間餉銀軍火等項掃數
起運卽刻迅赴前途親自督催赴藏與和琳當
面熟商趕緊設法送至軍營以濟要需奏入報

聞

二十六日癸亥孫士毅奏言竊臣自察木多起程

後於六月二十二日在邊壩駐劄奏明運藏軍

餉過察木多者一百三十萬兩內已過邊壩一

百一十萬兩現據建昌道徐長發續報催過察

木多軍餉又有十五萬兩是出口軍餉前後共

二百萬兩而催過察木多以西已有一百四十

欽定廟儲略紀畧

卷三十六

五

五萬兩總查道府各員尙屬認真催趨臣從邊

壩一路督催本日已抵拉里查該站距藏較近

凡軍需等項一到該站即可按日而計抵藏之

期臣與拉里站員當面核對計該站運過藏內

軍餉共九十二萬兩有零先後軍餉到藏應有

八十萬兩惟查察木多以西均係達賴喇嘛及

類烏齊三十九族所管前此從未嘗差服役呼

應其難經福康安和琳曉以大義諭令多派烏

拉在站受雇應差並節次委員沿途梭織催趕

方得將前此擁積陸續起運而駛運一二起之

後卽藉口烏拉疲乏必須更換是以疏通之後

中間又不免畧有停滯臣一路詳加察看若全

恃烏拉駛運軍儲斷難接續前進查察木多東

西臣前已雇備民夫分安各站繼思東臺早經

欽定廟儲略紀畧

卷三十六

六

疏通斷可無慮阻滯現惟西臺最關緊要昨又

續雇內地民夫數千趕緊前來頃據站員稟報

已有行過邊壩者此項民夫到齊與烏拉併力

趨運無虞再有稽阻再查福康安前委甘肅布

政使景安駐劄拉里往來督催最爲得力今接

和琳來札已檄調景安前赴濟甯催辦糧運現

在拉里少一督辦大員臣已飛調建昌道徐長

發由察木多移駐拉里並令雅州府知府沈漣
從阿足移駐察木多其自恩達至邊壩自邊壩
至拉里現今知府符兆熊李憲宜分段稽查催
遣如此則察木多以西均有大員專司料理此
後軍儲永無停積之患再臣此次路經西臺查
知該處番民間官兵春間過境之信俱挈家遠
避他處地上全行荒廢白拉貢至多洞一千六
七百里並無一戶在家其意必欲俟凱旋過兵
之後方始歸來若非福康安和琳諭令達賴喇
嘛派出濟仲從各處山外招徠烏拉前來受雇
則此千幾百里之內各站員實難呼應至西臺
此時既無番民居住過往人夫無從買食所有
當差烏拉尚可自各家攜帶前來其內地出口
人夫斷不能攜帶如許之多未免聞風畏阻據

該建昌道徐長發稟稱察木多左近口糧尙屬
易購情願捐貲先行採辦糶糶五百石運送接
濟夫食臣已面爲嘉獎並經知府符兆熊李憲
宜等以人夫衆多捐貲終非久計各該站既無
人戶莫若卽令汎地兵丁搭蓋草棚承領糶糶
開設飯舖以便過往人夫就地買食在衆夫口
食有資而汎兵亦稍沾餘潤實爲兩得臣已一
一照行現在出口人夫聞知此信均已踴躍前
進再臣前接和琳來札知從拉里以西距離數
站番民耕作如常並不知有兵事情形極爲安
堵臣實不勝忭幸
同日和琳奏言查六月初四日總兵彭承堯帶
領頭起沃什克壩瓦寺官兵五百餘員各到藏
於初六日起程前進茲於初十日至二十五日

總兵朱射斗帶領各起官兵先後抵藏陸續起程業已全數進發所有口糧蔬菜烏拉等項俱係早經預備照例支給隨到隨行並無遲滯臣接見領兵將弁諭以加站起行乘此大兵連獲勝仗之時早抵軍營殺賊立功各圖報効衆兵踴躍歡欣奮勉前進一面知會鄂輝一體應付烏拉人夫催償行走俾得此生力官軍早抵大營不難迅速蕩平上慰

欽定平定回疆方略

卷三十六

九

聖懷

和琳又奏言查藏地僧俗性成疲玩向無立定章程因循日久故內地去冬出口軍需節節停滯經孫士毅及臣先後設法勸懲目今東路俱已疏通叩尾前進計自臣抵藏後內地頭起車火於閏四月二十日運到起截至六月底止運

赴軍營火藥鉛彈火繩并弓箭等項為數不下十五六萬又解過餉銀四十九萬六千兩掾拉子稟報由前後藏發往糶粳麥麵共運過九十八萬餘勛食米三百餘石俱已轉運濟隴足敷軍營支應至濟隴以外原係賊境大兵攻克後需用內地人夫撥往添設臺站前經奉

欽定平定回疆方略

卷三十六

十

旨濟隴以外專派惠齡辦理但惠齡駐劄邊外人夫須由邊內派撥况邊內人夫尚不足三路臺站之用如再撥往邊外不但彼此無益勢必紛紛逃散臣不敢心存岐視再四思維唐古忒兵丁於打仗雖懦弱無能若調赴邊界背運糧儲軍火尙屬力所能為現飭噶布倫等就近調遣迅往濟隴聽候惠齡撥用仍照前

旨賞與征兵口糧當必踴躍從事孫士毅不日抵藏

臣遵

旨與之商辦一切俟鄂輝回藏卽當趕赴濟甯以內

督催辦理

同日鄂輝奏言臣自宗喀起程沿途查看定日

滾運及後藏長運之糧絡繹於道計有二三千

石先經札飭候補道承勲務須隨到隨運並查

明前藏派來番夫又有二千二百餘名當卽專

欽定廟額紀畧

卷三十六

三

弁分路迎催務令迅速趕到濟甯臣至定日後

查察該處糧員吳桂分運宗喀拉木等處之

糧並無遲悞臣當卽差人於定日督囑爾一帶

糧得番夫四百名親自帶往於二十三日抵甯

拉木查該處白水薩橋以外道路險窄然尙有

偏橋可渡過此以往則惟峭壁懸崖絕無路運

僅於陡岩上繫成足跡攀援上下背夫等負重

而行往往墜落深澗因此番夫多有畏難逃避

臣昨抵薩拉木卽有見背夫一百餘名送糧轉

回內有跌傷手足者五名當卽優給銀兩飭令

卽在糧站調養其餘每人另各犒賞銀錢糶把

仍令背運軍糧前進惟查從前糧員等派夫運

糧均係直送軍營往來旣需時日其間稍有耽

延轉致積壓守候况該夫又須自帶往返口糧

欽定廟額紀畧

卷三十六

三

更覺負重難行惟有逐站安夫每日接替滾運

方能安速隨查點本站現存及此次帶來夫數

分作七起每起一百名各安一站每站相距四

五六十里不等直至軍營各派弁兵夫頭管束

早去晚回此項番夫安站後每日均得口糧工

價不致空閒更且逐處添蓋高棚或搭帳房雙

頂俾番夫有所棲止自可免於逃逸查後起尙

有官兵一千名先經福康安派往攝拉木一路
 昨據前藏總理道倭什布稟報已於本月十二
 十六等日過藏不日即可到營是此路兵精每
 月又須多籌一千餘人食用况官兵乘勝乘入
 愈行愈遠並須預備人夫往前安站臣現又催
 令後藏承辦夫馬頭人限十日內再催齊一千
 名到來添安在站並責前邊設站之需均奏入

欽定四庫全書

卷三十六

三

上命軍機大臣傳諭孫士毅和琳鄂輝曰據孫士毅
 和琳鄂輝同日奏到趨運糧餉軍火情形自內地
 至軍營萬有餘里口外春間又值牛病盛行烏拉
 未免掣肘一切軍需等項鞭長莫及不無擁滯今
 節經孫士毅和琳霍備民夫分安各站親自往來
 督率設法趨催現已陸續運赴軍營其孫士毅前
 次督運遲緩之處此時亦不復再問惟當倍加奮

勉慎重辦理隨到隨解迅速送軍營勿再懈緩貽誤
 前因孫士毅奏裡塘近有夾壩該處回空烏拉往
 往被劫已諭令觀成速赴裡塘帶兵搜擊並令孫
 士毅在前藏與和琳會晤後速回裡塘一帶督率
 嚴拏辦理孫士毅接奉前旨自當遵照卽回裡塘
 務將該處夾壩實力搜捕肅清運道並預備凱旋
 事宜又據奏自察木多至拉里最稱難辦之站現
 在調派道府分段查催等語是察木多以西拉里
 以東一切臺站烏拉轉運事宜尙形疲緩正須設
 法催僱孫士毅到前藏後更當速回沿途督率催
 查趕緊運送以期源源接遞此時前藏一帶經和
 琳實力整頓寬嚴並用足資料理孫士毅竟不必
 心存拘泥在前藏久駐也又據奏察木多番民間
 官兵春間過境之信俱挈家遠避地土全行荒廢

欽定四庫全書

卷三十六

四

等語該處番民一聞官兵過境之信相率遠去殊爲可惡前經和琳自打箭爐至藏沿途出示勸諭已有陸續歸農者現在拉里以西至藏數站番民均已耕作如常應卽令歸農番戶就近曉諭察木多以西拉里以東避去之番民以大兵過境紀律嚴肅從無擅入番寨強取一草一木之事該處番民儘可不必畏懼若遠避不歸轉致荒廢地土豈不失其恒業自應速回本處照常耕種歸家樂業如此轉相告諭其避去之番戶自當聞風俱回本寨而糧運亦可資其背運豈不兩有裨益又據和琳奏由前後藏發往糶粳麥麩等共運過九十八萬餘斛食米三百餘石俱已轉運濟隴足敷軍營支應等語所辦俱好其糶調漢土官兵已全行抵藏聞日起程前進所有口糧鹽菜烏拉等項俱早

經預備隨到隨行自可迅抵軍營現在大兵卽日直搗賊巢此項官兵卽不及趕上亦可作後路聲援自更爲得力至鄂輝到濟隴與惠齡會晤後自遵照前旨卽回前藏替換和琳前赴後藏伊等惟當倍加奮勉迅速趨運毋致遲緩

欽定廓爾喀紀畧卷三十七

八月初五日

辛未

福康安海蘭察奏言

臣等攻克

東覺雅爾賽拉博爾東拉等處于六月初九日返至雍鴉地方暫休兵力茲於十五日據賊酋拉特納巴都爾將上年在番拉木裹去之兵丁王剛第巴塘邁及丹津班珠爾跟役多爾濟諾爾布第巴跟役果畿四人送出呈遞

臣福康安

欽定廓爾喀紀畧

卷三十七

一一

稟一件又呈遞官員官兵稟一件譯出閱看大

意以廓爾喀與唐古忒素相和好所有誘執兵丁噶布倫及搶掠後藏皆由沙瑪爾巴主持唆使奉到前檄正擬將沙瑪爾巴縛獻已於五月十五日病斃是以將王剛等送出懇求

大皇帝施恩赦宥如蒙允准再遣大頭人來營懇懇聽候

臣

福康安指示無不遵依其呈遞官員官

兵之稟詞意亦復相同惟唐古忒不照合同一

節因前已嚴檄飭駁不敢再向

臣

福康安稟及

祇於呈遞官員官兵稟內畧提一語以見其侵掠後藏事出有因種種卸罪巧言實爲狡詐其所稟沙瑪爾巴病斃日期適在大兵收復濟噶以後尤屬可疑若非賊匪不敢獻出致死滅口卽係護其助惡黨羽私行藏匿諛稱已伏冥誅

欽定廓爾喀紀畧

卷三十七

一一

訊之兵丁王剛第巴塘邁僉供沙瑪爾巴于五月十五日身死十八日經賊目達薩爾約同丹津班珠爾札什敦珠布及兵丁王剛等四名前往神塔廟內驗看屍身右眼下有痣一點痣上生毛左手背當食指之下偏右有瘰子一點爲據通身青紫因天暑漸已發變等語詰以沙瑪爾巴屍身既屬青紫自係服毒身死復據塘邁

供稱沙瑪爾巴於本年二月二十五六間得有腹瀉嘔吐口瘡病症我是知道的後來是否服毒沒有聽見人說等語竊思兵丁等拘留陽布一年被賊匪監禁卽見過沙瑪爾巴兩面恐未必記憶真切丹津班珠爾扎什敦珠布第巴塘邁等久在賊中均與賊匪串通一氣附會其說所言殊不足憑卽日掣獲丹津班珠爾及賊中大頭目並跟隨沙瑪爾巴之人自無難得其真偽現在休息兵力業經數日嚴催後起軍火弓箭迅速運來原可整旅前進雖據王剛供稱陽布城內共有五六千人途中防禦亦有六七千人其餘賊據各部落諒亦可調然我兵勇猛精壯仰賴

聖主洪福屢次打仗克捷卽現在續調川兵疊催未

到先帶現在勁兵將及六千名之數自己所向無前卽當奮勇進攻斷不肯坐失事機致墮賊人緩兵狡計

福康安海蘭察又奏言據成德岱森保報稱六月初三日岱森保阿尼雅布彥吉保們撒木保常春由果達哩山梁前進承德多隆武察靈阿穆克登阿由交柰山梁前進成德五十一由正路前進齊至多洛卡會合剿殺奪據賊卡追至峩賴巴地方一路山道險窄樹林茂密令彥吉保五十一繞由樓西爾拉多山行走以備賊匪抄截成德等由江各波邁山梁直趨隴岡該處有賊屯聚我兵由山梁壓下彥吉保等亦帶兵前來兩面夾擊遂將隴岡占住訊據擧獲活賊供稱利底地方賊匪甚多山勢險峻隨派屯兵

哨探該處有賊寨數處賊卡數處隨於初十日分兵兩路直撲賊卡焚燒草棚賊皆出卡抵拒奮

勇攻剿賊匪抵禦不住均向利底寨內逃竄跟蹤追往由利底東山撲下復得賊卡二處正在

進攻利底大寨而賊匪居高臨下頗得地勢我兵攻撲移時大雨傾注山高泥滑不能立時攻

克天氣已暮將各兵暫行撤回現在整頓兵力

欽定平定縣志

卷三十七

五

再行相機進攻等語臣等查賊境地方陰雨景

多近日雨勢益大晝夜不止利底爲險要之地

賊匪拚命拒守必須預操勝算方可設法進攻

未便徒費兵力况聞聶拉木糧運軍火亦屬短

缺全軍深入饋送尤關緊要現在屢次克捷賊

匪已極畏懼聶拉木一路雖係偏師亦宜倍加

慎重臣等因德爾格兵丁不能得力並藉稱畏

熱患病沿路耽延擬俟續調之川兵到時酌撥

一千名前往以壯聲援

福康安海蘭察又奏言竊查糧石軍火爲行軍

第一要務臣福康安在藏時多方籌辦法催

趙前在拉子地方卽商令惠齡暫住拉子數日

將未運各項由定日及昂哩喇嘛寺兩路分投

運出漸覺疏通前藏一帶經和琳設法督催較

欽定平定縣志

卷三十七

六

前已有起包臣等行至宗喀時查得該處爲糧

運必經之地其昂哩喇嘛寺新設臺站分運糧

石亦至宗喀歸入大路沿途山道崎嶇鳴喀長

柔等處爲此一路緊要糧站惟恐各該糧員轉

運稽延將拉子運出之糧又復積壓特派候補

道承勳駐劄宗喀龍安府知府重光駐劄噶喀

專司起運查後藏以西山大站長牛驢多致疲

乏宗喀至濟隴以外道路異常險仄牛馬均不能行背運番夫雇覓甚艱卽雇得數百名而番夫等軟弱怯懦旣畏路長山險又不敢前赴賊境每在中途逃散必須承辦之員設法督辦方可勿悞供支乃大兵深入後距邊較遠每日派人催糧相望於道而運出濟隴糧石本少到軍營者自屬無多計兵支給日形短絀竟有難繼之勢總由宗喀一帶番夫短少糧石停積所致

欽定鹿爾喀紀畧

卷三十七

七

茲臣福康安確切查明候補道承勳自抵宗喀

以來一籌莫展糧石軍火不能隨到隨運雖承

勳從前辦運糧石尙知奮勉而此時旣有遲悞

卽未便稍事姑容知府重光在噶喀地方辦運

尤屬怠玩全不以事爲事積歷較多實非尋常

貽悞可比相應請

旨將候補道承勳龍安府知府重光均卽革職仍令

辦理糧運効力贖罪俟大功告竣再行核辦

等將承勳重光頂戴先行摘去而重光一味頑

頑所悞起數較多並將重光卽行柳號俾糧員

共知儆惕至邊界糧運事宜展蒙

聖訓周詳多方

指示

欽定鹿爾喀紀畧

卷三十七

八

諭令惠齡催查濟隴以外糧運惠齡現於濟隴雇夫

運送臣福康安與之札商或長運或短運總期

設法辦理轉輸迅速至宗喀以及噶喀等處承

勳重光業經叅辦必須另立章程大加整頓鄂

輝辦理未能妥善而隨帶辦事之員又復不能

認真出力若令惠齡前赴宗喀一帶而濟隴以

外又無大員查催前奉

諭旨令和琳鄂輝往來巡查現在前藏地方臺站業

經和琳力加整頓應令和琳卽至宗喀濟噶一

帶催辦和琳辦事歷練精細自能駕馭番民認

眞振作實有裨益臣等現在咨會惠齡上緊雇

夫嚴飭各員弁設法籌辦將糧石軍火趕緊起

運接濟要需並一面飛咨和琳卽行起程前來

督辦以期軍儲充裕兵食有資

欽定前藏略

卷三十七

九

同日和琳奏言查濟噶以內東至宗喀係新近

收復地方濟噶以外至軍營乃攻克賊境山險

路窄人烟稀少運送糧餉軍需較前後藏難至

數倍雖惠齡一人足資辦理但邊外究非邊內

可此刻下察木多東西直至前藏有孫士毅料

理萬無一失藏內經臣整頓已行章程其前後

藏至濟噶以內專令鄂輝督率經理又有藩司

景安幫辦亦可不虞遲滯惟濟噶以外大兵愈

進愈遠恐惠齡顧此失彼臣受

思深重不敢存此疆彼界之意仰懇

聖恩准臣赴濟噶內外一帶幫同惠齡辦理運送糧

餉軍需俾得源源接濟大營膚功迅奏早抒

宸厯再查四川軍需局具報自去年八月起至本年

四月止共撥軍餉銀十四起計銀一百四十萬

欽定前藏略

卷三十七

十

五千兩又于五月續撥餉銀三起計銀六十萬

兩陸續出口實撥藏餉銀二百萬五千兩查未

到西藏之先藏中收過餉銀六起計二十二萬

五千五百兩早經支用無存及到藏後設法催

償及孫士毅抵察木多以來認真辦理扣至七

月初五日計運到餉銀五十二萬九千六百兩

均係隨到隨運並無片刻遲延惟前藏至濟噶

各臺站人夫烏拉腳價工食及續行採買糧石等項均須現銀給發臣每于餉銀到藏酌留十分之一二分撥各站其餘俱令全送軍營以供支應計兩月以內除前藏酌留銀九萬三千六百兩令分撥各臺及官兵鹽菜口糧各項腳價外實先後撥解銀四十三萬六千兩徑運濟隴其東路後起未到餉銀現經孫士毅尾隨催借均已報過察木多巴塘地方絡繹在途可以不必虞匱乏至西藏後路一帶俱由邊內派夫前往安設背運臣前經催辦臺夫押赴宗喀聽候鄂輝撥用並調唐古忒兵丁番夫人等前赴濟隴以外交與惠齡分派臣因鄂輝尚在宗喀一帶未回不敢擅離前藏是以奏調藩司景安赴清隴幫同辦理昨初四日景安已由前藏起程馳

往並接鄂輝來信內稱克復濟隴後至六月十一日止宗喀發運過糶糶二千一百餘石食牛五百七十一頭食羊一萬六百餘隻米麵在外火藥一萬三千餘觔鉛彈火繩一百零五包篋弓二百張箭一萬枝砲位刀斧在外餉銀三萬餘兩俱到軍營足敷接濟等語鄂輝近在濟隴自係實情迄今又將及一月續運各項爲數自必倍多臣惟有悉心經理設法趨運以期迅速軍營有盈無絀同日惠齡奏言現在福康安等攻克東覺一帶追賊至雍鴉地方道路愈遠卽應添雇番夫分段安設以資接運軍需等項前經飭令遊擊額爾亨額等再于濟隴一帶招徠番民受雇並行催前後藏所辦番夫迅速前來以爲添設之用

但近日軍火軍糧等項運出濟甯以外者本少
 就現有之兵夫隨到隨運雖無停積而軍行愈
 遠程站愈長亟須逐段添設現飭多方雇募設
 法催趨並因口外連日大雨山逕遍仄滑濘難
 行恐人夫有避匿之事于分段安設地方搭蓋
 草棚數座督押官員既可稽查約束背運人夫
 亦資棲止現在運送軍需各項俱分派員弁沿

欽定廟西紀畧

卷三十七

三

同日孫士毅奏言臣現于七月十一日行抵德
 慶距藏祇有七十里所有自拉里至德慶沿途
 見軍火餉銀接續行走中間並無停積臣于途
 次接和琳來札知餉銀一項和琳未到之前藏
 內收過二十二萬五千五百兩和琳到後又收
 過五十二萬九千六百兩共收過七十五萬五
 千兩有零臣詢之德慶站次近日藏內又收過
 二萬兩是前後共收過七十七萬五千兩有零
臣昨在拉里覆
 奏約畧藏內應到有八十萬兩今尙少二萬五千
 兩查係各解員因途次烏拉倒斃恐誤行程卽
 在沿途將餉銀買補牛馬前進是以藏內所收
 銀數較臣覆奏銀數少銀二萬五千兩合併聲
 明

欽定廟西紀畧

卷三十七

七

同日觀成奏言竊臣接奉

上諭令卽赴裏塘一帶實力搜捕夾塘侯孫士毅回
至裏塘卽回成都辦事等因欽此查本年七月
初四十三等日據卓和協副將趙秉彙稟稱裏
塘一帶近有夾塘滋事當經飭令卽于附近土
司營分內派撥勇健番兵二三百名並派委瀘
綿營遊擊何德才馳往協同緝拏務期淨盡並

欽定平定回疆紀略

卷三十七

五

將拏獲夾塘之漢番出力兵丁一併優加獎賞
茲仰蒙

諭旨令臣速往防範搜拏當將所署將軍滿營事務
交副都統佛智代辦至提督本任並將軍標營
各事務卽檄委中軍代拆代行卽自省城起身
星馳出口均奏入

上命軍機大臣傳諭福康安海蘭察惠齡孫士毅和

琳鄂輝曰福康安等奏賊酋拉特納巴都爾將上
年裹去之兵丁王剛第巴堪邁等送出并有呈遞
福康安暨官員官兵等稟各一件此次賊匪齎呈
稟帖僅令裹去兵丁第巴等前來投遞並未專遣
大頭人來營而稟內祇妄想乞降尙未自行認罪
實屬可惡至沙瑪爾巴唆使賊匪誘執兵丁噶布
倫及搶掠後藏實屬罪不容誅卽服毒身死已屬

欽定平定回疆紀略

卷三十七

十六

倖逃顯戮現今查明該犯名下雖無應襲封職但
未知藏內伊尙有父叔子姪否著和琳鄂輝於事
竣後詳細查明現當何差稟行斥革以抒衆憤而
示懲儆又據奏成德一路官兵攻克多洛卡隴岡
等處候續調之川兵到時酌撥一千名前往往以壯
聲援等語聶拉木一路雖成德等帶兵進攻亦能
連次克捷但利底山寨等處賊匪守禦尙堅究屬

偏師牽綴恐未能直搗賊巢計此旨到時續調之彭承堯等所帶川兵已可早抵軍營著福康安等再加酌量如所撥一千兵丁已派往聶拉木一路則已如尚未撥往不如仍留于福康安等軍營庶多一千名更足以資調遣而壯聲威惟在福康安等斟酌而行也又據參奏玩悞軍需之候補道承勳龍安府知府重光均卽革職先行摘去頂戴仍令辦理糧運効力贖罪並將重光卽行枷號等語所辦甚當糧石軍火爲行軍第一要務豈容玩悞遲延今福康安將該二員摘去頂戴並將重光枷號示儆深爲可嘉已明降諭旨將福康安交部議敘其承勳所辦糧運如查明亦有似重光之貽悞情節並著一併枷號示儆不必姑息至現在糧運經福康安大加整頓之後糧員兵丁等自不敢仍

前樊混福康安因鄂輝辦事稍軟和琳能駕馭番民認真振作飛咨和琳卽赴濟隴一帶督辦所見甚是適和琳奏到懇赴濟隴內外一帶幫同惠齡辦理糧運與福康安所奏適合實屬可嘉之至孫士毅行抵德慶距藏只有七十里和琳與孫士毅晤商一切後接到福康安咨文自己前往濟隴一帶但前藏爲糧運總匯之地不可無大員督辦前因裡塘有次壩之事令孫士毅卽回裏塘查拏並令觀成馳往該處帶兵搜捕觀成俟孫士毅到後仍回成都彈壓今觀成已奏到起程前往現降旨令其卽在裏塘駐劄該處夾壩足資料理孫士毅竟應在前藏駐劄督查如此旨到時孫士毅業經起程回途著卽子途次仍速赴前藏辦事至濟隴以外糧運據惠齡奏籌辦背夫子東覺普東葉

等處添設等語所辦亦好今和琳又赴濟甯一帶幫同辦理自更周妥但和琳既赴濟甯一帶查催其濟甯距前藏尚有四千餘里亦恐鞭長莫及著和琳酌量如鄂輝查催糧運尙爲得力莫若令彼于前後藏適中之地往來照料庶節節有人查催更爲有益如鄂輝不能得力卽令其竟回前藏辦理一切亦無不可

欽定四庫全書

卷三十七

九

上諭內閣曰宗喀喀喀等處爲後藏糧運緊要臺站承勲重光經福康安等特派在彼專司起運竟不以事爲事致軍餉多有停積非尋常貽誤可比承勲重光均著卽革職至向來外省督撫遇有道府貽誤地方事務不過叅奏革職並無枷號辦理者至軍行之際賞罰必應嚴明不容稍事姑息福康安于此等貽誤糧員並不拘泥請旨卽先將該一

員摘去頂戴並將積壓較多之重光卽行枷號俾糧員共知儆惕所辦甚爲得當福康安著交部議

敬

上命軍機大臣傳諭觀成曰據和琳奏濟甯一帶刻下軍需最關緊要請卽前赴該處幫同惠齡催辦且福康安亦經奏請令和琳卽至宗喀濟甯一帶催辦糧運和琳自己起身前往濟甯內外來往查

欽定四庫全書

卷三十七

三

催是孫士毅此時卽應留駐前藏不能卽回裏塘所有裏塘夾壩竟著觀成在彼督率兵丁實力搜捕觀成務須在打箭爐一帶嚴密防範迅速搜淨卽從重嚴辦務期搜淨盡運道肅清毋得稍有疎懈

上命軍機大臣傳諭孫士毅曰據福康安等奏現在兵丁王剛帶出丹津班珠爾等寄唐古忒番目書

信內稱達薩爾乃爾興向伊告知上次廓爾喀差
 哈哩薩野爾進京仰蒙大皇帝施恩卽欲差人謝
 恩沙瑪爾巴妄稱既受天朝封號例應食俸或賞
 給地方賊酋等卽差達薩爾兄弟並小頭目翁瑪
 拉一人同赴前藏未經辦成沙瑪爾巴復以既未
 賞給俸祿地方令廓爾喀毋庸差人謝恩等語此
 事大奇前此廓爾喀賊酋聽信沙瑪爾巴妄言差
 賊目等赴藏欲思賞給俸祿地方斷無不向駐藏
 大臣稟訴之理彼時停習渾雅滿泰自應一面嚴
 詞駁斥一面據實奏聞豈有遇此等緊要情節既
 不駁斥又復匿不具奏之理若停習渾等有心掩
 匿不行奏聞則伊二人之罪竟不可道必須查明
 嚴辦孫士毅係漢大臣於伊二人無所用其迴護
 著卽提到停習渾雅滿泰面加嚴切詰訊以廓爾

欽定廓爾喀紀畧

卷三十七

三

喀既差賊目等到藏求賞俸祿地方自必向伊二
 人稟訴何以並不據實具奏令其逐一登答如竟
 係伊二人知而不奏著孫士毅卽行據實奏聞聽
 候降旨辦理倘伊二人或因事無實証藉詞狡賴
 不特將來舉住丹津班珠爾等時無難查訊明確
 且廓爾喀既經差人到藏該處噶布伦及駐藏章
 京筆帖式等斷無不知之理孫士毅須向該處官
 員噶布伦等嚴切究詢俟供証確鑿再令與停習
 渾雅滿泰二人當面質對自當無從遁飾孫士毅
 惟應秉公嚴查不可瞻徇且不值代人受過也
 初七日癸酉孫士毅和琳奏言竊臣等節次欽奉
 上諭令設法催遣軍儲以應要需並預備凱旋馬匹
 等事會同商辦今臣孫士毅已於七月十二日
 到藏與臣和琳將一切事宜詳細面商伏查自

欽定廓爾喀紀畧

卷三十七

三

打箭爐至察木多中間土司地方居多駕馭

易復經臣孫士毅臣和琳先後加緊趕辦自入

夏以來早經一律疏通毫無停積其自察木多

至前藏人戶本少又係邊賴喇嘛賴烏齊三十

九族分管辦理稍覺掣肘臣和琳分段添安牛

隻增雇蠻夫復派濟仲等校織查催臣孫士毅

復親身逐站挨查並由內地雇備人夫騾馬趕

欽定廓爾喀紀略

卷三十七

三

緊運送臣等就現在情形而論實已隨到隨運

斷可不致稽遲餉銀過察木多者現有一百八

十萬兩到前藏者亦共有九十萬兩火藥過察

木多者已有十五萬兩到前藏者亦共有六萬

餘兩臣和琳因自前藏至軍營路險程遙若其

間稍有耽延即不免貽誤軍需所關非細是以

節節限定時日飭令迅速轉運其稽耗一項尤

爲兵食要需計刻下所運之數亦尚足敷應用

現在惠齡鄂輝在濟隴內外地方分投趕運必

可源源接濟至凱旋馬匹一事共自拉里至打

箭爐自打箭爐至廣元出境臣孫士毅前已一

一籌備奏蒙

聖鑒其前後藏應備馬匹臣和琳於臣孫士毅未到

之前亦已通盤籌畫查軍營現在馬匹至凱旋

欽定廓爾喀紀略

卷三十七

三

時不免疲乏只可騎至宗喀而止其自宗喀至

拉里照臣孫士毅前奏安設馬數只需馬六七

千匹臣等現與濟隴呼圖克圖再四熟商除臣

和琳已購之馬三百匹及將來事竣後抽調站

馬並與濟隴呼圖克圖籌辦共可得馬三千匹

尚少馬三四千匹臣孫士毅現已到藏自當會

同臣和琳再爲竭力籌辦查藏地跬步皆山每

遇崎嶇處所本須率馬步行如凱旋時馬匹實有不敷所有索倫達呼爾兵二千名請

旨每名每日照例折給銀二錢在伊等既可得有折

價稍償其勞而藉此節省馬乾及倒斃之費於

事實為兩得

同日和琳奏言臣前聞宗喀一帶人夫短少濟

隴以外必需由內地撥夫協濟當于前後藏地

欽定廓爾喀紀略

卷三十七

五

方添派番夫及濟隴左近唐古忒兵夫委員押

令前往交與惠齡鄂輝分派撥用又因奉

命會同孫士毅商辦凱旋事宜且藏中整頓之初未

敢遽離遠去茲孫士毅於十二日到藏臣正思

商辦妥協後馳往邊界幫同鄂輝辦理適于十

五日接福康安來咨內稱大軍連獲勝仗成功

在卽而濟隴一帶運到糶糶不足支放卽令臣

前赴該處駕馭催辦當卽將藏中一切應辦事

件面告孫士毅總統料理臣卽于十六日起身

馳往宗喀一帶設法趕緊催辦務使接濟軍食

以期不悞兵行均奏入

上諭內閣曰福康安統領大兵剿捕廓爾喀自進兵

以來督率將弁兵丁摧堅破險屢戰屢捷無不鼓

勇爭先于調度布置一切機宜悉中窾要且經越

欽定廓爾喀紀略

卷三十七

五

艱險冒雨步戰手足胼胝用兵之難為從來所未

有實屬奮勇出力現在大功將次告成福康安著

加恩實受為大學士孫士毅自署川督以來辦理

一切糧運尙屬認真且伊係漢人能由察木多一

帶馳赴衛藏會同和琳等籌備軍需俾資接濟

濟甚為出力孫士毅亦著加恩實授為大學士和

琳自到藏後催辦糧運實心整頓設法勸懲俾該

慮疲玩積習日有起色昨經奏請馳赴宗喀濟隴一帶與福康安所奏適合現復奏報卽日迅赴該處趕緊催餉俾軍食接濟充裕無悞師行奮勉可嘉所有吏部尙書員缺著金簡調補其工部尙書員缺卽著和琳補授

上命軍機大臣傳諭福康安孫士毅和琳觀成日和琳奏接到福康安來咨卽于七月十六日馳往濟

欽定廓爾喀紀畧

卷三十七

三

隴一帶催運糧餉將藏中一切應辦事件當面告知孫士毅統率料理等語所辦俱好昨據福康安奏和琳能駕馭番民實力振作飛咨和琳前往濟隴一帶督辦糧餉適和琳奏到亦懇請前往與福康安所奏恰合當經降旨嘉獎今和琳接到福康安來咨卽於十六日起程馳往計此時早抵濟隴定能趕緊偵辦以濟軍營應用至前藏爲糧運總

滙之地自不可無大員督辦昨亦已有旨令孫士毅在彼暫駐並往來督查孫士毅自能辦理一切斟酌悉當也

欽定廓爾喀紀畧

卷三十七

天

欽定廓爾喀紀畧卷三十七

欽定廓爾喀紀畧卷三十八

八月初九日^{乙亥}福康安海蘭察奏言^臣等自濟

噶進攻賊匪恃其山勢峻險河流洶湧逼處疊

立戰礮木柵決斷橋梁盡力固守是以每逢打

仗必由遠道遙進攀陟懸崖始可攻殺賊匪衆

巴圖魯侍衛官兵等分路撥派冒雨登險奮勇

爭先將熱索橋協布喇博爾東拉東魯等處克

欽定廓爾喀紀畧

卷三十八

一

獲礮卡礮擒賊匪甚多此皆仰賴

天威洪福各巴圖魯侍衛官兵等感激

聖恩竭力報効理合據實

奏聞懇乞

皇上加恩鼓勵謹將著有勞績人等分繕清單進

呈奏入

上諭內閣曰福康安等奏請將熱索橋協布喇博爾

東拉東魯等處打仗奮勉官兵加恩鼓勵一摺此

次攻克熱索橋等處巴圖魯侍衛官兵冒雨陟險

踰越山梁奪取礮卡實爲奮勇可嘉護軍統領台

斐英阿著賞給都統銜頭等侍衛額勒登保珠爾

杭阿健銳營翼長德楞泰著賞給副都統銜二等

侍衛安祿著賞給哈錫巴巴圖魯永德著賞給伊

肯阿巴圖魯三等侍衛鄂尼保著賞給噶勒珠巴

欽定廓爾喀紀畧

卷三十八

二

圖魯前鋒參領七十五著賞給哈齊額巴圖魯護

軍參領額勒津保著賞給覺多歡巴圖魯甘肅副

將達音泰著賞給武爾古勒吉巴圖魯呼倫貝爾

佐領委參領訥色勒圖著賞給楚魯巴圖魯索倫

驍騎校委參領色穆博羅著賞給庫齊特巴圖魯

明安圖著賞給都濟爾巴圖魯索倫額外驍騎校

委防禦迪穆博羅著賞給索多巴圖魯藍翎侍衛

倫布春著賞給色默爾亨巴圖魯藍翎索倫馬甲

畢什勒甘著賞給哈錫巴巴圖魯降番都司嘎噶

爾普穆著賞給章布巴圖魯綽斯嘉著賞給定布

巴圖魯巴塘遊擊雅噶蘇穆著賞給則吉克巴圖

魯小金川屯練都司安都爾著賞給額巴爾巴圖

魯九子寨屯都司庫蘇爾濟著賞給圖布丹巴圖

魯阿勒古塔爾著賞給喇布登巴圖魯下孟東屯

欽定滿洲野史

卷三十八

三

遊擊阿噶爾庫穆布穆著賞給嘉穆巴巴圖魯都司

班達爾嘉著賞給綽瓦巴圖魯上孟東屯守備嘉

爾木著賞給色當巴圖魯綽斯甲大頭人安朋著

賞給志布魯巴圖魯雜谷臘屯都司安普穆著賞

給愷丹巴圖魯甘普屯都司嘉穆綽斯嘉著賞給

德羅特巴圖魯嘉噶爾著賞給巴特博巴圖魯哲

堆番都司薩爾嘉著賞給喇布章巴圖魯雜谷臘

屯守備阿拉著賞給羅丹巴圖魯本布塔爾著賞

給噶圖布巴圖魯巴旺守備多爾嘉著賞給吉特卓

巴圖魯仍照例每人各賞銀一百兩新巴爾呼驍

騎校委叅領烏爾亥舊巴爾呼驍騎校委叅領吉

爾噶勒甘肅守備德寧四川守備德青額松岡大

頭人阿扎特勒登梭磨大頭人阿吉下孟東屯都

司容塔爾溫布綽斯甲大頭人安普穆金川降番

欽定滿洲野史

卷三十八

四

都司沙拉色丹巴爾嘉俱著賞戴花翎成都驍騎

校塔青阿索倫驍騎校委叅領賽查克阿尼克達

領催委防禦博爾托和沙克都爾遜畢勒圖蒙臣

德楞保領催委驍騎校諾濟賽呼璵木騰額楚爾

本楚領催法林保額勒精額阿林保福僧額索達

勒永德馬用圖爾噶勒本楚克溫帕敏達迪布體

龜濟勒甘察達克丹索諾穆喀新察濟勒博爾布

特哈馬甲蘇爾山阿玉喜壯丁隆善福楚納巴爾
 嘉布四川千總王朝申元福王玉龍鄧傑楊俊洪
 君德楊森把總馬登邦劉永清甘肅把總張廷錫
 四川委把總馬援馬應國西寧外委閻成旺四川
 外委馬濟馬兵丁永升劉忠奎唐占先楊寬九子
 寨屯都司班達爾嘉把總阿保儒尼志雜谷腦屯
 千總木章塔爾阿喀扎什阿僧吉甘普屯守備沙

欽定廣西通志

卷三十八

五

克嘉坤布穆屯千總旺扎斯嘉坤布穆屯把總阿
 藏阿傑阿吉上孟東千總阿結下孟東屯守備朗
 塔爾屯千總申占普穆廓爾傑金川降番守備克
 穆查爾千總阿泰阿藏策楞四達塔爾郎喀爾嘉
 把總索諾穆占巴小金川屯千總阿塔爾屯把總
 嘉布穆噶達普穆阿羅阿哩那穆喀木爾嘉緯斯
 甲小頭人四達爾結安普穆梭磨番千總噶海革

布什咱頭人格榮卓克采屯守備申爾普穆巴唐
 頭人策旺諾爾布莽穆結松岡頭人德爾喜孔薩
 頭人將則普穆俱著賞戴藍翎索倫額外佐領委
 率領博多果爾四川候補遊擊長春甘肅千總薛
 大烈四川千總蔣效功九子寨屯都司額爾古濟
 扎足穆上孟東屯都司阿布拉爾屯守備沙嘉雜
 谷腦屯都司阿扎普穆格什下孟東屯守備阿雜

欽定廣西通志

卷三十八

六

拉小金川屯都司沙那屯守備任占爾吉緯斯甲
 把總安普穆金川降番守備肯普穆丹巴爾吉俱
 著賞戴花翎巴底番遊擊松蘿金川屯遊擊郎爾
 結著賞給副將銜二等侍衛武韶副護軍叅領五
 新保著陞爲頭等侍衛三等侍衛那丹保已陞二
 等侍衛二等侍衛德全阿結綽勒渾委護軍叅領
 巴哈俱著陞爲二等侍衛藍翎侍衛額勒津泰諾

托保定扎木克登布親軍校那爾布善莫爾歡保
護軍校福蘭著陞爲二等侍衛雲騎校兼司管富
提親軍藍翎長恒崑雙福委親軍校諾穆齊布特
哈拜唐阿明喜司鸞輝倫保親軍賓德爾格勒登
徹福僧德色克通阿前鋒花喜保護軍舒凌阿五
福納著陞爲藍翎侍衛護軍校雲保著放委護軍
叅領親軍哲爾津保和成額司鸞鳴達鼐著放親

欽定滿洲野史

卷三十八

七

軍校前鋒藍翎長特衣順保前鋒烏彰阿護軍達
斯哈那巴桑著授爲護軍校呼倫貝爾副長委營
總福禮善副長委營總巴金達爾布特哈佐領委
叅領色爾棍補爲額外總管齊七哈爾佐領委叅
領雙寧補爲額外協領雲騎尉委叅領扎丹保英
喀布成都防禦薩炳阿補爲額外佐領成都驍騎
校貴隆補爲防禦索倫領催委防禦伊薩布領催

委驍騎校錫朗阿藍翎扎達鼐領催索諾穆旺扎
勒濟色保馬甲委員呼德勒馬甲諾倫保威楞保
西喇布孔古太克勒衛通根察德祿俱補爲額
外驍騎校以示朕軫念戎行普行施惠至意

上命軍機大臣傳諭福康安海蘭察惠齡孫士毅和
琳曰藏內氣候驟冷九月以後冰雪封山係爲常
年所有且今歲節氣較早計九月中旬雪霰已在

欽定滿洲野史

卷三十八

八

所不免若非及早蕺事撤兵回至內地軍需等項
無由挽運設糧運稍有不繼是進不能直搗賊巢
退又爲大雪所阻豈不進退兩難所關匪細是以
早經降旨令福康安就近籌酌如實在萬難進取
不妨據實奏明受降完事朕遠在萬里之外不能
一一遙爲指示福康安受恩深重歷經委任不肯
畏難遷就惟在臨機應變通盤籌畫斟酌悉當妥

速藏功也

同日福康安海蘭察奏言賊匪將兵丁盧獻麟馮大成二名丹津班珠爾扎什敦珠布蕭堆等三名跟役丹津堪覺等十四名濟隴被擄番民十名送出臣等親提丹津班珠爾訊問賊匪因何起衅何以擅自說和私許銀兩據供賊匪總因藏內不行使廓爾喀銀錢起衅廓爾喀以新

欽定廓爾喀紀畧

卷三十八

九

喀一路迎去又要我同往二月內巴大人派我到宗喀約會巴勒丹敦珠布就在宗喀住了幾日三月內巴勒丹敦珠布先到濟隴四月初沙瑪爾巴來了我也到濟隴去住在幫杏地方沒有親見沙瑪爾巴巴勒丹敦珠布說他們定要一千個元寶我說斷斷不能過了幾日去見沙瑪爾巴因廓爾喀賊兵護衛甚多沒有提這些話後來沙瑪爾巴差他的卓尼爾並伊親信跟役格哩來說你們不肯應許一千元寶廓爾喀頭人要把你們掣到陽布面見王子經沙瑪爾巴再三挽回纔寫字與王子去了至五月初十一等日纔許定了三百個元寶十三日沙瑪爾巴寫立合同給與衆人看過鈐用圖記合同底稿條款全係沙瑪爾巴一人定立逼勒挾制不

欽定廓爾喀紀畧

卷三十八

十一

能不應我究以藏內力量不能永遠按年付給
復向沙瑪爾巴講論他說先把當年支清再分
作三年送交元寶三百個或可免永遠給銀的
事沙瑪爾巴又與瑪木薩野哈哩哈爾烏巴送
阿三人另寫合同一張作爲憑據我只得應允
我因是藏裏公事急思目前完結不顧後患達
賴喇嘛之叔阿古拉會帶信叫我速和完事巴

大人兩次發諭催和甚急我實在怕得不是所
以纔這樣辦的現有巴大人諭帖阿古拉信字
爲據這是我一時糊塗如今悔恨無及等語
等語以許銀之事自應回明達賴喇嘛辦理阿
古拉又有信來你自然稟知達賴喇嘛巴忠既
屢次催和必與商同許給銀兩鄂輝成德亦必
一同授意穆克登阿張芝元又曾往濟隴曉諭

寫立合同之事斷無不通同商辦之理况阿古
拉信內說或者向將軍提督張大人請示或者
你去妥當辦理又說大人們能發個信字給沙
瑪爾巴更妥信上既如此說你自然向鄂輝成
德張芝元請示大人們自然也發過信字與沙
瑪爾巴纔是這樣辦的你何必替人隱瞞獨擔
重罪據供我自前藏起身時還沒有提及講和

的話達賴喇嘛並無許銀之意阿古拉寄信來
也說達賴喇嘛有不願說和的意思至信內說
或者請示大人們或者自己去妥當辦理原是叫
我的量我實在沒有在大人們前請示大人們
也沒有寫諭帖與沙瑪爾巴穆大人張大人於
五月十九日纔到濟隴已在許定銀兩之後並
沒有通同商辦我於事完後曾經面稟許給銀

兩的事兩位大人說你們已私自定議我們不能管這些事至鄂大人成大人前我一字沒有提及所有私立番字大小合同並未向各位大人呈閱不敢說供等語再三語訊矢口不移與節次查奏情形大概相符惟鄂輝成德及穆克登阿張芝元並未投意許銀一節尙恐係丹津班珠爾代爲回護不足深信俟勦賊事竣再行嚴切查究至賊酋於上次蒙

欽定廓爾喀紀畧

卷三十八

七

恩錫封後聽信沙瑪爾巴唆使求

賞俸祿地方遣人赴藏辦理一節訊據丹津班珠爾等供係五十五年秋間廓爾喀差達薩爾乃爾與之弟蘇必達多喇拉木小頭目翁瑪拉阿幾堪噶二人來藏有呈駐藏大臣稟帖及噶布倫信字信內只係通候之辭據多喇拉木等向丹

津班珠爾催問未交銀兩又言銀錢仍應一個當兩個行使金子另議不照時價丹津班珠爾等告以合同所議銀錢一個照一個半行使金子照時價兌換何以復有反悔此事尙須再議隨問此外更有何事該頭目等稱有懇求

天朝賞給俸祿地方一事欲向駐藏大臣懇求後來丹津班珠爾聞得駐藏大臣諭知來人以

欽定廓爾喀紀畧

卷三十八

七

天朝特加封爵

賞賜物件已屬格外

恩施並無

賞給俸祿地方之例冬間多喇拉木等亦即回去
福康安甫入藏界時即聞廓爾喀於五十五年
曾差上次進

貢之頭目二人來藏索取銀兩曾經附摺具

奏今據丹津班珠爾供明賊匪所遺頭目懇求

天朝賞給俸祿地方講論銀錢金價索取銀兩雖非

進貢之人而查對年月卽係臣福康安前奏之

事其時駐藏大臣係習渾雅滿泰二人何以

於外番交涉事件並不具

奏已屬荒唐臣在後藏時復遊

旨行知額爾登保將賊匪遣人來藏緣由提訊俘習

欽定爾喀紀略

卷三十八

五

渾雅滿泰仍復始終隱飾臣現已飛咨和琳如

未從前藏起程或起程不遠卽提俘習渾雅滿

泰嚴行訊問據實具

奏倘和琳業已行抵後藏應俟事竣確切訊問臣

等查應訊丹津班珠爾等供詞較多而呈出之

合同字據均須譯出按條究詰俟逐一詳細訊

明後續行具奏派委安員押解赴京奏入報

聞

初十日丙子

上命軍機大臣傳諭福康安海蘭察惠齡孫士毅和

琳曰昨因藏內氣候驟冷若非及早藏事撤兵恐

爲大雪所阻已有旨諭令福康安等通盤籌畫朕

又思今年節氣較早以熱河而論現在氣候已覺

涼於往年况藏地崇山峻嶺往年九月以後卽不

欽定爾喀紀略

卷三十八

六

免承雪封山今年雨雪自必更早若福康安等冒

險進攻未能於大雪之前撤兵回至內地糧運設

爲雪阻不前是進無可取退無可守所關匪細朕

早經降旨令福康安等就近籌酌如實在萬難進

攻不妨據實奏明受降完事雖福康安昨奏到摺

內稱不敢拘泥持重遽存將就但聞所奏拉特納

巴都爾等兩次差人遞稟並未提及親自到營看

此情形巴都爾薩野自知罪重恐亦未必敢親自請營懇乞總之征勦廓爾喀一事自當以搗穴擒渠爲一勞永逸之計但恐氣候所限萬一福康安等銳於進取冒險深入轉瞬冬令該處冰雪較早設至進退兩難關係尤爲重大著再傳諭福康安等如接奉諭旨如實不能進取巴都爾薩野亦不敢親自來營卽趁其畏懼懇乞諭知該賊匪以爾

欽定平定回疆方略

卷三十八

七

旣畏懼乞降情詞尙屬恭順木大將軍代爲轉奏業蒙大皇帝准爾遣大頭人進京具表納貢悔罪投誠如此則福康安係遵旨受降撤兵賊局更足至尊國體福康安等撤兵後將善後各事宜會同和琳等熟商妥辦具奏再行回京至宗喀一帶糧運遲悞鄂輝亦難辭咎袁國璜彭承堯等所帶後起各官兵途次行走恐不免遲延昨已有旨交福

康安等查察福康安等近日未經接仗或因糧餉不能充裕後起兵丁未到之故聞福康安等奏到摺內亦隱躍其詞微露兵糧不足之意否則福康安等攻克濟噠熱索橋協布噶東覺等處所向克捷何不乘破竹之勢迅搗賊巢而爲此按兵不動之舉著傳諭福康安等將現在是否因兵糧不足不能進攻並鄂輝袁國璜等有無貽悞之處據實

欽定平定回疆方略

卷三十八

六

覆奏勿稍含混

十四日庚辰和琳奏言臣於七月十九日行至浪

噶子地方准福康安咨稱丹津班珠爾等經賊

酋送出訊問供詞內有前年廓爾喀會遣頭人

二名來藏請

賞俸祿地方等語如臣尙未起身卽令提俘習渾雅滿

泰訊問臣查浪噶子去前藏已有三百餘里一

經往返勢須五六日航攔卽候五六日程站現

在軍營糧餉未充臣恨不能飛赴宗喀濟甯及

早料理未便拘泥來咨致多往返查孫士毅現

已在藏可以就近提訊臣卽據文飛咨孫士毅

辦理仍迅速兼程前進

同日孫士毅奏言竊臣接到和琳途次知會因

丹津班珠爾等業據廓爾喀送出經福康安訊

欽定廓爾喀紀略

卷三十八

十九

問供詞內有五十五年秋間廓爾喀遣頭人來

藏向駐藏大臣籲請

天朝賞賜俸祿地方令臣卽提俘習渾雅滿泰二人

嚴訊臣卽提到臣寓所親加詰訊據供雅滿泰

於五十五年十月二十日到藏俘習渾於十一

月二十九日到藏其廓匪所遣頭人二名係五

十五年秋間到來其時我兩人均未抵藏該頭

人所請

賞賜俸祿地方之事實無從得知查五十五年秋間

舒濂業經革職其時駐藏大臣止有普福一人

普福係於十二月初一日起程進京雅滿泰與

普福相處月餘記得普福曾經告知秋間廓爾

喀差大頭目蘇必達多喇拉木小頭人翁瑪拉

阿幾堪噶二人來藏要懇求

欽定廓爾喀紀略

卷三十八

二十

天朝賞給俸祿地方經普福嚴行詞斥以

天朝特頒封爵優加賞賚已屬

恩施格外現在朝貢之國甚多從無

賞給俸祿地方之例該頭目等聞知唯唯而去此係

普福告知雅滿泰之言迨俘習渾到後雅滿泰

復向俘習渾告知是實並稱雅滿泰俘習渾到

藏時廓爾喀所遣頭人二名內大頭人蘇必達

多喇拉木先已回去並未見面其小頭人翁瑪拉阿幾堪嚕向在藏內曾來請安冬底纔去並未將懇求俸祿地方一事稟知等語臣詰以廓爾喀既遣大小頭目二人同來何以去一留其中必有別故據稱聞得該頭目二人帶有銀錢數畝到藏要藏內一個當兩個使用達賴喇嘛不依該大頭人多喇拉木將銀錢在藏兌換金

慈是廓爾喀紀略

卷三十八

三

子先行帶回本國因知駐藏大臣業經更換留小頭人在此等候雅滿泰學習渾到時請安是以小頭人纔於冬底回去等語臣復詰以該頭人等既知新換駐藏大臣將到留小頭人在此請安則欲求俸祿地方一事雖經前任普福斥駁斷無不向新任再行懇求之理况爾等既已供明普福先經告知何必又將頭目面稟一層

隱瞞據稱小頭人實未向我等稟求現在軍務不日告竣前此到藏之頭目二人夫將軍福康安即可提取詰問曾否向我等告知便可水落石出總之我等既經普福告知雖事在我等未到之前但既有見聞必應據實一具奏乃竟隱默不言上預

主恩罪無可追仰蒙

慈是廓爾喀紀略

卷三十八

三

皇上不卽加以刑戮自問已覺無地自容若所供再有一字涉虛更爲喪盡天良等語所有據咨訊供緣由理合據實具

奏均奏入

上命軍機大臣傳諭福康安海蘭察惠齡孫士毅和琳日和琳奏行底浪噶子接准福康安咨會未便轉回前藏移明孫士毅提訊俘習渾雅滿泰等語

所奏甚是此事前據福康安奏已飛咨和琳如離前藏不遠卽轉回專交與孫士毅審訊令和琳接到福康安咨會扎致孫士毅辦理仍兼程前進料理糧運看此情形宗喀濟隴一帶糧餉似未能充足是以和琳欲趕緊前往催辦實爲可嘉連日恐藏地驟冷若非及早蕪事撤兵或爲大雪所阻節

欽定平定回疆方略

卷三十八

三

經傳諭福康安通盤籌畫昨令軍機大臣詢之阿爾曾薩野及扎薩克喇嘛等據供聶拉木一路向來自九月至次年正月二月雪大封山後卽不能行走宗喀濟隴一路有繞道山雖險峻雪不甚大尙可繞行等語是將來撤兵卽或遇有雪霰儘可由宗喀繞路行走該處情形想福康安等身親經歷更無難詢悉其詳又據孫士毅奏爾爾喀差人懇求賞給俸綠地方一節訊係普福任內之事

欽定平定回疆方略

卷三十八

三

經普福嚴行斥回普福告知雅滿泰雅滿泰又告知俘習渾等語而伊三人總未奏及此事前據福康安奏到朕以爲果係雅滿泰俘習渾匪不具奏其罪竟無可追今據孫士毅訊明其時駐藏大臣尙係普福賊匪差人赴藏稟求俸祿地方旣經普福嚴行呵斥若卽以入告朕必嘉其得體而於爾爾喀亦必留心另有所辦今普福到京後並未奏聞亦未告知軍機大臣殊不可解此等關係邊徼之事隱飾不奏斷不便稍爲寬宥現已派博興馳往庫倫辦事卽傳旨將普福革職鞫交刑部治罪至俘習渾雅滿泰旣經聞知此事亦應據實奏聞乃並未奏及其昏憤糊塗更不可解俘習渾雅滿泰著孫士毅監看重責四十板以示懲儆

十五日

辛巳

上諭內閣曰前據福康安等奏兵丁王剛帶出丹津班珠爾等寄唐古忒番目書信內稱達薩爾乃爾與向伊告知上次廓爾喀哈哩薩野爾進京仰蒙大皇帝施恩卽欲遣人謝恩沙瑪爾巴妄稱既受天朝封號例應食俸或賞給地方賊首等卽差大頭人蘇必達多喇拉木並小頭目翁瑪拉同赴前藏未經辦成等語廓爾喀賊酉聽信沙瑪爾巴妄

欽定廓爾喀紀畧

卷三十八

三五

言思欲賞給俸祿地方旣已差人前來自向駐藏大臣稟訴彼時仔習渾雅滿泰豈有遇此等緊要事件匪不具奏之理因降旨令孫士毅和琳提訊仔習渾等據實具奏並經福康安一面具奏一面咨會查明辦理昨據孫士毅奏廓爾喀於五十五年秋間差人來藏懇求賞給俸祿地方一節其時係普福任內之事經普福嚴行斥駁普福告之雅

滿泰雅滿泰又告之仔習渾等語此事前據福康安奏到時朕以若係仔習渾雅滿泰匿不具奏其罪竟無可追今據孫士毅訊明其時駐藏大臣尙係普福業經降旨將普福革職鞫問解交刑部治罪仔習渾雅滿泰知情不奏其罪尙居其次已降旨令孫士毅監看再各重責四十板以示懲儆我國家綱紀肅清朕臨御以來凡遇大小臣工陳奏

欽定廓爾喀紀畧

卷三十八

三六

事件無不躬親綜理隨時核辦內而大學士九卿外而督撫及新疆駐劄大臣設有遲恣貽悞一被指奏無不立時懲究誰敢匿不上聞况邊陲重情尤當鉅細畢陳候朕裁奪乃普福首先隱匿仔習渾雅滿泰知而不舉若不分別嚴懲何以肅政治而儆官常著將此案辦理緣由通諭中外嗣後各直省督撫及新疆駐劄大臣遇有地方及邊陲事

務均宜據實奏聞如有隱匿不行陳奏者一經發覺必當重治其罪普福等卽其前車之鑒也並著將此旨令督撫及新疆大臣各錄一道入於交代俾各觸目警心毋蹈覆轍負朕諄切誥誡之意



欽定廓爾喀紀畧卷三十九

八月二十一日丁亥福康安海蘭察奏言查賊匪

將從前裹去兵丁噶布倫等全行送出遣大頭

人來營具稟乞降徑臣等嚴檄飭駁當令明穆

幾爾幫哩等二人回巢諭知賊首卽行親來並

令將前途各山梁拒守賊衆全數撤回若稍有

支吾仍卽統兵進剿並距發檄之後又經數日

各山上拒守賊衆尙未撤動賊首等亦無親來

之信自仍當相機進取官兵自到雍鴉以來已

經兩旬後起川兵尙未到來亦未便稽延坐守

况藏地邊界雪下最早如宗喀通拉山等處常

年八九月間卽已大雪雪山今年節氣較早已

交秋令十餘日總須趕封山之前藏事撤兵不

能久稽時日臣等再三籌畫察看形勢經過賊

欽定廓爾喀紀畧卷三十九

一一

境地方數百里內大山皆係東西對峙中夾大

河官兵屢次敗賊皆繞道至上至東山之巔從上

壓下勢若建瓴而自過雍鴉以南山勢皆南北

相向如噶勒拉堆補木甲爾古拉集木集大山

層疊橫亘陡峻異常而堆補木與甲爾古拉兩

山之間又有橫河一道我兵由山北徑上步步

皆須仰攻若攻克噶勒拉堆補木兩重大山須

卽奪橋過河方能得勢臣等帶領桑吉斯塔爾

墨爾根保張芝元德楞泰克昇額達爾精阿薩

大烈屯備朗爾結等擬由中路前進直至噶勒

拉山麓作爲上山之勢誘賊下壓另派額爾登

保七十五額爾金保定西鼐五紹張志林等由

左一路進攻珠爾杭阿阿哈保圖爾岱達音泰

張占魁屯備色木哩雍忠等由右一路進攻俱

欽定廓爾喀紀畧卷三十九

一一

令乘夜進兵于樹林內潛身而上俟賊匪下至
半山兩路官兵卽疾上山巔奪據賊卡分派已
定臣等于初二日丑刻先將兩路官兵進發卽
親督大隊于黎明越過雍鴉大山徑下山溝遙
望噶勒拉山巔有木城兩座木城內賊匪尙未
敢違行迎敵臣等督率官兵分爲數隊佯欲覓
路分上賊匪自恃山險徑從高處壓下勢甚潑
猛而左右兩路官兵已于樹林內繞出其上奮
勇登山分趨東西賊卡賊匪不虞官兵驟至立
時潰亂將石卡兩處全行奪據其中路迎來賊
匪行至半山見山上山下俱有官兵不能進退
臣等卽以鳥鎗弓箭兵丁排列在前徑行撲上
賊匪正在驚懼之際抵敵不住逃回木城我兵
跟蹤追上又有先上之兩路官兵從左右夾擊

賊匪在木城放鎗投石迎拒甚力木城係以大
木豎立用竹篾膠條繫綯堅固
乾清門侍衛墨爾根保侍衛圖爾岱泰將張占魁
攀援木城徑上中鎗陣亡我兵並不退怯分投
攻勦拋入火彈焚燒木城內草棚帳房自辰刻
直至未刻攻克木城兩座又連克石卡二處賊
戮賊目五名賊匪三百餘名落崖者甚多隨將
木城焚燬乘勝窮追數十里直至堆補木山口
象巴宗地方該處有賊卡一處山上有木城兩
座木城旁又有石卡三處大石卡一處敗逃餘
賊未及全過象巴宗我兵趕及卡內賊匪棄卡
奔逸衆兵齊上山巔木城賊匪俱出抵拒其木
城旁石卡內賊匪拒守不出隨令桑吉斯塔爾
袁國瓚英貴薩寧阿綽爾渾壽保達音泰等進

衛賊陣阿木爾塔額爾金保綸布春索多爾海
富蘭劉懷仁魏玉龍巴底大頭人松鼠巴塘副
土司成勒春丕勒等分攻賊卡臨陣殺死賊匪
一百餘名連奪賊卡復派屯兵等爬越大石卡
圍牆奮勇攻克餘衆奔潰惟巴圖魯二等侍衛
索多爾海都司魏玉龍于奪卡時因鎗傷落崖
身故其時已及半夜本應稍爲休息但堆補木
山下帕朗古地方卽係橫河現有賊匪據守橋
座若不將橋奪據賊匪循河東上卽可繞出我
後况堆補木南面較北面山勢稍有偏坡阻河
爲固方可將堆補木守住隨連夜分兵兩路派
珠爾杭阿安祿七十五蒙興保穆克登佈敷里
善業義馬登榮屯備木泰爾朗爾結等由橫河
上游進攻集木集阿滿泰額爾登保袁固黃阿

木爾塔達爾精阿定扎丕善棍德依雲保森伯
兼屯備木塔爾斯丹巴等由帕朗古攻橋進撲
甲爾古拉于初三日卯刻至橫河北岸^臣等以
該處橋座最關緊要當卽帶兵前進督率攻取
賊匪于橋座南北兩岸圍砌石卡過河卽係甲
爾古拉大山與集木集大山連屬山梁自東至
西橫長七八十里木城碉卡據險排列不下數
十處儘西山腿有木柵一道約長數里守禦極
爲險固^臣等帶領官兵進攻橋座北岸卡內賊
匪拚命抵禦我兵奮勇攻撲于高塹上用鎗砲
向下轟擊自辰刻攻至午刻卡內賊匪大半鎗
斃站立不住逃遁過橋南岸賊匪排鎗數層連
環不斷一面抵住我兵一面卽欲拆橋已將橋
板撤去數塊惟恐橋座拆斷過河愈難阿滿泰

等直前爭奪兵丁乘勢競進一擁過橋阿滿泰及屯備色丹巴在前行走適中鎗傷落水身故其時兵已搶至南岸將賊卡攻得殺死賊目三名賊匪一百餘名沿河賊匪敗竄上山我兵卽追躡賊踪往攻甲爾古拉其橫河上游一路珠爾杭阿安祿等見正路官兵已過亦乘勢搭橋渡河進攻集木集臣等卽帶兵過橋督率兩路官兵奮勇前進適值大雨傾注山崖險滑直上二十餘里將近木城形勢更陡賊匪居高踞下鎗砲甚多我兵仰攻又無大石密樹可以藏身不能立時攻克當將官兵撤至山下賊匪乘高撲來巴圖魯侍衛章京及官兵等人奮勇趕上接戰攪殺一處殲戮甚多集木集山梁上賊匪從旁抄下接應欲來奪橋而橫河歸入大河

之處復有賊匪在大河隔岸放鎗助勢三路之賊不下七八千人我兵往來攻擊賊匪仍不敗臣等隨親率台斐英阿張芝元德楞泰七十五紹英貴克昇額扎保富罕雙寧定珀羅德清額屯備阿忠安普木等奮勇衝殺賊稍退却台斐英阿等出隊直前射死紅衣賊目二人台斐英阿及二等侍衛英貴索倫佐領棍德依旋中鎗陣亡因將各兵分隊排開四面圍截復殺死賊目三名賊匪一百六十餘名餘賊紛紛竄逸又擊獲活賊十七名我兵追至山麓始行撤回此次進攻接戰兩日一夜連克兩重大山木城四座石卡十處大石卡一處奪據帕朗古大橋一座官兵並未稍爲休息攀援險阻衝冒鎗石奮不顧身殺死賊目十二人賊匪六百餘

名罕獲活賊十七名訊明俱已正法賊匪當屢次敗衄之餘復經此次痛加殲戮自必更形畏懼伏思廓爾喀自恐滅亡處處負嵎據險今官兵追逼更近已過帕朗古大橋與賊營對山駐劄較雍鴉地方復深入七十餘里賊匪備禦益加嚴密所謂困獸猶鬪自不肯束手待斃然賊匪震懾軍威僅能據險自守卽人衆較多亦不敢前來窺伺臣等再當酌量情形相機辦理至後路一帶因續調川兵未到祇于塔木那及協布嚕博爾東拉酌留兵丁防守今官兵又已深入自濟甯至軍營後路約有數百里道里綿長應于東覺雍鴉及清吉扎喇果臧果橋上各要隘添安兵丁數十名至百餘名不等庶聲勢稍爲聯絡沿途糧運軍火亦可藉資防護再

欽定廓爾喀紀畧

卷二十九

九

乾清門侍衛哲森保前在博爾東拉受傷較重經

臣等

奏明送回濟甯派人照料上緊調治茲據呈報哲

森保行至協布嚕不能行走因傷身故又此次

打仗陣亡各員請

旨交部議卹侍衛英貴係音吉圖之子伊父子均歿

于行陣殊堪憫惻應否酌加優卹之處出自

欽定廓爾喀紀畧

卷二十九

十

皇上天恩

福康安海蘭察又奏言臣等自雍鴉分兵進攻

巴圖魯侍衛官兵攻取木柵礮卡搶奪橋梁與

賊接戰兩日一夜不辭勞苦實屬奮勉出力理

合分晰開單進

呈再額外總管兼頭等侍衛阿木勒塔凡遇督兵

打仗俱屬奮勇謹附摺陳奏又據成德將聶拉

木等處進兵攻獲利底大山礮卡出力將弁人等保送前來臣等覆加察核一併恭繕清單進呈

福康安又奏言查臣帶來之軍機章京太常寺

少卿方維甸理藩院員外郎長齡戶部主事巴

哈布中書楊揆上年隨臣由青海一路來藏衝

冒霜雪頗爲勞苦抵藏後查辦諸事竭力盡心

欽定四庫全書

卷三十九

十一

辦理妥善及進兵以來該員等冒雨隨行度越

深溪登陟險峻俱係徒步行走一切軍務悉能

妥協辦理毫無舛悞每次打仗無不隨臣前往

遇有調派兵丁催趨火藥等事亦皆不遺餘力

極爲奮勉查方維甸長齡二員隨臣出兵迨此

次共計三次前在臺灣軍營仰蒙

聖恩賞戴花翎今該二員又復奮勉出力相應奏請

獎勵如蒙

恩鑒懇將方維甸長齡二員酌量

加恩至巴哈布楊揆俱一體實心奮勉仰懇

聖恩遇有應陞之員外郎侍讀缺出將該員等陞用

可否照方維甸之例一體

賞戴花翎出自

皇上天恩均奏入

欽定四庫全書

卷三十九

十二

上命軍機大臣傳諭福康安海蘭察惠齡孫士毅和

琳鄂輝曰福康安等奏攻克噶勒拉堆補木奪橋

過河打仗殺賊情形一摺可嘉之至據稱藏地邊

界雪下最早如宗喀通拉山等處常年八九月間

卽已大雪封山今年節氣較早總須趕封山之前

藏事撤兵不能久羈時日等語所見與朕同前恐

藏內氣候驟冷若非及早竣事撤兵或爲大雪所

阻屢降旨令福康安等臨機應變爰速蒞功今福康安等摺內已籌計及此朕心轉爲稍慰前經福康安等遣朗穆幾爾幫哩等二人回巢諭知賊酋將各山梁拒守賊衆全數撤回乃發檄之後又經數日各山上拒守賊衆尙未撤動若福康安等仍按兵不動未免爲賊所輕自以進攻爲是各官兵分路攻剿攀援登陟雖見有中鎗陣亡者並不退

欽定平定回疆方略

卷二十九

三

怯仍奮勇直前拋擲火彈痛賊賊衆將噶勒拉堆補木石卡木城全行佔奪實屬可嘉可憫幾于不忍披閱此次阿滿泰墨爾根保等皆中鎗陣亡尤堪軫惜嗣後與賊接仗所有得力之巴圖魯侍衛等不可復使冒險輕進致有傷損並著傳諭福康安等如此旨到時尙在相機進取則賊匪經官兵連次痛殲之後早已望風膽落必另差人赴營遞

稟乞降福康安等即可趁其畏懼哀懇傳旨允准現爲節候所限亦不得不如此辦理福康安等受恩深重歷經委任定能籌畫萬全爰速蒞事至額爾登保珠爾杭阿德榜泰已賞給副都統銜此時帶兵乏人額爾登保等卽令作爲領隊所有打仗之官兵土兵已明降諭旨賞給一月錢糧成德一路賞給半月錢糧以示獎勵又聞福康安等摺內

欽定平定回疆方略

卷二十九

十四

阿滿泰墨爾根保等皆係中鎗陣亡至台斐英阿等直前射死紅衣賊目二人又稱台斐英阿及二等侍衛英貴佐領棍德依旋賊中鎗陣亡等語是否止係英貴棍德依中鎗陣亡抑係台斐英阿亦中賊鎗所奏尙未明晰台斐英阿已加都統銜係屬大員未據福康安聲明專奏碍難降旨著福康安等卽將台斐英阿是否一併陣亡之處據實覆奏

再降諭旨其阿滿泰墨爾根保等統俟福康安等查明奏到一併降旨交部賞卹又據奏成德一路由聶拉木進兵攻得利底大山賊卡二座將出力將弁保送到來等語前據福康安等奏聶拉木之路成德等攻克多洛卡隴同等處相機進攻利底等語此招係八月初五日奏到迄今又復半月未據續奏今福康安等既將其攻得利底出力各員保送具奏則該處打仗情形成德自必一併呈報何以未據奏明前經軍機大臣訊之阿爾會薩野等據供聶拉木一路向來冬雪較大封山後不能行走等語若福康安等大軍撤回而成德一路或致爲雪所阻亦有關係著福康安等即將成德所帶兵丁現在何處近日曾否前進與福康安會合將來不致爲雪所阻之處一併查明具奏

欽定歷代通鑑輯覽

卷二十九

五

上諭內閣曰方維甸等隨營辦理一切毫無舛錯且自進兵以來衝風冒雨步行陟險實屬奮勉方維甸著賞給三品卿銜長齡卽以郎中補用巴哈布以員外郎用楊揆以待讀用方維甸長齡前已得有花翎其巴哈布楊揆著一體賞戴花翎以示鼓勵

喇

上又諭內閣曰福康安等奏此次官兵攻取木城礮

欽定歷代通鑑輯覽

卷二十九

六

卡橋梁所有帶兵之巴圖魯侍衛等俱屬奮勇請量加鼓勵等語著照所請總管兼頭等侍衛阿木勒塔著賞給副都統銜乾清門二等侍衛阿尼雅布著賞多陀哩巴圖魯名號三等侍衛多隆武著賞陀莫爾歡巴圖魯名號陳保著賞碩隆武巴圖魯名號仍照例每人各賞銀一百兩九子寨都可別烏思珠甘浦守備木爾保雜谷膺都司木爾

嘉俱賞戴花翎哈達布達呼爾驍騎校委叅領珠
 山呼倫貝爾領催委叅領團濟奈領催委官圖勒
 布哩虞銜領催委驍騎校福增領催委防禦庫
 布坤撤木商阿領催明壽貝混保馬甲克什納網
 戶福凌阿四川千總蘇國隆把總李東山劉興國
 甘肅千總楊升張大振九子寨千總布什珠甘浦
 千總丹忠資多爾雜谷腦千總僧濟金川把總查
 勒嘉郎喀爾傑小金川把總哲穆什克楚雅滿塔
 爾下孟東千總王林保王佳保上孟東把總阿拉
 孔薩大頭人倉塔爾革布什咱大頭人嘉穆錯唐
 古忒第巴米路葛雅巴俱各賞戴藍翎二等侍衛
 巴彥泰著授爲頭等侍衛二等侍衛薩寧阿阿
 哈保三等侍衛德勒克依色裕慎武勒呼納朝保
 俱授爲二等侍衛藍翎侍衛溫保綸布春前鋒校

欽定廓爾喀紀畧

卷三十九

七

巴蘭著授爲三等侍衛養鷹處委領德濟特授爲
 藍翎侍衛副護軍叅領吉爾章阿授爲護軍叅領
 委前鋒侍衛察凌阿授爲前鋒侍衛網戶領催三
 達察馬甲多斯保果爾噶薩巴圖善呼倫貝爾馬
 甲碩蘭保新降額魯特領催端多克著補驍騎校
 以示鼓勵

上又諭內閣曰前因屯土各兵遠道赴勦廓爾喀一
 路步行殊堪軫念曾經降旨令福康安等酌量情
 形特加賞賚此次勦捕賊匪屯土及隨營各兵員
 兩夜戰攻奪碉卡打仗殺賊均屬奮勉出力除福
 康安等遵旨按名賞給銀兩外所有現在軍營隨
 同打仗出力之索倫屯土各兵著再加恩每名各
 賞給一月錢糧其隨同成德一路各兵未經多得
 地方亦未甚受勞苦著按名賞給半月錢糧以示

欽定廓爾喀紀畧

卷三十九

六

體卹而勵戎行

上又諭內閣曰據福康安奏乾清門頭等侍衛哲森保因鎗傷身故等語哲森保於博爾東拉打仗受傷業經加恩賞給副都統銜今回至協布魯復因傷重身故情殊可憫著加恩照陣亡例給予卹典以示優獎

欽定廓爾喀紀畧 卷三十九 五
同日福康安海蘭察又奏言臣等親提丹津班

珠爾等將上次說和及稟進各緣由詳細研訊據丹津班珠爾等詳悉供吐與等節次查奏情節尙無歧異惟丹津班珠爾係班第達之子族屬較大伊旣久留賊中恐與伊父有私相勾結之弊再三研鞫如何私通信息班第達曾否寄信與賊私議贖回據供節次寄回藏內家信早已呈出我被賊拘留我父親實在無法若能

私自把我贖回我早可回藏何以直至大兵進剿賊匪畏懼纔送出來况廓爾喀賊匪與我作對被他逼勒誘脅怨恨甚深稍有人心豈肯與他勾結我父子身受

大皇帝重恩多年唐古忒被廓爾喀侵凌將我們裹進仰蒙

欽定廓爾喀紀畧 卷三十九 十
大皇帝保護衛藏特發大兵我們纔見天日實在闕

家頂感不盡我上次辦事種種錯謬就是我的不是只求

大皇帝將我從重治罪等語臣等查看丹津班珠爾懼怯無用祇係一年輕不曉事之人訊問之下情形十分畏懼似尙不敢有勾通賊匪情弊等訊供後即派

乾清門侍衛安祿侍衛家興保千總李敦倫將丹

津班珠爾扎什敦珠布兵丁盧獻麟馮大成與

先經送出之兵丁王剛一併起解仍杏和琳添

派員弁小心護送遵

旨不令丹津班珠爾等與伊家屬見面以昭嚴密並

令安祿驛馳赴京預備

垂詢軍營情形又查格哩一犯係沙瑪爾巴親信之

人前同扎薩克喇嘛同藏經_臣等嚴加訊問該犯

欽定朔略紀畧

卷二十九

五

全係為沙瑪爾巴開脫

奏明在藏監禁應令安祿等於經過前藏之便即

將格哩一併帶解送京奏入報

聞

二十二日_{戊子}福康安海蘭察奏言_臣等前因

賊首稟懇歸降嚴撤飭駁數日尙未稟覆仍即

帶兵進攻瑪勒拉堆補木等處業將打仗殺賊

情形恭摺具

奏茲于初八日接到拉特納巴都爾來稟譯出閱

看如交送扎什倫布什物繳出大小合同並呈

獻沙瑪爾巴骨殖及伊徒弟跟役財物等款俱

已一一遵奉惟檄令拉特納巴都爾巴都爾薩

野親來一節祇婉陳感畏之意不敢切實稟覆

察看賊情總因官兵追逼日近勢已窮蹙所有

欽定朔略紀畧

卷二十九

五

噶拉勒堆補木帕朗古等處拒守賊眾被我兵

痛殲連戰攻克賊匪震懾軍威知難抗拒故以

畏服之詞為歸誠之請稟內語意多係感戴

聖恩自行認罪凡自稱之處俱改為小的以見其十

分恭順無如外番心性畏懼既切疑慮愈_臣惟

恐親出被擒未敢來營謁見_臣等此時既不便

遽准所請亦不值再發檄諭應俟其將合同扎

什倫布物件呈交並送出沙瑪爾巴骨殖徒弟
跟役物件等項看其如何具稟再行相機酌辦
臣等身當鉅任雖賊匪畏懼乞哀斷不敢遽存
將就了事之見上覓

委任深恩惟官兵深入賊境已有七八百里屢次打
仗繞山陟險漸形疲乏且賊境水土惡劣積雨
蒸溼風瘴甚大各兵患病日多後路糧運設法

欽定福爾喀紀畧

卷二十九

三

嚴催尙不敷兵丁日食種種掣肘情形臣等實
屬萬分焦急前途山愈險峻賊匪畏懼勦滅各
處糾集賊衆安設木城石卡甚多據嶠負隅頗
得地勢必須整齊兵力方可再圖進取至賊匪
鄰近部落如布魯克巴哲孟雄宗木等處僅能
自守作木朗會聞與賊打仗至今亦無確信可
見外番觀望遲疑未足深恃臣等惟有番時度

勢計出萬全斷不敢坐失事機亦不敢輕率前
進總期藏事完善以仰副我

皇上綏靖邊圉至意奏入

上命軍機大臣傳諭福康安海蘭察惠齡和琳曰福
康安等帶兵深入賊境連次打仗所向克捷賊匪
望風膽落朕料其必另差人赴營乞降又因今年
節候較早慮及藏內氣候驟寒若非及早撤兵藏
事恐爲大雪封山所阻疊經降旨令福康安等臨機應
變妥速藏事今聞福康安等奏稱應俟其將合同
扎什倫布物件呈交並送出沙瑪爾巴骨殖徒弟跟
役看其如何具稟再行相機酌辦一節所見甚是
至所稱雖賊匪畏懼乞哀斷不敢遽存將就了事
之見等語福康安海蘭察素性勇往當賊匪窮蹙
之時如有機勢可乘自仍鼓勇前進斷不肯功虧

欽定福爾喀紀畧

卷二十九

四

一贊將就完事計此摺拜發後迄今又逾四十餘日如竟已直抵賊巢擒渠縛醜自卽奏凱班師若有不能卽時得手之處現在天氣已涼恐致雪阻自應遵照節次所降諭旨受降凱旋爲是况此次福康安海蘭察及帶兵將弁官員並兵丁等深入賊境冒雨步行陟越險阻手足胼胝於萬山潮溼之地藉以棲止實爲十分勞苦而後路糧運軍械

欽定廓爾喀紀略

卷三十九

五

又諸多轔蹶現已時屆深秋若再與賊相持設或冰雪封山是進無所取退有所阻朕斷不肯以萬難辦理之事迫人深入之理且此次官弁兵丁與賊接仗無不人思効命奮勇爭先攻奪碉卡殲戮賊匪屢戰屢捷已深入賊境數百里軍威已極壯盛賊匪具稟乞哀其情勢窮蹙已可概見以現在情形而論賊匪經此次兵威震懾帖服不敢再萌故

智邊境枚寧或可保數十年無事是趁此妥辦收功較之安南投誠入覲尙爲完善卽拉特納巴都爾巴都爾薩野自揣罪惡多端心懷畏懼此時不敢親赴軍門或數年之後伊等畏威懷德見安南內附後疊受恩施心生欣羨自請入覲亦爲事理所有恐福康安等未奉朕旨不敢遽行受降完事現已明降諭旨將此次不得已用兵之故及軍威

欽定廓爾喀紀略

卷三十九

五

大振賊酋窮蹙乞降俯准納款緣由宣示中外至廓爾喀旣已內附亦應定以納貢之期或三年五年遣大頭人赴京具表進貢如朝鮮安南暹羅緬甸外藩各國之例一律辦理方成體制其從前未藏貿易之巴勒布人等願留藏內者卽編入戶口冊內永作藏內民人其不願者卽派發官兵押送出境令回故土庶可永斷葛藤藏內行使錢文已

有旨令藏內設爐改鑄寶藏字樣所有巴勒布銀錢嗣後不許再行使用自定立疆界後廓爾喀人衆固不許私越藏界卽藏內人等亦不許私赴廓爾喀地方禮塔貿易以弭釁端至駐藏大臣二人向俱駐劄前藏於後藏事務鞭長莫及嗣後自應於後藏地方分駐大臣一員以資彈壓遇有事務卽可就近辦理凡此等應辦事宜福康安等當會同

欽定廓爾喀紀畧

卷三十九

七

駐藏大臣遵照上年硃筆改定令福康安帶去應辦各條逐一參酌損益詳慎籌畫妥協辦理以期經久遵行庶邊隅永臻寧謐並曉諭藏內僧俗普衆共安樂利又摺內所稱賊匪隣近部落如布魯克巴哲孟雄宗木等處僅能自守作木朗會聞與賊打仗至今亦無確信等語此等外番遲疑觀望見大兵與賊相持未免心懷兩端原不足恃從前

屢經降旨諭知福康安等此時既已受降更毋庸上諭內閣曰廓爾喀係邊外荒徼小部落從前未列職方乾隆五十三年因鹽稅銀錢細務與唐古忒人彼此爭競在後藏濟龍邊界滋擾因命鄂輝成德前往該處查辦並以巴忠熟悉藏內情形令其馳往會辦詎巴忠以通曉番語謬執已見不爲剖斷明確又有前輩班禪之弟紅帽喇嘛沙瑪爾巴

欽定廓爾喀紀畧

卷三十九

八

與伊兄仲巴不和廓爾喀聽其唆使以致滋生事端此皆由巴忠初次辦理貽誤所致使其身尚在必當明正典刑詎伊昨年一聞廓爾喀復行滋擾之信卽畏罪自盡已將伊子僧額布革退侍衛令其在護軍上効力行走其罪亦無可再加至廓爾喀復行滋擾初據俘習渾雅滿奏到朕尙以廓爾喀尙在藏內與唐古忒人雜處貿易紛爭微利

致有欠帳未清如僅因索欠細故擾至邊境不值加之撻伐嗣據俘習渾等奏廓爾喀竟敢擾至扎什倫布肆行搶掠若仍不聲罪致討大加懲創何以安衛藏而靖邊疆因特命福康安等及巴圖魯侍衛帶領官兵前往進剿朕臨御五十七年平定準部回部大小兩金川拓土開疆不下二萬餘里區區廓爾喀以後藏邊外彈丸朕豈值利其土地爲窮兵黷武之舉第以衛藏爲

欽定廓爾喀紀略

卷三十九

五

皇祖

皇考勘定之地僧俗人衆沾濡讎化百有餘年詎容小醜侵擾置之不問此朕不得已用兵之苦心爲天下臣民所共知者福康安等自馳抵後藏卽整兵進剿於擦木邦杏連獲勝仗以大收復濟噶攻克熱索橋協布嚕東覺集木集等處所向克捷痛殲

賊衆深入廓爾喀境數百餘里賊酋拉特納巴都爾及伊叔巴都爾薩野自知滅亡在即畏懼惛伏將上年喪去之噶布倫丹津班珠爾等早行送出差大頭人朗穆幾爾帮哩等四名赴營遞稟乞降並以此次擾至後藏邊界皆由誤聽沙瑪爾巴指使本欲將該喇嘛送出適先病斃等語經福康安等嚴行駁飭令該賊酋叔姪親自赴營懇乞始准投誠本日據福康安等奏七月初八日接到拉特納巴都爾來稟所有諭令交送扎什倫布什物並呈獻沙瑪爾巴骨殖等款俱已一一遵奉稟內語意多係感戴恩德自行認罪凡自稱之處俱改爲小的惟於親來一節祇婉陳感畏之意未敢切實稟覆等語前因廓爾喀自作不靖是以加之天討今既畏懼悔罪疊次遞稟乞降情詞尙爲恭順朕

欽定廓爾喀紀略

卷三十九

三

仰體

上天好生之德，廂爾喀民人猶吾民人，也不忍多事，誅

夷况福康安等此次帶兵進攻，每戰必克，賊匪望

風膽落，故以畏服之詞爲歸誠之請，較之前此安

南受降納款，尙爲妥善。巴都爾等因滋擾，獲罪察

其畏懼情形，目下亦未必敢親自詣營，將來歸誠

後，見安南阮光平叨荷崇封，進京祝嘏，賞賚駢蕃。

欽定廟謚紀畧

卷二十九

三

寵榮已極，該賊酋等自必心生艷羨，或情願詣闕

覲光輪誠，亦未可知。著福康安等卽傳朕旨，赦其

前罪，准令納表進貢，悔罪投誠。福康安等亦卽撤

兵回至內地，此朕始終不欲用兵之苦心，又當爲

天下臣民所共見。共聞者福康安等之摺，係七月初

九日拜發，距今已四十餘日。此旨到時，或福康安

等已搗穴擒渠，馳遞紅旗，亦未可定。但朕祐昌爲

懷覺勞師久役，轉不若納款受降。超大雪封山，以
前撤兵凱旋之爲完善。朕本欲俟福康安等紅旗
遞到恭謁

東西兩陵告厥成功，今已准其受降完事，不值詣

陵祭告。行此鉅典，已定於二十五日啟鑾回京，所有辦

理廂爾喀緣由，著通諭中外知之。

臣等謹案聖王征討有罪，叛而伐之，服而舍

欽定廟謚紀畧

卷二十九

三

之，雖遠在荒裔，而革心向化，皆歸于下土，怙

昌之中我

皇上以廂爾喀侵擾邊疆，敢作不靖

命，將出師加之，撻伐仰承

睿算，指示屢奏克捷，賊酋等沸鼎遊魂，震懼窮蹙，遞

稟乞降，再三哀願，其懾伏

天威，自知罪孽悔懼，已有明徵。我

皇上軫念將士不欲勞師久役且體

上天好生之德謂廓爾喀民人猶吾赤子未忍多事誅

夷布

詔中外

允其納款

皇天子覆憐爲懷詎止綢開一面之仁已哉

欽定廓爾喀紀畧

卷三十九

三

欽定廓爾喀紀畧卷三十九

欽定廓爾喀紀畧卷四十

八月二十七日 癸巳

上命軍機大臣傳諭福康安孫士毅惠齡和琳曰昨已明降諭旨令福康安等受降蒞事並將善後各條令福康安等公同詳酌妥爲籌辦矣但撤兵之後該處應行定立章程更改積弊事務繁多前降諭旨內尙有未經詳盡之處今因思慮所及特爲

欽定廓爾喀紀畧

卷四十

一

逐條開列再行詳示著福康安於撤兵之後卽令海爾察帶領巴圖魯侍衛章京等分起先行回京所有打仗官兵俱各令回伍福康安孫士毅惠齡和琳四人將所指各款熟悉籌安辦另立章程務期經久無弊一勞永逸伊等皆係曉事之人自能悉心詳酌妥協辦理也

一前後藏爲達賴喇嘛班禪額爾德尼駐錫之地

各蒙古以及番人等前往煎茶聽拜皈依佛法

必其化身的確方足以行禪教而懷眾心今藏內

達賴喇嘛班禪額爾德尼等呼畢勒罕示教後俱

令拉穆吹忠作法降神俟神附伊體指明呼畢勒

罕所在拉穆吹忠旣不能認真降神往往受人囑

求任意妄指是以達賴喇嘛班禪額爾德尼哲卜

尊丹巴呼圖克圖等以親族姻娅遞相傳襲近數

欽定廓爾喀紀畧

卷四十

一一

十年來總出一家竟與蒙古之公世職無異甚至丹津班珠爾之子亦出有呼圖克圖之呼畢勒罕者以致蒙古番眾物議沸騰均懷不平卽仲巴與沙瑪爾巴同爲前輩班禪弟兄仲巴係扎什倫布商卓忒巴坐享豐厚沙瑪爾巴居住廓爾喀未能分潤遂爾藉口生心唆使賊匪前來搶掠此卽呼畢勒罕不真族屬傳襲之弊所由起也嗣後應令

拉穆吹忠四人認眞作法降神指出務尋實在根
基呼畢勒罕各姓若干將其生年月日各寫一籤
貯于由京發去金本巴瓶內令達賴喇嘛等會同
駐藏大臣公同念經對籤拈定具奏作爲呼畢勒
罕不得聽其仍前任意妄指私相傳遞以除積弊
而服人心

欽定藏書紀畧

卷四十

三

一前後藏所出租賦向歸達賴喇嘛班禪收用又
款蒙古平素崇信佛教樂施喜捨是以布達拉扎
什倫布兩處商上蓄積饒裕駐藏大臣向不過問
其商卓忒巴噶布倫等任意侵蝕如各商卓忒巴
及丹津巴珠爾札什敦珠布等皆家計富足若非
侵漁積累何由各擁厚貲嗣後不特揀放商卓忒
巴噶布倫等缺應歸駐藏大臣秉公揀選卽其商
上收支一切亦應令駐藏大臣綜核凡換班官兵

欽定藏書紀畧

卷四十

四

以及駐藏大臣官用已用皆不得於商上稍有侵
挪其兩處商上出息除養贍喇嘛番散外或有盈
餘不妨爲唐古忒兵丁添補養贍之用福康安等
當向達賴喇嘛等面爲勸諭以大皇帝統屬萬方
受其貢賦除每年賞給官員廉俸兵丁錢糧外遇
有水旱偏災賑恤蠲貸並建築海塘河堤各工程
所費不下億萬萬從無靳惜又普免天下錢糧四
次酒糧二次亦不下億萬斷無將天下貢賦悉入
內帑不養天下百姓之理爾達賴喇嘛統轄衛藏
雖不敢比大皇帝統轄萬方但卽小可以見大亦
不可不似此存心譬如前輩班禪於四十五年進
京蒙大皇帝賞賜駢蕃在京沿途所得及各蒙古
布施又復不貲總計不下百餘萬若回藏後於所
得羨餘酌爲施濟何至爲賊匪垂涎乃呼畢勒罕

年幼仲巴等又知聚而不知散以致沙瑪爾巴聞

而生心唆使賊匪前至扎什倫布搶掠一空可見

多藏厚亡盈虛消息理有固然卽以佛法而論亦

當以施捨爲心錢財貨幣皆係身外之物在俗家

尚不容吝情況出家人以空寂爲務者乎當知六

波羅密中施捨爲第一此後商上若有羨餘達賴

喇嘛班禪額爾德尼不可作爲已有並不得專給

欽定廓爾喀紀略

卷四十

五

喇嘛務須普及番椒俾俗聯爲一體以期同心

保護衛藏或計算商上支用之外再有羨餘不妨

亦免衛藏番賦納則人心更爲悅服倍資得力

一向來大臣內才堪辦事之人多留京供職其從

前派往駐藏辦事者多係中材謹飭之員該大員

等前往居住不過遷延歲月冀圖班滿回京是以

藏中諸事任聽達賴喇嘛及噶布倫等率意徑行

大臣等不但不能照管亦並不預聞是駐藏大臣

竟成虛設嗣後藏中諸事皆當隸駐藏大臣管束

料理如遇出有噶布倫高卓忒巴第巴戴率等缺

皆歸駐藏大臣秉公揀放奏補自當安立章程俾

資經久不得仍前任聽達賴喇嘛及噶布倫等專

擅以致滋生弊端至駐藏大臣辦理一切繁劇不

比從前事簡原設之章京筆帖式等或員數不敷

欽定廓爾喀紀略

卷四十

六

亦當酌量增設以資差委

一撤迦溝紅帽喇嘛於上年賊匪路過時曾經遞

送哈達前有旨令福康安等趁大兵撤回之便慚

以軍威將該喇嘛等移至內地酌量安插庶不致

滋生事端今思該喇嘛人口衆多萬一實有難移

之處或交駐藏大臣嚴加管束不許該喇嘛與黃

教構衅亦不得令其在外滋事不必拘泥前旨勒

令移徙所有紅教喇嘛商上貨產駐藏大臣自不必攙越亦不必照達賴喇嘛等商上之例代爲經理

一廓爾喀搶掠扎什倫布物件前據成德等奏有賊匪途次遺失鑲嵌之語彼時廟內喇嘛人等紛紛逃避孰爲賊匪搶去亦無可查考且賊匪搶得後未必悉行交出送往陽布或爲手下人等私相

欽定廓爾喀紀畧

卷四十一

七

隱匿亦事之所有倘賊匪送出時其中稍有短缺無庸復向訊究但喇嘛人等素性見小所有賊匪送回物件福康安等不可以之入官當給還扎什倫布商上並告知班禪額爾德尼及商卓忒巴歲琿堪布等以扎什倫布物件爾等不能保護被賊匪搶去蒙大皇帝特派將軍大臣帶領官兵前來勦辦今賊匪畏懼送出仍給爾等領回使知大兵

此番全爲保護黃教之意方爲妥善

一撤兵後查明凡係藏內邊界一一設立鄂博毋許私行越界將來駐藏大臣按四季二人輪流前往實力稽查凡濟隴聶拉木宗喀等處務須通行稽察并於稽查之便將各該處所駐兵丁勤加操演以期熟練

欽定廓爾喀紀畧

卷四十一

八

一布達拉扎什倫布兩處商上向不歸駐藏大臣經管達賴喇嘛班禪額爾德尼平素自奉以及例需應用各項俱聽其自便今改隸駐藏大臣綜理亦不可過於嚴切應如在京派令經管阿哥家務大臣相似不過代其稽查出納不致如從前爲達賴喇嘛班禪額爾德尼弟兄親族暨噶布倫商卓忒巴等藉端侵漁至達賴喇嘛班禪額爾德尼自用以及公用各項仍照舊聽其自行支用不可管

東大過以示體恤

臣等謹案衛藏爲我

朝戡定之地百餘年來涵濡

聖化達賴喇嘛班禪額爾德尼分駐前後藏宣衍黃

教自廓爾喀鴟張邊外構募稱兵漸至擾及

扎什倫布忒行劫掠固由小醜跳梁遭其蹂

躪而亦藏內積習相沿經理不善之所致也

欽定廓爾喀紀略

卷四十

九

茲

天戈所指受降蔽功衛藏已臻寧謐而定立章程獨

除宿弊所以爲日後萬全之策者必詳盡無

遺方可期一勞永逸我

皇上宵旰運籌凡

睿慮所及預行慮列

訓示俾在事諸臣皆得有所遵循次第安辦仰見

聖天子許謨遠布纖悉咸周用能綏靖遐荒而方外

胥蒙其福無遠弗屆也

九月初三日

己亥

福康安海蘭察惠齡奏言七月

十七日據賊會遣小頭目巴拉巴都爾哈雅斯

遞稟呈繳從前原立大小合同二紙送出沙瑪

爾巴骨殖物件伊徒弟接喚屍身一具喇嘛拉

布結等二名並女喇嘛布哩一名跟役羅布藏

欽定廓爾喀紀略

卷四十

十

等二名番婦索諾木一名幼孩噶爾瑪拉布塞

等二名_臣等查閱大小合同以譯出丹津班珠

爾呈出合同底稿查對相符惟小合同上圖記

較多詳細查核亦俱係說和列名之人並無歧

異隨向拉布結等隔別嚴訊沙瑪爾巴是否實

係病斃據供沙瑪爾巴于一月內患病延至五

月十五日病故十九日燒化六月初三日檢回

骨殖今廓爾喀已將骨殖送出我等雖是沙瑪爾巴徒弟不過學習經典並不管事沙瑪爾巴

親信徒弟接囉聽見大兵進來又知廓爾喀要將他獻出于七月初八日畏罪服毒身死其餘尚有徒弟數人先已逃逸又有沙瑪爾巴管事人圖桑之女人策旺拉木自圖桑死後被沙瑪爾巴姦佔廓爾喀亦已將伊送出與我等同到

欽定廓爾喀紀畧

卷四十

十二

巴勒布宗乘寂睡熟半夜逃走等語復向幼孩番婦設法誘令供吐亦屬相符至繳出各物內惟玉鈴杵等件係扎什倫布之物餘屬沙瑪爾巴物件據賊會稟內聲明現將扎什倫布物件逐一清查卽行繳送雖物件無足重輕然賊匪既已認罪自當令將現存之物繳出已令巴拉巴都爾喀瓦斯回巢曉諭賊會卽令呈繳

福康安海蘭察惠齡又奏言竊_臣等此次統兵進剿廓爾喀賊匪仰蒙

皇上指授機宜得以欽遵籌算痛殲賊眾屢奏捷音今已深入賊境地方自應力圖上策惟是審時度勢不得不通盤籌畫未便因屢得勝仗稍有昌昧查此路進剿官兵節次打仗攻撲間有陣亡帶傷現存兵丁除分防後路不及五千名之

欽定廓爾喀紀畧

卷四十

十三

數復因賊境水土惡劣霖雨不止觸染嵐瘴患病者甚多呈報病故日有數名前調川兵原擬五月中趕到今總兵彭承堯帶領頭起瓦寺等處土兵五百名於本日始行到營卽使早調多兵糧石愈益增多更難運送至於後路糧餉後藏至宗喀濟隴一帶總緣道路險遠不能源源接濟由此前至陽布尙有大山數重大河數道

險阻更甚賊匪護其巢穴處處備禦堅固以傾巢之力糾集賊氛據險負嵎若無機會可乘勢難立時攻克轉瞬已屆深秋藏界氣候早寒冰雪封山恐難久駐此係體察地勢天時自量兵力糧運熟思審處預爲計慮及此臣等渥受

恩慈身當鉅任寧敢稍存遷就卽官員兵丁等咸

恩思奮亦不因糧少力疲遽形退怯惟念時日已迫

欽定廟方略紀畧

卷四十

十三

賊匪地界尙寬卽使能到陽布賊會亦必預行逃竄跟蹤追躡愈入愈深以數千之兵逐處搜捕難以尅期必獲臣等再四思維與其懸軍深入難以計出萬全莫若宣示

恩感尙可承綏邊境現在賊匪經官兵痛加殲戮之

後心驚膽落實已十分畏懼先將王剛等送出

遞稟乞降經臣等嚴行斥駁又遣大頭人普都

爾帮哩等前至軍營哀懇當卽發檄諭令其逐

條遵奉復據賊會稟繳私立合同不敢再題西

藏許銀之事並已將沙瑪爾巴骨殖物件及伊

徒弟跟役遵檄送出其現存之扎什倫布物件

亦願呈繳又懇請另差辦事大頭人進京瞻仰

天顏恭進

表貢稟內情詞極爲恭順察看賊情實因震懾

欽定廟方略紀畧

卷四十

十四

天威投誠悔罪似不敢再萌他念臣等已公同商酌

察看情形若賊會再遣辦事大頭人前來懇懇

察其詞意如出真誠卽擬遵照前奉

諭旨聲明約束納款受降亦足以綏靖邊隅尊崇國

體伏候

睿裁

同日孫士毅奏言查自裡塘至巴塘阿足一帶

道路綿長向為夾壩淵藪然當尋常無事時番

商催帶土物為夾壩搶奪原屬事所常有茲甫

值大兵經過並運送軍儲絡繹之時該匪等膽

敢將回空烏拉馬牛肆行劫奪情節極為可惡

是以前次

奏請密調土練二三百名協同漢兵分布防範又

因臣遠在西藏未能親身調度密札副將趙秉

欽定前商略紀畧

卷四十

五

夔知府蔡必昌等偵探賊蹤設伏嚴挈今蒙

皇上詳悉指示令臣回至裏塘並於臣未到之前先

令提督觀成在裏塘一帶留心防範臣俟和琳

不日從陽八井回至前藏臣即赴趕裡塘巴塘一

帶督率搜捕期于盡數剿除使行旅從此又安

再凱旋馬匹一事仰蒙

皇上恩諭除必須騎馬官兵自可敷用此外不妨畧

為停待即回營較遲數日亦屬無碍

聖慈體恤辦理之艱至於此極查自拉里至打箭爐

自打箭爐至廣元縣出川境所有需用馬匹雖

為數較多臣現已一一預備足數斷無缺乏之

虞惟前後藏馬匹較少趕辦畧形掣肘臣昨與

和琳悉心調度亦似可稍稍足用臨時萬一偶

有不敷則照例折以馬價令兵丁緩行前進諒

欽定前商略紀畧

卷四十

六

亦樂從

孫士毅又奏言查察木多以東一切轉運事宜

在打箭爐就近加緊催趲先已疏通無滯惟

察木多以西人戶稀少邊壩耶吉宗一帶均有

停積經和琳申明賞罰增設牛馬添雇蠻夫上

緊趕辦復經臣將雇備內地人夫押交總查道

府徐長發符兆熊李憲宜等分段安設現已一

律疏通軍儲相望於道計餉銀到藏者已有一百餘萬兩過察木多者已有二百餘萬兩其軍火一項現在前藏每日接收趕運似已有贏無絀至糧石最爲兵食所關尤應源源接濟和琳現已多方設法嚴立程限自可不致遲逾今查宗喀濟囉現有惠齡鄂輝在彼督催而自前後藏以至宗喀共二千六七百里程站新設呼應較難倘其間稍形遲滯卽恐軍營不能應手臣計算自前藏至打箭爐五六千里經臣此番親自經由調度實已中有把握此時自以趕運前臣後藏糧餉爲第一緊要臣俟和琳回藏交代卽日起程赴後藏一帶督催直至宗喀務將此一路轉運趕緊肅清然後回至前藏和琳卽行接續前進如此輪流往來催趕則軍儲斷不致再

有稽延又思軍營距省萬有餘里解藏餉銀自應寬爲預備現在大功將次告竣官兵月餉及一切支項需用若干此時亦可約畧計算如支銷之外多餘一二十萬兩存貯藏內以備將來照常支用原屬可行倘解運過多則留貯藏內必俟數年之久方可支用報銷而現在所糜運脚太多亦殊非計臣昨於察木多途次令總理道林備將本年藏內需用若干約畧核算茲據覆稱用至歲底約需銀二百萬兩臣思現在運過察木多者已有二百餘萬兩因卽飭知省城總局及駐劄打箭爐川東道王啟焜除解給口外臺餉共運藏軍餉一項總以二百四十萬兩爲斷其餘卽留存察木多就近分撥各臺應用不必遽解藏內以節長途運費均奏入

上命軍機大臣傳諭福康安海蘭察孫士毅惠齡和琳曰廓爾喀賊匪經此番痛加殲戮之後畏懼悔罪屢次遞稟乞降情詞極爲恭順自己真心懾服且藏內氣候早寒恐官兵爲大雪封山所阻勢難久住是以早經降旨准其乞降撤兵藏事今賊酋已遵奉檄諭稟繳私立合同並將沙瑪爾巴骨殛及伊徒弟跟役全行送出又請差辦事大頭人進奉表貢福康安等自必應一面具奏一面卽行撤兵不必待其大頭人到營致需時日賊匪狡詭多端此時勢窮力蹙籲懇乞降但伊亦明知卽日天寒雪阻官兵難以久駐卽不敢前來侵擾或故將伊大頭人遷延時日令其遲赴軍營使官兵在彼久待及至撤兵之時途中已冰雪交集坐視官兵跋涉艱阻豈不轉爲賊匪所愚福康安等如接

欽定廓爾喀紀略

卷四十

九

奉前旨業已受降納款撤回藏地最爲完善若因其所差大頭人尙未到營未經撤兵竟當明白諭知賊匪以該酋悔罪投誠業經奏聞大皇帝奉旨准降現在邊外早寒卽日雪阻豈值因爾所遣大頭人未至軍營在此久待今卽行撤兵回至藏內俟爾所遣大頭人到藏帶回進京毋得遲延時日致干未便如此明白諭知賊酋畏懼懾服之餘自不敢不俯首聽命而我兵及早撤出亦可安速旋師不致爲雪所阻總之辦理此事朕亦自悔失之稍遲若干賊匪滋事之初卽行欽派將軍大臣並多調索倫達呼爾兵數千預籌糧餉及早前往往躡必可掃穴犁庭蕩平賊境今已爲節候所限並因賊囚屢經籲懇受降藏局亦事勢不得不然此次征剿廓爾喀自進兵之後屢戰屢捷旣將藏地

欽定廓爾喀紀略

卷四十

十

收復又直至濟甯以外深入賊境七百餘里攻克
碉卡奪據山梁殲戮賊匪數千賊酋望風膽落畏
威馨伏遞稟乞降經兩次駁斥之後遵奉撤論各
條懇求納款並請差辦事大頭人獻表納貢今體

上天好生之德准其投誠以伸國體而示軍威威局已

極完善此次廓爾喀大加懲創之後諸弊肅清約
束堅定不但廓爾喀與藏內邊界一一設立鄂博

欽定廓爾喀紀畧

卷四十

三

毋許私行擅越卽附近廓爾喀之作木朗布魯克
巴哲孟確等各部落亦當嚴諭唐古忒人等以後
概不得私與交通貿易况藏內已令改鑄銀錢其
餘所需物件內地何所不有又何必向各該部落
往來貿易致滋事端此事亦著專交福康安等四
人辦理善後事宜時一併酌籌安辦再孫士毅奏
請俟和琳回至前藏卽起程前赴裏塘一帶搜掣

夾壩一摺殊可不必現在福康安等已受降撤兵

所有應辦一切善後事宜關係緊要前已逐條指

出交福康安孫士毅惠齡和琳四人會同商酌安

定章程孫士毅竟應在彼將應辦事宜與福康安

等合同商悉心籌畫務使斟酌盡善一勞永逸

此時裏塘一帶搜掣夾壩已專令觀成在彼親身

督捕俟官兵凱旋後再回成都孫士毅竟當在藏

欽定廓爾喀紀畧

卷四十

三

將一切善後事宜條分縷晰會同商辦其餉銀一
項現在軍務已竣自不必解運過多致糜腳費弓
箭火藥鉛彈等項本爲備禦之用若已經解藏者
卽有多餘亦不必仍行運回川省可留前藏以爲
儲備再軍營前因餉銀未能接續解到其兵丁等
應得分例均係通融支發自未全數得給但兵
丁等勞苦備至所有應得分例不可不按數給與

並著福康安等詳悉查明按照各兵在營之日逐一補給以示體恤至此次前後藏所運糧石前據福康安等奏宗喀等處糧臺多有停積其派出之道府固無可辭咎但豈無督辦大員後藏一帶糧運俱係鄂輝管理何以並未將鄂輝奏奏即使鄂輝尙知奮勉自贖然既經運悞亦應據實具奏施恩赦過自當候旨定奪豈得置之不議願預混過

欽定廓爾喀紀略

卷四十

五

并查明前後藏及察木多以至打箭爐一帶大寺廟一一懸掛並將沙瑪爾巴挑唆起衅犯事情由逐一開寫明白號令示眾俾各該處喇嘛番眾等觸目驚心共知作惡兇徒雖伏冥誅仍難倖免號令用示儆戒

上諭內閣曰廓爾喀滋擾衛藏命福康安等領兵進剿屢次克捷收復後藏邊界濟甯等處地方采入賊境痛殲賊眾賊酋畏懼震懾投稟乞降情詞懇迫因恐雨雪阻途特頒諭旨准其納款令福康安等撤兵凱旋此事若于上年早爲籌辦多調官兵迅速進討並糧餉軍火各事宜一切預備轉運不悞則兵多糧足似此么靡小醜無難搗穴擒渠今因辦理稍遲恐藏內氣候早寒致爲雪阻不得不及早撤兵但大軍自進剿以來連獲勝仗業經收

欽定廓爾喀紀略

卷四十

五

復濟隴聶拉木並攻克熱索橋協布魯東覺集木
集地方等處賊匪聞風膽落悔罪乞降歲功已屬
完善朕本擬俟福康安等直抵賊巢縛醜獻俘於
大功告竣時備加溥賞用志酬庸茲雖未得蕩平
賊境而諸將士攀越險艱手足胼胝冒雨步戰實
爲勞苦出力其帶兵將弁已經節次加恩福康安
等爲統率大臣調度布置悉協機宜亦應加以甄

欽定廓爾喀紀畧

卷四十

五

敘福康安著賞給一等輕車都尉卽令其子承襲
海蘭察本係二等公爵著晉封一等公至孫士毅
由打箭爐馳赴藏內督辦糧運和琳自到藏後催
趨積滯整飭類習均能認真督率惠齡在濟隴一
帶辦理軍需亦屬奮勉並著交部議敘其在瑪噶
爾轄爾甲山上打仗橫衝賊隊之侍衛章京等繞
山陟險截殺賊匪實屬奮勉出力除未經給有巴

圖魯名號者業經加恩賞給外其原有巴圖魯名
號之副都統職銜頭等侍衛翁果爾海額爾登保
珠爾杭阿阿木勒塔健銳營翼長德楞額等侍
衛五紹巴彥泰二等侍衛克典額定西龍那丹保
薩寧阿阿哈保索倫佐領博多果爾俱著交部議
敘

欽定廓爾喀紀畧

卷四十

五

欽定廓爾喀紀畧卷四十

欽定廓爾喀紀畧卷四十一

九月初五日

辛丑

和琳奏言

臣

於八月初八日馳

抵陽八井寺內紅帽喇嘛先經潛匿當將依什

甲木參好言安慰並令通事分投曉諭紅帽喇

嘛仍行投回但人數較多難於約束隨派委管

官第巴先行押赴前藏另爲安置辦理當即提

到依什甲木參詳悉訊供並將沙瑪爾巴廟宇

欽定廓爾喀紀畧

卷四十一

一

莊田物件逐一查抄分別解京變估查紅帽一

教本屬喇嘛異端自元季八思巴流傳至今而

沙瑪爾巴又爲佛教罪魁本應聖解進京盡法

懲治以快人心今雖伏冥誅倖逃顯戮自無仍

准其轉世嗣繼衣鉢之理但查陽八井廟內所

供佛像皆與黃教無異惟有鍍金大銅像一軀

詢係前輩紅帽喇嘛江阿哇之像又鍍金沙瑪

爾巴大小銅像數軀約共重二百餘觔均應銷

燬變價其徒衆一百零三名

臣

前已委員分赴

解赴前藏查此項喇嘛若勒令還俗反恐妖言

惑衆別滋事端詢其所習經典亦與黃教大同

小異擬將此一百零三名改爲黃教分與前藏

各大寺堪布等嚴加管束如有脫逃生事等情

惟該管之堪布是問庶可以資安集而便彈壓

欽定廓爾喀紀畧

卷四十一

二

臣不日回藏權卽如此辦理俟

命下之日再當移咨達賴喇嘛遵照奉行再查沙瑪

爾巴僧衣帳幔金銀銅鐵器皿皆屬唐古忒俗

尚所用就近變價約畧可值數千金其各處莊

田每年所交青稞麥子豌豆酥油等項按藏中

常價約亦可值二千餘金至現存青稞麥豆茶

油食鹽約值二萬金並依什甲木參物件自應

全數歸公此時凱旋在即各站正須籌辦口糧及一切用度陽八井廟內現存稞麥豌豆五千餘石就近分撥各臺應用既可省採辦之煩亦足平居奇之價又沙瑪爾巴及依什甲木叅物件變價銀兩將來或歸軍需項下抵銷或入藏庫充公備用均可節省正項至陽八井廟宇一座共樓房七百七十八間又僧房三百五十七間又山下小廟一座計十三間其中大小佛像甚多必須有人經營查濟嚨呼圖克圖係奉旨簡派郡同達賴喇嘛辦事之人頗爲出力藏地現無一定廟宇諸凡仰給於達賴喇嘛陽八井去前藏三百餘里相距不遠合無仰懇

皇上天恩即將此廟

賞與濟嚨呼圖克圖派委喇嘛焚修司其香火可以

不致損壞俟濟嚨呼圖克圖離藏後再行請旨定奪附廟又有番民二百一十七名專養牛羊並不納糧素在廟內充當烏拉差使可否亦交濟嚨呼圖克圖一併管轄奏入

上命軍機大臣傳諭福康安孫士毅惠齡和琳日和琳奏查辦沙瑪爾巴家產及掣獲依什甲木叅審明解京所辦俱屬周妥又奏稱沙瑪爾巴及依什甲木叅物件變價銀兩或歸於軍需項下抵銷或入藏庫充公備用等語自應如此辦理沙瑪爾巴實爲此案罪魁今雖伏冥誅倖逃顯戮現在抄出賞財什物等項自當全數歸公其所燬鍍金沙瑪爾巴銅像應卽按照現今新鑄寶藏字樣鼓鑄鍍文給兵丁通行使用又據奏請將陽八井廟宇僧房賞與濟嚨呼圖克圖派委喇嘛管理俟濟嚨呼

圖克圖離藏後再行請旨定奪等語所見甚是卽照所請行其附廟番民亦著交濟甯呼圖克圖一併管轄至陽八井廟內紅教喇嘛一百零三名和琳以若概勒令還俗反恐滋生事端請改爲黃教分於前藏各大寺堪布等嚴加管束一節所見亦是此項紅帽喇嘛業經和琳派委管官等先行押赴前藏和琳回藏時當傳集該喇嘛等諭以沙瑪

爾巴構衅之事業將骨殖號令示衆爾等不應仍襲其教且爾等所習經典本與黃教彷彿若爾等情願改歸黃教仍可在藏焚修如不願改歸黃教卽將爾等一併解京聽候安插如此明白曉諭伊等自必願留藏地可以聽受黃教堪布等約束也

初十日^{丙午}福康安海蘭察惠齡奏言八月二十七日賊酋拉特納巴都爾派小頭目塔曼薩野

來營稟繳扎什倫布銀兩物件據來稟內稱上年搶掠扎什倫布俱由沙瑪爾巴唆使今蒙

天兵前來征勦實已萬分知罪自應將各物全行繳出惟上年廓爾喀之人自後藏回時大雪封山東斃多人物件遺失且有私行隱瞞者會將竊物之人收禁查訊漢兵王剛等皆知其事交到陽布物件實止此數元寶銀兩又已融鑄銀錢

花用今將現存銀兩及各物件核點齊全逐一繳去伏乞大將軍查驗等語^臣等查廓爾喀上年滋擾藏地回巢已屆深秋原有凍斃多人之事王剛等亦曾供出在陽布被賊看守時實有隱匿後藏物件賊匪一同拘禁該兵丁等現已解京毋難質訊此次與師問罪本不在此區區物件原欲使廓爾喀自知侵擾之罪且令各部

落聞知廓爾喀侵犯後藏搶掠物件一經

天朝發兵進剿痛加殲戮不敢不卽行文出庶各威

知畏服至此項銀兩器物雖係扎什倫布之物

但喇嘛等不能守禦致被搶掠仰蒙

皇上發兵遠來征剿賊匪畏威懾伏始行呈繳自不

當仍復給還應將銀兩歸公充用餘物派員解

京又據稟稱現在備辦貢物卽差辦事大頭人

等恭齋

表文進京請罪謝

恩瞻仰

大皇帝天顏但廓爾喀係屬外番不知

天朝制度現於方物之外另備馴象及廓爾喀樂工

可否一併恭

進等語 臣等以賊會輸誠悔罪恭進馴象樂工以表

欽定廓爾喀紀略

卷四十一

七

誠心自應准其所請已諭知塔曼薩野回巢

諭准令呈進至沙瑪爾巴姦占番婦策旺拉木

前於中途逃逸茲復據賊酋率獲將策旺拉木

並女喇嘛策旺彥珠送出 臣等詳加訊問沙瑪

爾巴病斃日期與節次所訊情形符合其策旺

拉木係沙瑪爾巴姦占之婦應同前次送出之

沙瑪爾巴徒弟跟役等一併解京

欽定廓爾喀紀略

卷四十一

八

福康安海爾察惠齡又奏言查和琳自前藏催

來糧石本多宗喀一帶不能通行卽 臣福康安

前在齊噶爾留給守備呂朝龍銀兩採辦糧石

及道員林儁從後藏催來長運之糧亦多停

積總因道路險遠夫少運難所致是以 臣福康

安酌定派委妥幹員弁赴濟隴雇夫長運較爲

迅速試辦已有成效嗣經承勲於恭葺後趕緊

雇傭人夫牛驢由宗喀起運鄂輝催到番夫已抵濟隴因思既有此人夫即可仿照長運辦理

臣惠齡隨派委能事千總把總數員前赴濟隴押運並各段安設人夫遞運糧石軍火親身往來催趲並無停滯前因出口糧少一時難以疏通是以

奏明將新到番夫內選派夫頭帶領番夫一千五

欽定四庫全書

卷四十一

九

百餘名留於濟隴分作十起長運

臣等復飭知

林傳定立章程每日以夫一百五十名發運糶

把一百五十背計七千五百斤週而復始十日

發運之糧總可供軍營支用前據報出濟隴者

漸已增多

臣福康安每日派員遞往嚴催

臣惠

齡復於催糧到營之便途中分起留人催趲茲

於本月二十一日頭起長運到營至二十七日

已到七起共有糶糶五萬二千五百觔七日之內所到糧石較之前兩月所到糧數已及大半以後按起尅期前來即可源源接濟至餉銀於前奏之後續到一萬兩後路防兵口糧現將遞運糧石五千觔沿途截留可資接續

臣福康安惟有設法辦理以應急需

臣惠齡隨時察看情形倘途中稍有遲滯仍迅速親往催趲從此長

欽定四庫全書

卷四十一

十

運遞運並行無礙軍糧可無貽悞再據薩迦呼

圖克圖採辦糶糶五萬觔以二萬五千觔運送

濟隴以二萬五千觔運送蓋拉木脚價均自行

捐出並自請捐食牛五百隻不敢領價

臣等查

薩迦呼圖克圖採辦糶糶原係按數發價辦理

今該呼圖克圖欲自捐運脚並另捐食牛五百

頭實屬急公効順已經發諭獎許並告以

大皇帝愛養僧俗番黎輯寧衛藏從不肯稍有擾累
自當奏明

大皇帝仍照達賴喇嘛等辦運糶把牛隻一體發價

用示體恤該呼圖克圖聞知自必倍加欣感

同日孫士毅和琳奏言竊查大兵凱旋所需馬

匹兵食最關緊要臣孫士毅抵藏與臣和琳通

盤籌畫其自宗喀至拉里需馬六七千匹就臣

欽定西藏紀略

卷四十一

十一

和琳現在買備及將來抽調站馬並與濟隴呼圖

克圖商辦共得馬三千匹其不敷之數臣等一

面趕緊籌備一面

奏明如臨期實有不敷所有索倫達呼爾兵每名

每日照例拆給價銀在案今臣等設法購辦又

可得馬二千匹合之前次三千共有馬五千匹

加以臨時通融辦理似已有贏無絀至兵食一

項例給半米半麩除拉里以東臣孫士毅飭令

內地解送出口現在已有運過察木多者計凱

旋官兵經過時儘可從容應付並馬匹所需料

豆亦已陸續由內地運出分貯各臺派令將備

弁兵分段管理其自拉里以到前後藏臣和琳

亦已悉心籌計俟將購備之馬尅日收足即逐

一分站安設並恐馬匹全解前藏再行分撥各

欽定西藏紀略

卷四十一

十三

站未免馬力勞乏現今何處所購之馬與何站

相近即就地分安不獨水土服習並可休息馬

力臣和琳於往來查催之便親自驗看臚肥者

加賞疲瘦者責處務使官兵足資乘騎毋悞凱

旋之用其米石一項藏地本少現從工布產米

等處儘力購買分貯各站俾官員過境可資米

飯接濟查工布等處距藏較近不致多糜運脚

至目下將屆秋深其川省漢土官兵素能耐令而索倫等兵必需酌給冬衣以示體恤臣等現已就近製備老羊皮衣二千件氍毹夾衣一千件並皮鞋等物陸續運送濟隴以備凱旋時爲索倫等兵禦寒之具再馬匹兵食等項向來兵丁赴站支領臣等酌議先期知會領兵官核計每起兵數應領馬匹若干口糧鹽菜若干開列

欽定平定回疆方略

卷四十一

十三

清單上蓋鈐記向該臺一總支領由領兵官按名散給又屯練降番賦性稍野常有橫入番寨糟塌烏拉之事土民間風逃避轉致悞差臣等責令領兵官嚴加約束並令管帶從草地行走直抵本寨以免滋事至自前後藏以至打箭爐到處崇山峻嶺馬匹最易疲倒且沿途皆係一線羊腸兵丁行走不免擁擠現除漢土官照常三

百名一起開三日一起行走其索倫達呼爾兵皆須騎馬並帶兵之巴圖魯以及跟隨人等每起需馬不少臣等酌量擬可定爲二百名一起間四日一起行走庶馬匹涉歷山路可以往返應差不致疲倒並不准將馬匹過站以致後起旋兵到站無可應付以上各條臣等按照地勢情形畧爲變通辦理以期毋誤

欽定平定回疆方略

卷四十一

十四

和琳又奏言臣前接福康安知會馳赴陽八井查辦沙瑪爾巴徒弟依什甲木奈及廟宇莊田一案事畢卽回前藏辦理事務臣此次自前藏邁後藏直至乃安塘一路運送糧餉以及烏拉行走之處逐一察看計自三月十九日起至目下止前藏共催到東臺餉銀一百零六萬九千二百兩內臣未到之先藏中截用去銀二十一

萬九千五百兩^臣到藏後陸續截留發交各站

及採買糧石馬匹銀八萬二千兩實轉解過軍

營銀七十六萬七千七百兩^臣今八月十七日

回至前藏又由東臺催運到餉銀二十萬兩乃

昨接惠齡寄來摺稿內稱現到軍營餉銀止有

二萬兩殊爲駭異查此項餉銀既未運送軍營

自係宗喀濟隴一帶非運送遲悞卽截留過多

欽定藏書紀畧

卷四十一

十五

惠齡鄂輝現在濟隴內外分段督辦該站員如

有截留定卽就近稟知^臣距該處較遠未經接

有稟報現已一面飛札各該站做抵嚴查論令

據實速稟一面移咨惠齡鄂輝其未到軍營餉

銀數十萬兩現在何處停擱何處截留過多如

有任意稽延截留之事一併查明據實奏辦再

查現從前藏運送餉銀而論似已足敷軍營支

應^臣已札飭隨營道員林儒核明稟覆如已足

供應用^臣卽將續到餉銀留存前藏以供旋兵

各站支放並可節省運脚均奏入

上命軍機大臣傳諭福康安海蘭察孫士毅和琳鄂

輝曰福康安等奏賊首繳出扎什倫布物件並單

解沙瑪爾巴之番婦女喇嘛等一摺廓爾喀賊匪

經此番痛加殲戮之後畏懼悔罪屢次遞稟乞降

欽定藏書紀畧

卷四十一

十六

情詞極爲恭順且藏內氣候早涼恐官兵爲大雪

所阻勢難久住是以早經明降諭旨准其乞降撤

兵嚴事福康安等摺內未將何日撤兵之處聲明

具奏想因賊首所遣大頭人尙未到營故畧爲等

候計此時該頭人自早已齎表貢詣營謁見福康

安等諒卽派員護送解京著傳諭福康安等計算

日期如能趕於年內到京固屬甚善否則於明正

燈節以前趕到亦尙可隨朝鮮暹羅諸國之後一體瞻親至賊匪此次繳出物件因金冊係天朝頒賜班禪額爾德尼之物關係緊要特爲檢送其貴重物件亦不敢私自存留又沙瑪爾巴姦佔之妻策旺拉木業在中途逃逸賊酋卽行緝獲鎖押送出並備象隻番馬樂工恭進看其光景實已真心懺伏悔罪輸誠邊境自可寧靖惟定立地界一事前已有旨令福康安等應於藏內邊界一一設立鄂博毋許私行偷越現在大兵將撤此事最關緊要福康安等宜趁此時詳細曉諭申明約束以熟索橋迤西如協布嚕雍鴉鴉東覺堆補木帕朗古等處皆經大兵攻克本應卽以此爲後藏邊界今念爾悔罪投誠仍行賞還其熟索橋以內濟隴聶拉本宗喀等處木屬藏地前此雖經汝侵佔現經大

兵收復非如上次講和退還者可比嗣後總應以濟隴聶拉木以外爲界爾部落人等不得尺寸擅越如有私行偷越者一經拿獲卽行正法爾部落遇有遣使進貢獻表等事亦當先行稟明邊界將領聽候知照到日方許進口如此明白曉諭立定鄂博章程庶可永斷葛藤肅清邊境又據福康安奏薩迦呼圖克圖採辦糶糶五萬筋分運濟隴聶拉木運脚自行捐出並請捐食牛五百頭等語前因薩迦喇嘛於賊匪上年路過時曾經遞送哈達曾諭令福康安等於撤兵之便勒令改歸黃教今該呼圖克圖既有捐辦糶糶牛隻之事是尙知畏法奉公此等紅教流傳日久且人戶衆多若勒令改歸黃教辦理亦恐不無掣肘福康安等不必拘泥前旨竟當明白曉諭該喇嘛等以爾等前此與

賊遞送哈達俱干重罪仰蒙大皇帝念爾等均係
僧家愚昧無知不行嚴辦實屬格外施恩今因爾
等捐辦糶糶牛隻尙知急公効順本將軍業爲奏
聞仍准爾等在廟照舊焚修安業爾等此後宜倍
加感激約束徒衆安靜梵誦不得妄生事端方可
永安樂利並交駐藏大臣嚴切約束不准仍前越
界滋事俾該喇嘛等咸知儆惕免與黃教爭競庶

爲妥善至金冊爲賞給前輩班禪之物前因爲賊
所搶已另製一分尙未發往著福康安等查明如
賊酋繳出之冊尙屬齊全卽照舊在扎什倫布安
奉新製者可以毋庸發往若有損失卽奏明繳回
再行頒發新冊再金冊係前輩班禪進京時經朕
特行賞給其徒衆人等自應奉爲世寶謹守勿失
譬如內外大小官員等各有印信若致遺失卽應

重辟該喇嘛等不能協力防護金冊爲賊搶去致
煩天兵遠涉代爲勦捕賊匪因震懾聲威知金冊
爲天朝所賜是以不敢銷燬否則所搶銀兩已爲
鑄錢之用何獨於金冊敬謹收貯未經私燬於此
可見賊匪尙知畏懼天威茲據檢出送繳福康安
等宜面向達賴喇嘛班禪及歲奉堪布等詳細諭
知以爾等不能保守金冊本有應得重罪今因班

禪年幼仲巴又已解京治罪大皇帝施恩免其究
治仍將賊匪繳出金冊賞給班禪俾在扎什倫布
安奉嗣後爾等務宜加意保護以冀永承恩寵勿
得再有疎虞致干譴責至後藏仲巴歲俸等向來
惟知封殖營私所有唐古忒兵丁人等因係達賴
喇嘛之人該歲珠堪布等視爲膜外毫無稱補無
怪賊匪前來滋擾兵丁等亦各不相顧福康安等

宜向該喇嘛等剴切曉諭以後藏雖係達賴喇嘛地方唐古忒兵丁亦係達賴喇嘛派往但伊等駐守後藏卽爲保護班禪而設况扎什倫布商上著屬豐裕嗣後除班禪私用公用外如有贏餘務宜分給前藏兵丁人等俾共沾餘潤遇有防禦之事伊等自必同心協力固守無虞再布達拉商上前已有旨令駐藏大臣兼管不使商卓忒巴等分肥

欽定藏書紀畧

卷四十一

五

摺稿內稱現到軍營銀止有二萬兩自係濟曉宗喀一帶非運送遲悞卽截留過多等語前藏轉解餉銀前後統計一百零六萬兩何以解到軍營者止有二萬兩各該站員所司何事現經和琳飛咨飭查著傳諭惠齡鄂輝卽將此項餉銀現在何處停攔何處截留過多如有任意貽悞之事卽據實參辦勿稍姑息又據孫士毅和琳奏會商凱旋事宜一摺諸凡皆妥昨已有旨令孫士毅不必來至裡塘速回前藏現在裏塘一帶夾壩已專交觀成足咨料理且大兵撤回必經過裏塘等處軍威壯盛匪徒自卽斂戢無須孫士毅在彼彈壓寬當遵照前旨速回與福康安等會商善後諸事宜再前經降旨由京發去全本巴瓶一個令達賴喇嘛等會同駐藏大臣將呼畢勒罕名姓並生年月日各

欽定藏書紀畧

卷四十一

五

寫一籤貯於瓶內對眾拈定作爲呼畢勒罕是此項金瓶爲將來呼畢勒罕所出關係鄭重若由驛發去恐途中或有損壞現派御前侍衛惠倫乾清門侍衛阿爾塔錫第將金木巴瓶謹敬齎往並親解身佩小荷包二個亦著惠倫等帶往於迎見福康安海蘭察時卽行傳旨賞給以示酬庸之意

上諭內閣曰前因廓爾喀賊匪經大兵屢次剿殺之

欽定廓爾喀紀畧

卷四十一

重

後畏威悔罪疊行具稟乞降情詞極爲恭順已明降諭旨赦其前罪准令納表進貢並令福康安等卽行撤兵矣茲又據福康安等奏賊酋於七月二十七日又差頭目塔曼薩野前赴軍營投遞稟帖繳出前此搶掠扎什倫布銀物等件並備辦馴象番馬及廓爾喀樂工一併恭進是該賊酋悔罪輸誠十分摺服且其繳出物件內金冊一項係從前

頒賞班禪額爾德尼之物今賊匪於搶去後因知係天朝頒賞不敢隱匿特行檢出敬謹送到可見廓爾喀滋事起釁祇因與唐古忒人等爭論帳債細故並不敢干犯天朝今已差其辦事大頭人備辦方物恭齎表文呈進福康安等自應察其納款悃忱允准所請撤兵戡事將此再行通諭知之

上又諭內閣曰此次征勦廓爾喀辦理軍務一切機

欽定廓爾喀紀畧

卷四十一

重

宜俱經朕先期指示軍書文報絡繹不絕軍機大臣承旨書諭夙夜宣勤均著勞動現在大功告成福康安等業經降旨分別錫賞軍機大臣自應一體加恩大學士公阿桂大學士伯和坤大學士王杰尚書福長安董誥慶桂俱著交部議敘

上又諭內閣曰此次辦理廓爾喀軍務沿途馳遞文報絡繹各該員弁等俱能奮勇出力尙無貽誤現

在軍務告竣各處臺站自可漸次撤回而各官員
弁丁等踴躍急公宜加獎勵前此業經降旨各
該督撫等將弁兵查明先行賞賚一次今大功告
成並著將前後所設臺站之弁兵等查明再加賞
賚一次以示恩獎其承辦驛站官員除貽悞者扣
除外其出力之文武員弁並著查明交部分別議
敘

欽定廓爾喀紀畧卷四十二

九月十六日壬子福康安海蘭察惠齡奏言竊臣

等秉承

廟算統率勁兵自擦木進剿以來連戰克捷邊界肅

清奪據熱索橋深入賊境如協布魯東覺博爾

東拉噶勒拉堆補木帕朗古等處皆係峭壁懸

崖大河急溜我兵繞山涉水問道出奇將賊匪

欽定廓爾喀紀畧

卷四十二

一

所設礮卡木城處處攻克仰仗

天威得以痛殲賊衆所向無前賊匪敗竄奔逃心驚

膽落于大兵進至雍鴉時送出上年被襲兵丁

王剛等具稟乞降旋遣賊目噶布黨普都爾帮

哩等迎赴軍前將上年被襲之噶布倫丹津班

珠爾等兵丁盧獻麟等全行送出稟陳被沙瑪

爾巴唆使情形悔罪哀懇臣等嚴加駁飭復

行進兵及攻至帕朗古移營進逼賊匪益加震

恐所有沙瑪爾巴眷屬徒弟什物等項及搶掠

扎什倫布銀兩物件皆已遵檄呈交並將上次

私立合同二張繳出不敢復提西藏給銀之事

再三具稟懇求

聖主逾格施恩赦宥前罪以全圍部落番民之命茲

于八月初八日遣辦事大頭目噶箕第烏達特

欽定廓爾喀紀畧

卷四十二

一

塔巴蘇巴巴爾底曼喇納甲察布拉咱音達薩

野喀爾達爾巴拉巴達爾等四名恭賀

表文進京並虔備樂丁馴象番馬孔雀甲噶爾所

製番鞞珠佩珊瑚串金銀絲緞金花緞氍呢象

牙犀角孔雀尾鎗刀藥材等共二十九種隨表

呈

進另稟懇請臣等代

奏譯出表文閱看詞意極為恭順懇至並據第烏

達特塔巴等伏地哀懇叩頭乞命至于泣下跪

稱廓爾喀部長拉特納巴都爾部長之叔巴都

爾薩野本係邊外微末番人曾歸

王化渥受

大皇帝天恩

特加封爵

欽定廓爾喀紀略 卷四十一

二

錫賚多珍

高厚恩慈至今頂感乃拉特納巴都爾年幼無知巴

都爾薩野罔識

天朝法度因沙瑪爾巴從中簸弄唆使廓爾喀與唐

古忒藉端滋事拉特納巴都爾等輕聽其言侵

犯後藏仰煩

大皇帝特發

天兵遠來征討誅戮頭目人衆三四千人攻得地方

七八百里

天威震疊兵力精強廓爾喀實屬膽落心驚不能抵

敵拉特納巴都爾及巴都爾薩野自知罪在不

赦惶懼尤深所有從前侵犯藏界之事固由沙

瑪爾巴教唆而拉特納巴都爾等被其煽惑即

係身犯重罪不敢絲毫置辯惟有懇求轉奏

欽定廓爾喀紀略 卷四十一

四

大皇帝大沛恩施開一線之路如蒙

允准免其誅滅廓爾喀闔部落地土人民皆出

大皇帝所賜銜感

恩施保守境土不敢再行滋事從前私立合同內混

行開寫各條萬不敢復提一字今廓爾喀服屬

天朝本應年年納

貢但道路過于遙遠每至五年即差辦事噶箕一

名

朝貢一次仰瞻

大皇帝天顏永爲

天朝屬下子孫孫遵奉約束懇求大將軍據情轉奏等語臣等隨諭以拉特納巴都爾巴都爾薩野

自速誅鋤侵擾藏地大兵已至此地本應卽將

兩部落剿滅噍類無遺今拉特納巴都爾等敬

欽定方略紀畧

卷四十一

五

奏

大皇帝天威萬分悔懼屢次哀懇投降先遣爾等恭

賞

表貢入京知感知畏情詞尙屬恭順敬惟

大皇帝撫馭萬方

恩威遠播討逆舍順罔不畏懷拉特納巴都爾等旣

再四乞哀具稟誠懇本大將軍不敢望于上

聞當將拉特納巴都爾等恭順忱懼據實具奏

大皇帝如天好生或可仰蒙

鑒察宥罪

施恩亦未可定今暫將各兵撤回倘荷

聖慈允准從此兩部落性當遵奉

天朝法度不得復滋事端方可永受

大皇帝天恩保守境土此次

欽定方略紀畧

卷四十二

六

天兵威力爾已深知若稍不安靜守法卽是自取滅

亡後悔無及該頭目跪聆之下戰慄叩頭感懼

形於辭色臣等伏思廓爾喀賊匪恃其險遠妄

自構釁上次滋擾藏界時並未示以兵威賊匪

無所畏懼且以內地距該部落遠遼道路險峻

未必卽能發兵征剿是以投誠甫及兩年又有

反覆此次與師問罪仰承

聖主指授機宜

恩加鼓勵官兵等爭先用命無不倍加感奮以少擊

衆越險摧堅兵到之處屢戰屢勝大半殲擒賊

匪在西番各部落中素稱強悍從未如此敗衄

今見

天朝兵力精強所向無敵全部震盪實足以大示創

懲節次遣大頭人來營乞降察看情辭尙屬出

欽定廣輿記卷四十一

七

於誠悃伏查前奉

諭旨令臣等酌量情形或前抵賊境打仗得勝數次

賊匪心懷惴伏差人投遞稟帖悔罪乞哀或可

申明約束俯允所請納款班師仰見我

皇上廟算精詳幾先

指示

義正仁育

威德覃敷臣等實深欽服今賊匪業已切實認罪悔

懼投誠遣大頭人恭進

表文請於象馬方物之外虔備樂工使梵離僮侏

之樂隸於太常附各國樂舞之末並懇定立

貢期遣使五年

朝貢一次察看賊情實係傾心向化不敢復行滋

事衛藏全境似可永底救寧

欽定廣輿記卷四十一

八

福康安海蘭察惠齡又奏言臣等以賊匪既已

悔罪輸誠應令拉特納巴都爾及伊叔巴都爾

薩野親自前來軍營前經

奏明發給檄諭賊酋惟以畏威之辭稟覆不敢親

來復令拘留在營之賊目普都爾幫哩乃爾興

二人屢次寄信拉特納巴都爾等曉以利害令

其親來叩懇或可相機辦理而賊酋自知罪重

畏懼軍威遲疑不出是以專派大頭人第烏達特塔巴等恭賚

表貢進京仍不敢卽行投出並據普都爾幫哩等稟稱拉特納巴都爾等並非敢於不來實係心存畏懼前遣小的等來營時經拉特納巴都爾巴都爾薩野等當面告稱我們得罪

天朝自知過犯甚深不敢親到軍營先差你們出去

欽定四庫全書

卷四十二

九

叩求隨後再遣噶箕前來碰頭懇求如蒙轉奏

大皇帝施恩原宥廓爾喀永遠遵奉約束不敢絲毫

滋事不但西藏許銀之語不敢再提一字卽如

濟隴向來有給與鷹馬之例亦永遠不敢索取

又聶拉木邊外扎木地方雖係巴勒布之地五

輩達賴喇嘛時曾歸藏內管轄從前私立合同

內所寫扎木歸給廓爾喀之語實屬不知分量

今情恩仍屬西藏亦不敢提及等語查看所稟情形賊匪實已畏懼懼服至賊境地方氣候惡劣實有難於持久之勢今賊匪懼服

天威恭進

表貢查所遣之噶箕第烏達特塔巴實係廓爾喀世爲噶箕正經辦事之人若候奉到

諭旨後再行班師計期已在十月中旬矣兵丁觸染嵐

欽定四庫全書

卷四十二

十

瘴不服水土久駐似屬非宜且藏界氣候早寒

現在賊境高山之巔已有積雪萬一邊界封山

更難撤退臣等擬帶領各兵整齊隊伍以次分

起緩撤其聶拉木一路兵丁已行知成德等一

體緩程撤退絨轄一路兵丁係在藏界之內應

暫留侍衛員保等帶兵二百名在彼駐劄其餘

兵丁令諸神保帶領撤回臣等至濟隴後酌留

精壯兵丁二千名在彼暫駐不敢因賊匪業已歸降全行退撤至在途之軍火餉銀自應行知停止以省運送之煩再查藏內現有和琳畫心經理足可倚恃孫士毅係署理四川總督內地事務亦關緊要自應卽回打箭爐一帶料理等已行文孫士毅俟和琳回至前藏卽行起程均奏入

欽定四庫全書

卷四十二

十一

上命軍機大臣傳諭福康安孫士毅惠齡和琳曰此次廓爾喀經官兵大加懲創畏威悔罪屢次具稟乞降今又遣大頭人恭進表文呈獻方物並自請定立貢期五年一次譯出表文極爲恭順懇至是該酋長實係懼伏軍威傾心向化現經福康安等詳切傳諭堅明約束准其納款歸誠如此辦理庶局已爲完善福康安等接奉前旨已早經撤兵

計日內已可回至前藏但廓爾喀所遣頭人雖經福康安等面諭准降其所差進獻表貢之大頭人到京後回至該處尙需時日恐該酋長此時尙不免心懷疑慮福康安接到此旨應先作檄諭以兩部落上次業蒙大皇帝恩施封爵至爲優厚此次又因邊界細故肆行滋擾實屬罪無可逭本應蕩平爾境忪搶治罪今念爾酋長畏威悔罪屢次差

欽定四庫全書

卷四十二

十一

人籲懇歸誠稟繳前搶扎什倫布物件送出沙瑪爾巴骨殖徒衆又遣大頭人進獻表貢永遵約束不敢再提從前私立合同及停止行使廓爾喀錢文其濟咙向給鷹馬亦永遠不致索取并將五輩達賴喇嘛管轄之扎木地方仍歸西藏爾尙知畏懼兵威悔罪投誠本大將軍已爲據情代奏一一上陳今蒙大皇帝念爾愚蠢無知悞聽沙瑪爾巴

唆使又未覩天朝兵威妄生衅端大皇帝仰體

上天好生之德赦爾前罪惟爾納表進貢保全合境生

靈爾酋長拉特納巴都爾暨爾叔巴都爾薩野當

倍加感畏傾心向化以期永受恩典至爾酋長等

前已蒙恩得受王公封爵茲因自作不靖身獲罪

愆所有封爵本當革去爾具表乞哀自應卑辭貶

損不敢仍稱前受封號茲大皇帝亦赦爾罪並有

欽定爾爾喀紀略

卷四十二

十三

旨嗣後遇有表章文稟准爾等仍照舊繕寫王公

封號字樣俟所差大頭人到京大皇帝再行優加

賞資另賜勅書至熟索橋以外之協布魯東覺博

爾東拉噶勒拉堆補木帕朋古等處俱係大兵攻

克地方本應卽以此爲邊界今復有旨念爾悔罪

投誠仍行賞還其聶拉木濟囉宗喀本係藏地現

經大兵收復非如前此講和退還可比爾部落嗣

後不得再藉詞牽涉爾歸出之扎木地方亦係五

輩達賴喇嘛管轄之地自應仍歸後藏爾部落不

准再有侵越所有貿易一事亦照前旨卽行停止

俟汝貢使之便順道過藏邊公交易以上各條福

康安務須明白曉諭於撫綏安輯之中仍寓堅明

約束之意庶該酋長等畏威懷德可保邊境教寧

方爲妥善再扎木地方或應派唐古忒兵丁駐守

欽定爾爾喀紀略

卷四十二

十四

並遣派安當第巴戴珠管理卽歸聶拉木將領兼

轄將來駐藏大臣等巡邊之便一體稽查均須酌

籌妥協此次善後事宜荷經降旨交福康安孫士

毅惠齡和琳四人公同商辦但福康安孫士毅事

竣卽應回京惠齡亦當回四川本任所有一切章

程全在和琳隨時辦理和琳務宜畫畫周詳事事

盡善方爲無負委任再廓爾喀送出沙瑪爾巴特

殖前已有旨令於前後藏及察木多一帶大寺廟
內懸掛號令今思藏內寺廟如布達拉扎什倫布
等皆爲吉祥佛地若將沙瑪爾巴骨殖懸掛未免
喇嘛等見爲不祥竟當將其骨殖在前後藏及察
木多一帶通衢大站地方懸掛號令俾喇嘛番衆
觸目警心較爲妥善

上諭內閣曰此次福康安等督兵進剿廓爾喀深入
欽定廓爾喀紀略 卷四十二

五

賊境七百餘里瘴雨蠻烟氣候惡劣將弁官員兵
丁等間有染病身故者殊堪憫惻著福康安等查
明此項在軍營病故官兵造冊各部俱加恩照軍
營傷亡之例一體議卹

十九日^{乙卯}

上命軍機大臣傳諭福康安和琳曰前據福康安等
奏廓爾喀遣大頭人進表納貢于方物之外另備

馴象五隻因思此次辦理廓爾喀特命福康安等
統率大兵前往聲罪致討原爲保護衛藏起見今
該部落既悔罪輸誠籲懇納貢現在京城象隻已
多儘敷陳列儀仗之用而藏地向無象隻著傳諭
福康安即將所進馴象內傳旨賞給達賴喇嘛班
禪額爾德尼各一隻其餘二隻緩程送京俾前後
藏僧俗番衆常親遊方貢物更足以肅觀聽而著
聲威

欽定廓爾喀紀略 卷四十二

六

二十八日^{甲子}孫士毅奏言竊^臣遵

旨於八月十九日出藏二十六日行抵拉里欽奉

上諭孫士毅竟應在前藏駐劄督查如業經起程在
途著仍速赴前藏辦事等因^臣卽於二十七日在

拉里一面拜摺一面起程回藏現在行抵烏蘇
江站次距藏只有二日路程連接福康安和琳

來札以席爾喀節次哀懇乞降現復遣大頭目
恭賞表文並敬備樂工馴象番馬等項呈

進極爲恭順懇擊福康安業已

奏請撤兵噶臣趕緊料理口外口內旋兵事宜並

令將東路一切軍儲槩行停止以節運腳查臣

六月間於西臺途次見催到軍餉軍火等項爲

數不少恐軍營戒功甚速此次餉藥等物運藏

欽定平定回疆方略

卷四十二

七

過多徒糜運腳當卽飛札軍營總理道林偶令

其約計今年藏內經費需用若干以便臣酌量

停運旋於抵藏後接據林偶稟復約需銀二百

萬兩但兵事遲速難定寧可寬爲預備等語臣

當卽飛札總查道府如解過察木多軍餉已有

一百四十萬兩其餘概行停止分撥各臺作爲

旋兵之用至軍火一項現在運送到藏者除撥

還春間布達拉山上借出之數餘卽留貯藏內

以供操防其未經運過察木多者亦已早爲停

運似可不致多糜腳價至旋兵軍食馬匹等項

自拉里以西至前後藏邊界臣已會同和琳詳

細商辦酌定章程業經奏蒙

聖鑒其自拉里以東至打箭爐進口又從口內至成

都及廣元縣出境臣於未經出口之前通盤籌

欽定平定回疆方略

卷四十二

六

畫亦經一具

奏今凱旋在卽自當照依前此奏定成規實力安

辦既經福康安知會令臣回東料理和琳又因

濟隴一帶無可催遣現在前藏辦事臣自當仍

卽迅速起程從拉里察木多至巴裏二塘一路

挨查指示各員務使應付旋兵過境毋缺毋浮

以歸實用奏入

上命軍機大臣傳諭福康安孫士毅惠齡和琳日前因藏地善後事宜關係緊要屢經降旨交福康安孫士毅惠齡和琳四人悉心會辦並有旨諭孫士毅無須回至裏塘仍速赴前藏此旨孫士毅自己接到孫士毅係大學士自應在前藏將善後事宜與福康安等詳細熟籌務期事事盡善其應付凱旋官兵應行備辦者係總督之事孫士毅將善後各事與福康安等面商後即可在藏將總督印務交代惠齡或令其先回由拉里察木冬一帶逐站挨查直至成都孫士毅仍遵前旨速赴前藏即已行抵打箭爐亦仍着轉回福康安孫士毅惠齡和琳均係曉事之人所有善後一切自能熟商妥辦以副委任

十月初三日

戊辰 福康安海蘭察惠齡奏言竊廓

欽定大清會典事例

卷四十二

九

爾喀賊酋恩次哀懇並遣喇嘛第烏達特塔巴等恭賀
表貢來營嗣於八月十三日遣賊目蘇必達巴依喇巴忻喀瓦斯並伊親隨人瑪沁達拉喀瓦斯二名來營呈送水牛一百隻豬羊一百隻食米二百石果品糖食一百筐酒一百罇備犒兵丁並摺稟稱拉特納巴都爾巴都爾薩野悔罪投誠恭進
表貢大將軍允為據情轉
奏如蒙
大皇帝施恩赦宥從此永為
天朝屬下閭部落部長頭目以及番民人等皆歸
王化履受
天恩實屬萬分之幸拉特納巴都爾等謹具食物數

欽定大清會典事例

卷四十二

十

種伏乞賞留騎兵等語臣等論以拉特納巴都

爾巴都爾薩野畏懼

天威自知悔罪傾心向

化屢次懇乞投降差第烏達特塔巴等恭賞

表文前來察其出於誠悃業已代爲奏陳至所備

呈進貢品在

天朝富有四海原不在此區區而拉特納巴都爾等

奏請歸降

卷四十二

三

既有此敬畏之心亦不便不爲奏

聞或可仰蒙

大皇帝俯加鑒察逾格施恩亦未可定爾部落既震

懾

天朝兵威感激

大皇帝恩德真心歸順自當永守

天朝法度若因

天兵壓境一時畏懼乞降未及數年又有反覆爾部

落地雖僻遠大兵仍可再來將爾部落全行剿

滅經此番大加懲創之後自當深知畏懼爾等

可回巢傳諭拉特納巴都爾等如能遵奉約束

永遠不敢滋事方可將各兵暫撤倘敢稍涉含

糊不特不能仰邀寬宥有大兵亦不撤回至於拉

特納巴都爾等至送米石牛羊食物備犒兵丁

欽差爾喀密摺

卷四十二

三

在拉特納巴都爾等恭順悃忱固應如此但

天朝體卹外番此次大兵前來一應口糧烏拉俱係

蒙

恩特發帑金優給價值士飽馬騰並無絲毫擾累藏

地唐古忒久屬

天朝向不需其供應豈有收受爾部落食物之理且

大營糧儲充裕亦毋需呈送犒師之物今酌收

牛羊十隻米十石以全其誠敬之意其餘仍行發還並賞給錦緞各囚正爾等可帶回交拉特納巴都爾等祇領該賊目敬聆之下極爲感懼

當卽遵諭回巢十九日復據拉特納巴都爾等仍差巴依喇巴忻喀瓦斯等來營面稟小的等回至陽布將大將軍曉諭之語一一告知據拉特納巴都爾巴都爾薩野僉稱我等原係邊外

欽定廓爾喀紀略

卷四十一

五

小番自犯重罪大兵進剿實屬萬分悔懼若蒙大皇帝施浩蕩之恩曲加赦宥免其誅滅斷不敢再行滋事上次投誠之後又與唐古忒搆讞即蒙特發大兵前來問罪痛加剿殺廓爾喀部落幾至滅亡若再不加警惕更是自尋死路此後惟有永遵

天朝法度與唐古忒和好再不敢侵犯邊界稍有反

側上年搶掠後藏罪無可道已囑令第烏達特塔巴等過藏時面見達賴喇嘛班禪額爾德尼叩頭謝罪呈遞哈達如蒙

欽定廓爾喀紀略

卷四十二

五

大皇帝恩准投誠再專人赴藏呈送達賴喇嘛班禪額爾德尼土物前留大營之噶布寨普都爾幫哩達薩爾乃爾興等跟隨前赴濟噠大將軍如積有應行教導之事卽祈明切曉諭普都爾幫哩等以便敬謹遵奉辦理現仍差小的等二人前來大營小心伺候大將軍送至前藏等語臣等復諭以拉特納巴都爾等畏威納款既已遵奉約束永遠不敢滋事尙屬小心恭順大兵卽可暫撤帶同普都爾幫哩等至濟噠如有應諭事件再行轉諭遵奉至拉特納巴都爾欲令第烏達特塔巴等過藏時謁見達賴喇嘛班禪額

爾德尼叩頭請罪並擬於蒙

恩准降後差人赴藏呈送土物亦足見悔過之心尙

可准其所請爾等二人卽不必遠送至藏現已

飭令巴依喇巴忻喀瓦斯等回巢定於八月二

十一日班師等語明白告知再查自帕朗古至

濟隴途中大山連屬道路險仄進兵時多係遠

至山巔行走此次由山半路上撤回亦係懸崖

欽定廓爾喀紀畧

卷四十二

五

窄徑雖兵數無多究屬擁擠應將各兵分爲三

起臣等督率巴圖魯侍衛領將等帶領分起行

走其餘在山上防守後路各兵卽由山上隨營

撤回另派額爾登保帶領巴圖魯侍衛五紹總

兵朱射斗等督兵殿後計算至濟隴程途共有

七百餘里此時業已撤兵非兼程進兵可比自

應整齊各隊以次被撤現在酌定每日約行五

十餘里共行十三日可達濟隴擬於熱索橋

交界地方仍留兵一二百名暫駐候邊界各兵

全撤時再行撤回至起解在途軍火前已

奏明停止茲查自川省至藏界迢遙邊遠必須查

明已經到藏及過前藏者若干尙未到藏者若

干或應酌留前藏或應就近退回庶不致往返

解送徒糜腳價餉銀一項如解到者足敷此次

欽定廓爾喀紀畧

卷四十二

五

軍需支用亦毋庸再行解送以節糜費前後藏

所辦糧石除用過軍糧及旋兵口糧外亦應照

臣等前奏交還商上現在臣等咨商孫士毅和

琳確切查明另行具

奏奏入

上命軍機大臣傳諭福康安海蘭察孫士毅惠齡和

琳曰拉特納巴都爾等屢次差頭目赴營哀懇投

誠進表納貢情詞俱爲恭順是以准其乞降今又
差人呈送騎軍食物並求伺候福康安等直至前
藏看此情形實屬真心懼伏出於至誠非特目前
歲功完善並可保數十年邊境寂寧衛藏無事至
濟隴聶拉木宗喀等處向來原有唐古忒兵丁駐
守防禦皆因俘習渾等平時廢弛不加訓練以致
怯懦無用見賊退避目下邊界既不駐川兵藏地

欽定四庫全書

卷四十二

七

事宜皆係和琳責任仔肩更重所有原駐唐古忒
第巴番兵務須於巡遊時勤加操練認真稽查俾
去怯懦積習其應如何分撥派駐及稽察訓練之
處並著悉心妥辦以期永遠遵循再前據福康安
奏廓爾喀差大頭人第烏達特塔巴等貢送表貢
於八月初八日到營等語其於何日自帕朗古派
員伴送起程之處未據奏及或係福康安等候諭

旨到日再令起程亦未可定計此有到時福康安
等早抵前藏前已有旨令福康安飛飭伴送之員
於途次趨行着再傳諭福康安如該貢使業已起
程在途務須飛檄委員加緊行走所有貢物除象
隻馬匹本令緩程行走此外如有沉重物件亦不
妨隨後送京以便貢使過行能於年內到京俾隨

欽定四庫全書

卷四十二

八

務令於燈節前到京以便宴賚再福康安等奏廓
爾喀差出頭人稟稱欲令貢使過藏時謁見達賴
喇嘛班禪額爾德尼叩頭請罪並於准降後擬遣
人赴藏呈遞哈達土物等語拉特納巴都爾欲令
來使謁見達賴喇嘛等請罪亦足見其悔過之心
至伊呈送達賴喇嘛等哈達土物和琳應告知達
賴喇嘛等酌量收存數件勿虛其意仍加倍酬給

回賞不可爲廓爾喀所輕再此事歲功完善御製
十全記一篇以志武成十告現今繕寫四樣字俟
繕寫完竣再行發交和琳酌量於

聖祖御碑之旁豎立或另相地勢建蓋碑亭以昭武功
而垂久遠

臣等謹案前史所載蒙古兆勳之貢白狼樂
木之歌慕義歸風遠踰航棧要未若我

欽定廓爾喀紀畧

卷四十二

元

朝極威遠布溫肅並行雖僻處窮荒頑梗弗率而
雷霆雨露之施自能革鴉音而效蛾伏廓爾
喀以選疆細故妄恣跳梁一經

天文指鹿應馳電掃遊蒐亡命揚息靡寧於是遣其
頭目人等匍伏軍門再三哀籲進

表納款備物犒師懇請稟遵禁約停濟囉鷹馬之
求歸拉木版圖之舊傾心悔過殫竭惻忱我

皇上轍載爲懷貫其前罪保厥生靈永貽邊徼以又

安仍畀王公之封爵

義正

仁育之隆贊超往牒矣

欽定廓爾喀紀畧

卷四十二

三

欽定廓爾喀紀畧卷四十二

欽定廓爾喀紀略卷四十三

十月初六日^{辛未}福康安海蘭察惠齡奏言^臣等

於八月二十一日自帕朗古帶領各兵分起撤

回令頭起兵丁先一日起程收後之兵於後一

日起程沿途俱各緩程行走已於二十七日行

抵協布魯約九月初間可抵濟噶沿途經過地

方卽將前留各段糧石安站分放各兵等既無

欽定廓爾喀紀略卷四十三

須裹帶累重皆令執持器械整隊緩行以肅觀

瞻其山上撤回各兵應用口糧從堆補木東覺

協布魯等處通往山上之路就近運送足資接

濟所有進兵時擊立營壘及原在後路設防卡

隘俱已拆毀鏟平其攻克賊匪碉卡木城有焚

拆未盡者亦經一律拆毀不留基址惟橋梁及

山上偏橋仍舊留存並未拆去使賊匪見之知

官兵部伍整肅徐行撤出毫無回顧之虞既可

震以餘威並可示以誠信賊匪自必益加感懼

承不敢再滋事端至進兵時後路一帶道里綿

長因征兵祇有此數不能分派多兵惟擇緊要

之處酌留兵丁防守並酌派巴圖魯侍衛前往

駐劄巡察茲奉

訓諭深以後路爲慮惟恐無所策應賊匪或乘間出

欽定廓爾喀紀略卷四十三

擾迨^臣等具奏行知成德嚴守要隘一摺荷蒙

聖明鑒及以^臣等尙爲成德嚴防後路必無轉自疎

防之理

宸衷爲之欣慰仰見

皇上屢念軍務無微不至查^臣等攻克協布魯後深

入賊境卽有賊匪奸細迭窩哩巴迭塔爾瑪南

達顏阿尼桑噶爾固拉南達巴迭四名繞至後

路窺探經官兵拏獲訊問始猶假捏名字狡供

不吐稱係協布魯山後番民並非奸細及令前

獲賊目崗噶勒塔則西認識指出實在名字証

共爲拉特納巴都爾巴都爾薩野管家務之人

始據供出實係陽布差來潛到大兵後路探聽

有無防兵糧石如何運送能否接續令其探明

回報甫至協布魯東山上卽被卡兵盤獲臣等

欽定平定回疆方略

卷四十三

二

訊明後當將該賊犯四名正法並將該卡兵等

酌量獎賞其首先盤獲之王大倫以把總拔補

又於攻克東覺後有賊匪百餘人繞至後路山

上窺伺經守卡侍衛色玉慎帶領土兵放鎗擊

退業將色玉慎

奏陞二等侍衛兵丁亦一并加賞自此兩次之後

賊匪見後路隄防嚴密始行俯首投誠不敢心

生詭計此皆仰賴

聖主洪福懸軍深入得以安穩無虞再進攻東覺時

官兵渡過橫河攻撲木城有松岡頭人阿扎德

爾什等催令屯兵鼓勇先登屯兵聶馬爾甲木

爾甲等二名被刀砍傷阿扎等攀援繼上立將

木城攻克聶馬爾甲等當卽陣亡已將阿扎

奏賞花翎德爾什

欽定平定回疆方略

卷四十三

四

奏賞藍翎以示鼓勵至賊目巴載巴拉哩係屯備

郎爾吉帶兵拏獲該屯備原係察將職銜已蒙

恩賞給副將職銜均奏入

上命軍機大臣傳諭福康安孫士毅惠齡和琳曰福

康安等奏官兵撤回現在協布魯地方一摺覽奏

欣慰前此大兵深入賊境賊匪兩次奸細暗中

窺伺幸而福康安等於軍營後路嚴密巡防奸細

即時拏獲其東覺窺探賊人亦經官兵放鎗擊退是以震懾聲威望風靡落於屢次剿殺之後卽畏威悔罪再四顛懇投誠真心懾伏此皆福康安等所辦周到深為可嘉除該卡兵已經福康安等獎賞外其首先盤獲之王大倫竟著以千總用並送部引見東覺一路擊退窺探賊匪之侍衛色玉慎業經福康安等奏陞二等侍衛仍著賞緞一疋以示獎勵至協布魯地方拏獲奸細該賊匪始猶捏名狡供因令前獲賊目崗噶勒塔則西認識實証無從狡賴始據供吐實情是崗噶勒塔則西尙知畏法不敢庇其黨與福康安等會酌量給賞是否已經遣回或已起解之處並著福康安查明具奏

同日鄂輝奏言承准福康安咨會行令臣自宗

喀以至拉子各站將應付旋兵事宜妥為預備伏查濟甯宗喀兩處現在存糧甚多其已經發運在途者各令就近交納足資敷用定日長藏兩路以及前後藏各站兵糧絡繹於道先經臣酌定地方遠近並約計經過兵數多寡派留糧糶自數百石至一二千石不等審飭各站員一得凱旋信息卽將未運糧石留存近據各處稟報臣又復酌盈劑虛均已備貯足額將來卽有盈餘皆可就近交與前後藏所屬管官等各自收回算還尙上其餉銀一項現在軍營足敷支用臣已飭隨營道員林備各官兵沿途祇按日給予口糧其應得鹽菜分例自濟甯宗喀兩處計日支領給發之後直至後藏再行起支以免零星散給並咨會和琳後起到藏之銀均可毋

欽定廟堂紀畧 卷四十三 五

欽定廟堂紀畧 卷四十二 六

庸發運至軍火弓箭等項已過後藏者則運回
後藏未過後藏者則運回前藏均於兩處留存
備貯烏拉人夫各站現在預備運糧者本已不
少_臣復飭令舉革道員承勲督同各糧員及營
官第巴等寬爲預備尙屬易辦和琳在後藏時
催得人夫一千餘名健驢五百頭俱趕到_臣
卽添撥宗喀濟囉兩處應付旋兵更加得濟惟
馬匹購買較難齊經飛催前後藏濟囉呼圖克
圖歲琿堪布將所辦馬匹迅速催派前來尙恐
緩不濟急_臣先在宗喀分派員弁並飭營官等
廣爲購辦已有四百餘匹現在尙陸續購辦臨
時再行通融籌辦奏入報

聞

十一日_{丙子}福康安海蘭察惠齡奏言_臣等將官

欽定平定縣志卷四十三

七

欽定平定縣志卷四十三

八

兵撤回自過協布魯後天氣更冷兩山積雪漸
至山半于九月三十日抵熱索橋邊界該處雪
山層疊道路尙未封阻酌留兵一百餘名在橋
暫駐俟邊界各兵全撤回時再行撤回所有各起
兵丁於九月初一初二初三等日分起到來_臣
等係初二日回至濟囉其由山上撤回兵丁至
初四日到齊查濟囉地方于八月十三十七等日
連次降雪四山普遍迤北一帶氣候愈寒宗喀
大山連亘數百里積雪已至尺許常年係宗喀
一帶先行封山較之邊界猶早以今年節氣而
論月內卽恐封山所有庫爾喀差來進京納
貢頭人等應于封山之前趕過宗喀已派
乾清門侍衛珠爾杭阿侍衛德全額爾金保舒靈
阿委護軍叅領雲保遊擊額爾亨額都司德寧

同知李經文帶同鳴箕第烏達特塔巴等及隨
 從人等於初三日起程至聶拉木一路官兵前
 已行知成德等分起撤回茲接到成德等呈報
 賊匪於二十日復遣蘇必達稱西克得哩頭人
 贊達爾與喀噶魯烏與喀前來利底軍營乞降
 並呈送水牛食米糖食果品備備兵丁經成德
 等酌收水牛四隻賞給緞疋嗣於二十四日接
 到臣等行知令其撤回成德等於二十六七等
 日分作三起整隊起程成德帶領末起緩程撤回
 等語計算聶拉木一路兵丁近日已可撤至邊
 界
 福康安海蘭察惠齡又奏言竊查濟噠地方久
 被賊匪佔據番民逃散多致失業官兵克復濟
 噠後招回番民充當傭夫受僱運糧其老弱婦

欽定平定回疆方略

卷四十三

九

女藏匿山內者亦俱招徠復業數月已來全已
 歸業趕種糧食又得受僱運腳價藉資餬口番
 民人等俱各綏輯寧居臣等撤兵回至濟噠
 番民等扶老携幼夾道歡迎臣等令通事逐加
 慰諭察看番情咸悅實出誠悃惟兵燹之後元
 氣未能驟復查濟噠每年應交達賴喇嘛錢糧
 不過六百餘兩聶拉木絨轄地方亦小所交錢
 糧自必無多此次用兵全為保獲衛藏軍糧烏
 拉皆蒙
 特發帑金優給價值並未經踏累及商上所有被賊
 侵擾地方錢糧有限即令免收數年亦于商上
 無損擬于回疆特旨告達賴喇嘛將濟噠一帶
 及聶拉木絨轄各番寨應納錢糧酌免一兩年
 稍紓民力仰副我

欽定平定回疆方略

卷四十三

十

皇上軫念番黎至意再查濟甯官寨尉礪高聳被官兵攻破後全已坍塌與聶拉木官寨均應修葺應一并告知達賴喇嘛于明歲春融時修葺完
整以資防守而肅觀瞻

同日和琳奏言臣前於七月十六日馳赴濟甯

途次浪嘴子准福康安咨令回藏提訊倅習澤

等臣因糧運緊要不便再回是以移咨孫士毅

欽定四庫全書

卷四十三

十一

就近辦理行至乃安塘又准福康安檄令赴陽

八井查抄沙瑪爾巴一案臣至陽八井查辦事

竣仍即趕赴濟甯催辦糧運復於八月十七日

接准福康安來咨廓爾喀再三哀懇乞降納

表進

貢已經據情轉

奏等因臣即帶同道員倅什布分投來往趕緊料

理現在已將拉子以至拉里一帶應付凱旋事

宜俱已備辦妥協現當廓爾喀所遣哨兵人等

親至布達拉謝過一切應酬對答必須詞嚴義

正不亢不卑方足以服人心不致再啟番衆輕

忽之念且彈壓供頓料理貢使起身亦非一一

佐雜人員所能勝任是以派委道員倅什布在

途照料臣竟須仍回前藏俟貢使起身後再當

欽定四庫全書

卷四十三

十一

迎往前途督辦一切所有善後事宜謹遵

聖諭俟與福康安等逐一彙酌損益妥協辦理務使

經久遵行均奏入

上命軍機大臣傳諭福康安孫士毅惠齡和琳曰濟

甯地方於八月十六七等日連次降雪已至尺許

况今年節氣較早月內即恐封山是以朕早經慮

及降旨令福康安等於受降後即遷撤兵茲大兵

已於九月初間全抵濟甯此時自己早至前藏不致有凍阻之虞朕心始爲稍釋此次廓爾喀不特備物輸誠向福康安等軍營呈送牛羊酒米等物備犒官兵卽成德一路亦呈送牛羊米食等項可見其真心懽服恭順實出至誠福康安等所奏酌留兵一百餘名在熱索橋暫駐之處竟可不用至所稱廓爾喀貢使已派侍衛珠爾杭阿等於九月

欽定廓爾喀紀畧

卷四十三

十三

初三日帶同起身計算該貢使起程日期距臘底尙有一百十餘日儘可趕到其所進貢品內馴象番馬本令緩程行走其餘沉重物件昨已有旨令福康安酌減隨後送京以便貢使過行但樂工一項必須隨貢使一同趕到庶年節宴會使朝覲各國共聆異方傑侏更足以備太常而昭武烈福康安等摺內祇稱該貢使及隨從人等起身日期而

於樂工是否可借貢使於年內到京之處未經叙及著傳諭福康安如樂工係隨貢使同行則已若係落後卽著孫士毅和琳於該樂工行抵何處卽另派委員飛速伴送以便與貢使一同於年內到京方爲妥善至此次藏內用兵烏拉一切皆係發帑給價並未絲毫累及商上而各番寨經兵燹之後元氣未能數復福康安請將應納錢糧酌免一兩年所見甚是但向來駐藏大臣類多闕冗一切置之不問不過以三年間住得潤囊葉班滿卽可回京惟聽達賴喇嘛親近及噶布倫等專擅輒行並不關白駐藏大臣以致任意妄爲屢滋衅端今經和琳到彼實力整頓諸事日有起色並將噶布倫俱由駐藏大臣從公揀選奏請補放是藏內要務俱聽駐藏大臣主持一整從前積習今酌

欽定廓爾喀紀畧

卷四十三

十四

免錢糧修葺官寨二事俱關緊要自亦應駐藏大臣督辦若僅告知達賴喇嘛恐其見小糊塗難保其必能遵行妥辦此二事均交和琳等查明辦理俾事權益歸盡一更足以收實效而資整理又據和琳奏廓爾喀所遣噶箕人等親至布達拉謝過一切應酬對答必須嚴詞義正方足以服其心等語此爲最要前據福康安等奏該貢使於過藏時

欽定廓爾喀紀畧

卷四十三

五

謁見達賴喇嘛並呈送哈達土物已有旨令和琳告知達賴喇嘛班禪酌量收存加倍酬給回賞不可爲廓爾喀所輕今和琳恐達賴喇嘛不諳事體於接見貢使時應對失當趕回前藏指教達賴喇嘛所見與朕指示相同但稱俟貢使起身後再迎往前途督辦此可不必現在大兵已撤後藏一帶皆經和琳籌辦妥協無須迎往此時當在前藏駐

劄與福康安孫士毅懇諭會商善後各事不必再往後藏以省跋涉

二十一日丙戌和琳奏言臣前於七月赴濟噶途

次接據福康安咨令提訊俘習渾雅滿泰廓爾

喀遣人討要地土俸祿一事彼時臣以軍糧緊

要未便轉回咨明孫士毅就近提訊臣于八

月十七日由陽八井回藏後卽聞該頭人等於

欽定廓爾喀紀畧

卷四十三

六

五十五年十月內來藏尙有謝

恩表章貢品等物未卸係經普福斥駁後該頭人仍

然持回押係留於何所密加探訪茲聞在藏貨

易之巴勒布商頭巴特巴第家收有廓爾喀留

寄物件等語臣隨將巴特巴第傳至用好言探

問據稱五十五年廓爾喀因貢使回國受

大皇帝重恩復著大小頭人三名于十月來藏呈遞

謝

恩表貢並帶銀錢樣式稟請與唐古忒通商買賣不

知如何與駐藏大人說了多拉喇木先行回去

噶厦處喇嘛噶布倫將我叫去交給禮裏匣白

布包皮裏包共十五件令我收存即敬謹收貯

現在未敢擅動隨即一一呈出^臣驗看禮裏長

匣內有

欽定御醫紀畧

卷四十三

七

表章其白布包內亦有信字當即譯出詳閱表內

並無討要地土俸祿之語辭意亦極恭順各信

字內各有物件夾單一紙

表內駐明

貢物係珊瑚六顆腰刀二把灣小扁刀二把千里

眼一個又呈送大學士和坤字一封珊瑚二顆

格木花布二疋刀一把自來火手鎗一桿又寄

將軍鄂輝提督成德共字一封格木花布二個

又將軍鄂輝信一封古里八丹紬一疋又總督

信一封格木花布一對大刀一把珊瑚珠一個

又總兵穆克登阿張芝元共信一封白布二疋

核對巴特巴第呈出包裹各件均屬相符查孫

士毅前提俘習渾等訊取供詞奏摺內稱五十

五年秋間鄂輝所遣大頭人蘇必達多拉喇

欽定御醫紀畧

卷四十三

太

木小頭人翁瑪拉阿幾堪一名經普福呵斥後

多拉喇木先回其翁瑪拉阿幾堪二名聞駐藏

大人新換留待請安文底方回等語今^臣于商

頭處查出貢品禮物即係該頭人等帶來之件

俘習渾等並未供出再查雅滿泰係十月二十

日到藏俘習渾係十一月二十九日到藏普福

係十二月初三日起身進京而翁瑪拉阿幾堪

乃于十月初來藏冬底方纔回去是俘習渾雅

滿泰不得諉爲全係普福任內之事伏思願爾

喀表內旣無討要俸祿地土之語其稟請銀錢

一事亦屬無關緊要旣經駁斥自應奏明將

貢品禮物一并發還乃留物遣人復轉交噶廈噶

廈又轉交巴勒布商人種種情節均須逐一查

訊又其寄呈將軍總督提督信內均有要照大

欽定歸德縣志

卷四十三

九

人所許的話行就是了等語殊覺含混所言係

指何事尤應徹底根究務俾水落石出現在親

提俘習渾雅滿泰嚴密查究俟福康安不日抵

藏一同質審外至於廓爾喀與鄂輝成德等信

字內要照大人們所許的話一語亦須究問所

許何事現在業已撤兵鄂輝等不日來藏自應

會同福康安一并訊明另行具

奏謹先將譯出

表文及各信字並原

表原信

貢品禮物一并呈

覽

和琳又奏言

臣前于陽八井查辦沙瑪爾巴廟

字之時卽聞後藏尙有伊親姪三人尙密委後

欽定歸德縣志

卷四十三

十

藏糧員州同徐念高等查訪旋奉

上諭令_臣等查沙瑪爾巴如有父叔子姪在藏當差

者卽查明概行斥革茲據徐念高等稟報訪得

沙瑪爾巴親姪三人一名樂傘建本現在伽爾

迭進立結廟內充當喇嘛一名難結敦柱卜一

名策旺班珠爾在扎喜布東地方居住等情_臣

卽委令親往查拏茲於九月二十日將樂傘建

本等三名全行拏獲解至前藏隨委知縣蔣曾煌訊據供認俱係沙瑪爾巴親姪沙瑪爾巴私

往廓爾喀唆使構衅實不知情等供臣親提覆

加嚴訊所供無異查律載謀反大逆者兄弟之

子年十六歲以上者皆斬今沙瑪爾巴始而潛

往陽布原屬謀叛迨後唆使賊匪糾約多人搶

掠扎什倫布即與謀反無異應請照謀反大逆

欽定大清會典事例

卷四十三

三

兄弟之子皆斬例將其親姪樂傘建本難結敦

柱卜策旺班珠爾二犯一體擬斬並將其財產

查抄入官再查沙瑪爾巴尚有堂姪阿里一名

堂姪女現充女尼一名並難結敦柱卜等之母

名曲米熱殿妻一口名烏珠曲結幼子一名羅

布藏澤殿幼女二口一名色楞卜痴一名白嗎

那仲現在一體拏解雖律無緣坐之條但沙瑪

爾巴主唆搶掠釀成邊衅寔屬罪首禍魁今難

伏冀誅究屬倖逃

國憲必當將其家屬嚴加懲治所有阿里等男女

大小七名口應否發兩廣福建烟瘴地方安插

抑賞給功臣為奴之處統俟

命下之日欽遵辦理均奏入

上命軍機大臣傳諭福康安孫士毅惠齡和琳曰和

欽定大清會典事例

卷四十三

三

琳奏查出五十五年廓爾喀遣人至藏曾有謀恩

表章貢物及各信字物件等項一摺此事大奇我

國家綱紀肅清朕臨御以來一切政務無不躬親

綜理而大小臣工凡遇地方事件亦無有不據實

陳奏候朕裁奪從未有敢於匿不上聞者今閱廓

爾喀表文因其貢使受恩回國特差頭目親資表

貢謝恩情辭至為恭順並無討要俸祿地方之語

其稟請銀錢一事亦屬無關緊要俾習渾等縱不知事體輕重卽爲討好起見亦應據情代奏又柯所顧忌而匿不上聞卽云伊信字中有要照大人們所許的話行事等語卽係指巴忠等前此在藏許給銀兩之事此若果於普福倅習渾等有所干涉或心存畏懼自思想護不敢上聞尙屬情理所有今許給銀兩之事係巴忠鄂輝成德三人所

欽定四庫全書

卷四十三

重

辦與倅習渾普福等毫無干涉又復何所瞻顧竟將表文貢物等項壓擱不奏專擅糊塗竟至不解實屬可恨凡內地事件隱匿不奏一經發覺卽當按律治罪况邊外重務竟敢壅於上聞則何事不可爲此而不嚴行查辦何以肅政治而飭官常規令阿哥等同軍機大臣將普福嚴加訊據供我於五十五年七月內革去駐藏大臣降爲三等侍

衛後曾記得在鄂輝寓所鄂輝會向我說及廊爾

喀會有人來藏帶了幾塊珊瑚幾把刀子還有表

文說要進貢并有給大人們信件因見表文係屬

底稿並非正經表章其珊瑚亦甚平常不堪呈進

且又並無正經頭人到來已駁回叫他另換正經

表文貢物等語我就向鄂輝說我曾在理藩院衙

門行走知道向例外藩進獻表貢卽無專差之人

欽定四庫全書

卷四十三

重

亦可代爲具奏應否呈進候旨定奪他說可以不

用我因已經獲罪降用不管藏務就沒有要他的

物件看這就是我糊塗該死此語我曾告訴過雅

滿泰就是嚴廷良也知道其雅滿泰會否告知

倅習渾我已起身不能知道這可與鄂輝雅滿泰

嚴廷良質對鄂輝未曾告訴我以前我實不曉得

有廊爾喀差人來藏的事後來雅滿泰等因何不

將表貢奏聞呈進之處我亦不能知道况我先曾奏過廓爾喀欲差人進貢俟其頭人到藏卽行送京如果知道廓爾喀有人來藏我豈肯轉不陳奏總之我不曾要出表貢聞看到京後又未奏出實屬罪該萬死等語據普福所供是此事竟係鄂輝隱匿不奏雅滿泰既經普福告知仔習渾白亦必與聞何以伊三人扶同隱匿並不具奏此特福康

欽定廓爾喀紀畧

卷四十三

重

安等均已齊集前藏鄂輝亦卽日到著福康安孫士毅惠齡和琳卽將鄂輝革職同伴習渾雅滿泰嚴切刑訊令其據寔供吐是何意見迅速具奏母任稍有通飾至前次私許銀兩一節諒係巴忠一人主見辦理今閱廓爾喀所寄信字及呈送物件鄂輝成德及穆克登阿張三元俱有信物寄給獨無與巴忠信字可見巴忠前次在藏心懷巧詐

辦理此事雖係伊一人主見而暗中指使關說全不露伊名字卽廓爾喀亦不使聞知以爲日後或露伊轉可置身事外居心詭譎更屬可惡可恨若使其身尙在必當明正典刑今先已自斃法無可加現在傳知該旗所有巴忠子孫除伊子僧格布

前已革去官職挑補護軍効力當差外其孫革不准出仕以爲取巧悞公者戒至穆克登阿張三元

欽定廓爾喀紀畧

卷四十三

三

係前赴邊界之人於許銀說和之事斷難諉爲不知姑念伊二人係爲巴忠等差遣前往聽從辦理非創意者可比此時亦不復深究其巴勒布商人巴特巴第收存廓爾喀表章貢物等件不敢擅動一經和琳傳詢卽行呈出尙屬可嘉著和琳傳旨賞給銀一百兩示獎並告知該頭人以從前駐藏大臣將廓爾喀呈進表貢匿不具奏現在審明治

罪此係天朝法度如此伊亦不必向其國人傳說
以免廓爾喀聞而生疑至普福係和珅保舉之人
和琳並不因伊兄所薦稍存回護據實查奏甚爲
公正著賞給御用玉搬指一個大荷包一對小荷
包四個以示獎勵又據和琳奏查辦沙瑪爾巴親
屬請將其親姪樂傘建本等三犯照大逆緣坐律
擬斬其堂姪阿里等男女大小七名口應否發往
烟瘴地方安插抑賞給公臣爲奴等語藏內人等
不諳緣坐條例所有沙瑪爾巴親侄樂傘建本等
三犯竟著解京交部治罪其阿里等七名口卽交
四川總督分發兩廣福建烟瘴地方安插不必解

京

欽定廓爾喀紀略

卷四十三

五

欽定廓爾喀紀略卷四十三

欽定廓爾喀紀畧卷四十四

十月二十三日戌 福康安海蘭察惠齡奏言伏

查征剿廓爾喀一事臣等荷蒙

委任原欲蕩平賊境仰慰

聖懷斷不敢先事畏難稍存遷就自進兵以來仰藉

聖主威稜屢次克捷深入賊境賊首等震懾

天威具稟哀懇臣福康安不肯卽以受降完局惟思

欽定廓爾喀紀畧卷四十四

設法辦理迅奏犁庭但因節令所限冰雪封山

不能久駐賊酋拉特納巴都爾等又屢遣大頭

人來營懇求猶恐未由誠心仍未卽准行嚴撤

再三察看廓爾喀情形實因此番大加懲創心

懷畏懼投順出于至誠斷不敢再有反復始行

據實陳奏恭請

聖訓嗣于拉特納巴都爾等遣隨員第烏達特塔巴

等遞到

表貢後堅明約束始將各兵撤回邊界暫駐帶同

賊目普都爾帮哩等來至濟噹候

旨遵行乃臣等節次奏摺尙未遞到早蒙

聖明洞鑒先期屢降

諭旨令臣等籌畫萬全于大雪封山之前撤兵嚴局

仰見

欽定廓爾喀紀畧卷四十四

府照如神無微不至現已傳見普都爾帮哩等誦以

大皇帝俯鑒爾等悔罪誠悃業已

恩准投降撤回大兵爾等可卽回巢傳諭拉特納巴

都爾等感激

大皇帝逾格恩施遵奉

天朝法度方可永受

聖恩若再稍滋事端

天兵仍卽前來務必蕩平兩部落斷不能再邀寬宥
據該頭人等跪稱鄂爾喀係屬邊外小番自犯
重罪仰蒙

大皇帝開天地之恩特加寬宥鄂爾喀部落生靈

皆得保全永作

天朝屬下從此頂戴

聖恩安靜守法斷不敢再行滋事小的等回至陽布

欽定四庫全書

卷四十四

三

轉述大將軍之語告知拉特納巴都爾等益當

感畏

大皇帝恩威永矢恭順等語察看該頭人語言神色

極爲歡欣感戴正在曉諭間又接到拉特納巴

都爾來稟譯出問看係將臣等節次傳諭之語

繕稟呈遞永遠遵奉並以銀錢爲啓衅根由嗣

後不敢再提一個當兩個行使之語以表其誠

心改悔情詞極爲真切並恭撰番字歌詞交普

都爾帮哩等稟呈付所遣樂工演習因令喇嘛

通事等詳悉解說就其意義用漢文譯出俱屬

感畏

恩威頌揚

聖德辭語極爲恭順看來竟係賊酋等見大兵雖已

撤出尙恐

欽定四庫全書

卷四十四

四

天朝不加

恩准故復遷此稟以見其再無反復臣等已奉到

諭旨將遵

旨受降撤兵緣由繕寫檄諭令其永遠約束卽交普

都爾帮哩等責回賊酋等更切畏慎傾心誠服

現在宗喀及熱索橋山上全已積雪不日卽交

冬令自應遵

旨于大雪之前撤兵_臣等已派員帶同普都爾幫哩

等至熱索橋邊界飭令回巢即將濟唯熱索橋

官兵撤回于十五日帶兵起程孟拉木絨轄兩

處邊界官兵距定日較近卽令其撤回約計_臣

等行抵宗喀各兵已可全至定日卽將各官兵

令領隊大臣巴圖魯侍衛章京及將領等分起

帶領行走_臣海蘭察于到藏後卽行起程回京

欽定廓爾喀紀略

卷四十四

五

並令額爾登保先行赴京將軍營情形詳悉回

奏_臣福康安自上冬

陸辭出京迄今將及一年依戀下懷時禁五內惟

是因籌辦善後事宜不敢草率從事尙須在藏

稍有耽延前將善後事宜預行咨詢和琳彼此

互相確核到前藏時_臣等將一應章程逐細確

商通盤籌畫務期按靖邊隅行之久遠俟酌定

會

奏後再行星馳赴

闕瞻覲

天顏叩謝

聖恩至席爾喀所遣進京噶箕第烏達特塔巴等前

已

奏明令其先行赴藏謁見達賴喇嘛班禪額爾德

欽定廓爾喀紀略

卷四十四

六

尼叩頭謝罪今已奉

旨准降嚴事卽令迅速赴京現因護送之珠爾杭

阿中途患病岱森保亦係應行回京之人茲已

令其馳赴前途協同照料帶領該頭人等兼程

行走務于新正趕到與各外藩一體恭預

筵宴

福康安海蘭察惠臨又奏言查廓爾喀僻處西

南麓徽在附近番部中稍爲強悍侵凌弱小已歷多年以其方隅之見自恃險遠從未知

天朝兵力上次雖經歸化亦未示以軍威茲_臣等統

率勁兵欽承

廟算自揀木進兵速次克捷深入賊境所向無前賊

酋震懼

天威勢極窮蹙疊次哀懇至再至三始准代爲奏請

欽定歸附略畧

卷四十四

七

是此次賊匪經大加懲創之後實已膽落心驚

俯首帖服斷不敢再滋事端卽如呈繳扎什倫

布物件時特將

欽賜前輩班禪額爾德尼金冊令差來小頭目塔曼

薩野捧舉頂上赴營門跪呈禮節十分恭敬又

如所遣納

首之大頭人噶箕第烏達特塔巴世爲噶箕已經

數輩賊首幼稚時卽係該頭目携抱照管爲賊

首及巴都爾薩野倚任之人以賊目等次而論

尙在瑪木薩野之上是賊匪所遣之噶箕等實

係辦事大頭人不敢如上次投誠僅派小頭目

赴京瞻

覲其種種畏懼恭順情形已可概見再賊匪兩次滋

擾藏地沙瑪爾巴實爲罪魁研訊活賊口供及

欽定歸附略畧

卷四十四

八

偵探賊中情形竟全係沙瑪爾巴挾嫌唆使_臣

等前開沙瑪爾巴已伏其誅疑其不確訊之該

犯徒弟跟役及丹津班珠爾等衆供如一尙不

敢信以爲實故復嚴論賊酋務將在逃之沙瑪

爾巴女人策旺拉木拏解以憑質証及賊首緝

獲策旺拉木到營預令沙瑪爾巴跟役之幼妹

策旺布車木暗中識認的係沙瑪爾巴妻室始

將該犯婦嚴加訊問供出沙瑪爾巴病斃情節

一一相符並無虛捏從此賊中少一主謀構衅

之人斷不敢復萌故智臣等察看現在情形賊

匪傾心歸順承遵約束餘威所震不但庫爾喀

懼伏輸誠即附近各部落無不欽仰

天威同深畏服藏地邊界斷不致更滋事端再臣等

前此奏奉承勲重光一摺聲明仍令辦理根連

欽定大清會典事例

卷四十四

九

効力俟事竣再行核辦查宗喀噶喀等處山險

路長其時餉銀未到辦理本屬踴躍臣等因當

軍行之際費罰不可不嚴是以從嚴奏辦用示

懲儆承勲自參革之後極知電勉趕緊雇備人

夫牛驢接續起運重光亦能在噶喀認真籌辦

設法督催兩路均各踴通臣等撤兵回至邊界

濟噶尚有餘糧沿途臺站亦各有糧存貯足敷

旋兵支給現在業已蕪事查核該員等功過尙

足相抵所有革職知府重光應否開釋枷號與

革職道員承勲可否照金川軍營貽誤糧員之

例分別酌加開復之處出自

皇上天恩

同日和琳奏言竊臣前准福康安扎照噶箕等

大小頭人四名跟役三十名樂工十三名並恭

欽定大清會典事例

卷四十四

十

進番驛貢品等項委派

乾清門侍衛副都統岱森保珠爾杭阿侍衛員弁等

蒞送于九月初二日自濟噶起身臣當經擇一

寬大住所派員收拾妥協令糧員預備供慮優

其廩給並預做定皮帽皮袍褲襪等項茲于九

月二十七日岱森保等帶同第烏達特塔巴等

到來臣傳令進見第烏達特塔巴等叩頭跪稱

廓爾喀王子年幼悞聽沙瑪爾巴唆使與唐古

忒不睦家

大皇帝特命大將軍統領大兵聲罪致討

天兵勇銳異常廓爾喀滅亡在即得蒙大將軍開一

線生路奏准

大皇帝許廓爾喀投誠保全一部落人民性命實屬

再造深恩以後子子孫孫永遠臣屬

欽定廓爾喀紀畧

卷四十四

十二

天朝等語臣 隨諭以

天朝大皇帝撫馭萬國無分內外爾等不違

王化本應設爾巢穴以中國法今爾部落尙知悔罪

拏誠

大皇帝如

天好生以爾等化外小藩不忍絕爾宗祀故

恩准投降

天朝兵力汝所深知設有不遵法度之處斷不能再

邀寬典該噶箕等聞言之下伏地戰慄叩頭不

敢仰視其悔罪畏服之狀實係真情流露臣 隨

復以好言寬慰賞給皮帽褲襪錦緞等件其樂

工及跟役人等亦賞給皮衣皮帽米麵羊隻諸

物次日令岱森保等帶領上山往見達賴喇嘛

臣 已預先告知達賴喇嘛濟噶呼圖克圖酬對

欽定廓爾喀紀畧

卷四十四

十三

應答務須詞嚴義正不亢不卑達賴喇嘛等頗

能領會該頭人等於人見時各遞哈達行禮又

遞上犀角一個卡契緞二疋達賴喇嘛命坐賜

茶每頭人與瑣璫二個菓子一包共與樂工米

二包銀錢四百圓禮待而出茲岱森保珠爾杭

阿等已於一月初一日帶領噶箕等由藏起身

衛藏地方現在雖已積有冰雪前途拉里丹達

合諸山冬令較春令尚易于行走臣亦已扎
飭站員撥人修治俾貢使等經由其地不致稍
有耽擱均奏入

上命軍機大臣傳諭福康安孫士毅惠齡和琳曰福
康安等奏遵旨受降撤兵回藏廓爾喀稟遵約
束情形一摺覽奏欣慰廓爾喀傾心向化備具表
貢稟遵約束並恭撰番字詞詞呈進極爲恭順誠

欽定藏書紀略

卷四十四

七

局實爲完善至福康安等奏接到拉特納巴都爾
稟稱從前因銀錢啓衅嗣後不敢再提一個當兩
半行使之語以表其誠心改悔廓爾喀與唐古
忒人等交通貿易由來已久前因此事易啓爭端
是以有旨令福康安等諭知廓爾喀竟應停止買
易以杜葛藤今聞廓爾喀地方需用食鹽酥油等
項斷不可缺與俄羅斯之需用大黃相同藏內亦

欽定藏書紀略

卷四十四

十四

需彼處米石今廓爾喀業經歸命投誠若停止買
易轉非懷柔綏輯之意但從前廓爾喀與藏內交
易俱係伊等自行說合並無官爲經理以致噶布
倫等從中牟利滋弊端今因俯示體恤准其仍
通買賣所有貿易等事竟應官爲辦理不准噶布
倫等復行私自講說一切事宜應比恰克圖之辦
理俄羅斯交易更爲嚴密或于一歲中酌定兩次
四次准其通市于撫輯之中予以限制駐藏大臣
仍不時稽查親加督察令彼此公平交易毋得稍
有偏枯既可遂其恭順之忱又可免噶布倫等從
中滋弊至廓爾喀與藏地交易自不能不行使銀
錢現據廓爾喀呈稟此後不敢再提一個當兩個
之說是該處銀錢亦可公平定價不致再有
爭執此事著交福康安等四人會同詳定章程並

明白曉諭廓爾喀及唐古忒人等永遠遵奉又據
奏查明承勳重光自參革後尙知奮勉等語已降
旨將重光開釋卹號與承勳於軍務完竣後一體
送部引見至鄂輝於糧運重務任其積壓固有應
得之咎姑念伊係總辦之員彼時又赴聶拉木一
帶查催勢難兼顧且沿途背運板石俱係番民非
內地民人可比該選員等在途積壓尙非有心玩
愒定庸庸劣

欽定庸庸劣

卷四十四

五

誤承勳重光俱已加恩寬免是鄂輝之不能督催
糧運其罪尙輕而於廓爾喀五十五年呈進表員
匿不具奏一事鄂輝之罪實在於此前次許給銀
兩一節鄂輝尙可推諉巴忠以伊通曉番語其事
係一人主持辦理今此事現據普福供明係鄂輝
親向普福告知於廓爾喀遣人來藏呈遞表貢時經
鄂輝駁回更換並經普福勸伊據情轉奏而鄂輝

並未聽從是此事實係鄂輝隱匿不奏更不能藉
詞誣卸普福康安等遵照旨卽將鄂輝革職嚴
切跟訊令其據實供吐具奏諒福康安等不敢爲
之開脫况有仔習渾雅滿奉二人在藏皆可質實
諒伊等亦不肯代人認罪也現在藏內應辦善後
事宜最關緊要節經有旨令福康安四人會同商
辦務須事事盡善詳定章程以期經久無弊今賞
福康安洋表一個大荷包一對小荷包四個海蘭
察孫士毅惠齡和琳洋表各一個大荷包各一對
小荷包各二個又初次鮮鹿肉二十塊並著賞給
福康安等四人及隨從辦事出力官員分賞以示
眷注又據和琳奏廓爾喀貢使到藏謁見達賴喇
嘛後應付起身一摺所辦俱安該貢使已於十月
初一日由藏起身計年內爲期尙寬儘可趕到現

欽定庸庸劣

卷四十四

六

初一日由藏起身計年內爲期尙寬儘可趕到現

又軍機大臣行知岱森保等令其沿途趕緊行

走並行令沿途督撫迅速派員護送進京矣

上諭內閣曰前經福康安等奏奏道員承勳知府重

光辦糧貽誤當經降旨將承勳革職重光革職柳

誠示儆今據福康安等奏承勳辦理軍糧趕緊接

續起運極知通勉重光亦能在哨喀認真督催兩

路糧運均各踴躍等語承勳等自發革之後既知

欽定聖訓卷四十四

七

奮勉設法籌辦俾糧運踴躍沿途邊界存貯餘糧

足敷旋兵支給功過尙足相抵重光著卽開釋柳

誠與承勳候大兵撤回軍務告竣後一并給咨送

部引見

二十六日 辛卯 福康安惠齡奏言 臣 等前奉撤兵

諭旨卽遵

旨嚴諭賊酋派委翼長德楞泰帶同普都爾碧哩乃

爾興至熱索橋邊界飭令回巢 臣 等卽於十五

日自濟噶帶兵起程旋據德楞泰帶送賊目前

赴邊界飭令回巢訖該翼長于十七日趕至工

達地方向 臣 等面稟據普都爾碧哩乃爾興于

途中稟稱此次廓爾喀誠心歸順已荷

大皇帝格外天恩准令頭人等進京瞻

觀頭人到京時仰蒙

欽定聖訓卷四十四

大

大皇帝加恩必應具

表恭謝方可稍盡微忱隨

表貢物不敢似五十五年謝

恩貢物簡畧該翼長未知有五十五年進

貢之事隨答以

天朝撫馭萬邦厚往薄來原不在此區區

貢品爾部落旣欲誠心効順感戴

聖恩在爾部落自當如此等語臣等查上次廓爾喀

投誠並未呈遞謝

恩貢物何以數目復有此語因思前藏貿易之巴勒

布商人巴凌覺前經

奏明帶來現在軍營隨將此事密詢據稱五十五

年多喇拉木等來藏曾賈謝

恩表貢聞得交存巴勒布買賣人處不知詳細等語

欽定廓爾喀紀畧卷四十四

九

臣等聽聞之下不勝駭異伏查上次賊匪遺多

喇拉木等來藏求

賞俸祿地方未經普福仔習渾雅滿泰具奏已屬荒

唐今復查出廓爾喀會有謝

恩表貢交存在藏事關邊界具表駐藏大臣竟敢匿

不具奏其故更不可解查普都爾帮哩等在營

多日從未稟明此事茲于回臬時聞中提及以

見其向來恭順又詢據巴凌覺亦稱實有其事

雖臣等從前研訊丹津班珠爾等時祇供有賊

匪求

賞俸祿地方差人來藏並未供出帶有謝

恩表貢然該犯等彼時正爲噶布倫斷無不知之理

解京訊問白可水落石出况此項

表貢旣在巴勒布貿易人處母難卽行查出臣等

欽定廓爾喀紀畧卷四十四

十

當卽密寄和琳就近先將

表文貢物嚴密查出據實辦理復思鄂輝于五十

五年曾經來藏白必深知其事鄂輝歷蒙

委任尤非仔習渾等可比若於此等外番交涉事件

亦敢隱匿不奏尤出情理之外原擬至宗喀時

詢明鄂輝卽行奏辦但現在實証無人恐鄂輝

尙思推卸不肯據實供明卽日經過宗喀令鄂

輝隨赴前藏計至藏時和琳應已將此項

表貢查出再行提集俾習渾雅滿泰與鄂輝兩加

質証切實辦理嚴行

奏奉治罪

同日孫士毅奏言伏查廓爾喀所遣大頭人呈

進貢物係於九月初三日自濟噶起程約九月杪

十月初可到前藏計自十月以至年底尙有三

欽定廓爾喀紀畧

卷四十四

三

月而自前藏至京共一萬二千里就內地行走

而論歲底儘可到京惟口外現在風雪甚大難

不至封山而冰嶺上下登陟稍艱勢難行走迅

速臣現于口外各站員之外又復分段添派員送

程催趕以冀仰副

諭旨現在嚴飭各員總以歲底到京爲斷就臣核計

若能于十一月中旬至打箭爐歲底必可到京

否則只可在正月初十日以內至經過各省臣

已一一飛咨先期派員照料務令隨到隨行均

奏入

上命軍機大臣傳諭福康安孫士毅惠齡和琳曰福

康安等奏查出上次廓爾喀謝恩表貢現在尙存

前藏此事早經和琳奏到當令阿哥等同軍機大

臣將普福刑訊據普福供係鄂輝親向告知於廓

欽定廓爾喀紀畧

卷四十四

三

爾喀遣人來藏呈遞表貢特經鄂輝駁回更換並

經普福勸伊據情轉奏而鄂輝並未聽從是此事

竟非普福俾習渾雅滿泰等乃係鄂輝隱匿不奏

實在大奇早有旨將鄂輝革職交福康安等提同

俾習渾雅滿泰嚴切質訊今福康安所奏亦以此

事爲鄂輝所深知何以隱匿不奏應切實辦理與

前降諭旨相合現又據普福續供記得我與雅滿

奉聯銜具奏之措底原係鄂輝辦的鄂輝說我於十月二十二日起身另有奏摺此摺我可以不必列銜俟我起身後你們二人于下次再奏亦不爲遲其嚴廷頁到藏日期亦可寫進幾日彼時我與雅滿泰一時糊塗卽聽從辦理將嚴廷頁到藏日期寫作二十四日其實嚴廷頁是二十日以前到藏等語是鄂輝竟預爲地步故令普福具奏時將嚴廷頁到藏日期填寫數日以便發覺後借詞起身在前貢到在後諉過于普福雅滿泰等尤出情理之外此時福康安等均已齊集前藏而鄂輝伴習渾雅滿泰嚴廷頁亦皆在彼無難四面質証著再傳諭福康安等務當遵照前旨卽提鄂輝嚴切跟究令其據實供吐至此事鄂輝等壓擱不奏其意自因廓爾喀所寄鄂輝信內有大人所說的話

恐怕忘了等語鄂輝等所許何話自卽係許給銀兩私與講和之事鄂輝因見廓爾喀信內提起前事惟恐奏聞經朕看出查究必致敗露是以匿不上聞不知廓爾喀向索銀兩俱係于寄鄂輝等信內隱躍其詞而所進表文內情詞極爲恭順並無一字干涉索賚之事若鄂輝彼時止將表貢據情轉奏其說銀一事或轉可不致發覺今因延擱不奏致被查出經朕特交福康安審辦必皆水落石出可見鄂輝竟屬天奪其魄以致顛倒昏亂轉彌縫終歸敗露實爲可恨五十五年成德雖未赴藏但許給廓爾喀銀兩時成德亦同在彼廓爾喀旣寄信索取經鄂輝壓擱不辦鄂輝回至成都後斷無不告知成德之理朕聞成德于上次派往辦理廓爾喀時因鄂輝已忌主持說和成德尙以帶領

多兵應行打仗不當與之說和與巴忠等爭執以致意見參差其卒歸于說和完事者自因鄂輝巴忠一係將軍一係欽差成德職分在伊二人之下不得不隨同辦理而此事之原委成德必知其詳若福康安再向成德嚴切詰訊反復開導務使將說和一事係何人主見和盤托出若再代爲瞞隱卽屬喪盡天良成德自問當得何罪再前據和琳

欽定廓爾喀紀畧

卷四十四

五

奏五十五年廓爾喀所遣大頭人蘇必達多拉喇木經呵斥先回其小頭人翁瑪拉阿幾堪二名聞駐藏大人新換留待請安冬底方回等語普福于十二月進京所有小頭人二名又係何人遣回非俘習渾雅滿泰而何何以前此訊問時俘習渾等尙稱得自普福告知並著福康安等向鄂輝俘習渾雅滿泰嚴切訊問務將廓爾喀所遣大小頭人

如何先後遣回之處詳悉質訊明確據實奏勿任狡飾又孫士毅奏廓爾喀所遣進貢大頭人因口外風雪甚大難以過行若能于十一月中旬至打箭爐成底必可到京否則祇可在正月初十以內等語前據和琳奏該貢使于十月初一日由藏起身計年內爲日甚寬儘可趕到卽云口外雪凍嚴寒而進口以後氣候漸融道路又復平坦儘可趨行無滯務令于臘月二十內外到京以便隨朝鮮國之後一同宴賚也

欽定廓爾喀紀畧

卷四十四

五

欽定廓爾喀紀畧卷四十四

欽定廓爾喀紀畧卷四十五

十一月初三日 戊戌

上命軍機大臣傳諭福康安曰鄂輝現因五十五年廓爾喀呈進表貢匱不具奏一事已革職交福康安等嚴審具奏矣駐藏大臣尙多幫辦之員朕意成德前於鄂輝巴忠與廓爾喀許銀說和時伊始尙以帶領多兵應行進剿不當說和完事祇以鄂

欽定廓爾喀紀畧

卷四十五

一

輝巴忠一係將軍一係欽差成德職分較小不得不聽從辦理其扶同回護之咎尙有一錢可原且人才難得若成德於鄂輝壓擱表貢之處未經與聞尙可棄瑕錄用俾駐藏幫辦予以自効之途此時藏內諸務正當整飭之際關係緊要朕意原欲令松筠前往辦事但伊在庫倫駐劄七年甫經換回未便卽令遠出而成德才具亦止可在藏幫辦

不能總理一切目下有和琳在彼主持經理自可

倚恃俟二三年後松筠亦已在京休息數年伊係

軍機章京尙爲更事維時再令松筠前往更換和

琳而成德隨同和琳辦事二三年於藏務漸能熟

悉令其幫同松筠亦可無悞計福康安於十月中

旬可抵前藏與孫士毅惠齡和琳商辦善後事宜

及審訊鄂輝等一案須有數旬耽擱所有成德帮

欽定廓爾喀紀畧

卷四十五

一

辦藏務之處福康安意以爲何如著卽體察情形

據實覆奏

十一日丙午福康安惠齡奏言臣等於十月初三

日行抵後藏卽赴扎什倫布叩謁

聖容初五日至經堂與班禪額爾德尼相見彼此遞

送哈達據班禪額爾德尼告稱我蒙

大皇帝鴻恩振興黃教護持佛法因廓爾喀滋擾不

法

特派大將軍率領大兵遠來進剿仰藉

大皇帝天威屢屢捷克復邊界摧堅據險攻克賊

境地方數百里痛殲賊衆大示懲創廓爾喀賊

酋畏懼乞降再三哀懇專差大頭人進京瞻覲

天顏永遠不敢滋事大將軍據情轉奏始蒙

大皇帝如天好生之德不忍滅其種類

欽定廓爾喀紀略

卷四十五

三

恩准投降在藏聞知實爲歡幸從此藏地邊界永臻

寧謐我等得以托賴

大皇帝恩庇奉教安禪尤屬十分感激擬卽差人同

達賴喇嘛所遣之人赴京進

表恭謝

天恩等語臣等告以此次大兵進剿秉承

府算得以大振軍威所向克捷今賊匪心寒膽落長

懼乞降斷不虞再行滋事仰惟

大皇帝不惜

帑金勞師遠涉

廓籌軍務

宵旰焦勞全爲輯寧衛藏但恐藏內辦事之人不知

計慮深遠一切章程未能周妥若不革除積弊

終非經久之策俟至前藏時會同駐藏大臣逐

欽定廓爾喀紀略

卷四十五

四

一籌議典利除弊奏請

大皇帝訓示俟奏定後再當寄知班禪額爾德尼轉

諭後藏僧俗人等一一奉行永遠遵守班禪額

爾德尼及衆喇嘛聽聞之下據稱將來應辦事

宜悉聽主持裁酌於藏地大有裨益惟當實力

奉行等語臣等察看班禪額爾德尼雖年甫十

一齡極有慧性一切言語並無他人在旁代述

而應對明敏居然成人其餘高卓忒巴歲琿堪
布及衆喇嘛等感激歡忭情形亦極真切現今
歲琿堪布隨往前藏將來安定章程再將各條
款詳細告知令伊等遵奉斷不致稍形格碍至
賊匪呈繳

恩賜前輩班禪額爾德尼金冊共計十二頁並無短
少所有鐫刻清漢字及唐古忒字跡毫無損壞
欽定藏書紀畧卷四十五 五
已遵

旨交班禪額爾德尼在扎什倫布安奉班禪額爾德
尼跪接金冊情形極爲歡忭並稱金冊乃

大皇帝恩賜在扎什倫布尊藏供奉永爲世寶理當
加意保護謹守勿失上年賊匪滋擾我與衆喇
嘛不能竭力防守實屬罪無可逭仰藉

大皇帝福庇黃教振興敬當供奉金冊小心守護仰

副

大皇帝宥罪施恩至意大將軍凱旋進京務求將我
感激下忱代爲面奏謹具大哈達一方金無量
壽佛一尊松石鑲嵌觀音一尊梵銅利瑪佛四
尊珊瑚球一串蜜臘珠一串懇祈將軍到京時

恭
進稍盡微忱仍專差喇嘛赴京恭進
表貢謝
欽定藏書紀畧卷四十五 六
恩等語 臣等當卽由加撫慰九將呈進佛像物件到

京時代爲陳奏所有賊匪呈繳物件遵照
發下原單除分別解京變價及充公外其餘業已交

還扎什倫布班禪額爾德尼及喇嘛等無不歡
欣感激初六日 臣等自後藏起程班禪額爾德

尼先至十里之外恭設幄次俟 臣等一到向上

曉請

聖安敬遜無量壽佛一尊大哈達一方恭祝

聖壽^臣等以其威

恩知禮面加獎讚隨派巴圖魯侍衛數員送回扎什

倫布^臣等始行起程再前據珠爾杭阿稟稱九

月二十日帶領廓爾喀頭人噶箕第烏達特塔

巴等至扎什倫布謁見班禪額爾德尼叩頭認

金定廟衛略紀畧

卷四十五

七

罪經班禪額爾德尼諭以前部落自恃強橫與

唐古忒藉端尋衅滋擾佛地實爲罪孽深重仰

蒙

大皇帝發兵進剿猶幸爾部落及早改悔哀懇投降

仰邀

大皇帝憐憫生靈特加

恩准惟當永遠恭順

天朝不得滋事今爾部長差爾等赴京過歲之便特

來謝罪具見誠心我當爲爾等念誦平安經使

爾等一路平安早得瞻仰

大皇帝渥受

天恩等語並賞給大小頭人每人銀十兩及緞疋菜

品賞給跟役每人銀五兩及醃醃菜品該頭人

等伏地叩謝頗形感悅^臣等查珠爾杭阿所稟

金定廟衛略紀畧

卷四十五

八

班禪額爾德尼諭廓爾喀頭人之言寬嚴得體

理合一并奏

聞再^臣等由拉子至後藏途中撒迎呼圖克圖迎至

根敦寨等候謁見並稱廓爾喀賊匪經

天朝大兵痛加剿殺震懾

大皇帝天威服罪乞命不敢滋事從此衛藏俗永

享昇平之福等語並呈遞佛像一尊及哈達一

方恭謝

天恩懇請代奏又呈送臣等牛羊騾馬毯氍米麩等

物臣等俱未收受並告以

大皇帝保護衛藏倫俗

恩慈優渥及

天朝兵力精強番夷警服情形諭令安靜守法聽達

賴喇嘛及駐藏大臣約束方可承受

欽定藏傳略記

卷四十五

九

大皇帝天恩安禪居住該呼圖克圖敬聆之下察其

感畏情形實爲真切查撒迦紅教廟宇徒衆散

居前後藏地方原不止撒迦一處藏內紅教傳

習亦廣非若沙瑪爾巴徒弟僅止百餘人可比

勢難逐處查辦該呼圖克圖捐辦糶把運脚並

食牛五百頭尙知畏法奉公紅教人戶衆多勒

改黃教辦理不無掣肘茲蒙

諭令不必拘泥仰見我

皇上洞燭情形寬嚴並用臣等實深欽服均奏入

上命軍機大臣傳諭福康安孫士毅惠齡和琳日前

降諭旨令將扎什倫布商上每年所得美餘分給

前藏所管唐古忒番兵俾資貼補原因扎什倫布

商上素屬豐裕而派往後藏唐古忒兵丁係爲保

護班禪而設是以酌爲調劑令將盈餘分給前藏

兵丁共沾餘潤同心固守之義今據福康安等奏

卷四十五

十

該處商上自經兵燹之後迥不如前一時元氣未

能驟復自不必強其分給所謂彼一時此一時也

且朕聞班禪額爾德尼年雖幼小人竟聰慧勝於

達賴喇嘛自由前輩班禪實非常人故其慧性不

泯茲觀其於福康安經過後藏時跪請朕安呈遞

佛像哈達並以此次派兵進討全爲振興黃教起

欽定四庫全書

卷四十五

三

見專差喇嘛赴京恭進表賀謝恩情詞極爲懇摯
 又據福康安等奏撤迎呼圖克圖於福康安等經
 過時已呈遞佛像哈達一并進呈等語前因撤迎
 溝人數衆多而該喇嘛又有捐辦糶糶牛隻之事
 尙知畏法奉公已屢降諭旨令福康安等傳知該
 喇嘛准其照舊焚修毋庸遷徙今福康安等察看
 情形並未將初次欲行查辦之意向其宣露所見
 甚是自應如此辦理惟達賴喇嘛親族管事最易
 滋弊此必當嚴禁昨已降旨令和琳堅持定力加
 意經理和琳此次在藏實力整飭釐剔積弊朕得
 之意外實在可嘉至軍需銷算事宜自應令和琳
 會同核辦藏內善後諸事經福康安等公同酌定
 後俱已立法可行無需和琳專駐該處辦理其前
 後一切軍需條款和琳原不妨往來查核所有

欽定四庫全書

卷四十五

三

應行銷算事宜自察木多以西著文孫士毅和琳
 惠齡三人會同核實報銷察木多以東著文孫士
 毅與惠齡會辦如此則和琳既可兼辦報銷而藏
 務亦能就近查察實爲兩有裨益再前據伊習渾
 等奏阿旺楚爾提穆止係西藏尋常喇嘛因其熟
 習經典特喚至京朕加恩封爲禪師堪布兩次派
 往前藏幫同達賴喇嘛辦事非如素有根基之呼
 圖克圖可比何得有呼畢勒罕之事此皆因該喇
 嘛徒衆見阿旺楚爾提穆積有貨產藉稱伊師轉
 世可以照舊掌管財物卽如堪布桑齋鄂特雜爾
 與阿旺楚爾提穆同係西藏送京之喇嘛桑齋鄂
 特雜爾圖寂後因無財產卽未聞有出呼畢勒罕
 之事可見阿旺楚爾提穆轉世之說殊未可信著
 傳諭和琳如達賴喇嘛及伊徒衆不向和琳提及

此事竟可置之不論惟阿旺楚爾提穆遺有廟宇
財產若無安人管束恐其徒衆覬覦生心互思攘
奪滋生事端前據伴習渾等奏將該喇嘛徒弟建
巴多布丹作爲扎薩克喇嘛管理廟務徒衆當經
允准但其人是否妥協並著和琳留心察看如建
巴多布丹尙能管束則已否則或商之達賴喇嘛
另於別廟喇嘛內揀擇一人作爲堪布令其掌管
免致滋事方爲妥善又前發去金本巴瓶原爲籤
掣呼畢勒罕之用但不必俟該處大呼圖克圖轉
世方行試用或現在藏內不拘何呼圖克圖應出
呼畢勒罕即可將金本巴瓶先行籤掣如此辦理
數次定爲章程後該處僧俗人等共相遵奉將來
遇有大呼圖克圖轉世照此籤掣更可堅衆人崇
信之心而從前私相傳襲積弊亦可不動聲色藉

以革除

十七日壬子福康安惠齡奏言竊臣等於初六日

自後藏起程並差官赴前藏問候達賴喇嘛而

達賴喇嘛先已差堪布等來迎並親自下山在

布達拉十餘里外甲木參羅布登廟內等候迎

接臣等於十五日行至前藏在甲木參羅布登

廟內與達賴喇嘛相見據達賴喇嘛告稱我蒙

大皇帝高厚鴻慈

恩施優渥此次用兵原爲保護衛藏一切烏拉糶石

價值悉發

裕金絲毫累累番衆我遵照大將軍及駐藏大人

指示勉力辦理未能周妥乃屢荷

大皇帝優加體恤

賞賚駢蕃實深頂感今廓爾喀賊首靈鼉軍威傾心

向化奉

表納貢斷不敢再行滋事不但繳還私立合同並

將濟隴給與巴勒布鷹馬舊例停止不敢索取

聶拉木邊外扎木地方仍歸藏內管轄此皆

大皇帝威德遠臨使化外番夷如此惴伏察看廓爾

喀情形實係真心投順邊境莫安可以永遠無

事藏地兩被廓爾喀侵擾越佔邊界唐古忒素

欽定四庫全書

卷四十五

五

性怯懦不能守禦今蒙

大皇帝天恩勞師糜餉為西藏收復邊界征服賊匪

我在前藏聞知捷音歡欣感激之下尤切慚惶

即日專差喇嘛赴京恭進

表貢叩謝

天恩等語

臣

等告以此次官兵遠來剿賊全為保衛

西藏僧俗起見今賊匪輸誠服罪固可永無反

復惟藏中事務向來毫無制度達賴喇嘛惟知

坐靜安禪不能深知外事噶布倫等平時任意

舞笑有事又不能抵禦必當更定一切章程俾

知遵守今蒙

大皇帝訓諭周詳交本大將軍等細加籌議以期經

久無獎濫番永資樂利達賴喇嘛既知感激

聖恩將來定議時自當敬謹遵依辦理復據達賴喇

欽定四庫全書

卷四十五

六

嘛告稱衛藏諸事上費

大皇帝天心定為法制垂之久遠我及僧俗番眾咸

切難名何敢稍有違拗將來定立章程惟有同

駐藏大人督率噶布倫及番眾等敬謹遵照事

事實力奉行自必於藏地大有裨益等語

祭看達賴喇嘛感激

聖主鴻施實屬出於誠惻其餘若濟隴呼圖克圖地

穆呼圖克圖各大喇嘛及番目番衆喇嘛人等
不下數千人以官兵平賊凱旋皆來迎候極爲
歡欣踴躍臣等接晤達賴喇嘛後令其先回隨
卽至布達拉叩謁

聖容復至經堂與達賴喇嘛相見達賴喇嘛擺設果
品相款接談之次告以賊匪繳出金冊已蒙

大皇帝寬宥還扎什倫布供奉此項金冊係

欽定喇嘛經書

卷四十五

七

大皇帝所賜律以內地官員失守印信之罪卽應從

嚴究治

大皇帝俯念班禪額爾德尼年幼祇將仲巴解京
特加寬宥安插不復究治失守之罪此係

大皇帝逾格恩慈故告知達賴喇嘛同深欽感達賴

喇嘛聞聽之下稱誦

聖恩情形極爲感服至一切善後章程最關緊要因

本日甫經到藏祇將大意告知達賴喇嘛尙未
與詳細講論察看達賴喇嘛感戴情形一切惟
命是聽斷不致稍形格碍現在孫士毅業經到
來臣等已與孫士毅和琳會晤論及善後事宜
意見均屬相同容卽遵

旨悉心會商陸續具奏

同日福康安孫士毅惠齡和琳奏言伏思廓爾

欽定喇嘛經書

卷四十五

八

喀經官兵痛加殲戮畏服悔罪實係真心降附

臣經福康安等據情具奏卽蒙

聖主俯鑒所進

表文情辭恭順懇至出於誠悃臣福康安等自怕

爾古撤兵時業已堅明約束及普都爾帮理等

回巢亦經發給檄諭將

聖主恩施詳加曉諭

旨受以示以撫綏安輯之意該酋長不但畏懼

天威實已感懷

恩德自不致心生疑慮茲復欽奉

諭旨恐該酋長待

命情殷令卽差官前往曉諭並

賞復原封王公爵號以安其心仰見我

皇上加惠遠人懷柔藩服深合於討叛舍服之意查

欽定大清會典事例

卷四十五

九

廓爾喀原係邊外極遠番酋從前雖通

天朝辟教並未加以兵威此次大示創懲始深畏懼

荷蒙

聖主赦宥前罪准令所差大頭人赴京納

貢已屬格外

恩施據臣福康安等恩味之見似應俟該頭人等到

京瞻覲

天顏後

賜以

勅書復其封爵該酋長等益當感畏

恩威永遵約束現在邊界大雪道路封阻或於進

貢頭人等回巢時再行派員前往曉諭庶使該酋

長欽仰

恩施益加畏服均奏入

欽定大清會典事例

卷四十五

三

上命軍機大臣傳諭福康安孫士毅和琳惠齡曰福

康安等奏稱行抵前藏將善後章程大意告知達

賴喇嘛察看達賴喇嘛感戴出於至誠一切惟命

是聽斷不敢稍形格碍等語朕節次所示條款內

如嚴禁違賴喇嘛左右近侍親族及噶布倫等干

預滋事並發去金本巴瓶簽擊呼畢勒罕各款皆

係保護黃教去彼世襲囑托私弊達賴喇嘛自當

一一遵奉此係極好機會皆賴

上天所賜福康安等當趁此將藏中積習消除一切事

權俱歸駐藏大臣管理俾經久無弊永靖邊隅方

爲妥善又據奏達賴喇嘛告稱此次官兵進剿廓

爾喀收復邊境衛藏得以寧輯實深歡感即日專

差喇嘛赴京進表謝恩等語前據福康安等奏班

禪額爾德尼感激朕恩懇請差人赴京齊進表貢

欽定四庫全書

卷四十五

三

今達賴喇嘛亦有此請自可與班禪額爾德尼所

遣喇嘛一同來京計此旨到日福康安恐已在前

藏啟程著傳諭和琳於班禪額爾德尼貢使到前

藏時卽令與達賴喇嘛所遣之人一同赴京不必

分作兩起亦不必多派喇嘛祇須前後藏各差堪

布一人齊送表貢沿途行走較爲便捷再前日詢

問額爾登保前次大兵攻克協布魯後孳獲奸細

情形據稱進兵後路經福康安等派兵設卡防守

彼時有賊匪四人前來窺探當經卡兵拿住所有

獲犯之兵丁霍謹業經福康安拔補外委等語前

此盤獲奸細之卡兵王大倫已據福康安等奏明

有旨著以千總補用其卡兵霍謹雖據額爾登保

稱已拔補外委但福康安前摺並未奏及此人或

係額爾登保一時記憶不真亦未可定著福康安

欽定四庫全書

卷四十五

三

查明如果有霍謹其人與王大倫一同孳獲奸細

亦著以千總用以示獎勵再向來藏內出呼畢勒

罕俱合拉穆吹忠降神附體指明地方人家尋覓

其所指呼畢勒罕不止一人找尋之人各將所出

呼畢勒罕生年及伊父母名姓一一記明復令拉

穆吹忠降神禱問指定真呼畢勒罕積習相沿由

來已久朕思其事近於荒唐不足憑信拉穆吹忠

往受人囑托假托神言任意妄指而藏中人等
 因其跡涉神異多爲所愚殊屬可笑此等拉穆吹
 忠卽係內地師巫多以邪術惑人耳目聞拉穆吹
 忠降神時舞刀自扎身體無害是以人皆信之此
 等幻術原屬常有但卽使其法果眞在佛教中已
 最爲下乘若係虛假則更不值一噓其妄誕不經
 豈可仍前信奉福康安等現在整飭藏務正應趁
 此破其積弊莫若在藏卽令拉穆吹忠各將其法
 試演如用刀自扎等項果能有驗則藏中相沿日
 久亦姑聽之若福康安親加面試其法不靈卽當
 將吹忠降神荒唐不可信之處對衆曉諭俾俗
 人等共知其妄勿爲所愚嗣後出呼畢勒罕竟可
 禁止吹忠降神將所生年月相仿數人之名專用
 金本巴棍令達賴喇嘛製簽指定以昭公允此事

欽定廓爾喀紀略

卷四十五

聖

若專交和琳一人試演恐僧俗人等尙不能同心
 信服此旨到時如福康安孫士毅惠齡業經啟程
 已過察木多則距藏較遠不便再行轉回卽令和
 琳成德遵照辦理倘福康安尙未啟程或已經啟
 程尙未過察木多地方卽當轉回前藏與和琳一
 同演試以祛積弊而破羣愚更爲妥善再此次福
 康安統兵進剿廓爾喀如能直抵陽布將拉特納
 巴都爾薩野悉數生擒解京獻俘其土宇分給附
 近各部落克奏膚功該處係邊外荒徼非如金川
 等處可比福康安果能搗穴擒渠厥功甚大前代
 功臣亦原有身非宗室晉封王爵之例朕本擬俟
 紅旗遞到加封王爵以昭異數今因廓爾喀畏罪
 投誠十分恭順而藏內又復氣候早涼恐爲雪阻
 福康安等遂傳旨受降班師蕩事是以前將福康

欽定廓爾喀紀略

卷四十五

諭

安賞給世職海爾察原有公爵晉封一等不克副朕初願然由今思之似此受降厥功未始非

上天嘉佑我君臣之意蓋福康安係孝賢皇后之侄大

學士傅恒之子如果得成鉅功或可晉封王爵在

朕止以其勲勞甚大用示酬庸而天下無識之徒

或謬議朕厚於后族破格施恩傳之後世亦且以

爲口實幾與漢唐之寵任外戚者無異朕將何以

欽定滿洲野史

卷四十五

五

自解而福康安父子兄弟多登顯秩福康安又荷

王封富察氏一門太盛於伊家亦屬無益但福康

安既成大功朕又不得不加以殊恩轉覺兩難茲

如此竣事諸臻完善朕既免加恩后族之嫌福康

安亦無盛滿難居之慮雖不克副朕初願而計慮

及此較之蕩平廓爾喀地方倍爲欣慰也惟是福

康安此次跋涉險阻備嘗艱苦且調度有方使廓

爾喀震懾威稜誠心向化可期永靖邊隅僅予世

職尚不足以酬勞動除已明降諭旨將福康安授

爲領侍衛內大臣俟福康安回京赴兩廣總督任

時仍令阿克棟阿署理外但念福康安之兄福隆

安因尙公主例有護衛等官職自公主薨後福隆

安又已身故其例得護衛翎頂俱經裁撤福康安

將來在總督任內僅有千把等官跟隨不足以示

欽定滿洲野史

卷四十五

五

寵異業已降旨照王公各下親軍校之例賞給六

品頂帶藍領三缺令福康安於伊得力家人內酌

量給戴用昭格外加恩優眷勞臣至意

臣等謹案西藏積習相沿遇有應出呼畢勒

罕之時往往聽受囑托合拉穆吹忠假爲降

神附體任意妄指藏中人等率多爲其所愚

爭相信奉我

皇上勞燭無疆消除積弊

發往金本巴瓶

命達賴喇嘛擊鼓指定所以祛誕妄而屬額蒙者昭

揭直如日月至廓爾喀受降藏事

茂典酬庸迥非前代寵任外戚可比而

皇上計慮周詳至深且遠轉幸崇封未晉不至盛滿

難居

欽定廓爾喀紀畧

卷四十五

三七

聖訓煌煌實堪爲萬世法則矣

欽定廓爾喀紀畧卷四十五

欽定廓爾喀紀畧卷四十六

二十二日丁巳

上命軍機大臣傳諭福康安孫士毅和琳忠齡曰昨據侍衛安祿等將丹津班珠爾等解到當令軍機大臣詳悉詢問其所供許銀說和各情節大畧俱已明悉前此藏內兩次滋事皆由達賴喇嘛諸事惟聽左右近侍親族及噶布倫等專擅率意徑行以致屢生事端向來噶布倫缺出達賴喇嘛皆於東科爾家道殷實內挑補往往遺悞公事噶布倫係承辦藏務之人必須論其才幹能否辦事方可拔補豈得專取世族及家資豐裕者濫行補用若不論其賢否而輒以世家富戶充補是猶內地世族鹽商大賈俱可擢用顯秩有是理乎前已節次降旨遇有噶布倫缺出令駐藏大臣與達賴喇嘛

欽定廓爾喀紀畧

卷四十六

一

乘公揀選奏請補放惟視其才具之優長不在世

族家道之貧富方爲公當但此項噶布倫現在詢

之丹津班珠爾據稱每年並無得項惟商上給與

糶糶酥油等項亦無定額其噶布倫內有官爵職

銜者向由理藩院發給銀兩俸報等語噶布倫等

旣在藏辦事豈無用度其有官爵職銜者每年祇

藉商上酌給糶糶酥油該噶布倫等或藉稱用度

欽定廓爾喀紀畧

卷四十六

二

不敷借端婪索皆所不免立法未爲允協福康安

等當商之達賴喇嘛或於商上空閒地畝內酌量

撥給所收稞麥分給若干作爲定額如回疆阿奇

木伯克之例俾該噶布倫辦公有資無可藉口自

酌定得項後如噶布倫等再有借端婪索之事卽

可將伊治罪示懲辦理方爲妥善再藏內設立噶

布倫四缺原俱係從民人內挑補嗣經班第奏明

於喇嘛一人由商上畢七克齊四人內擇其有才具者充補但此等喇嘛噶布倫訊據丹津班珠兩稱不過管理達賴喇嘛零星事件其藏內應辦事件俱係番民挑補之噶布倫管理等語是噶布倫喇嘛一缺並不得力而該喇嘛與達賴喇嘛親近易於進言若達賴喇嘛能知大體尙不致爲其所惑如係庸懦無識者惟其言是聽遇有缺出卽

欽定四庫全書

卷四十六

三

可將伊親族徇私充補諸弊叢生似與藏務無益現在喇嘛噶布倫一缺已據孫士毅和琳奏明照例將扎薩克喇嘛堅巴多布丹補授此時亦無庸更換俟將來該喇嘛噶布倫出缺時竟當於番民內挑補將喇嘛充當噶布倫之處永遠停止以上二條著福康安等於辦理善後章程內一並議入若此旨到時福康安已改程卽文駐藏大臣遵照

妥議又前次福康安等將廓爾喀繳回扎什倫布物件開單進呈當交軍機大臣分別解京變價及留給駐防兵丁經費並給還扎什倫布各款發交福康安等照辦今思濟龍等處旣不駐兵無需經費且廓爾喀前搶扎什倫布物件除零星拋散及伊手下人等隱匿外現在繳回之物不過十分之

欽定四庫全書

卷四十六

四

一此次軍務所費帑金不下鉅萬亦何必計此區區耶著傳諭福康安等除業已解京外所有元寶銀器俱著賞還班禪商上共應行變價者亦無庸變價同緞疋等物一併賞還札什倫布聽其料理以示體卹再丹津班珠爾札什敦珠布從前向廓爾喀許銀說和原有應得之罪但念伊人尙明白今事屬旣往不加深究應俟年班遞丹書克堪布喇嘛回藏時卽令伴送之員帶回藏內惟是丹津

班珠爾被廓爾喀裹去在陽布居住年餘難保無
屈體懇求等事到藏後斷不可再令充當噶布倫
俟數年後無過或令充當第巴等缺尙屬可行著
交和琳等存記留心酌辦又聞福康安等前次所
奏拉特納巴都爾呈出之原立合同內有每年唐
古忒人前往陽布朝塔抹拭白土一節現在辦理
善後事宜此事竟可永行停止又所有唐古忒與
廓爾喀交通貿易之事前已有旨交駐藏大臣官
爲經理限定次數不得任聽私自交易前因廓爾
喀既已悔罪投誠令福康安等於善後事宜內許
其仍通貿易官爲經理每年或分作四次或兩次
交易今思此事不可遽行允准廓爾喀震懾兵威
實心懾服不敢再滋事端若目下卽准其仍前貿
易使用彼處銀錢轉似天朝有心招致福康安等

於廓爾喀乞降時應俟其再四懇求開市方行允
許庶可以斷葛藤而杜絆端
福康安孫士毅惠齡和琳奏言竊臣和琳前經
將沙瑪爾巴親姪樂傘建本等兄弟三名及沙
瑪爾巴堂姪男女二名口拿獲分別定擬具
奏茲委後藏糧務試用州同徐念高把總馬泉帶
領歲琛堪布將樂傘建本等廟宇及其新舊兩
莊物產查明造報前來臣等逐一確核樂傘建
本廟內有箱二十隻詢係仲巴呼圖克圖之物
查仲巴呼圖克圖當賊人搶掠後藏之時首先
逃匿經
皇上格外恩施未卽加以重罪伊之物件自應一體
充公其沙瑪爾巴莊田什物亦應一併查抄變
價謹開具簡明清單呈

賢恭候

命下遵行至樂傘建本所住廟宇一所查係前輩班

禪額爾德尼蓋造扎喜澤住房一所計三十餘

間寨子二層莊田一處詢係班禪額爾德尼弟

兄生長之地雖沙瑪爾巴罪大惡極例應抄沒

但思前輩班禪額爾德尼生身故宅若將其財

物入官似非

欽差爾喀總署

卷四十六

七

皇上軫念前輩班禪至意應請

旨將樂傘建本所住廟宇及扎喜澤房屋莊田應否

賞與現在班禪額爾德尼管理之處伏候

諭旨遵行再查臣和琳前此查抄陽八井廟宇時奏

請將陽八井廟宇佛像

賞給濟龍呼圖克圖派喇嘛焚修荷蒙

俞允今思該喇嘛等日食糈糈念經熬茶之費不能

自藏運往臣和琳彼時未經為之核算今濟龍

呼圖克圖派撥喇嘛四十餘名前往餽口無資

臣等公同商酌查沙瑪爾巴陽八井地方前已

查有莊田五處今續抄得新舊莊田四處統共

九處仰懇

皇上天恩即於前次查抄陽八井莊田內地名江洛

井一處每年應收青稞共一百三十三石零就

欽差爾喀總署

卷四十六

八

近

賞給濟龍呼圖克圖以為各喇嘛養贍之費是否有

當伏候

訓示奏入

上命軍機大臣議奏旋經該覆應如所奏辦理

上從之

二十九日甲福康安孫士毅惠齡和琳奏言官

兵由濟龍聶拉木撤回自應分定起數以便隨到隨行不致稽時糜餉東路至拉里一帶臣和琳預爲辦理足敷支用拉里以東前經臣孫士毅將旋兵馬匹口糧事宜逐加籌辦臣惠齡於接任後復飭行各臺站官員認真妥辦毋許臨特貽誤臣福康安復通飭各臺站妥爲料理並再三嚴飭帶兵各員約束各兵安靜行走不許稍有擾累惟東路道里綿長山徑險窄現當冬令冰雪載途嶺高路滑應令各兵分路行走以免擁擠查自藏至打箭爐係屬正路而三雜谷綽斯甲巴底巴旺瓦寺沃什黨壩等土兵由草地回至本處程途較爲接近今按到藏前殺酌定各兵起數除巴塘副土司成勒春不勒帶領土兵爲數無多前已遣令先回預備該處烏拉

外其由正路行走者將先到前藏之索倫達呼爾兵丁分爲五起令領隊大臣烏什哈達統領帶頭起在前行走
乾清門侍衛阿尼雅布收後督查四川省標及建昌官兵分爲五起令副將五十一參將扎爾杭阿管領又甘肅來藏安臺告請隨征官兵及降番屯紳並川北等鎮官兵回藏在後接續起程分爲八起令總兵彭承堯統領帶頭起在前行走總兵朱射斗收後督查其由草地行走者係三雜谷孔薩綽斯甲巴底巴旺革布什哨瓦寺沃什黨壩等處土兵分爲六起令總兵諸神保統領帶頭起在前行走總兵袁國廣收後督查如此分路按程行走途中不虞擁擠應付亦可從容且各有統領收後大員管束不致稍有滋

事所有巴圖魯侍衛章京海蘭察已帶領一起
回京茲復派副都統職銜翁果爾海

乾清門侍衛桑吉斯塔爾侍衛伍紹等分帶兩起

啟程現留翼長德榜泰侍衛克典額等八員以

備差遣又患病之泰領額爾錦保等六員暫留

在藏調養一俟調理稍愈即令回京至於臺藏

防戍兵丁已屆年滿者前經臣孫士毅已將更

欽定藏圖略記卷四十六

十一

換之兵預行派出歸人征兵數內應急於征兵

內挑選壯健者按數更換以凱旋後到藏到臺

之日起扣滿年限再行更換

福康安孫士毅惠齡和琳又奏言廓爾喀遞到

謝

恩表貢未經具奏一案臣福康安臣惠齡回抵前藏

卽會同臣孫士毅臣和琳提到俘習渾雅滿泰

及巴勒布商人巴特巴第箕格哩等隔別訊問

並飛調鄂輝前來茲鄂輝於本月二十一日到

藏臣等復公同詳訊與俘習渾雅滿泰等互相

質証緣乾隆五十五年十月內鄂輝因辦理舒

謙普福互相參奏一案來藏其時廓爾喀所遣

講論銀錢之蘇必達多喇拉木翁瑪拉阿幾堪

噶一名於嚴廷良未自陽布回藏之先曾經面

欽定藏圖略記卷四十六

十三

見鄂輝稟及拉特納巴都爾現在陽布尋覓珍

珠珊瑚數種預備進貢擬俟送貢使官員自陽

布回藏時附便帶來鄂輝因貢品過少又係交

便員帶來殊非體制卽預行發給諭帖教導廓

爾喀以外番進貢原不論貢物貴賤但恭順悃

忱至少亦須備貢九種並須專遣頭人赴京方

可表見誠心卽於阿幾堪噶先行回臬之便繕

諭發去及嚴廷良自陽布起身回赴西藏將拉
特納巴都爾備辦貢物四種同謝

恩表文帶來嚴廷良因聞知鄂輝在藏辦案已竣將
大起程即先帶

表貢兼程起來面稟於十月十九日到藏多喇拉
木等早已接到拉特納巴都爾之信知有貢物
帶來隨至嚴廷良寓所點明包件即行取去嚴

欽定藏傳紀略

卷四十六

三

廷良稟知鄂輝等鄂輝普福卽以廓爾喀既欲
謝

恩進貢自應專遣頭人恭賀進京嚴廷良不應代爲
帶出當將嚴廷良面加申飭嚴廷良以此係拉
特納巴都爾等再三懇求現有頭人多喇拉木
等在藏托其先行帶來以使用唐古忒烏拉帶
至前藏暫交多喇拉木等收存隨後卽專人前

來貢送進京二十日雅滿泰到來鄂輝因將此
事告知並云我先已發諭開導令其專差頭人
奏齊貢物現據嚴廷良稟稱廓爾喀隨後卽擬
差人前來應俟其頭人貢物到時據實具

奏鄂輝卽於二十二日起身回川雅滿泰傳見嚴
廷良亦責其不應代廓爾喀帶出貢物嚴廷良
仍以廓爾喀隨後差人前來之語含糊回稟此

欽定藏傳紀略

卷四十六

十四

項

表貢鄂輝雅滿泰並未閱看卽留於多喇拉木處
十一月俘習渾續行到藏雅滿泰復將鄂輝之
語告知其時多喇拉木因卽欲起身回巢稟見
俘習渾並將前項貢物帶去尙係皮包封好並
未拆動其時嚴廷良亦在駐藏大臣衙門稟見
俘習渾又呵斥嚴廷良之非仍未拆看物件多

喇拉木復將包件收回交巴勒布商頭巴特巴第處收貯回巢時並未帶回嗣後未據廓爾喀遣人前來而俘習渾雅滿泰亦即因循未辦廓爾喀遂已滋事此前後未經具奏之大概情形也臣等以此項

表貢既經嚴廷良帶來自係鄂輝與普福主見交

與巴勒布商頭收貯况已據嚴廷良稟知帶有

欽定廓爾喀紀略

卷四十六

五

貢物何以不即具奏再三向鄂輝駁詰據稱嚴

廷良原說廓爾喀托他帶來暫交多喇拉木收

著嚴廷良到藏即交與多喇拉木且貢物只有

四樣實屬不成體制所以我並未取閱至稟帖

各件還在嚴廷良馱子上不曾到來未及送我

閱看我即起身回川若我看見貢物稟帖親自

交給巴特巴第收存如何

表貢各包及廓爾喀給我的稟帖我都不曾拆動

呢我那時匆匆起身因先已發諭令廓爾喀差

人前來嚴廷良又說貢使隨後就到所以沒有

具奏這是我昏慣糊塗無可置辯等語臣等復

向雅滿泰訊問據供普福與鄂輝商量帶到這

分

表貢將來到時應否奏請照達賴喇嘛進

欽定廓爾喀紀略

卷四十六

五

表之例徑行由驛遞去鄂輝說達賴喇嘛係常常

呈進貢物由驛遞京儘可使得廓爾喀係係經

投順小國必須專差貢貢到京方合體制是以

我因多喇拉木稟知有送貢使官員回藏即附

便帶貢來的話就先發給諭帖曉諭廓爾喀如

今嚴廷良說廓爾喀隨後即行差人前來尚難

憑信自應俟其到時再奏鄂輝並將諭稿給我

閱看是以我同首福卽先將嚴廷良到藏日期具

奏並未提及帶有

表貢的話原想鄺爾喀必然差人前來後因賊匪

旋即滋事沒有奏辦這是我糊塗該死罪無可

辭等語俘習渾所供亦與雅滿泰供同隨傳訊

高頭巴特巴第等到案隔別訊問據稱前年冬

欽定平定回疆方略

卷四十六

七

天多喇拉木要回陽布時前赴駐藏大人衙門

稟辭叫我跟隨前去我因爲買賣的事不能分

身祇叫夥計箕格哩回去那日箕格哩回來帶

有大小皮包十五個說是多喇拉木叫他交我

收著我第二日又去問多喇拉木他說這是廓

爾喀王子恭進

大皇帝謝

恩的表貢稟件駐藏大臣既不肯收我如今也不敢

帶回交在你們這裏暫且收著我因是頭人交

給的所以就收存下了今年九月內查訊此事

我都將原封呈送出來等語訊之箕格哩供亦

相同臣等查鄂輝雅滿泰俘習渾始終未奏之

罪業據供認不諱惟

表貢稟帖本係嚴廷良自陽布帶來稟知鄂輝等

欽定平定回疆方略

卷四十六

八

及多喇拉木稟覓俘習渾時嚴廷良亦一同進

見所有此項

表貢究係何人交給巴勒布商人收貯之處嚴廷

良必知其詳查嚴廷良因在滴嚨患病行走不

能迅速現已派弁催提嚴廷良到來嚴切質訊

再行據實具

奏均奏入

上命軍機大臣傳諭福康安孫士毅和琳惠齡曰福

康安等訊問鄂輝等大概情形一摺鄂輝所供殊

屬不實此案前訊據普福供稱我與雅滿泰聯街

具奏嚴廷良由廓爾喀回藏日期摺底原係鄂輝

所辦鄂輝說我十月二十二日起身另有奏摺此

摺我可以不必列銜俟我起身後你們於下次再

奏其嚴廷良到藏日期亦可寫遲幾日等語是鄂

欽定四庫全書

卷四十六

五

輝竟預爲地步故令普福等具奏時將嚴廷良到

藏日期填遲數日以便發覺後借詞鄂輝起身在

前貢到在後希圖諉卸當卽降旨令福康安等訊

問鄂輝今福康安等所訊鄂輝供詞並未將此節

據寔供出自係因普福在京該處無人質訊故爾

狡展看來此事竟係鄂輝一人主見存習渾雅滿

奏亦俱隱忍因循外番進貢從無責令奏齊件數

並需貴重物品方准呈進之理卽云廓爾喀表貢

係附嚴廷良帶來未經專使到藏於體制不合亦

當一面奏聞何得私自壓擱匿不具奏殊出情理

之外再前據和琳奏稱五十五年秋間廓爾喀遣

大頭人蘇必達多喇拉木同小頭人二名來藏呈

遞表貢至冬底方回等語今命軍機大臣訊之普

福據稱五十五年七月內曾有大頭人二名到藏

欽定四庫全書

卷四十六

五

原係貿易之人後來嚴廷良回藏時曾說隨後另

有專差貢使其先來之一買賣頭人並不管進貢之

事等供廓爾喀既差大頭人蘇必達同小頭人二

名到藏卽係貢貢使人豈有不往見鄂輝之理且

向來藏內並未聞有蘇必達在藏貿易自卽係廓

爾喀差來進貢之人若如伊等所供蘇必達並非

進貢之人則又必須何等樣人方謂之貢使乎此

等情節均須切實稟究著福康安等即將鄂輝照
俘質渾之例先監責四十板再行枷號將節次論
旨指駁之處嚴切訊究務得實情勿任再有隱飾
同日福康安孫士毅惠齡和琳又奏言查西藏
地方貿易商民巴勒布及克什米爾回人居住
年久多有在藏生長者營運貨物係差店駁往
來該番回等安土重遷多不願回籍本地巴勒

欽定四庫全書

卷四十六

五

布與廓爾喀本非一種克什米爾則另係纏頭
回人別爲部落與廓爾喀無涉此次大兵進剿
在藏貿易番民俱各安靜從未與廓爾喀私通
信息經_臣福康安到藏時奏明蒙

恩俯鑒情形諭令不必驅逐出境今若即編入戶冊
作爲藏內民人禁止往來絕其衣食生計轉恐
易滋事端查上次廓爾喀滋事全由沙瑪爾巴

唆使賊匪深知唐古忒懦弱明肆欺凌稱兵犯
界而巴忠等所奏唐古忒多收稅課貿易私債
不清致起衅端之處竟係飾詞不過欲歸過藏
番以便准其和息_臣等到藏後隨時體察實非
因貿易啟衅亦無未清私債賍首屢次向_臣福
康安具稟惟自認聽信沙瑪爾巴唆使之罪從
未稟訴交易不公之事今廓爾喀懾伏

欽定四庫全書

卷四十六

五

天威傾心向化業已十分虔悔仰荷
聖主好生之德准其投誠今既查明起衅根由不因
貿易若復絕之太甚轉恐無知外番心懷疑懼
且西藏距內地甚遠距外番較近藏內出產本
少一切日用所需如布疋米石銅鐵紙張藥材
海螺果品蔗糖及藏番戴用之珊瑚蜜蠟珠子
等物皆係白陽布等處販運而來若一概禁止

貿易實於藏番不便而廓爾喀所需鹽動祇係

與藏邊界地方就近以米易鹽其陽布以南俱

係買食甲噶爾所產鹽動並非全資藏地臣福

康安等進勦時嚴禁各邊界出售鹽動數月以

來未聞賊匪有食淡之處而藏地物價業已加

至數倍現在尙未平減臣等再四籌思固不便

遽停貿易亦不得任聽往來毫無稽察必須定

欽定藏番章程

卷四十六

鹽

立章程以期經久無弊查在藏貿易巴勒布商

民四十名商頭三名克什米爾商民一百九十

七名商頭二名俱任其常川與販往來不絕駐

藏大臣衙門及達賴喇嘛處並無查考五十四

年定立章程案內雖議派第巴一人管理仍屬

有名無實嗣後應請查明貿易番回造具名冊

交駐藏大臣衙門存案每年巴勒布止准貿易

三次克什米爾止准貿易一次於前藏赴外番

營販貨物時令商頭呈明駐藏大臣由何路行

走給與印照現在擬於緊要衝途江孜定日兩

處酌議駐劄官員稽查出入嗣後應令該處官

員認真查察及營官第巴等驗照放行其有白

外番來藏商民亦由江孜定日兩處查明人數

稟報駐藏大臣到藏後一體按名註冊仍令駐

欽定藏番章程

卷四十六

語

藏大臣留心查察如江孜定日官員保駐藏衙

門之章京筆帖式以及書吏通事人等藉端需

索即從嚴究治罪嗣後布魯克巴及哲孟雄

宗木等部落有欲來藏購禮者均應一體辦理

外番接壤各處邊界番民就近赴邊外零星與

販者駐藏大臣遠在而藏既不能紛紛給照亦

不可漫無稽察應令該管營官管束嚴行查核

至藏內僧俗人等向冬前赴陽布朝禮神塔達
賴喇嘛亦每年遣人前往刷塔一次難保其不
姦良混雜向亦毫無稽查但僧俗人等總以陽
布神塔最爲靈應朝禮必可獲福達賴喇嘛刷
塔亦係數百年相傳舊例若卽一概禁止番民
索性奉佛轉恐不無逾越之弊嗣後凡遇達賴
喇嘛差人刷塔及朝塔番民俱應由駐藏大臣
發給印票限以回往之期回藏日將照票繳銷
不許逗遛邊外現在廓爾喀業已誠心內附如
有逾限不回者駐藏大臣卽可行文廓爾喀部
長查催以昭嚴密奏入

上命軍機大臣議奏旋經議覆以貿易一事節經續
奉

諭旨或竟應停止或每年酌予次數另立章程此次

所奏尙未接奉

諭旨碍難核議至所稱廓爾喀與藏邊界准其以米
易鹽又稱每年巴勒布止准貿易三次克什爾
米止准貿易一次辦理未能盡一又秦桐藏內
僧俗人等每年赴陽布朝塔達賴喇嘛亦有遣
人前往刷塔等語前已奉

旨永行停止均無庸議餘俟籌辦善後事宜案內妥
議到日再行核議奏入

上從之

同日福康安孫士毅惠齡和琳又奏言據丹津
班珠爾之妻率領伊子敏珠爾索諾木班珠爾
呈稱小的自祖父以來世受

大皇帝天恩至深極重小的祖父班第達以公傅管
理噶布倫事務多年乾隆五十四年因老病退

休卽象

道格恩施將公爵令小的之父丹津班珠爾承襲仍

授爲噶布倫額墨

恩慈毫無報稱上次許給庫爾喀銀兩此次又被賊

匪裹去罪上加罪無可置辯通蒙

大皇帝格外施恩特派大將軍統兵前來保護衛藏

將賊匪大加剿殺賊匪十分畏懼卽將小的父

欽定廟器紀要

卷四十六

毛

親丹津班珠爾送出得全性命

大皇帝卽正法祇令辭京舉家感激

鴻慈情愿將

恩賞之普納莊田一處及自置之伯凌托噶爾莊田

二處扎蘇爾圖們曲古莊田二處繳出歸公稍

贖前愆伏乞轉奏等語查班第違爲藏內世家

地上莊田本較別家爲廣今丹津班珠爾旣已

獲罪原不應令伊家仍然安享前奉

諭旨以敏珠爾索諾木班珠爾年幼恐被家人侵蝕

財產經臣和琳查明覆

奏擬將其地土酌撥歸公茲據丹津班珠爾之妻

率同伊子具呈情愿交出庄田五處稍圖自贖

尙屬出於誠個現擬議給番兵口糧須用青稞

支放請卽以所交庄田另派妥實頭人經管耕

欽定廟器紀要

卷四十六

五

種每年徵收青稞外爲添補支給番兵口糧之

用以公濟公實爲兩便奏入

上諭內閣曰丹津班珠爾爲藏內噶布倫乃於五十

三年庫爾喀滋擾藏界一事聽從巴忠指使許銀

說合以致夜生蚌端實有應得之咎但念其究係

聽從指使且事屬已結經朕格外加恩不治其罪

今其妻子請繳庄田五處代爲贖愆自應准其呈

繳第此次命將出師轉輸軍餉不惜數百萬帑金
原爲保護衛藏綏輯僑番衆俾得永安樂利豈
轉於番兵添種支給之需斤斤較量况聞達賴喇
嘛每年錢糧所入並不贍給唐古忒番兵以致難
資其力所有此項呈繳莊田不必歸公即著交與
駐藏大臣給與達賴喇嘛尙上作爲養贍唐古忒
兵丁差防口糧之用以示體恤

欽定 廓爾喀紀畧卷四十七

十二月初六日庚午 福康安孫士毅惠齡和琳奏

言竊查衛藏地方久渾

聖澤人不知兵番民習俗惟知誦經奉佛於軍旅之

事平日並不講求及廓爾喀兩次滋事藏內番

兵乘間即逃避敵即退不能守禦出力固由番

兵等怯懦性成亦因平日練兵之道毫無法制

欽定 廓爾喀紀畧

卷四十七

一

勢難使之振作茲奉

諭旨酌給錢糧口糧加以訓練實爲防禦邊隅至計

臣等欽遵

訓示悉心籌議謹逐條開列於後

一唐古忒兵丁分設前後藏地方應酌定數目以

肅兵制也查唐古忒番兵向來原有五千一百

六十五名之數其實兵民不分係按各寨番民

定以派兵數目並非額設番兵可比戴琫番目

等平時無兵可管遇事調遣祇在各寨抽派與

烏拉人夫無異充數應名多不能使用軍器以

猝然調集之番民責令打仗禦賊無怪其全無

紀律怯懦不堪今請額定兵數於前後藏各設

番兵一千名此外衝途要隘之定日江孜地方

安設番兵各五百名共額設三千名實兵此項

欽定 廓爾喀紀畧

卷四十七

二

番兵即在設兵處所就近挑補以省調戍之煩

前藏原設戴琫三人以二人駐劄後藏以一人

分駐定日均各管該處新設兵五百名再添設

戴琫一人分駐江孜亦管新設兵五百名各處

俱有原設新設之駐防將弁即令督率管束教

演技藝前藏番兵歸遊擊統轄後藏及江孜定

日番兵歸後藏都司統轄所有挑補番兵道具

花名清冊交該管遊擊都司及戴率稽查外仍另籍名冊二本一呈駐藏大臣衙門一交噶廈公所遇有事故核實挑補隨時呈報以資考察一核定管兵番目等級以專責成也查藏內管兵番目不但戴率一項徒爲虛設卽戴率以下之如琿甲琿定琿等目亦祇空有其名無裨實用每遇出兵另派第巴數人管領其頭目兵丁彼此各不相識安能望其協力齊心奮勇出力令於原設戴率五名外添設戴率一名自應仍照舊制設立大小番目逐層管束於戴率之下設立如琿十二名每名管兵二百五十名如琿之下設立甲琿二十四名每名管兵一百二十五名甲琿之下設立定琿一百二十名每名管兵二十五名與綠營兵目相似以上大小番目俱

由駐藏大臣會同達賴喇嘛揀選年力精壯之人充補發給委牌倘敢虛應故事廢弛軍律卽行革退並將本管番目從嚴懲治至戴率之缺向俱由管官陞補亦有戴琿子弟及東科爾中後總應按照等差遇有戴率缺出以如琿拔補其餘各缺皆擇技藝嫻熟操防認真者以次遞陞查世家東科爾陞轉俱屬過優不由東科爾出身者拔至定琿而止嗣後東科爾情願充當番兵及定琿兵目者准其充伍按次陞用不許躐等超越番兵中如有材技出衆之人不但拔補定琿仍一體按次陞擢准至戴率不得以非東科爾世家阻其上進之路如此定立管制明示勸懲庶可武備修明人知奮勵

一唐古忒番兵及管兵番日應分別酌給錢糧口糧以資養贍也查藏內調派番兵從不給與口糧卽出兵之時亦不免其徭役番民奉調後自行備帶口糧前往糧盡而逃勢所必至此大調派番兵經鄂輝

奏明令商上給予口糧雖該兵積習相沿間有逃

逸而臣福康安派守後路熟索橋等處番兵及

欽定廓爾喀紀略

卷四十七

五

成德帶往聶拉木番兵駐劄數月逃者甚少固

由嚴行約束亦緣口食有資是唐古忒兵丁並

非不可振作茲蒙

訓示以既用其力若不給予口糧自必愈生退縮令

商上給予口糧如須添補卽於陽八井沙瑪爾

巴家費內的量撥給添補口糧並將廓爾喀繳

出扎什倫布銀兩留給防兵現既不設官兵卽

可爲添補番兵之用仰惟

聖主體恤恩慈實屬法夏意美應請將此項額設番

兵三千名每名每年給予青稞二石五斗遇有

征調再照征兵之例每日每名商上支給糈糶

一勛每年口糧共需青稞七千五百石所有此

項青稞平價採買須銀一萬數千兩原應在前

後藏商上支給但查商上除每年額用外少有

欽定廓爾喀紀略

卷四十七

六

贏餘自應遵

旨於沙瑪爾巴莊田所出青稞內發給而核計沙瑪

爾巴莊田稞麥爲數亦有不敷現據丹津班珠

爾之子呈繳歸公莊田五處又有查出仲巴田

地四塊合之沙瑪爾巴莊田每年統共收青稞

三千一百七十餘石所少青稞四千三百二十

餘石祇須於廓爾喀交出扎什倫布銀兩及沙

瑪爾巴各物所變價值內酌撥銀兩作爲開墾地畝之費耕種添補卽敷支給如此辦理各兵既不致枵腹從事而以各處歸公之莊田銀兩爲唐古忒兵丁口食之用既可贍給兵食兼可折服番民於事實爲兩得所有番民挑定額兵者俱由達賴喇嘛發給執照免其一家充當烏拉徭役以示體恤如有事故革退仍將執照撤

回至管兵大小番目自當酌予養贖俾資辦公除原設戴琫五名例各給莊田一分新設戴琫一名亦令達賴喇嘛照例撥給莊田一處毋庸再議錢糧外其如琫番目照川省馬兵月餉米折之例每名每年酌給銀三十六兩甲琫照戰兵之例每名每年酌給銀二十兩定琫照守兵之例每名每年酌給銀十四兩八錢共需銀二

千六百八十八兩爲數無多卽由前藏商上支發此項銀兩令商上於春秋兩季備文送交駐藏大臣衙門轉發該管將備會同戴琫等傳齊番目支領如有侵漁剋扣一經查出卽行嚴懲治罪其番兵應支青稞亦分兩季令該管將備會同戴琫等按名散給

一唐古忒兵丁應給子軍器軍火認真操演明示賞罰以肅軍紀也查額設唐古忒兵丁業已議給口糧並免徭役卽與官兵無異自當遵旨常川訓練並令各處駐防將備就近督同大小番目按期認真教演駐藏大臣每於巡查之便親爲校閱練習純熟者酌加獎賞並將該管之番目記名陞擢如有技藝生疎者嚴行懲責屢教不悛卽予斥革番目等亦分別責降示懲駐防

將備俱以所管番兵優劣由駐藏大臣分別等第於班滿時咨部優等者咨送本省將軍總督提督准予保

題仍照舊例陞用次等者祇准咨部議敘毋庸陞用劣等者卽行參革賞罰旣明軍紀自昭整肅汛防可資得力至藏內向來調派番兵器械鉛火皆令自備本屬不成事體今已設立額兵三

欽定廓爾喀紀畧

卷四十七

九

千名每一千名定爲五分鳥鎗三分弓箭二分刀矛所需鳥鎗刀矛將查抄沙瑪爾巴等家產內器械分給如有不敷查向來前後藏大小寺廟中收存較多俱係番民戒殺所繳應擇其堅利者商上畧加修整按名分給所需弓箭查番民習射者甚多俱用木弓竹箭弓力頗勁尙堪使用製辦亦屬省便查沙瑪爾巴貨產內除每

年青稞支給番兵外所餘牛駝收酥油尙可值銀五百五十餘兩足敷將來製辦弓箭之用撥演所需之鉛丸火藥查商上每年差人赴貢布製辦火藥邊壩等處有例交商上鉛筋存貯布達拉本屬無用卽將每年商上所收之鉛丸火藥發給番兵以重捺防

欽定廓爾喀紀畧

卷四十七

十

一濟隴聶拉木等處邊界毋庸另設番兵駐守也查上次廓爾喀滋擾後鄂輝等議定善後章程卽議及濟隴等處出派兵數與前後藏相同亦係遇事按丁抽派平時原無額兵從前所定訓練章程祇係托諸空言並未詳定規制今廓爾喀經官兵大加懲創之後革心革面悔罪投誠斷不虞再有反復若在邊界另設唐古忒番兵距藏較遠駐防將備不能督率捺防易致怠玩

聲勢未壯徒爲廓爾喀所輕轉不足以資控馭且邊界既添額兵卽須給與口糧軍糧軍械火藥若於藏內商上等款辦理糜費滋多日久不能支給勢必仍復廢弛臣等公同酌議現在定日江孜爲各邊界來藏要路已於各該處酌設備弁兵丁稽查出入又於每處各額設唐古忒兵五百名隨同揀演果能實力奉行數年之後

漸成勁旅自足懼伏番夷所有各邊界以及札

木地方竟可毋庸安設番兵防守

一嚴禁將備弁兵欺凌番兵並役占番兵之弊以

實營伍也竊

臣等前奉

諭旨令惠齡選出色頭等員弁派駐西藏並准駐藏

大臣驗看駁換務使派駐官員與唐古忒兵丁

聯爲一體實爲永靖邊隅之道現在應換將備

臣等卽於隨征滿漢營員內挑選充補不復拘泥向例嗣後派換前後藏及定日江孜官員兵丁俱交四川總督遵

旨揀選出色頭等員弁派來分駐於滿漢營員內通行揀選不得以藏地非所管轄意存岐視將平庸之員充數駐藏大臣亦當秉公驗看不得稍有徇隱如內地派藏官兵或有營私舞弊欺凌

唐古忒兵丁等事自應遵

旨令該戴琿稟知駐藏大臣隨時嚴辦設該戴琿等

揀防怠惰苦累番民亦令將備等稟明究辦如

此互相鈐制庶彼此各知顧忌不敢徇私執法

日久弊生至新設之番兵三千名俱係定額實

數該管將弁及戴琿等不得擅行役占若於例

外私令跟隨服役轉致差防乏人一經查出卽

行從嚴治罪

以上各條^臣等欽遵

訓諭體察情形公同悉心籌議所有新設番兵經費

祇須商上給番目錢糧二千六百餘兩為數無

多其餘俱係以沙瑪爾巴什巴賈產及丹津班

珠爾家繳出莊田並庫爾喀繳出歸公之項支

給以公濟公實為兩便若能實力奉行揆演有

欽定御覽卷四十七

五

法唐古忒愈緩怯懦積習可望翕然丕變於藏

地巡防大有裨益

福康安孫士毅惠齡和琳又奏言伏思衛藏久

隸版圖原應通行

國寶若有銅礦可開無難就近採辦設爐鼓鑄惟

是藏地素不產銅向來成造佛像俱用巴勒布

商人販來銅器銷毀鑄造每劬價銀六錢零若

有不敷再赴理塘西南雲南所屬之吉當番地

收買熟銅每銅一劬值價銀八錢零每年鑄佛

收買熟銅四五千劬即須價銀三四兩兩價

仍不在內藏地山上並無林木偶有些小柴枝

炭質脆薄不能燒煉生銅若設爐鼓鑄實藏錢

文銅劬必須運自滇省而滇銅開採日久近來

礦苗漸欠旺盛僅敷京局及各省採辦恐難兼

欽定御覽卷四十七

五

供西藏鼓鑄且自滇至藏一路崇山峻嶺不能

水運脚價實屬不貲計算採辦銅價並柴炭人

工脚價等項較之內地加至數十倍更須由內

地撥運

帑項添設官員匠役煩費滋多即使通行使用成

本已難合算况藏地東至拉里西通各部落番

民習使銀錢驟難更易即內地銅錢亦祇行至

打箭爐而止自打箭爐直至拉里全係民用碎
銀藏內鑄出銅錢仍恐不能行使糜費更爲不
值查從前商上並不鑄造銀錢專賴麻爾喀運
米易換因所鑄新錢成色較高遂爾居奇擡價
欲以一圓當作兩圓行使上年經成德奏明以
軍興需用由商上鑄造銀錢一律通行番民稱
便今麻爾喀畏威悔罪經臣福康安堅明約束

欽定廓爾喀紀畧

卷四十七

五

不敢再提一圓當作兩圓之語已可永無異議
若藏內自鑄銀錢行用使廓爾喀無可居奇卽
將來仰蒙

恩准復通貿易商民交易公平更可經久無弊至於
銀錢成色向來每錢一圓重一錢五分總係攙
銅成色過於低潮今若勒令全無攙雜按照輕
重對換銀兩則工匠炭火等項賠貼太多不免

大虧成本如准其酌量攙銅卽屢定限制而日
久弊生更難於稽察應請嗣後商上鑄造銀錢
純用紋銀成造不得絲毫攙雜每圓仍重一錢
五分紋銀一兩祇易銀錢六圓是銀錢計重九
錢易銀一兩以多出一錢作爲鑄錢工本並另
鑄重一錢之銀錢一種每兩易換九圓重五分
之銀錢一種每兩易換十八圓均有一錢餘剩

欽定廓爾喀紀畧

卷四十七

六

成色既無高下之殊鼓鑄亦免賠貼之累可期
永遠通行卽廓爾喀所鑄錢文同係紋銀彼此
均無所藉口所有巴勒布舊錢與商上原鑄錢
文每圓總有銅二三分在內成色較低所有商
上從前原鑄錢文及巴勒布舊錢若令概行繳
銷勢所不能讓令每紋銀一兩易換八圓與嗣
後鼓鑄足色銀錢示以區別用昭平允至商上

錢工匠物料俱由商上備辦將易換銀兩所
餘之一錢作爲工本自行經理毋庸動用官項
仍交駐藏大臣派員督同噶布倫等監造驗看
成色不許稍有攙雜錢上正面輪郭內用唐古
忒字模鑄乾隆通寶字樣背面用唐古忒字模
鑄寶藏字樣以昭我

國家同軌同文之盛並於正面中間逐年鑄出造

錢年分用資查考設有攙銅情弊卽行按年查
出將監造之員及該管之噶布倫鑄錢之仔臻
濟仲並匠役等一體從嚴究問罰賠治罪則弊
源既可杜絕泉貨亦復通行於法制番情兩有
裨益

福康安孫士毅惠齡和琳又奏言查藏地向未
設有汛防其外番人等往來自便毫無稽查實

屬不成事體現查扼要總路惟江孜定日兩處
爲各部落來藏咽喉應請於江孜添設一汛派
守備一員外委一員帶兵二十名駐劄又於定
日添設一汛派守備一員把總一員外委一員
帶兵四十名駐劄所有添設巡查官弁兵丁應
遵

旨於藏內及臺站兵丁內抽撥查前藏駐劄遊擊一

員守備一員千總二員把總三員外委五員兵
四百五十五名後藏駐劄都司一員外委一員
兵一百五十名打箭爐以外各臺共設遊擊一
員都司一員守備三員千總二員把總七員外
委九員兵八百三十二名應於東路臺站內查
無火壩出沒之地及後藏兵丁尙可酌量抽撥
臣等公同籌議擬於察木多抽撥兵四十名拉

里抽撥兵十名後藏抽撥兵十名以上共抽撥兵六十名應得之項俱照西藏防兵定例支給其應撥調之守備二員把總一員外委二員照例由川省派出所有官員兵丁俱於現在隨征官兵內挑派前往仍照前後藏駐防之例班滿更換所需房屋查明于定日江孜管官寨之旁各撥數十間用資棲止毋庸動項添蓋至藏內

防兵不必另議增添統交駐藏大臣督率將弁勤加操演新添之定日江孜汛兵亦卽於駐藏大臣巡查之便就近查驗操演以肅營伍均奏入

上命軍機大臣議奏旋經核議均應如所奏辦理上從之

上命軍機大臣傳諭福康安孫士毅和琳惠齡曰福

康安等奏酌定唐古忒番兵訓練事宜藏內鼓鑄銀錢各措所稱新設番兵經費祇須商上給番目錢糧二千六百餘兩其餘俱係以沙瑪爾巴仲巴貨產及丹津班珠爾家繳出之項支給等語此項查抄沙瑪爾巴仲巴貨產並丹津班珠爾繳出莊田自應一律歸入達賴喇嘛商上作爲新設番兵經費之用但廓爾喀與唐古忒滋事之由皆因前次噶布倫索諾木旺扎爾於貿易時從中刻扣私加稅銀經廓爾喀呈訴彼時留保住慶林等隱匿不奏噶布倫索諾木旺扎爾畏罪服毒身死雖已降旨將伊扎薩克台吉職銜革去不准伊子承襲但其家產尙未查出歸入達賴喇嘛商上該噶布倫係首先起衅之人若任其子孫坐享豐廩不足以懲儆且其罪重於丹津班珠爾著福康安等

將索諾木旺扎爾所有家產逐一查明同沙瑪爾
 巴等田莊贖產一律歸入商上此項財產祇應以
 公濟公作為新設番兵三千名每年經費之用其
 另摺所奏於察木多等處抽撥兵六十名撥調守
 備二員把總一員外委一員在江孜定日等處駐
 劄巡查所有例給換防之費原係綠旗官辦仍照
 例官為支給不必用其商上之項再所定藏內鼓

欽定廓爾喀紀略

卷四十七

三

鑄銀錢章程亦祇可如此辦理藏內既不產銅所
 需鼓鑄錢文銅筋仍須向滇省採買自賞至藏一
 路崇山峻嶺轉運維艱自不若仍鑄銀錢較為省
 便但聞所進錢模正面鑄乾隆通寶四字背面鑄
 寶藏二字俱用唐古忒字模印並無漢字於同文
 規制尚為未協所鑄銀錢其正面用漢字鑄乾隆
 寶藏四字背面用唐古忒字亦鑄乾隆寶藏四字

以昭同文而符體制已另行模繪錢式發去遵辦
 同日福康安孫士毅惠齡和琳又奏言竊查降
 番屯練等打仗奮勇最為出力此次進剿廓爾
 喀自本處調赴西藏萬餘里均係步行進兵之
 時攻堅奪險繞山涉河冒雨攀援不辭勞瘁每
 次打仗俱能奮不顧身爭先殺賊馳驅盡力實
 屬可憫可嘉仰蒙

欽定廓爾喀紀略

卷四十七

三

聖主軫念戎行
 恩施叠沛屯官俱邀陞銜獎賞兵丁人等亦蒙展
 賞錢糧凡在行間已無不同深荷感惟該備弁等襄
 官之例向來辦理尚未盡一必須釐定等差庶
 足以昭遵守茲臣等詳加查核雜谷腦于堡寨
 九子寨上孟董下孟董五寨屯練於乾隆十七
 年額設屯守備千總把總外委一百員名嗣經

戴至於屯練降番備弁等打仗陣亡歿於

王事原與病故者不同但援照金川軍管屯弁阿帮

等之例准其子弟襲戴加銜翎頂亦屬稍優應

請照屯弁阿拉之例凡屯練降番備弁內係屬

陣亡缺出者准照伊父兄所加職銜翎頂降等

戴用如係副將叅將遊擊都司守備職銜各降

頂帶一級千總把總職銜毋庸再降其原戴花

欽定軍機大臣等

卷四十七

五

翎及得有巴圖魯名號者承襲之人止准降戴

藍翎原戴藍翎者即不准其戴用所有各處土

司頭人凡遇征調出兵如有陣亡者所得加銜

翎頂亦照此例一體辦理如蒙

俞允庶於禁止冒濫之中仍寓鼓勵戎行之意奏入

上命軍機大臣會同該部議奏

軍機大臣等奏查此次出兵進剿廓爾喀該

降番備弁等攻堅奪險鼓勇爭先福康安等念

其勞績請照五寨原設屯練之例一體令以親

支承襲因屬獎勵屯番之意但查從前額設五

寨屯弁七十七名均予世襲原因改土歸屯之

初新隸版圖因其舊俗優加鼓勵迨乾隆五十

年保寧等請添設備弁二十三員卽作爲公缺

毋庸以子弟頂補被時自因承襲例未便過多

欽定軍機大臣等

卷四十七

五

是以量爲節制今降番備弁若概予世襲則名

數轉多於五寨原設之額况該處既分列守備

千把外委等職原使該弁兵等向上出力以次

陞遷如一體准令世襲則屯兵拔補無階未免

心存懈弛殊不足以昭獎激且該備弁等俱有

管束兵丁之責非如頂戴虛銜可比伊等子弟

亦未必盡能勝任設以庸懦無能者照例襲職

更與屯務有礙此次伊等隨征廓爾喀著有勞績業經奉

旨給子巴圖魯名號及賞翎陞銜

恩施登沛已足償其勞動若必以世襲酬庸則如索

倫達呼爾兵最爲驍勇屢著軍功其中有蒙

恩擢用者尙未悉予世襲此項陣番屯弁何得援照

五寨屯練相沿舊例遇有缺出概令伊親支頂

欽定廓爾喀紀略

卷四十七

五

補如該備弁等有格外奮勇者不妨優加賞賚

陞擢此內或有隨征打仗陣亡沒於

王事者准其子弟承襲一次其病故者亦不准承襲

所有降番備弁悉予世襲之處應毋庸議再福

庸安等摺內稱屯兵內有獎給功牌虛頂者非

實缺可比不准其子弟襲戴等語應如所奏辦

理又奏將屯練備弁陣亡者除千把虛銜毋庸

再降外其餘均照伊父兄所加虛銜翎頂各降

一等戴用等語自屬慎重名器之意均應如所

請分別遞降俾無冒濫其各處土司頭人遇有

出兵陣亡者所得加銜翎頂亦卽照此一律辦

理以示等差而昭鼓勵奏入

上諭內閣曰軍機大臣等議駁福康安等奏請將隨

征出力之降番屯練一體准其襲替官職一摺

欽定廓爾喀紀略

卷四十七

五

所駁雖是但尙有未能詳盡之處此等降番隨征

出力業經賞給巴圖魯名號及賞翎陞銜等已足酬

其勞動若所得虛銜俱准降等承襲而備弁等有

管束兵丁之責復准其子弟襲替則該處向上出

力兵丁既致反補無階且伊等子弟襲職又安保

其俱能勝任設遇庸懦無能之人必致屯務廢弛

豈慎重名器之道譬若滿洲大臣官員內五等之

封例准世襲至其所兼大小官職亦概予世襲有
 是理乎又如索倫達呼爾兵最為驍勇屢著軍功
 其中有擢任大小官員者亦並未悉予世襲卽如
 海南察晉封公爵自當賞延於世而其所兼領侍
 衛內大臣都統亦無世襲之理此其明証也所有
 此項降番卽打仗陣亡者除本身所得虛銜准其
 親支子弟降等或用外所賞花翎藍翎係屬特恩
 亦不當復准其子弟戴用至該親支子弟內如有
 實在奮勉曉事者該督等原可隨時察核依次拔
 補職官卽如回疆阿奇木伯克伊什罕伯克等俱
 係辦事之人從無承襲之例而其本身職銜雖係
 貝子公銜者仍可補放六七品小伯克現在鄂斯
 滿之子邁哈瑪特鄂散卽係貝子職銜充當小伯
 克降番等原可照此辦理本不必以伊等所得虛

欽定大清會典事例

卷四十七

元

銜較大拘泥對品轉致不倫况伊等如果奮勉原
 可逐漸遞陞以次拔擢原不礙其陞途餘依議
 同日福康安孫士毅和琳惠齡又奏言前奉
 諭旨查詢戴琿薩木珠令已傷亡一節鄂輝奏稱係
 屬病故與成德雅滿泰所奏兩岐令臣福康安
 確查以便交部核辦嗣據鄂輝查看該戴琿雖
 係得受鎗傷實因吐血身亡茲臣福康安於撤
 兵時向丹津那木結詢問據稱薩木珠令巴平
 日並無吐血病症上年九月初十日在僧格宗
 喀地方與鄂爾喀打仗左肩背脊帶有鎗傷嘔
 血不止延至二十八日身故臣等現在前藏確
 訪無異是該戴琿雖屬傷亡並非病故但祇係
 肩背帶傷應否議卹之處伏候
 訓示奏入

欽定大清會典事例

卷四十七

辛

上諭內閣曰福康安等奏戴琿薩木珠令巴上年在
價格宗喀地方與廓爾喀打仗帶有鎗傷嘔血身
故等語薩木珠令巴因打仗受傷嘔血身亡亦屬
可憫著加恩交部照傷亡例議卹

同日福康安孫士毅惠齡和琳又奏言查達賴
喇嘛所屬前後藏地方較爲寬廣每年番民交
納係各以糞石磴氈藏香大棉鹽斤酥油奶渣

欽定廓爾喀紀略

卷四十七

三

羊腔茶葉等項作爲租賦其遠處寨落難以運
送者各以銀錢折交惟番民家有牛羣羊羣者
係每牛二頭每年交銀錢一圓每羊十隻每年
亦交銀錢一圓其隨時布施物件銀兩並無定
數除交各項木色物件外約計每年所入銀兩
共有十二萬七千有零凡有交來物件銀兩銀
錢俱係收存大昭庫內有商卓忒巴三名管理

其氈氈藏香及稅課罰贖等項各處布施之物

并番民故後例交一半服飾物件俱交商上庫

內另有商卓忒巴二名管理所有達賴喇嘛公

用日用等項悉皆取給於此計算用項每年正

月內布達拉與各處大寺廟大小衆喇嘛及前

後藏各處喇嘛數萬人會集大昭念經二十日

謂之熱期穆勒布二月內復集大昭念經入日

欽定廓爾喀紀略

卷四十七

三

謂之錯曲勒布藏內俗語統名爲攢昭按喇嘛
名數賞給銀錢哈達支給酥油茶葉糌粑需銀
七萬九百餘兩又每日念經需用酥油茶葉及
各項賞資共需銀三萬九千二百餘兩又每年
採買布達拉衆喇嘛食用及各種物料並酌奉
布施物件共需銀二萬四千四百餘兩所人尙
不敷所出又色拉等大寺喇嘛均須養贍若青

稞豐收之年並布施較多年分始有贏餘商上
又有小庫一處另派商卓忒巴一名經管每年
出入如有餘剩物件銀兩歸入小庫存貯如有
不敷支用之年卽將小庫銀物使用一切用度
商卓忒巴總司出納亦同噶布倫等呈報此駐
藏大臣從不過問達賴喇嘛親族及商卓忒巴
等侵濫舞弊在所不免現在噶布倫商卓忒巴

欽定大清會典事例

卷四十七

重

等缺議歸駐藏大臣會同達賴喇嘛秉公揀選
不許達賴喇嘛親族管事所有商上一切公用
又奉

旨令駐藏大臣總核實可杜絕弊源臣等查濟甯呼
圖克圖居住布達拉耳目更近一切弊實無難
就近確查應請交駐藏大臣與濟甯呼圖克圖
隨時稽核出納如有侵濫舞弊之人濟甯呼圖

克圖卽告知駐藏大臣查辦治罪至扎什倫布
所管番民較前藏爲少所交商上糧賦多係交
納物件統計折色本色約合銀六萬六千九百
餘兩而每年所用約須銀七萬四千六百餘兩
從前各處布施較多每年總有贏餘近年以來
布施甚少又經廓爾喀搶掠核計每年出入總
布施計算僅敷用度班禪額爾德尼年在幼齡

欽定大清會典事例

卷四十七

重

恐爲左右蒙蔽亦當交駐藏大臣及濟甯呼圖
克圖實力稽核以歸盡一所有達賴喇嘛班禪
額爾德尼平素自奉以及例應需用各項自應
欽遵

諭旨照舊聽其自便以仰副
聖慈體恤再達賴喇嘛商上每年入項及各處布施
若有贏餘自應發心施捨惠及番衆前經臣福

康安奏明濟甯蘇拉木絨帽等處邊界被賊侵擾日久應告知達賴喇嘛酌免各處租賦一兩年以紓民力臣福康安到前藏時告知達賴喇嘛深以爲然茲奉

諭旨以佛法空寂爲言施捨爲重令臣等明白規勸當卽面見達賴喇嘛並傳到後藏之歲琿堪布

敬宣

欽定廓爾喀紀畧

卷四十七

五

聖訓剴切開導據達賴喇嘛回稱現在查明上年被擾地方除濟甯蘇拉木絨帽三處酌免兩年租賦外其餘若宗喀日喀爾達春堆等處亦擬酌免租賦一年休養民力再闡藏每年俱有欠交租賦擬酌將五十六年以前積欠全行蠲免俾番民交納從容於生計更爲有益嗣後仰賴大皇帝洪福黃教振興商上一有異餘隨時酌量或

于緩徵或免衛藏賦納等語臣等告以達賴喇嘛願普免從前積欠甚能上體

大皇帝惠愛番黎之意惟番目管官第巴等與番民不同如有欠交之項祇須減半蠲免以昭平允臣等詳加察看不獨達賴喇嘛經此一番規勸極知欽仰

恩慈情願將被擾地方賦納酌加蠲免卽歲琿堪布等亦頗能領會嗣後信俗聯爲一體同心保護

欽定廓爾喀紀畧

卷四十七

五

衛藏自必改觀番民等皆稱頌

皇仁于無既矣奏入報

聞

欽定廓爾喀紀畧卷四十七

欽定廓爾喀紀略卷四十八

十二月十四日戊寅福康安孫士毅惠齡和琳奏

言據彝拉木營官祿瑪瓦遞到拉特納巴都爾

等稟信各件逐一譯出閱看該部長等呈遞臣

福康安稟帖二封係因普都爾帮哩等回巢時

酌量給賞具稟陳謝並因臣福康安前會商諭

以該處境內若尚有沙瑪爾巴徒衆潛匿令其

欽定廓爾喀紀略

卷四十八

二

拿獻茲據稟稱現在實力搜查不敢庇匿情詞

俱極恭順又寄第烏達特塔巴信二封均係感

激

天恩囑其小心謹慎而第烏達特塔巴家信內備述

普都爾帮哩等回巢傳述

恩德衆番民無不稱揚歡慶辭意之間深以歸順

天朝得免勦滅爲幸足徵廓爾喀部長頭目番民狂

此大加懲創之後實已真心懾服因將接到來

稟譯由一併敘入檄諭加以獎勵勉其永矢恭

順仰受

聖恩並將臣和琳係奉

旨特派來藏親信大臣認真整飭鎮撫衛藏卽嗣後

接任之駐藏大臣亦係

特簡前來迥非從前駐藏大臣不管事務者可比敘

欽定廓爾喀紀略

卷四十八

二

入檄內將來駐藏大臣有檄諭之事令其敬謹

遵奉奏人報

聞

福康安孫士毅惠齡和琳又奏言竊此次辦理

廓爾喀軍務仰蒙

皇上降旨動撥鄰省及四川本省地丁銀兩以供軍

需支用臣孫士毅出口來藏之時通盤籌畫不

敷支放卽恩專摺

奏懇添撥但恐各站員知

帑項敷衍任意糜費是以暫緩請撥計軍興以來

先後奉

旨動撥銀六百萬兩除解送來藏餉銀二百五十餘

萬兩其餘分解東路各臺均係按照道呈遠近

事務繁簡酌量分撥嚴飭各總理道府毋許多

欽定原摺覽畧 卷四十八

三

發並臣等公同確核所有解藏餉銀內應支官

兵鹽菜

恩賞及採買兵糧牛羊馬匹並轉運糧石軍火軍餉

各項烏拉腳價爲數不少其裡塘巴塘察木多

拉里以及分段添設各站應付凱旋官兵亦在

在需銀接濟昨據藩司英善等稟稱現在司庫

除撥支軍需外其例應支放兵餉各項均下別

款動用尙屬不敷請于附近省分酌撥餉銀七

八十萬兩解川接濟等情自應如該司等所請

按數酌撥以便清釐款項仰祈

皇上俯賜允准

勅部于附近之河南陝西山西等省撥銀七八十萬

兩迅速委員解川以資接濟奏入

上諭內閣日前因辦理廓爾喀軍務業經降旨撥銀

欽定原摺覽畧 卷四十八

四

六百萬兩以供軍需支用茲據福康安等奏稱所

有解藏銀兩除撥支軍需外其例應支放兵餉各

項尙不敷用請再酌撥銀兩解川接濟等語著照

所請交戶部於鄰近省分酌撥銀七十萬兩令各

該省派員迅速解往川省以資支用

二十七日

辛卯

福康安孫士毅忠齡和琳奏言稿

查乾隆五十五年廓爾喀遷到謝

恩表貢交存巴勒布商人巴特巴第處收貯未經具

奏一案_臣等到藏後即將鄂輝俘習渾雅滿泰殿

切訊問先將大概情形恭摺奏

聞茲嚴廷良解到並傳齊案內人証隔別研究細加

質對緣此項

表貢實係嚴廷良自陽布帶來其時鄂輝尙在前

藏因貢物只有四樣不堪呈進鄂輝先已發做

欽定廓爾喀紀略

卷四十八

五

曉諭廓爾喀自必遵檄辦理又據嚴廷良而稟

廓爾喀隨卽差頭人進京納貢是以鄂輝欲俟

廓爾喀貢使到來再辦未便先行具奏與普福

商定後復向雅滿泰告知雅滿泰普福二人遂

祇將嚴廷良到藏日期具奏並未以帶到

表貢之事奏

聞嗣俘習渾于十月二十九日到藏雅滿泰復將前

後緣由告知俘習渾亦復因循未奏其收存

表貢之多喇拉木原係來藏講論銀錢之人因藏

內不能照依行使先令阿幾堪囑回巢告知多

喇拉木等候兩月仍未講明卽將帶來銀錢易

換金子欲回陽布于十二月初三日赴駐藏大

臣衙門稟辭並將貢物等件帶往嚴廷良亦一

同進見俘習渾因貢品較少又未專差貢使前

欽定廓爾喀紀略

卷四十八

六

來將多喇拉木與嚴廷良一併面加諭飭多喇

拉木隨將各物仍舊帶回寓所其時多喇拉木

因金子業已換妥卽欲回巢此項

表貢本非伊經手帶來因卽令巴勒布商頭巴特

巴第之夥計箕格哩從伊寓所取去送交巴特

巴第家收存巴特巴第詢知廓爾喀進貢物件

是以小心收存不敢拆動直至今年九月間將

原封大小皮包共十五件按數呈出反復訊問

並非殿廷良交給亦非嚙屢轉交衆供均屬確

鑿又廓爾喀寄鄂輝各稟含混其詞俱稱有所

許之語自係指許給銀兩而言臣等前向鄂輝

研訊祇供上次曾經許將所鑄銀錢准其一個

當兩個唐古忒若與不和准其稟訴稟內所指

想係此語實無許給元費之事臣等復將鄂

輝嚴訊堅不承認查此項

表貢關係外番交涉之事豈容因循日久置不上

聞卽因貢品較少並無專差頭人恭齋進京亦應一

面駁斥一面具

奏乃鄂輝於殿廷良到藏後輒因廓爾喀貢使未

來不合體制不卽具奏顛倒稽亂莫此爲甚至

普福因指望貢使卽到輒聽鄂輝所言與雅滿

泰未經奏出普福旋即回京已屬不合而停習

渾亦卽扶同狗彘不奏不辦迨至上年廓爾喀

滋事之時事隔半載有餘停習渾雅滿泰俱在

前藏鄂輝隨後又已到來均仍不據實奏

聞情罪俱屬重大今臣等業已詳悉詢明惟普福現

在刑部監禁其中供詞間有未符之處必須質

訊明確方成信讞相應將鄂輝派員鎖押解至

刑部與普福質對確實從重治罪停習渾雅滿

泰扶同不奏均有應得重罪查伊二人係奉

旨在藏永遠却號示衆應否解送刑部從重治罪之

處伏候

訓示奏入

上命軍機大臣傳諭福康安孫士毅惠齡和琳英善

曰福康安等奏審訊歷擱廓爾喀表貢匿不具奏

一 鄂輝子許給庸爾喀銀兩一事或尙可諉爲不知至五十五年庸爾喀呈進表貢壓擱不奏現經福康安等面加詰訊鄂輝雖轉支飾而此事係其主見已屬百喙難辭今福康安等並未按律

定擬請將鄂輝等解京治罪試思解到後卽交軍機大臣覆訊明確亦不值卽將伊三人概行立竄

重典若交部監禁是伊等身獲重譴轉藉此回京

欽定庸爾喀紀略

卷四十八

九

安坐固固殊不足以示儆計此時鄂輝起解在途

亦距藏不遠者傳諭惠齡英善接奉此旨飛飭沿途

不拘鄂輝解到何處卽于該處截留仍解回前

藏交與和琳將伊永遠枷號與俘習渾雅滿泰同

爲在藏辦事大臣不肯用心妥辦致藏地不靖者

戒

二十七日 辛卯 福康安孫士毅惠齡和琳奏言竊

照衛藏善後章程屢奉

聖明訓示條分縷晰鉅細靡遺於邊隅永靖之方實

已至周極備 等敬謹尋繹並將上年

發交 臣 福康安帶來

條筆改定條款及從前奉到

諭旨內有與善後事宜關涉者逐條恭酌悉心籌議

反復講求所有添設汛防訓練番兵鼓鑄銀錢

欽定庸爾喀紀略

卷四十八

十

稽查貿易綜核商上收支酌免番衆賦納以及

設立金本巴瓶指定呼畢勒罕等事俱已詳悉

會議分摺具

奏在案其餘節次

指示章程謹遵 酌定條款分列于後

一 藏內諸事應統歸駐藏大臣管理也衛藏一切

事務本應駐藏大臣管理乃向來駐藏大臣惟

資坐鎮不復預聞積習相沿已非一日噶布倫等因達賴喇嘛清淨焚修不能留心公事遂假借達賴喇嘛聲勢營私舞弊諸事擅專前此駐藏大臣又復不諳大體一切委之達賴喇嘛轉付噶布倫等任所欲爲以致藏務日就廢弛今當嚴定章程之時必須革除積弊方可大加整飭嗣後駐藏大臣除上山瞻禮外其督辦藏內事務應與達賴喇嘛班禪額爾德尼平等自噶布倫以下番目及管事喇嘛等分係屬員事無大小均應稟命駐藏大臣辦理以肅紀綱至札什倫布諸務現因班禪額爾德尼年幼係歲珠堪布代管凡遇一切公事亦令一體稟知駐藏大臣辦理並于巡邊之便就近稽查管束庶衛藏事權歸一積弊可以永除

一藏內大小番目缺出應定立等級統歸駐藏大臣會同達賴喇嘛秉公揀放也查噶布倫戴珠等缺向雖由駐藏大臣奏補然祇係達賴喇嘛酌量補放交駐藏大臣具

奏至其餘商上仔璋商卓忒巴業爾倉協爾希希

約第巴朗仔轄密本第巴噶厦中譯小中譯卓

尼爾及各寨落大小管官係噶布倫等酌擬數

人由達賴喇嘛挑定駐藏大臣並不過問大缺

管官尙由達賴喇嘛與駐藏大臣發給執照小

缺管官並無駐藏大臣給照之例是以向來大

小番目遷轉補放毫無等級即如商卓忒巴管

官等缺出或于布達拉商上及噶厦公所當差

之人挑補或以並未當差之閒散人等補放至

噶布倫之缺本應以戴珠陞補或有徑由大族

子弟補放者戴琿之缺本應以管官陞補亦有
 將戴琿年齒幼少之子弟徑行補放者雜亂參
 差不成體制甚或營求賄囑其弊無窮查噶布
 倫辦理一切事務戴琿管領番兵商上仔琿商
 卓忒巴係總司出納以上各缺尤關緊要不可
 越次補放啟職等倖進之弊即大缺邊缺管官
 管理地方番民事務較繁亦不應以未經歷練
 之人充補今請核定等級層次遇有噶布倫缺
 出于戴琿及商上仔琿商卓特巴內擇其才具
 優長者有勞績者駐藏大臣會同達賴喇嘛揀
 選二員擬定正陪

奏請補用內有喇嘛噶布倫一缺于大堪布喇嘛
 內揀選正陪

奏補戴琿缺出先儘新設管領番兵之如琿內揀

欽定廟宇監署 卷四十八

三

選如一時不得其人再以邊缺管官內揀選亦
 會同擬定正陪二員

奏請補用候

旨遵行不得仍沿舊習率用本不管兵之番目致悞
 操防商上仔琿商卓特巴缺出以管放眾番目
 口糧之業爾倉管理刑名之協爾幫噶厦辦事
 之大中譯及濟仲喇嘛陞補其業爾倉協爾幫
 缺出以管理布達拉一帶番民之希約第巴管
 理拉撒番民之朗仔轄密本管達賴喇嘛馬駝
 之達本陞補其希約第巴密本達本缺出以大
 缺邊缺管官及噶厦卓尼爾陞補查業爾倉希
 第巴兩項向有喇嘛者亦准挑選喇嘛補用大
 中譯缺出以小中譯噶厦卓尼爾陞補大缺邊
 缺管官缺出以小缺管官調補及小中譯補放

欽定廟宇監署 卷四十八

四

其管兵甲奉番目亦准調補邊缺管官惟小缺各管官始准于東科爾及喇嘛內揀選補用所有管官缺分應詳悉查明大缺邊缺寫立冊檔存案以便遵守其喇嘛補放管官者多係達賴喇嘛隨侍之人因其勤勞日久不能遠離左右酌量派管地方藉資養贍雖難一概禁絕然亦須由駐藏大臣另派安幹之人前往署理該喇嘛營官不得私行派人前往代辦致滋弊端噶厦小中譯卓尼爾雖係小番目但隨同噶布倫辦理事務亦關緊要應揀選東科爾心地明敏者挑補現在前藏商上新鑄銀錢應專派鑄錢仔琿二名濟仲喇嘛二名以專責成以上各缺均由駐藏大臣會同達賴喇嘛挑選如達賴喇嘛徇私不公准駐藏大臣駁正乘公揀補除噶布倫

戴琿

奏明補用外其餘若一一請

旨不免繁瑣應請由駐藏大臣會同達賴喇嘛發給清漢字番字印照爲據所有噶布倫戴琿以下管事各頭目管地方各管官均係會同按等補放已足以杜絕弊端此外若管草管門管糶管帳房管牛羊廠頭人等缺俱屬無關緊要應聽達賴喇嘛自行揀補至札什倫布管事者皆係喇嘛向來陞轉亦無等級嗣後商卓忒巴缺出以戴琿喇嘛森本喇嘛陞補戴琿缺出以濟仲喇嘛陞補森本缺出以傳事之卓尼爾陞補不准越次補放札什倫布所屬寨落較少並無邊界緊要之缺俱仍照向例挑補所有後藏之商卓忒巴戴琿森本各大缺及管地方管官均

前藏之例由駐藏大臣會同班禪額爾德尼補放給照如此明定等差乘公拔補以次陞轉庶大小番目皆能得人營求賄賂之弊均可不杜自絕

一達賴喇嘛班禪額爾德尼族屬一概不准管事以杜弊端也向來達賴喇嘛親屬人等每多親

近管事即如前此達賴喇嘛之叔阿占拉班禪

欽定歷代通鑑輯覽

卷四十八

七

額爾德尼之父巴勒丹敦珠布私行定議設和

而達賴喇嘛弟兄羅布藏根敦禮克巴等倚藉

聲勢妄爲滋事均屬不安本分獎賈叢生嗣後

大小番目及前後藏管事喇嘛需人均不得以

達賴喇嘛班禪額爾德尼族屬挑補攙越管事

應俟達賴喇嘛班禪額爾德尼轉世後仍准將

前輩親族量材錄用以杜弊端而昭公允

一駐藏大臣每年應親身巡查邊境以重地方也

查駐藏大臣同在前藏其駐劄相近之處尙易

稽查而前藏迤西直至邊界一帶地方遠濶耳

目難周後藏江孜定日又有新設番兵與該二

汛之綠營官兵均應駐藏大臣親加枝閱核其

勤惰以示勸懲濟噶聶拉木等處邊界現已定

立界址亦須周歷巡查方可諳悉情形遇事庶

欽定歷代通鑑輯覽

卷四十八

太

有把握本擬駐藏大臣二人按季輪流前往但

藏地入夏以來農事正忙甫交冬令冰雪已盛

且邊界距前藏甚遠往返約須兩月有餘若駐

藏大臣四季輪往計算程期此往彼回竟不能

在前藏會同辦事未免諸多窒碍應請于春秋

兩季

奏明輪流前往後藏巡查邊界順便操演番兵經

過地方如有駐防官員管官等苦累兵丁番民者准其呈控駐藏大臣隨地查辦懲治至駐藏大臣所用烏拉人夫俱令自行給與價值不得掇累番民以示體恤

一駐藏文員應請添設也查駐藏大臣衙門向設理藩院司員一員筆帖式一員尙敷差委惟前藏向來僅設糧務一員後藏地方並無文員今

欽定廟商紀畧

卷四十八

五

改定一切章程需員稽查添設前後藏番兵亦均有支放口糧等事而前藏鼓鑄銀錢尤關緊要應請于前藏再添糧務一員于同知知州知縣內派來專管監造銀錢事務後藏亦添縣丞等官一員支放番兵口糧俱由四川總督揀選勤慎明白之員赴藏佐理所有後藏管糧佐貳應得分例及更換年限並邊俸報滿保題之處

俱照向例辦理其前藏添設糧員以到藏日起一年一換以便按年稽查銀錢成色如果勤慎出力由駐藏大臣保奏倘敢徇私舞弊卽行劾奉辦理又駐藏大臣衙門繕寫清字滿兵向來祇有四名分派兩衙門未免不敷應于成都駐防滿兵內再添派四名來藏其應得錢糧分例換班年分俱照向例辦理仍于前藏漢兵內裁去四名以符額數

欽定廟商紀畧

卷四十八

五

一駐藏大臣衙門及文武各員酌定聽差兵丁數目以實操防也查西藏成兵原因鎮守地方而設若大臣官員等多挑兵丁使喚應差必致疲瀆乏人此等應差兵丁原無定數應請嗣後駐藏大臣衙門應差兵丁每人三十名遊擊八名都司六名守備一員每員四名駐藏司員四名

軍帖式二千名總把總每員一名前藏糧員酌
定看庫兵丁八名其新設之前後藏文員毋庸
給子兵丁統計應差兵丁不過百餘名而止每
遇操演日期仍著一體操演毋許藉口應差致
有曠廢如此則邊地營伍制度愈昭整肅
以上各條^臣等欽遵先後所奉

訓示體察情形逐一悉心核議公同酌定具

欽定廣西略纂

卷四十八

三

奏奏入

上命軍機大臣議奏旋經議覆應如所奏辦理惟所
稱喇嘛噶布倫一缺于大堪布喇嘛內揀選正
陪奏補一欵查藏內設立噶布倫四缺原俱係
從番民內挑補嗣經班第奏明恭用喇嘛一人
此後相沿辦理本年十一月內欽奉

諭旨此等喇嘛噶布倫不過管理達賴喇嘛零星事

件其藏內應辦事務俱番子噶布倫管理是噶布
倫內喇嘛一缺並不得力而該喇嘛與達賴喇嘛
親近易于恣意遇有缺出即可將伊親族狗私充
補諸弊叢生將來喇嘛噶布倫出缺時當于番民
內挑補將喇嘛充當噶布倫之例停止欽此福康
安等尚未接奉

諭旨是以奏請將喇嘛噶布倫一缺于大堪布喇嘛

欽定廣西略纂

卷四十八

三

內揀選奏補今應令其遵照前奉

諭旨辦理所有將喇嘛補用噶布倫之處應毋庸議

奏入

上從之
同日福康安孫士毅惠齡和琳又奏言^臣等欽
奉

諭旨頒發

御製十全記合酌量於

聖祖仁皇帝御碑之旁建立昭示

武功臣等遵

旨相度地勢恭查

聖祖仁皇帝御碑在布達拉山前建立爲前後藏來往

通衢地本平敞

聖祖仁皇帝御碑之西尙可添建碑亭一座臣等現擬

欽定廓爾喀紀畧卷四十八

五

礮石爲方碑于正南刊

國書碑陰刊漢文左刊蒙古字右刊唐古忒番字

從此

奎文唐藻照耀邊隅使各部番民往來瞻仰咸欽

聖天子十歲

鴻功一統無外漸被暨誌

文命覃敷藏地邊界定可永臻寧謐查藏內並無石

工亦無錫碑好手須從內地召募工匠迅速來

藏于產石堅緻地方購採石料俟採得後再將

碑堂四面尺寸由臣和琳開明具

奏恭候

發下四體字樣摹勒上石另建碑亭以肅觀瞻而垂

久遠奏入報

聞

欽定廓爾喀紀畧卷四十八

五

欽定廓爾喀紀畧卷四十八

欽定廓爾喀紀畧卷四十九

乾隆五十八年正月十一日

乙巳

上諭內閣曰向例出征陣亡兵丁綠營步兵賞卹銀五十兩屯練降番祇賞卹銀二十五兩此次進剿廓爾喀屯練降番登山陟險甚為勞苦所有陣亡屯練降番俱著加恩改照綠營步兵之例賞卹銀五十兩以示體恤並著永以為例

欽定廓爾喀紀畧

卷四十九

一

十四日

戊申

上命軍機大臣傳諭福康安惠齡曰上年勦辦廓爾喀所有打仗出力之木塔爾巴加賞副都統職銜此外隨征之屯土將弁有如木塔爾等出力之人自應一體加恩賞賚本年雖非金川土司年班入覲之期著傳諭福康安惠齡令木塔爾木太爾二人卽于本年作為年班一同入覲其餘如色密里

雍忠阿惠明嗎爾結巴旺等前經福康安具奏有賞給巴圖魯名號及子陞銜者自係一體出力之人亦著福康安惠齡于此內擇其打仗奮勉者酌派數人一同赴京瞻親卽人數稍多不妨將年例應入覲之土司酌減將派出之該屯土將弁等列入俾得同邀宴賚以示獎勵嗣後仍著以五年為

期

欽定廓爾喀紀畧

卷四十九

二

十七日

辛亥

一切善後章程仰蒙

皇上於萬餘里外燭照情形

指示詳盡並

諭以指出條款之外尚有應行辦理者亦著一併奏聞等自到藏以來隨事隨時留心諮訪體察番情

除遣

旨議奏各條前已陸續具

奏外尚有應辦理章程十八條逐一悉心籌議公
同酌定敬爲我

皇上陳之

一達賴喇嘛班禪額爾德尼與外番通信應告知
駐藏大臣詳細商酌也查西藏地方與外番之
廓爾喀布魯克巴哲孟雄宗木等處部落皆係

欽定廓爾喀紀畧

卷四十九

三

接壤向來外番人等或係來藏布施或係講論
事務達賴喇嘛發給書信原無禁例但立言不
能得體易爲外番所輕卽如廓爾喀上次滋事
之前曾寄信與達賴喇嘛講論銀錢辦理不能
妥協致使藉詞尋衅今廓爾喀業已悔罪歸誠
將來遇有稟請之事均應由駐藏大臣主持與
達賴喇嘛等商同妥辦卽將來廓爾喀部長欲

專人來藏於達賴喇嘛班禪額爾德尼前呈遞

土物謝過亦應令駐藏大臣代爲酌定回諭方
可發給以昭體制平日如有關係地方事件俱
應聽駐藏大臣辦理其餘通問布施書信亦應
報明駐藏大臣查驗又布魯克巴會受

天朝封號該部落素信紅教每年遣人來藏而達賴

喇嘛等呈遞布施哲孟雄宗木洛敏達等小部

欽定廓爾喀紀畧

卷四十九

四

落半屬外番半屬藏內羈縻各外番部落差人
赴藏至達賴喇嘛班禪額爾德尼處布施通問
雖不必概爲禁絕仍應立法稽查嗣後各外番
部落差人來藏者由邊界管官查明人數稟報
駐藏大臣驗放進口並令江孜定日駐劄備弁
實力稽查到藏瞻禮後所有各該部落稟達駐
藏大臣者由駐藏大臣給諭其呈達賴喇嘛等

稟帖俱應呈送駐藏大臣譯出查驗由駐藏大臣與達賴喇嘛將論帖酌定發給查照人數再行遣回至噶布倫係達賴喇嘛管事之人不准與各部落私行通信即各部落有寄信噶布倫者亦呈送駐藏大臣與達賴喇嘛商同給諭噶布倫等不准私行發信庶內外之防益昭嚴密

欽定藏圖略考

卷四十九

五

一各處邊境均應設立鄂博以清疆界也查西藏邊界如濟隴聶拉木絨轄等處向無界址各該處均與廓爾喀道路相通臣福康安等於濟隴外之熱索橋聶拉木外之鐵索橋及絨轄邊界均已設立鄂博釐定疆域將來巴勒布貿易之人及邊界唐古忒番民零星負販現已奏明立法稽查不許私相往來應交與駐藏大臣於巡視之便認真查察所立鄂博隨時派人堆

砌石塊不得日久懈弛致有偷越

一邊界營官應揀選安幹之人補放並照內地邊俸之例酌定年限陞推以示鼓勵也查邊界地方與外番接壤約東番民稽查出入最關緊要必須精明強幹之員方足勝任向來稍能辦事營官因邊界氣候惡劣冰雪較早皆願在前藏

欽定藏圖略考

卷四十九

六

當差惟於遠涉率將闕冗無能者濫行派往以致辦理諸事每多弊竇嗣後補放邊缺營官於小缺營官及營兵之甲瑋番目內擇其諳練者調補如果到任三年辦理妥善駕馭得宜即行更換調回記名以戴琫等缺陞用如有辦理不善之處立即革退不可稍事姑容如此懲勸方番目皆知奮勉邊隅亦永資綏靖矣
一嚴禁募充番目之弊以勵人材也查西藏世家

子弟稱爲東科爾凡遇挑取大小番目必於東科爾中通計算者補放其餘番民中卽有安幹之人並無進身之路間或拔補定琿小頭目亦不能再有陞遷雖番民積習相沿悉皆推重世家各安本分尙無觊望而若輩以門第相高彼此援引輩等超遷勢將無所底止臣等查核東科爾子弟不下數千人勢難一時更張舊制轉致人心未協前已酌定章程如充當兵丁之番民果能奮勇出力技藝嫺熟卽非東科爾出身亦准由定琿游擢陞至戴琿其餘辦事之番目等仍於東科爾內擇其端謹之人按等補用但不准襲充伊祖父職分以致冒濫過甚卽挑取小中譯噶夏卓爾尼小缺管官等番目亦須年至十八歲以上方准當差不得以幼小之人應

各充數稍滋日濫
一各大寺坐床堪布應令達賴喇嘛會同駐藏大臣秉公補放也查堪布乃一寺首領必須熟悉經典人品端方始可爲衆僧領袖近年以來喇嘛等以大寺堪布爲人倚奉可得布施寺內莊田歸其管理皆思營求此缺所放不能盡公嗣後凡有各大寺坐床堪布喇嘛缺出達賴喇嘛亦應會同駐藏大臣濟隆呼圖克圖秉公揀選給子會印執照派往住持其餘小寺堪布喇嘛仍令達賴喇嘛自行揀補
一商上銀錢出入應照新定數目盡一收放也查商上現鑄銀錢不准絲毫攙雜成色較高業經臣等定議每紋銀一兩易換新鑄銀錢六圓易換商上舊錢文及巴勒布舊錢八圓通行使用

詢之商人等悉皆稱便惟查番寨租賦有以銀錢折交物件者若商上收納不公勢必苦累番民嗣後商上收納銀錢數目及採買各物亦照所定兌換之數按新舊舊鑄分別折收不得稍有浮多以致人心不服商上爲收放總匯之地若無出輕入重等事則民間貨幣流通自可永遠遵行無弊

欽定兩粵紀畧

卷四十九

九

一 濟隴聶拉木邊界抽收稅課毋庸酌減也查邊界地方惟濟隴聶拉木抽收稅課尙屬無多向來收稅則例凡巴勒布商民運米在邊界售賣者每米一包取一木梳每年約收放米一百數十石俱運安大昭以備攢昭念經之用唐古忒番民零星販出邊界鹽觔每包亦抽取一木梳該管官復將所收鹽觔向巴勒布商人易換製

欽定兩粵紀畧

卷四十九

十

辦藏香之香料及紙張果品等物運交商上至巴勒布商民販運來藏各物除米石外其餘並不在邊界納稅祇由該管官記明包數稟知商上貨物到藏不論粗細每包祇納銀錢一圓卽金花銀正珊瑚珠子蠶蠟細軟之物皆係按包納稅惟紅花不記包數每包納銀錢一圓詳核所收稅課爲數有限日久相安並無爭競今查明貿易一事實非起衅根由蒙恩仍准通市所有抽收稅課一項若將往例議減轉似市惠外番有意裁抑唐古忒於體制殊有關係應請將濟隴聶拉木兩處抽收米石鹽觔及貨物到藏按包納稅之處悉照向例辦理但須告知駐藏大臣稽核商上不得稍有加增以示平允

一嚴禁私給免差照票以均徭役也查藏內各寨番衆供應烏拉人夫牛馬窮民最爲苦累而富戶大族每懇求達賴喇嘛班禪額爾德尼給與免差照票不令當差印從前達賴喇嘛等用事親族及大呼圖克圖等亦多聽從囑托率行給票又有噶布倫戴琿及大喇嘛等所管之庄佃人戶多懇求達賴喇嘛牌票或免差徭或免租賦毫無限制貧者力役不遑富者藉有聲勢轉得安享坐視所辦實屬不公臣等到藏後即仰

體

皇上撫育番黎之意一應烏拉人夫仿行糧員等優給雇值凡大族人戶及大寺喇嘛皆令各出羊馬受雇應差不得以原有免差照票規避不前嗣後應請將各處免票撤銷務使闔藏徭役均

平不得專派窮番致滋苦累如實有勞績者達賴喇嘛告知駐藏大臣方准給票惟有新設番兵均應由駐藏大臣及達賴喇嘛於挑兵時發給照票填寫住址各字免其門戶差使俾得專心操演該兵如有事故仍將原票繳銷一衛藏俗俗戶口應行造冊稽查也查各寨落地方雖統屬于達賴喇嘛而各大呼圖克圖堪布喇嘛營官第巴等官多係各食其地是以戶口作何增減人民會否流亡達賴喇嘛無從查核駐藏大臣更難過問而於各部落有無私來藏地藏匿之人亦不能得其踪跡恭查前奉

臣和琳卽遵

諭旨嗣後往來人衆皆須駐藏大臣衙門給與路票旨辦理頗有效驗應請嗣後令達賴喇嘛將所管大

小廟宇內喇嘛名數開造清冊並令噶布倫將
衛藏所管地方及各呼圖克圖等所管寨落人
戶一體造具花名清冊於駐藏大臣衙門及達
賴喇嘛處各存一分以備稽查設有未請路票
私往各處者一經查出將該管之番日等從嚴
究治

一蒙古延請喇嘛誦經應由駐藏大臣給照前往

欽定歷代通鑑輯覽

卷四十九

三

以資查考也向來青海蒙古王公等差人赴藏
延請通習經典喇嘛赴該遊牧地方誦經教經
有稟知駐藏大臣者亦有私行前往者漫無稽
考在青海蒙古王公等久涵

聖澤備位藩封與內地臣僕無異原不必限制但經
過三十九族番地即與各外番相通若任其私
相往來不嚴定以稽查之法殊多未便嗣後凡

遊蒙古王公等延請喇嘛誦經者俱應令西寧
辦事大臣行文來藏再由駐藏大臣給與執照
並咨明西寧辦事大臣以資查考

一嚴禁私用烏拉以恤番民也查舊例烏拉牌票
係由達賴喇嘛給發日久漸已廢弛凡噶布倫
戴琿等及從前達賴喇嘛用事族屬竟有私用
烏拉之事一切供應食用又多取給番民嗣後

欽定歷代通鑑輯覽

卷四十九

十四

喇嘛番目人等私事往來一概不得擅用烏拉
亦不許私發信票即遇公事差遣有必須烏拉
之處須稟明駐藏大臣及達賴喇嘛發給用印
烏拉牌票編定號數沿途方准應用

一罰贖不公及私抄沒家產之弊應行嚴禁也查
唐古忒番民爭訟及犯人命竊盜等事多係罰
贖減免雖循藏番俗相沿一切案件不能按照

內地律例但罰贖多少番俗自有定例亦應按其罪名輕重該罰若干方可以服人心而平獄訟近年以來該管之噶布倫朋什轄密本等割斷不公並向來番例意爲高下遇有家道殷實之人于該罰本例之外加至數倍而所罰金銀牛羊本無一定亦未全數歸公侵漁肥羨勢所必至又噶布倫等每多懷挾私嫌擅作威福或竟將偶犯小過之番目人等捏辭回明達賴喇嘛輒行抄沒家產尤屬貽害無窮嗣後應請將罰贖多寡按照向來舊例譯寫一本交駐藏大臣衙門存案以歸畫一如有應議罪名總須回明駐藏大臣核擬辦理其查抄家產之例除禁索贓數過多者應回明駐藏大臣酌辦外其餘公私罪犯俱令其懲公處治嚴禁私議查抄如

噶布倫等胆敢無故私抄家產者卽行革正仍抄沒該噶布倫等家產給與被害之人以示懲儆一西藏官兵所需火藥應就地配造以節糜費也查駐藏官兵每年操演共需火藥二千餘斤向由內地各管配造運送來藏雖工料自有定價而自打箭爐運至前藏需用腳價甚多經過番地亦不免有偷竊情弊臣福康安到藏時查得工布地方產礮布達拉現存火藥卽係該處配造隨卽差弁前往製造茲查工布製造火藥每百斤共工價銀二十三兩有零所用工料較內地定例昂貴而所用腳價較之內地運來節省至三十餘倍之多兩相比較仍係在藏配製大有節省所有軍需案內運來火藥已到西藏者除軍管用以外尙有餘存現在飭查銀數令各

糧員運回分貯前後藏擇高燥地方收貯儘足
 供數年操演之用尙可無庸配製應俟將現存
 火藥將次用竣祇數兩年備用之時再行在藏
 配造若由駐藏遊擊派人前往工布恐所遣之
 人未妥或致擾累番民並慮有私造透漏之弊
 應核定每年操演火藥數目由駐藏大臣衙門
 發給印票交噶布倫差派誠實番目前赴工布

欽定廓爾喀紀略

卷四十九

七

地方製造解送來藏至藏地產鉛甚少現有軍
 營存剩鉛丸堪以備用俟將用完時再由川省
 運解又內地解來弓箭除軍營應用外亦有藏
 餘應並存留前後藏撥給官兵作為操演之用
 又後藏向無砲位現于臣福康安進兵時所鑄
 銅砲十三尊內撥給二尊令于操演時試驗雖
 頭其餘俱交布達拉存貯

一達賴喇嘛賞給噶布倫戴珠等房屋莊田不得
 私行佔據也查藏內噶布倫戴珠向由達賴喇
 嘛撥給房屋莊田為養家辦公之費如有事故
 出缺自應交與接任者管理乃該噶布倫戴珠
 等竟私行據為已有商上莊田房屋有限豈能
 更換一人即須另撥現在臣和琳與濟隆呼圖
 克圖確切查明嗣後凡噶布倫戴珠等應得官
 房官田隨任交代接替毋許私佔

欽定廓爾喀紀略

卷四十九

七

一商上喇嘛透支錢糧之弊應行禁絕也查喇嘛
 等支食錢糧例應按期領支近年以來每多先
 期透領易致浮支糞混嗣後應令按期支食均
 不准預領交濟隆呼圖克圖隨時查核若因嚴
 禁預領支放或致短少尅扣即將支放之人查
 明究治

一名寨租賦應按年徵收清交商上並查明逃亡
絕戶隨時豁免以卹番民也查藏地各寨應交
租賦物件距前藏較近者係濟仲第巴往徵遠
處寨落均由各該處管官徵收送交商上而不
肖之濟仲第巴管官等將所收租賦拖延不交
致敢侵漁之弊甚或將本年租賦收清復將明
年租賦開徵逃亡人戶亦不豁免番民頗形苦

欽定廓爾喀紀略

卷四十九

十九

界嗣後應令商卓忒巴立限嚴催徵收之濟仲
第巴管官等年清年款不得造限拖延亦不准
先一年預徵租賦其各寨逃亡絕戶實在田畝
拋荒即將該戶租賦豁免俟有佃種之人再行
照例升科如此則經手徵收之人無從侵蝕而
番民等輸納從容得免追呼之擾矣

一駐藏大臣衙門應設譯寫廓爾喀番字通事人

役也查駐藏大臣衙門向設譯字房通事各一
名祇有譯寫唐古忒字之人從不通曉廓爾喀
字跡言語卽唐古忒番民內亦惟近邊一帶尚
通廓爾喀言語竟無一人能識番字者查巴勒
布與廓爾喀言語字跡雖殊尚有兼通之人
等遣兵時

欽定廓爾喀紀略

卷四十九

二十

奏明于巴勒布商人中擇其誠樸可信者帶往軍
管備譯番稟其語悉廓爾喀言語之邊界番民
亦酌帶數人作爲通事傳譯語言俱令互相比
對以免舛誤今廓爾喀投誠向化按期入

貢自有呈遞駐藏大臣稟帖請添設認識廓爾喀
字跡人役一名通曉廓爾喀語言通事一名並
另派唐古忒番民三四名令其學習廓爾喀番
語字跡以備將來充補應役查向例通事譯字

二名每名日支口糧銀六分四釐三絲九毫仍請照例一體支給

一廓爾喀貢使往來應酌派文武官員護送也廓

爾喀震懾

天威傾心向化自請五年一貢差大頭目貢上赴京

聰

觀仰蒙

欽定廓爾喀紀畧

卷四十九

三

聖恩允准嗣後每遇貢期廓爾喀酋長將貢使跟役

人數由何路進口之處預行稟報駐藏大臣即

委糧務文職一員會同定日守備親赴邊界點

明人數預備烏拉送至前藏駐藏大臣酌加賞

犒一箇

奏明一面飛咨四川總督派差文武在打箭爐等

候貢使自前藏起身時即於前藏遊擊及前藏

樞務內差委一員護送至察木多即令察木多

遊擊及該處糧務輪派一員接護前進行至打

箭爐再交川省所派文武護送赴京如此逐段

護送有人而藏內官員送至察木多即可回藏

于本任公事亦可無虞貽誤

以上各條就^臣等管見所及詳加商確公同定

議合詞具

欽定廓爾喀紀畧

卷四十九

三

奏伏乞

皇上睿鑒訓示

福康安孫士毅和琳惠齡又奏言查廓爾喀上

次滋擾總因未見

天朝兵威明知唐古忒軟弱合同所載之語全係沙

瑪爾巴主持寫立有意欺凌實非因貿易啟衅

是以上年將進兵時廓爾喀初遞兩次稟內稱

復藉詞諉罪及大兵深入廓爾喀震懾

天威傾心懾服又經臣福康安嚴行飭駁惟有俯首

認罪繳出合同永不散再提從前一字此時情

形實與上次不同臣福康安在軍營時廓爾喀

節次具稟哀懇惟恐不蒙

恩准是以稟內辭語總求

聖主格外施恩准其歸順與唐古忒永遠和好不敢

欽定廓爾喀紀畧

卷四十九

五

以貿易之事預行瑣瑣臣福康安亦卽置之不

論並未預先允許及大兵撤回濟隴後拉特納

巴都爾稟遵約東稟帖內始稱此後與唐古忒

通商公平交易所用銀錢不敢以一當二及當

個半行使等語既表其改悔之誠又藉以懇求

通市是貿易之事該部落稟內業經提及情詞

迫切並非自我招致且來藏貿易商民全係巴

勒布克什米爾並無廓爾喀本地之人今若概

停貿易勢須將巴勒布商販全行驅逐而克什

米爾通商之路多由陽布而來亦必須全加禁

止况藏內一切食用物件全仗外番一旦嚴禁

商販實于藏番不便倘由官爲經理將貨物等

項彙齊運至交界派員監察又恐派去員弁藉

詞索詐轉收弊端卽如恰克圖地方與俄羅斯

欽定廓爾喀紀畧

卷四十九

五

貿易該處大臣係監察來往商人彈壓市集其

運送貨物詳論價值均非官辦其澳門與西洋

各國貿易定例臣福康安等到粵省時尤所深

知每遇洋船到粵查明粗細各貨按則收稅該

商人等自投洋行議價發賣地方官亦祇稽查

彈壓向不經管交易銀錢之事茲查藏內貿易

資本有限尙不及澳門等處千百分之一俱由

巴勒布商醫自行販貨自行零售唐古忒又無
 開行承攬之人無從代為經理前經_臣等再四
 籌畫請將外番商人來藏者酌定次數由駐藏
 大臣給照往來令江孜定日兩汛官弁稽查入
 數其邊界零星交易彼此常有令該管官就近
 隨時約束毋許私越似已可便番情而示限制
 蓋因邊界地方犬牙相錯尋常互易鹽米並無
 巨商大賈捆載而來原係邊地番民與接壤居
 住之巴勒布番民就近易換至多不過數包且
 有少至升合者未便定以次數予以限期此等
 窮番祇係在交界地方零星市易藉謀口食實
 與到藏商民及興販貨物者不同不得不分別
 辦理此係藏內實在情形也且廓爾喀資於藏
 地之物無多而藏番日用必需邊外物件如米

欽定四庫全書

卷四十九

三

石布疋果品糖食香料銅鐵等物均須向外番
 購買似有難於禁絕之勢_臣福康安係辦理此
 事之人_臣和琳係駐藏大臣若貿易之事將來
 易啟爭端必不肯祇顧目前稍貽後患_臣等公
 同商酌體察再三不敢不據實奏
 聞恭請
 訓示均奏入

欽定四庫全書 卷四十九 三

上命軍機大臣會同大學士九卿詳議具奏旋經議
 覆應如所奏辦理

上從之

_臣等謹案古聖王聲教之隆漸被暨訖在遠
 莫禦然未有地越火荒方外殊俗而能一道
 同風相率蕩平之路者西藏久隸
 天朝涵濡化澤而遠賴喇嘛專以焚修梵誦為事不

諸世法前此駐藏大臣又或狃於故習因循
苟安一切規制科條尙多踈畧茲當廓爾喀
傾心吐款邊境肅清仰蒙

皇上睿運廣淵計周慮密藏中善後章程經畫區處
綱舉目張悉皆稟自

聖裁定爲令甲因地制宜可以久而無弊從此遐陬

荒服一與編氓無異考稽往牒實爲罕見豈

欽定廓爾喀紀畧

卷四十九

三

非千古獨隆也哉

欽定廓爾喀紀畧卷四十九

欽定廓爾喀紀畧卷五十

正月二十七日辛福康安孫士毅和琳懇請奏

言上年廓爾喀滋擾後藏地方運送軍需等項

設法轉輸雖需用浩繁自應恪守成例不使稍

有浮多致滋糜費惟是此次軍營路險途長地

勢天時不特與內地不同並與他處用兵迥異

查自成都至軍營計程一萬數千餘里核其道

欽定廓爾喀紀畧卷五十

里十倍金川且自打箭爐出口跬步皆山冰雪

層積衛藏一帶處處荒山峻嶺草木不生至濟

隴毒拉木以外懸崖一線尤爲陡窄異常道路

之艱難逾遠久在

聖明洞鑒之中臣福康安臣惠齡自前藏至軍營臣

孫士毅臣和琳均由打箭爐出口臣和琳亦會

行抵後藏沿途情形俱係親身目擊當軍需緊

急之時自應通融辦理以速轉運未便拘泥貽

誤臣等隨時查察經手官員斷不能稍有侵漁

虛飾第所增雖係實用而經費究屬有常現在

體察情形公同確核如漢番人夫加增加賞應

以里民幫貼之項支給又官兵賞項衣履應由

臣等公捐又出口之候補試用丁憂各員酌給

路費及一半養廉應於未調各員養廉內公攤

欽定廓爾喀紀畧卷五十

此皆係例外動用之款均請毋庸開銷謹另繕

條款清單恭呈

御覽其有因時地不同格於成例者共有四款臣等

謹另單開列據實

奏明仰懇

皇上恩鑒交部存案以便照臣等所奏核實報銷不

致冒濫此外如有與例不符零星款項將來核

明具

奏一併歸入副銷項下攤賠以杜浮冒而歸節省

同日福康安又奏查總兵張芝元素能撫馭

降番屯練各兵此次隨在臣福康安隊內進剿

兼帶兵丁開修道路甚爲奮勇出力及深入賊

境後復派在東覺協布魯一帶防守後路亦能

嚴密巡查不辭勞瘁該鎮因積勞之後觸染瘴

欽定平定回疆方略卷五十一

三

癘八月中已在軍營患病九月初間撤回濟甌

病勢日加延至九月十七日病故至查出上次

廓爾喀謝

恩表貢一案係翼長德楞泰送廓爾喀頭目赴邊界

後回至工達密向臣福康安等面稟其時張芝

元業在濟甌病故無由得知均奏入

上命軍機大臣傳諭福康安孫士毅和琳惠齡曰據

福康安等奏查明軍需實用款項分別請捐請銷

一摺所稱分賞索倫滿漢屯土各官兵衣服銀兩

牛羊等項並照料病兵費用除將恩賞銀兩給發

外尙用銀二萬餘兩請公捐歸款一節此等官兵

奉調赴勦跋涉遠道殊爲勞苦而福康安等督兵

籌運懋著勞動所有此項賞銀不必令福康安等

自行捐辦已諭令該部於核議時准其作正開銷

欽定平定回疆方略卷五十一

四

用示體恤至所奏查明張芝元實係在濟甌病故

緣由張芝元向來帶兵打仗尙爲出力此次進剿

廓爾喀亦屬奮勇雖前次與廓爾喀許銀說和一

事伊曾經與聞但其事究係巴忠主持張芝元職

分較小不能不聽從差委其咎尙有可原今經福

康安等查明委係觸染瘴癘在濟甌地方病故殊

爲可憫著加恩賞給銀五百兩以資喪葬之費並

著惠齡查明伊子內如有年已長成者於服闋後
送部帶領引見以示軫恤

同日福康安孫士毅惠齡和琳又奏言此次軍

營打仗將弁臣福康安等據實保奏遲荷

恩准尙有委令趕運沿途軍需火藥及催僱人夫往

來東西兩路不辭勞苦似應擇其最為出力者

獎拔數員以示鼓勵查有來藏安臺告請出兵

欽定藏臺略記

卷五十

五

之陝西鞏昌營遊擊雷仁甘肅督標遊擊楊宗

澤又有四川建昌營都司呂朝龍馬邊營都司

陳起鳳奉

旨赴藏聽候差遣之守備銜田占魁斥革提標前營

外委單大雄盡瘁馳驅晝夜催餉軍營得資接

濟又四川城守營叅將楊長棟在口外理塘巴

塘察木多恩達一帶總理馬匹人夫於數千里

之遠校職查催實能不留餘力內叅將楊長棟
遊擊楊宗澤都司呂朝龍三員應請

旨賞戴花翎遊擊雷仁前於金川軍營得有藍翎陞

任遊擊引

見時復家

恩賞戴花翎應請

旨將雷仁卽以陞缺補用守備銜田占魁以守備卽

欽定藏臺略記

卷五十

六

用都司陳起鳳前因該管汛兵遞送成德謝

恩招跌入雪窖一案臣孫士毅

奏請交部嚴議外委單大雄亦因此斥革均係公

過且經臣孫士毅聲明該員等彼時均未在站

應請

旨將陳起鳳留任單大雄仍以原官補用庶使戎行

共感

皇仁將來遇有差遺自必益加感奮力圖報效再糧

運艱阻之時飭令道員林倘辦理長運有後裁

克什米爾回民阿奇木覺爾領價辦運糧石始

能接濟實爲奮勉得力其隨營辦運番目番民

及通事等俱聽賊情蹈探道路並將訊問供詞

據實傳譯均屬勤奮查阿奇木覺爾係外番回

民竟能實力運供糧餉實屬可嘉酌將阿奇木

欽定庸庸錄

卷五十

七

覺爾獎給五品頂戴其餘若譯字通事孫天成

羅萬年及辦糧之卓尼爾格桑拉布丹第巴圖

多獎給六品頂戴通事程鵬萬番民瑪景諾爾

布納木結巴勒布商人巴凌覺丹達爾興及幫

辦長運之迭吉拉布丹等十二名均請獎給金

項奏入

上諭內閣曰大兵進剿廓爾喀糧運軍火最關緊要

催運出力人員自應量加獎拔所有四川城守營

參將楊長棟甘肅督標遊擊楊宗澤四川建昌營

都司呂朝龍俱著加恩賞戴花翎仍以應陞處記

名先用陝西鞏昌營遊擊雷仁著卽以陞缺補用

守備銜田占魁著以守備卽用馬邊營都司陳起

鳳提標外委單大雄前因該管訊升馳遞奏摺跌

入軍營一案分別嚴議斥革念其均係公過陳起

欽定庸庸錄

卷五十

八

鳳著加恩仍留原任單大雄著仍以原官補用至

克什米爾回民阿奇木覺爾辦運既屬奮勉著加

恩賞給五品頂戴並給與花翎其譯字通事之孫

天成羅萬年及辦糧之卓尼爾格桑拉布丹第巴

圖多著賞給六品頂戴所有通事程鵬萬番民瑪

景諾爾布納木結巴勒布商人巴凌覺丹達爾興

及幫辦長運之迭吉拉布丹等十二名均著賞給

金項以示鼓勵

二十八日壬戌

上諭內閣曰此次福康安等在藏前次奏到籌辦善後事宜定立章程詳備周妥可期經久無弊殊堪嘉獎福康安孫士毅和琳懇請俱著交部議敘至直隸河南山西陝西四川等省安設臺站馳遞文報並照料經過官兵去迴均能妥速無誤各該督撫亦著交部議敘其承辦驛站之文武員弁並著各該督撫查明一併咨部分別議敘以示獎勵

二月初一日甲子

上諭軍機大臣傳諭福康安和琳成德日前因布達拉商上銀錢出入皆係商卓忒巴噶布倫等經營達賴喇嘛係出世之人惟事芟修誦經不諳世法而達賴喇嘛親族左右用事往往乘機舞弊任意

侵漁是以降旨令駐藏大臣稽查總核不使仍前浮濫其達賴喇嘛自用公用等項仍照舊聽其自行支用不可管束大過原以示體恤而杜弊端嗣據福康安等奏定章程所有商上收支一切因濟噶呼圖克圖住居布達拉耳目較近應令駐藏大臣與濟噶呼圖克圖隨時稽核出納立法已爲周密現在衛藏添設唐古忒兵丁每年所需經費雖降旨令將抄出叛產歸入商上以公濟公但恐該處商上蓄積尚不能多有羨餘達賴喇嘛應需日用之項難以取給嗣後竟著於辦公項下每年賞給達賴喇嘛銀一千兩俾得用度充裕以示格外體卹恩

欽定大清會典事例

卷五十

十

施其商上收支出納等項駐藏大臣等更可核實稽查不准絲毫侵冒皆所以爲達賴喇嘛及撫綏衆番也倘噶布倫及達賴喇嘛之親族左右再有

借端浮支之處卽著駐藏大臣隨時查究辦理此時福康安想已接奉前旨起程在途此事卽著駐藏大臣曉諭達賴喇嘛俾其益加感激

初四日丁卯福康安孫士毅和琳惠齡成德奏言

臣等欽奉

諭旨嗣後出有呼畢勒罕竟可禁止吹忠降神將所

生年月相做數人之名專用金木巴瓶合達賴喇

蒙古通譯總覽

卷五十

十一

麻聖鏡指定以昭公允欽此仰見我

皇上秉正黜邪不墜黃教至意臣等跪誦

聖訓剴切詳明實可警悟愚蒙祗除蔽惑查達賴喇

嘛班禪額爾德尼及大呼圖克圖轉世當其立

教之初前數輩或尙不迷本性此後出世之呼

畢勒罕是否竟有根氣其事原屬渺茫未必確

有徵驗亦未聞有真能記憶前生來歷認取前

輩物件者然無此轉世之呼畢勒罕則眾喇嘛等無所統屬皈依轉難安輯仰惟

聖主振興黃教之意亦因各部蒙古番俗崇信佛法因勢利導以便方俗而安外藩是以向來每遇吹忠指出之人一經奏明奉

旨作爲呼畢勒罕後遠近蒙古番衆數十萬人悉皆信以爲真一心供奉其吹忠所作之法不過扮

蒙古通譯總覽

卷五十

十一

作神裝誦經祝禱忽稱神已附體持刀跳舞

搖首噓氣判斷年歲豐歉有無痘症間有小驗

及神去後吹忠倏若甦醒問以前語懵然不知

番民等遂爾深信不疑至於用刀自扎背條向

來神奇其說傳聞不確其實並無此事臣等先

後到藏俱會親見吹忠降神舉祟一至街市萬

眾擁觀有長跪遞送哈達者有免冠叩求摩頂

者排比競進奔走若狂或被吹忠舞刀時候行剗

傷其人卽口誦佛號欣喜過望皆謂身受此傷

永無災病其愚誕一至於此臣等以其過於信

奉當傳大喇嘛及番目等將吹忠荒唐之處詳

切問等而喇嘛番日等相視咋舌不敢吝言惟

恐罪過觀其如此傾心信奉竟非言語所能譬

解茲臣等復遵

欽定廣輿記卷五十一

五

旨傳集吹忠令在大昭撥演幻術皆稱向來祇係辟

神附體宣達神語此外並無別術試令降神仍

與臣等從前見聞相似總之此等妄誕不經之

事本不可信無如唐古忒僧俗人等賦性甚愚

終日禮佛誦經無非爲福田利益起見求其能

通上乘不信虛妄者竟不可得錮習相沿驟難

破其愚或現蒙

聖主振興黃教

頒發金本巴瓶供奉大昭凡有吹忠認出之各呼畢

勒罕總以入瓶籤掣爲準既可堅番民信奉之

心又可潛杜從前彼此授意私相傳襲之弊實

屬法良意美雖吹忠之指認呼畢勒罕不甚可

憑信但不由吹忠指認不持籤上無憑問寫轉

難入瓶備掣尤恐各呼畢勒罕之徒弟衆多紛

欽定廣輿記卷五十一

五

紛冒認弊竇叢生更屬毫無實據且吹忠不過

四名卽降神所指之呼畢勒罕亦不過數人而

止今旣專用

欽頒金本巴瓶掣籤卽吹忠所指不盡可信而於瓶

內掣出承嗣衣鉢自可令僧俗人等同心悅服

從前弊竇似可革除現在如有應出之呼畢勒

罕不拘大小呼圖克圖卽遵

首先行試掣以垂法制奏入

上命軍機大臣傳諭福康安和琳成德曰前因吹忠向來所指呼畢勒罕雖不止一人但人人向其囑託總有一人指得與吏部掣籤堂吏指缺撞騙相等是以發給金本巴瓶令將吹忠認出之呼畢勒罕總以入瓶掣籤爲準卽吹忠所指不盡可信而於瓶內掣出令其承嗣衣鉢較前自屬公允惟當隨時稽察防其流弊不使任意妄指至吹忠降神一事雖番衆相沿日久一時驟難革除但當此整飭藏務之時總當傳來面試卽不以吞刀剗肉等事令其搬演亦應將難試之事窮其伎倆俾番衆等共知其妄積弊自可漸除此時福康安如尙在藏內仍當公同試驗若福康安接奉前旨業已起程卽令和琳等遵照諭旨再爲面試務令吹忠不

欽定廓爾喀紀略

卷五十

五

能行其幻術番衆不爲所愚方爲妥善

二十九日^{壬辰}福康安孫士毅和琳惠齡奏言查乾隆五十三年巴忠來藏於達木達途次具奏巴勒布早有生事信息索諾木旺扎爾一聞廓爾喀犯界畏罪服毒身死等語巴忠到藏後又奏稱聶拉木私行加稅索諾木旺扎爾苦累巴勒布商人種種舞弊巴勒布不得已而犯藏此皆係索諾木旺扎爾一人專橫所致請將伊子承襲扎薩克頭目等台吉三處停止該噶布倫實係病故並非服毒等語^臣等到藏以來確加訪問緣五十三年廓爾喀會於五月內寄信達賴喇嘛欲藏內行使廓爾喀新鑄銀錢以一當二其說毫無情理本屬難行商上尙未議定六月內卽已犯邊此係廓爾喀聽從沙瑪爾巴唆

欽定廓爾喀紀略

卷五十

六

使故借必不能行之事為發難之端其實起事
根由並非索諾木旺扎爾苦累巴勒布商人私
加稅銀所致總因廓爾喀係邊外極邊小番向
來未通

聲教不知

天朝兵力又深悉唐古忒懦弱藏中距內地險遠是

以逞兵搆孽敢於欺凌此次震懾

欽定廓爾喀紀略

卷五十

七

天威誠心歸順自認從前之罪永不敢再滋事端並

未稟訴他事其實情已可概見至於收稅一節

除鹽米外其餘貨物俱係到藏時由商卓忒巴

征收本不由噶布倫經手臣等詢問巴勒布商

頭巴特巴第畢樹那達巴凌覺等皆稱索諾木

旺扎爾並無勒買物件苦累眾商情弊若果有

派累苛索之事豈肯反為隱瞞等語是該噶布

倫加稅累商等事反覆查詢不能得有實據從

前廓爾喀並未向駐藏大臣衙門將此等事件

呈控案查巴忠等前卷亦均無呈控之語至索

諾木旺扎爾因久患目疾將噶布倫開缺實係

嗜酒得疾身故臣等詳悉訪查實無服毒之事

看來巴忠查奏上次起衅根由總欲謂廓爾喀

種種受唐古忒欺凌不得已而犯藏以便說和節

欽定廓爾喀紀略

卷五十

大

次所奏大半荒唐捏飾緣巴忠賦性執拗曾經

在藏學譯頗知藏番愚懦畏事情形欲照向來

夷情辦理豫存將就之見故於途中即停止備

調兵丁又先奏唐古忒召衅情節為完事張本

毫不顧事理輕重致留後患及伊事竣回至巴

塘奉到

諭旨飭責以官兵並未乘機深入不應坐守為受降

之計當據巴忠覆奏因其起衅有因故未將巴勒布痛加征勦等語觀伊此奏其歸過藏番專擅公事之意實已情見乎詞現在確查情節尙非索諾木旺扎爾首先激變亦無另有營私起衅之人惟是該噶布倫平日自恃才幹任性凌人過於嚴刻第巴頭目等多被杖責是以人情怨恨噴有煩言謂其聲名不好及查其婪索款

欽定大清會典事例

卷五十一

五

蹟又復毫無實據論其情罪將伊世襲扎薩克台吉革去已足蔽辜可否免其查抄家產之處伏候

聖訓奏入

上命軍機大臣傳諭福康安孫士毅和琳惠齡曰福康安等覆奏查明索諾木旺扎爾並無苦累巴勒布商人私加稅銀之事自係實情伊世襲扎薩克

台吉業已革去所有家產毋庸再行查辦前因安南國王阮光平病故降旨令福康安迅速馳赴粵西以資鎮撫今福康安等奏到摺內尙無在藏起身日期深爲厭注至孫士毅惠齡現在藏內辦理察木多以西奏銷將次完竣自當即回成都查辦東路銷算事宜且省中亦有應辦地方事件豈可無事在藏逗留多日轉致地方要務多有延誤著福康安將何日接奉前旨馳赴粵省孫士毅惠齡於何日起身回至成都之處一併迅速覆奏

欽定大清會典事例

卷五十一

五

同日福康安孫士毅和琳惠齡又奏言竊上年十一月內接到拉特納巴都爾等來稟及寄弟烏達特塔巴等信件經臣福康安發檄曉諭茲據聶拉木營官遞來該部長稟帖譯出閱看係普都爾幫哩等回稟傳諭敬謹遵奉約束並前

派穆克登阿赴扎木一帶定立邊界一一遵行

不敢有違與前次呈遞_臣福康安及穆克登阿

稟帖詞意相同蓋緣_臣福康安前次所發回諭

因邊界大雪封山必須繞道行走其時尙未遞

到是以復具此稟並計_臣福康安將次回京復

命故又將謹遵教訓永享太平不敢絲毫有違等語

反覆申明與倖_臣福康安回京時將伊小心遵

欽定廓爾喀紀畧

卷五十

三

奉情節代爲陳奏觀其辭意極爲恭順又附稟

呈送該處所產馬米七包以表其依懇之忱_臣

福康安現已酌加賞發諭獎勵並將_臣和琳

係

天朝大學士和珅之弟經

特旨簡派來藏整飭鎮撫以後爾部落有呈報事件

卽當稟知_臣和琳核奪如_臣和琳有曉諭事件

務須敬謹遵奉以冀永受

聖恩_臣和琳現亦酌賞一併發去奏入報

聞

欽定廓爾喀紀畧

卷五十

三

欽定廓爾喀紀畧卷五十

欽定廓爾喀紀略卷五十一

三月初八日辛福康安孫士毅和琳惠齡奏言

竊廓爾喀恭進象隻馬匹繞道來藏因哲孟雄

宗木道路難行未曾修整該部落生計貧窘亦

難備辦米料因繞由巴爾底薩雜哩部落於上

年十二月十二日始入布魯克巴境內十五日

啟程前進所過各部落無不欽仰

欽定廓爾喀紀略卷五十一

天朝威德遠臨預格米石草料每到一處添人護送

逐站餵飼象馬及經過布魯克巴之烏堆崖一

帶地方山路逼窄經額爾德尼第巴派人修理

道路護送前進現于正月十二日行抵帕克里

已達藏界亦布魯克巴部落因廓爾喀所貢象馬

經過派人護送修整道路伺備米石草料極為

恭順並專差遞送臣福康安臣和琳稟帖覆片

番綢卡突緞等物臣等未經收受用好言撫慰

獎勵酌賞銀兩緞疋其巴爾底薩雜哩向來未通

聲教亦能小心護送供支豐備甚屬可嘉已一併

賞給緞疋以示體卹再查帕克哩邊界緩程至

前藏約及一月可到臣等早飭各營官預備邊

音以馴象一隻

賞給班禪額爾德尼就近由江孜前往俟到藏再以

欽定廓爾喀紀略卷五十一

馴象一隻

賞給達賴喇嘛俾番民皆得覩遠方貢物以示

武功其餘馬疋象隻若由察木多打箭爐一帶進

口送京山嶺重疊路徑險巖斷不能行應在前

藏喂飼一兩月於四月間亦雪漸消青草萌生

時派員由青海一路續程從西寧進口臣和琳

知會西寧大臣陝甘總督並請

勅下沿途各督撫一體照料

福康安孫士毅和琳惠齡又奏言去年二月間

臣福康安會檄諭廓爾喀接壤各部落各令發

兵協勦所有布魯克巴哲孟雄宗木等處多稱

天氣炎熱兵力單弱不能進攻而作木朗久被

廓爾喀搶佔遠遁至西哩木嚕地方不能振作

節經奏蒙

欽定方略紀畧

卷五十一

三

聖鑒惟披楞道路遙更在廓爾喀之外達賴喇嘛

班禪額爾德尼特派阿雜拉喇嘛蘇納格哩一

名唐古忒通事一名賚臣福康安檄文及達賴

喇嘛班禪額爾德尼諭帖前往幾及一載尙無

信息昨據蘇納格哩等差伊姪喇嘛達齊格哩

自披楞前來於本年正月十三日到藏據稱唐

古忒通事中途病故蘇納格哩因病留于披楞

調養不能行走另差我賞送京帖前來臣等詳

細詢問達齊格哩言語甚爲明晰據稱蘇納格

哩等於上年三月自帕克哩出界取道布魯克

巴等處部落道路險遠于六月中始至噶哩噶

遠卽係披楞部落爲第里巴察所屬該處自稱

爲噶哩噶達其別部落人稱爲披楞該處番民

信奉回教部長果爾那爾係第里巴察所放另

欽定方略紀畧

卷五十一

四

爲一教不信佛法惟阿雜拉喇嘛有佛廟一座

距部長官寨不遠每日令喇嘛一名在官寨值

日通譯文書藏內所差蘇納格哩等未到之前

廓爾喀聞知大兵已到前藏於上年五月間預

行差人赴該部落求救那時我正在官寨值日

聞得該部長果爾那爾向廓爾喀來人告稱唐

古忒服屬

天朝就是

天朝的地方你們不知分量與唐古忒鬧事就是得

罪

天朝我這裡的人常在廣東做買賣

大皇帝恩典甚重我豈有不效順

天朝轉幫助你們的道理我與唐古忒不是一教尚

且不敢鬧事何況你們住的巴勒布地方本有

欽定廓爾喀紀略

卷五十一

五

經典爲什麼倒去滋擾藏地那時廓爾喀頭人

回稱開得

天朝兵來的多我廓爾喀抵擋不住就要滅了既然

不肯幫助務必替我們轉求大將軍饒恕前罪

准令投降噶哩噶達部長說你們既如此懇求

這還使得我就寫稟帖去嗣後你們總要安分

常常在

天朝進貢必得好處隨即寫了回書發還一月之後

藏內所差之蘇納格哩到彼該部長當即與之

相見告稱你來得甚好前月廓爾喀差人來求

救我因噶哩噶達的人由海道往來常到

天朝廣東地方貿易久受

大皇帝天恩斷不敢得罪

天朝幫助別國

欽定廓爾喀紀略

卷五十一

六

天朝聲威力量我是知道的我亦不肯自己惹事我

已經寄信廓爾喀叫他安靜守法若是他不敢

鬧事還求大將軍饒恕他這一次現在雨水甚

大不能差人前來冬天還要來藏代爲乞恩並

勸唐古忒與廓爾喀和好今先交你帶去稟信

共三件你先替我在大將軍前請安代稟正在

起程之時因蘇納格哩染患病症調理一兩個

天朝恩德唐古忒久屬

天朝席爾喀即不應與之尋覺所言甚屬有理至該

部長欲差人前來代為調處勸令唐古忒與席

爾喀釋嫌修好固不出番夷講和故習然其稟

內敘述該部落會通

聲教深知感畏

聖主恩威辭意極為誠懇即其戒飭席爾喀之語亦

欽定席爾喀紀略卷五十一

八

頗能知大體計算披撈發稟之時尚未知席爾

喀悔罪投誠信息故有差人前來之語臣福康

安現已發給檄諭宣示

聖主威德並諭以官兵收復藏界深入席爾喀境內

連戰克捷拉特納巴都爾等十分畏懼屢次哀

懇遣大頭人赴京進

表及象馬等貢物仰蒙

月尚不能行動恐怕遲誤是以差我于八月內

起程來藏賞稟投送等語臣等將該部長稟信

譯出閱看與達齊格哩所言符合伏查第哩巴

察在甲噶爾各部落中土宇較廣所屬最多噶

哩噶達為第里巴察屬部中之大部落與席爾

喀南界毗連為邊外極邊之地該處番民既在

廣東貿易想來即係西洋相近地方臣福康安

欽定席爾喀紀略卷五十一

七

臣孫士毅在粵時未知有噶哩噶達部落或係

稱名偶異亦未可定臣福康安于上年檄諭該

部長令其發兵協助原不過欲稍分席爾喀之

勢原非專賴外番兵力今該部長接到臣福康

安前檄十分恭順仰見我

皇上聲威遠播海宇向風之盛據稱該部落在粵東

貿易素受

大皇帝好生之德俯念圖部落生靈不忍概予誅滅
恩准投降赦原前罪已於八月內散兵從此廓爾喀
恭順

天朝斷不敢侵犯唐古忒境界毋庸爾部落遣人前
來徒勞跋涉如此明白宣諭使知我

皇上恩威並用討叛舍服至意荒微番夷自必益加

敬服至所遣達賴喇嘛及班禪額爾德尼商卓

欽定廓爾喀紀畧

卷五十一

九

忒巴信件辭意均屬相同查後藏尙卓忒巴即

係歲琿堪布伊係班禪額爾德尼管事之人未

便令其與外番通信現今達賴喇嘛與班禪額

爾德尼共擬寫回信一封由_臣等酌改發去均

奏入

上命軍機大臣傳諭福康安孫士毅和琳惠齡曰福

康安等奏廓爾喀進貢象隻馬匹在途行走情形

各摺據稱廓爾喀進貢馬匹因哲孟雄宗木道路

難行繞由巴爾底薩雜哩部落行走布魯克巴等

俱派人護送並預備草料餵飼等語布魯克巴部

落見廓爾喀進貢象馬經過該處即派人護送供

支極爲恭順而巴爾底薩雜哩部落向來未通聲

教亦能派人照料供支尤爲馴謹可嘉著賞給大

荷包一對小荷包四個蟒錦綬四疋以示嘉獎計

欽定廓爾喀紀畧

卷五十一

十

此旨到時若福康安已經起身即著和琳將賞賜

物件頒給至廓爾喀所進象馬經福康安等遵旨

分賞達賴喇嘛班禪額爾德尼各一隻外其餘象

隻馬匹若由察木多打箭爐一帶進口未免道路

嶮崎福康安等請在前藏暫行喂養俟四月間冰

融草長時派員由青海一路覘程由西寧進口適

與朕意相合自應如此辦理又福康安等奏接到

披楞來京發微宣諭各緣由所辦俱好至藏內拉穆吹忠一事前據福康安等續奏親加試驗俱不能用刀自扎以舌舐刀但若竟革去吹忠勢不能將前後藏器具聰明之幼孩遍加試驗等語所奏尚屬未嘗吹忠等所習幻術尚不及內地之師巫積習相沿最爲可笑若仍由該吹忠等降神指認伊等皆可聽受囑託假托神旨任意妄指雖由金

欽定四庫全書

卷五十一

十一

本巴瓶內籤掣而所掣之人仍不能無徇情等弊不過係一二權勢之人主謀而吹忠四人內大約卽係拉穆一人主持其弊已可概見嗣後如遇應出呼畢勒罕時原不必將前後藏所有報出幼孩盡皆試驗祇須由駐藏大臣就所報之人查其畧有家世及素有聲望之戶所報幼孩擇其有福相聰慧數人人生年月日歸瓶籤掣微賤戶屬及相貌

陋劣者原可量加刪汰毋庸一併籤掣此事惟在駐藏大臣主持秉公辦理本無格礙現在達賴喇嘛班禪額爾德尼年俱少壯尙無應出呼畢勒罕之事將來如遇有此等事和琳等總當遵照辦理一二次後該處僧俗人等掣籤指定公平允協自必共相信服漸知從前吹忠等之妄誕無稽其吹忠作法降神之處自可漸行革除

欽定四庫全書

卷五十一

十一

三月初九日

壬寅

上諭內閣曰上年進勦廓爾喀所調屯練降番冒險攻碉奮勇出力前經降旨令福康安等節次獎賞現在該兵等俱已撤回以次歸屯念其步行遠涉甚爲出力勞苦備至著惠齡再行查明每名各賞給銀三兩以示格外施恩鼓勵屯兵至意

十五日

戊申

上諭內閣曰達賴喇嘛班禪額爾德尼係宗喀巴大弟子世爲黃教宗主衆蒙古番民素相崇奉近年因指認呼畢勒罕之古爾登巴等法術無靈不能降神且徇情妄指或出自族屬姻婭或出自蒙古汗王公等家竟與蒙古王公八旗世職官承襲相似論以佛法必無此理甚至噶布倫丹津班珠爾之子亦出有呼畢勒罕以致衆心不服沙瑪爾巴

欽定大清會典事例

卷五十一

遂乘機起意謀佔班禪遺產唆使廓爾喀搶掠扎什倫布達煩大兵聲罪致討朕護衛黃教欲整飭流弊因製一金本巴瓶派員責往設於前藏大昭仍從其俗俟將來藏內或出達賴喇嘛班禪額爾德尼及大呼圖克圖等呼畢勒罕時將報出幼孩內擇選數名將其生年月日名姓各寫一籤入於瓶內交達賴喇嘛念經會同駐藏大臣在家前籤

製以昭公當又衆蒙古地方舊有各旗部落供奉之呼圖克圖甚多此內大小不等如槩令赴藏交達賴喇嘛會同駐藏大臣製籤不免煩擾且路途遙遠軫念衆蒙古力量維艱因於京城雍和宮內亦設一金本巴瓶如蒙古地方出呼畢勒罕即報明理藩院將年月名姓繕寫籤上入於瓶內交掌印扎薩克達喇嘛呼圖克圖等在佛前念經並交理藩院堂官公同製籤其從前王公子弟內私自作爲呼畢勒罕之習永行停止朕之此旨原爲近來蒙古番民等失其舊時淳樸之風不思佛法但知圖利必致謀奪財產求爲呼畢勒罕久之亦如沙瑪爾巴之唆訟壘疊滋事朕甚憫焉是以爲此掃除積弊潛移默化各蒙古自當共知感激副朕衛護黃教至意乃喀爾三音諾彥部落額爾德尼

欽定大清會典事例

卷五十一

班第達呼圖克圖回寂後其商卓忒巴那旺達什尋覓呼畢勒罕赴藏懇達賴喇嘛班禪額爾德尼拉穆吹忠指示達賴喇嘛等原不能先知無從確切指認反向商卓忒巴詢問名字而商卓忒巴遂私指出圖謝圖汗之子呈報理藩院具奏朕以此事可疑其中必有弊竇因一而派令松筠前往喀

爾喀查詢車登多爾濟等一面派令奎舒帶同扎

欽定四庫全書

卷五十一

五

薩克喇嘛格勒克那木喀前赴額爾德尼班第達

呼圖克圖遊牧附近無論台吉屬下人等于其圖

寂後一年內所生俊秀端方幼孩逐加詢訪數人

並令軍機大臣詢之商卓忒巴那旺達什彼即供

伊師曰寂後爲尋呼畢勒罕至哲布尊丹巴呼圖

克圖廟內行禮在額爾德尼昭廟地方遇見圖謝

圖汗車登多爾濟據伊告稱伊生一幼子生時有

一點微光那旺達什即問明此子年庚及父母歲

數又回至公額林沁多爾濟家問及伊子年庚及

父母歲數前往藏內向拉穆吹忠求其指認而拉

穆吹忠初次二次所指不明那旺達什慮及再往

多費復求切實指示拉穆吹忠看出情形用言試

探那旺達什遂將車登多爾濟暨額林沁多爾濟

二人之子向其告知拉穆吹忠遂指車登多爾濟

欽定四庫全書

卷五十一

五

之子是呼畢勒罕等語並據松筠奏訊明車登多

爾濟酉年生子生時有一點微光曾告知那旺達

什又額爾德尼昭廟年久未修欲行粘補恐有違

碍令那旺達什赴藏之便在達賴喇嘛處請示所

有呈遞哈達滿達銀兩一併帶去達賴喇嘛以額

爾德尼昭廟修理無妨回覆據所奏情形此卽車

登多爾濟賄囑將伊子指爲呼畢勒罕之明証豈

能逃朕洞鑿乎此事適當朕降旨立法之初車登多爾濟輒巧爲嘗試若各蒙古相率效尤成何政體此端漸不可長且佛法以虛寂爲宗無來無去故釋迦涅槃後並未出世卽宗喀巴闡演黃教亦未出呼畢勒罕遂賴喇嘛班禪額爾德尼係宗喀巴之二弟子始世世出有呼畢勒罕轉世共掌黃教有年從前指認呼畢勒罕尙無情弊且藏內亦

欽定四庫全書

卷五十一

七

必須有統攝之人是以循照舊例相沿辦理卽如康熙年間有一丹巴呼圖克圖呼畢勒罕出世時能自述前世之事故封以清修禪師後復授爲五臺山扎薩克喇嘛乃竟因貪酒漁色滋事妄爲卽行革退似此能言前事之真呼畢勒罕尙不免改絃易轍况拉穆吹忠行私所指之呼畢勒罕轉可信以爲實乎且佛經秘密戒門能先知一切者必

須能定心運氣觀想正法直來上乘方能夢中預

知是非空色今之達賴喇嘛甫學經卷並未克臻

極詣豈能有此法力况爲吹忠之古爾登巴又不

能降神用言試探所措更屬荒唐又焉能知真呼

畢勒罕耶車登多爾濟從前因私給烏拉票一案

卽當從重治罪經朕曲賜矜全復令在乾清門御

前行走仍賞給花翎黃褂授爲副盟長伊應如何

欽定四庫全書

卷五十一

八

感激思奮今轉如此有心嘗試圖占便宜本當重治其罪姑念其不待到京質訊卽行據實供出尙知畏法可以量從末減車登多爾濟著革去汗爵花翎黃褂加恩賞給頂戴令其卽由張家口回赴游牧安分自悔其汗爵仍施恩令伊嫡子敏珠爾多爾濟承襲蒙古汗王貝勒貝子公台吉等爵世襲罔替已屬尊榮卽如車登多爾濟褫罪革爵仍

得以伊子承襲又何必欲占一呼畢勒罕復謀喇嘛之利在伊等私認呼畢勒罕之意不過欲使一子襲爵又使一子爲呼畢勒罕可得喇嘛財產遂不問其僞妄相援引殊屬見小可謂知有利而不知有義矣商卓忒巴有意營謀汗王子弟爲呼畢勒罕代求達賴喇嘛拉穆吹忠附合妄指其罪甚

重著剝去黃衣發往河南地方安置薩木丕爾多

欽定四庫全書

卷五十一

五

爾濟等不審察是非輒行賄徇情而轉爲咨報俱屬非是著交理藩院嚴加議處朕辦理庶務一秉大公惟視其人之自取蓋此事之不得不徹底究辦者原爲近年黃教之習愈趨愈下若不亟加整飭必致衆蒙古惟知牟利罔識佛教正宗復破壞法之吹忠古爾登巴等所愚陷於罪戾良用惻然特示創懲爲保衛之計是以不准蒙古王公之子

弟爲呼畢勒罕從此各蒙古番衆等益當共喻朕維推黃教正所以厚愛伊等並非不令其尊崇佛教不許布施達賴喇嘛及班禪也經義中本以布施爲上六般若亦以施捨爲首達賴喇嘛各呼圖克圖等積財既多亦應散濟貧苦不得少存吝嗇朕方鼓勵蒙古等令其布施但不可如噶勒丹西

錫勒呼圖克圖私遣徒衆往各處募化耳嗣後各

欽定四庫全書

卷五十一

五

蒙古番民僧俗人衆務當仰體朕意各關愚蒙永除爭競以期共安樂利伊等雖不能深悉精微但卽以那旺達什前赴西藏所費而論其呈遞達賴喇嘛班禪額爾德尼拉穆吹忠禮物及各廟熬茶途中往返盤費已逾萬金若赴京在雍和宮所設金木巴瓶內籤掣不特程途甚近卽一切禮物熬茶等費槩可無需卽此省費一節伊等豈亦不知

之耶著將此旨發交駐載大臣傳知達賴喇嘛班禪額爾德尼並通行曉諭各處蒙古番衆等咸使聞知

二十七日庚申福康安孫士毅惠齡奏言此次軍

營程途險遠瘴癘薰蒸一切備弁人等較之他處軍營倍加勞動即前後藏差遣備弁催饋軍火趕運糈糶以及稽察沿途牛隻有無短缺並

欽定大清會典事例

卷五十一

五

夫曾否逃亡往來崇山峻嶺冰雪凝沍之中實能不憚勤勞臣等悉心體察情形可嘉可憫是以遇有缺出先儘此項人員陸續請補仰蒙

皇上恩准在案但各標營出缺難以預定而此等出

色人員若因現在無缺可陞不爲畧加獎勵無以示區分而昭激勵因就臣等耳目所及詳加

確核不敢因其著有微勞畧涉冒濫遷得守備

五員千總四員把總一員實係共見共聞辛苦出力之員現在無缺可陞合無仰懇

聖恩將此十員先給應陞頂戴俟將來遇有缺出再

行陸續請補不獨奮勉者可以示勸即尋常奔

走之員從此觀感奮興嗣後遇有差遣亦必爭

先出力于營伍實多裨益再查前因承辦宗喀

噶喀等處糧運稽遲經臣福康安將道員承勲

欽定大清會典事例

卷五十一

五

奏奏革職並將知府重光枷示仍令辦理糧務

奏明在案該員等自參革後極知奮勉趕緊設

法雇備蠻夫牛騾接續起運兩路均各疏通得

以源源接濟及撤兵回至邊界沿途各站俱有

餘糧足敷旋兵支食核其功過尙足相抵是以

臣福康安臣惠齡復奏請可否分別開復欽奉

諭旨將重光開枷與承勲于軍務完竣後一體送部

引見等因查承勲于宗喀一帶總理旋兵一切應付俱極妥速且尾隨病兵沿途照料捐給藥餌湯粥等項尤為周到實屬感奮出力現在臣孫士毅等在前藏查核銷算等事該員等俱係錢糧經手之員未克及時送部該二員雖已仰沐天恩寬其既往然係未經引

見人員現與後藏邊界一帶番目人等查對運脚清欽定廣輿記畧卷五十一

算款項等事若無頂帶似不足以示觀瞻可否仰懇

皇上格外加恩賞給承勲原銜頂戴賞給重光同知頂戴仍俟報銷完竣遵奉前

旨送部引

見奏入

上諭內閣曰此次軍營及前後藏差遣備弁均屬出

大行照福康安所請守備薛大烈馬瑞圖周榮廷馬瑜李應貴千總馬國泰倪占鰲蕭太和徐榮把總馬琮均各賞給應陞頂戴以示鼓勵至承勲重光因辦糧遲悞特予革職効力以贖前愆此後糧運迅速該員等亦不過隨同辦理與始終出力者不同承勲著降等賞給知府職銜重光亦著降等賞給通判職銜以昭公允

欽定廣輿記畧卷五十一

同日福康安孫士毅和琳惠齡奏言竊查藏番賦性愚懦向來毫無制度屢蒙

聖明訓示經制昭垂使之永遠遵守共享

昇平臣等欽遵

聖訓體察番情明定科條徐移錮習更張不致煩擾

立法惟在可行昨臣等將立定章程繕出唐古

忒字同至布達拉面見達賴喇嘛與之逐條詳

細講論並傳集各呼圖克圖大喇嘛等及噶布倫以下番目論以

大皇帝振興黃教保護衛藏焦勞

宵旰上廛

聖懷總期邊境無事達賴喇嘛等得以奉教安禪信

俗人等咸資樂利是以屢奉

諭旨將藏內一切章程詳細

欽定前略

卷五十一

十五

訓示我等遊

旨查明藏地情形逐條熟籌妥議具

奏達賴喇嘛等當知感激

聖恩遵依辦理方於藏地有益不可狃于積習日久

懈弛據達賴喇嘛合掌告稱我自幼仰蒙

大皇帝天恩至深極重不啻如父之愛子此次廓爾

喀滋事又蒙

特發官兵收復邊界深入廓爾喀境內大加勦殺廓

爾喀誠心歸順深悔前非藏地得以永寧復蒙

大皇帝爲衛藏籌思久遠之計

訓誨詳明各位中堂大人仰體

大皇帝聖意籌畫如此周到所議各條皆係憐愛僧

俗體恤番情實可垂之永久我統轄衛藏不能

自行辦理上煩

欽定前略

卷五十一

十六

大皇帝天心又勞各位中堂大人代爲籌議我與僧

俗人等頂感難名從此謹守章程事事與駐藏

大人會商辦理惟有習靜修持虔誦

萬壽經典仰報

大皇帝高厚鴻慈斷不敢稍有格碍等語其餘各呼

圖克圖大喇嘛後藏歲珠堪布及噶布倫等大

小番目俱情願一一遵奉並無異詞臣等體察

情形僧俗人等感激歡忻實出誠悃白不致陽

奉陰違上煩

序慮應俟臣等節次奏摺奉到

訓諭後由駐藏大臣衙門繕寫番字刊刻出示在前

後藏各處張掛曉諭窮鄉僻壤咸使周知仰副

聖主衛法定制愛育番黎至意臣和琳係受

恩深重之人自去年閏四月到藏以來遵

欽定廓爾喀紀畧卷五十一

五

旨認真整飭近來番民疲玩積習頗覺改觀達賴喇

嘛遇有公事無不向臣和琳告知而噶布倫以

下人等亦皆各知畏法不敢妄行滋糞嗣後循

此章程諸事由駐藏大臣主持會同達賴喇嘛

商辦操縱隨時事權歸一使喇嘛番目等既知

畏服又樂遵從徵勸互施因勢利導自可收點

化潛移之效臣福康安已擇於二月二十五日

起程進京恭復

恩命叩謝

天恩現在藏內除銷算軍需外別無要務臣孫士毅

和琳臣惠齡逐款稽查漸有端緒惟當認真

督察務使

帑不虛糜毋任絲毫浮冒奏入報

聞

欽定廓爾喀紀畧卷五十一

天

欽定廓爾喀紀畧卷五十一

欽定廓爾喀紀畧卷五十二

四月初九日辛未福康安奏言臣于二月二十三

日赴布達拉叩謁

聖容隨至經堂與達賴喇嘛相見告以廓爾喀滋擾

藏地仰蒙

聖恩發兵進剿廓爾喀畏懼聲威誠心歸順藏地永

寧文荷

欽定廓爾喀紀畧

卷五十二

二

大皇帝指示一切章程現已遵照議定一一奏准此

係

大皇帝逾格恩慈總爲衛藏地方立法除弊嗣後當

久遠遵行共資樂利現用卽日起程進京復

命故特面爲詳囑達賴喇嘛聽聞之下稱

大皇帝恩德如天體恤至于此極實爲從古所無感

激之私難喻萬一因臣將次起身頗形依戀復

將佛像送臣以其出于至誠不便辭却亦遺贈

銀綬而別臣于二十五日自裁起程至十餘里

外達賴喇嘛已先期下山率同濟噶呼圖克圖

及大呼圖克圖噶布倫堪布並闡藏僧俗人等

在彼恭設輦次預備恭請

聖安據稱上年雖已專差喇嘛赴京進表謝

恩然感戴之忱尙未盡達今大將軍自藏回京必應

欽定廓爾喀紀畧

卷五十二

一

下山親自跪謝

聖恩不敢僅照尋常禮數惟求到京駐觀

大皇帝時將我萬分銘感情形代爲而奏叩謝等語

言已竟至泣下因卽跪呈哈達恭請

聖安此係達賴喇嘛向來未有之事知

恩曉事實屬出于至誠再班禪額爾德尼年齒雖幼

聞臣將次起程亦先期差伊堪布喇嘛趕赴前

臧備述感激

皇上恩施嗚臣面

奏並以佛像致送臣亦以銀緞等物回荅合併奏

聞

福康安又奏言自前藏以至打箭爐沿途大山

層疊惟丹達山最爲險峻風雪不時向來過往

行人每致稽阻且有被雪壓斃者山下建有

欽定廟宇紀畧

卷五十二

三

神祠靈應顯著經過官員兵丁及該處番民極爲

敬信此次自軍興以來兵丁調遣至藏以及事

竣凱旋均當冬令得以安穩過行臣過山時天

氣亦值晴明並無阻滯仰見我

皇上威德單數百靈助順軍行咸獲神麻伏查丹達

山遠在邊外向未列入祀典今既靈貺聿昭合

無仰懇

聖恩勅加封號

欽賜

御書匾額敬懸祠中從此西南邊徼絡繹梯航行旅

往來自必益叨靈佑均奏入

上諭內閣曰福康安奏此次官兵赴藏經過丹達山

均無阻滯山靈助順請加封號並頒懸匾額等語

丹達山遠在徼外最爲險峻風雪不時此次自軍

欽定廟宇紀畧

卷五十二

四

興以來官員兵丁調遣至藏以及事竣凱旋均當

冬令經過該處得以安穩過行毫無阻滯實爲

神麻佑助靈貺聿昭允宜列在祀典錫之封號著封

爲昭靈助順山神交該部載入祀典春秋致祭並

頒去御書匾額交駐藏大臣飭令於山下舊建

神祠敬謹懸掛以荅休應而示懷柔該部知道

十九日辛巳和琳成德奏言臣等遵奉

諭旨再於大昭公所會同達賴喇嘛濟噶呼圖克圖並喇嘛番目人等傳齊吹忠四人再令其各將法術演試並告以內地亦有如爾等託言降神預言人家休咎者其人皆能吞刀割肉以示神奇然俱係障眼小術不足爲異常官尙且嚴禁若並此不能其爲稽詞惑眾無疑尤當重治其罪臣等向爾人宣示畢當卽授以刀劍吹忠等俱各恐懼戰慄環跪叩頭僉云刀劍乃戕人之具不敢以性命爲戲察其惶懼形狀實堪大嘆因詰以爾等前此託言神降將刀向人亂扎既能扎人何以不能自扎嚴加詰問據稱聞得前數輩吹忠有將刀自扎之事或者實係神降故能如此我等實在不能因復詰以爾等既無法術卽不能降神何得妄言休咎復據吹忠等

回稱凡番民向問年歲豐歉及本年有無痘症不過依着經典照例答之或有時奏巧偶中番民等卽傳以爲奇今大人們如此嚴加窮詰屢次試驗不敢不據實供明等語其自認實無法術全憑空言惑眾惶愧之狀幾于無地自容凡僧俗人眾從旁觀看亦有掩口而笑者臣等隨將吹忠之全屬虛假欽定金木巴瓶之公正可信囑令達賴喇嘛等對眾明白宣導據達賴喇嘛亦言吹忠等託言降神我等從前信以爲真今日纔知其竟不足信惟唐古忒習俗相沿不能家喻戶曉今現已對眾節次試演毫無法術蒙大皇帝頒賜金木巴瓶於宗喀巴前掣簽爲定實屬至公至正僧俗無不悅服等語臣等看來吹忠

之不足信經此番節次試演不獨達賴喇嘛等明知其妄卽當場僧俗人衆亦復共見其詐從此可逐漸省悟不至再爲所欺將來過有呼畢勒罕出世現奉

頒發金本巴瓶總以掣簽爲準自可永除從前積弊惟前後藏地方遼濶臣等現在雖用唐古忒字出示徧加曉諭恐僻遠番民一時不能盡知除

欽定廓爾喀紀畧

卷五十二

七

呼畢勒罕一事永遠不准吹忠措謔外其餘番民患病向吹忠推問吉凶等事只可暫聽土俗以仍其舊然經此一番揭破之後其風亦必漸次革除現在臣孫士毅惠齡尙在藏內辦理軍需奏銷會同試演商酌意見相同奏入

上諭內閣曰前因廓爾喀三音諾彥部落額爾德尼班第達呼圖克圖圓寂後其商卓忒巴那旺達什有

意營謀汗王子弟爲呼畢勒罕代求達賴喇嘛拉穆吹忠附會妄指已分別治罪並明降諭旨通飭各蒙古番眾等矣朕自乾隆八年以後卽誦習蒙古及西番字經典於今五十餘年幾餘究心討論深識真詮況本朝之維持黃教原因竊蒙古素所皈依用示尊崇爲從宜從俗之計初非如元人佞佛優禮喇嘛致有詈罵者割舌毆打者斷手之事

欽定廓爾喀紀畧

卷五十二

八

近因黃教之習愈趨愈下蒙古番民等失其舊時淳樸之風惟知牟利罔識佛教正宗不得不亟加整頓是以製一金本巴瓶派員賞往設于前藏大昭侯將來藏內或出達賴喇嘛班禪額爾德尼及大呼圖克圖呼畢勒罕時將報出幼孩內擇選數名將其生年月日名姓各寫一簽入于瓶內交達賴喇嘛念經會同駐藏大臣公同簽掣並于京城

雍和宮內亦設一金本巴瓶如蒙古地方出呼畢勒罕印報明理藩院一體掣簽其從前王公子弟內私自作爲呼畢勒罕之陋習永行停止朕之此旨原因各蒙古汗王貝勒等既有世爵承襲罔替已極尊榮何必復占一呼畢勒罕又謀喇嘛之利似此見小固知大義將來必致謀奪財產啓爭榮衅滋生事端方今國家威稷遠播各蒙古札薩克咸隸理藩院管理遇有田產細故俱爲之秉公剖斷若任伊等牟利不已久而或致爭奪相尋成何事體是朕之整飭流弊正所以護衛黃教厚愛蒙古人等使其各闡愚蒙永除爭競至從前五輩達賴喇嘛及來京之前輩班禪額爾德尼誥習經典或尙能具有真慧現在達賴喇嘛年紀尙輕資質誠樸甫學經卷豈能直叅上乘先知一切凡有求

其指示呼畢勒罕者惟憑拉穆吹忠之降神定奪而吹忠不過如內地師巫之類且內地師巫尙有用刀自扎及誣刀吞劍掩人耳目法術今吹忠經和琳等面加演試授以刀劍俱各恐懼戰慄並師巫之不如是其所指呼畢勒罕荒唐更屬顯然乃番衆人等崇信已久以其妄言休咎小有効驗遂傳爲神奇一時竟有牢不可破之勢此亦習俗使然自不必急於禁止前已頒發金本巴瓶于大昭供奉之宗喀巴前掣籤所有找尋呼畢勒罕一事永遠不准吹忠指認其番民推問吉凶等事暫聽仍舊日久吹忠法術不行亦將自敗總之大端既得點化潛移一切積弊亦無難逐漸革除至藏地出產較少布達拉商上給與喇嘛養膳及番兵口糧等項需用繁多所入不敷支給尙賴各蒙古

番衆布施以資用度嗣後惟不准私指呼畢勒罕其餘熬茶贖禮皆在所不禁從此各蒙古番衆等益常恍然于朕之掃除積弊無非欲力挽頹風振興黃教保全伊等俾安樂利永息爭端並非不令其尊崇佛教不許布施達賴喇嘛班禪額爾德尼所有辦理此事緣由著再通行曉諭各處蒙古番衆等共喻朕意

欽定歷代通鑑輯覽

卷五十二

十一

同日孫士毅和琳惠諭奏言查此次進勦廓爾喀自打箭爐出口以達軍營計程萬數千里山高路險沿途必須添設臺站轉運軍糧軍火等項又軍營文報最關緊急各塘汎原安馬匹不敷馳驟經臣孫士毅奏請每正塘添足馬三十匹腰塘添足馬十五匹以資馳遞嗣因凱旋在通索倫官兵需馬乘騎亦經臣孫士毅奏明自

拉里以達中渡每臺各安馬騾五百匹其自拉子以至江達經臣孫士毅和琳奏明先後採買馬五千匹分安各站以便各官兵過站乘騎計至本年二月初間各官兵全過前藏所有自拉子以至前藏各臺站已於正二月中陸續捲撤其臺馬塘馬除倒斃外亦分別裁撤變價歸款自前藏以東至打箭爐原設臺站因各官兵

欽定歷代通鑑輯覽

卷五十二

十一

尚未過竣是以未經一例裁撤今查各官兵已陸續東行將軍福康安亦已自藏起行東路一帶差務漸少所有添設軍需各臺站自應隨時酌撤以節糜費臣惠齡悉心籌畫除前藏拉里等舊臺六處應令照舊安設外其餘增設各站俟福康安經過後卽行隨時裁撤所有存臺馬騾飭令查明實存數目就近變價歸款其安站

漢夫亦卽遣發歸農至塘馬一項刻下文報漸

稀亦應一律裁減但臣等現在遊

查辦自察木多以違軍營一路銷算文冊往來駁

斥登若在在需馬遞送似未便全行掩撤臣等

再四斟酌請自前藏起迄打箭爐止每正塘裁

馬十五匹腰塘裁馬八匹餘馬仍豫備遞送摺奏

文報其派出遞送文報之塘兵亦按數遞減計

欽定廓爾喀紀略卷五十一

十三

廓爾喀貢使自京回藏臣孫士毅臣惠齡亦可

將西臺報銷辦有成數卽一面具

奏一面起程回省趕辦東路報銷其時文報較稀

卽可將酌留添設之塘馬全行裁撤以歸節省

至打箭爐以北各站亦已飭令在省司道俟福

康安及貢使噶箕等過站將增設之馬立卽裁

撤奏入報

聞

四月二十八日庚寅和琳奏言據聶拉木營官遞

到拉特納巴都爾稟帖兩封譯出閱看一係稟

覆福康安之信押信花卡契布二疋一係具稟

臣和琳之信押信花卡契布二疋外寄達賴喇

嘛班禪額爾德尼信各一封押信白卡契布各

一疋臣逐一譯看其寄臣和琳稟內稱接到福

欽定廓爾喀紀略卷五十一

十四

康安檄諭得悉大人現奉

大皇帝派來駐藏辦事凡唐古忒廓爾喀皆屬管理

凡有一切事件俱當敬謹遵依稟明辦理等語

又稱前差穆總兵定立地界諸事極爲公道止

有廓爾喀東邊交界多羅卡拉結撤儻兩處地

方原係廓爾喀所管此時該處營官不許小的

管理懇求查明賞給等因又譯看寄班禪信內

云從此以後兩家照舊和好永遠不敢滋事所有底瑪爾宗地方原是給了你們的可即差人前來管理各等語臣當卽飭令噶布倫詳晰確查多羅卡拉結撒儻兩處本係廓爾喀地方且上年經福康安差穆克登阿帶同第巴前往定界時在熱噠橋設立鄂博爲界其多羅卡拉結撒儻係在熱噠橋以外相距四五日程達白廳

欽定廓爾喀紀畧

卷五十一

七

歸廓爾喀管理臣隨一而諭令噶布倫轉飭統轄營官遵照將熱噠橋鄂博以外之多羅卡拉結撒儻兩處地方仍聽廓爾喀管理不許越佔滋事再查底瑪爾宗亦係廓爾喀地方緣五十二年彼此說和後廓爾喀願將此地送與薩迦呼圖克圖作爲酬謝當時雖有此議並未收管臣伏思上次唐古忒許銀講和及廓爾喀許地

酬謝俱屬不成事體廓爾喀既經悔罪投誠上次合同業已繳銷不敢再提一字今該部長改悔前非雖欲與衛藏修好仍將前許之地讓歸管理自屬恭順之心但思該部落既附藩封同

係歸入版圖卽與唐古忒無異未便仍照前次弘議令薩迦呼圖克圖收受查歲琿堪布現在前藏臣當卽面諭毋得差人前往收管並傳知

欽定廓爾喀紀畧

卷五十二

八

班禪札飭薩迦呼圖克圖遵照一面撤諭廓爾喀部長令將底瑪爾宗地方不必再行讓給其熱噠橋鄂博以外之多羅卡等處既在鄂博之外自應仰副

皇上柔遠至意賞與該部長管理再臣將拉特納巴都爾奇呈福康安之稟譯看與稟臣和琳詞意相同現已酌加賞資發諭獎勵卽將寄福康安

稟帖等件咨福康安收閱並與達賴喇嘛班禪
額爾德尼代寫回信一併發回奏入

上命軍機大臣傳諭孫士毅和琳惠齡成德日和琳
奏接到拉特納巴都爾來稟一摺以拉結撤儻兩
處俱在熱噶橋鄂博以外本係廓爾喀地方已諭
令噶布倫轉飭緞轄營官仍聽廓爾喀管理不許
越佔滋事其底瑪爾宗亦係廓爾喀地方現在該

欽定廓爾喀紀事

卷五十一

七

部落既附藩封未便仍照前次私議令薩迦呼圖
克圖收受已面諭歲珠堪布毋得差人前往接管
等語所辦甚屬公當諸凡妥協覽奏深爲欣悅惟
閱拉特納巴都爾稟內稱拉結撤儻兩處原係廓
爾喀所管地方如今該處營官不許廓爾喀管理
等語後藏與廓爾喀交界處所上年業經福康安
派員帶同第巴前往勘明在熱噶橋設立鄂博爲

界拉結撤儻既在鄂博之外何以該處營官又不
許廓爾喀管理卽或因營官職分較小不敢專主
給與亦當稟明駐藏大臣定奪何得恃我兵威私
佔外域之地和琳接到拉特納巴都爾來稟自應
一面查明辦理一面將該營官量加懲處使知畏
懼何以未經想及此一節辦理尙未周到或和琳
之意以營官係達賴喇嘛屬下是以未經究治但
藏內正當整飭之際片屬前後藏各務俱歸駐藏
大臣管理其營官人等卽與所屬無異尤當賞罰
嚴明用昭懲勸若因營官係藏內所派之人稍存
岐視不加約束轉不足以示公允著傳諭和琳卽
將該營官酌量懲責示儆嗣後務宜一體留心統
率勿存迴護之見方爲妥善

欽定廓爾喀紀事

卷五十一

八

五月十一日

壬寅

上諭內閣曰向來綠營陣亡官弁俱給予世職俟襲

次完時給予恩騎尉世襲罔替原以軫恤勲勞特

加優典至屯土官弁遇有徵調無不踴躍爭先著

有勞績而臨陣捐軀者向祇給予賞恤銀兩分別

加銜並未一體議給世職該屯土員弁與綠營同

一効命疆場而卹典各殊究未免稍覺向隅嗣後

屯土官弁設遇調發有隨在陣亡者均著照綠營

欽定廟諭光緒

卷五十二

九

之例按照實任職分給予世職襲次俟襲次完時

再給予恩騎尉世襲罔替至此等承襲世職人員

遇有該處屯土弁備缺出著先儘此項人員酌量

接補如此逾格加恩承爲定例該屯土官弁等益

當倍加感激盡力戎行以副朕一視同仁獎勵忠

蓋之意所有此次進勦廓爾喀應行議恤之陣亡

屯土員弁卽照此例辦理

十七日戊申福康安奏言竊廓爾喀貢使噶箕第

烏達特塔巴等行抵打箭爐卽來謁見再三叩

謝並稱廓爾喀原係邊外極邊小番自蹈重罪

致煩

大兵征討小的王子等畏懼

大皇帝天威欽仰

天朝恩德悔罪輸誠真心降附仰蒙

欽定廟諭光緒

卷五十二

二十

大皇帝特施天地之恩免其誅滅

恩准投降差小的等恭費

表貢進京上年進京後叩見

大皇帝天顏卽

賞翎頂衣服屢次

筵宴見各國使臣甚多小的等微末小番亦得同預

宴資

恩賞優渥又令隨往

闕明園觀看烟火凡恭遇

大皇帝臨幸各處小的等俱得隨班瞻仰小的王子

與王子之叔巴都爾薩野俱係獲罪之人仰蒙

大皇帝俯量悔罪真誠赦原前罪

賞給敕書復還王公封爵

加賞翎頂服色及各樣珍物不可殫述如此

欽定大清會典事例

卷五十二

三

厚恩實非小的王子等所敢冀望小的等係邊外番

目得親

天朝疆域廣闊

宸居壯麗又得身沐

皇恩

賜視百戲實爲生平所未聞未見感激慶幸口不能

宣回國後當詳悉告知王子及王子叔俾皆頂

感

大皇帝恩慈永矢恭順等語臣用言獎勵酌量賞資

卽令出口查自打箭爐至藏沿途所用烏拉夫

馬臣於經過各站逐一告知總須無糜無缺所

有原派護送之遊擊額爾亨額同知李經文與

該貢使等較爲熟悉卽令長送至藏經過地方

再行照例添派員弁遞行護送以資照料

欽定大清會典事例

卷五十二

三

福康安又奏言據噶箕第烏達特塔巴等稟稱

小的等仰蒙

大皇帝天恩從優

賞給翎頂品服回國後向人誇耀實屬萬分榮幸惟

隨來番子內有拉納興塔巴等十六名俱係小

的王子拉特納巴都爾跟前當差之人進京時王

子派令隨住得以瞻仰

大皇帝天顏渥受

聖恩已深銜感惟伊等俱羨慕

天朝頂戴藉爲榮耀在京時欲向中堂大人面稟又

恐冒昧干咎可否仰懇大將軍代爲奏明

大皇帝格外施恩照上次進貢隨往番子之例將品

級最小頂戴酌量

賞給俾得同沾

欽定朝野紀原

卷五十二

五

聖澤等語臣查拉納興塔巴等實係拉特納巴都爾

派往之人並非跟役該番人等既以

天朝頂戴爲榮心生欣羨情詞懇切足見其誠心歸

化臣巴允爲代奏酌將拉納興塔巴等四名給

與六品頂戴撒噶第薩野等十二名給與金頂

如蒙

俞允伏祈

勅下和琳遵

旨諭知使拉特納巴都爾等及各番人仰沐

恩益加頂戴均奏入

上命軍機大臣傳諭和琳成德曰福康安奏廓爾喀

貢使噶箕第烏達特塔巴等稱隨來番子內有拉

納興塔巴等十六名俱係在拉特納巴都爾前當

差之人伊等羨慕天朝頂戴仰懇代爲奏明賞給

欽定朝野紀原

卷五十二

五

頂戴福康安已允代奏等語此等微外小番跟隨

頭目進京即思得受天朝頂戴未免與體制不合

但伊等因福康安係辦理廓爾喀受降藏事之人

於途次面求轉奏不敢在稟中提及尙屬小心福

康安既允其代奏且念該番等萬里遠來長途勞

頓而拉特納巴都爾叔姪進表納貢十分恭順亦

祇可俯照所請給與頂戴著傳諭和琳檄諭拉特

納巴都爾等以福康安據噶箕第烏達特塔巴等
所稟轉奏大皇帝俯念爾等悔罪投誠真心向化
遣使進貢具見悃忱拉納興塔巴等跟隨爾貢使
到京沿途小心照料跋涉爲勞蒙恩允准福康安
所請將拉納興塔巴等四名賞給六品頂戴撤噶
第陸野等十二名賞給金頂並諭知本部堂穆爾
爾知悉此係大皇帝念爾恭順可嘉推恩下逮爲

從來未有曠典爾國益當感沐恩慈永遠約束但
天朝名器不可濫遣此等殊典異數爾國源源入
貢不得因有此例下次再有干瀆如此詳晰諭知
俾拉特納巴都爾等知感知畏於體制亦爲允協
和琳接奉此旨後即遵照檄諭不必專人賁往俟
該國遣人到藏投遞稟帖或遇貢賈人回陽布之
便交給帶往方合體制

欽定廓爾喀紀畧卷五十二

欽定廓爾喀紀略卷五十三

五月二十日 辛亥

上諭內閣曰從前阿桂平定金川時係封四字公爵

福康安剿辦臺灣賊匪由嘉勇侯晉封公爵此次

辦理廓爾喀跋涉險阻艱苦備嘗厥功完善著於

嘉勇二字上再加忠銳二字以示酬庸懋賞

二十六日 丁巳和琳成德奏言據聶拉木營官送

欽定廓爾喀紀略卷五十三

到廓爾喀部長拉特納巴都爾稟帖一封譯出

閱看內稱從前接奉檄諭囑令各守境土愛惜

百姓和睦降封俱一一遵奉教導斷不敢分外

滋事又稱噶哩嗎達聽聞廓爾喀投順

天朝已蒙

大皇帝恩准特差頭人來至陽布賀喜遞送禮物並

有邊界之拉卡納窩各處部落俱差人前來與

伊送禮賀喜等語仰見

皇上天威遠播海宇清風之盛 臣等卽檄諭拉特納

巴都爾現在邊外極邊各番俱傾心向化以爾

廓爾喀得受

大皇帝恩典爲榮紛紛差人致賀心生羨慕爾等歸

順

天朝得爲屬國何等榮顯從此益當感激

欽定廓爾喀紀略卷五十三

天恩恪遵

諭旨與隣封各部落和睦修好共享太平之福永受

大皇帝恩眷並將檄諭噶哩嗎達部長諭帖印著拉

特納巴都爾派人持送以示嘉獎

和琳成德又奏言 臣等辦理善後事宜奏請添

設唐古忒兵丁三千名分設前後藏定日江孜

等處駐防前經軍機大臣議奏奉

旨允准在案^臣等隨分咨達喇嘛班禪額爾德尼

並飭知噶布倫成琦堪布等遵照辦理查藏中

舊例一切兵役總係按戶口分派番民愚蠢若

不將

皇上格外恩施令商上給與口糧及免其徭役如有

材技出衆之人一體按次陞拔之處明白曉諭

恐番民等不能踴躍從事是以^臣等逐條頒發

欽定方略卷五十三

三

告示遍懸村落一月之間紛紛投首情願充當

兵丁者甚多茲據駐防前藏遊擊逐一揀選年

力富強者一千名造具花名清冊呈報^臣等公

同照驗俱皆年輕壯健堪以充伍且各番兵皆

自備鳥鎗弓箭刀矛雖與綠營式樣不一但番

民習用既慣似可無庸更換今照奏定五分鳥

鎗三分弓箭二分刀矛之例令與駐藏兵丁一

齊操演^臣等類加驗閱弓箭鳥鎗準頭雖尚未

能一一台式已覺漸次可觀現在選派綠營熟

手數名作為教習每日試演^臣等察其熟習者

酌加賞資生疎者量予責懲再過數月可望均

成勁旅除行令達賴喇嘛各發給印票免其徭

役外伏思唐古忒兵民向無分別今新挑既係

額設之兵常川操練卽與綠營兵丁無異若與

欽定方略卷五十三

四

番民仍無區別誠恐日久復有逃匿等事兵民

雜處難以稽查因乘此立法之初諭令剃頭據

番兵等無不樂從目下皆已薙髮再查綠營兵

丁例有號衣號帽旗幟等件所以肅觀瞻而昭

區別今唐古忒兵民裝束如一亦覺未爲妥協

如爲之另製號衣號帽所費未免過多莫若因

地制宜衣帽仍照唐古忒式樣擬令鳥鎗兵穿

紅褐背心弓箭兵穿白褐背心刀矛兵穿紅邊

白褐背心前後心各書番兵字樣以為分別計

所需紅白褐價值無多固無庸動項開銷亦不

值又令達賴喇嘛置辦臣和琳現已於養廉內

照數捐辦再設藏及定日江孜應設番兵二千

名據駐防都司守備等呈稟已挑有十分之七

月內均可足額等語查新定章程內駐藏大臣

欽定四庫全書

卷五十二

五

于春秋二季輪流前往閱邊察看設立鄂博順

道校閱營伍茲當春令自應臣和琳前往但番

兵係屬新設正在教習無可操演現在遊

旨會同孫士毅惠齡辦理西路銷筭事宜其自前藏

至軍營報銷底冊刻下將次辦竣未能分身臣

成德現無別事應即起程前赴各邊界巡查鄂

博順道黠哈後藏江孜定日新挑番兵至于邊

界口隘何處應設番兵若干稽查出入之處臣

業經酌量情形公同議定意見相同統俟臣成

德查明另行具

奏

同日孫士毅和琳惠齡奏言伏念大功業已告

成奏銷最關緊要去歲林間凱旋之後臣等于

十月間卽飭令各站趕辦報銷緣大兵分起行

欽定四庫全書

卷五十二

六

走並運回軍火軍需等項以及料理沿途病兵

等陸續緩程回藏所有前藏以西各站員至本

年二月始行捲撤到齊隨經臣等飭委在藏司

道督率藏局各員分款造冊現據自前藏以至

軍營各站員呈送清冊其間應准應駁臣等隨

時查核已得十之八九不過數日內即可查造

齊全惟察木多以西至前藏一段因川省同營

將弁兵丁及大學士公福康安甫經過站各臺

清冊一特驟雜齊集臣等公同商酌若坐待察

木多以西冊籍解藏其間道險程遙往返駁查

必須數月之久勢難如期趕辦因先飭委在藏

之按察使林鶴前赴拉里松茂道倭什布前赴

察木多分段駐劄就近加緊嚴催令將各站銷

冊勒限造齊並密查站員等有無短發價值及

欽定廟諭略紀卷五十三

七

借端浮圖等弊臣等自前藏至軍營報銷冊籍

數日內辦竣臣孫士毅臣惠齡卽日先後起程

順道分段挨查嚴切飭催其已經辦竣者卽將

清冊帶回省城率同局員悉心查核其未經造

完者諒亦不過數處卽令分段督辦之司道在

彼守催帶省公同確核臣孫士毅臣惠齡俟到

成都將察木多以西至軍營各冊覆加核定先

行會同臣和琳陸續分欵咨部再將東路各臺

銷冊逐一清釐確查例案以期

帑不虛糜諸蹟覈實臣等現在督同各員將自前

藏以西一切積呈底冊漏夜詳查趕辦約于本

月二十日左右可以得有成數臣孫士毅臣惠

齡卽一面具

奏一面起程逐段查催至省斷不敢稍涉稽延均

欽定廟諭略紀卷五十三

八

奏入

上命軍機大臣傳諭孫士毅和琳惠齡成德日和琳

奏接到拉特納巴都爾稟稱噶哩噶達及拉卡納

窩各處部落聽聞廓爾喀投順天朝俱差人至陽

布賀喜遞送禮物經和琳給發檄諭一摺所辦甚

好其與哲孟雄作木朗等部落舊嫌未釋係番目

常情自可付之不問又據奏前藏新設番兵挑選

足額一例揀演一摺內稱將奉旨給與口糧及免其徭役之處逐條頒發告示一月之間紛紛願充兵丁已得年力強壯者一千名等語所辦亦好諸凡皆爲妥協著賞給御用大荷包一對小荷包四個以示獎勵又孫士毅等奏現在督同各員將自前藏以西一切續呈底冊詳查趕辦等語軍需奏銷頭緒紛繁核算原非易事自當詳慎安速爲之

欽定廟聖紀畧

卷五十三

九

母任站員等借端浮冒現在孫士毅等趕緊查辦其自前藏以西一切支銷款項得有成數具奏後卽順道檢查東路軍需趕回成都核算所辦皆安但自察木以西至前後藏一帶爲軍需總匯之所一切官員兵丁過往駐劄及運送軍火糧餉等事支銷數目自較之察木多以東更爲浩繁孫士毅等務須將察木多以西與察木多以東所用軍需

劃清界限不得彼此通融真多益募以致稍有率混此時孫士毅惠齡將察木多以西奏銷辦竣後雖趕回成都而察木多以東軍需款項亦須逐案查明和琳會核庶彼此無從牽扯而帑項益歸覈實又此次進剿廓爾喀所調屯練降番冒險攻碉實爲奮勇已節次加恩獎賞前又念該兵等俱已撤回歸屯步行遠涉復令惠齡再行查明每名各

欽定廟聖紀畧

卷五十三

十

賞銀三兩以示格外恩施但各番兵回寨實數必須確切查明按名分給其陣亡屯土降番前已旨俱照綠營兵丁陣亡例一體優賞所得銀兩自較此項恩賞倍多然其中有在途病故者既不能照陣亡例賞給而未經回寨又不能得此大恩賞未免向隅著惠齡飭查實在回寨兵丁數目其在途病故者亦一體將銀兩給與家屬收領俾得

均沾體澤該督務須核實妥辦以副朕軫念勤勞

至意

三十日辛酉福康安孫士毅和琳惠齡奏言稿臣

等子撤兵後曾將辦站各員內勞績最著者會

同保

奏經軍機大臣遵

旨議奏以到藏未到藏分別准駁奉

欽定

十一

旨依議臣等查議駁六員內請補寧遠府知府李憲

宜于前年軍務初興即承辦察木冬以西一帶

轉運事宜甚屬實心出力嗣因該員辦有成效

復調至前藏督辦凱旋兵差該員往來前後藏

實能事事認真不辭勞瘁巴縣知縣吳桂係五

十六年即派在定日邊界辦理三路軍營糧運

毫無貽誤均屬到軍營得力之員又丁憂卹府

沈澹留於察木冬總辦運務雖未到藏千口外

出力人員內更屬奮不顧身勞績倍著會蒙

聖恩賞銀一百兩嘉獎以上三員值軍需萬緊之時

皆能設法趨運竭盡心力若不予以獎勵則刻

苦任事之員無所激勸臣福康安現已在途與

孫士毅臣和琳臣惠齡往返札商意見相同

謹合詞懇求

欽定

十二

皇上天恩仍將該三員賞戴花翎俾知軍務勤勞即

可表異於衆嗣後愈知奮勉其保寧府知府石

作瑞眉州知州趙秉淵原任資陽縣知縣張熙

廣三員雖俱奮勇任事始終不懈然人數既多

不敢再行瀆請合無仰懇

聖恩給予陞銜頂帶以示鼓勵又據成都總局布政

使英蔣等稟請保寧府知府石作瑞因未經刊

蘇奉部議駭未能一體給以花翎查該守在局

兩載實能持正秉公任勞任怨為通省第一出

力之員將來報銷事宜必須該守一手經理仰

懇仍照前奏乞

恩賞戴花翎等因與臣等所訪該守出力情形無異

合併聲明奏入

上諭內閣曰此次辦理鄂爾喀軍需緊急該員等雖

欽定鄂爾喀紀略卷五十三

十三

未前抵軍營但催辦糧運奮勉勤勞尚無貽誤自

應量加獎賞以示鼓勵李憲宜沈璣石作瑞俱著

加恩賞戴花翎知縣本係七品即京職六品官員

亦止應戴藍翎不宜越分賞給吳桂著加恩賞戴

藍翎趙秉淵張熙廣二員著照所請准其給予姓

銜頂帶以示獎勵

六月初八日已孫士毅和琳惠齡奏言竊臣等

承辦廓爾喀軍務報銷緣口外盡係撻荒道途

險遠物價無不加昂費用過大是以臣等公同

核定分別應銷應捐各款恭摺奏

聞茲准戶兵兩部議覆所有索倫官兵乘騎馬匹盡

數倒斃准免賠繳及採買牛羊價值與例相符

准令照辦外其烏拉加給回空守候支給牽夫

口糧並採買馬價喂養草乾倒馬分數米石價

欽定鄂爾喀紀略卷五十三

十四

值各條照例議駁在臣等因限於時地不得不

據實奏懇

天恩部臣照例刪除自屬慎重錢糧之道臣等悉心

籌酌所駁米價一項現准部咨以未經聲敘五

十七年三月以前三月以後買備若干無從查

核所有請照駐藏兵丁月給糧折每石十六兩

開銷之處應毋庸議等語臣等查所買米石三

月以後官兵雲集採買較多每石實需銀一十六兩較之三月以前洵昂貴今既奉部駁自應遵照更正除將米價無論三月前後均照部議概以十兩核銷餘俱刪減歸於公攤賠補外至烏拉加給回空銀米一欵准部咨開此次進剿廓爾喀轉運軍儲等項據福康安等奏稱于正例一錢六分外遇守候回空之日每日照例價減半給銀八分率夫亦折給口糧半分臣部彙齊核算卽以雲南軍需馬腳三錢之數比較亦屬浮多等因_臣等遵查此次軍需地處極邊節節險阻蠻民疲玩性成惟利是視與他處用兵迥異卽較之金川相距成都路僅千餘里者亦遠近懸殊加以塞外苦寒寸草不生之地居多氣候惡劣人民患痘牛馬傳瘟番民逃避遠

方烏拉時形竭蹶當軍務萬緊之際_臣等羽檄飛催各站員設法轉輸不得不加增腳費以期迅速趕運僱寬烏拉一隻當時每站實給銀八九錢至一兩不等此外復須賞給蠻民布疋烟茶始能在站供役且牛馬到站後又復時時倒斃番民更須重價前赴遠處購買所費既增運腳愈昂_臣等以爲數過多難于造報是以大加刪減酌中定價准予回空守候並率夫實支口糧用昭節制此外浮用銀兩甚多均經歸入攤賠項下以節糜費又瑯馬並凱旋馬匹價值草乾以及倒斃分數各請加增一欵准部咨開查與軍需定例均屬浮多等因_臣等遵查前後藏一帶本非產馬之區而進征官兵乘騎並添設各塘汎馳遞文報預備官兵各馬匹需用甚多

前後藏地方搜羅殆盡不得向遠處零星購

覓是以馬價愈見騰貴每半駝馬一匹價銀須

四五十兩瘦馬亦須二三十兩不等至所需料

草既繁番地半屬不毛產草有限又不得不從

遠處購買核計每日喂馬一匹總需銀七八錢

至九錢不等其各塘馬匹亦因層疊疊障水雪

堅凝往來馳驟易形瘦乏兼之上年瘟疫流行

欽定四庫全書

卷五十三

七

倒斃十之八九是以臣等請將塘馬每匹酌定

以十六兩騎乘之馬每匹酌定以十二兩草乾

銀兩分別定以二錢及二錢四分倒斃數目每

年酌定十分之五奏陳

聖鑒較之寔用尚不及半餘皆入于攤賠以上均係

實情毫無虛捏伏思臣等仰蒙

委任萬不敢稍涉虛浮自蹈欺飾之咎即大學士公

福康安亦係身親目擊灼見真知是以前此與

臣等再四籌商聯銜會

奏茲部臣因格于成例議以未便准銷臣覆加籌

議當軍需緊急之時番民逃匿之際各站員馳

馳急公祇圖無悞于目前未慮着賠于事後除

各站員隨時加價加賞及多費之零星欸項業

經臣等不准開銷外所有臣等核定各條若照

欽定四庫全書

卷五十三

六

部駁核辦在各站員賠累已多勢難再行刪減

番民窮苦于領值當差之後亦難按名追繳且

此間天特地勢久在

聖明洞鑒之中臣等往復札商計惟有歷陳實在情

形再行仰懇

皇上格外施恩

垂念此次軍務迥與他處不同再懇

聖慈特賜允准飭部查照_臣等原奏准銷嗣後不得

援爲成例則官民番衆無不共沐

皇仁倍加感奮矣奏入

上諭內閣曰此次進剿廓爾喀盡係蠻荒險道兼之

冰雪載途節節艱阻其山逕陡仄之處並不能乘

騎俱係步行前往所有烏拉等項運送在在維艱

較之金川相距爐城路僅千餘里者險夷遠近迥

欽廉兩路紀畧

卷五十三

九

不相同從前金川軍需共用七千餘萬其部駁不

准報銷銀六百餘萬朕尙加恩豁免今藏內所用

合計東西兩臺亦不過如金川軍需所免之數况

此項報銷福康安孫士毅和琳惠齡等俱係身親

其事彼此酌定聯銜會奏伊等皆朕親信大臣豈

尙有瞻顧站員稍涉虛浮之理此次着照所請准

其報銷惟辦理庸陋軍務實緣道途險遠與他

處不同是以格外加恩嗣後不得援以爲例該部

知道

同日和琳惠齡奏言_臣等查辦藏西一帶銷算

前經核出總數孫士毅先赴東臺督催銷冊_臣

和琳_臣惠齡再將細欵覆核刪減並俟第巴頭

人等到齊督同各站員確詢明白_臣惠齡再行

起程各緣由會摺具

欽廉兩路紀畧

卷五十三

五

奏在案今各處第巴頭人先後到齊_臣等率同各

站員三面核算領發各數均屬相符應行找領

銀兩亦皆按數給發並無短少該第巴等無不

歡欣感激具結存案至各站銷冊_臣和琳等連

日調齊親加覆核其中雖係當時應用而于例

稍有未協者亦皆一律刪減不使絲毫浮混業

將前次核定正銷三百零一萬零復又刪除銀

十五萬四千三百六十兩零計前藏以達各路

軍營自五十六年十一月成德等帶兵進剿起

至本年二月凱旋官兵過藏止應付鹽菜口糧

夫馬工價並採買糶米麩牛羊料豆價值轉

運烏拉腳價及馬價草乾

恩賞等項統共實用銀二百八十五萬五千六百三

十八兩零均係實用實銷毫無浮濫除將核定

欽定歸爾喀紀畧

卷五十三

至

總撤各冊 惠齡帶回以便到省後發局覆核

分案

題銷 惠齡于拜摺後即日起程馳赴東臺一帶

按站確查各款銷冊並親身察訪有無浮冒短

發情弊據實辦理斷不使稍有侵欺以歸覈實

奏入報

聞

十八日已卯 惠齡奏言稿臣 于五月初九日自藏

起程經過各站每於查催報銷之便細看沿途

光景因春雪甚大此時層巒所積尚未消融近

日大雨時行山水漲發低窪路徑處處成河頗

碍行旅臣 即飭令各站員逐處搭蓋橋梁以便

來往至番地多係山田所種稞麥青葱暢茂並

無妨碍其各處營官第巴等前來迎謁臣 面加

欽定歸爾喀紀畧

卷五十三

至

詳詢此次辦理軍務該站員等有無短發腳價

及借端滋擾之處令其據實稟陳臣 稱此次僅

用烏拉蠻夫等項俱係現發價值並無短少亦

無滋擾情事俱願出結察看尙屬真情似非徇

飾臣 於五月二十一日路過丹達山次日行抵

邊壩適接兩司稟稱噶箕頭人等已于四月初

八日自省起程約計日內將抵巴塘一帶臣 常

卽嚴飭各站員於購箕等經過時務須妥爲照

料一切馬匹飲食供備適中俾該噶箕等仰感

皇仁共深悅服再臣察看番民村落並無兵後蕭索

氣象照常耕牧頗見恬熙且因當差受僱得領

脚價亦似稍有積蓄可以仰慰

聖懷奏入報

聞

欽定西藏紀略

卷五十三

五

七月初二日癸巳和琳奏言查丹津班珠爾妻子

呈繳莊田並查抄沙馬爾巴仲巴呼圖克圖業

傘建本南結敦珠卜等廟宇莊田財產物件等

項先經臣等奏明除委員分解外其餘應行變

價莊田物件及廓爾喀繳出扎什倫布銀兩物

件經臣等奏明充公奉有

恩旨均著賞與達賴喇嘛商上作爲每年番兵錢糧

口食養贍之費以公濟公欽遵在案查沙瑪爾

巴等資財皆係廟宇中及唐古忒僧俗人等應

用物件臣帶同西藏糧務噶布倫按照藏中市

價逐一據寔估計共估值銀六萬四千六百二

十九兩零各處莊田每年應納青稞酥油羊隻

等項租息共值銀六千零四十兩零前次奏報

後又續經查出沙瑪爾巴聶拉木莊田一處並

欽定西藏紀略

卷五十三

五

南結敦珠卜名下克馬莊田一處每年應得租

銀一千零九十九兩零統共每年應得租銀七

千一百四十兩零一併造具唐古忒字細冊移

咨達賴喇嘛查收其應變各物亦造估冊行知

令其照數變價再查前後藏添設番兵三千名

前經臣等奏請如琿十二名照馬兵之例每名

每年酌給銀三十六兩甲琿二十四名照戰兵

之例每名每年酌給銀二十兩定琿一百二十
 名照守兵之例每名每年酌給銀十四兩八錢
 共需銀二千六百八十八兩番兵三千每名每
 年給青稞二石五斗共青稞七千五百石經軍
 機大臣議准行知在案茲各項莊地每年租價
 內分給如琿等需銀二千六百八十八兩尚餘
 銀四千四百五十二兩零所有番兵每年應支
 青稞七千五百石現令達賴喇嘛將變價之六
 萬四千六百二十餘兩其銀兩僱人開墾荒地
 添補應用是屬有益無細達賴喇嘛可無需再
 從商上增補臣等仍不時稽察毋任商卓忒巴
 等或有侵漁以仰副我
 皇上愛育僧俗番氓至意
 和琳又奏言查藏中大小事件欽奉

欽定西藏紀畧

卷五十三

重

諭旨統歸駐藏大臣辦理自去歲迄今一年有餘凡
 山上執事喇嘛缺出不得不與達賴喇嘛商酌
 更調其主意仍係臣等定奪至于番子一切陞
 遷調轉皆係臣等斟酌人地相宜吩咐噶布倫
 遵行並不與達賴喇嘛商議達賴喇嘛現在亦
 不過問仰托
 皇上威福藏中諸事就緒臣斷不敢稍存遷就有負
 委任均奏入
 上命軍機大臣傅倫和琳曰和琳奏查抄沙瑪爾巴
 等資產估變銀兩遵旨賞給達賴喇嘛足數每年
 如琿甲琿番兵等發贍之用等語此項查抄物產
 賞給達賴喇嘛以爲貼補如琿等口食是屬以公
 濟公但每年動用若干餘剩若干均應由駐藏大
 臣核明分報戶部理藩院以備稽核現在藏內甫

欽定西藏紀畧

卷五十三

重

經整頓之後是以仍留和琳在彼辦理以資駕馭
將來係松筠前往接辦亦屬可信之人但松筠亦
不能久駐藏內嗣後接手者豈能盡如伊二人之
足資倚任設再有如倅習渾者見此項抄變存公
銀兩無所考核任令達賴喇嘛左右之人從中浮
開月銷甚至通同染指更屬不成事體至達賴喇
嘛商上出入前亦有旨交駐藏大臣一體稽察但
欽定廓爾喀紀畧 卷五十三 五
恐商卓忒巴等因官爲查察不能任意侵漁藉稱
商上用度不敷此則不可現在所添番兵已將抄
產賞給支用尚有寬餘至達賴喇嘛用度藏內本
有賦稅且各蒙古番衆布施亦復不少卽有進益
稍少之年亦可哀多益寡如經理得宜自必有盈
無細和琳惟當留心稽核總之藏內諸事節經朕
詳悉指示和琳俱能認真遵辦已有端緒仍宜趁

此斟酌盡善永遠可遵再交與松筠接辦數年定
力奉行俾積習盡消庶將來更換之人卽循謹自
守亦可率由舊章不至仍前廢弛方爲妥善

欽定廓爾喀紀畧卷五十四

八月十一日 辛未

上諭內閣曰此次辦理廓爾喀所有隨征出力之降番前因其打仗立功業經賞給巴圖魯名號及賞翎陞等既已優酬勞績今據福康安奏此項降番屢經徵調最為奮勇此次遠征廓爾喀更屬勞苦出力請照屯練之例一體准其襲替等語降番停

欽定廓爾喀紀畧 卷五十四

襲世職原為慎重屯務起見但念伊等此次調遣遠涉深入徼外勞苦備至非尋常隨征可比著照福康安所奏加恩准其各照本職一體襲替以示軫念屯番逾格恩施至意

上又諭內閣曰現在辦理廓爾喀事竣一切軍需奏銷均須四川總督核辦雖有孫士毅在彼會同查核但伊年老恐精神不能周到且藏內甫經安輯

正資整飭之時而該省地通西路統轄屯土各番控制較為廣遠非威重大臣不足以資鎮撫惠齡在彼雖能謹飭自守但辦事究欠精練福康安新經平定廓爾喀威望素著廣東現無緊要事件福康安著調補四川總督俾其控制邊陲駕馭屯土番眾督辦軍需報銷更足以資倚任

十四日 甲戌 勒保特克慎奏言廓爾喀進

欽定廓爾喀紀畧 卷五十四

貢馴象馬匹查西寧自丹噶爾出口至多倫巴圖爾與西藏交界處所計程三十八站俱係蒙古番子遊牧地方象隻所需食米稻草等項以及官兵來役口糧食物自應由內地裹帶駝運往迎臣勤保隨將應用各物按計程站採辦齊全雇備駝隻駝載派委妥幹員弁分起押送出口逐段安設 臣特克慎酌派筆帖式錫靈阿曉事

之扎薩克等協同臣勒保委員出口妥爲照料
並令沿途各蒙古及各番族預備駝牛羊隻鳥
拉等項以備象馬到境應用按數發給價值詞
扎薩克貝勒濟克墨特依希扎薩克貝子車爾
特恩多爾濟札薩克公拉特納希等來至西寧
而見臣特克慎聲稱我等深受

國恩毫無報効且進貢象馬經行爲從來未有之盛
事應需羊隻等項所值無幾斷不敢收領價值

欽定廣輿記

卷五十四

三

等語臣特克慎見其愛戴踴躍出於至誠况所
需無多是以准其辦供其經過玉樹番族地方
隨時買用羊隻等項臣等飭令委員等按值發
價不致累及番子茲據委員等具報進

貢馴象二隻番馬五匹已於六月初九日抵多倫

巴圖爾境按程行走於七月二十一日進西寧

丹噶爾口沿途支應並無貽誤來役人等亦俱
安靜臣特克慎又札飭筆帖式等妥爲照料由
西寧起身前進奏入

上諭內閣曰廓爾喀進貢象馬經過青海地方該扎
薩克等預備羊隻等項並不敢請領價值踴躍急
公出於至誠殊屬可嘉扎薩克貝勒濟克墨特依
希貝子車爾特恩多爾濟公拉特納希等俱著加
欽定廣輿記 卷五十四 四
恩各賞給緞二疋以示獎勵

十月十三日^{癸酉}和琳成德奏言查從前藏內純
用廓爾喀銀錢以致多腥色高低滋生事端去
年辦理善後事宜臣和琳同福康安等遵奉

聖明指示改鑄乾隆寶藏十足銀錢每銀一兩換一
錢五分重者六圓一錢重者九圓五分重者十
八圓餘銀一錢作爲人工火食其攬銅舊錢每

銀一兩准換八圓具奏奉

旨允行在案臣等初議原因廓爾喀商人到藏唐古

忒商人到廓爾喀彼此交易皆係足色銀錢不

致再有齟齬起見現在已行一年有餘廓爾喀

貿易之人在藏買賣未嘗不用銀錢臨行皆係

易銀前來是兩處銀錢彼此皆不出境亦屬甚

便惟藏中唐古忒僧俗番民及克什米爾巴勒

布商人並內地漢商兵丁等下愚無知不論銀

之腥色高低抵論錢之兌換多寡自去年迄今

攙銅舊錢與新鑄之重一錢及重五分者暢行

無滯惟一錢五分重新錢因祇換六圓之故竟

覺停積臣等再四思維錢法原以通商便民不

敢以臣和琳議奏在前稍存迴護試令監造銀

錢局員暫將一錢五分重銀錢停鑄一面出示

欽定廓爾喀紀畧

卷五十四

五

每銀一兩仍准換一錢重新銀錢九圓五分重

新銀錢十八圓舊錢雖係一錢五分重亦一例

准換九圓試行月餘現在上下稱便新舊通行

應請嗣後毋庸再鑄一錢五分銀錢庶商上成

本有益無虧源源接濟可以永遠奉行

和琳成德又奏言查去年大兵凱旋後經福康

安及臣和琳會檄諭拉特納巴都爾薩野等令

其於該境內詳細搜查有無沙瑪爾巴徒役潛

匿速行解藏嗣於本年六月內據拉特納巴都

爾稟稱遵諭於境內通行搜捕實無一人訪聞

哲孟雄地方有沙瑪爾巴徒弟噶爾瑪受覺噶

爾瑪策旺二人在彼居住等語臣等隨密諭帕

克哩管官令其派委妥人就近傳諭哲孟雄部

長按名拿解旋據廓爾喀買賣頭人來藏稟稱

欽定廓爾喀紀畧

卷五十四

六

行至中道有同來之哲孟雄人吝謹倫珠卜一名逃走此人本係沙瑪爾巴徒弟等情臣等隨嚴飭各口查拿茲於帕克哩盤獲一體押解前來臣等親行提訊據瑪爾瑪妥覺供稱本在羊八井出家跟隨沙瑪爾巴前往陽布住了六年後聞

天朝用兵卻說是沙瑪爾巴惹出來的小的實在告

家範爾密察

卷五十四

七

怕就躲到哲孟雄拉隴寺內居住已有三年再沒又到廓爾喀去據噶爾瑪策旺供稱本年羊八井出家跟隨沙瑪爾巴到陽布住了二年因天氣炎熱告假辭回至哲孟雄拉隴廟內居住並未再往陽布據噶爾瑪敦墊供俗名吝謹倫珠卜哲孟雄人自幼出家五十年到陽布隨沙瑪爾巴作徒弟五十三年還俗娶妻五十四年

充當哲孟雄頭人今年二月護送象馬來藏未敢說出是沙瑪爾巴徒弟各等語反覆研究失口如一伏思該三犯雖皆未與沙瑪爾巴同謀而噶爾瑪敦墊一犯還俗娶妻來往數次行跡尤覺可疑且總屬逆犯徒弟未便寬縱查去年查辦逆犯眷屬時除依什甲木叅及崇傘建本等解京外其餘各犯奉

家範爾密察

卷五十四

八

旨發往兩廣福建烟瘴地方安插今噶爾瑪妥覺等三犯可否亦發烟瘴安插抑或解京之處伏候命下遵行再向來西寧來藏喇嘛並未領有路票應請

勅下理藩院行文各蒙古王公台吉等嗣後如有朝禮學經之人俱由木營王公台吉呈明本處欽差大臣領有路票方准至藏均奏入

上命軍機大臣傳諭和琳成德曰和琳等奏藏地俗

俗番民不知腥羶高低分兩輕重因一錢五分重

新錢所換圓數較少停積難行今和琳等將此項

銀錢停鑄應鑄一錢及五分重兩種照原定之數

易換而巴勒布舊錢亦一例准換九圓新舊通行

上下稱便所辦甚好可謂留心自應如此辦理又

據奏續行拿獲沙瑪爾巴徒弟三吞此內嗜爾瑪受

欽差密察私書

卷五十四

九

督時爾瑪策旺二犯即由四川總督定地發遣烟

瘴地方安插其嗜爾瑪敦堃一犯俟至四川該督

即派員解送來京備訊至各蒙古人等前赴衛藏

雖有給票之例而私行前往者想亦不免今和琳

等奏請一體給票驗行稽察固屬周密但各蒙古

地方遼闊其游牧處所距欽差大臣駐劄地方較

遠者給票之例勢難僻遠周知即使知有此例而

道路紆遠亦恐不能一一請領駐藏大臣因其無

票不准來藏則瞻禮遠顛喇嘛班禪額爾德尼及

熬茶學經之人未免裹足不前達顛喇嘛等所得

布施或因因此減少亦非體卹之道今朕為之定以

限制嗣後各蒙古人等赴藏如在十人以上即照

和琳等所請由本管王公台吉呈明理藩院及本

處欽差大臣給與路票方准至藏其人數在十名

欽差密察私書

卷五十四

十

以下者若情願遵例領票仍著一體給領若無力

呈領路票者祇可聽其自便如此辦理於限制之

中仍寓體卹之意商上布施亦可不致缺乏較為

兩便

十一月初五日

甲

和琳成德奏言查廓爾喀王

子叔姪二人自歸化以來諸事稟明而行實為

小心歸順昨於八月初特遣頭人哈斯達打爾

薩野等至界稱有面稟事件據稱拉木營官稟報前來臣等因發輿路稟差人護送到藏據哈斯達打爾薩野等將其國王請安稟帖呈遞稟稱該國王及其叔巴都爾薩野現在稟道

大皇帝諭旨並大將軍大人教導愛惜百姓和睦鄰封從未多滋事端惟作木朗哲孟雄二部落之

人素來不安本分往往造言生事誠恐聽信一

欽定廓爾喀紀略

卷五十四

十一

面之詞小的國王就得不是所以專差小的等前來回明哲孟雄營官寨並喇嘛廟及其餘各寨落俱被我們佔了已有十餘年現在哲孟雄只剩日尼杵及岡多二處我們現係

天朝子民固不敢妄自動兵亦不敢令其覆滅口下皆係各守境土又作木朗全境廓爾喀亦係佔了多年只剩該部長之叔蘇班色一名現在岡

他往各部落借兵希圖恢復各部落亦皆未曾

幫助我們亦未窮追誠恐蘇班色造言來告求

大人們不要聽他說話並請差官與之定立交

界等語臣等久知哲孟雄作木朗二處並非藏

屬廓爾喀佔已久且該處番民窮苦懦弱貧

佔便宜較唐古忒爲尤甚隨傳噶布倫等詳細

查問委係被廓爾喀佔已有十年與哈斯達

欽定廓爾喀紀略

卷五十四

十二

打爾薩野所說無異是該二部落與藏中毫無關涉臣等公同商酌廓爾喀恭順小心既來請示固不可令其欺凌弱小亦不值代爲分定疆界自當遵撫前

奏置之不問隨於次日傳集哈斯達打爾薩野等

面諭哲孟雄作木朗二部落地方雖非藏內統

屬與達賴班禪二喇嘛從前相好既係兩國侵

佔已有十年之久本

欽差斷不肯仍然令爾退還但哲孟雄部長現在僅

有日尼杵岡多二處棲身作木朗亦僅有蘇班

色一人爾等當體

大皇帝好生之心不可過於追迫各安本分歸告爾

王總以稟遵

大皇帝諭旨和賚降封愛惜百姓方不負

大皇帝諭旨

三

大皇帝成全兩國至意至於邊外極邊地方本

欽差亦不使差官代定交界當據哈斯達拉爾薩野

等伏地叩頭感激悅服之情形於顏色臣等隨

量加賞與盤費派員護送起行一面嚴飭各邊

界頭人亦不得容留該二部落之人致滋事端

奏入

上命軍機大臣傳諭和琳成德日和琳等奏廓爾喀

差頭人哈斯達打爾薩野到藏請安邊寨一摺所

辦得理廓爾喀因侵佔隣近部落地方惟恐其希

圖恢復差人赴藏稟明並又稟請差官定立交界

設遇胸無定見之人又必聽從所請率為割斷邊

界又致生事今和琳即向廓爾喀所差頭人明諭

既不准其欺凌弱小亦不復更為分定疆界更足

以悅服廓爾喀之心而哲孟雄等部落聞知天朝

欽差諭旨

三

割斷公允亦必益加感長辦理實為得當嗣後接

任之員遇有此等事件俱當堅持定見仿照辦理

勿為浮言所惑邊界自可永臻寧謐也

同日

上諭內閣曰成德在外已久年力就衰且非能辦事

之人陝西布政使和寧係蒙古人員人尚明白亦

稍諳衛藏情形著賞給副都統職銜即由彼處馳

赴西藏更換成德幫同和琳辦事不必來京請訓

五十九年六月十五日庚午和琳等奏言臣和琳

於二月間會因唐古忒交界處所向來不甚分

明派委遊擊張志林帶領熟悉邊務之戴琿拉

旺策布丹先行前往各處將應立鄂博地方勘

明俟臣巡閱完後指示堆立茲臣和琳於定日

閱兵完竣隨帶領遊擊張志林噶布倫丹津那

欽定廟爾喀界

卷五十四

五

木結戴琿拉旺策布丹等攜帶噶履底案由薩

迦宗喀聶拉木絨轄定結帕克哩沿途一帶率

同各該處營官悉心講求查對底冊張志林所

擬應立鄂博處所均與噶履底冊及老年番民

稟告相符合查各處路徑崎嶇雪山重疊臣分派

營弁跟同各該營官將舊有嗎呢堆者加高添

砌其全無形跡者一律堆設整齊所有唐古忒

西南與外番布魯克巴哲孟雄作木期洛積湯

廟爾喀各交界均已畫然清楚臣更將我

皇上愛惜唐古忒番民衛持黃教至意明白開導自

噶布倫以下及各番眾無不舉手加額齊聲感

頌歡欣實出至誠再查定結屬下有喀爾達一

處亦係通廓爾喀小徑向屬阿里公管理而阿

里公駐劄前藏每年只派一人前往收取租息

欽定廟爾喀界

卷五十四

六

臣查五十三年廓爾喀即由此處回巢緣不屬

營官管轄是以毫無阻滯今臣飭令噶布倫將

商上非關緊要莊田核其所得租息撥與阿里

公一處兌換將喀爾達歸於定結營官管轄以

重邊防臣和琳回至前藏與臣和寧一一熟商

意見相同從此邊界可期永遠無事足以仰慰

聖懷

和琳等又奏言臣和琳前經

奏明於三月二十五日起身前往後藏江孜定日

各汛查閱官兵隨先赴江孜次至後藏定日看

得都司一員守備二員把總一員外委三員漢

兵二百名戴奉三員如臻八員定奉八十名番

兵二千名演陣整齊鎗礮連絡馬步箭鳥鎗準

頭俱皆如式漢兵藤牌陣法亦皆可觀查自設

欽定廓爾喀紀畧

卷五十四

五

立番兵以來教習二載有餘一切技藝均不在

漢兵以下鳥鎗準頭中三鎗者十有其六臣和

琳於後藏會請班禪額爾德尼一同觀看班禪

及各大喇嘛等食稱

大皇帝護惜黃教設立番兵皆成勁旅使唐古忒畏

備積習頓爾改觀實足以永靖衛藏無不噴噴

讚美合掌頂禮臣和琳將漢番官兵各技藝一

體分爲三等上者賞與銀牌布疋烟茶羊隻

等物中等者賞與烟茶羊隻三等者例不與賞

因係番兵僅賞烟一包其餘不中式者皆當面

責處漢番各兵無不知感知懼仍飭各該管之

備弁戴奉等認真教演臣和琳於五月初十日

回至前藏會同臣和寧將前藏漢番官兵一例

閱看亦俱分別等第獎賞懲責其漢番將弁等

欽定廓爾喀紀畧

卷五十四

六

尚俱弓馬可觀臣等亦各獎以綢緞等物再臣

和琳由前藏歷經各邊界凡向陽低凹處所青

稈均有三四寸不等一望青蔥附近前藏之崗

水等處均有穗苗其地勢稍高處所番民現俱

耕種男婦恬熙安居樂業衛藏元氣已復

和琳等又奏言遊擊張志林在川多年熟於夷

務五十六年由都司帶兵來藏屢次打仗經大

將軍公福康安奏陞今職旋因藏中初設番兵
留令接辦駐藏遊擊事務至今二年有餘該員
敦習番兵整飭營伍井井有條又經派委前往
各邊查勘堆立鄂博處所不辭勞瘁攀藤附葛
窮歷各邊毫無遺漏洵屬得力之員合無仰懇
皇上格外

天恩賞與叅將陞銜遇有缺出卽行補授以爲邊防
欽定庸庸錄卷五十四 五
出力者勅均奏入

上諭內閣曰唐古忒地方毗連外番向因界址不甚
分明易致爭擾此次經和琳帶同遊擊張志林等
由沿邊一帶親自履勘悉心講求一律堆設鄂博
所有唐古忒西南與外番布魯克巴哲孟雄作木
朗洛敏湯廓爾喀各交界均已畫然清楚邊界可
期永遠寧謐至前後藏番漢官兵向來最爲懦弱

今經和琳等嚴飭訓練親加查閱分別獎懲使新
設番兵皆成勁旅實爲衛藏所未有和琳辦理一
切均爲妥協著賞給御川大荷包一對小荷包四
個以示優眷至張志林屢經打仗此次接防駐藏
經和琳委令查勘鄂博訓練營伍均能遵辦妥協
尚爲邊防得力之員張志林著照所請賞給叅將

陞銜遇有缺出卽行補授並著賞戴花翎用示獎
勵
欽定庸庸錄卷五十四 五

同日和琳等又奏查五十七年福康安等
奏定章程每年春秋二季駐藏大臣分往各邊界
巡閱一次順道閱兵等因經軍機大臣議准在
案彼時臣和琳係會辦之人緣廓爾喀初服邊
疆甫定須得大臣前往巡閱藉以彈壓現經二
載有餘仰賴

皇上洪福天威廓爾喀極爲小心恭順其俺邊外如
哲孟雄各小部落仰息於人斷無他慮又經臣
和琳各處堆立鄂博境界分明可期無事更查
衛藏地方較冷三四月間方始播種八九月間
收割凡巡閱之期正番民畏忙之候雖減從輕
騎一切照例給發價值而所用烏拉人夫在所
不免况邊境俱係寧謐衛藏稟奉約東臣等公
同商酌似應請

欽定四庫全書

卷五十四

三

旨嗣後駐藏大臣每年於五六月農閒之時閱邊看
兵一次既不致營伍廢弛亦不致有妨農業奏
入
上從之

十月十四日

戊辰

上命軍機大臣傳諭福康安曰朕披閱廓爾喀紀畧

福康安自第哩朗古宗喀進兵收復濟龍攻克熱
索橋並由協布魯進攻東覺山巖等木城喇卡全
行克獲該處路徑險峻林深符密福康安率領巴
圖魯侍衛官兵等於人迹不到之處攀援登陟連
次克捷實爲艱苦備嘗披覽之餘殊深眷念福康
安已調任雲貴總督此時自由重慶前赴雲南時
屆孟冬天氣漸寒特將御服黑狐大腿褂賞給俾
資途中禦寒以示優眷

欽定四庫全書

卷五十四

三

臣等謹案廓爾喀僻在遐荒惡恃險阻以爲
天討所不能加前此搆毀滋事之初復因巴忠等還
就完局並未懾以兵威致閱時未久又有規掠
後藏之事我

皇上命將進征履積雪於千盤拳懸崖於一綫長驅
迅掃舊彼遊魂追師臨陽布拉特納巴都爾遣

其頭目請伏軍門再三籲懇悔罪投誠

皇上如

天好生之意不忍令閩部生靈盡罹鋒鏑是用網開一

面振凱班師廓爾喀稟遵約束歸藏疆之侵地

納

貢費以來庭螳臂莫支鴛音行革舉自古梗化之

區悉主悉臣不殊戶闔蓋惟

欽定廓爾喀紀畧

卷五十四

重

揚以武烈乃能被以懷柔迄乎旋兵以後所有藏衛

經理事宜均蒙

訓示周詳躬垂永久邊徼奉紀綱之肅番氓霑樂利

之休

聖天子德施廣遠實爲史牒罕覩宜乎噍喑喇荷蘭

諸國聞風嚮慕航海輪琛也哉

欽定廓爾喀紀畧卷五十四